NOUVO TESTAMAN AVĖK SOM YO

## NOUVO TESTAMAN SEGNE E SOVE NOU JEZU-KRI AVEK SOM YO

SOCIÉTE BIBLIQUE AMERICAINE Port-au-Prince

Haïti

## New Testament

## Haitian Edition

## Copyright 2015 Voice Media

## info@VM1.global <br> Web home: www.VM1.global

All rights reserved. No part of the publication may be reproduced, distributed or transmitted in any form or by any means, including photocopying, recording, or other electronic, or mechanical methods, without the prior written permission of the publisher, except in the case of brief quotations embodied in critical reviews and certain other noncommercial uses permitted by copyright law. For permission requests, email the publisher, addressed "Attention: Permission Coordinator," at the address above.

This publication may not be sold, and is for free distribution only.

Mo ki ankadré konsa $\llcorner\ldots$ yo jouinn yo ékri nan kèk manuskri, ou prémié kopi ki té ékri nan lang grèk, min yo pa jouinn yo nan tout.

# LIS LIV NOUVO TESTAMAN AN AVEK SŌM YO 

Kantité chapit ..... Paj
Matié ..... 28 ..... 1
Mak ..... 16 ..... 48
Luk ..... 24 ..... 78
Jan ..... 21 ..... 132
Travay Apòt ..... 28 ..... 169
Romin ..... 16 ..... 217
1 Korintyin ..... 16 ..... 238
2 Korintyin ..... 13 ..... 258
Galat ..... 6272
Efézyin ..... 279
Filipyin ..... 285
Kolosyin ..... 290
1 Tésalonisyin. ..... 295
2 Tésalonisyin. ..... 299
1 Timoté ..... 302
2 Timoté ..... 307
Tit ..... 311
Filémon ..... 313
Ébré ..... 315
Jak ..... 331
1 Piè. ..... 336
2 Piè ..... 342
1 Jan ..... 345
2 Jan ..... 351
3 Jan ..... 352
Jud ..... 353
Apokalips ..... 22 ..... 355
Sòm ..... 150 ..... 379
Créole (Haïti) N. T. \& Ps. \#350-356P
ABS-1960-30M (35M)-Q

## Lévanjil sélon

 MATIÉZansèt Jézu-Kri

1Zansèt Jézu-Kri, pitit David, pitit Abraam.
2 Abraam té fè Izaak; Izaak fè Jakòb; Jakòb fè Juda épi frè li yo; ${ }^{3}$ Juda té papa Farèz é Zara, ké li té fè avèk Tama; Farèz fè Esròm; Esrom fè Aram; ${ }^{4}$ Aram fè Aminadab; Aminadab fè Naason; Naason fè Salmon; ${ }^{5}$ Salmon té papa Boaz, ké li té fè avèk Raab; Boaz té papa Obèd, ké li té fè avèk Rut; ${ }^{6}$ Obèd fè Izai; Izai fè David.
Roua David té papa Salomon, ké li té fè avèk madanm Uri; ${ }^{7}$ Salomon fè Roboam; Roboam fè Abia; Abia fè Asa; ${ }^{8}$ Asa fè Jozafa; Jozafa fè Joram; Joram fè Ozias; ${ }^{9}$ Ozias fè Joatam; Joatam fè Akaz; Akaz fè Ezékias; ${ }^{10}$ Ézékias fè Manasé; Manasé fè Amon; Amon fè Jozias; ${ }^{11}$ Jozias fè Jékonias ak frè li yo, nan tan yo t-ap ékzilé Juda nan Babilon.
12 Lè moun ékzilé yo fi-n rivé nan Babilơn, Jékonias fè Salatièl; Salatièl fè Zorobabèl; ${ }^{13}$ Zorobabèl fè Abiud; Abiud fè Éliakim; Eliakim fè Azò; ${ }^{14}$ Azò fè Sadòk; Sadòk fè Akim; Akim fè Eliud; ${ }^{15}$ Eliud fè Éléaza; Éléaza fè Matan; Matan fè Jakòb; ${ }^{16}$ Jakòb fè Jozèf, ki té marié
ávèk Mari, ki té manman Jézu, ké yo rélé Kris.
17 Donk, dépi Abraam jouk David, an-tou gin katòz jénérasion; dépi David jouk Juda ékzilé a Babilòn, gin katòz jénérasion; é dépi ékzil Babilòn nan juska Kris, gin katòz jénérasion.

## Nésans Jézu-Kri

18 Min ki jan Jézu-Kri té fèt.
Manman li, Mari, ki té fiansé avèk Jozèf, té trouvé vi-n ansint gras-a puisans Sint-Éspri, anvan yo té antré nan kay ansanm. ${ }^{19}$ Jozèf, mari li, ki té gnou nonm dé byin é ki pa-t vlé mété li nan la ru, té désidé kité-l san bri. ${ }^{20}$ Étan li t-ap réfléchi sou sa, min-ni, gnou zanj lé Ségnè parèt dévan li nan rèv, é li di: Jozèf, pitit David, pa pè pran Mari pou madanm ou, paské pitit l-ap pòté a, sa sòti nan Sint-Espri. ${ }^{21} \mathrm{Li}$ va fè gnou pitit gason, é ou va rélé non li Jézu; sé li k-a sové pèp li an-ba péché yo.
22 Tou sa rivé pou paròl lé Ségnè té anonsé pa mouayin profèt la té kapab akonpli:
${ }^{23}$ Min-ni, jèn fi a va ansint, li va fè gnou gason,
É yo va rélé non li Émanuèl, ki vlé di: Bon-Dieu ak nou. 24 Lè Jozèf révéyé, li fè jan zanj lé Ségnè a té ba li lòd
pou-l fè; li pran madanm li nan kay avèk li. ${ }^{25}$ Min li pat mété-l avè̀l, jouk lè li té fè gnou gason, ké li bay non Jézu.

## Vizit maj yo

2Lè Jézu té fèt Bétléèm nan Judé, sou tan roua Éròd, min-ni, gin kèk maj, moun péyi Lévan, ${ }^{\text {a }}$ i té rivé Jéruzalèm, ${ }^{2}$ yo di: Koté roua Jouif yo, ki fèk fèt la? Paské nou ouè zétoual li nan Lévan, é nou vi-n adoré li.
3 Lè roua Éròd té aprann sa, li té troublé, épi tout Jéruzalèm té troublé avèk li. ${ }^{4} \mathrm{Li}$ rasanblé tout prinsipal sakrifikatè yo ak éskrib pèp yo, li pran ranségnman nan min yo sou ki bò lé Kris té gin pou fèt. ${ }^{5}$ Yo di li: A Bétléèm nan Judé; paské min sa profèt la té ékri:
${ }^{6}$ E ou-minm, Bétléèm, tè Juda,
Sé sètin, ou pa pi piti nan prinsipal vil Juda yo;
Paské pral gin gnou chèf ki sòti nan ou;
L-a kondui pèp mouin Izraèl.
7 Alò Éròd rélé maj yo an sékrè, é li pran ranségnman ékzak nan min yo sou ki tan zétoual la té parèt. ${ }^{8}$ Épi li voyé yo Bétléèm, li di yo: Alé, pran infòmasion ékzak sou ti moun nan; lè nou va jouinn li, fè-m konnin, pou-m kapab al adoré li, mouinminm tou.
9 Apré yo té tandé roua a,
maj yo pati. É min-ni, zétoual yo té ouè nan Lévan an, t-ap alé dévan yo, jouk lè li rivé an-lè lié koté ti moun nan té yé, épi li rété. ${ }^{10}$ Lè yo ouè zétoual la, yo té réjoui ak anpil joua. ${ }^{11}$ Yo antré nan kay la, yo ouè ti moun nan ak Mari, manman li; yo bésé fas-a-tè dévan li, é yo adoré li. Épi yo ouvri trézò yo, é yo prézanté li kèk kado: lò, lansan épi mir. ${ }^{12}$ Epi nan gnou rèv ki sòti nan Bon-Dieu, yo résévoua avètisman pou yo pa tounin koté Éròd; yo tounin nan péyi yo pa gnou lòt rout.

## Yo tué ti bébé yo

13 Lè yo té pati, min-ni, gnou zanj lé Ségnè parèt nan rèv dévan Jozèf, li di: Lévé, pran ti moun nan ak manman li, sové alé ann Éjip, é rété la jouk mouin palé ak ou; paské Eròd pral chaché ti moun nan pou tué-l. ${ }^{14}$ Jozèf lévé nan nuit la, li pran ti moun nan ak manman li, é li ralé kò li ann Éjip. ${ }^{15} \mathrm{Li}$ rété la jouk la mò Eròd; konsa paròl lé Ségnè té anonsé pa mouayin profèt la té akonpli: Mouin rélé pitit mouin sòti ann Éjip.
16 Lè Éròd ouè ké maj yo té pasé li nan jouèt, li té ankolè anpil; li voyé tué tout ti moun ki té nan Bétléèm épi nan tout téritoua o zalantou a, dépi laj déz an al pi-ba, dapré dat ékzak maj yo té di li. ${ }^{17}$ Alò sa Jérémi, profèt la, té anonsé a, té akonpli:
a 2:1 Sa vlé di solèy lévan ou koté solèy la lévé.

18 Yo tandé rèl nan Rama, Krié ak gran lamantasion: Rachèl ap krié pou pitit li yo,
É li pa vlé konsolé, Paské yo pa la ankò.
19 Apré la mò Éròd, min-ni, gnou zanj lé Ségnè parèt nan rèv dévan Jozèf ann Ejip, ${ }^{20}$ é li di: Lévé, pran ti moun nan ak manman li, é alé nan péyi Izraèl; paské moun yo ki té vlé pran la vi ti moun nan, yo mouri. ${ }^{21}$ Jozèf lévé, li pran ti moun nan ak manman li, l-alé nan péyi Izraèl. ${ }^{22}$ Min lè li tandé Akélaus t-ap gouvèné la Judé nan plas papa li, Eròd, li krinn alé la. Etan nan rèv li résévoua gnou avètisman ki sòti nan BonDieu, li ralé kò li nan téritoua Galilé, ${ }^{23}$ é li vi-n rété nan gnou vil yo rélé Nazarèt. Sé konsa parol profèt yo té anonsé a, té akonpli: Yo va rélé li Nazaréyin.

## Jan-Batis ap préché

3Nan tan sa a, Jan-Batis parèt, ap préché nan dézè la Judé a. ${ }^{2}$ Li t-ap di: Répanti nou, paské rouayom sièl la tou pré. ${ }^{3}$ Profèt Ézai té palé a-léga Jan, lè li té di:

Min voua sila $k$-ap rélé nan dézè a:
Préparé chémin lé Ségnè,
Plani rout li.
4 Jan té mété gnou rad poual chamo, ak gnou sinturon kui nan rin li. Manjé li sé té krikèt ak gato mièl nan boua. ${ }^{5}$ Moun Jéruzalèm, ak moun tout la Judé épi tout péyi ki vironnin la riviè Joudin, t-alé koté li; ${ }^{6}$ é lè yo té konfésé
péché yo, li té batizé yo nan la riviè Joudin.
7 Min lè li té ouè anpil farizyin ak saduséyin vi-n nan batèm li, li di yo: Ras sèpan, ki moun ki montré nou kouri pou kolè k-ap vini an? ${ }^{8}$ Donnin foui ki dakò ak répantans tout bon non, ${ }^{9}$ é pa gin prétansion pou nou di nan kè nou: Sé Abraam ki papa nou oui! Paské mouin déklaré nou ké Bon-Dieu kapab fè pitit Abraam ak roch sa yo. ${ }^{10}$ Déja yo mété rach nan rasi-n pié boua yo: donk, tout pié boua ki pa donnin bon foui, yo pral koupé-l épi jété-1 nan du-fé. ${ }^{11}$ Kant-a mouin, m-batizé nou ak dlo pou fè nou konprann la répantans; min sila ki vi-n apré mouin an gin plus puisans pasé-m, é mouin pa dign pou pòté soulié li. Sé li-minm ki va batizé nou ak Sint-Éspri épi du-fé. ${ }^{12} \mathrm{Li}$ gin gnou layé nan min li; l-a nétouayé glasi li pròp nèt, é l-a ranmasé grinn blé li nan grénié, min l-a boulé pay la nan du-fé ki p-ap janm mouri a.

## Batèm Jézu

13 Alò Jézu sòti Galilé, li vi-n la riviè Joudin koté Jan, pou Jan batizé li. ${ }^{14}$ Min Jan opozé sa, li di: Sé mouin ki bézouin ou batizé-m, épi ou vini jouinn mouin! ${ }^{15}$ Jézu réponn li: Kité sa fèt kounyé a; paské sé konvénab pou nou akonpli konsa ṭout bagay ki just. Ean pat kontinué rézisté. ${ }^{16}$ Kou Jézu fi-n batizé, li sòti nan dlo a. E min-ni, sièl la ouvri épi li ouè

Léspri Bon-Dieu désann sou li tankou gnou pijon. ${ }^{17}$ E min-ni, gnou voua sòti nan sièl la, li di konsa: Sila a sé Pitit mouin rinmin anpil la, mouin mété tout aféksion mouin souli.

## Tantasion Jézu

4Alò Léspri kondui Jézu nan dézè a, pou Diab la tanté-l. ${ }^{2}$ Apré Jézu rété san manjé karant jou ak karant nuit, li té grangou. ${ }^{3}$ Tantatè a proché, li di Jézu: Si ou sé Pitit Bon-Dieu a, bay lòd pou ròch sa yo tounin pin. ${ }^{4}$ Jézu réponn: Sa ékri: Lòm p-ap viv ak pin sèlman, min ak tout parol ki sòti nan bouch Bon-Dieu.
5 Diab la transpòté li Jéruzalèm, li mété-l sou pouint tèt tanp la, ${ }^{6}$ li di-l: Si ou sé Pitit Bon-Dieu a, lagé kò ou an-ba; paské sa ékri:

L-a bay zanj li yo lòd pou yo véyé ou;
E y-a póté ou nan min yo,
Pa krint pou ou pa kasé pié ou sou kèk ròch.
${ }^{7}$ Jézu di li: Sa ékri tou: Ou p-ap tanté lé Ségnè, BonDieu ou.
8 Diab la transpòté-l ankò sou gnou mòn ki té ro anpil; li montré-l tout rouayom lé monn yo avèk la gloua yo, ${ }^{9}$ é li di-1: M-a ba ou tout bagay sa yo, si ou bésé fas ou dévan mouin épi adoré-m. 10 Jézu di-1: Ralé kò ou, Satan! Paské sa ékri: Ou va adoré lé Ségnè Bon-Dieu ou, é sé li-minm sèl ou va sèvi.
11 Alò Diab la kité-l. E
min-ni, kèk zanj proché koté Jézu, é yo sèvi-l.

## Jézu kòmansé travay li

12 Lè Jézu tandé ké yo té fèmin Jan nan prizon, li ralé kò li nan Galilé. ${ }^{13} \mathrm{Li}$ kité Na zarèt é li vi-n rété Kapènaòm, gnou vil tou pré la mè, nan téritoua Zabulon ak Nèftali. ${ }^{14}$ Konsa paròl profèt Ézai té anonsé a, té akonpli: ${ }^{15}$ Pèp Zabulon ak Nèftali,

Péyi tou pré la mè, péyi lòt bò Joudin an,
Ak Galilé payin yo,
${ }^{16}$ Pèp sa a ki chita nan ténèb Ouè gnou gran lumiè;
E lumiè lévé sou moun yo Ki té chita nan téritoua ak nan lonbraj la mò.
17. Dépi lè sa a Jézu kòmansé préché, li di: Répanti nou; paské rouayom sièl la tou pré.
18 Kòm li t-ap maché bò la mè Galilé, li ouè dé frè, Simon ki té rélé Piè, avèk André, frè li, ki t-ap jété filè nan la mè a; paské sé péchè pouason yo té yé. ${ }^{19} \mathrm{Li}$ di yo: Suiv mouin, m-a fè nou vi-n péchè lèz òm. ${ }^{20} \mathrm{Minm}$ lè a yo kité filè yo, épi yo suiv li. ${ }^{21} \mathrm{Li}$ kité la, li avansé pi louin, li ouè dé lòt frè, Jak, pitit Zébédé, avèk Jan, frè li, ki t-ap rakomodé filè nan bato yo, ak Zébédé, papa yo. . Li rélé yo, ${ }^{22}$ é minm lè a yo kité bato a épi papa yo, é yo suiv li.
23 Jézu t-alé nan tout la Galilé, apé bay anségnman nan sinagòg yo; li t-ap préché Lévanjil rouayom nan, épi li t-ap géri tout maladi ak tout
infimité nan pèp la. ${ }^{24}$ Rénonmin lị té répann nan tout la Siri. É yo vi-n prézanté-l tout moun ki té soufri maladi ak divès kalité doulè, moun ak movèz éspri, moun fou, moun paralizé; é li géri yo. ${ }^{25}$ Gnou gran foul té suiv li, sòti Galilé, la Dékapol, Jéruzalèm, la Judé, épi lòt bò la riviè Joudin.

## Anségnman sou mòn nan: paròl bénédiksion yo

5Lè Jézu ouè foul la, li monté sou mòn nan; apré li té chita, disip li yo proché koté li. ${ }^{2}$ Epi li ouvri bouch li, li pran ba yo anségnman, li di:
3 Byinn-éré moun ki pòv nan léspri yo, paské rouayom sièl la sé pou yo!
4 Byinn-éré moun ki nan lafliksion, paské yo va konsolé!
5 Byinn-éré moun ki dou, paské la tè va éritaj yo!
6 Byinn-éré moun ki grangou é ki souaf la justis, paské yo va rasazié!
7 Byinn-éré moun ki gin mizérikòd, paské yo va jouinn mizérikòd!
8 Byinn-éré moun ki gin kè yo tou nèt, paské yo va ouè Bon-Dieu!
9 Byinn-éré moun ki travay pou la pè, paské yo va rélé yo pitit Bon-Dieu!
10 Byinn-éré moun ki an-ba pèsékusion paské yo fè sa ki just, paské rouayom siè la sé pou yo!
11 Nou va byinn-éré lè yo va manké nou déga, lè yo va pèsékuté nou é ké yo va
di tout bagay ki mal sou nou san rézon, pou-tèt mouin. ${ }^{12}$ Réjoui nou, é fè kè nou kontan, paské rékonpans nou va gran nan sièl; sé konsa yo té pèsékuté profèt yo ki té vini avan nou.

## Sel la tè

13 Nou sé sèl la tè. Min si sèl pèdu gou li, avèk ki sa yo va ba li gou ankò? Li bon sèlman pou yo jété-l déyò, pou moun foulé sa an-ba pié.

## Lumiè lé monn

14 Nou sé lumiè lé monn. Gnou vil ki bati an-ro gnou mòn pa kapab kaché; ${ }^{15}$ é yo pa lumin gnou lanp pou mété-l an-ba gnou bidon; min yo mété li sou gnou étajè, é li kléré tout moun ki nan kay la. ${ }^{16}$ Sé konsa pou lumiè nou kléré dévan lèz òm, pou yo ouè bon zèv nou, é pou yo rann gloua pou Papa nou ki nan sièl.

## Lidé Jézu sou la Loua

17 Pa fè lidé ké mouin vi-n pou aboli la Loua ou-byin Profèt yo; m-pa vi-n pou aboli, min pou akonpli. ${ }^{18}$ Paské mouin di nou an vérité, avan sièl la ak tè a pasé, gnou sèl ti i, ni gnou sèl mak lèt ki ékri p-ap disparèt nan la Loua, jouk tan tout bagay akonpli. ${ }^{19}$ Donk moun k-a aji kont gnoun nan komandman sa yo ki pi piti, é $k$-a anségné lèz òm pou yo aji minm jan, va pòté non pi piti nan rouayom sièl la; min moun k -a suiv kòmandman sa yo é k-a anségné lèz òt
obsèvé yo, va pòté gro non nan rouayom sièl la. ${ }^{20}$ Paské mouin di nou: Si justis nou pa dépasé pa éskrib yo ak farizyin yo, nou p-ap antré nan rouayom sièl la.

## Lidé Jézu sou kolè

21 Nou tandé ké yo té di zansèt yo: Ou pa pou tué moun; moun ki tué moun mérité jujé. ${ }^{22}$ Min mouin, m-di nou: Ninpòt moun ki an-kolè kont frè li, mérité jujé; moun ki di frè-l: Inbésil! mérité jujé nan tribunal; é sila a ki di frè-l: Moun fou! mérité lanfè. ${ }^{23}$ Donk, si ou ap prézanté ofrann ou sou lotèl, épi étan ou la ou sonjé ké frè ou gin kichòy kont ou, ${ }^{24}$ kité ofrann ou la dévan lotèl la, é alé tou dabò rékonsilié ak frè ou; apré sa, vi-n prézanté ofrann ou. ${ }^{25}$ Présé mété ou dakò ak advèsè ou étan ou nan chémin avè-l, pa krint pou li pa livré ou bay juj la, pou juj la pa livré ou bay gad la, pou ou pa alé nan prizon. ${ }^{26}$ An vérité mouin di ou, ou p-ap kit tout tan ou pa péyé dènié santim nan.

## Lidé Jézu sou adultè

27 Nou tandé yo té di: Ou pa pou konmèt adultè. ${ }^{28}$ Min mouin, m-di nou: Ninpòt moun ki voyé gnou kout jé sou gnou fanm, avèk apéti, li déja konmèt adultè avè-l nan kè li. ${ }^{29}$ Si grinn jé douat ou ap fè ou tonbé nan péché, raché-l jété louin ou; paské sa pi bon pou gnou manm nan kò ou péri, o-lié pou yo voyé kò ou tout antié jété nan lanfé.
${ }^{30}$ É si min douat ou ap fè ou tonbé nan péché, koupé-l jété louin ou; paské sa pi bon pou gnou manm ou péri, o-lié pou tout kò ou al nan lanfè.

## Lidé Jézu sou divòs

31 Yo té konn di: Si gnou nonm kité ak madanm li, sé pou-l ba li gnou lèt divòs. ${ }^{32}$ Min mouin, m-di nou: Tout òm ki kité ak madanm li, sòf pou kòz inkonduit, ékspozé madanm nan pou-l vi-n gnou adultè, é moun ki marié ak gnou fanm divòsé, konmèt adultè.

## Lidé Jézu sou sèman

33 Nou tandé ankò yo té di zansèt yo: Sé pa pou ou fè sèman manti, min ou-a akonpli an favè lé Ségnè sèman ou té fè. ${ }^{34}$ Min mouin, m-di nou pa fè sèman minm, ni sou sièl la, paské sé tròn BonDieu; ${ }^{35}$ ni sou tè a, paské sé mach-pié li; ni sou Jéruzalèm, paské sé vil gran Roua a. ${ }^{36} \mathrm{~Pa}$ fè sèman non plus sou tèt pa ou, paské ou pa kapab fè gnou sèl chévé ou vi-n ni blan ni noua. ${ }^{37}$ Min sé pou paròl ou: oui, oui; non, non; sa yo mété an-plus sòti nan Satan.

## Lidé Jézu sou vanjans

38 Nou tandé yo té di: Jé pou jé, é dan pou dan. ${ }^{39}$ Min mouin, m-di nou pa fè tèt ak méchan. Si gnou moun ba ou gnou kalòt sou bò douat, prézanté-l lòt bò a tou. ${ }^{40} \mathbf{S i}$ gnou moun vlé plédé ak ou pou-l pran chémiz ou, kité vès la ba li tou. ${ }^{41} \mathrm{Si}$ gnou
moun vlé fòsé ou fè gnou kilomèt avèk li, fè dé avè-l. ${ }^{42}$ Bay moun ki mandé ou, é pa viré do bay moun ki vlé prété nan min ou.

## Lidé Jézu sou énmi yo

43 Nou tandé yo té di: Sé pou ou rinmin prochin ou, épi rayi énmi ou. ${ }^{44} \mathrm{Min}$ mouin, m-di nou: Rinmin énmi nou yo, béni moun ki ban nou madichon, fè moun ki rayi nou du byin, é lapriè pou moun k-ap maltrété nou épi k-ap pèsékuté nou ${ }^{45}$ pou nou kapab pitit Papa nou ki nan sièl; paské li fè solèy li lévé ni sou moun ki méchan, ni sou moun ki bon, é-l fè la pli tonbé ni sou moun ki just, ni sou moun ki injust. ${ }^{46} \mathrm{Si}$ ou rinmin moun ki rinmin ou, ki rékonpans ou mérité? Eské kontrolè kontribusion yo pa fè sa tou? ${ }^{47}$ É si sé frè nou sèlman nou salué, ki sa nou fè la ki éstraòdinè? Ėské payin yo minm pa fè sa tou? ${ }^{48}$ Donk sé pou nou bon sou tout pouin, minm jan Papa nou ki nan siè bon sou tout pouin.

## Anségnman Jézu sou késion dé fè charité

6Pran prékosion nou pou-n pa chaché fè bon zèv nou parèt dévan lèz òm, pou yo ouè sa; si non, nou p-ap gir: rékonpans nan min Papa nou ki nan sièl.
2 Donk, lè ou ap fè charité, pa fè sonnin tronpèt dévan ou, tankou ipokrit yo fè nan sinagòg yo épi nan la ru, pou lèz òm kapab louanjé pou
yo. An vérité mouin di nou, yo résévoua rékonpans yo. ${ }^{3}$ Min lè ou ap fè charité, sé pa pou min gòch ou konnin sa min douat ou fè, ${ }^{4}$ pou la charité ou kapab fèt an sékrè; é Papa ou ki ouè an sékrè, va ba ou rékonpans ou.

## Ansêgnman Jézu sou la priè

5 Lè n-ap lapriè, pa fè tankou ipakrit yo ki rinmin lapriè kanpé nan sinagòg épi nan kafou pou moun ouè yo. An vérité mouin di nou, yo résévoua rékonpans yo. ${ }^{6}$ Min lè ou ap laprié, antré nan chanm ou, fèmin pòt ou, lapriè Papa ou ki la, an sékrè; é Papa ou ki ouè an sékrè, va ba ou rékonpans ou.
7 Lè ou ap lapriè, pa répété paròl pou grin-mési tankou payin yo, ki kouè yo va ékzosé paské yo palé anpil. ${ }^{8}$ Sé pa pou nou sanblé ak yo; paské Papa nou konnin ki sa nou bézouin, anvan nou mandé-l li. ${ }^{9}$ Donk, min jan pou nou lapriè:

Papa nou ki nan sièl! Ké non ou jouinn tout réspè;
${ }^{10}$ Ké règn ou vini; ké volonté ou akonpli sou tè a tankou nan sièl.
${ }^{11}$ Ban nou, jodi a, pin chak jou nou;
${ }^{12}$ Padonnin nou péché nou, tankou nou padonnin moun ki ofansé nou;
${ }^{13} \mathrm{~Pa}$ minnin nou nan tantasion, min délivré nou an-ba Malin an.
Paské règn, puisans, avèk la gloua sé pou ou nan tout létènité. Amèn!
14 Si nou padonnin lèz òm
ofans yo, Papa nou ki nan sièl va padonnin nou tou; ${ }^{15} \mathrm{~min}$ si nou pa padonnin lèz om, Papa nou p-ap padonnin nou ofans pa nou non plus.

## Anségnman Jézu sou fè jèn

16 Lè n-ap fè jèn, pa pran gnou lè tris tankou ipokrit yo, ki chaché bay gnou figu kagou, pou lèz òm ouè y-ap fè jèn. An vérité mouin di nou, yo résévoua rékonpans yo. ${ }^{17}$ Min ou-minm, lè ou ap fè jèn, pasé ponmad nan tèt ou é lavé figu ou, ${ }^{18}$ pou moun pa ouè ké ou ap fè jèn, sòf Papa ou ki la an sékrè; é Papa ou ki ouè an sékrè, va ba ou rékonpans ou.

## Trézò nan sièl la

19 Pa anpilé richès sou la tè, koté ki gin vè ak rouyé k -ap détoui, koté ki gin brigan $k$-ap pèsé épi k -ap vòlò. ${ }^{-20} \mathrm{Min}$ anpilé richès nan sièl la, koté ki pa gin ni vè ak rouyé $k$-ap détoui, ni brigan $k$-ap pèsé épi k-ap vòlò. ${ }^{21}$ Paské koté richès ou yé, sé la kè ou va yé tou.

## Lanp ki kléré kò a

22 Jé sé lanp kò. Si jé ou bon, tout kò ou va nan lumiè; ${ }^{23}$ min si jé ou malad, tout kò ou va nan ténèb. Donk si lumiè ki an-dédan ou nan sé ténèb, ala pouès ténèb sa a pouès!

## Bon-Dieu aoèk byin d-la tè

24 Pèsonn pa kapab sèvi dé mèt. Paské, soua l-a rayi gnoun é l-a rinmin lot la; soua l-a ataché-l ak gnoun
é l-a méprizé lòt la. Nou pa kapab sèvi Bon-Dieu épi byin d-la tè.

## La pinn aoèk tèt chajé

25 Sé pou sa mouin di nou: Pa chajé tèt nou pou la vi nou, ap mandé ki sa nou va manjé $\llcorner k i$ sa nou va bouè $\rfloor$, ni pou kò nou, ap mandé ki sa nou va mété sou nou. Eské la vi pa plus pasé manjé, épi kò a plus pasé rad? ${ }^{26}$ Gadé zouazo ki an-lè: yo pa simin, yo pa fè rékòt, yo pa anpilé nan grénié; é Papa nou ki nan sièl la nouri yo. Èské nou pa vo anpil plus pasé yo? ${ }^{27} \mathbf{K i}$ lès nan nou ki kapab, avèk chajman d-tèt li, fè la vi li gnou ti kal pi long? ${ }^{28}$ E sou afè dé rad, pouki nou chajé tèt nou? Pran léson nan min flè lis yo ki nan jadin, jan yo grandi: yo pa travay, yo pa fè toual. ${ }^{29}$ Malgré sa, mouin di nou ké minm Salomon, nan tout la gloua li, pa-t abiyé tankou gnoun nan flè sa yo. ${ }^{30} \mathrm{Si}$ sé konsa Bon-Dieu abiyé zèb nan jadin, ki la jodi a, épi démin yo jété sa nan founo, sé pa mandé si li va abiyé nou, moun ki manké la foua. ${ }^{31}$ Donk, pa chajé tèt nou, é pa di: Ki sa nou va manjé? Ki sa nou va bouè? Ki sa nou va mété sou nou? ${ }^{32}$ Paské tout bagay sa yo, sé payin yo ki mét sa nan tèt yo tout tan. Papa nou ki nan sièl konnin ké nou bézouin tou sa. ${ }^{33}$ Chaché rouayom BonDieu ak justis li an-prémié; épinou va résévoua tout bagay sa yo kòm djégi. ${ }^{34}$ Donk pa chajé tèt nou pou démin;
paské démin va okupé afè pa
li. Chak jou pòté kont chaj li.

## Jujman sou prochin

7Pa jujé, pou yo pa jujé nou. ${ }^{2}$ Paské, sé jan nou jujé ké y-a jujé nou, é sé ak mézu nou sèvi ké $y$-a sèvi pou nơu. ${ }^{3}$ Kòman ou fè ouè pay ki nan jé frè ou, é ou pa minm rémaké bout poto a ki nan jé pa ou? ${ }^{4} \mathrm{Ou}$-byin, kòman ou fè di frè ou: Kitè-m ouété pay ki nan jé ou la, ou-minm ki gin gnou bout poto nan jé pa ou? ${ }^{5}$ Ipokrit! Tou dabob, ouété bout poto a nan jé pa ou, é apré sa ou-a ouè pou ou ouété pay ki nan jé frè ou la.
6 Pa bay chin bagay ki sakré, é pa jété bijou pèl nou dévan pouso, pa krint pou yo pa foulé sa an-ba pié, é pou yo pa viré vi-n déchiré nou.

Mandé, chaché, frapé
7 Mandé é y-a ban nou; chaché é n-a jouinn; frapé é y-a louvri ban nou. ${ }^{8}$ Paské ninpòt moun ki mandé, résévoua;mounkichaché, jouinn; é y-a louvri bay moun ki frapé. ${ }^{9} \mathrm{Ki}$ lès nan nou, si pitit li mandé-l pin, li ta ba li gnou ròch? ${ }^{10} \mathrm{Ou}$ si pitit li mandé pouason, èské li ta bal gnou koulèv? ${ }^{11}$ Donk, si mové jan nou mové a, nou konn bay pitit nou bon bagay, sé pa mandé si Papa nou ki nan sièl, va bay moun bon bagay lè yo mandé-l:
12 Tou sa nou vlé lèz òm fè pou nou, nou-minm tou fè konsa pou yo; sé sa la Loua ak Profét yo montré nou.

## Pòt étoual la

13 Antré nan pòt étouat la. Paské pòt ki laj la, ak chémin ki laj la kondui nan pèdision, é gin anpil moun ki pasé ladan yo. ${ }^{14}$ Min pòt ki étouat la ak chémin ki étouat la kondui nan la vi, é pa gin anpil moun ki jouinn yo.

Ou konnin gnou pié boua sélon foui li bay
15 Pran prékosion nou ak fo profèt yo. Yo vi-n sou nou, dégizé an mouton, min, ann-dan, sé bèt dévoran. ${ }^{16} \mathrm{Nou}$ va rékonnèt yo sou foui yo. Ėské moun kéyi rézin sou boua pikan, ou-byin fig sou pié chadron? ${ }^{17}$ Tout bon pié boua donnin bon foui, min mové pié boua a donnin mové foui. ${ }^{18}$ Gnou bon pié boua pa kapab bay mové foui, ni tou gnou mové pié boua pa kapab bay bon foui. ${ }^{19}$ Yo koupé tout pié boua ki pa donnin bon foui, yo jétél nan du-fé. ${ }^{20}$ Donk nou va rékonnèt yo sou foui yo.

Mouin pa-l janm konnin nou
21 Sé pa tout moun ki di mouin: Ségnè, Ségnè! ki va antré nan rouayom siel la, min sèman sila ki fè volonté Papa-m ki nan siè. ${ }^{22}$ Jou sa a, pluziè moun va di mouin: Ségnè, Ségnè, èské nou pa-t préché o-non ou? Ėské nou pa-t chasé démon o-non ou? Ėské nou pa-t fè pluziè mirak o-non ou? ${ }^{23}$ Lè sa a m-a di yo a-klè: Mouin pa-t janm konnin nou; ouété nou sou mouin, nou-minm ki konmèt inikité.

## Dé fondasion yo

24 Konsa, ninpòt moun ki tandé paròl mouin é ki suiv yo, va sanblé ak gnou nonm réfléchi ki bati kay li sou roché. ${ }^{25} \mathrm{La}$ pli tonbé, lavalas débòdé, van souflé épi yo déchinnin kont kay sa a : li pa tonbé, paské li té gin fondasion li sou roché. ${ }^{26}$ Min ninpòt moun ki tandé paròl mouin é ki pa suiv yo, sanblé ak gnou nonm san bon sans ki bati kay li sou sab. ${ }^{27}$ La pli tonbé, lavalas débòdé, van souffé épi yo déchinnin kont kay sa a: li tonbé, é dézas li gran.
28 Lè Jézu té fi-n palé, doktri-n li té frapé foul la; ${ }^{29}$ paské li té anségné ak otorité, jan éskrib pa yo pa-t konn anségné.

## Jézu géri gnou moun ki malad avèk la lèp

8 LèJézutéfi-ndésannmòn nan, gnou gran foul pran suiv li. ${ }^{2}$ E min-ni, gnou nonm ki té gin la lèp proché, li bésé tèt byin ba dévan Jézu, épi li di-l: Ségnè, si ou vlé, ou kapab nétouayè-m. ${ }^{3}$ Jézu étann min-l, li touché-l, é li di: Mouin vlé, vi-n nèt. Minm lè a , nonm nan géri an-ba lèp la. ${ }^{4}$ Épi Jézu di-l: Pi-nga ou di pèsonn sa; min alé fè sakrifikatè a ouè ou, épi pòté ofrann Moiz kòmandé a, pou sa sèvi yo témouagnaj.

Sềite chề kolonn nan géri
5 Kòm Jézu t-ap antré Ka-
pènaòm, gnou chèf kolonn vi-n koté-l, li adrésé-l priè sa a: ${ }^{6}$ Ségnè, sèvitè-m kouché lakay mouin, li an-ba paralizi é l-ap soufri anpil. ${ }^{7}$ Jézu di-l: Mouin praléé m -a géri-l. ${ }^{8}$ Chèf kolonn nan réponn: Ségnè, m-pa dign pou ou mété pié lakay mouin; min annik di gnou paròl, é sèvitè-m nan va géri. ${ }^{9}$ Paské mouin ki an-ba otorité lòt moun, m-gin solda sou zòd mouin; é-m di gnoun: Alé! é 1 -alé; m-di gnou lòt: Vini! é-l vini; mouin di sèvitè-m: Fè sa! é li fè-l. ${ }^{10}$ Lè Jézu tandé-l, li sézi, é-l di moun ki $t$-ap suiv li yo: An vérité mouin di nou, m-pa jouinn anpil la foua konsa minm pami pèp Izraèl. ${ }^{11}$ Alò mouin déklaré nou ké pluziè moun va vini, ki sòti sou Lévan ${ }^{a}$ ak sou Kouchan, ${ }^{b}$ é yo va a-tab nan rouayom siè la ak Abraam, Izaak épi Jakòb. ${ }^{12}$ Min y-a jété pitit ki natif rouayom nan nan ténèb déyò a koté ki va gin krié ak grajé dan. ${ }^{13}$ Épi Jézu di chèf kolonn nan: Alé, ké sa pasé pou ou dapré la foua ou. É minm lè a, sèvitè a té géri.

## Jézu géri bèl-mè Piè

14 Apré sa Jézu antré lakay Piè; li ouè bèl-mè Piè ki té nan kabann, malad ak la fièv. ${ }^{15}$ Jézu touché min li, la fièv la kité-l; alò li lévé, é li pran sèvi-l.
16 Lè a-souè rivé, yo minnin pluziè moun ki té an-ba movèz éspri bay Jézu. Li
a 8:11 Sa vlé di solèy lévan ou koté solèy la lévé.
b 8:11 Sa vlé di solèy kouchan ou kolé solèy la kouché.
chasé éspri yo ak paròl li, é li géri tout moun ki té malad yo; ${ }^{17}$ sé konsa paròl profèt Ezai té anonsé a, té akonpli: Li pran infimité nou, é li pòté maladi nou.

Moun ki ta olé suiv Jézu
18 Kòm Jézu té ouè gnou gran foul vironnin-l, li bay lòd pou alé lòt bò la mè a. ${ }^{19}$ Gnou éskrib proché épi li di-1: Mèt, m-a suiv ou tout koté ou alé. ${ }^{20}$ Jézu réponn li: Bèt nan boua gin trou nan tè, é zouazo an-lè gin nich; min Fis-dé-lòm nan pa gin koté pou pozé tèt li. ${ }^{21}$ Gnou lòt nan disip yo di-l: Ségnè, pèmèt mouin alé antéré papa-m avan. ${ }^{22}$ Min Jézu réponn li: Suiv mouin, é kité mò yo antéré mò pa yo.

## Jézu kalmé gnou tanpèt

23 Jézu monté nan bato a, épi disip li yo suiv li. ${ }^{24}$ E min-ni, la mè a vi-n antré nan gnou si gran boulvès ké bato a té kouvri ak lanm. É Jézu t-ap dòmi. ${ }^{25}$ Disip li yo proché, yo révéyé-l, yo di: Ségnè, sové nou, n-ap péri. ${ }^{26} \mathrm{Li}$ di yo: Pouki sa nou pè kon sa, moun ki manké la foua? Alò li lévé, li ménasé van ak la mè, é vi-n gin gnou gran kalmi. ${ }^{27}$ Mésié yo té sézi, yo di: Ki lès moun sa a, pou jus van ak la mè obéyi-1?

## Gadarényin yo ki té gin movèz éspri

28 Lè Jézu rivé lòt bò, nan péyi Gadarényin yo, dé moun ki té gin movèz éspri sòti pami tonm yo vi-n dévan li. Yo té tèlman mové ké pèsonn
pa-t kab pasé nan chémin sa a. ${ }^{29}$ E min-ni, yo pran rélé: Ki sa ki gingnin ant nou-minm avèk ou, Pitit BonDieu? Eské ou vi-n isit pou toumanté nou avan lè? ${ }^{30} \mathrm{In}$ pé pi louin té gin gnou gro bann pouso ki té an-ba souin. ${ }^{31}$ Démon yo adrésé Jésu priè sa a: Si ou chasé nou, voyé nou nan bann pouso sa yo. ${ }^{32} \mathrm{Li}$ di yo: Alé! Yo sòti, yo antré nan pouso yo. E minni, tout bann nan dégringolé sòti anro falèz la al nan la mè, épi yo nouayé. ${ }^{33}$ Moun yo ki t-ap pran souin yo sové kò yo; y-al la vil rakonté tou sa-k té pasé, avèk sa-k té rivé moun movèz éspri yo. ${ }^{34}$ Alò tout moun la vil yo sòti vi-n kontré Jézu; é lè yo ouè-l, yo suplié-l pou-l kité péyi yo a.

Jézu géri gnou moun ki paralizé
9 Jézu monté nan gnou bato, li travèsé la mè a, é 1 -alé nan vil li. ${ }^{2}$ É min-ni, yo pòté gnou nonm paralizé ki té kouché sou gnou kabann ba li. Jézu ouè la foua moun sa yo, li di nonm nan: Pran kouraj, pitit mouin, péché ou padonnin. ${ }^{3}$ Alò kèk éskrib di nan kè yo: Nonm sa a ap blasfèmin. ${ }^{4}$ Min Jézu ouè klè nan lidé yo, li di: Pouki sa nou gin mové lidé nan kè nou? ${ }^{5} \mathrm{Ki}$ sa ki pi fasil pou di: Péché ou padonnin, ou-byin: Lévé, maché? ${ }^{6}$ É-byin, pou nou kapab konnin ké Fis-dé-lòm nan gin pouvoua sou la tè pou padonnin péché: Lévé, - li di nonm paralizé a, - pran
kabann ou épi al lakay ou. ${ }^{7}$ Enonm nan lévé, l-alé lakay li. ${ }^{8}$ Lè foul la ouè sa, la krint anparé yo, é yo rann Bon-Dieu gloua dèské li té bay lèz òm kalité pouvoua sa a.

## Matié résévoua apèl la

9 Jézu alé pi louin, li ouè gnou nonm yo rélé Matié, ki té chita nan buro kontribusion an. Li di-l: Suiv mouin. Nonm nan lévé, é-l suiv li.
10 Kòm Jézu té a-tab nan kayla, min-ni, anpilanplouayé kontribusion épi moun movèz vi té vi-n mété yo a-tab avèk li épi disip li yo. ${ }^{11}$ Farizyin yo ouè sa, é yo di disip li yo: Pouki sa mèt nou manjé ak anplouayé kontribusion épi moun movèz vi? ${ }^{12}$ Jézu tandé yo, li di: Sé pa moun byin pòtan ki bézouin doktè, min mounkimalad. ${ }^{13}$ Alé, aprann sa sa vlé di: Sé mizérikòd ki fè mouin plézi, sé pa sakrifis. Paskémouin pa vi-n rélémoun ki just, min moun ki péchè.

## Késion sou afé dé fà jèn

14 Alò disip Jan yo vi-n koté Jézu, é yo di: Pouki sa nou-minm avèk farizyin yo, nou fè jèn, épi disip pa ou yo pa fè jèn? ${ }^{15}$ Jézu réponn yo: Ėské zanmi msié marié a kapab nan tristès tout tan msié marié a ak yo? Min $\tan$ an va vini, lè yo va ouété msié marié a nan min yo, é lè sa a yo va fè jèn. ${ }^{16}$ Pèsonn pa mété piès ak toual nèf sou gnou vié rad; paské piès la ta póté moso nan rad la alé, épi déchiré a ta vi-n pi
mal. ${ }^{17} \mathrm{Ni}$ non plus yo pa mété du-vin nouvo nan vié véso an-po; san pa sa véso an-po yo gin pou fann, du-vin an gin pou koulé, épi véso yo ap pèdu. Min yo mété du-vin nouvo nan véso an-po ki tou nèf; konsa yo konsèvé ni duvin an ni véso yo.

## Pitit fi chèf la avèk madanm ki té touché rad Jézu a

18 Étan Jézu t-ap palé ak moun yo, gnou chèf antré, li bésé tèt li byin ba dévan-l, li di: Pitit fi mouin fèk mouri; min vi-n pozé min ou sou li, é li va viv. ${ }^{19}$ Jézu lévé, li suiv li avèk disip li yo.
20 E min-ni, gnou fanm, ki té malad ak gnou pèdision dépi douz an, proché pa dèyè Jézu, li touché rébò rad li. ${ }^{21}$ Paské li t-ap di nan kè li: Si-m touché rad li sèlman, mouin va géri. ${ }^{22}$ Jézu viré, li ouè li, é li di: Pran kouraj, ma fi, la foua ou géri ou. Minm lè a, fanm nan géri.
23 Lè Jézu rivé kay chèf la, li ouè moun yo ki t-ap joué flut, épi foul la ki t-ap fè anpil bri, ${ }^{24}$ li di yo: Ralé kò nou; paské ti fi sa a pa mouri, min l-ap dòmi. Yo pran pasé-l an-ba rizib. ${ }^{25}$ Lè yo fi-n mété foul la déyò, Jézu antré; li pran min ti fi a, é ti fi a lévé. ${ }^{26}$ Nouvèl la gayé nan tout péyi a.

## Dé zòm avèg géri

27 Étan Jézu t-ap kité bò la, dé avèg pran suiv li, apé rélé: Pitit David la, gin pitié pou nou! ${ }^{28}$ Lè-l rivé nan kay la, avèg yo proché koté li, é


Matié nan buro kontribusion an

Jézu di yo: Èské nou kouè mouin kapab fè sa nou déziré a? Yo réponn li: Oui, Ségnè. ${ }^{29}$ Alò li touché jé yo étan l-apé di: Ké sa pasé pou nou dapré la foua nou. ${ }^{30}$ É jé yo louvri. Jézu di yo gnou jan sévè: Pi-nga pèsonn konn sa. ${ }^{31}$ Min, kou yo sòti déyò, yo gayé rénonmin li nan tout péyi a.

## Gnou nonm bèbè palé

32 Étan yo té pralé, minni, kèk moun prézanté gnou bèbè̀ ki té an-ba gnou movèz éspri bay Jézu. ${ }^{33} \mathrm{Kou} \mathrm{Jézu}$ chasé démon an, bèbè a palé. É foul la té sézi, yo di: Moun pa janm ouè bagay kon sa ann-Izraèl. ${ }^{34}$ Min farizyin yo di: Sé ak puisans chèf démon an li chasé démon yo.

## Mouason an anpil

35 Jézu t-ap pakouri tout vil ak tout bouk yo; li t-ap bay anségnman nan sinagòg yo; li t-ap préché Lévanjil rouayom nan épi li t-ap géri tout maladi ak tout infimité.
36 Lè li ouè foul moun yo, kè-l fè-l mal pou yo, paské yo té fayi, é yo té an détrès tankou mouton ki pa gin gadyin. ${ }^{37}$ Alò li di disip li yo: Mouason an gran, min manké ouvrié. ${ }^{38}$ Donk lapriè mèt mouason an, pou li voyé ouvrié nan mouason li.

Jézu chouazi douz yo
10 Jézu rélé douz disip li yo, épi li ba yo pouvoua pou chasé movèz éspri é pou géri tout maladi ak tout infimité.
2 Min non douz apòt yo.

Prémié a sé Simon ki pòté non Piè, avèk frè li, André; Jak, pitit Zébédé, avèk frè li, Jan; ${ }^{3}$ Filip ak Batèlmi; Toma ak Matié, anplouayé kontribusion an; Jak, pitit Alfé, avèk Tadé; ${ }^{4}$ Simon, Kananéyin an, épi Juda łskariot, li-minm minm ki trayi Jézu a.

## Mision douz yo

5 Sé douz sa yo ké Jézu té voyé. Min mo d-òd li té ba yo:
Pa alé kot payin yo, é pa antré nan vil Samaritin yo; ${ }^{6} \mathrm{o}$ kontrè alé jouinn mouton ras Izraèl yo ki pèdu. ${ }^{7}$ Alé, préché, di: rouayom sièl la tou pré. ${ }^{8}$ Géri moun ki malad, fè mò yo lévé, nétouayé moun ki gin la lèp, chasé démon yo. Nou résévoua gratis, bay gratis. ${ }^{9} \mathrm{~Pa}$ pran ni lò, ni lajan, ni monnin nan sinturon nou; ${ }^{10}$ pa pran ni sak pou vouayaj la, ni dé vès, ni soulié, ni baton; paské ouvrié a mérité manjé li.
11 Nan ninpòt vil ou-byin nan ninpòt bouk nou antré, mandé si gin moun la ki dign pou résévoua nou, é rété lakay li jouk tan nou pati. ${ }^{12}$ Etan n-ap antré nan kay la, salué li; ${ }^{13}$ é si kay la dign, ké la pè nou désann sou li; min si li pa dign, ké la pè nou tounin jouinn nou. ${ }^{14}$ Lè yo pa résévoua nou, é lè yo pa kouté paròl nou, sòti nan kay la ou-byin nan vil la, é sékoué pousiè ki nan pié nou. ${ }^{15}$ An vérité mouin di nou: Jou jujman an, péyi Sodòm ak Gomò p-ap subi rèd tankou vil sa a va subi.

## Va gin pèsékusion

$16 \mathrm{Min}-\mathrm{ni}$, mouin voyé nou tankou mouton pami bèt dévoran. Donk sé pou nou prudan tankou koulèv, épi inosan tankou pijon. ${ }^{17}$ Pran prékosion nou avèk lèz òm; paské yo va livré nou nan tribunal, é. yo va fouété nou nansinagògyo; ${ }^{18}$ yova kondui nou dévan chèf gouvènman ak dévan roua, pou-tèt mouin; pou nou kapab rann témouagnaj dévan yo ak dévan payin yo. ${ }^{19} \mathrm{Min}$, lè yo va livré nou, pa pran la pinn pou jan nou va gin pou palé, ni pou sa n-a gin pou nou di: sa pou-n di a, n-a résévoua-1 nan kè nou minm lè a; ${ }^{20}$ paské sé pa nou ki va palé, min sé Léspri Papa nou ki va palé nan nou.
21 Gnou frè va livré frè li pou yo tué-l, é papa va livré pitit li; pitit va soulvé kont papa ak manman yo, y-a fè yo mouri. ${ }^{22}$ Tout moun va rayi nou pou-tèt non mouin; min sila a $k$-a pèsévéré juska la fin, va sové. ${ }^{23}$ Lè yo ya pèsékuté nou nan gnou vil, sové al nan gnou lodt. An vérité mouin di nou, nou p-ap ko fi-n pakouri vil nan péyi Izraèl yo, Fis-délòm nan va gin tan vini.
24 Gnou disip pa pi ro pasé diréktè a, ni tou gnou sèvitè pa pi ro pasé mèt li. ${ }^{25} \mathrm{Sa}$ asé pou yo trété gnou disip tankou diréktè li, é pou gnou sèvitè trété tankou mèt li. Si yo rélé mèt kay la Béèlzébul, sé pa mandé si yo va pi rélé moun lakay li konsa tou!

Killès pou moun pè
26 Donk, pa pè yo; paské pa gin angnin ki kachê ki pa pou dékouvri, ni okinn sékrè ké moun pa pou konnin. ${ }^{27}$ Sa mouin di nou nan fè noua, di li gro la jounin; é sa nou tandé nan zòrèy, préché li sou tèt kay. ${ }^{28} \mathrm{~Pa}$ pè moun ki détoui kò, é ki pa kapab tué nanm. Pito nou krinn Sila a ki kapab fè nanm ak kò péri nan lanfè. ${ }^{29}$ Èské dé zotolan pa vann pou sink kòb? É poutan pa gin gnou sèl ki tonbé a tè, san Papa nou pa konnin. ${ }^{30}$ É minm chévé nan tèt nou, yo tout konté. ${ }^{31}$ Donk, pa pè du-tou: nou vo plus pasé anpil zotolan.
32 Sé pou sa, ninpòt moun ki va rékonnèt mouin dévan lèz òm, m-a rékonnèt li tou dévan Papa-m ki nan sièl. ${ }^{33}$ Min ninpòt moun k -a nié mouin dévan lèz òm, mouinminm tou, m -a nié li dévan Papa-m ki nan siè.

## Sé pa la pè, min gnou népé

34 Pa mét nan tèt nou ké sé la pè mouin vi-n pòté sou la tè; m-pa vi-n pòté la pè, min népé. ${ }^{35}$ Paské mouin vi-n mété divizion ant gason ak papa, ant pitit fi ak manman, ant bèl-fi ak bèl-mè; ${ }^{36}$ é gnou nonm va gin pou énmi moun nan kò kay li. ${ }^{37}$ Moun ki rinmin papa-l oubyin manman-l plus pasé mouin pa dign mouin; moun ki rinmin gason li ou-byin fili plus pasé mouin pa dign mouin; ${ }^{38}$ moun ki pa pran koua li épi suiv mouin, pa dign mouin. ${ }^{39}$ Moun ki kon-
sèvé la vi li, va pèdu li; é moun ki pèdu la vi li poutèt mouin, va jouinn li ankò.

## Rékonpans yo

40 Moun ki résévoua nou, résévoua mouin; é moun ki résévoua mouin, résévoua Sila ki voyé-m nan. ${ }^{41}$ Moun ki résévoua gnou profèt paské sé gnou profèt, va résévoua gnou rékonpans profèt; é moun ki résévoua gnou just paské sé gnou just, va résévoua gnou rékonpans just. ${ }^{42}$ É ninpòt moun ki va bay gnoun nan piti sa yo sèlman gnou vè dlo frèt, paské sé disip mouin, mouin di nou an vérité, moun sa a p-ap pèdu rékonpans li.

## Konmisionnè Jan-Batis yo

11Lè Jézu fin bay douz disip li yo instruksion, li kité bò la pou l-al anségné épi préché nan vil péyi a.
2 Etan Jan nan prizon li tandé palé sou zèv lé Kris, li voyé disip pa-l, yo dili: ${ }^{3}$ Eské sé ou ki doué vini an, ou-byin èské sé pou nou tann gnou lòt? ${ }^{4}$ Jézu réponn yo: Alé rapòté bay Jan sa nou tandé ak sa nou ouè: ${ }^{5}$ avèg ouè, bouaté maché, moun ki gin la lèp nétouayé, soud tandé, mò lévé, épi nou préché Lévanjil la bay pòv. ${ }^{6}$ Byinn-éré moun ki p-ap jouinn nan mouin gnou okazion pou chuté!
7 Étan yo té pralé, Jézu pran palé ak foul la sou Jan, li di: Ki sa nou t-al ouè nan dézè a? Gnou rozo van sékoué? ${ }^{8}$ Min ki sa nou t-al
ouè ? Gnou nonm ki mété rad finès? Min-ni, moun ki mété rad finès sé nan kay roua yo yé. ${ }^{9} \mathrm{Ki}$ sa nout-al ouè, donk? Gnou profèt? Oui, mouin di nou, é plus pasé gnou profèt. ${ }^{10}$ Sé sou li sa ékri:

Min-ni, m-voyé konmisionnè mouin avan ou,
Pou paré chémin dévan ou.
${ }^{11}$ An vérité mouin di nou, pami moun fanm mëté sou la tè, pa gin gnoun ki parèt kòm pi gran tèt pasé Jan-Batis. É poutan, sa ki pi piti nan rouayom siel la pi gran tèt pasé Jan-Batis. ${ }^{12}$ Dépi nan tan Jan-Batis jouk jodi a, rouayom sièl la an-ba kout fòs, é sé moun ki konn fè fós ki pran li. ${ }^{13}$ Paské tout profèt yo épi la Loua té déklaré volonté Bon-Dieu jouk Jan rivé; ${ }^{14}$ é si nou vlé konprann, li sé Eli ki té doué vini an. ${ }^{15}$ Moun ki gin zòrèy pou tandé, tandé.
16 Ki sa $\mathrm{m}-\mathrm{a}$ di jénérasion sa a sanblé? Li sanblé ti moun ki chita sou la plas k-ap rélé di zanmi yo: ${ }^{17} \mathrm{Nou}$ joué flut, épi nou-minm nou pa dansé; nou chanté chanté ki tris, é nou-minm nou pa plinn. ${ }^{18}$ Paské Jan vini, li pa manjé, li pa bouè, é yo di: Li gin démon. ${ }^{19}$ Fis-dé-lòm nan vini, li manjé, li bouè, épi yo di: Ala gnou moun ki konn manjé é ki konn bouason, sé zanmi anplouayé kontribusion ak moun movèz vi li yé. Min zèv ki sòti nan sajès montré ké sé li ki bon.

Répròch pou vil yo ki pa répanti
20 Alò Jézu pran réproché
vil koté-l té fè plus nan mirak li yo, paské yo pa-t répanti. ${ }^{21}$ Li di: Malè pou ou, Korazin! Malè pou ou, Bétsaida! Paské si mirak ki fèt nan mitan nou yo té fèt nan Tir ak Sidon, gin lontan yo ta répanti an-ba sak avèk sann. ${ }^{22}$ Sé pou sa mouin di nou: Jou jujman an, Tir ak Sidon p-ap subi rèd tankou nou. ${ }^{23}$ E ou-minm, Kapènaòm, èské y-a lévé ou rotè sièl la? Non. Y-a bésé ou ba jouk nan lanfè; paské si mirak ki fèt nan mitan ou té fèt nan Sodòm, li ta duré jouk jodi a. ${ }^{24}$ Sé pou sa mouin di nou: Jou jujman an, péyi Sodòm p-ap subi rèd tankou ou.

Vi-n jouinn mouin, n-a jouinn répo
25 Lè sa a, Jézu pran la paròl, li di: Mouin ba ou louanj, o Papa, Ségnè sièl la ak tè a, dèské ou kaché tout bagay sa yo pou moun saj yo ak moun intélijan yo pa jouinn yo, é ou dévoualé yo bay ti moun piti yo. ${ }^{26}$ Oui, Papa, mouin ba ou louanj ké sa pasé kon sa, paské sé sa ou ouè ki bon. ${ }^{27}$ Papa-m rinmèt tout bagay nan min mouin, é pèsonn pa konn Pitit la, sòf Papa a; pèsonn pa konn Papa a non plus, sòf Pitit la avèk moun Pitit la vlé montré li.
28 Vi-n jouinn mouin, nou tout ki fatigé é ki chajé, é m-a ban nou répo. ${ }^{29}$ Chajé nou an-ba jouk mouin, épi aksépté léson mouin; paské mouin dou, é kè mouin konn soumèt li; é n-a jouinn répo nanm nou. ${ }^{30}$ Paské jouk
mouin pa rèd, é chaj mouin léjé.

Disip yo kéyi grin gnou jou saba
12 Arivé kégnoujousaba, Jézu t-ap travèsé kèk jadin blé. Disip li yo ki té grangou, té pran raché kèk zépi blé, épi manjé yo. ${ }^{2}$ Lè farizyin yo ouè sa, yo di li: Gadé, disip ou yo ap fè bagay moun pa gin doua fè jou saba. ${ }^{3}$ Min Jézu réponn yo: Eské nou pa li sa David té fè, lè li té grangou, liminm épi moun ki té avèk li yo; ${ }^{4} \mathrm{ki}$ jan li té antré nan kay Bon-Dieu a, épi li manjé nan pin-Prézans la ké ni liminm ni moun ki té avèk li yo pa-t gin doua manjé? pin sa a té an rézèv pou sakrifikatè yo sèlman. ${ }^{5}$ Ou-byin èské nou pa li nan la Loua ké, jou saba, sakrifikatè yo ki nan tanp la pa obsèvé saba, é yo pa koupab pou sa? ${ }^{6}$ E-byin, mouin di nou, koté nou yé a, gin kichòy ki plus pasé tanp la. ${ }^{7}$ Si nou té konnin sa sa vlé di: Mouin pran plézi nan mizérikòd, é pa nan sakrifis, - nou pa ta kondané déz inosan. ${ }^{8}$ Paské Fis-dé-lòm nan sé mèt saba.

Nonm ki té gin min chèch la
9 Jézu pati, li antré nan sinagòg la. ${ }^{10} \mathrm{E}$ min-ni, té gin gnou nonm la ak gnou min chèch. Yo mandé Jézu: Eské sé pèmi pou géri moun jou saba? Sé pou yo té kapab akuzé li. ${ }^{11} \mathrm{Li}$ réponn yo: Ki lès pami nou, si li gin gnou sèl mouton é-l tonbé nan trou jou saba, p-ap pran li mét
déyò? ${ }^{12}$ Konbyin foua plus gnou moun vo pasé gnou mouton! Donk sé pèmi pou fè sa ki byin, jou saba. ${ }^{13}$ Alò li di nonm nan: Étann min ou. Li étann li, é min an vi-n byin tankou lòt la.

## Sevitè chouazi a

14 Farizyin yo sòti, é yo konsulté ansanm sou ki mouayin pou yo fè li péri. ${ }^{15}$ Min kou Jézu konn sa, li kité bò la.
Gnou gran foul pran suiv li. Li géri tout moun ki malad, ${ }^{16}$ épi li défann yo fè rékonnèt li. ${ }^{17}$ Sé konsa, parò profèt Ézai té anonsé a, té akonpli:
${ }^{18}$ Min sèvitè-m ké mouin chouazi,
Mouin rinmin li anpil, é nanm mouin pran plézi nan li.
M-a mét Léspri mouin sou li,
É li va anonsé nasion yo la justis.
${ }^{19}$ Li p-ap plédé, li p-ap rélé fò,
É pèsonn p-ap tandé voua li nan la ru.
${ }^{20}$ Li p-ap kasé rozo ki mètri,
E li p-ap tué mèch ki prèt pou tingnin,
Jouk $\tan$ li va fè la justis trionfé.
${ }^{21}$ É nasion yo va mét éspoua yo nan non li.
Blasfèm kont Sint-Éspri a
22 Alò yo minnin gnou nonm movèz éspri ki té avèg épi bèbè bay Jézu; li géri-l, dé maniè ké bèbè a palé épi li ouè. ${ }^{23}$ Tout foul la té sézi, yo di: Ėské li sé pa pitit David la sa? ${ }^{24}$ Lè
farizyin yo tandé sa, yo di: Sé sèlman ak fòs Béèlzébul, chèf démon yo, nonm sa a chasé démon. ${ }^{25}$ Kou Jézu té konn lidé yo, li di yo: Tout rouayom ki gin divizion ladan-l vi-n dézolé; é tout vil ou-byin kay ki gin divizion ladan-l p-ap kapab duré. ${ }^{26} \mathrm{Si}$ SatanchaséSatan, gin divizion nan li; donk, ki jan rouayom li va fè duré? ${ }^{27}$ É si sé pa mouayin Béèzébul mouin chasé démon, ak ki sa pitit nou yo chasé démon? Poutèt sa, sé yo-minm ki va juj nou. ${ }^{28} \mathrm{Min}$, si sé pa mouayin Léspri Bon-Dieu mouin chasé démon, donk rouayom BonDieu a rivé jouk bò koté nou. ${ }^{29}$ Ou-byin, ki jan gnou moun ta kapab antré lakay gnou nonm vanyan pou vòlo byin li, si dabò li pa maré nonm vanyan an? Apré sa atò li kapab fè piyaj lakay li. ${ }^{30}$ Moun ki pa avèk mouin kont mouin, é moun ki p-ap ranmasé avè-m ap dispèsé.
31 Sé pou-tèt sa mouin di nou: Tout péché ak tout blasfèm lèz òm fè va jouinn padon, min blasfèm kont Léspri a p-ap jouinn padon. ${ }^{32}$ Si gnou moun palé kont Fis-dè-lòm nan, li va jouinn padon; min si gnou moun palé kont lé Sint-Éspri, li p-ap jouinn padon, ni nan monn sa a, ni nan monn ki gin pou vini an. ${ }^{33}$ Soua yo di ké pié boua a bon é ké foui li bon, soua yo-di ké pié boua a mové é ké foui li mové; paské sé sélon foui gnou pié boua yo konn ki boua li yé. ${ }^{34}$ Ras sèpan, jan nou méchan, kò-
man nou ta fè di bagay ki bon? Paské bouch palé dapré sa ki ranpli kè. ${ }^{35}$ Gnou nonm ki bon pran bon bagay nan bon trézò li, é gnou nonm ki méchan pran mové bagay nan mové trézò li. ${ }^{36}$ Mouin di nou: Jou jujman an, lèz òm va rann kont pou tout paròl inutil yo té di. ${ }^{37}$ Paské paròl ou va fè ou jouinn justis, é paròl ou va kondané ou.

Gnou jénérasion pèvès ap chaché sign 38 Alò kèk éskrib ak farizyin pran palé, yo di: Mèt, nou ta vlé ouè ou fè gnou mirak. ${ }^{39} \mathrm{Li}$ réponn yo: Gnou jénérasion ki méchan épi adultè ap mandé gnou mirak; min yo p-ap jouinn okinn mirak, sóf pa profèt Jonas la. ${ }^{40}$ Paské minm jan Jonas té nan vant gro pouason an toua jou toua nuit, konsa Fis-dé-lòm nan va nan zantray la tè toua jou toua nuit. ${ }^{41}$ Jou jujman an, moun Niniv yo va lévé ak jénérasion sa a, é yo va kondané li, paské yo-minm yo té répanti lè. Jonas té préché yo; é min-ni, koté nou yé a gin plus pasé Jonas. ${ }^{42}$ Jou jujman an, la rinn nan Sud la va lévé ak jénérasion sa a é li va kondané li, paské li té sòti nan dènié bout la tè pou tandé sajès Salomon, é min-ni, koté nou yé a gin plus pasé Salomon.

## Lè léspri sal la tounin

43. Lè movèz éspri a sòti nan gnou nonm, 1 -alé nan koté ki ròd sèk, ap chaché répo, é li pa jouinn répo. ${ }^{44}$ Alỏli di: Mouin pral tounin
nan kay koté-m té sòti a; lè li rivé, li jouinn kay la vid, balé épi dékoré. ${ }^{45}$ L-alé é li pran avèk li sèt lòt éspri pi méchan pasé li; yo antré nan kay la, yo rété la, é dènié kondision nonm nan vi-n pi mové pasé prémié a. Sé konsa sa pral pasé pou jénérasion méchan sa a.

## Manman Jézu avèk frè li yo

46 Kòm Jézu t-ap palé ankò ak foul la, min-ni, manman li ak frè li yo ki té déyò $a$, t-ap chaché palé avèk li. ${ }^{47}$ Gnou moun di li: Gadé, manman ou ak frè ou yo la déyò a, é y-ap chaché pou palé ak ou. ${ }^{48} \mathrm{Min}$ Jézu réponn moun ki té di li sa a: Ki lès ki manman-m, é ki lès ki frè mouin? ${ }^{49}$ Epi li lonjé min li sou disip li yo, li di: Min manman-m ak frè-m. ${ }^{50}$ Paské ninpòt moun ki fè volonté papa-m ki nan sièl, sé li ki frè-m, é sè-m é manman-m.

Parabol moun k-ap simin an
13 Minm jou sa a, Jézu té sòti nan kay la, é li chita bò la mè a. ${ }^{2}$ Gnou gran foul rasanblé tout-otou, alò li monté nan gnou bato, é li chita. Tout foul pèp la té kanpé sou rivaj la. ${ }^{3} \mathrm{Li}$ palé yo sou anpil bagay an parabol, li di:
Moun $k-\mathrm{ap}_{\text {simin }}$ an sòti pou simin. ${ }^{4}$ Etan l-ap simin, in-pé nan grinn nan tonbé sou bò chémin: zouazo vini, yo manjé-l. ${ }^{5}$ In-pé ankò tonbé nan pati ki roché, koté li pa-t jouinn anpil tè: li lévé tou
suit, paské li pa-t jouinn profondè nan tè; ${ }^{6} \mathrm{~min}$ kou solèy parèt, grinn nan boulé, li chéché paské li pa-t gin rasi-n. ${ }^{7}$ In-pé ankò tonbé nan pikan: pikan an grandi, li toufé-l. ${ }^{8}$ In-pé ankò tonbé nan gnou bon tè: li donnin foui, gnou grinn rapòté san, gnou lòt souasant, gnou lot trant. ${ }^{9}$ Moun ki gin zòrèy pou tandé, tandé.

## Bu parabol yo

10 Disip yo proché, yo di li: Pouki sa ou palé yo an parabol? ${ }^{11}$ Jézu réponn yo: Paské nou-minm, nou résévoua favè pou-n konnin sékrè rouayom sièl la, é yo pa résévoua favè sa a. ${ }^{12}$ Paské yo. va bay moun ki gingnin, é li va nan labondans; min, moun ki pa gingnin an, yo va minm ouété sa-l gingnin an. ${ }^{13}$ Sé pou-tèt sa mouin palé yo an parabol, paské lè yo ouè yo pa ouè, é lè yo tandé yo pa tandé ni yo pa konprann. ${ }^{14}$ É sa Ézai té profétizé a akonpli sou yo:

Nou va tandé ak zòrèy nou é nou p-ap konprann;
Nou va gadé ak jé nou é nou $p$-ap ouè.
${ }^{15}$ Paské kè pèp sa a vi-n lou;
Yo fè zorèy yo vi-n du, é yo fèmin jé yo,
Pa krint pou yo pa ouè ak jé yo, pou yo pa tandé ak zòrèy yo,
Pou kè yo pa konprann,
Pou yo pa konvèti, épi pou mouin pa géri yo.
${ }^{16} \mathrm{Min}$ jé nou byinn-éré paské yo ouè, épi zòrèy nou byinnéré, paské yo tandé! ${ }^{17}$ An
vérité mouin di nou, anpil profèt é pluziè just té déziré ouè sa nou ouè, min yo pa ouè-l; yo té déziré tandé sa nou tandé, min yo pa tandé-l.

> Ésplikasion parabol moun k-ap simin an

18 Donk nou-minm, kouté sa parabol moun k-ap simin an vlé di. ${ }^{19}$ Lè gnou nonm kouté paròl rouayom nan é li pa konprann ni, Malin an vini, li ouété sa-k té simin nan kè-l: sé moun sa a ki résévoua grinn nan sou bò chémin an. ${ }^{20}$ Moun ki résévoua grinn nan nan pati ki roché a, sé moun ki tandé paròl la é ki résévoua-l minm lè a ak joua; ${ }^{21} \mathrm{~min}$ li pa gin rasi-n nan li-minm, li manké pèsévéré; kité lafliksion ou-byin pèsékusion rivé a-kòz Paròl la, é minm lè a yo jouinn nan sa gnou okazion pou yo chuté. ${ }^{22}$ Moun ki résévoua grinn nan nan pikan an, sé sa ki tandé Paròl la, min okupasion lé monn ak apéti richès toufé Parol la é fè-l pa bay foui. ${ }^{23}$ Moun ki résévoua grinn nan nan bon tè, sé sa ki tandé Parol la, ki konprann li; li pòté foui, é gnou grinn donnin san, gnou lòt souasant, gnou lòt trant.

## Parabol rajé nan jadin grin an

24 Jézu rakonté yo gnou lòt parabol, li di: rouayom sièl la sanblé ak gnou moun ki té simin gnou bon grinn nan jadin li. ${ }^{25} \mathrm{Min}$ lè mésié yo t-ap dòmi, énmi-l vini, li simin blé maron nan bon blé a, épi l-alé. ${ }^{26}$ Apré bon grinn
nan fi-n pousé épi li donnin foui, blé maron an parèt tou. ${ }^{27}$ Alò sèvitè mèt kay la vi-n di-l: Ségnè, èské ou pa-t simin gnou bon grinn nan jadin ou? Kòman fè gin blé maron ladan-1? ${ }^{28} \mathrm{Li}$ réponn yo: Sé gnou énmi ki fè sa. É sèvitè yo di-l: Eské ou vlé n-al raché-l? ${ }^{29} \mathrm{Li}$ di: Non, pa krint pou étan n-ap raché blé maron an nou pa dérasinin bon blé a an minm tan. ${ }^{30}$ Kité tou lè dé grandiansanm jouk lè rékòt; alò m -a di moun k-ap fè rékòt yo: Raché blé maron an an-prémié, é maré-l pa pakèt pou boulé-l; min mété bon blé a pa pil nan grénié mouin.

## Parabol grinn moutad la

31 Li rakonté yo gnou lòt parabol, li di: rouayom siè la sanblé ak gnou grinn moutad gnou nonm pran é li simin-l nan jadin li. ${ }^{32}$ Sé li ki pi piti nan tout grinn; min lè grinn nan pousé, li dépasé pié légum, li vi-n gnou pié boua, o-pouin ké zouazo nan lèz-è vi-n rété sou branch li.

## Parabol lédoin an

33 Li di yo lòt parabol sa a: rouayom sièl la sanblé ak lédvin gnou fanm pran, li mélé-1 ak toua mézu fari-n, pou fè tout pat la lévé.

Jan Jézu sèvi avèk parabol
34 Jézu té di foul la tout bagay sa yo an parabol, é li pa-t palé yo sòf an parabol; ${ }^{35}$ sé konsa, sa profèt la anonsé a té akonpli:

M-a ouvri bouch mouin an parabol,

M-a déklaré dé bagay ki kaché dépi lé monn kréyé.
Ésplikasion parabol rajé nan jadin grin an
36 Alò Jézu ranvouayé foul la, li antré nan kay la. Disip li yo proché koté-l, yo di: Éspliké nou parabol blé maron nan jadin an. ${ }^{37} \mathrm{Li}$ réponn: Moun ki simin bon grinn nan, sé Fis-dé-lòm nan; 38 jadin an, sé lé monn; bon grinn nan sé pitit rouayom nan; blé maron an, sé pitit Malin an; ${ }^{39}$ énmi ki simin li an, sé Diab la; rékòt la, sé la fin lé monn; moun k-ap fè rékòt yo, sé zanj yo. ${ }^{40}$ Alò minm jan yo raché blé maron épi yo jété-l nan du-fé, sé va konsa a la fin lé monn. ${ }^{41}$ Fis-dé-lòm nan va voyé zanj li yo, ki va raché tout movèz ékzanp ak moun ki konmèt inikité nan rouayom nan, 42 é y-a jété yo nan founèz tou rouj la, koté ki va gin krié ak grajé dan. ${ }^{43}$ Lè sa a, just yo va kléré tankou solèy nan rouayom Papa yo. Moun ki gin zòrèy pou tandé, tandé.

Lajan an-ba tè a
44 Rouayom sièl la sanblé ankò ak gnou richès ki kaché nan gnou jadin. Nonm ki jouinn li an kaché-l; l-alé tout-an joua, li vann tou sa-l posédé, li achté jadin an.

## Bijou pèl gro pri a

45 Rouayom sièl la sanblé an̂kò ak gnou machann k-ap chaché bèl pèl bijou. ${ }^{46} \mathrm{Li}$ jouinn gnou pèl gro pri; 1-alé
vann tou sa-l gingnin, li achté-l.

## Sinn nan

47 Rouayom sièl la sanblé ankò ak gnou sinn yo voyé nan la mè é ki ranmasé tout kalité pouason. ${ }^{48}$ Lè li plin, péchè pouason yo ralé-l; épi yo chita sou rivaj la, yo mété sa ki bon a-pa nan panié, é yo jété sa ki pa vo angnin. ${ }^{49}$ Sé va konsa a la fin lé monn. Zanj yo va vini, y-a séparé méchan yo avèk just yo, ${ }^{50}$ épi y-a jété yo nan founèz tou rouj la, koté ki va gin krié ak grajé dan.

Trézò nouvo é trézò ansyin
51 Èské nou konprann tou sa? Yo réponn: Oui.
52 Alò li di yo: Sé pou sa tout éskrib ki byin instoui sou bagay ki konsènin rouayom sièl la, sanblé ak gnou mèt kay ki pran bagay nèf ak bagay ansyin nan richès li.

## Pèp Nazarèt réjété Jézu

53 Lè Jézu fi-n parabol sa yo, li pati. ${ }^{54}$ L-alé nan péyi fami li, li anségné nan sinagòg la, é sa té fè tout moun sézi, yo di: Ki bò li pran sajès sa a, avèk mirak sa yo? ${ }^{55}$ Eské sé pa pitit bòs chapant la? Eské yo pa rélé manman-1 Mari ? Eské Jak, Jozèf, Simon épi Jud pa frè li? ${ }^{56}$ Ėské tout sè li yo pa an pami nou? Donk ki bò li pran tout bagay sa yo? ${ }^{57}$ E yo té jouinn gnou okazion dé chút nan li.
Min Jézu di yo: Sé sèlman nan péyi gnou profèt ak nan kò kay li ké yo méprizé-l.
${ }^{58}$ E Jézu pa-t fè anpil mirak la, paské yo té san la foua.

La mò Jan-Batis
14 Arivé ké Érèd, gnoun nan kat chèf gouvènman yo, aprann sa yo t-ap rakonté sou Jézu; li di sèvitè-l yo: ${ }^{2}$ Sé Jan-Batis! Li résusité nan pami mò yo, é sé pou sa mirak ap fèt gras-a li.
3 Paské Eròd té fè arété Jan, li té fè maré li épi mété-1 nan prizon, pou-tèt Erodias, madanm frè li, Filip. ${ }^{4}$ Annéfè, Jan té di-1: Ou pa gin doua pran-l pou madanm ou. ${ }^{5}$ Éròd té vlé tué-l, min li té krinn foul la, paské yo té konsidéré Jan kom profèt. ${ }^{6}$ Alò, lè yo t-ap fété jou fèt nésans Eròd, pitit fi Erodias la dansé nan mitan la sosiété a, é li té tèlman fè Éròd plézi ${ }^{7}$ ké li promèt li ak sèman pou balisalita mandé. ${ }^{8}$ Manman ti fi a té pousé-l, alò li té di Éròd: Ban mouin tèt JanBatis sou gnou plat, isit la minm. ${ }^{9}$ Roua a vi-n tris; $\min a-k o ̀ z ~ s e ̀ m a n ~ l i ~ y o ~ e ́ p i ~ i$ moun ki té invité yo, li kòmandé pou yo bay ti fi a tèt la. ${ }^{10} \mathrm{Li}$ voyé koupé tèt Jan nan prizon an. ${ }^{11}$ Yo pòté tèt la vini sou gnou plat, yo bay ti fi a li, épi li pòté-l bay man-man-l. ${ }^{12}$ Disip Jan yo vi-n pran kò li é yo antéré-l. Epi y-al anonsé Jézu sa.

Jézu bay sink mil moun manjé
13 Lè Jézu tandé sa, li pati nan gnou bato, pou-l ralé kò li a-léka nan gnou koté ki dézè; lè foul la konn sa, yo sòti nan vil yo, y -alé jouinn li
a-pié. ${ }^{14}$ Lè Jézu désann sòti nan bato a, li ouè gnou gran foul, kè-l fè-l mal pou yo, é li géri malad yo.
15 Lè a-souè rivé, disip Jézu yo proché koté-l, yo di: Sé pa gnou koté moun rété, é-1 déja ta; ranvouayé foul la pou yo kapab al achté manjé nan bouk yo. ${ }^{16}$ Jézu réponn yo: Yo pa bézouin alé; ba yo manjé nou-minm. ${ }^{17} \mathrm{Min}$ yo di-l: Sé sèlman sink pin ak dé pouason nou gingnin. ${ }^{18}$ Éli di: Pòté yo ban mouin. ${ }^{19} \mathrm{Li}$ fè foul la chita sou zèb la, li pran sink pin ak dé pouason yo, li lévé jé li nan sièl, li rann gras. Epi li kasé pin yo, li bay disip yo, é disip yo bay foul la. ${ }^{20}$ Yo tout manjé é vant yo té plin; é yo pòté alé douz panié plin ak moso ki té rété. ${ }^{21}$ Moun ki té manjé yo té anviron sink mil òm, san konté fanm épi ti moun.

## Jézu maché sou la mè

22 Tou suit apré, Jézu oblijé disip li yo monté nan bato a épi alé lơt bó la mè a, dévan li, étan li t-ap ranvouayé foul la. ${ }^{23}$ Lè li fi-n ranvouayé yo, li monté sou mòn nan, pou-1 lapriè a-léka; lè a-souè rivé, li té la pou kont li.
24 Bato a té déja nan mitan la mè; lanm t-ap bat li, paské van an té kontrè. ${ }^{25}$ Vè touaz è du matin, Jézu t-ap maché sou la mè a, al nan diréksion yo. ${ }^{26}$ Lè disip yo ouè-l ap maché sou la mè a, sa troublé yo, yo di: Sé gnou mò! Nan fréyè yo, yo pran rélé. ${ }^{27} \mathrm{Minm}$ lè a Jézu di yo: Pran kouraj,
sé mouin; nou pa bézouin pè! ${ }^{28}$ Piè réponn li: Ségnè, si sé ou, bay lòd pou mouin vi-n jouinn ou sou dlo a. ${ }^{29}$ É li di: Vini! Piè sòti nan bato a, li maché sou dlo a, al nan diréksion Jézu. ${ }^{30}$ Min lè li ouè jan van an té fò, li pè; kòm li té kòmansé koulé, li rélé: Ségnè, sové mouin! ${ }^{31}$ Minm lè a Jézu lonjé min li, li pran Piè, li di-1: Nonm ki manké la foua, pouki sa ou douté? ${ }^{32}$ Yo monté nan bato a, é van an kalmé. ${ }^{33}$ Moun yo ki té nan bato a vi-n bésé tèt byin ba dévan Jézu, yo di: Tout bon, ou sé Pitit BonDieu a.

Jézu géri malad Jénézarèt yo
34 Lè yo travèsé la mè a, yo abòdé nan péyi Jénézarèt. ${ }^{35} \mathrm{Kou}$ moun koté sa yo rékonnèt Jézu, yo voyé mésajè nan tout péyi ozalantou a, é yo minnin tout malad yo ba li. ${ }^{36}$ Yo suplié li pou li pèmèt yo touché bò rad li sèlman. E tou sa yo ki té touché-l té géri.

## Bagay ki sal moun

15 Alò kèk farizyin ak éskrib, ki té sòti Jéruzalèm, proché koté Jézu, yo di-l: ${ }^{2}$ Pouki sa disip ou yo pa fè ka koutum ansyin yo? Paské yo pa lavé min yo, lè y -ap manjé. ${ }^{3} \mathrm{Li}$ réponn yo: É nou-minm, pouki sa nou pa fè ka kómandman Bon-Dieu, avèk koutum nou yo? ${ }^{4}$ Paské Bon-Dieu di: Onoré papa ou ak manman ou; épi: Moun ki modi papa-1 ou-byin manman-l va résé-


Disip yo ap ramé fò, min van an kontrè
voua la mò kòm punision. ${ }^{5} \mathrm{Min}$ nou-minm, nou di: Moun k-a di papa-1 ou-byin manman-l: Sa-m ta gingnin pou édé ou, mouin ofri-l bay Bon-Dieu: moun sa a pa ténu onoré papa-1 ou-byin manman-1. ${ }^{6}$ Konsa nou anéanti paròl Bon-Dieu avèk koutum nou an. ${ }^{7}$ Ipokrit, Ézai byin profétizé sou nou, lè-l té di:
${ }^{8}$ Pèp sa a ban-m onnè ak bouch,
Min kè yo byin louin-m.
9 Yo adoré-m, sa pa vo angnin,
Yo anségné moral ki sé kòmandman lèz òm.
10 Épi li rélé foul la, li di yo: Kouté épi konprann. ${ }^{11}$ Sé pa sa ki antré nan bouch ki sal gnou nonm; min sa ki sodi nan bouch, min sa ki sal gnou nonm.
12 Alò disip li yo proché, yo di-l: Eské ou konnin ké farizyin yo ofansé, lè yo tandé paròl ou yo? ${ }^{13} \mathrm{Li}$ réponn: Tout plant Papa-m nan siè la pa planté gin pou-l dérasinin. ${ }^{14}$ Kité yo: sé avèg.k-ap kondui avèg; si gnou avèg kondui gnou avèg, tou dé gịn pou tonbé nan trou.
15 Piè pran la paròl, li di-1: Espliké nou parabol sa a. ${ }^{16}$ Jézu di: Nou-minm tou, nou san intélijans toujou? ${ }^{17}$ Nou pa konprann ké tout bagay ki antré nan bouch, li pasé nan vant, épi yo jété sa kèk koté a-pa? ${ }^{18}$ Min bagay ki sòti nan bouch, sé nan kè li sòti, é sé sa ki sal gnou nonm. ${ }^{19}$ Paské sé nan kè bagay sa yo sòti: mové lidé,
tué moun, adultè, konduit pa pròp, vòl, fo témouagnaj, chouichoui. ${ }^{20} \mathrm{Min}$ sa ki sal gnou nonm; kant-a manjé san lavé min, sa pa sal gnou nonm.

La foua fanm kananéyin an
21 Jézu pati, li mét kò li nan téritoua Tir ak Sidon. ${ }^{22}$ É min-ni, gnou fanm kananéyin, ki té sòti nan péyi sa a, pran rélé: Ségnè, Pitit David, gin pitié pou mouin! Pitit fi mouin an gin gnou démon k-ap toumanté-l sérié. ${ }^{23}$ Jézu pa réponn li gnou mo, é disip li yo proché, yo plédé di-l: Ranvouayé-l, paské 1-ap rélé dèyè nou. ${ }^{24} \mathrm{Li}$ réponn: Sé sèlman koté mouton ki pèdu nan ras Izraèl yo ké yo voyé-m. ${ }^{25}$ Min fanm nan vini, li bésé tèt byin ba dévan li, é-l di: Ségnè, édé mouin! ${ }^{26}$ Jézu réponn: Sé pa konvénab pou-m pran pin ti moun yo jété bay ti chin. ${ }^{27} \mathrm{Min}$ li di: Oui, Ségnè, min ti chin yo manjé ti mignèt ki tonbé sòti sou tab mèt yo. ${ }^{28}$ Alò Jézu di-1: Fanm, la foua ou anpil; ké tout pasé pou ou jan ou vlé $a$. É minm lè $a$, fi li a té géri.

## Pluziè moun géri

29 Jézu kité bò la, é-l vi-n koté la mè Galilé. Li monté sou mòn nan, li chita la. ${ }^{30}$ Alò gnou gran foul proché koté-l, yo té gin moun ki bouaté, avèg, bèbè, éstropié, épi anpil lòt malad avèk yo. Yo mété yo nan pié Jézu, é li géri yo: ${ }^{31}$ Foul la té admiré sa, lè yo ouè bèbè palé,
éstropié géri, bouaté maché, avèg ouè; yo pran rann gloua pou Bon-Dieu Izraèl la.

Jézu bay kat mil moun manjé
32 Jézu rélé disip li yo, li di yo: Kè-m fè-m mal pou foul sa a; paské sa fè déja toua jou yo avè-m, é yo pa gin angnin pou yo manjé. M-pa vlé ranvouayé yo san manjé, pou yo pa fayi nan chémin. ${ }^{33}$ Disip yo di-1: Koman pou-n ta fè pou-n jouinn asé pin nan dézè sa a pou plin vant gnou gran foul kon sa? ${ }^{34}$ Jézu mandé yo: Konbyin pin nou gingnin? Yo réponn li: Sèt, épi kèk ti pouason. ${ }^{35}$ Alo li bay foul la lòd pou yo chita a-tè. ${ }^{36} \mathrm{Li}$ pran sèt pin yo ak pouason yo; apré li fi-n rann gras, li kasé yo, li bay disip li yo, épi disip yo bay foul la. ${ }^{37}$ Tout moun manjé, é vant yo té plin; yo pòté alé sèt panié plin ak moso ki té rété. ${ }^{38}$ Sa-k té manjé yo té gnou valè kat mil òm, san konté fanm ak ti moun.
39 Alò Jézu ranvouayé foul la, li monté nan bato a, épi l-alé nan péyi Magadan.

## Yo mandé gnou sign

16 Farizyin ak saduséyin yo proché koté Jézu; pou sondé li, yo mandé-l pou li fè yo ouè gnou mirak ki sòti nan sièl. ${ }^{2}$ Jézu réponn yo: A-souè nou di: La fè bèl tan, paské sièl la rouj. ${ }^{3}$ Matin nou di: Jodi a l-a fe mové tan, paské sièl la sonm é li rouj. Nou byin konn déchifré aparans sièl la, é nou
pa kapab déchifré sign tan yo. ${ }^{4}$ Gnou jénérasion ki méchan épi adultè ap mandé gnou mirak; min yo p-ap jouinn lòt mirak, sòf pa Jonas la.
Epi li kité yo, l-alé.
Lédoin farizyin avèk saduséyin yo
5 Etan disip yo t-ap travèsé lòt bò, yo té blié pòté pin. ${ }^{6}$ Jézu di yo: Pran prékosion nou ak lédvin farizyin yo épi aklédvin saduséyin yo. ${ }^{7}$ Disip yo pran pansé épi yo di: Sé paské nou pa pòté pin. ${ }^{8}$ Puiské Jézu konn sa, li di yo: Moun ki manké la foua, pouki sa nou pran pansé ké sé paské nou pa pòté pin? ${ }^{9}$ Eské nou pa ko konprann? Eské nou pa sonjé sink pin sink mil óm yo, épi konbyin panié nou té pòté alé? ${ }^{10} \mathrm{Ou}$ byin èské nou pa sonjé sèt pin kat mil om yo, épi konbyin panié nou té pòté alé? ${ }^{11} \mathbf{K i}$ jan nou fè pa konprann ké sé pa sou pin mouin t-ap palé, lè-m di nou: Pran prékosion nou ak lédvin farizyin yo épi lédvin saduséyin yo? ${ }^{12}$ Lè sa a yo konprann ké li pa-t di yo pran prékosion ak lédvin pin, min ak anségnman farizyin yo épi anségnman saduséyin yo.

## Pie déklaré la foua li

13 Lè Jézu rivé sou téritoua Sézaré Filip la, li mandé disip li yo: Ki lès moun yo di mouin yé, mouin-minm, Fis-dé-lòm nan? ${ }^{14}$ Yo réponn: Gingnin ki di ou sé Jan-Batis; dòt di: Éli; dòt ankó di: Jérémi ou-byin gnoun nan profèt yo. ${ }^{15} \mathrm{Li}$ di yo: É
nou-minm, ki lès nou di mouin yé? ${ }^{16}$ Simon Piè réponn: Ou sé lé Kris, Pitit Bon-Dieu vivan an. ${ }^{17}$ Jézu pran la paròl ankò, li di: Ou byinnéré, Simon, pitit Jona; paské sé pa ni la chè ni san ki dévoualé ou sa, min sé Papa-m ki nan sièl la. ${ }^{18} E$ mouin, m-di ou ké ou sé Piè, é an-ro piè sa a m -a bati légliz mouin, é pòt lanfè p-ap gin pouvoua sou li. ${ }^{19} \mathrm{M}-\mathrm{a}$ ba ou klé rouayom sièl la: sa ou va maré sou la tè va maré nan sièl la tou, é sa ou va lagé sou la tè va lagé nan sièl la tou. ${ }^{20}$ Alò li bay disip li yo lòd pou yo pa di pèsonn ké sé li-minm ki té lé Kris.

## Jézu anonsé la mò li

21 Dépi lè sa a, Jézu kòmansé fè disip li yo ouè fòk l-alé Jéruzalèm, fòk li soufri anpil an-ba ansyin yo, chèf sakrifikatè yo épi éskrib yo, fòk li pasé pa la mò, é ké l-a résusité apré toua jou. ${ }^{22}$ Alò Piè rélél sou koté, li pran réproché-l, li di: Mandé Bon-Dieu padon, Ségnè! Sa p-ap rivé ou. ${ }^{23}$ Min Jézu viré, li di Piè: Ouété ou sou mouin, Satan, ou sé gnou ofans pou mouin; paské ou pansé tankou lèz òm, pansé ou pa sòti nan Bon-Dieu.
24 Alò Jézu di disip li yo: Si gnou moun vlé maché dèyè mouin, sé pou li rénonsé tèt li, sé pou li chajé koua li épi suiv mouin. ${ }^{25}$ Paské moun k -a vlé sové la vi li va pèdu-l; $\min$ moun $k-a$ pèdu la vi li pou-tèt mouin va jouinn la vi li ankò. ${ }^{26}$ E sa sa ta sèvi gnou
nonm pou li gin tout la tè, si-1 pèdu nanm li? ou-byin ki sa gnou nonm ta kab bay an boukantay pou nanm li? ${ }^{27}$ Paské Fis-dé-lòm nan gin pou vini nan la gloua Papa li, ak zanj li yo; é lè sa a li va rann chak moun dapré zèv yo. ${ }^{28}$ An vérité, mouin di nou, pluziè nan sa ki prézan isit la p-ap mouri, san yo pa ouè Fis-dé-lòm nan vini nan règn li.

## Lè figu Jézu té chanjé a

17Si jou apré, Jézu pran Piè, Jak épi Jan, frè Jak la, avèk li; li minnin yo a-léka sou gnou mòn byin ro. ${ }^{2}$ Figu li vi-n gnou lòt jan dévan yo; vizaj li vi-n kléré kou solèy la, é rad li vi-n blan tankou lumiè. ${ }^{3}$ E min-ni, Moiz ak Éli parèt dévan yo, ap kozé ak Jézu. ${ }^{4}$ Piè pran la paròl, li di Jézu: Ségnè, sa bon pou nou isit la; si ou vlé, mouin va drésé toua tant isit la, gnoun pou ou, gnoun pou Moiz, gnoun pou Eli. ${ }^{5}$ Étan li t-ap kontinué palé, gnou nuaj byin kléré kouvri yo. É min-ni, yo tandé gnou voua sòti nan nuaj la, ki di paròl sa yo: Sa sé Pitit mouin m-rinmin anpil la, mouin mét tout aféksion mouin sou li: kouté li! ${ }^{6}$ Lè disip yo tandé voua sa a, yo tonbé fas-a-tè, épi gnou gran krint anparé yo. ${ }^{7}$ Min Jézu proché, li touché yo, li di: Lévé, nou pa bézouin pè! ${ }^{8}$ Yo lévé jé yo, yo ouè Jézu pou kont li.
9 Étan yo t-ap désann mòn nan, Jézu ba yo lòd sa a:

Pa palé ak pèsonn sou sa nou ouè a, jouk tan Fis-dé-lòm nan résusité nan pami mò yo.
10 Disip yo pozé-l késion sa a: Donk pouki sa éskrib yo di prémièman fók Éli vini ? ${ }^{11} \mathrm{Li}$ réponn: Sé vré, Éli gin pou vi-n rétabli tout bagay. ${ }^{12}$ Min mouin di nou Éli gin tan vini, yo pat rékonnèt li, é yo fè-l sa yo té vlé. Sé konsa tou Fis-dé-lòm nan gin pou soufri an-ba yo. ${ }^{13}$ Alò disip yo konprann ké sé té sou Jan-Batis li t-ap palé yo.

Jézu géri gnou ti gason ki soufri malkadi
14 Lè yo rivé koté foul la, gnou nonm vi-n lagé kò li a-jénou dévan Jézu, li di: ${ }^{15}$ Ségnè, gin pitié pou pitit gason mouin an, ki pa byin nan tèt li, é ki soufri anpil; paské pluziè foua li tonbé nan du-fé, é pluziè foua li tonbé nan dlo. ${ }^{16}$ Mouin minnin-1 bay disip ou yo, é yo pa-t kapab géri-l. ${ }^{17}$ Jézu réponn: Ras san la foua é ras pèvèti, jouk ki lè m-a gin pou-m avèk nou? Jouk ki lè m-a gin pou-m supòté nou? Minnin-1 isit ban mouin. ${ }^{18}$ Jézu palé démon an gnou jan sévè, démon an sòti, é minm lè $a$, ti moun nan géri.
19 Alò disip yo proché kot Jézu, yo di-l an patikulié: Pouki sa nou pa-t kapab chasé démon sa a? ${ }^{20}$ Jézu di yo: Sé paské nou manké la foua. An vérité mouin di nou, si nou té gin la foua tankou gnou grinn moutad, nou ta di mòn sa a: Sóti kò ou isit la, al la-ba, é li ta sòti kò-l
alé; angnin pa ta inposib pou nou. ${ }^{21}$ Min kalité démon sa a pa sòti, sòf ak la priè épi ak jèn.

Jézu anonsé la mò li ankò
22 Étan yo t-ap pakouri péyi Galilé a, Jézu di yo: Fis-délòm nan gin pou livré nan min lèz òm; ${ }^{23}$ yo pral tué-l, é touazièm jou a, li va résusité. Yo vi-n tris anpil.

Jézu péyé lajan tant la
24 Lè yo rivé Kapènaòm, moun yo ki t-ap ranmasé dé goud tanp la, proché kot Piè, yo di-1: Eské mèt ou p-ap péyé dé goud tanp la? ${ }^{25} \mathbf{L i}$ di: Oui. É lè-l antré nan kay la, anvan li palé, Jézu di-l: Sa ou konprann nan sa, Simon? ki moun roua sou la tè yo fè péyé doua ou-byin lajan kontribusion? èské sé pitit yo ou-byin étranjé? ${ }^{26}$ Piè di-l: Etranjé. É Jézu réponn li: Donk pitit yo ékzan. ${ }^{27}$ Sèlman, pou nou pa ba yo movèz ékzanp, al bò la mè a, lagé gnou zin, épi ralé prémié pouason ki mòdé a. Ouvri bouch li, é ou-a jouinn gnou lajan ki vo kat goud. Pran li, é ba yo li pou mouin avèk ou.

## Ki lès ki pi gran nèg?

18 Lè sa a, disip yo proché koté Jézu, yo di-l: Ki lès ki pi gran nèg nan rouayom sièl la? ${ }^{2}$ Jézu rélé gnou ti moun, li mété-1 nan mitan yo, li di: ${ }^{3}$ An vérité mouin di nou, si nou pa konvèti é si nou pa vi-n tankou ti moun piti, nou p-ap antré nan rouayom sièl la.
${ }^{4}$ Sé pou-tèt sa, moun ki va soumèt tèt li tankou ti moun sa a , va pi gran nèg nan rouayom sièl la. ${ }^{5}$ Épi moun ki résévoua gnou ti moun kon sa o-non mouin, résévoua-m, mouin-minm. ${ }^{6}$ Min, si gnou moun fè gnoun nan ti piti sa yo, ki kouè nan mouin, tonbé nan péché, sa ta pi bon pou yo maré gnou rò moulin nan kou moun sa a épi pou yo jété-l nan fon la mè.

## Tantasion pou fè péché

7 Malè pou lé monn, a-kòz movèz ékzanp yo! Paské fòk gin movèz ékzanp; min malè pou gnou nonm ki bay movèz ékzanp! ${ }^{8} \mathrm{Si}$ min ou ou-byin pié ou ap fè ou tonbé nan péché, koupé-l épi jété-l louin ou; sa pi bon pou ou antré nan la vi ap bouaté ou-byin ak gnou sèl min, o-lié pou ou gin dé pié ou dé min épi pou yo jété ou nan du-fé étènèl la. ${ }^{9}$ É si jé ou ap fè ou tonbé nan péché, raché-l épi jété-l louin ou; sa pi bon pou ou antré nan la vi ak gnou sèl jé, o-lié pou ou gin dé jé épi pou yo jété ou nan lanfè.

## Mouton ki pèdu a

10 Atansion pou nou pa méprizé gnou sèl nan piti sa yo; paské mouin di nou, zanj yo, ki nan sièl la ouè fas Papa-m ki nan sièl la, tout tan. ${ }^{11}$ Paské Fis-dé-lòm nan vi-n pou sové sa ki té pèdu.
12 Sa nou konprann nan sa? Si gnou nonm gin san mouton épi gnoun anfourayé, èské li pa kité katré-vin-disnèf lòt yo nan mòn, pou l-al
chaché sa ki anfourayé a? ${ }^{13}$ É si-l rivé jouinn li, an vérité mouin di nou, li réjoui pou li plus pasé pou katré-vin-dis-nèf ki pa-t anfourayé yo. ${ }^{14}$ Konsa tou, sé pa volonté Papa nou, ki nan sièl, pou gnou sèl nan piti sa yo pèdu.

## Gnou frè ki fè péché

15 Si frè ou péché, alé, fè-l ouè sa a-nou-dé, ant ou-minm ak li sèlman. Si-l kouté ou, frè ou sé pou ou. ${ }^{16} \mathrm{Min}$ si li pa kouté ou, pran gnoun ou dé moun avèk ou, pou tout afè a réglé dapré déklarasion déz ou toua témouin. ${ }^{17}$ Si li réfuzé kouté yo, di légliz sa; é si li réfuzé kouté légliz, sé pou ou gadé-l minm jan ou gadé gnou payin ak gnou anplouayé kontribusion. ${ }^{18}$ An vérité mouin di nou, tou sa nou maré sou la tè va maré nan sièl la tou, é tou sa nou va lagé sou la tè va lagé nan sièl la tou.
19 Mouin di nou ankò ké, si dé pami nou sou la tè dakò pou mandé ninpòt ki bagay, yo va résévoua li nan min Papa-m ki nan sièl. ${ }^{20}$ Paské koté déz ou toua réuni o-non mouin, mouin nan mitan yo.
21 Alò Piè proché, li di Jézu: Ségnè, konbyin foua pou-m padonnin frè mouin, lè-l péché kont mouin? Eské sé jouk sou sèt foua? ${ }^{22}$ Jézu di-l: M-pa di ou jouk sou sèt foua, min jouk sou souasantdis foua sèt foua.

Gnou sèvilè ki san mizérikòd
23 Sé pou sa rouayom sièl
la tankou gnou roua ki té vlé fè sèvitè-l yo rann li kont. ${ }^{24}$ Lè-l kòmansé fè règléman, yo minnin ba li gnoun ki té doué-l di mil talan. ${ }^{a}{ }^{25}$ Kòm li pa-t gin dé koua pou péyé, mèt li bay lòd pou yo vann li, ak madanm li, pitit li, épi tou sa-l té gingnin pou péyé dèt la. ${ }^{26}$ Sèvitè a lagé kò li a-tè, li bésé byin ba dévan-l, li di: Mèt, pran pasians ak mouin, é m-a péyé ou tout.
27 Kè mèt sèvitè a té fè-1 mal, li kité-l alé, li pasé dèt la pou li. ${ }^{28}$ Apré sèvitè a sòti, li kontré ak gnou konpagnon ki té doué-l san goud; li kinbé-1, li pran tranglé-l, li di: Péyé-m sa ou doué-m nan. ${ }^{29}$ Konpagnon-1 nan lagé kò li a-tè, li suplié-l, li di: Pran pasians ak mouin, m -a péyé ou. ${ }^{30}$ Min lòt la pa-t vlé, é l-alé pou fè jété-1 nan prizon, pou jouk lè li fi-n péyé sa li doué a. ${ }^{31}$ Konpagnon-l yo ki té ouè sa-k té rivé, té vi-n ròd tris, é y-al rakonté mèt yo tou sa-k té pasé. ${ }^{32}$ Alò mèt la fè sèvitè a vini, é li di-l: Méchan sèvitè, m-pasé tout dèt ou pou ou, paské ou té suplié-m pou-m fè sa; ${ }^{33}$ èské ou pa-t doué gin pitié pou konpagnon ou, minm jan mouin té gin pitié pou ou? ${ }^{34}$ E pandan mèt li a té ankolè konsa a, li livrél bay gadyin prizon yo pou jouk lè li fi-n péyé tou sa li té doué a. ${ }^{35}$ Sé konsa Papa-m ki nan sièl la va fè nou, si nou chak
nou pa padonnin frè nou ak tout kè.

## Anségnman Jézu sou diò̀s

19Lè Jézu fi-n diskou sa yo, li kité la Galilé, l-alé nan téritoua la Judé, lòt bò la riviè Joudin. ${ }^{2}$ Gnou gran foul té suiv li, é li géri malad yo.
3 Farizyin yo proché pou sondé li, yo di-l: Eské sé pèmi pou gnou nonm kité ak madanm li pou ninpòt ki kòz? ${ }^{4} \mathrm{Li}$ réponn: Eské nou pa li ké o kòmansman, Kréatè a téfè gnou nonm ak gnou fanm, ${ }^{5}$ é li té di: Sé pou-tèt sa lòm va kité papa-l ak manman-l, l-a ataché ak madanm li, é tou dé va vini gnou sèl chè? ${ }^{6}$ Konsa yo pa dé ankò, min yo gnou sèl chè. Donk pi-nga lòm séparé sa Bon-Dieu uni. ${ }^{7}$ Yo di li: Alò pouki sa Moiz té kòmandé pou yo bay gnou lèt divòs an ka dé séparasion? ${ }^{8} \mathrm{Li}$ réponn yo: Sé pou-tèt jan kè nou du ké Moiz té pèmèt nou kité ak madanm nou; o kòmansman sé pa-t konsa. ${ }^{9}$ Min mouin di nou, ninpòt moun ki kité ak madanm li, sòf pou inkonduit, épi ki marié ak gnou lòt, li konmèt adultè.
10 Disip li yo di-l: Si sé nan kondision sa a gnou nonm yé pa rapò ak fanm, pito moun pa marié. ${ }^{11} \mathrm{Li}$ réponn yo: Tout moun pa konprann paròl sa a, sé sèlman moun ki résévoua don pou sa. ${ }^{12}$ Paské gin déz òm ki pa nan afè la chè dapré jan

[^0]

Moun ki vlé tranglé konpagnon ki doué-l la
manman yo fè yo; gingnin sé moun ki rann yo konsa; é gingnin ki rann tèt yo konsa pou-tèt rouayom sièl la. Ké moun ki kapab konprann, konprann.

## Jézu béni ti moun piti yo

13 Alò yo prézanté ti moun piti bay Jézu, pou li té étann min li sou yo é pou li té lapriè pou yo. Min disip yo pousé yo alé. ${ }^{14}$ É Jézu di: Kité ti moun yo vi-n jouinn mouin, pa anpéché yo; paské rouayom sièl la sé pou moun ki sanblé ak yo. ${ }^{15} \mathrm{Li}$ étann min li sou yo, li pati kité bò la.

## Jin-nonm rich la

16 E min-ni, gnou nonm proché, li di Jézu: Mèt, ki bon bagay mouin doué fè pou-m gin la vi étènèl? ${ }^{17}$ Jézu réponn li: Pouki ou ap késionnin mouin sou sa ki bon? Sé gnou sèl ki bon. Si ou vlé antré nan la vi, obsèvé kòmandman yo. Nonm nan di: Ki lès? ${ }^{18}$ É Jézu réponn li: Ou pa pou tué; ou pa pou konmèt adultè; ou pa pou volò; ou pa pou fè fo témouagnaj; réspékté papa ou ak manman ou; ${ }^{19}$ épi: Sé pou ou rinmin prochin ou tankou tèt pa ou. ${ }^{20}$ Jin-nonm nan di li: Mouin obsèvé tout kòmandman sa yo; ki sa mouin manké ankò? ${ }^{21}$ Jézu di-1: Si ou vlé korèk sou tout pouin, alé, vann sa ou posédé, bay póv li, é ou-a gin gnou richès nan sièl la. Épi vini, suiv mouin. ${ }^{22}$ Lè jin-nonm nan tandé paròl sa yo, l-alé tou tris; paské li té gin anpil
byin. ${ }^{23}$ Jézu di disip li yo: An vérité mouin di nou, sa va difisil pou gnou richa antré nan rouayom sièl la. ${ }^{24}$ Mouin di nou ankò, li pi fasil pou gnou chamo travèsé nan gnou trou zégui pasé pou gnou richa antré nan rouayom sièl la. ${ }^{25}$ Lè disip yo tandé sa, yo té ròd étonnin, yo di: Donk ki moun ki kapab sové? ${ }^{26}$ Jézu gadé yo, li di yo: Sa inposib pou lèz òm, min tout bagay posib pou Bon-Dieu.
27 Alò Piè pran la paròl, li di-l: Gadé, nou kité tout bagay, nou suiv ou; ki sa nou va gingnin? ${ }^{28}$ Jézu réponn yo: An vérité mouin di nou, lè tout bagay va chanjé, lè Fis-dé-lòm nan va chita sou tròn la gloua li, nou-minm ki suiv mouin, n -a chita minm jan an sou douz tròn, é n-a jujé douz branch ras Izraèl yo. ${ }^{29}$ É ninpòt moun ki kité frè ou-byin sè, ou-byin papa, oubyin manman, $\llcorner$ ou-byin madanm $\rfloor$, ou-byin pitit, oubyin jadin, ou-byin kay, a-kòz non mouin, va résévoua san foua plus, é l-a éritié la vi étènèl. ${ }^{30}$ Pluziè nan prémié yo va dènié, é pluziè nan dènié yo va prémié.

## Travayè nan jadin rézin an

20 Paské rouayom sièl la sanblé ak gnou mèt kay, ki sòti gran matin pou loué travayè pou jadin rézin li. ${ }^{2}$ Li konvni ak yo pou gnou goud pa jou, épi li voyé yo nan jadin rézin li. ${ }^{3} \mathrm{Li}$ sodi vè név è du matin, li ouè kèk lòt travayè ki té kanpé sou la plas la aryin-na-fè. ${ }^{4} \mathrm{Li}$ di
yo: Nou-minm tou, alé nan jadin rézin mouin, é mia ban nou sa ki just. ${ }^{5}$ E y-alé. Li sòti ankò vè midi épi vè touaz è apré-midi, li fè minm bagay. ${ }^{6} \mathrm{Li}$ sòti vè sink è apré-midi, li jouinn kèk lòt travayè ki té kanpé sou la plas la, li di yo: Pouki sa nou kanpé isit la tout la jounin aryin-na-fè? ${ }^{7}$ Yo réponn li: Sé paské pèsonn pa loué nou. Li di yo: Nouminm tou, alé nan jadin rézin mouin an. ${ }^{8}$ Lè a-souè rivé, mèt jadin rézin an di jéran li an: Rélé travàyè yo, péyé yo salè yo, an komansan pa dènié yo, é fini sou prémié yo. ${ }^{9}$ Travayè sink è apré-midi yo vini, é yo chak résévoua gnou goud. ${ }^{10}$ Prémié yo vi-n apré, yo té atann pou yo résévoua plus; min yo chak résévoua gnou goud tou. ${ }^{11}$ Lè yo résé-voua-l, yo bougonnin kont mèt kay la, yo di: ${ }^{12}$ Dènié sa yo travay sèlman un-è-d tan, é ou trété yo minm jan ak nou, ki supòté pèz tout jounin an avèk chalè $\mathrm{a} .{ }^{13}$ Mèt la réponn gnoun nan yo: Zanmi, mouin pa fè ou okinn tò; èské nou pa-t konvni pou gnou goud? ${ }^{14}$ Pran sa ki pou ou, épi alé. Mouin vlé bay dènié sa a minm valè ak ou. ${ }^{15}$ Eské-m pa gin pèmi pou-m fè sa-m vlé ak sa ki pou mouin? Oubyin èské ou trouvé sa mal ké mouin sé gnou nonm bon kè? ${ }^{16}$ Sé konsa dènié yo va prémié, épi prémié yo va dènié.

Jézu anonsé la mò li ankò
17 Étan Jézu t-ap monté Jéruzalèm, li pran douz disip li yo a-pa, é étan sou rout la,
li di yo: ${ }^{18}$ Min n-ap monté Jéruzalèm, é yo pral livré Fis-dé-lòm nan nan min chèf sakrifikatè yo ak éskrib yo. Y-a kondané li a-mò, ${ }^{19}$ é y-a livré-l nan min payin yo, pou yo pasé-l an-ba rizib, pou yo fouété-l épi krusifié-l; é sou touazièm jou a, l-a résusité.

## Démann Jak avèk Jan an

20 Alò manman pitit Zébédé yo proché koté Jézu ak pitit li yo, li bésé la tèt byin ba dévan li pou fè-l gnou démann. ${ }^{21}$ Jézu di li: Ki sa ou vlé? Li di: Kòmandé pou dé pitit mouin sa yo kapab chita, gnoun a-douat ou, lòt a-goch ou, nan rouayom ou. ${ }^{22}$ Jézu réponn: Nou pa konnin ki sa n-ap mandé. Eské nou kapab bouè nan godèt mouin gin pou-m bouè a? Yo di: Nou kapab. ${ }^{23}$ E li réponn yo: Sé vré ké nou va bouè nan godèt mouin an; min, kant-a pou chita a-douat ou-byin a-gòch mouin, sé pa mouin ki pou akòdé sa; sé va pou moun Papa-m rézèvé sa pou yo. ${ }^{24}$ Dis yo ki té tandé sa, té indigné kont dé frè yo. ${ }^{25}$ Jézu rélé yo, li di: Nou konnin ké chèf nasion yo trété yo tankou ésklav, é ké gran nèg yo kinbé nasion yo an-ba puisans yo. ${ }^{26} \mathrm{Sa} \mathrm{p}$-ap konsa pami nou. Min sa ki vlé pou li gran tèt pami nou bézouin vi-n sèvitè nou; ${ }^{27}$ é sa ki vlé an prémié pami nou, sé pou li ésklav nou. ${ }^{28}$ Sé konsa Fis-dé-lòm nan vini, pa pou yo sèvi li, min pou li sèvi, épi pou-l bay la vi li pou pri délivrans anpil moun.

## Dé avèg ouè ankò

29 Kòm yo t-ap sòti Jériko, gnou gran foul té suiv Jézu. ${ }^{30}$ E min-ni, dé avèg ki té chita bò chémin an, tandé di ké Jézu t-ap pasé, yo rélé: Ségnè, Pitit David, gin pitié pou nou! ${ }^{31}$ Foul la réproché yo pou fè yo pé; min yo rélé pi fó: Ségnè, Pitit David, gin pitié pou nou! ${ }^{32}$ Jézu rété, li rélé yo, li di: Ki sa nou vlé-m fé pou nou? ${ }^{33}$ Yo di-l: Ségnè, ké jé nou louvri. ${ }^{34}$ Kè Jézu fè-l mal, li touché jé yo; minm lè a yo ouè ankò, é yo suiv li.

## Jézu antré Jéruzalèm an trionf

21Yo t-ap proché sou Jéruzalèm, yo té déja Bétfajé, pré mòn Zolivié. Jézu voyé dé disip, ${ }^{2}$ li di yo: Alé nan bouk ki dévan nou an; kou-n rivé n-a jouinn gnou manman bourik maré, épi gnou ti bourik avèk li; lagé yo, minnin yo ban mouin. ${ }^{3}$ Si gin moun ki di nou kichòy, réponn: Lé Ségnè bézouin yo. Minm lè a, l-a kité yo alé. ${ }^{4}$ Ald̀ sa rivé pou sa profèt la té anonsé a kapab akonpli:
${ }^{5}$ Di pitit fi Sion an:
Min roua ou ap vi-n jouinn ou,
Li tou dou, li monté sou gnou bourik,
Sou gnou jèn bourik, pitit gnoun ki déja pòté chaj. 6 Disip yo alé, yo fè sa Jézu té kòmandé yo. ${ }^{7}$ Yo minnin manman bourik la ak jèn bourik la, yo mét rad yo sou yo, épi yo fè Jézu chita. ${ }^{8}$ Anpil moun nan foul la tann rad yo nan chémin an; dòt
koupé branch boua, yo tann yo nan chémin an. ${ }^{9}$ Moun ki t-ap maché dévan Jézu yo épi sa ki t-ap suiv li yo, t-ap rélé: Ozana pou Pitit David la! Bénédiksion pou sila ki vini o-non lé Ségnè! Ozana jouk pi ro nan sièl la!
10 Lè li antré Jéruzalèm, tout la vil la té an-brann, é yo té di: Ki lès sa a? ${ }^{11}$ Foul la té réponn: Sé Jézu, profèt Nazarèt Galilé a.

Jézu pròpté tanp la
12 Jézu antré nan tanp BonDieu a. Li chasé tout moun ki t-ap vann é ki t-ap achté nan tanp la; li chaviré tab moun ki t-ap chanjé lajan yo avèk chèz moun ki t-ap vann pijon yo. ${ }^{13}$ Epi li di yo: Sa ékri: Yo va rélé kay mouin gnou kay la priè. Min nouminm, nou fè-l gnou kav vòlè.
14 Kèk avèg avèk kèk bouaté proché koté-l nan tanp la. É li géri yo.
15 Min chèf sakrifikatè yo ak éskrib yo té indigné lè yo ouè mèvèy li fè, épi ti moun yo ki t-ap rélé nan tanp la: Ozana pou Pitit David la! ${ }^{16}$ Yo di-l: Eské ou tandé sa y-ap di? Jézu réponn yo: Oui. Eské nou pa janm li parol sa yo: Ou résévoua louanj nan bouch ti moun piti ak nan bouch sa ki nan tété?
17 Épi li kité yo, li sòti nan vil la pou l-al Bétani koté li pasé la nuit.

## Figié modi a

18 Nan matin, étan yo t-ap tounin la vil, Jézu té grangou. ${ }^{19} \mathrm{Li}$ ouè gnou pié figié sou
rout la, li proché koté-l; min li jouinn fèy sèlman, é li di pié figié a: Sé pa pou gnou sèl ti foui donnin sou ou ankò! E minm lè a pié figié a chéché. ${ }^{20}$ Lè disip yo ouè sa, yo té étonnin, yo di: Kòman pié figié a fè vi-n chèch nan gnou ti moman konsa? ${ }^{21}$ Jézu réponn yo: An vérité mouin di nou, si nou té gin la foua é si nou pa-t douté, sé pa sèlman sa ki rivé figié a ké nou ta fè, min lè nou ta di mòn sa a: Ouété kò ou, jété ou nan la mè, sa ta fèt. ${ }^{22}$ Tou sa n-a mandé nan la priè, avèk la foua, n -a résévoua-l.
Yo mandé Jêzu ki doua li gingnin
23 Jézu antré nan tanp la. Etan li t-ap bay anségnman, chèf sakrifikatè yo avèk ansyin pami pèp la vi-n di li: Avèk ki otorité ou ap fè bagay sa yo, é ki lès ki té ba ou otorité sa a? ${ }^{24}$ Jézu réponn yo: M-a pozé nou gnou késion tou, é si nou réponn li, m-a di nou avèk ki otorité m-ap fè bagay sa yo. ${ }^{25}$ Batèm Jan an, koté li té sòti? Nan sièl ou-byin nan lèz òm? Min ant yominm, yo fè pansé sa a: Si nou réponn: Nan sièl, li va di nou: Donk pouki sa nou pa-t kouè li? ${ }^{26} \dot{E}$ si nou réponn: Nan lèz òm, nou gin pou nou krinn foul la, paské yo tout konsidéré Jan kòm gnou profèt. ${ }^{27}$ Alò yo réponn Jézu: Nou pa konnin. Li-minm tou, li di yo: Mouin-minm tou, mouin p-ap di nou avèk ki otorité m-ap fè bagay sa yo.

Parabol dé pitit gason yo
28 Sa nou konprann nan sa? Gnou nonm té gin dé pitit. Li palé ak prémié a, li di-l: Pitit mouin, al travay jodi a nan jadin rézin mouin. ${ }^{29} \mathbf{~ L i}$ réponn: M-pa vlé. Pi ta li régrèt, é l-alé. ${ }^{30}$ Papa a palé ak lòt la, li di-l minm bagay. É pitit sa a réponn: Oui, Mèt. Épi li pa-t alé. ${ }^{31} \mathbf{K i}$ lès nan dé yo ki té fè volonté papa a? Yo réponn li: Prémié a. E Jézu di yo: An vérité mouin di nou, anplouayé kontribusion ak fanm movèz vi va antré nan rouayom BonDieu anvan nou. ${ }^{32}$ Paské lè Jan té vi-n jouinn nou li t-ap maché nan chémin la justis, é nou pa kouè-l. Min anplouayé kontribusion yo ak fanm movèz vi yo kouè li. É malgré nou fi-n ouè sa, nou pa répanti pou nou kouè nan li.

Parabol jadin rézin an avèk fèmié yo 33 Kouté gnou lòt parabol. Té gin gnou nonm, mèt kay, ki té planté gnou jadin rézin. Li fèmin-l avèk gnou antouraj, li fouyé gnou près, li bati gnou kay jadin; épi li anfèmin sa avèk kèk kultivatè rézin, é li kité péyi a. ${ }^{34}$ Lè tan rékòt té rivé, li voyé sèvitè-l yo koté kultivatè rézin yo pou résévoua profi jadin rézin an. ${ }^{35}$ Kultivatè rézin yo kinbé sèvitè yo, yo bat gnoun, yo tué gnou lòt, yo kalonnin gnou touazièm ak kout ròch. ${ }^{36}$ Mèt kay la voyé lòt sèvitè ankò, pi-plus pasé prémié yo; é kultivatè rézin
trété yo minm jan. ${ }^{37}$ A la fin, li voyé pròp pitit li koté yo, li di: Yo va réspékté pitit mouin an. ${ }^{38} \mathrm{Min}$, lè kultivatè rézin yo ouè pitit la, yo di ant yo: Min éritié a. Vi-n non! An nou tué li, é an nou anparé nou dé éritaj li. ${ }^{39}$ Yo kinbé li, yo jété-l lòt bò jadin rézin an, yo tué li. ${ }^{40}$ Donk, lè mèt jadin rézin an vini, ki sa li va fè kultivatè sa yo? ${ }^{41}$ Yo réponn li: Li va fè mizérab sa yo péri san mizérikòd, é li va anfèmin jadin rézin an ak lòt kultivatè ki va ba li profi nan sézon rékòt.
42 Jézu di yo: Eské nou pa janm li nan lèz-Ékritu:

Ròch moun ki t-ap bati yo té réjété a,
Li vini ròch kouin an;
Sé travay lé Ségnè,
É sé gnou mèvèy dévan jé nou?
43 Sé pou sa mouin di nou, y-a ouété rouayom Bon-Dieu a nan min nou, y-a bay gnou nasion li ki va donnin foui rouayom nan. ${ }^{44}$ Moun ki va tonbé sou ròch sa a va fann, é moun ròch la va tonbé sou yo, va krazé.
45 Lè chèf sakrifikatè yo ak farizyin yo tandé parabol sa yo, yo konprann ké Jézu t-ap palé sou yo, ${ }^{46}$ é yo t-ap chaché pou kinbé-l; min yo té krinn foul la, paské yo té konsidéré Jézu kòm gnou profèt.

## Répa mariaj la

22Jézu pran la paròl, li palé yo ankò an parabol, li di:
2 Rouayom sièl la sanblé ak
gnou roua ki té fété nòs pitit gason li. ${ }^{3} \mathrm{Li}$ voyé sèvitè-1 yo rélé moun ki té invité yo pou vi-n nan nòs; min moun ki té invité yo pa-t vlé vini. ${ }^{4} \mathrm{Li}$ voyé dòt sèvitè ankò, li di yo: Di moun ki té invité yo: Min-ni, m-paré résépsion mouin; bèf mouin avèk bèt gra mouin tué, tout bagay paré; vi-n nan nòs la. ${ }^{5} \mathrm{Min}$, invité yo pa okupé invitasion an, y-al fè rout yo, gnoun alé nan jadin li, lòt nan trafik li; ${ }^{6}$ lèz d̀t yo kinbé sèvitè yo, yo déréspékté yo, yo tué yo. ${ }^{7}$ Roua a té irité; li voyé éskouad solda li, li fè ansasin yo péri, é-l boulé vil yo a. ${ }^{8}$ Épi li di sèvitè-l yo: Nòs la paré; min moun ki té invité yo pa-t dign. ${ }^{9}$ Alé donk nan kafou yo, invité tout moun nou jouinn pou yo vini nan nòs la. ${ }^{10}$ Sèvitè yo alé sou chémin yo, yo rasanblé tout moun yo jouinn, ni mové ni bon, é sal nòs la té plin ak moun ki té invité. ${ }^{11}$ Roua a antré pou ouè moun ki té a-tab yo, li ouè gnou nonm ki pa-t abiyé ak rad nòs. ${ }^{12}$ Li di-l: Zanmi-m, koman ou fè antré isit la san gnou rad nòs? Nonm nan té bouch-pé. ${ }^{13}$ Alò roua a di sèvitè-l yo: Maré pié-l ak min li, jété-l nan ténèb déyò a, koté ki va gin krié épi grajé dan. ${ }^{14}$ Paské gin anpil moun ki résévoua apèl, min sé gnoungnoun ki pasé nan choua a.

## Lajan kontribusion Séza a

15 Alò farizyin yo alé konsulté ansanm, sou ki jan pou yo pran Jézu nan pròp paròl li.

16 Yo voyé disip pa yo avèk érodyin yo koté li, yo di-l: Diréktè, nou konnin ké ou véritab, é ké ou anségné chémin Bon-Dieu ak tout vérité, san chaché fè pèsonn plézi; paské ou pa gadé sou aparans lèz òm. ${ }^{17}$ Ann éfè di nou ki sa ou pansé sou sa: Eské sé pèmi ou non, pou péyé Séza lajan kontribusion? 18 Jézu, ki té konn méchansté yo, réponn: Pouki n-ap tan-té-m, ipokrit? ${ }^{19}$ Montré-m piès lajan nou abitué péyé kontribusion an. E yo prézanté-l gnou goud. ${ }^{20}$ Jézu mandé yo: Pòtré sa a avèk sa ki ékri a, sé pa ki moun? ${ }^{21}$ Yo réponn li: Pa Séza. Alò li di yo: Rinmèt Séza sa ki pou Séza, rinmèt BonDieu sa ki pou Bon-Dieu. ${ }^{22}$ Lè yo tandé sa, sézisman pran yo; yo kité-l, é y-al fè rout yo.

## Gnou késion sou la rézurèksion

23 Minm jou a, saduséyin yo, ki di ké moun pa résusité, vi-n jouinn Jézu, yo pozé-l késion sa a: ${ }^{24}$ Diréktè, Moiz té di: Si gnou nonm mouri san pitit, frè-l gin pou marié ak madanm défin an, l-a bay frè li gnou désandans. ${ }^{25}$ Alò té gin sèt frè pami nou. Prémié a marié, li mouri; kòm li pa-t gin pitit, li kité madanm li pou frè-l. ${ }^{26}$ Dézièm nan pasé minm jan, épi touazièm nan jouk sou sètièm nan. ${ }^{27}$ Apré yo tout, fanm nan mouri tou. ${ }^{28}$ Sé madanm ki lès li va yé, lè mò yo va résusité. Paské li té pou yo tout. ${ }^{29}$ Jézu réponn yo: Nou
nan lérè, paské nou pa konprann ni lèz-Ékritu, ni puisans Bon-Dieu a. ${ }^{30}$ Paské lè mò yo résusité, gason pa pran madanm, ni fanm pa gin mari, min yo va tankou zanj Bon-Dieu nan sièl la. ${ }^{31}$ Kant-a pou la rézurèksion lè mò, èské nou pa lisa Bon-Dieu té di nou: ${ }^{32}$ Mouin sé BonDieu Abraam nan, Bon-Dieu Izaak la, Bon-Dieu Jakob la? Li pa Bon-Dieu moun mó, min Bon-Dieu moun vivan. ${ }^{33}$ Anségnman Jézu té frapé foul ki t-ap kouté-l la.

## Gran kòmandman an

34 Lè farizyin yo tandé ké li té fèmin bouch saduséyin yo, yo rasanblé. ${ }^{35}$ Gnoun nan yo ki té gnou konnésè nan afè la loua, pozé-l késion sa a pou sondé-l: ${ }^{36}$ Mèt, ki komandman ki pi gran nan la Loua? ${ }^{37}$ Jézu réponn li: Ou-a rinmin lé Ségnè BonDieu ou ak tout kè ou, ak tout nanm ou, ak tout pansé ou. ${ }^{38}$ Sé sa a ki prémié é ki pi gran kòmandman. ${ }^{39} \mathbf{E}$ min dézièm nan ki sanblé-l: Ou-a rinmin prochin ou tankou tèt pa ou. ${ }^{40}$ Dé komandman sa yo sé fondasion tout la Loua ak profèt yo.

## Gnou késion sou pitil David la

41 Étan farizyin yo té rasanblé, Jézu pozé yo késion, li di: ${ }^{42} \mathrm{Ki}$ sa nou pansé dé Kris? Pitit ki lès li yé? Yo réponn li: Pitit David. ${ }^{43}$ E Jézu di yo: Min kòman David, ki té palé pa mouayin Léspri, fè rélé li Ségnè, lè-l di:
${ }^{44}$ Lé Ségnè di Ségnè mouin: Chita a-douat mouin, Jouk $\tan$ mouin mété énmi ou yo an-ba pié ou?
${ }^{45}$ Donk, si David rélé-l Ségnè, koman li kapab pitit li? ${ }^{46}$ Okinn moun pa-t kapab réponn li angnin. É dépi jou sa a pèsonn pat sa pozé-l késion ankò.

Jézu dénonsé éskrib yo avèk farizyin yo

23Alò Jézu palé ak foul la épi ak disip li yo, li di: ${ }^{2}$ Éskrib yo ak farizyin
yo chita nan fotè Moiz la. ${ }^{3}$ Donk sé pou nou fè épi sé pou-n obsèvé tou sa yo di nou: min pa aji sélon zèv yo. Paské yo di min yo pa fè. ${ }^{4}$ Yo maré dé chaj ki lou, épi yo chajé yo sou zépòl lèz òm; min yo pa vlé minm fè chaj sa yo fè gnou ti mouvman ak douèt yo. ${ }^{5}$ Yo fè tout aksion yo pou lèz òm kapab ouè yo. Konsa yo pòté gro ruban papié ki maké ak vèsé sou fron yo ak sou bra yo; yo lonjé ganitu nan manto yo; ${ }^{6}$ yo rinmin gin prémié plas nan résépsion épi prémié plas nan sinagòg; ${ }^{7}$ yo rinmin pou moun salué yo sou la plas publik épi pou lèz òm rélé yo: Diréktè, Diréktè. ${ }^{8}$ Min nouminm, pa fè moun rélé nou Diréktè; paské sé gnou sèl Diréktè nou gingnin, apré sa nou tout sé frè. ${ }^{9}$ E pa rélé pèsonn sou la tè Papa nou; paské nou gin gnou sèl Papa, sa ki nan sièl la. ${ }^{10} \mathbf{P a}$ fè yo rélé nou gran chèf; paské nou gin gnou sèl gran chèf, sé Kris. ${ }^{11} \mathrm{Pi}$ gran nèg nan pami nou va sèvitè nou.
${ }^{12}$ Ninpòt moun ki vlé rosé tèt li va rabésé, é ninpòt moun k-a rabésé tèt li va rosé.
13 Malè pou nou, éskrib ak farizyin ipokrit! paské nou fèmin rouayom sièl la pou lèz òm; nou pa antré nouminm, é sa yo ki vlé antré, nou pa kité yo antré.
14 Malè pou nou, éskrib ak farizyin ipokrit! paské n-ap dévoré kay vèv yo, an minm tan nou pran pòz la priè long nou; n-a subi gnou jujman ki pi rèd ankò pou sa.
15 Malè pou nou, éskrib ak farizyin ipokrit! paské nou pakouri la mè ak la tè pou nou fè gnou kouayan; é lè nou rési fè-l, nou fè-l vi-n gnou pitit lanfè dé foua plus pasé nou.
16 Malè pou nou, konduktè ki avèg! nou di: Si gnou moun fè sèman sou tanp la, sé pa angnin; min si li fè sèman sou lò ki nan tanp la, li angajé. ${ }^{17}$ Bann égaré, bann avèg! Ki sa ki vo plus, lò a ou-byin tanp la ki fè lò a sakré ? ${ }^{18}$ Nou di ankò: Si gnou moun fè sèman sou lotèl la, sé pa angnin; min si li fè sèman sou ofrann ki sou lotè la, li angajé. ${ }^{19}$ Bann avèg! Ki sa ki vo plus, ofrann nan oubyin lotèl la ki fè ofrann nan sakré? ${ }^{20}$ Moun ki fè sèman sou lotèl la, sèmanté sou lotèl la ak tou sa ki sou li; ${ }^{21}$ moun ki fè sèman sou tanp la, sèmanté sou tanp la avèk moun ki rété nan tanpla; ${ }^{22}$ é moun ki fè sèman sou sièl la, sèmanté sou tròn Bon-Dieu ak sou sila ki chita sou tròn nan. 23 Malè pou nou, éskrib ak
farizyin ipokrit! paské nou péyé la dim sou pié mant, ak sou pié épis épi grinn ki santi bon, épi nou néglijé bagay ki pi inpótan nan la Loua, sèt-a-di: Justis, mizérikòd ak fidélité: sé sa pou nou té obsèvé, san néglijé rès la. ${ }^{24}$ Konduktè ki avèg! nou rété mouch la nan pasoua, min nou valé chamo a.
25 Malè pou nou, éskrib ak farizyin ipokrit! paské nou pròpté déyò godèt la ak déyò plat la, é poutan, ann-dan plin ak kokinay épi dézòd. ${ }_{26}$ Farizyin avèg, pròpté anndan godèt la ak ann-dan plat la an-prémié pou déyò a tou kapab vi-n nèt.
27 Malè pou nou, éskrib ak farizyin ipokrit! paské nou sanblé ak tonm yo blanchi; déyò yo parèt bèl, min anndan yo plin ak zosman mò épi tout bagay koronpu. ${ }^{28}$ Konsa tou, déyò nou parèt just dévan lèz òm, min anndan nou plin ipokrizi ak injustis.
29 Malè pou nou, éskrib ak farizyin ipokrit! paské nou bati tonm pou profèt yo, é nou dékoré kavo just yo, épi nou di: ${ }^{30}$ Si nou té viv nan tan zansèt nou yo, nou pa ta fè bann ak yo pou vèsé san profèt yo. ${ }^{31}$ Konsa nou rann témouagnaj kont tèt nou ké nou sé pitit sa ki té tué profèt yo. ${ }^{32}$ Donk mété djégi sou mézu zansèt nou yo. ${ }^{33}$ Bann koulèv, ras sèpan! kòman pou-n fè chapé an-ba chatiman lanfè? ${ }^{34}$ Sé pou sa, min-ni, mouin voyé profèt, moun ki saj, avèk éskrib ban
nou. Nou va tué in-pé, é n-a krusifié yo; n-a fouété lèz òt yo nan sinagòg nou yo, n-a pèsékuté yo dé vil an vil, ${ }^{35}$ pou tout san inosan ki vèsé sou tè a kapab tonbé sou nou, dépi san Abèl, just la, jouk san Zakari, pitit Barachi, ké nou té asasinin nan mitan tanp la ak lotèl la. ${ }^{36} \mathrm{An}$ vérité mouin di nou, tout bagay sa yo gin pou fonn sou jénérasion sa a.

Jézu plinn pou sò Jéruzalèm
37 Jéruzalèm, Jéruzalèm, ou-minm ki tué profèt yo, épi ki kalonnin moun yo voyé ba ou yo, konbyin foua mouin té vlé rasanblé pitit ou yo, tankou gnou poul rasanblé ti pitit li an-ba zèl li, min ou pa-t vlé! ${ }^{38} \mathrm{Min}-\mathrm{ni}$, yo pral lagé ou lakay ou pou kont ou; ${ }^{39}$ paské mouin di ou sa, a-pati jodi a, ou p-ap ouè-m ankò, jouk lè ou va di: Bénédiksion sou sila ki vini o-non lé Ségnè a.

Jézu anonsé déstruksion tanp la 24 Kòm Jézu t-ap sòti nan disip li yo proché pou fè-l gadé batisman yo. ${ }^{2}$ Min li di yo: Nou ouè tou sa? An vérité mouin di nou, p-ap rété pa gnou ròch la a ki sou gnou lòt, ki p-ap ranvèsé.

## Sign la fin an

3 Li té chita sou mòn Zolivié. Disip yo vi-n an patikulié pou pozé-l késion sa a: Di nou ki lè sa va rivé, di nou ki sign $k$-a gingnin lè ou ap vini épi a la fin lé monn.

4 Jézu réponn yo: Véyé kò nou pou pèsonn pa sédui nou. ${ }^{5}$ Paské pluziè va vini sou non mouin, ap di: Mouin sé lé Kris. Yo va sédui anpil moun. ${ }^{6} \mathrm{~N}$-a tandé kozé la gè ak bri la gè: véyé kò nou pou nou pa troublé, paské fòk bagay sa yo rivé. Min sé p-ap kò la fin an sa. ${ }^{7}$ Gnou nasion va lévé kont gnou nasion, gnou rouayom kont gnou rouayom; va gin grangou avèk tranbléman-d-tè nan divès koté. ${ }^{8}$ Tou sa sé va kòmansman doulè sèlman. ${ }^{9}$ Lè sa a, y-a fè nou pasé touman, y-a fè nou mouri; é tout nasion va rayi nou a-kòz non mouin. ${ }^{10}$ Épi tou, divès moun pral tonbé an-ba éprèv la; gnoun va trayi lòt, é gnoun va rayi lòt. ${ }^{11}$ Pluziè fo profèt va lévé, yo va sédui anpil moun. ${ }^{12}$ E puiské pral gin pi plus méchansté amou pi fò moun va rafrédi. ${ }^{13} \mathrm{Min}$ sila a k-a pèsévéré jouk la fin va sové. ${ }^{14}$ Bòn nouvèl rouayom sa a va préché sou tout la tè, pou sèvi tout nasion yo témouagnaj. Sé ato la fin va rivé.
15 Sé pou sa, lè n-a ouè bagay ki bay répugnans la, ki pòté dézolasion vini, jan profèt Danièl di $a$; lè $n$-a ouè sa établi nan koté ki sakré a moun k-ap li a, kinbé kò ou! - ${ }^{16}$ Lè sa a sé pou moun ki nan la Judé sové al nan mòn; ${ }^{17}$ sé pa pou moun ki sou do kay la désann al pran sa ki nan kay la; ${ }^{18}$ é sé pa
pou moun ki nan jadin tounin dèyè al pran vès li. ${ }^{19}$ Malè pou fanm ki va ansint, épi fanm ki va nouris nan jou sa yo. ${ }^{20}$ Lapriè pou jou nou gin pou-n pati a pa rivé nan tan livè, ni gnou jou saba. ${ }^{21}$ Paské lè sa a va gin gnou détrès ki tèman gran ké moun pat janm ouè sa dépi kòmansman lé monn jouk jodi a, é p-ap janm gin gnoun konsa ankò. ${ }^{22}$ É si yo pa-t koupé in-pé sou jou sa yo, pèsonn pa ta sové; min yo va koupé sou jou sa yo a-kòz moun BonDieu chouazi yo. ${ }^{23}$ Alò, si gnou moun di nou: Lé Kris bò isit, ou-byin: Li bò la, pa kouè li. ${ }^{24}$ Paské pluziè fo kris ak fo profèt va parèt; yo va fè dé mèvèy ak dé mirak, o pouin, si sé té posib, yo ta sédui minm moun Bon-Dieu chouazi yo. ${ }^{25}$ Min-ni, mouin anonsé nou sa davans. ${ }^{26}$ Donk, si yo di nou: Minni, li nan dézè a, pa alé; si yo di nou: Min-ni, li nan chanm nan, pa kouè. ${ }^{27}$ Paské minm jan zéklè pati sou Lévan, ${ }^{a}$ li kléré jouk sou Kouchan, ${ }^{\text {b }}$ sé konsa Fis-dé-lòm nan va vini. ${ }^{28}$ Koté kadav la va yé, sé la zouazo ki manjé chè yo va yé.

## Ki jan Fis-dé-lòm nan va vini

29 Kou jou détrès sa yo pasé, solèy la va nouasi, la lu-n nan p-ap bay lumiè ankó, zétoual yo va tonbé sòti nan sièl, é puisans yo ki nan sièl la va sékoué. ${ }^{30}$ Sé lè sa a

[^1]sign Fis-dé-lòm nan va parèt nan sièl la: tout ras lèz òm ki sou la tè va frapé léstonmak yo, yo va ouè Fis-dé-lòm nan ap vini sou nuaj nan sièl la avèk puisans épi gran gloua. ${ }^{31}$ L-a voyé zanj li yo, ak tronpèt k-ap rézonnin, yo va rasanblé moun Bon-Dieu chouazi yo nan diréksion kat van yo, dépi gnou bout jouk nan lòt bout sièl la. ${ }^{32}$ Kouté gnou ékzanp ki pran sou figié. Kou branch li vi-n gnou jan tann, é ké li pousé fèy, nou konnin ké lété tou pré. ${ }^{33}$ Minm jan tou, lè nou ouè tout bagay sa yo, konnin ké Fis-dé-lòm nan tou pré, nan pòt la minm. ${ }^{34}$ An vérité mouin di nou, jénérasion sa a p-ap pasé, san tout bagay sa yo pa rivé. ${ }^{35}$ Sièl la ak tè a va pasé, min paròl mouin p-ap pasé.
36 Kant-a jou a ak lè a, pèsonn pa konn sa, ni zanj nan sièl la, ni Pitit la, min Papa a sèlman. ${ }^{37}$ Sa-k té rivé nan tan Noé a va rivé tou lè Fis-dé-lòm nan vini. ${ }^{38}$ Paské nan épòk anvan kout-tan an, moun t-ap man-jé-bouè, yo té nan marié épi nan bay pitit yo pou marié, jouk tan Noé té antré nan batiman an; ${ }^{39}$ é yo pa-t konprann angnin jouk lè kout-tan an frapé é-l póté yo tout alé: sé va minm jan an, lè Fis-dé-lòm nan vini. ${ }^{40}$ Lè sa $a$, déz òm va nan jadin; y-a pran gnoun alé, y-a lésé lòt la. ${ }^{41}$ Dé fanm v-ap moulin nan moulin; y-a pran gnoun alé, y-a lésé lòt la. ${ }^{42}$ Véyé donk, paské nou pa konn ki jou

Ségnè nou va vini. ${ }^{43}$ Pran sa pou sètin, si mèt kay la té konnin ki lè nan nuit vòlè ap vini, li ta véyé, li pa ta kité yo kasé kay li. ${ }^{44}$ Sé pou sa nou-minm tou, kinbé nou tou paré, paské Fis-dé-lòm nan va vini lè nou pa fè lidé sa.
45 Ki sèvitè fidèl, moun prékosion, ké mèt li établi sou moun lakay li, pou ba yo manjé a-lè-kil-fo? ${ }^{46}$ Byinnéré sèvitè ké mèt li jouinn ap aji konsa, lè li rivé! ${ }^{47}$ An vérité mouin di nou, li va établi-l sou tout byin li. ${ }^{48}$ Min si sé gnou mové sèvitè ki di nan kè-l: Mèt mouin muzé pou-l vini, ${ }^{49}$ épi li tonbé bat konpagnon li yo, li nan manjé-bouè ak tafiatè, ${ }^{50}$ mèt sèvitè sa a va rivé jou-l pa atann, é gnou lè li pa konnin. ${ }^{51}$ L-a chiré-l, 1-a trété-l tankou ipokrit yo: sé la ki va gin krié ak grajé dan.

## Parabol dis fi vièj yo

25 Lè sa a rouayom sièl 45 la va sanblé ak dis fi vièj ki pran lanp yo, pou al kontré m-sié marié a. ${ }^{2}$ Sink pami yo té tèt-fou, sink lòt yo té gin konprann. ${ }^{3}$ Étan tètfou yo t-ap pran lanp yo, yo pa-t pran luil avèk yo; ${ }^{4}$ min sa ki gin konprann yo té pran luil nan véso avèk lanp yo. ${ }^{5} \mathrm{Kòm} \mathrm{~m}$-sié marié a té muzé pou-l rivé, yo tout pran kabicha, yo dòmi nèt. ${ }^{6}$ Nan mitan nan nuit, gnou rèl pati: Min m-sié marié a; al kontré-l! ${ }^{7}$ Alò tout fi vièj yo lévé, yo paré lanp yo. ${ }^{8}$ Tèt-fou yo di sa-k gin konprann yo: Ban nou
nan luil pa nou; paské lanp nou ap mouri. ${ }^{9}$ Min sa ki gin konprann yo réponn: Non; paské pa ta gin asé pou nouminm épi pou nou tou. Pito n-alé kay machann yo achté pou tèt nou. ${ }^{10}$ Etan yo té pral achté, m-sié marié a rivé; sa ki té paré yo antré avè-l nan sal nòs la, épi pòt la fèmin. ${ }^{11} \mathrm{Pi}$ ta lèz òt fi vièj yo vini, yo di: Ségnè, Ségnè, ouvri pou nou. ${ }^{12}$ Min li réponn: An vérité mouin di nou, mouin pa konnin nou.
13 Donk véyé, paské nou pa konnin ni jou a, ni lè a.

Parabol talan yo
14 Sé va tankou gnou nonm k-ap pati pou vouayaj, li rélé sèvitè-l yo, li konfié yo byin li. ${ }^{15} \mathrm{Li}$ bay gnoun sink talan, ${ }^{a}$ gnou lòt, dé talan, épi gnou touazièm gnou talan; yo chak dapré kapasité yo; épi li pati. ${ }^{16}$ Tou suit, sa ki té résévoua sink talan yo al fè yo travay; li fè kòm bénéfis sink lot talan. ${ }^{17}$ Konsa tou, sa ki té résévoua dé talan yo, fè kòm bénéfis dé lòt talan. ${ }^{18} \mathrm{Sa} \mathrm{ki}$ té résévoua gnou sèl talan an, al fouyé gnou
${ }^{a}$ 25:15 Gnou talan gin valè a-pé-pré $\sin$ mil goud.


Fanm ki nan moulin
trou nan tè, li kaché lajan mèt li a. ${ }^{19}$ Lontan apré, mèt sèvitè sa yo tounin, li fè yo rànn kont ba li. ${ }^{20}$ Sa ki té gin sink talan yo proché, li pòté sink lót talan, épi li di: Mèt, ou té ban mouin sink talan; min sink lòt mouin fè kòm bénéfis. ${ }^{21}$ Mèt li di-l: Sé byin, bon, sèvitè fidèl; ou té fidèl nan ti zafè, m-a konfié ou gran zafè: vi-n patajé la joua mèt ou. ${ }^{22}$ Sa ki té résévoua dé talan yo proché tou, li di: Mèt, ou té ban mouin dé talan; min dé lòt mouin fè kòm bénéfis. ${ }^{23}$ Mèt li di-l: Sé byin, bon, fidèl sèvitè; ou té fidèl nan ti zafè, m-a konfié ou gran zafè; vi-n patajé la joua mèt ou. ${ }^{24}$ Épi sa ki té résévoua gnou sèl talan an proché, li di: Mèt, mouin konnin ké ou sé gnou nonm ki du, ki rékolté koté ou pa-t simin, é ki ranmasé koté ou pa-t vannin. ${ }^{25}$ Mouin té pè é-m t-alé séré talan ou la nan tè: min-ni, pran sa ki pou ou. ${ }^{26}$ Mèt li réponn li: Sèvitè méchan, parésé, ou té konnin ké mouin rékolté koté m-pat simin, é ké mouin ranmasé koté m-pat vannin; ${ }^{27}$ donk, sé pou ou té pòté lajan-m la bank; épi lè-m tounin, mouin ta réprann sa ki pou mouin avèk intérè. ${ }^{28}$ Ouété talan an nan min li, pran-l bay sila ki gingnin dis talan yo. ${ }^{29}$ Paské yo va bay moun ki gingnin, é l-a nan labondans; min moun ki pa gingnin, y-a ouété minm sa li gingnin an. ${ }^{30}$ É sèvitè inutil la, jété-l nan ténèb déyò a, koté va gin krié avèk grajé dan.

## Jujman nasion yo

31 Lè Fis-dé-lòm nan va vini nan gloua li, ak tout zanj li yo, l-a chita sou tròn la gloua li. ${ }^{32}$ Tout nasion yo va rasanblé dévan li. L-a séparé yo gnoun ak lòt, minm jan gnou gadyin mouton séparé mouton yo avèk kabrit yo; ${ }^{33}$ é l-a mété mouton yo a-douat li, épi kabrit yo a-gòch li. ${ }^{34}$ Alò Roua a va di sa ki a-douat li yo: Vini, nou-minm ké Papa-m béni; vi-n posédé rouayom ki paré pou nou an dépi lé monn té kréyé. ${ }^{35}$ Paské m-té grangou, nou té ban-m manjé; mouin té souaf, nou té ban-m bouè; mouin té étranjé, nou té résévoua-m; ${ }^{36}$ mouin té tounu, nou té abiyé-m; mouin té malad, nou té vizité-m; mouin té nan prizon, nou té vi-n ouè mouin. ${ }^{37}$ Just yo va réponn li: Ségnè, ki lè nou té ouè ou grangou, épi nou té ba ou manjé; ou-byin souaf, épi nou té ba ou bouè? ${ }^{38} \mathrm{Ki}$ lè nou té ouè ou étranjé, épi nou té résévoua ou; ou-byin tou-nu, épi nou té abiyé ou? ${ }^{39} \mathrm{Ki}$ lè nou té ouè ou malad ou-byin nan prizon, épi nou t-al ouè ou? ${ }^{40}$ É Roua a va réponn yo: An vérité mouin di nou, chak foua nou té fè sa pou gnoun nan sa yo ki pi piti pami frè-m yo, sé pou mouinminm nou té fè-1. ${ }^{41}$ Apré sa, li va di sa ki a-gòch yo: Ralé kò nou sou mouin, modi; al nan du-fé ki p-ap janm fini an, ki paré pou Diab la ak zanj li yo. ${ }^{42}$ Paské mouin té grangou, nou pat ban-m


Dis fi vièj yo
manjé; mouin té souaf, nou pat ban-m bouè; ${ }^{43}$ mouin té étranjé, é nou pat résé-voua-m; mouin té tou-nu, nou pat abiyé-m; mouin té malad épi nan prizon, nou pat vizité-m. ${ }^{44}$ Yo-minm tou y-a réponn: Ségnè, ki lè nou té ouè ou grangou, ou-byin souaf, étranjé ou-byin tou-nu, malad ou-byin nan prizon, épi nou pa-t ba ou sékou? ${ }^{45}$ E li va réponn yo: An vérité mouin di nou, chak foua nou pat fè sa pou gnoun nan pi piti sa yo, sé pou mouin tou nou pat fè-l. ${ }^{46}$ Epi sa yo va alé nan chatiman ki p-ap fini an, min just yo va alé nan la vi ki p-ap fini an.

Konduklè pàp la konploté kont Jézu 26 Lè Jézu fi-n di tout paròl sa yo, li di disip li yo: ${ }^{2}$ Nou konnin ké sou dé pral livré Fis-dé-lòm nan pou yo krusifié-l.
3 Ald chèf sakrifikatè yo ak ansyin nan pèp la réuni nan la kou pi gran chèf sakrifikatè a, ki té rélé Kaif; ${ }^{4}$ é yo konsulté ansanm pou mét min sou Jézu ak ruz, épi pou yo tué-l. ${ }^{5}$ Min yo di: Sé pa pou sa pasé lè fèt la, pa krint pou pa gin dézod pami pèp la.

## Gnou fanm vidé odè sou Jézu étan li Bétani

6 Kòm Jézu té Bétani, kay Simon ki té gin lèp la, ${ }^{7}$ gnou fanm ki té pòté gnou vaz albat plîn ak gnou odè ki té kouté byin chè, proché koté-l; épi li
vidé odè sou tèt Jézu, étan li té a-tab. ${ }^{8}$ Lè disip yo ouè sa, yo té indigné, yo di: Pouki sa pèdans sa a? ${ }^{9}$ Yo ta kab vann odè sa a byin chè, épi yo ta bay pòv lajan an. ${ }^{10}$ Jézu apèsu sa, li di yo: Pouki $n$-ap fè fanm sa a la pinn? Li fè gnou bon aksion an favè mouin; ${ }^{11}$ paské nou toujou gin pòv yo ak nou, min nou pa gingnin-m pou tout tan. ${ }^{12}$ Odè sa a li vidé sou kò mouin an, li fè sa pou lantèman mouin. ${ }^{13}$ An vérité mouin di nou, tou patou koté bon nouvèl sa a va préché, nan lé monn antié, y-a rakonté sa fanm sa a fè a tou, an souvni li.

## Juda akséplé trayi Jézu

14 Alò gnoun nan douz yo, ki té rélé Juda Iskariòt, al koté chèf sakrifikatè yo, ${ }^{15}$ li di: Ki sa nou vlé ban mouin, m-a livré li ban nou? E yo péyé-l trant piès lajan. ${ }^{16}$ Dépi lè sa a, li pran chaché gnou okazion favorab pou livré Jézu.

Jézu manjé la Pak avèk disip li yo
17 Prémié jou fèt pin san lédvin yo, disip yo proché kot Jézu, pou di li: Ki bó ou vlé nou paré manjé Pak la pou ou? ${ }^{18} \mathrm{Li}$ réponn: Al la vil, kay in-tel, di li: Mèt la di: Tan mouin tou pré; sé lakay ou m-a sélébré Pak la avèk disip mouin yo. ${ }^{19}$ Disip yo fè sa Jézu té ba yo lod pou yo fè a, yo paré Pak la.
20 Lè a-souè rivé, li mété-1 a-tab ak douz yo. ${ }^{21}$ Etan yo t-ap manjé, Jézu di: An vérité
mouin di nou, gnoun nan nou va livré mouin. ${ }^{22}$ Sa té fè yo la pinn anpil; yo chak pran di li: Eské sé mouin, Ségnè? ${ }^{23} \mathrm{Li}$ réponn: Sa ki té mét min avè-m nan plat la, sé li k-a livré-m. ${ }^{24}$ Fis-dé-lòm nan pralé, dapré sa ki ékri sou li. Min malè pou moun ki livré Fis-dé-lòm nan! Sa ta pi bon pou moun sa a, pou li pa-t janm fèt. ${ }^{25}$ Juda, ki t-ap livré-l la, pran la paròl, li di: Mèt, èské sé mouin? Jézu réponn li: Ou di li.
26 Étan yo t-ap manjé, Jézu pran pin; é apré li té rann gras, li kasé-l, li bay disip yo, li di: Pran, manjé, sa sé kò mouin. ${ }^{27} \mathrm{Li}$ pran godèt la tou; é apré li rann gras, li ba yo li, li di: Bouè ladan li, nou tout; ${ }^{28}$ paské sa sé san mouin, san alians la, ki vèsé pou anpil moun, pou padon péché yo. ${ }^{29}$ Mouin di nou, dépi jodi a mouin p-ap janm bouè ju rézin sa a, jouk lè m -a bouè-l ankò avèk nou nan rouayom Papa-m.

## Jézu anonsé ké Piè va nié li

30 Apré yo té fi-n chanté kantik, y-alé mòn Zolivié.
31 Alò Jézu di yo: Pandan nuit sa a, nou tout pral jouinn nan mouin gnou okazion dé chut; paské sa ékri: M-a frapé gadyin mouton yo, é mouton troupo a va dispèsé. ${ }^{32}$ Min apré mouin résusité, mouin pral tann nou Galilé. ${ }^{33}$ Piè pran la paròl, li di-l: Minm si ou ta gnou okazion dé chut pou tout moun, sé p-ap janm pou mouin. ${ }^{34}$ Jézu di-l: An vérité mouin di nou
ké nuit sa a minm, anvan kòk chanté, ou va nié-m toua foua. ${ }^{35}$ Piè réponn li: Minm si fòk mouin mouri avèk ou, mouin p-ap nié ou. E tout disip yo té di minm bagay.

Jézu lapriè nan Jétsémané
36 Alò Jézu alé ak yo gnou koté ki té rélé Jétsémané, li di disip yo: Chita isit la, étan mouin pral pi louin pou la priè. ${ }^{37} \mathrm{Li}$ pran Piè avèk li épi dé pitit Zébédé yo, li kòmansé santi tristès avèk kè kasé. ${ }^{38}$ Alò li di yo: Nanm mouin tris jouk mouin santi ké sé la mò; rété isit la, véyé ak mouin. ${ }^{39}$ Lè-l alé in-pé pi louin, li lagé kò-l fas-atè, li lapriè konsa: Papa-m, si sé posib pou godèt sa a pasé louin mouin! Poutan, sé pa sa mouin vlé, min sa ou vlé. ${ }^{40}$ É li vi-n koté disip li yo, li jouinn yo ap dòmi; li di Piè: Donk nou pat kab véyé u-n è-d-tan avè-m! ${ }^{41}$ Véyé épi lapriè, pou nou pa tonbé nan tantasion; léspri a byin dispozé, min chè a fèb. ${ }^{42} \mathrm{~L}$-alé pi louin gnou dézièm foua, li lapriè konsa: Papa-m, si sé pa posib pou godèt sa a pasé san mouin pa bouè-l, ké volonté ou akonpli! ${ }^{43}$ Li tounin, lijouinn yo ap dòmi ankò; paské jé yo té fatigé. ${ }^{44} \mathrm{Li}$ kité yo, l-alé ankó, li lapriè pou la touazièm foua, li répété minm paròl yo. ${ }^{45}$ Epi l-alé koté disip li yo, li di yo: Kounyé a n -ap dòmi, n -ap répozé nou! Min-ni, lè a pré, yo pral livré Fis-dé-lòm nan nan min péchè yo. ${ }^{46}$ Lévé, an
nou alé; min moun $k-a p$ livré-m nan ap proché.

Yo aréte Jézu

47 Etan li t-ap palé toujou, min Juda, gnoun nan douz yo, rivé avèk gnou foul moun amé ak népé épi baton, ké chèf sakrifikatè yo épi ansyin yo pami pèp la té voyé. ${ }^{48}$ Sa ki t-ap livré li a té ba yo sign sa a: Moun mouin va bo a, sé li, mété-l an-ba kòd. ${ }^{49}$ Minm lè a, li proché kot Jézu, li di: Salu; Mèt! Épi li bo li. ${ }^{50}$ Jézu di li: Zanmi mouin, sa ou té vi-n pou fè a, fè li. Alò moun yo proché, yo mét min sou Jézu, yo mété-l an-ba kod.
51 É min-ni, gnoun nan sa ki té ak Jézu yo lonjé min li, li ralé népé-l; li frapé sèvitè pi gran chèf sakrifikatè a, li koupé gnou zòrèy li. ${ }^{52}$ Alò Jézu di-l: Mété népé ou nan plas li; paské tout moun ki ralé népé, va péri pa népé. ${ }^{53}$ Eské ou kouè mouin pa ta kapab invoké Papa-m, ki ta ban mouin plus pasé douz kolonn zanj tou suit? ${ }^{54} \mathrm{Min}$ ki jan lèz-Ekritu ta fè akonpli? paské sélon sa yo di, fók tout bagay sa yo rivé.
55 Lè sa a Jézu di foul la: Nou vini ak népé épi baton pou pran mouin, kòm si m-té gnou brigan. Tou lé jou mouin té chita pami nou, ap anségné nan tanp la, é nou pat arété-m. ${ }^{56} \mathrm{Min}$ tou sa rivé pou paròl profèt yo té kapab akonpli.
Alò tout disip yo aban-donnin-1, yo chapé kò yo.

## Jézu nan tribunal

57 Moun ki té arété Jézu yo minnin-1 kay Kaif, pi gran chèf sakrifikatè $a$, koté éskrib yo ak ansyin yo té asanblé. ${ }^{58}$ Piè suiv li dé louin jouk nan la kou pi gran chèf sakrifikatè a, l-antré, li chita ak sèvitè yo, pou ouè kòman sa ta fini.
59 Chèf sakrifikatè yo ak tout Tribunal Jouif yo t-ap chaché kèk fo-témouagnaj kont Jézu pou yo tué-1. ${ }^{60}$ Min yo pa-t jouinn, malgré pluziè fo-témouin ki té prézanté. ${ }^{61}$ A la fin gin dé ki vini, yo di: Sila a di: Mouin kapab détoui tanp Bon-Dieu a épi rébati-1 nan toua jou. ${ }^{62}$ Pi gran chèf sakrifikatè a lévé, li di Jézu: Ou pa réponn angnin? Ki sa mésié sa yo dépozé kont ou? ${ }^{63}$ Jézu té rété bouch-pé. Épi gran chèf sakrifikatè a palé ankó, li di-l: Mouin ékzijé ou sèmanté, o-non Bon-Dieu vivan, pou di nou si ou sé lé Kris, Pitit Bon-Dieu a. ${ }^{64}$ Jézu réponn li: Ou di li. An plus, mouin déklaré ou, a-pati jodi a nou va ouè Fis-dé-lòm nan chita a-douat puisans Bon-Dieu, apé vini sou nuaj nan sièl la. ${ }^{65}$ Alò pi gran chèf sakrifikatè a chiré rad pa li, li di: $\mathbf{L i}$ blasfèmin! Sa nou bézouin témouin ankò? Min-ni, kounyé a nou tandé blasfèm li. ${ }^{66}$ Ki sa nou di nan sa? Yo réponn: Li mérité la mó. 67 Alò, yo kraché nan figu-l, yo ba li kout pouin ak souffèt, yo di: ${ }^{68}$ Dévinin, Kris; di nou ki moun ki ba ou kou.

## Piè nié Jézu

69 Poutan, Piè té chita déyò nan la kou. Gnou sèvant proché koté-l, li di: Ouminm tou, ou té avèk Jèzu, moun Galilé a. ${ }^{70}$ Min Pié nié sa dévan tout moun, li di: Mouin pa konn sa ou ap di la a. ${ }^{71}$ Kòm Piè t-ap proché bo pòt la, gnou lòt sèvant ouè-l, li di moun ki té la yo: Nonm sa a té avèk Jézu, moun Nazarèt la tou. ${ }^{72} \mathrm{Li}$ nié sa ankò, li sèmanté: Mouin pa konn nonm sa a. ${ }^{73}$ Gnou moman apré, sa ki té la yo proché, yo di Piè: Sètènman ou fè pati moun sa yo tou; yo rékonnèt ou sou jan ou palé. ${ }^{74}$ Aloे li pran lagé đé malédiksion avèk sèman, lidi: Mouin pa konnin nonm sa a. Minm lè a kòk chante. ${ }^{75}$ E Piè sonjé paroll Jézu té di-l ła: Anvan kok chanté, ou va niè-m toua foua. Li sòti, li krié pou fè la pinn.

## Jêzu dêoan Pilat

27Gran matin, tout chèf sakrifikatè yo avèk ansyin yo pami pèpla konsulté ansanm kont Jézu, pou yo tué-l. ${ }^{2}$ Apré yo fi-n maré li, yo minnin-l alé, yo livré-1 bay Pons-Pilat, gouvènè a.

## La mò Juda

3 Lè Juda, ki té livré-l la, ouè ké yo té kondané Jézu, li répanti, li pòté trant piès lajan yo tounin bay chèf sakrifikatè yo ak ansyin yo, li di: ${ }^{4}$ Mouin péché, m-livré san inosan. Yo réponn: Sa sa
gadé nou? Sé zafè pa ou. ${ }^{5}$ Juda jété piès lajan yo nan tanp la, li ralé ko li, l-al pann tèt li. ${ }^{6}$ Chèf sakrifikatè yo ranmasé piès lajan yo, yo di: Sé pa pèmi pou mêté yo nan lajan ki konsakré a, paské sé pri san. ${ }^{7}$ É apré ké yo diskuté sou sa, yo achté jadin moun ki konn fè kruch la ak lajan an, pou antéré étranje. ${ }^{8}$ Sé pou sa, jouk jodi a, yo rélé jadin sa a "Jadin San". ${ }^{9}$ Le sa a, sa profèt Jérémi té anonsé a té akonpli: Yo résévoua trant piès lajan yo, pri yo te di li vo a, oui, pri Izraélit yo té di li vo a; ${ }^{10}$ yo bay yo pou jadin moun ki konn fè kruch la, jan lé Ségnè té ban mouin lold.


Piès lajan
Pilat pozé Jézu késion
11 Jézu parèt dévan gouvènè a. Gouvènè a pozé-l késion konsa: Sé ou-minm ki roua Jouif yo? Jézu réponn li: Ou di li. ${ }^{12} \mathrm{Min}$ li pa réponn angnin, étan chèf sakrifikatè yo ak ansyin yo t -ap akuzé-l.
${ }^{13}$ Alò Pilat di-1: Èské ou pa $\mid$ ba yo. Kant-a Jézu, lè-l fi-n tandé konbyin bagay y-ap akuzé ou? ${ }^{14}$ E Jézu pa ba-1 répons sou okinn parol, é sa té étonnin gouvènè a anpil.

## Jézu ou-byin Barabas

15 Chak fèt, gouvènè a tégin koutum lage gnou prizonnié, sa ké foul la té mandé. ${ }^{16}$ Lè sa a té gin gnou prizonnié mové réputasion, ki té rélé Barabas. ${ }^{17}$ Pilat di pèp la ki té rasanblé a: Ki lès nou vlé-m lagé ban nou: Barabas ou-byin Jézu, ké yo rélé Kris? ${ }^{18}$ Paské li té byin konnin ké sé jalouzi ki té fè yo livré Jézu. ${ }^{19}$ Étan Pilat té chita sou tribunal la, madanm li voyé di-1: Pa mélé nan afè nonm just sa a; paské mouin soufri anpil jodi a nan rèv, pa-rapò li. ${ }^{20}$ Chèf sakrifikatè yo ak ansyin yo désidé pou foul la mandé Barabas, épi pou fè Jézu péri. ${ }^{21}$ Gouvènè a pran la paròl, li di yo: Ki lès nan dé a nou vlé-m lagé ban nou? Yo reponn: Barabas. ${ }^{22}$ Pilat di yo: Donk, ki sa pou-m fè ak Jézu, ké yo rélé Kris? Yo tout réponn: Sé pou yo krusifié-l! ${ }^{23}$ Gouvènè a di: Min ki mal lifè? Yo rélé pi fò ankò: Sé pou yo krusifié-1! ${ }^{24}$ Lè Pilat ouè ké li pa t-ap réusi angnin min ké dézòd la t-ap monté, li pran dlo, li lavé min li nan prézans foul la, li di: Mouin inosan nan afè san nonm just sa a; sa sou kont nou. ${ }^{25}$ E tout pèp la réponn: Kité san li tonbé sou nou ak pitit nou!
26 Ald Pilat lagé Barabas
fè fouétél, li livré-l pou yo krusifié-1.

Solda yo pasé Jézu nan joù̀t
27 Solda gouvènè yo kondui Jézu nan la kou kay Pilat la, yo rasanblé tout kolonn solda yo fè vironnin li. ${ }^{28}$ Yo ouété rad li, yo kouvri-l ak gnou manto rouj. ${ }^{29}$ Yo trésé gnou kouròn pikan, yo mété-l sou tèt li, avèk gnou rozo nan $\min$ douat li; épi yo fléchi jénou dévan li, yo pasé-l nan rizib, yo di: Salu, roua Jouif yo! ${ }^{30}$ É yo kraché sou li, yo pran rozo a, yo ba-l kou nan tèt. ${ }^{31}$ Apré yo fi-n pasé-l anba rizib konsà, yo ouété manto a, yo mété rad li sou li, é yo kondui-l pou yo krusifié-l.

## Yo krusifíé Jézu

32 Lè yo sòti, yo kontré ak gnou nonm péyi Sirèn, ki té rélé Simon, é yo fôsé-l pòté koua Jézu a. ${ }^{33}$ Lè yo rivé koté yo rélé Golgota a, (ki vlé di "plas zo tèt la"), ${ }^{34}$ yo bay Jézu bouè du-vin mélé ak fiel; min, lè-l gouté-l, li pat vlé bouè.
35 Apré yo fi-n krusifié-l, yo tiré o-sò, yo séparé rad li ant yo, pou sa profèt la té anonsé a, té akonpli: Yo séparé rad mouin ant yo, é yo tire vès mouin o-sò. ${ }^{36}$ Epi yo chita, ap gadé li.
37 Yo ékri an-lè tèt li, pou indiké kòz kondanasion li: Min Jézu, Roua Jouif yo.
38 Yo té krusifié dé brigan avèk li, gnoun a-douat li, lòt a-gòch li.
39 Moun ki t-ap pasé bò la
t-ap jouré li, yo sékoué tèt ba li, ${ }^{40}$ yo di: Ou-minm ki détoui tanp la, épi ou rébati-l nan toua jou, sové pròp tèt ou non! Si ou sé Pitit BonDieu a, désann sou koua a! ${ }^{41}$ Konsa tou, chèf sakrifikatè yo avèk ansyin yo pasé li nan rizib, yo di: ${ }^{42} \mathrm{Li}$ sové lòt moun; li pa kapab sové tèt pa li! Si sé li ki Roua Izraèl la, sé pou li désann sou koua a koun-yé a, épi nou va kouè nan li. ${ }^{43} \mathrm{Li}$ mét konfians li nan Bon-Dieu; si Bon-Dieu rinmin-1, sé pou li délivré-l koun-yé a. Paské li di: Sé mouin-minm ki Pitit BonDieu a. ${ }^{44}$ Brigan yo ki té krusifié avèk li, t-ap jouré-l minm jan an.
45 Dépi midi jouk touaz-è apré-midi, té gin ténèb sou tout la tè. ${ }^{46}$ Vè touaz-è, Jézu rélé byin fò, li di: Éli, Éli, lama sabaktani? ki vlé di: Bon-Dieu mouin, BonDieu mouin, pouki sa ou abandonnin-m? ${ }^{47}$ Lè kèk moun pami sa ki té la yo tandé-l, yo di: L-ap rélé Eli. ${ }^{48}$ E tou suit gnoun nan yo kouri pran gnou éponj, li plin li ak vinèg, li mété-l nan pouint gnou rozo, li ba li pou-l bouè. ${ }^{49}$ Min lèz òt yo di: Rété, an nou ouè si Éli va vi-n délivré-l.
50 Jézu bay gnou gran rè ankò, épi li pran dènié kout souf li.
51 E min-ni, voual tanp la fann an dé, dépi an-ro, jouk an-ba, la tè tranblé, roché yo fann, ${ }^{52}$ tonm yo louvri, épi kò pluziè sin ki té mouri résusité. ${ }^{53}$ Yo sòti nan tonm
yo apré Jézu résusité, yo antré Jéruzalèm é yo parèt dévan anpil moun.
54 Ofisié a avèk sa yo ki t-ap véyé Jézu avèk li a, té ouè tranbléman-d-tè a épi tou sa ki té pasé; gnou sèl fréyè té pran yo, yo di: Tout bon, nonm sa a té Pitit Bon-Dieu a.
55 Té gin pluziè fanm la ki t-ap gadé, étan dé louin; sé té sa yo ki té suiv Jézu sòti dépi Galilé, pou sèvi li. ${ }^{56}$ Pami yo té gin Mari-Madlèn, ak Mari, manman Jak é Jozèf, épi manman pitit Zébédé yo.

## Antèman Jézu

57 Lè a-souè rivé, gnou nonm rich, moun Arimaté, ki té rélé Jozèf, é ki té gnou disip Jézu tou, vini. ${ }^{58} \mathbf{L}$-alé jouinn Pilat, li fè-l démann kò Jézu. E Pilat bay lòd pou yo rinmèt li kò a. ${ }^{59}$ Jozèf pran kò a, li vlopé-l nan gnou dra mò tou blan, ${ }^{60}$ é li dépozé-1 nan gnou kavo tou nèf ké li té fè fouyé nan roché a pou tèt pa li. Epi li roulé gnou gro ròch dévan kavo a, é l-alé. ${ }^{61}$ MariMadlèn avèk lòt Mari a té chita la, an-fas kavo a.
62. Nan démin, ki té gnou jou saba, chèf sakrifikatè yo é farizyin yo alé ansanm koté Pilat, ${ }^{63}$ yo di: Mèt, nou sonjé ké lè gran tronpè sa a té vivan, li té di: Apré toua jou, mouin pral résusité. ${ }^{64}$ Donk bay lod pou yo suvéyé kavo a sérié jouk touazièm jou a, pou disip li yo pa vi-n pòté kò a alé épi di pèp la: Li résusité. Dènié kout tronpé sa a ta pi rèd pasé
prémié a. ${ }^{65}$ Pilat di yo: Nou gin gnou éskouad gad; alé, suvéyé li jan nou vlé. ${ }^{66} \mathbf{Y}$-alé, yo mét kavo a nan gnou éta asuré, yo masonnin ròch la épi yo plasé éskouad gad la.

## Jézu résusilé

28Apré saba a, gran-m ti matin prémié jou nan séminn nan, MariMadlèn épi lòt Mari a t-al ouè kavo a. ${ }^{2}$ É min-ni, té gin gnou gro tranbléman-d-tè; paské gnou zanj lé Ségnè té désann sòti nan siel, li vi-n roulé ròch la, li chita sou li. ${ }^{3}$ Aparans li té tankou zéklè, rad li té blan tankou la nèj. ${ }^{4}$ Gad yo té tranblé otan yo té pè é yo té vi-n tankou mò. ${ }^{5}$ Min zanj la pran palé, li di fanm yo: Kant-a nou, nou pa bézouin pè; paské mouin konnin n-ap chaché Jézu, ké yo té krusifié a. ${ }^{6} \mathrm{Li}$ pa isit; li résusité, jan li té di a. Vi-n ouè koté-l té kouché a, ${ }^{7}$ é présé al di disip li yo ké li résusité nan pami mò yo. E minni, l-alé nan Galilé dévan nou: sé la nou va ouè li. Min-ni, mouin di nou sa.
8 Avèk krint épi grou gran joua, yo kité bò kavo a byin vit, é yo kouri pòté nouvèl la bay disip yo.
9 É min-ni, Jézu vi-n kontré ak yo, li di: Mouin salué
nou. Yo proché pou kinbé pié li, yo bésé fas yo dévan li. ${ }^{10}$ Alò Jézu di yo: Nou pa bézouin pè; alé di frè mouin yo pou yo alé Galilé; sé la yo va ouè mouin.
11 Étan yo té nan chémin, kèk nan gad yo antré la vil la, yo anonsé chèf sakrifikatè yo tou sa ki té rivé. ${ }^{12}$ Alò sakrifikatè yo réuni ak ansyin yo, épi apré yo té fi-n konsulté, yo bay solda yo gnou gro lajan, ${ }^{13}$ avèk lòd sa a: Di ké disip li yo té vi-n duran la nuit, yo pòté kò a alé étan nou t-ap dòmi. ${ }^{14} \mathrm{Si}$ gouvènè a vi-n tandé sa, nou va adousi li, n-a ouété nou nan traka. ${ }^{15}$ Solda yo pran lajan an, yo aji jan yo té instoui yo. E propagann sa a répann pami Jouif yo jouk jodi a.

Jézu bay disip yo travay yo
16 Onz disip yo alé nan Galilé, sou mòn Jézu té indiké yo a. ${ }^{17}$ Lè yo ouè 1 li , yo adoré li. Min kèk nan yo té gin dout. ${ }^{18}$ Jézu proché, li palé yo konsa: Mouin résévoua tout otorité nan sièl la épi sou tè a. ${ }^{19}$ Alé, fè disip nan tout nasion yo, batizé yo o-non du Pè, du Fis é du SintÉspri, ${ }^{20}$ épi aprann yo obsèvé tou sa mouin kòmandé nou. E min-ni, mouin avèk nou tou lé jou, jouk la fin lé monn.

## Lévanjil sélon MAK

## Jan-Balis ap préché

1Komansman Lévanjil Jézu-Kri, Pitit Bon-Dieu.
2 Dapré sa ki ékri nan liv profèt Ezai:

Min-ni, m-ap voyé konmisionnè mouin avan ou,
Ki va paré chémin ou;
${ }^{3}$ Sé voua sila $k$-ap rélé nan dézè a:
Paré chémin lé Ségnè,
Plani rout li yo.
4 Jan té parèt ap batizé nan dézè $a$, ap préché batèm rèpantans pou padon péché yo. ${ }^{5}$ Tout moun nan péyi Judé avèk tout pèp Jéruzalèm té alé jouinn li; yo té konfésé péché yo, li té batizé yo nan la riviè Joudin.
6 Rad Jan té fèt avèk poual chamo, li té gin gnou sinturon kui nan rin li. Manjé li sé té krikèt avèk siro mièl nan
boua. ${ }^{7} \mathrm{Li}$ té préché, ap di: Sila k-ap vini apré mouin gin plus puisans pasé-m, é mouin pa dign pou-m ta bésé lagé lasèt soulié li. ${ }^{8}$ Mouin-minm, mouin batizé nou avèk dlo; min li-minm, li va batize nou avèk lé Sint-Espri.

Batèm Jézu
9 Nan épok sa a, Jézu sòti Nazarèt, vil Galilé, é Jan batizé li nan Joudin an. ${ }^{10}$ Étan li t-ap sòti nan dlo a, li ouè sièl la ouvri, épi Léspri BonDieu désann sou li kou gnou pijon. ${ }^{11}$ Alò gnou voua sòti nan siè la, ki di: Ou sé Pitit byinn-émé mouin, mouin pran plézi nan ou.

Tantasion Jézu
12 Minm lè a, Léspri pousé Jézu alé nan dézè a, ${ }^{13}$ koté


Gnou kalité soulié
li té rété karant jou, é Satan té tanté li. Li té pami bèt sovaj, é zanj yo té sèvi li.

Jézu komansé travay li
14 Apré yo té mété Jan nan prizon, Jézu alé nan Galilé, ap préché Lévanjil Bon-Dieu a. ${ }^{15}$ Lit-ap di: Tan an akonpli, rouayom Bon-Dieu a tou pré. Répanti épi kouè nan Lévanjil.

Jézu rélé kat péchè pouason
16 Etan lit-ap maché bò la mè Galile, li ouè Simon ak André, ki frè Simon, ki t-ap jêté gnou filè nan la mè; paské sé péchè pouason yo té yé. ${ }^{17}$ Jézu di yo: Suiv mouin, m -a fè nou vini péchè lèz òm. ${ }^{18}$ Minm lè a, yo kité filè yo, épi yo suiv li. ${ }^{19} \mathrm{Li}$ alé in-pé pi louin, li ouè Jak, pitit Zèbédé, ak Jan, frè li, ki té nan gnou bato tou, ap rakomodé filè yo. ${ }^{20}$ Li rélé yo minm lè a; yo kité papa yo Zébédé nan bato a ak travayè yo, yo suiv Jézu.

## Gnou nonm avèk movèz éspri

21 Apré sa yo alé Kapènà̀m. Kou jou saba rivé, Jézu antré dabò nan sinagog la, li bay anségnman. ${ }^{22}$ Anségnman li té fè gnou gran éfè sou yo; paské li té anségné ak otorité, é pa minm jan avèk éskrib yo.
23 Té gin nan sinagog yo gnou nonm ki té gin gnou movèz éspri, ki té rélé: ${ }^{24} \mathrm{Ki}$ sa ki gingnin ant nou ak ouminm, Jézu, moun Nazarèt? Eské ou vini pou détoui nou? Mouin konnin ki lès ou yé:
ou sé Sin Bon-Dieu a. ${ }^{25}$ Jézu ménasé li, li di: Pé, épi sóti nan nonm nan. ${ }^{26}$ Movèz éspri a souké nonm nan gnou jan brutal, li bay gnou gran rèl, épi li sòti nan li. ${ }^{27}$ Tout moun té sézi, gnoun t-ap mandé lòt: Sa sa yé? Ala gnou anségnman nouvo! Li komandéak otoritéminm movèz éspri yo, é yo obéyi li! ${ }^{28}$ Minm lè a, réputasion li té gayé tout koté oz-alantou yo nan Galilé.

## Jézu géri bèl-mè Piè

29 Kou yo sóti nan sinagog la, y-alé avèk Jak épi Jan lakay Simon é André. ${ }^{30}$ Min bèl-mè Simon té kouché ak la fièv; minm lè a, yo palé Jézu dé li. ${ }^{31}$ Alò li proché, li kinbé min li pou fè li lévé, é minm lè a, la fièv la kité li. Épi li sèvi yo.

## Divès gérizon nan la souaré

32 Lè asouè rivé, apré solèy kouché, yo té minnin bay Jézu tout moun ki té malad avèk sa yo ki té an-ba démon. ${ }^{33}$ Tout la vil té rasanblé dévan pòt la. ${ }^{34}$ Jézu té géri pliziè moun ki té soufri divès maladi; li té chasé anpil démon, é li pa té kité démon yo palé, paské yo té konnin-l.

## Jézu pati pou li alé préché

35 Nan matin, byin bonn-è, Jézu té lévé, li sòti pou alé nan gnou koté ki dézé, li t-ap lapriè. ${ }^{36}$ Simon é sa ki té avek li yo, té alé chaché-l; ${ }^{37}$ lè yo jouinn li, yo di-l: Tout moun ap chaché ou. ${ }^{38} \mathrm{Li}$ réponn yo: An nou alé
lòt koté, nan bouk oz-alantou yo, pou mouin kapab préché la tou; paské sé pou sa mouin vini. ${ }^{39}$ È li té alé tou patou nan Galilé, ap préché nan sinagog yo, épi ap chasé démon.

## Jézu géri gnou moun ki gin la lèp.

40 Gnou nonm ki té gin la lèp vini jouinn Jézu; li tonbé a-jénou, li suplié li: Si ou vlé, ou kapab nétouayémouin. ${ }^{41}$ Jézu té ranpli avèk konpasion, li lonjé min li, li touché nonm nan, li di: Mouin vlé, vini nèt. ${ }^{42}$ Tou suit lèp la kité-l, é li vini tou nèt. ${ }^{43} \mathrm{Minm}$ lè a , Jézu ranvouayé-l, li pasé li lòd gnou jan sévè, ${ }^{44}$ li di-l: Pinga ou di pèsonn angnin; min alé, fè sakrifikatè a ouè ou, épi ofri pou nétouayaj ou sa Moiz komandé a, pou sa sèvi moun yo témouagnaj. ${ }^{45} \mathrm{Min}$ nonm sa a pati, li pran publié bagay la, li gayé nouvèl la tèlman ké Jézu pa té kapab antré ankò a-klè nan okinn vil. Li té rété an-déyò, nan koté a-léka, épi moun té sodi tou patou vi-n jouinn li.

## Jézu géri gnou moun ki paralizé

2
Kèk jou apré, Jézu tounin Kapènaòm. Yo tandé ké li té nan kay la, ${ }^{2}$ é té gin kantité moun rasanblé tèlman, ké pa té gin plas ankò, minm dévan pòt la. Jézu t-ap préché yo la parol.
3 Kèk moun té vi-n koté li, ap minnin gnou nonm paralizé ba li, ké kat òm té pòté.
${ }^{4}$ Kòm yo pa té kapab proché koté Jézu a-kòz foul la, yo défèt kouvètu kay la koté li té yé, épi nan trou sa a yo désann kabann nonm paralizé té kouché sou li a. ${ }^{5}$ Jézu ouè la foua yo, li di nonm paralizéa: Pitit mouin, péché ou yo padonnin. ${ }^{6}$ Té gin kèk éskrib ki té la chita é ki t-ap fè réfléksion konsa nan kè yo: ${ }^{7}$ Pouki nonm sa a palé konsa? L-ap blasfèmin. Ki lès ki kapab padonnin péché yo, sòf Bon-Dieu? ${ }^{8}$ Minm lè a , Jézu santi nan léspri li ké yo té fè réfiéksion konsa nan yominm, li di yo: Pouki nou fè réféksion konsa nan kè nou? ${ }^{9} \mathrm{Ki}$ sa ki pi fasil, di malad la: Péché ou yo padonnin, ou-byin di: Lévé, pran kabann ou, maché? ${ }^{10}$ E-byin, pou nou kapab konnin ké Fis-dé-lòm nan gin pouvoua sou la tè pou padonnin péché yo, ${ }^{11}$ li di nonm paralizé a: Mouin di ou, lévé, pran kabann ou, alé lakay ou. ${ }^{12}$ Nonm nan lévé minm lè $a$, li pran kabann li, li sòti dévan tout moun; sa té fè yo tout sézi, yo bay Bon-Dieu gloua, yo di: Nou pa té janm ouè angnin kon sa.

## Lévi résévoua apèl

13 Jézu tounin ankò bò la mè $a$. Tout foul la té vi-n jouinn li, é li té ba yo anségnman. ${ }^{14}$ Étan l-apé pasé, li ouè Lévi, ${ }^{a}$ pitit Alfé, chita nan buro kontribusion an. $\mathbf{L i}$ di li: Suiv mouin. Lévi lévé, li suiv li.

15 Kòm Jézu té a-tab lakay Lévi, anpil anplouayé kontribusion épi moun movèz vi mété yo a-tab ak lie épi avèk disip li yo; paské té gin anpil moun ki té suiv li. ${ }^{16}$ Lè éskrib yo avèk farizyin yo ouè li ap manjé avèk anplouayé kontribusion épi moun movèz vi yo, yo di disip li yo: Pouki sa li manjé é bouè avèk anplouayé kontribusion épi moun movèz vi yo? ${ }^{17}$ Lè Jézu tandé sa, li di yo: Sé pa moun byin pòtan ki bézouin doktè, min moun ki malad. Mouin pa vi-n rélé moun ki just, min moun ki péchè.

## Késion dé fè jèn

18 Disip Jan yo avèk farizyin yo $t$-ap fè jèn. Yo vini di Jézu: Pouki sa disip Jan yo avèk pa farizyin yo fè jèn, épi disip pa ou yo pa fè jèn? ${ }_{19}$ Jézu réponn yo: Ėské zanmi msié marié a kapab fè jèn étan msié marié a avèk yo? Tout tan msié marié a avèk yo, yo pa kapab fè jèn. ${ }^{20}$ Jou yo va vini, lè yo va ouété msié marié a nan min yo, alò jou sa a yo va fè jèn. ${ }^{21}$ Pèsonn pa mété piès avèk toual nèf sou gnou vié rad; sinon, moso piès nèf la pati bò pa li, nèf la kité vié a, épi déchiré a vini pi mal. ${ }^{22}$ Ni pèsonn pa mété du-vin nouvo nan vié véso;b sinon, du-vin an pété véso yo; du-vin an pèdu avèk
véso yo tou; min fòk yo mété du-vin nouvo nan véso nèf.

## Disip yo kéyi grinn gnou jou saba

23 Gnou jou saba, Jézu t-ap pasé nan kèk jadin blé. Disip li yo, étan y-ap maché, yo té pran kéyi kèk zépi. ${ }^{24}$ Farizyin yo di li: Gadé sa! Pouki sa yo fè bagay ki pa pèmèt pou moun fè jou saba a? ${ }^{25}$ Jézu réponn yo: Eské nou pa janm li sa David té fè, lè li té nan nésésité épi li té grangou, li-minm épi moun ki té avèk li yo; ${ }^{26}$ jan li té antré nan kay Bon-Dieu, nan $\tan$ Abiata té chèf sakrifikatè, li manjé nan pin-Prézans ${ }^{c}$ la, ké sakrifikatè yo sèl gin doua manjé, épi li bay minm moun ki té avèk li yo ladan li? ${ }^{27}$ É li di yo: Saba a fèt pou lòm, lom pa fèt pou saba a; ${ }^{28}$ konsa Fis-dé-lòm nan sé mèt saba a tou.

## Nonm avèh min chèch la

3 Jézu antré ankò nan si3 nagog la. Té gin gnou nonm la ki té gin gnou min li chèch. ${ }^{2}$ Yo t-ap gadé Jézu byin, pou ouè si li ta géri nonm nan jou saba a, pou yo té kapab akuzé li. ${ }^{3}$ Jézu di nonm ki té gin min chèch la: Lévé, kanpé nan mitan nou. ${ }^{4}$ Épi li di yo: Èské sé pèmi, jou saba, pou fè sa ki byin ou sa ki mal; pou sové gnou nanm ou-byin kité li péri? Min yo rété bouch fèmin.
b 2:22 Nan péyi Palésti-n yo sèvi avèk véso fèt an po kabrit ou-byin po mouton yo pou mété du-vin, dlo tou.
c 2:26 Pin la loua Moiz té komandé pou mété sou gnou tab ann-ò, kòm an prézans Létènèl nan tabènak la.
${ }^{5}$ Alò li viré jé li gadé yo avèk indignasion, épi tou tris akòz jan kè yo té du, li di nonm nan: Lonjé min ou. Li lonjé-l, épi min li géri.
6 Minm lè a, farizyin yo sòti, yo konsulté avèk érodyin yo kont Jézu, sou ki jan pou yo té fè li péri.

## Foul pèp bò la mè $a$

7 Jézu té ralé kò li bò la mè avèk disip li yo. Gnou gran foul pèp ki té sòti nan Galilé, té suiv li. ${ }^{8}$ Gnou gran foul pèp ki té tandé tou sa li té fè, té vi-n jouinn li; yo té sòti nan Judé, nan Jéruzalèm, nan Idumé, nan péyi lòt bò Joudin an, épi oz-alantou Tir avèk Sidon. ${ }^{9} \mathrm{Li}$ di disip li yo pou paré gnou kannot pou li a-kòz foul la, pou yo pa-t fatigé li trop. ${ }^{10}$ Paské kòm li t-ap géri pliziè malad, sa té fè tout moun ki gin maladi té tonbé sou li pou touché li. ${ }^{11}$ Epi kou movèz éspri yo té ouè li, yo té tonbé nan pié li ap rélé: Ou sé Pitit Bon-Dieu a. ${ }^{12}$ Min li ba yo gnou prigad pou yo pa fè rékonnèt li.

## Jézu chouazi douz yo

13 Apré sa li monté sou mòn nan; li rélé moun yo liminm minm té vlé, yo vi-n jouinn li. ${ }^{14} \mathrm{Li}$ nonmin douz pou yo té avèk li épi pou li té voyé yo préché ${ }^{15}$ avèk pouvoua pou chasé démon yo. ${ }^{16}$ Min douz li té nonmin yo: Simon ké li té bay ti non Piè; ${ }^{17}$ Jak, pitit Zébédé, avèk Jan ki frè Jak, li ba yo tou-dé ti non Boanèj, ki vlé di pitit loraj; ${ }^{18}$ André, Filip, Batè-
mi, Matié, Toma, Jak (pitit Alfé), Tadé, Simon Kananéyin an, ${ }^{19}$ avèk Juda Iskariot, sa-minm ki trayi li a.

## Blasfèm kont Sint-Éspri

20 Yo antré nan kay la, é foul la rasanblé ankò tèlman ké yo pa té kapab minm manje.
21 Lè fanmi Jézu tandé sa ki pasé, yo vini pou pran li pa fós; paské yo di: Li pèdu tèt li. ${ }^{22}$ Éskrib yo, ki té désann sòti Jéruzalèm, t -ap di: Li gin Béèzébul; sé avèk puisans chèf démon an li chasé démon yo. ${ }^{23}$ Jézu rélé yo, li di yo an parabol: Koman Satan kapab chasé Satan? ${ }^{24}$ Si gnou rouayom gin divizion ladan li, rouayom sa a pa kapab duré; ${ }^{25}$ é si gnou kay gin divizion ladan li, kay sa a pa kapab duré. ${ }^{26}$ Donk, si Satan ap konbat kont liminm, li nan divizion, li pa kapab duré, la fin li tou pré. ${ }^{27}$ Pèsonn pa kapab antré lakay gnou nonm vanyan pou piyé sa li posédé, san li pa maré nonm vanyan an avan; apré sa li va piyé kay li. ${ }^{28}$ Mouin di nou an vérité, tout péché pitit lèz òm va jouinn padon, épi tout parol blasfèm yo va palé; ${ }^{29}$ min ninpòt moun ki va palé parol blasfèm kont lé Sint-Espri, p-ap janm gin padon: li koupab gnou péché étènèl. ${ }^{30}$ Jézu palé konsa paské yo té di: Li gin gnou movèz éspri.

Manman avèk frè Jézu
31 Manman ak frè Jézu yo
rivé, yo kanpé déyò, yo fè rélé li. ${ }^{32}$ Foul la té chita tout-otou li, é yo di li: Minni, manman ou ak frè ou yo déyò a, y-ap chaché ou. ${ }^{33}$ É li réponn: Ki moun ki manman-m, é ki moun ki frè-m yo? ${ }^{34}$ Epi li voyé jé sou moun yo ki té chita toutotou li, li di: Min manman-m avèk frè mouin yo. ${ }^{35}$ Paské ninpòt moun ki fè volonté Bon-Dieu, moun sa a sé frè-m, sè-m é manman-m.

Parabol moun k-ap simin an

4Jézu komansé bay anségnman ankò bò la mè a. Gnou gran foul té rasanblé antouré li. Li monté nan gnou bato nan la mè, li chita. Tout foul la té a tè sour rivaj la. ${ }^{2} \mathrm{Li}$ anségné yo anpil bagay an parabol, li di yo nan anségnman li:
3 Koute. Moun k-ap simin an sòti pou li simin. ${ }^{4}$ Étan li t-ap simin, in-pé nan grinn nan tonbé sou bó chémin an: zouazo vini, yo manjé li. ${ }^{5}$ In-pé tonbé ankò nan gnou pati ki roché, koté li pa té gin anpil tè; li lévé tou suit, paské li pa té jouinn anpil tè; ${ }^{6} \mathrm{~min}$ kou solèy parèt, grinn nan boulé, li chéché nèt paské li pa té gin rasi-n. ${ }^{7}$ In-pé ankò tonbé nan rajé pikan; rajé pikan an monté, li toufé grinn nan, é grinn nan pa donnin foui. ${ }^{8}$ In-pé tonbé ankò nan bon tè a; li donnin foui ki grandi, ki dévlopé: gnou grinn rapòté trant, gnou lot souasant, gnou lot san. ${ }^{9}$ Épi li di: Moun ki gin zòrèy pou tandé, tandé.

10 Lè yo vini sèl avèk Jézu, moun ki té antouré li yo épi douz yo pozé li késion sou parabol yo. ${ }^{14} \mathrm{Li}$ di yo: Kant-a nou, nou résévoua sékrè rouayom Bon-Dieu a; min pou moun ki déyò, tout bagay tounin parabol, ${ }^{12}$ pou lè yo ouè, yo ouè san rékonnèt, pou lè yo tandé, yo tandé san konprann, pou yo pa konvèti, é pou péché yo pa jouinn padon. ${ }^{13} \mathrm{Li}$ di yo ankò: Nou pa konprann parabol sa a? Alò, koman nou va fè konprann tout parabol yo?
14 Moun k-ap simin an, ap simin la parol. ${ }^{15}$ Gingnin kèk moun sou bò chémin an, koté parol la simin; min kou yo tandé li, Satan vini minm lè a, li ouété parol la ki té simin nan yo. ${ }^{16}$ Minm jan tou, lèz òt résévoua grinn nan gnou koté ki roché; lè yo tandé parol la, yo résévoua li tou suit avèk joua; ${ }^{17}$ min yo pa gin rasi-n nan yo-minm, yo la pou gnou sézon sèlman; é kou afliksion ou-byin pèsékusion rivé a-kòz parol la, tou suit yo jouinn okazion tonbé. ${ }^{18}$ Dòt ankò résévoua grinn nan nan rajé pikan; sa sé moun yo ki tandé parol la, ${ }^{19}$ min okupasion lé monn, apéti richès, avèk dézi yo mété dèyè divès lòt bagay antré épi toufé parol la é fè li pa donnin foui. ${ }^{20}$ Dót ankò résévoua grinn nan nan bon tè; sa sé moun yo ki tandé parol la, yo résévoua li é yo pòté foui: gnou grinn bay trant, gnou lòt souasant, gnou lòt san.

Gnou lumiè an-ba mamit
21 Li di yo tou: Èské yo pran gnou lanp pou mété li an-ba gnou mamit, ou-byin an-ba kabann? Èské sé pa pou mété li sou étajè a? ${ }^{22}$ Paské nan pouin angnin ki kaché ki p-ap pou dévoualé, ni angnin ki sékrè ki p-ap pou sòti a-klè. ${ }^{23} \mathrm{Si}$ gnou moun gin zòrèy pou tandé, sé pou li tandé.
24 Li di yo tou: Pran ka ki sa nou tandé. Yo va sèvi pou nou avèk mézu nou sèvi pou mézuré, épi yo va mété plus sou li. ${ }^{25}$ Paské yo va bay moun ki gingnin; min moun ki pa gingnin, yo va ouété minm sa li gingnin.

## Parabol grin k-ap pousé a

26 Li di ankò: Rouayom Bon-Dieu a sé kòm si gnou nonm ta simin grinn nan gnou tè; ${ }^{27}$ kit li dòmi, kit li lévé, nuit kon jou, grinn nan jèmin, épi li grandi san nonm nan pa konnin kijan. ${ }^{28}$ Paské la tè donnin foui pou kont li, an prémié féyaj la, ansuit zépi a, apré sa grinn plin zépi a; ${ }^{29}$ kou foui a mu, tou suit yo mété manchèt ladann, paské tan rékòt rivé.

## Parabol grinn moutad la

30 Li di ankò: Ki sa nou va di ki sanblé avèk rouayom Bon-Dieu a, ou-byin avèk ki parabol nou va di sa li yé? ${ }^{31} \mathrm{Li} \mathrm{minm}$ jan avèk gnou grinn moutad: lè ou simin li, sé gnou grinn ki pi piti sou la tè; ${ }^{32}$ min lè ou fi-n simin li, li monté, li vini pi gran pasé
tout légum, li pousé gro branch ki pèmèt zouazo nan sièl yo rété nan lonbraj li.

Ki jan Jézu sè̀i ak parabol
33 Sé avèk pliziè parabol kon sa li té anonsé yo parol la, dapré jan yo té kapab konprann li. ${ }^{34}$ Li pa té palé yo san sé pa ak parabol; min li té éspliké disip li yo tout bagay an patikulié.

## Jézu kalmé gnou tanpèt

35 Minm jou sa a, lè asouè rivé, Jézu di yo: An nou travèsé lòt bò. ${ }^{36}$ Apré yo té ranvouayé foul la, yo pati ak Jézu nan bato li té ladann nan; té gingnin lòt bato tou kit-ap akonpagnéli. ${ }^{37}$ Gnou gro toubiyon van vi-n lévé, lanm yo té pran antré nan bato a tèlman, ké li té komansé plin. ${ }^{38}$ É Jézu té dèyè nan bato a, ap dòmi sou gnou kousin. Yo révéyé li, yo di-l: Mèt, èské sa pa fè ou angnin dèské n -ap péri? ${ }^{39} \mathbf{L i}$ révéyé, li ménasé van an, é li di la mè a: Pé, rété trankil! É van an tonbé, vi-n gingnin gnou gran kalmi. ${ }^{40}$ Epi li di yo: Pouki sa nou pè konsa? Koman nou fè pa gin la foua? ${ }^{41}$ Gnou gran krintif té anparé yo, é gnoun té di lòt: Ki lès moun sila a yé minm, pou jis van ak la mè obéyi li?

## Jézu géri Gadarényin ki gin movèz éspria

5 Yo rivé lòt bò la mè a, nan péyi Gadarényin yo. ${ }^{2}$ Kou Jézu sòti nan bato a, gnou nonm, ki té gin gnou movèz éspri, sòti pami tonm


Gnou gro toubiyon van vi-n lévé



yo, épi li vi-n dévan li. ${ }^{3}$ Nonm sa a té pran tonm yo pou kay li, é pèsonn pa-t kapab maré li ankò, minm avèk gnou chinn. ${ }^{4}$ Paské souvan li té gin pié li nan fè, é li té maré an-ba chinn, min li té kasé chinn yo, épi krazé fè yo, é pèsonn pa-t gingnin fòs pou donté li. ${ }^{5} \mathrm{Li}$ té rété tout tan, nuit kon jou, nan tonm yo, épi sou mòn yo, ap rélé, ap matirizé kò li avèk roch. ${ }^{6} \mathrm{Li}$ ouè Jézu étan louin, li kouri, li bésé tèt byin ba dévan li, ? li bay gnou gran rèl, li di: Ki sa ki gingnin ant mouin avèk ou, Jézu, Pitit Bon-Dieu Trè-Ro a? Mouin suplié ou, o-non BonDieu, pa toumanté mouin. ${ }^{8}$ Paské Jézu té di lí: Movèz éspri, sòti nan nonm nan. ${ }^{9}$ Épi Jézu mandé li: Ki non ou? Li réponnli: Non mouin sé Kolonn; paské nou pliziè. ${ }^{10}$ Épi li lapriè Jézu anpil pou pa chasé yo sòti nan péyi a. 11 Té gingnin la, sou mòn nan, gnou bann pouso ki t-ap manjé. ${ }^{12}$ Tout démon yo té lapriè Jézu, ap di: Voyé nou an-ro pouso sa yo, pou nou antré nan yo. ${ }^{13}$ Jézu ba yo pèmision. Alò movèz éspri yo sòti, yo antré nan pouso yo, é tout bann pouso yo té dégringolé sòti an-ro falèz la alé nan la mè: té gingnin a-pé-pré dé mil tèt, é yo toufé nan la mè. ${ }^{14}$ Moun yo kit-ap fè yo manjé, sové, yo gayé nouvèl la nan la vil la avèk an-déyò. Moun sòti pou ouè sa ki té rivé. ${ }^{15}$ Yo vi-n jouinn 'Jézu, yo ouè nonm ki té gingnin kolonn démon an,
li chita, abiyé épi ak tout bon sans li; la krint pran yo. ${ }^{16}$ Moun yo ki té ouè bagay la, rakonté sa ki té rivé nonm movèz éspri a avèk pouso yo. ${ }^{17}$ Alò yo pran suplié Jézu pou lị kité péyi yo.
18 Étan 1-ap antré nan bato a, nonm ki té gin movèz éspri a mandé li pèmision pou rété avèk li. ${ }^{19}$ Jézu pa ba li pèmision, min li di-1: Alé lakay ou, lakay moun pa ou yo, épi rakonté yo tou'sa lé Ségnè fè pou ou, é ki jan li té gin pitié pou ou, ${ }^{20}$ Li pati, li pran publié nan la Dékapol tou sa Jézu té fè pou li. Tout moun té admiré sa.

## Pitit fi Jairus la avèk madanm ki louché rad Jézu a

21 Lè Jézu té tounin lòt bò la mè a, nan bato a, gnou gran foul pèp té rasanblé koté li. Li té bó la mè a. ${ }^{22}$ Gnoun nan chèf sinagog la, yo té rélé Jairus, rivé; lè li ouè Jézu, li lagé kò-l nan pié li, ${ }^{23}$ é li lapriè Jézu anpil, li di-l: Pitit fi mouin prèt pou rann dènié souf li; vi-n étann min ou sou li, pou li sa géri, pou li gingnin la vi. ${ }^{24}$ Jézu alé avèk li; gnou gran foul t-ap suiv li, yo té kouinsé li tou patou.
25 Min té gin la gnou fanm ki té malad ak gnou pèdision dépi douz an. ${ }^{26} \mathrm{Li}$ té soufri anpil nan min pliziè dokte, li té dépansé tout byin li san jouinn okinn soulajman; o-kontrè, éta li té vi-n pi mal. ${ }^{27}$ Kòm li té tandé palé dé Jézu, li vini nan foul la, dèyè li, épi li touché rad li. ${ }^{28}$ Paské li té di: Si mouin kapab tou-
ché rad li sèlman, mouin va géri. ${ }^{29} \mathrm{Minm}$ lè a , pèdision an rété, é li santi nan kò li ké li té géri an-ba maladi li. ${ }^{30}$ Tou suit Jézu rékonnèt ké gnou fós sòti nan li; li viré nan mitan foul la, li di: Ki moun ki mangnin rad mouin? ${ }^{31}$ Disip li yo réponn li: Ou ouè foul la ap kouinsé ou, épi ou di: Ki moun ki mangnin mouin? ${ }^{32}$ Min li gadé tout-otou li, pou ouè moun nan ki té fè sa. ${ }^{33}$ Alò fanm nan, ki té konnin sa ki té pasé li, vini avèk la pérèz épi ap tranblé, lagé kò li nan pié Jézu, é li di li tout la vérité. ${ }^{34}$ Jézu di li: Fi mouin, la foua ou sové ou; alé an pè, é ké ou géri an-ba maladi ou.
35 Li t-ap kontinué palé, lè moun sòti lakay chèf sinagog la, ki té di: Fi ou la mouri; pouki sa pou déranjé Mèt la plus pasé sa? ${ }^{36}$ Min Jézu, san pran ka parol sa yo, di chèf sinagog la: Pa pè, kouè sèlman. ${ }^{37}$ E li pa pèmèt pèsonn suiv li, sòf Piè̀, Jak épi Jan, frè Jak la. ${ }^{38}$ Lè yo rivé kay chèf sinagog la, Jézu ouè gnou bann moun ap fè kabal, ap krié, é ap bay gro rèl. ${ }^{39} \mathrm{Li}$ antré, li di yo: Pouki sa n-ap fè bri, épi pouki sa n-ap krié? Ti moun nan pa mouri, min l-ap dòmi. ${ }^{40}$ Yo pasé-l an-ba rizib. Alò li fè yo tout sòti; li pran avèk li sèlman papa é manman pitit la, épi sa yo ki té akonpagné li; li antré koté pitit la té yé a. ${ }^{41} \mathrm{Li}$ pran min li, li di-l: Talita koumi, ki vlé di: Ti fi, mouin di ou, lévé. ${ }^{42}$ Mirr̀m lè a, ti fi a lévé, li pran maché; paské li té gin
douz an. Gnou gran sézisman anparé moun yo. ${ }^{43}$ Jézu pasé yo lòd sérié pou pèsonn pa konnin sa; é li fè bay ti fi a manjé.

## Pèp Nazarè̀ réfuzé Jézu

6 Jézu kité koté sa a, li alé nan péyi li. Disip li yo té suiv li.
2 Lè saba a rivé, li komansé anségné nan sinagog la. Anpil moun ki t-ap kouté li té sézi, yo di: Koté li jouinn bagay sa yo? Ki kalité sajès sa a li résévoua, épi kouman li fè fè kalité mirak sa yo pa mouayin min li? ${ }^{3}$ Eské sé pa chapantié a, pitit Mari a, frè Jak, Joz, Jud é Simon? Eské sè li yo pa isi pami nou? E li té gnou okazion chut pou yo.
4 Min Jézu di yo: Gnou profèt méprizé nan péyi li sèlman, nan fanmi li, avèk nan kò kay li. ${ }^{5} \mathrm{Li}$ pa té kapab fè okinn mirak la, sòf li té étann min li sou kèk malad é li té géri yo. ${ }^{6}$ É li té étonnin jan yo té san la foua. Jézu té sikulé nan bouk oz-alantou yo, apé bay anségnman.

## Mision douz yo

7 Alò Jézu rélé douz yo, li komansé voyé yo dé pa dé, é li ba yo pouvoua sou movèz éspri. ${ }^{8} \mathrm{Li}$ ba yo lòd pou yo pa pran angnin pou vouayaj la, sòf gnou baton; pou yo pa gingnin ni pin, ni sak, ni monnin nan sinturon yo; ${ }^{9}$ pou yo mété sapat sèlman, épi pou yo pa pòté dé tunik.
10 Epi li di yo: Nan ninpòt ki kay nou antré, fè dé-
sant nou la jouk lè nou pati. ${ }^{11}$ É si, kèk koté, moun yo pa vlé ni résévoua nou, ni kouté nou, sóti la, épi souké pousiè nan pié nou pou sèvi gnou témouagnaj kont yo.
12 Yo pati, yo préché la répantans. ${ }^{13}$ Yo chasé anpil démon, yo pasé luil sou anpil malad, ê yo géri yo.

> La mò Jan-Batis

14 Roua Érod tandé palé dé Jézu, paské non li té vi-n rénonmin. Li di: Sé JanBatis ki lévé pami mò yo, é sé pou sa 1 -ap fè tan dé mirak. ${ }^{15}$ Kèk lòt t-ap di: Sé Éli. E kèk lòt té di: Sé gnou profèt tankou ansyin profèt yo. ${ }^{16}$ Min lè Erod tandé sa, li di: Sé Jan, sa mouin té fè koupé tet li a: li lévé nan la mó.
17 Paské Érod li-minm té voyé arété Jan, épi li anchinnin li nan prizon, pou-tèt Érodias, madanm frè li, Filip, paské Érod té marié avèk li; ${ }^{18}$ é Jan té di li: Ou pa gin doua gingnin madanm frè ou. ${ }^{19}$ Érodias té rayi Jan anpil, é li té vlé fè li mouri. ${ }^{20}$ Min li pa-t kapab; paské Érod té krinn Jan, ké li té konnin pou gnou nonm just épi sin; li té protéjé li, é souvan li té troublé lè li té fi-n tandé-l, é li té koutè-l avèk plézi.
21 Té vi-n gingnin gnou jou favorab, lè Erod té fè gnou féstin pou fété dat nésans li, pou chèf gouvènman li yo avèk ofisié lamé li yo épi prinsipal tèt yo nan Galile. ${ }^{22}$ Pitit fi Erodias la antré, li dansé, li fè Érod plézi ansanm
avèk invité yo. Roua a di jèn fi a: Mandé mouin sa ou vlé, é mouin va ba ou li. ${ }^{23} \mathrm{Li}$ fè sèman sa a ba li tou: Tou sa ou va mandé-m, mouin va ba ou li, li té mèt sé mouatié rouayom mouin. ${ }^{24}$ Jèn fi a sóti, li di manman-l: Ki sa mouin va mandé? É manman li réponn: Tèt Jan-Batis la. ${ }^{25}$ Li présé tounin tou suit koté roua a, li fé li démann sa a: Mouin vlé pou ou ban mouin tèt Jan-Batis la sou gnou plat koul-yé-a. ${ }^{26}$ Roua a té tris anpil; min pou-tèt sèman li yo épi invité yo, li pa-t vlé réfuzé li. ${ }^{27}$ Minm lè a li voyé gnou gad avèk lod pou poté tèt Jan-Batis la. ${ }^{28}$ Gad la alé koupé tèt Jan nan prizon an, é li pòté tèt la vini sou gnou plat. Li bay jèn fi a li, jèn fi a bay manman-1 li. ${ }^{29}$ Lè disip Jan yo tandé sa, yo vini pran kò li é yo mété li nan gnou tonm.
Jézu bay sink mil moun manjé
30 Apòt yo rasanblé koté Jézu, yo rakonté li tou sa yo té fé épi sa yo té anségné. ${ }^{31}$ Jézu di yo: Vini a-léka, nan gnou koté ki pa gin moun, é pran gnou ti répo. Paské té gingnin anpil moun ki t-ap alé-vini, apòt yo pa-t minm gin tan pou manje. ${ }^{32}$ Donk yo pati nan gnou bato pou mété kò yo a-léka nan gnou koté ki pa gingnin moun. ${ }^{33}$ Min pliziè moun ki ouè yo pati, té rékonnèt yo; moun nan tout vil yo kouri vini a pié koté yo t-ap pralé a, é yo rivé avan yo. ${ }^{34}$ Lè Jézu sóti nan bato a, li ouè gnou
gran foul, li santi konpasion pou yo, paské yo té tankou mouton ki pa gin gadyin; épi li pran anségné yo anpil bagay.
35 Kòm li té déja ta, disip li yo proché koté li, yo di: Isi sé gnou koté moun pa rété, é li déja ta; ${ }^{36}$ ranvouayé yo pou yo kapab al achté manjé nan kanpagn avèk nan bouk oz-alantou yo. ${ }^{37}$ Jézu réponn yo: Ba yo manjé nouminm. Min yo di li:- Eské nou v-al achté dé san dénié pin pou ba yo manjé? ${ }^{38} \mathrm{Li}$ di yo: Konbyin pin nou gingnin? Alé ouè. Yo kontrolé sa, yo réponn: Sink pin avèk dé pouason. ${ }^{39}$ Alò li komandé yo fè tout moun chita an pliziè group sou gazon vèt la, ${ }^{40}$ é yo chita an ran pa san é pa sinkant. ${ }^{41}$ Jézui pran sink pin avèk dé pouason yo, li lévé jé li nan sièl, li rann gras. Epi li kasé pin yo, li bay disip li yo pou yo sèvi foul la. É li séparé dé pouason yo ba yo tout. ${ }^{42}$ Tout moun té manjé é vant yo té plin. ${ }^{43}$ E yo pòté alé douz panié plin avèk moso pin épi sa ki té rété nan pouason yo. ${ }^{44}$ Moun ki té manjé pin yo, té sink mil òm.

## Jézu maché sou la mè

45 Tou suit apré, li oblijé disip li yo antré nan bato a pou alé avan li lòt bo la mè a, bò Bétsaida, pandan li t-ap ranvouayé foul pèp la. ${ }^{46}$ Apré li fi-n ranvouayé yo, l-alé sou mòn nan pou lapriè.
47 Lè a-souè rivé, bato a té nan mitan la mè a, é Jézu té sèl a tè. ${ }^{48} \mathrm{Li}$ ouè yo té gin
anpil traka pou ramé; paské van an té kont yo. Sou katrièm vèy nuit la, lit-ap maché sou la mè a, alé jouinn yo; é li té vlé dépasé yo. ${ }^{49}$ Lè yo ouè li ap maché sou la mè a , yo kouè ké sé té gnou mové nanm, é yo pran rélé; ${ }^{50}$ paské yo tout té ouè li, é sa té troublé yo. Minm lè a, Jézu palé avèk yo, li di yo: Pran kouraj, sé mouin-minm; nou pa bézouin pè! ${ }^{51} \mathrm{Li}$ monté koté yo nan bato a, épi van an tonbé. Sézisman té pi anparé yo ankò; ${ }^{52}$ paské yo pa té konprann mirak pin yo, a-kòz kè yo té vi-n du.

## Jézu géri moun ki malad nan Jénézarèl

53 Lè yo travèsé la mè a, yo vi-n nan péyi Jénézarèt, é yo fè tè. ${ }^{54} \mathrm{Kou}$ yo soti nan bato a, moun yo rékonnèt Jézu. ${ }^{55}$ Pèp nan tout péyi a kouri vini, yo pòté malad sou kabann yo, koté yo tandé li té yé. ${ }^{56}$ Tou patou koté li té rivé nan bouk, nan vil oubyin nan kanpagn, yo té mété malad yo sou la plas, é yo té lapriè Jézu pou pèmèt yo touché sèlman bò rad li. É tou sa ki té touché li té géri.

## Bagay ki sal gnou moun

7 Farizyin yo avèk kèk éskrib, ki té sòti Jéruzalèm, rasanblé bò koté Jézu. ${ }^{2}$ Yo té ouè kèk nan disip li yo ap manjé avèk min ki pa té nétouayé, ki vlé di pa lavé. ${ }^{3}$ Farizyin avèk tout Jouif yo pa manjé angnin san yo pa lavé min yo avèk souin, nan sa yo suiv koutum ansyin yo;
${ }^{4}$ épi, lè yo sòti nan maché a, yo pa manjé san yo pa nétouayé yo. Yo gin anpil lòt abitud ankò ké yo suiv dapré la koutum, par-ékzanp lavé koup avèk kruch épi véso an kuiv. - ${ }^{5}$ Donk farizyin avèk éskrib yo mandé Jézu: Pouki sa disip ou yo pa suiv koutum ansyin yo, min y-ap manjé avèk min yo pa nétouayé? ${ }^{6}$ Jézu réponn yo: Ipokrit, Ézai byin profétizé sou nou, jan sa ékri a:

Pèp sa a ban mouin onnè avèk bouch yo,
Min kè yo byin louin mouin.
7 Yo adoré mouin, sa pa vo angnin,
Anségnman yo bay sé komandman lèz òm.
${ }^{8}$ Nou abandonnin komandman Bon-Dieu, é nou suiv koutum lèz òm. ${ }^{9} \mathrm{Li}$ di yo tou:- Nou byin annulé komandman Bon-Dieu, pou konsèvé pròp koutum nou. ${ }^{10}$ Paské Moiz di: Onoré papa ou avèk manman ou; épi: Sé pou moun ki modi papa li ou-byin manman li, résévoua la mò pou punision. ${ }^{11} \mathrm{Min}$ noü-minm, nou di: Si gnou nonm di papa li ou-byin manman li: Tou sa mouin ta gingnin pou édé ou mouin déklaré li koban - ki vlé di gnou kado pou Bon-Dieu, 12 nan ka sa a li pa bézouin fè angnin pou papa li ou-byin manman li. ${ }^{13}$ Min ki jan nou afébli parol Bon-Dieu a avèk koutum nou établi. É nou fè anpil lòt bagay kon sa.
14 Apré sa, li rélé foul la vi-n koté li ankò, li di yo: Kouté
mouin, nou tout, épi konprann. ${ }^{15} \mathrm{~Pa}$ gingnin bagay déyò gnou nonm épi ki antré nan li, ki kapab sal li; min sa ki sòti nan lòm, sé sa ki sal li. ${ }^{16} \mathrm{Si}$ gnou moun gingnin zòrèy pou tandé, sé pou li tandé.
17 Lè li antré nan kay la, louin foul la, disip li yo pozé li késion sou parabol sa a. ${ }^{18} \mathrm{Li}$ di yo: Nou-minm tou, èské nou san intélijans? Èské nou pa konprann ké angnin ki sòti déyò pou antré nan lòm, pa kapab sal li? ${ }^{19}$ Paské sa pa antré nan kè li, min sa pasé nan vant li épi yo jété sa gnou koté a-pa; konsa tout manjé tou pròp. ${ }^{20} \mathrm{Li}$ di ankò: Sa ki sòti nan lòm, sé sa ki sal lòm. ${ }^{21}$ Paské sé anndan, nan kè lèz om sa sòti: mové lídé, adultè, movèz konduit, tué moun, vòlè, 22 dérobè, méchansté, tronpé moun, dérégléman, kout jé sou sò lèz òt, palé moun mal, logè̀y, la foli. ${ }^{23}$ Tout mové bagay sa yo sòti anndan, é yo sal lòm.

## La foua fanm siro-fénisyin an

24 Jézu kité koté sa a, li alé nan téritoua Tir avèk Sidon: : Li antré nan gnou kay, é li pa-t vlé pèsonn konnin sa; min li pa-t kapab rété kaché. ${ }^{25}$ Paské gnou fanm, ki té gingnin pitit fi li an-ba gnou movèz éspri, té tandé palé dé li, é li vi-n lagé kò li nan pié Jézu. ${ }^{26}$ Fanm sa a té gnou Grèk, moun nasion siro-fénisyin. Li suplié li pou chasé movèz éspri a sòti nan fi li a. ${ }^{27}$ Jézu di li: Kité pitit
yo rasazié kò yo avan; paské sa pa konvénab pou pran pin pitit yo pou jété li bay ti chin yo. ${ }^{28} \mathrm{Li}$ réponn: Sé vré, Ségnè, min ti chin yo konn manjé kèk ti mignèt an-ba tab ti moun yo. ${ }^{29}$ Alò Jézu di li: Pou-tèt parol sa a, alé, démon an sòti nan fi ou. ${ }^{30}$ E lè fanm nan té tounin lakay li, li jouinn pitit la kouché sou kabann nan, épi démon an pran boua.
Jézu géri gnou moun soud ki bèbè
31 Jézu kité téritoua Tir, li pasé Sidon nan diréksion la mè Galilé, ap travèsé sou limit la Dékapol.
32 Yo minnin ba li gnou nonm soud, ki té palé avèk difikulté, é yo lapriè-l pou li étann min li sou nonm nan. ${ }^{33}$ Jézu minnin li a-léka, louin foul la, li mété douèt li nan zòrèy li, épi avèk saliv li, li touché lang li. ${ }^{34}$ Apré, li lévé jé li nan sièl, li fè gnou soupi, li di: Éfata, kı vlé di, ouvri. ${ }^{35}$ Alò zòrè̀ li yo louvri; lang li laché, é li palé tré byin. ${ }^{36}$ Jézu défann yo di pèsonn sa; min plus li té défann yo, plus yo té publié sa. ${ }^{37}$ Yo té nan pi gran sézisman, yo t-ap di: Li fè tout bagay tré byin; li fè soud yo tandé é li fè bèbè yo palé.

## Jézu bay kat mil moun manjé

8Pandan jou sa yo, té gingnin ankò gnou gran foul ki pa-t gin angnin pou yo manjé; Jézu rélé disip li yo, li di yo: ${ }^{2}$ Mouin gin konpasion pou foul sa a; paské sa fe déja toua jou ké yo avèk
mouin, é yo pa gin angnin pou yo manjé. ${ }^{3}$ Si mouin ranvouayé yo vant-vid lakay yo, yo va manké fòs nan chémin; paské kèk pami yo sòti byin louin. ${ }^{4}$ Disip li yo réponn li: Ki bò, nan dézè sa a, pou jouinn pin pou plin vant yo? 5.Jézu mandé yo: Konbyin pin nou gingnin? Yo réponn: Sèt. ${ }^{6}$ Alò li fè foul la chita a-tè; li pran sèt pin yo, é, apré li rann gras, li kasé yo, li bay disip li yo pou séparé; yo séparé bay foul la. ${ }^{7}$ Té gingnin kèk ti pouason tou; apré Jézu té rann gras, li fè séparé yo tou. ${ }^{8}$ Yo té manjé é vant yo té plin; yo pòté alé sèt panié plin avèk moso ki té rété. ${ }^{9}$ Moun yo té a-pépré kat mil. Apré sa, Jézu ranvouayé yo.
10 Tou suit apré, li monté nan bato a avèk disip li yo, é li alé nan péyi Dalmanuta.

## Yo mandé gnou sign

11 Kèk farizyin vi-n rivé, yo pran diskuté avèk Jézu; pou yo kapab sondé li, yo mandé-l gnou mirak ki sòti nan sièl. ${ }^{12}$ Jézu fè gnou gran soupi nan léspri li, li di: Pouki jénérasion sa a ap mandé gnou mirak? An vérité mouin di nou sa, jénérasion sa a p-ap jouinn okinn mirak.
13 Épi li kité yo, li tounin nan bato a pou alé lòt bò la mè $a$.

## Lédoin farizyin yo

14 Min disip yo té blié pran pin; sé gnoun sèlman yo té gingnin avèk yo nan bato a. ${ }^{15}$ Jézu ba yo konsèy sa a:

Pran prékosion nou avèk lédvin farizyin yo épi avèk lédvin Érod. ${ }^{16}$ Disip yo t-ap rézonnin, gnoun avèk lòt, ap di: Sé paské nou pa gin pin. ${ }^{17}$ Min Jézu, ki konnin sa, di yo: Pouki sa n-ap rézonnin konsa paské nou pa gin pin? Eské nou toujou san konnésans, èské nou pa konprann? ${ }^{18}$ Eské kè nou vi-n du? Nou gin jé, èské nou pa ouè? Nou gin zòrèy, èské nou pa tandé? Ėské nou pa gin mémoua? ${ }^{19}$ Lè mouin té kasé sink pin yo pou sink mil òm yo, konbyin panié plin avèk moso nou té pòté alé? Yo réponn li: Douz. ${ }^{20} \mathrm{E}$ lè mouin té kasé sèt pin yo pou kat mil om yo, konbyin panié plin avèk moso nou té pòté alé? Yo réponn li: Sèt. ${ }^{21}$ Eli di yo: Eské nou pa ko konprann?

## Jézu géri gnou nonm avèg nan Bétsaida

22 Apré sa yo alé Bétsaida. Yo minnin gnou avèg bay Jézu, yo lapriè li pou touché li. ${ }^{23}$ Jézu pran min avèg la, li kondui li sòti nan bouk la; li mété saliv sou jè-l, li étann min yo sou li, épi li mandé-1 si li ouè kichoy. ${ }^{24}$ Avèg la gadé, li di: Mouin ouè dèz òm k -ap maché, yo sanblé avèk pié boua. ${ }^{25}$ Jézu mété min li ankò sou jé li; lè avèg la gadé fiks, li té géri, li té ouè tout bagay klè. ${ }^{26}$ Alo Jézu ranvouayé-l lakay li, li di: Pa antré nan bouk la.

Piè konfésé la foua li 27 Jézu pati avèk disip li yo,

1-alé nan bouk yo ki té nan réjion Sézaré-Filip la. Etan nan chémin, li pozé yo késion sa a: Ki lès moun yo di mouin yé? ${ }^{28}$ Yo réponn: Kèk moun di: Jan-Batis; kèk lòt di: Éli; é kèk lòt ankò di: Gnoun nan profèt yo. ${ }^{29} \mathrm{Li}$ mandé yo: Min nou-minm, ki lès nou di mouin yé? Piè réponn li: Ou sé lé Kris. ${ }^{30}$ Jézu défann yo avèk sévérité pou yo pa di pèsonn sa.

## Jézu anonsé la mè li

31 Alò li komansé anségné yo fòk Fis-dé-lolm nan soufri anpil, ké ansyin yo, chèf sakrifikatè yo avèk éskrib yo ta réjété li; ké li gingnin pou mouri, é pou li lévé nañ la mò apré toua jou. ${ }^{32} \mathrm{Li}$ t-ap palé yo a-klè sou bagay sa yo. Piè rélé li sou koté, épi li komansé réprann li. ${ }^{33} \mathrm{Min}$ Jézu viré, li gadé disip li yo, li réprann Piè, li di: Ouété kò ou sou mouin, Satan! Paské lidé ou pa sòti nan Bon-Dieu, min nan lèz òm.
34 Epi li rélé foul la avèk disip li yo, li di yo: Si gnou moun vlé vi-n dèyè mouin, sé pou li rénonsé tèt li, sé pou li chajé koua li é suiv mouin. ${ }^{35}$ Paské moun ki vlé sové la vi li, va pèdu li; min moun ki va pèdu la vi li pou-tèt mouin épi Lévanjil la, va sové li. ${ }^{36}$ E sa sa sèvi gnou nonm si li gingnin tou lé monn, é ké li pèdu nanm li? ${ }^{37}$ Oubyin ki sa gnou nonm kapab boukanté pou nanm li? ${ }^{38}$ Ninpòt moun ki ront mouin avèk parol mouin yo nan mitan jénérasion sa a ki
adultè é ki plin péché, Fis-dé-lóm nan va ront li tou, lè li va vini nan la gloua Papa li $\left(9\right.$ avèk $\sin$ zanj yo. ${ }^{1} \mathrm{Li}$ di - yo ankò: An vérité mouin di nou, kèk moun nan sa ki prézan isit la pa va mouri, san yo pa ouè règn Bon-Dieu vini avèk puisans.

## Figu Jézu chanjé

2 Sis jou apré, Jézu pran Piè, Jak é Jan avèk li, é li minnin yo a-léka tou sèl sou gnou món byin ro. Figu li chanjé dévan yo; ${ }^{3}$ rad li vi-n kléré épi tèlman blan ké pa gingnin la cho sou la tè ki ta kapab blanchi konsa. ${ }^{4}$ Eli avèk Moiz parèt dévan yo, ap kozé avèk Jézu. ${ }^{5}$ Piè pran la parol, li di Jézu: Mèt, sé bon pou nou isit la; an nou drésé toua tant, gnoun pou ou, gnoun pou Moiz, gnoun pou Eli. ${ }^{6}$ Paské li pa-t konnin sa pou di, a-kòz la pérèz té pran yo. ${ }^{7}$ Gnou nuaj vini, ki kouvri yo; gnou voua sodi nan nuaj la, li di: Sa sé Pitit byinn-émé mouin: kouté li! ${ }^{8}$ Subitman disip yo gadé toutotou yo, é yo pa ouè pèsonn sòf Jézu sèl avèk yo.
9 Étan yo t-ap désann mòn nan, Jézu défann yo di pèsonn sa yo té ouè, jouk lè Fis-délòm nan ta lévé pami mò yo. 10 Yo répasé parol sa a, gnoun mandé lott sa sa yé, lévé pami mò yo.
11 Disip yo pozé li késion sa a: Pouki sa éskrib yo di fòk Eli vini an prémié? ${ }^{12} \mathbf{L i}$ réponn yo: Sé vré Éli té dọué vini an prémié pou rétabli tout bagay. E kouman
sa fè ékri sou Fis-dé-lòm nan ké li doué soufri anpil é pasé an-ba mépri? ${ }^{13} \mathrm{Min}$ mouin di nou, Eli vini déja, é yo trété li jan yo té vlé, dapré sa ki té ékri a-léga li.
Jézu géri gnou ti gason ki gin malkadi
14. Lè yo rivé koté disip yo, yo ouè gnou gran foul toutotou yo, avèk kèk éskrib ki t-ap diskuté avèk yo. ${ }^{15}$ Lè foul la ouè Jézu, sézisman anparé yo, é yo tout kouri vi-n salué li. ${ }^{16} \mathrm{Li}$ mandé yo: Sou ki sa n-apé diskuté avèk yo? ${ }^{17}$ Gnou nonm nan foul la réponn li: Mèt, mouin té minnin pitit mouin ba ou; li an-ba gnou léspri bèbè. ${ }^{18}$ Ninpòt ki koté li pran li, li jété-l a-tè; ti moun nan kumin, li grajé dan épi li vi-n tou rèd. Mouin té prié disip ou yo chasé léspri a, min yo pa-t kapab. ${ }^{19}$ Jézu di yo: 0 ras san la foua, jouk ki lè mouin va avèk nou? Jouk ki lè mouin va supòté nou? Minnin li ban mouin. ${ }^{20}$ Yo minnin-l ba li. Kou ti moun nan ouè Jézu, léspri a souké li gnou jan brutal; li tonbé a-tè, li roulé étan l-ap kumin. ${ }^{21}$ Jézu mandé papa a: Dépi konbyin tan sa ap rivé li? Li réponn: Dépi li tou piti. ${ }^{22}$ Souvan léspri a jété li nan di-fé avèk nan dlo pou fè li péri. Min si ou kapab fè kichoy, vi-n édé nou é gingnin konpasion pou nou. ${ }^{23}$ Jézu di li: Si ou kapab! . . . Tout bagay posib pou moun ki kouè. . ${ }^{24}$ Minm lè a, papa ti moun nan rélé: Mouin kouè! Vi-n édé-m
koté la foua mouin manké! ${ }^{25}$ Lè Jézu ouè foul la ap kouri vini, li palé sévè avèk movèz éspri a, li di li: Éspri bèbè é soud, mouin komandé ou, sòti nan ti moun nan, é pa antré nan li ankò. ${ }^{26}$ Léspri a sòti, ap bay gran rèl, ap souké li gnou jan brutal. Ti moun nan vi-n tankou mò; sa té fè pliziè moun di: Li mouri. ${ }^{27}$ Min Jézu pran min li, li lévé-l. É ti moun nan kanpé débou.
28 Lè Jézu té antré nan kay la, disip li yo mandé li a-pa: Pouki sa nou pa-t kapab chasé léspri sa a ? ${ }^{29} \mathrm{Li}$ di yo: Kalité sa a pa kapab sòti sòf pa mouayin la priè.

Jézu anonsé la mò li ankò
30 Yo kité koté sa a, yo travèsé la Galilé. Jézu pa-t vlé moun konnin sa. ${ }^{31}$ Paské li t-ap anségné disip li yo, li di yo: Fis-dé-lom nan pral tonbé nan min lèz òm, é yo pral tué li; é toua jou apré yo tué li, li va lévé nan la mò. ${ }^{32}$ Min disip yo pa-t konprann parol sa a, é yo té krinn pozé li késion.

## Ki moun ki pi gran-nèg?

33 Yo rivé Kapènaòm. Lè li té nan kay la, Jézu mandé yo: Sou ki sa nou t-ap diskuté nan chémin an? ${ }^{34}$ Min yo pé, paské nan chémin an yo té diskuté pami yo pou konnin ki lès ki té pi grannèg. ${ }^{35}$ Alò li chita, li rélé douz yo, li di yo: Si gnou moun vlé pou li prémié, li va dènié pami tout, épi sèvitè tout. ${ }^{36}$ Épi li pran gnou ti
moun, li mété-l nan mitan yo, li pran li nan bra li, li di yo: ${ }^{37}$ Ninpòt moun ki résévoua gnou ti moun kon sa nan non mouin, sé mouin li résévoua; é ninpòt moun ki résévoua-m, sé pa mouin li résévoua, min Sila ki voyé mouin an.

Sila ki pa kont nou avek nou
38 Jan di li: Mèt, nou té ouè gnou nonm ki t-ap chasé démon nan non ou; é nou té anpéché li fè sa, paské li pa suiv nou. ${ }^{39}$ Jézu réponn: Pa anpéché li; paské pa gingnin moun k-ap fe gnou mirak nan non mouin, ki kapab palé mouin mal an minm tan. ${ }^{40}$ Moun ki pa kont nou, sé pou nou li yé. ${ }^{41} E$ ninpòt moun ki va ban nou gnou vè dlo nan non mouin, paské nou sé moun Kris, mouin di nou an vérité, li pa va pèdu rékonpans li.

## Tantasion pou fà péché

42 Min si gnou moun fè gnoun nan piti sa yo ki kouè nan mouin tonbé nan péché, sa ta pi bon pou li pou yo mété gnou gro rò moulin nan kou li, épi pou yo jété li nan la mè.
43 Si min ou ap fè ou tonbé nan péché, koupé li; sa pi bon pou ou pou antré nan la vi avèk gnou sèl min, o-lié pou ou gingnin dé min, épi pou ou alé nan lanfè, nan di-fé a ki pa janm étinn. ${ }^{44}{ }^{45}$ Si pié ou ap fè ou tonbé nan péché, koupé li; sa pi bon pou ou pou antré nan la vi ap bouaté, o-lié pou ou gingnin dé pié, épi pou yo
jété ou nan lanfè, nan di-fé a ki pa janm étinn. ${ }^{46}{ }^{47}$ É si jé ou ap fè ou tonbé nan péché, raché li; sa pi bon pou ou pou antré nan rouayom Bon-Dieu a avèk gnou sèl grinn jé, o-lié pou ou gingnin dé jé, épi yo jété ou nan lanfè, ${ }^{48}$ koté vè yo pa mouri, épi koté di-fé a pa étinn. ${ }^{49}$ Paské di-fé gingnin pou salé chak moun. ${ }^{50}$ Sèl sé gnou bon bagay; min si sèl pèdu gou li, avèk ki sa nou va ba li gou anko? ${ }^{51}$ Chaché gin sèl nan nouminm, épi viv an pè gnoun avèk lòt.

## Anségnman Jézu sou divòs

10Jézu kité koté sa a, li alé nan téritoua la Judé, lòt bò la riviè Joudin. Foul la rasanblé ankò koté li, é dapré koutum li, li komansé instoui yo.
2 Alò farizyin yo proché koté li; pou sondé li, yo mandé-l: Eské sé pèmi pou gnou nonm kité avèk madanm li? ${ }^{3} \mathrm{Li}$ réponn yo: Ki sa Moiz komandé nou? ${ }^{4}$ Yo di: Moiz té pèmèt ékri gnou lèt divòs épi séparé. ${ }^{5}$ E Jézu di yo: Sé pou-tèt jan kè nou du ké Moiz té ban nou komandman sa a. ${ }^{6} \mathrm{Min}$ o komansman, lè tout bagay té kréyé, Bon-Dieu té fè gnou nonm avèk gnou fanm. ${ }^{7}$ Sé pou sa lòm va kité papa li avèk manman li, é li va ataché avèk madanm li, ${ }^{8}$ é tou dé va gnou sèl chè. Konsa yo pa dé ankó, min sé gnou sèl chè yo yé. ${ }^{9}$ Donk sa BonDieu mété ansanm, sé pa pou lòm séparé yo.

10 Lè yo té nan kay la, disip yo pozé li késion ankò sou bagay sa a. ${ }^{11} \mathrm{Li}$ di yo: Moun ki séparé avèk madanm li, é ki marié avèk gnou lòt, li konmèt adultè kont li; ${ }^{12}$ é si gnou fanm séparé avèk mari li, épi li marié avèk gnou lòt, li konmèt adultè.

## Jézu béni ti moun pili

13 Yo pòté kèk ti moun bay Jézu, pou li touché yo. Min disip yo té réproché moun yo ki té prézanté yo. ${ }^{14}$ Lè Jézu ouè sa, sa té in-digné-l, li di yo: Kité ti moun yo vi-n jouinn mouin, é pa anpéché yo; paské rouayom Bon-Dieu a sé pou moun ki sanblé avèk yo. ${ }^{15}$ Mouin di nou sa an vérité, ninpòt moun ki pa résévoua rouayom Bon-Dieu a tankou gnou ti moun, p-ap antré ladan li. ${ }^{16}$ Épi li pran ti moun yo nan bra li, li étann min li sou yo, é li béni yo.

## Jin-nonm rich la

17 Kòm Jézu t-ap sòti pou fè rout li, gnou nonm kouri vini; li lagé kò li a jénou dévan li, li mandé-1: Bon Mèt, ki sa mouin doué fè pou mouin éritié la vi étènèl? ${ }^{18}$ Jézu di li: Pouki ou rélé mouin bon? Pa gingnin gnou sèl pèsonn ki bon, sòf BonDieu. ${ }^{19} \mathrm{Ou}$ konnin komandman yo: Pa konmèt adultè; pa tué moun; pa vòlè; pa bay fo témouagnaj; pa fè pèsonn tò; réspékté papa ou avèk manman ou. ${ }^{20} \mathrm{Li}$ réponn li: Mèt, mouin suiv tout bagay
sa yo dépi mouin tou jinn. ${ }^{21}$ Jézu gadé-l, li rinmin li, li di-l: Ou manké gnou bagay; alé, vann tou sa ou gingnin, bay pòv yo li, é ou va gingnin gnou trézò nan sièl. Epi vini suiv mouin. ${ }^{22}$ Min nonm nan té gingnin la pinn pou-tèt parol sa a é li pati tou tris; paské li té gingnin anpil byin. ${ }^{23}$ Alò Jézu gadé tout-otou li, li di disip li yo: Ala sa difisil pou moun ki gingnin richès antré nan rouayom Bon-Dieu a! ${ }^{24}$ Disip yo té sézi tandé Jézu palé konsa. É li di yo ankò: Ti moun mouin yo, ala sa difisil pou moun ki mété konfians yo nan richès, antré nan rouayom Bon-Dieu a! ${ }^{25} \mathrm{Li}$ pi fasil pou gnou chamo travèsé gnou trou zégui, pasé pou gnou richa antré nan rouayom Bon-Dieu a. ${ }^{26}$ Disip yo té pi étonnin ankò, é gnoun t-ap di lòt: Atò ki moun ki kapab sové? ${ }^{27}$ Jézu gadé yo, li di: Sa inposib pou lèz òm, min pa pou Bon-Dieu; paské tout bagay posib pou Bon-Dieu.
28 Piè pran di li: Min-ni, nou kité tout bagay, épi nou suiv ou. ${ }^{29}$ Jézu réponn: Mouin di nou sa an vérité, pami moun ki kité kay, oubyin frè, ou-byin sè, ou-byin manman, ou-byin papa, oubyin pitit, ou-byin jadin, poutèt mouin épi Lévanjil la, ${ }^{30}$ pa gingnin gnoun ki pa résévoua koul-yé-a, dépi nan tan nou yé a, san foua plus, kay, frè, sè, manman, pitit, jadin - avèk pèsékusion épi nan sièk ki gingnin pou vini an, la vi étènèl. ${ }^{31}$ Min
pliziè nan prémié yo va dènié, é pliziè nan dènié yo va prémié.

## Jézu anonsé la mò li gnou touazièm foua

32 Yo té nan chémin ap monté Jéruzalèm, é Jézu t-ap maché dévan yo. Disip yo té sézi, é yo té krinn pandan yo t-ap suiv li. Jézu pran douz yo ankò avèk li, é li komansé di yo sa ki té gin pou rivé li: ${ }^{33}$ Min-ni, n-ap monté Jéruzalèm, é Fis-dé-lòm nan pral tonbé nan min sakrifikatè avèk éskrib yo. Yo va kondané li a-mò, épi yo va lagé li nan min payin yo, ${ }^{34} \mathrm{ki}$ va pasé li an-ba rizib, ki va kraché sou li, ki va fouété li é ki va tué li; épi, apré toua jou, li va lévé nan la mò.

## Démann Jak avèk Jan an

35 Jak avèk Jan, pitit Zébédé yo, proché koté Jézu, yo di li: Mèt, nou ta vlé ou fè pou nou sa nou pral mandé ou la. ${ }^{36} \mathrm{Li}$ di yo: Ki sa nou vlé mouin fè pou nou? ${ }^{37}$ Yo di li: Akòdé nou pou nou chita nan la gloua ou, gnoun a-douat ou é lòt a-goch ou. ${ }^{38}$ Jézu réponn yo: Nou pa konnin sa nou mandé. Eské nou kapab bouè koup m-ap bouè a, épi résévoua batèm m-ap résévoua a? ${ }^{39}$ Yo di: Nou kapab. E Jézu réponn yo: Sé vré, nou va bouè koup m-ap bouè a, é nou va résévoua batèm m-ap résévoua a; ${ }^{40} \mathrm{~min}$, kant-a chita a-douat ou-byin a-goch mouin, sé pa mouin ki akòdé
sa: sé pou moun ki gin sa paré pou yo. ${ }^{41}$ Lè dis lòt yo té tandé sa, yo té indigné kont Jak avèk Jan. ${ }^{42}$ Jézu rélé yo, li di yo: Nou konnin ké moun yo konsidéré kon chèf nasion yo, trété yo tankou ésklav, é ké gran-nèg yo dominé sou yo. ${ }^{43}$ Poutan, sa pa konsa pami nou. O-kontrè, ninpòt moun ki vlé vini grantèt pami noư, sé pou li fè li sèvitè nou; ${ }^{44}$ é ninpòt moun ki vlé prémié pami nou, va ésklav nou tout. ${ }^{45}$ Paské Fis-dé-lòm nan vini, pa pou yo sèvi li, min pou li sêvi, épi pou bay la vi li kòm pri délivrans anpil moun.

Batimé, avèg la, ouè anko
46 Yo rivé Jériko. É pandan Jézu t-ap sòti nan bouk la avèk disip li yo épi gnou gran foul, gnou avèg ki té konn mandé charité, Batimé, pitit Timé, té chita bò chémin an. ${ }^{47} \mathrm{Li}$ tandé sé Jézu moun Nazarèt, é li pran rélé, li di: Jézu, Pitit David, gin pitié pou mouin! ${ }^{48}$ Pliziè moun t-ap réprann li pou fè li pé; min li té rélé pi fò ankò: Pitit David, gin pitié pou mouin! ${ }^{49}$ Jézu rété, li di: Rélé li. Yo rélé avèg la, yo di li: Pran kouraj, lévé, l-ap rélé ou. ${ }^{50}$ Avèg la jété manto li, li bondi vi-n koté Jézu. ${ }^{51}$ Jézu pran la parol, li di li: Ki sa ou vlé mouin fè pou ou? Avèg la réponn li: Mèt, ké mouin kapab ouè ankò. ${ }^{52}$ E Jézu di li: Alé, la foua ou géri ou. ${ }^{53}$ Minm lè a, avèg la ouè ankò, é li suiv Jézu nan chémin an.

Jézu antré Jéruzalèm an trionf
11 Lè yo t-apé proché Jéruzalèm, é yo té tou pré Bétfajé avèk Bétani, bò mòn Zolivié, Jézu voyé dé nan disip li yo, ${ }^{2}$ li di yo: Alé nan bouk ki dévan nou an; lè nou va antré nou va jouinn gnou jèn bourik maré, ké pèsonn pa ko monté; lagé li, é minnin li ban mouin. ${ }^{3}$ Si kèk moun di nou: Pouki n-ap fè sa? réponn: Lé Ségnè bézouin li. Tou suit li va kité li vi-n isit.
4 Lè disip yo alé, yo jouinn jèn bourik la maré déyò dévan gnou pòt, a koté gnou kafou; é yo lagé li. ${ }^{5}$ Kèk moun pami sa yo ki té la, di yo: Sa n-ap fè la? Pouki sa n-ap lagé jèn bourik sa a? ${ }^{6}$ Yo réponn jan Jézu té di yo. Epi yo kité yo alé. ${ }^{7}$ Yo minnin jèn bourik la bay Jézu, yo mété rad yo sou li, épi Jézu monté-1. ${ }^{8}$ Anpil moun té tann rad yo sou chémin an, kèk lòt té tann féyaj pié boua yo té koupé nan jadin. ${ }^{9}$ Moun ki t-ap maché dévan, é sa yo ki t-ap maché dèyè Jézu, t-ap rélé: Ozana! Bénédiksion sou Sila ki vini o-non lé Ségnè! ${ }^{10}$ Bénédiksion sou règn ki vini an, règn David, papa nou! Ozana jouk pi ro nan sièl la!
11 Jézu antré Jéruzalèm, nan tanp la. Lè li té gadé tout bagay, kòm li té déja ta, li alé Bétani avèk douz yo.

Pié figié a résévoua malédiksion
12 Nan démin, apré yo sòti Bétani, Jézu té grangou.
${ }^{13}$ Dé-louin li ouè gnou pié figié ki té gingnin fèy, l-alé ouè si li ta jouinn kichoy sou li ; min lè li proché, sé fèy sèlman li jouinn, paské sé pa-t sézon fig. ${ }^{14}$ Alò li pran la parol, li di li: Sé pou pèsonn pa janm manjé foui ou! É disip li yo té tandé li.

## Jézu mét réspé nan tanp la

15 Yo rivé Jéruzalèm, é Jézu antré nan tanp la. Li pran chasé moun yo ki t-ap vann é ki t-ap achté nan tanp la; li chaviré tab moun yo ki t-ap chanjé lajan, épi chèz moun yo ki t-ap vann pijon yo. ${ }^{16} \mathrm{Li}$ pa té pèmèt pèsonn travèsé tanp la ap pòté okinn bagay. ${ }^{17}$ É li anségné yo, li di: Eské sa pa ékri: Kay mouin va rélé gnou kay la priè pou tout nasion yo? Min nouminm, nou fè li tounin gnou kav vòlè.
18 Lè chèf sakrifikatè yo avèk éskrib yo tandé li, yo t-ap chaché mouayin pou fè li péri; paské yo té krinn li pou-tèt gran éfè anségnman li té fè sou"tout foul la.
19 Lè a-souè rivé, Jézu sòti nan vil la.

## Pié figiê a chéché

20 Démin matin, étan yo t-ap rétounin, disip yo ouè pié figié a chéché jouk nan rasi-n. ${ }^{21}$ Piè sonjé sa ki té pasé, li di Jézu: Mèt, gadé, pié figié ou té modi a, chéché. ${ }_{2} 2$ Jézu pran la parol, li di yo: Sé pou nou gingnin la foua nan Bon-Dieu. ${ }^{23}$ An vérité, mouin di nou sa, si gnou moun di mòn sa a: Ouété kò
ou, jété ou nan la mè, é si li pa gin dout nan kè li, min li kouè ké sa li di a apé rivé, li va ouè li akonpli. ${ }^{24}$ Sé pou sa mouin di nou: Tou sa nou va mandé nan la priè, kouè ké nou résévoua li, épi nou va ouè li akonpli. ${ }^{25}$ E lè nou débou ap lapriè, si nou gin kichoy kont gnou moun, padonnin li, pou Papa nou ki nan sièl kapab padonnin nou fot nou yo tou. ${ }^{26}$ Min si nou pa padonnin, Papa nou ki nan sièl p-ap padonnin nou fot nou yo non plus.

## Ki bò Jézu pran otorité li?

27 Yo alé Jéruzalèm ankò. Pandan Jézu t-ap prominnin nan tanp la, chèf sakrifikatè avèk éskrib épi ansyin yo té vi-n koté li, ${ }^{28}$ é yo di li: Avèk ki otorité ou ap fè bagay sa yo? Ki lès ki ba ou otorité a pou fè yo? ${ }^{29}$ Jézu réponn yo: Mouin va pozé nou gnou késion tou; réponn mouin, épi mouin va di nou avèk ki otorité mouin fè bagay sa yo. ${ }^{30}$ Batèm Jan an, èské li té sòti nan sièl, ou-byin nan lèz òm? Réponn mouin. ${ }^{31}$ Min yo rézonnin konsa ant yo: Si nou réponn: Nan sièl, li va di: Donk, pouki sa nou pa té kouè li? ${ }^{32}$ É si nou réponn: Nan lèz òm. . . . Yo té krinn pèp la, paské tout moun té pran Jan pou gnou profèt tout bon. ${ }^{33}$ Alò yo réponn Jézu: Nou pa konnin. E Jézu di yo: Mouin non plus, mouin p-ap di nou avèk ki otorité mouin fè bagay sa yo.

Parabol jadin rézin an ak fèmié yo

12Apré sa, Jézu pran palé yo an parabol.
Gnou nonm planté gnou jadin rézin. Li fèmin li avèk gnou antouraj, li fouyé gnou près, li bati gnou tou; épi li anfèmin li bay kèk kultivatè rézin, é li kité péyi a. ${ }^{2}$ Lè sézon rékòt rivé, li voyé gnou sèvitè koté kultivatè rézin yo, pou résévoua nan min yo gnou pòsion nan rékòt rézin an. ${ }^{3}$ Yo mét min sou li, yo bat li, yo voyé li tounin min vid. ${ }^{4} \mathrm{Li}$ voyé ankò gnou lòt sèvitè koté yo; yo bat li nan tèt é yo véksé li. ${ }^{5} \mathrm{Li}$ voyé gnou touazièm, yo tué li; épi pliziè lòt: yo bat in-pé, yo tué lòt yo. ${ }^{6} \mathrm{Li}$ té gingnin ankò gnou pitit byinn-émé; li voyé li an-dènié alé jouinn yo, li di: Yo va réspékté pitit mouin. ${ }^{7}$ Min kultivatè rézin sa yo di ant yo: Min éritié a! Vi-n non! An nou tué li, épi éritaj la va pou nou. ${ }^{8} \mathbf{E}$ yo mét min sou li, yo tué li é yo jété li déyò jadin rézin an. ${ }^{9}$ Donk, ki sa mèt jadin rézin an va fè? Li va vini, li va fè kultivatè rézin yo péri épi li va bay lòt moun jadin rézin an.
10 Eské nou pa li sa nan Lékritu:

Roch la, ké moun yo kit-ap bati té réjété,
Li vini roch kouin an;
${ }^{11}$ Sa sòti nan lé Ségnè,
E sé gnou mèvèy dévan jé nou?
12 Yo chaché mété min sou li, min yo té krinn foul la.

Yo té konprann byin ké sé pou yo Jézu té di parabol sa a. Yo kité li é yo alé.

Afè dé péyé Séza lajan kontribusion 13 Yo voyé kèk farizyin avèk kèk érodyin koté Jézu pou suprann li nan parol li. ${ }^{14}$ Yo vini, yo di li: Mèt, nou konnin ké ou vré é ké ou p-ap chaché fè pèsonn plézi; paské ou pa gadé sou aparans lèz òm, min ou anségné chémin Bon-Dieu sélon la vérité. Ėské sé pèmi ou pa pèmi, pou péyé Séza lajan kontribusion? Eské sé pou nou péyé ou-byin pou nou pa péyé? ${ }^{15}$ Jézu té konnin jan yo ipokrit, li réponn yo: Pouki sa nou tanté mouin? Pòté gnou déniéa ban mouin, pou mouin ouè li. ${ }^{16}$ Yo pòté gnoun ba li; é Jézu mandé yo: Potré sa a avèk sa ki ékri a, sé pa ki moun? Yo réponn li: Sé pa Séza. ${ }^{17}$ Alò li di yo: Rémèt Séza sa ki pou Séza, é rémèt Bon-Dieu sa ki pou BonDieu. E li té fè yo sézi.

## Késion dé lévé nan la mò

18 Saduséyin yo, ki di ké moun pa lévé nan la mò, té vi-n koté Jézu, yo pozé li késion sa a: ${ }^{19}$ Mèt, min sa Moiz té ékri ban nou: $\mathbf{S i}$ gnou nonm gin gnou frè ki mouri san kité pitit, li gingnin pou marié avèk madanm défin an, pou bay défin an gnou désandans. ${ }^{20}$ Alò, té gingnin sèt frè. Prémié a marié é li mouri san kité désandans. ${ }^{21}$ Dézièm nan marié avèk
madanm nan é li mouri san kité désandans. Sé té minm bagay avèk touazièm nan; ${ }^{22}$ tou lé sèt pa té kité désandans. Apré yo tout, fanm nan mouri tou. ${ }^{23}$ Lè mò yo va lévé, sé madanm ki lès nan yo li va yé? Puiské tou lé sèt té gingnin li pou madanm. ${ }^{24}$ Jézu réponn yo: Eské nou pa nan lérè, paské nou pa konprann ni Lèz-Ekritu ni puisans Bon-Dieu? ${ }^{25}$ Lè mò yo lévé, pa gingnin mariaj ni démann pou mariaj, min yo va tankou zanj nan siè la. ${ }^{26}$ Kant-a mò yo lévé nan la mò, èské nou pa li nan liv Moiz la sa Bon-Dieu té di li bo touf boua a: Mouin sé Bon-Dieu Abraam, Bon-Dieu Izaak, Bon-Dieu Jakob? ${ }^{27}$ Li pa Bon-Dieu mò yo, min Bon-Dieu vivan yo. Nou nan gnou gran érè.

## Prémié nan tout komandman

28 Gnoun nan éskrib yo, ki té tandé yo ap diskuté, è ki té konnin ké Jézu té byin réponn saduséyin yo, proché, é li mandé li: Ki lès ki prémié nan tout komandman yo? ${ }^{29}$ Jézu réponn: Min prémié a: Kouté, Izraèl, lé Ségnè, Bon-Dieu nou, sé sèl Ségnè; ${ }^{30}$ épi: Ou va rinmin lé Ségnè, Bon-Dieu ou, avèk tout kè ou, avèk tout nanm ou, avèk tout lidé ou, avèk tout fós ou. ${ }^{31}$ Min dézièm nan: Ou va rinmin prochin ou tankou tèt pa ou. Pa gingninlòtkomandman ki pi gran pasé sa yo. ${ }^{32}$ Éskrib la di li: Sé byin, Mêt, ou palé sélon la vérité ké sé gnou sèl Bon-Dieu ki
gingnin, é ké pa gingnin lòt pasé li, ${ }^{33}$ é pou rinmin li avèk tout kè nou, tout intelijans nou, tout nanm nou, tout fòs nou, épi rinmin prochin nou tankou tèt pa nou, sé plus pasé tout ofrann sou di-fé épi tout sakrifis. ${ }^{34}$ Lè Jézu ouè nonm nan té réponn an moun intélijan, li di li: Ou pa louin rouayom Bon-Dieu a. É pèsonn pa ozé mandé li késion apré sa.

## Késion sou Pitit David la

35 Jézu t -ap anségné nan tanp la, li di: Koman éskrib yo fè di ké lé Kris sé pitit David? ${ }^{36}$ David li-minm té di, sou inspirasion Sint-Éspri:

Lé Ségnè té di Ségnè mouin:
Chita a-douat mouin,
Jouk tan mouin fè énmi ou yo sèvi ou machpié.
${ }^{37}$ David li-minm réléli Ségnè; donk, koman li kapab pitit David? É gnou gran foul t-ap kouté Jézu avèk plézi.

Jézu dénonsé éskrib yo
38. Lit-ap di yo nan anségnman li: Pran prékosion nou avèk éskrib yo ki rinmin prominnin avèk rob long, ki rinmin moun salué yo sou la plas publik yo; ${ }^{39}$ ki chaché prémié plas nan sinagog yo avèk prémié plas nan féstin yo. ${ }^{40}$ Yo-minm dévoré kay vèv yo étan y-ap pran poz la priè long. Yo va résévoua gnou jujman ki pi rèd pou sa.

## Ofrann vè̀ la

41 Jézu té chita viz-a-vi bouat koté yo mété ofrann
nan, ap gadé jan foul la t-ap métélajan ladann. Plizièricha té mété anpil. ${ }^{42}$ Gnou pòv vèv vini tou, é li mété dé ti kòb, ki pa té minm fè mouatié sink kòb. ${ }^{43}$ Alò Jézu rélé disip li yo, li di yo: An vérité, mouin di nou sa, pòv vèv sa a bay plus pasé tout moun ki té mété nan bouat la; ${ }^{44}$ paské yo tout bay nan sa yo gingnin dé trop; min sila a bay nan mizè li, tou sa li té posédé, tou sa li té gingnin pou viv.

## Jézu anonsé ké tanp la va détoui

13 Étan Jézu t-ap sòti nan tanp la, gnoun nan disip li yo di li: Mèt, gadé ki kalité roch, avèk ki kalité batisman! ${ }^{2}$ Jézu réponn li: Ou ouè gran batisman sa yo? Pa gin gnou roch ladan yo ki va rété sou gnou lòt roch: yo va ranvèsé tou sa.

## Sign avan la fin an

3 Li té chita sou mòn Zolivié, viz-a-vi tanp la. Piè, Jak, Jan épi André pozé li késion sa a an patikulié: ${ }^{4} \mathrm{Di}$ nou ki lè sa va rivé, é sou ki sign moun va konnin ké tout bagay sa yo pral akonpli?
5 Alò Jézu pran di yo: Véyé kò nou pou pèsonn pa tronpé nou. ${ }^{6}$ Paské pliziè va vini sou non mouin, ap di: Sé mouin-minm. E yo va tronpé anpil moun. ${ }^{7}$ Lè nou va tandé palé la gè avèk bri la gè, pa troublé tèt nou'; fòk bagay sa yo rivé. Min sa pa ko la fin. ${ }^{8}$ Nasion va lévé kont nasion, é rouayom kont rouayom; va gingnin tranbléman dé tè divès koté; va gin-
gnin grangou. Sa sé sèlman komansman doulè yo. ${ }^{9}$ Nouminm, kinbé kò nou. Yo va livré nou nan tribunal; yo va bat nou nan sinagog yo; nou va konparèt dévan chèf gouvènman avèk roua, pou-tèt mouin, pou rann témouagnaj dévan yo. ${ }^{10}$ Avan :sa, fòk Lévanjil la préché bay tout nasion yo. ${ }^{11}$ Lè yo va minnin nou alé pou livré nou, pa pran la pinn davans pou sa nou va di, min di sa nou va résévoua nan lidé nou minm lè a; paské sé pa nou-minm ki va palé, min lé Sint-Éspri. ${ }^{12}$ Frè va bay frè pou yo tué li, é papa va bay pitit; pitit yo va soulvé kont paran yo, é va fè yo mouri. ${ }^{13}$ Tout moun va rayi nou pou-tèt non mouin; min sila a ki va pèsévéré juska la fin, va sové.
14 Lè nou va ouè abominasion dézolasion an établi nan plas koté li pa doué yé - sé pou moun k-ap li a, fè atansion, - alò sé pou moun ki nan la Judé sové alé nan mòn; ${ }^{15}$ sé pou gnou moun ki sou do kay la pa désann, é pa antré nan kay la pou pran kichoy; ${ }^{16}$ é sé pou gnou moun nan jadin pa tounin dèyè pou pran rad li. ${ }^{17}$ Malè pou fanm ki va ansint épi sa ki va nouris nan jou sa yo! ${ }^{18}$ Lapriè pou bagay sa yo pa rivé nan livè. ${ }^{19}$ Paské nan jou sa yo va gingnin gnou kalité détrès ké yo pa janm ouè, dépi o komansman lè Bon-Dieu té kréyé lé monn jouk koul-yé-a, é kı p-ap janm rivé ankò. ${ }^{20}$ E si lé Ségnè pa té koupé soú jou sa yo, okinn


Ofrann vèv la ki té pòv
vivan pa ta sové; min li lè moman sa a va rivé. ${ }^{34}$ Sé koupé sou jou sa yo, pou-tèt moun li chouazi yo. ${ }^{21}$ Ald̀, si gnou moun di nou: Lé Kris bò isit, ou-byin: Li bò la, pinga kouè sa. ${ }^{22}$ Paské fo kris avèk fo profèt va lévé; yo va fè dé mèvèy avèk dé mirak pou tronpé minm moun ki chouazi yo, si sa ta posib. ${ }^{23}$ Véyé kò nou: mouin anonsé nou tout bagay davans.

## Jan Fis-dé-Lòm nan va vini

24 Min jou sa yo, apré afliksion sa a, solèy la va nouasi, la lun nan p-ap bay lumiè li, ${ }^{25}$ zétoual yo va sòti tonbé nan sièl, é puisans ki nan sièl yo va sékoué. ${ }^{26}$ Alò yo va ouè Fis-dé-lòm nan ap vini sou nuaj yo, avèk gnou gran puisans épi avèk gloua. ${ }^{27}$ Alò li va voyé zanj yo, li va rasanblé moun ki chouazi yo nan diréksion kat van yo, dépi dènié bout la tè jouk dènié bout sièl la. ${ }^{28}$ Pran gnou ékzanp sou parabol pié figié a. Kou branch li vi-n lian, é ké li pousé fèy, nou konnin ké lété tou pré. ${ }^{2 \theta}$ Minm jan, lè nou va ouè bagay sa yo rivé, sé pou nou konnin ké Fis-délòm nan tou pré, nan pòt la. ${ }^{30}$ An vérité mouin di nou, jénérasion sa a p-ap pasé avan tout bagay sa yo rivé. ${ }^{31}$ Sièl la avèk tè a va pasé, min parol mouin yo p-ap pasé.
32 Kant-a jou a avèk lè a, pesonn pa konn sa, ni zanj yo ki nan sièl, ni Pitit la, min Papa a sèlman.
33 Kinbé kò nou, véyé é prié; paské nou pa konnin ki
tankou gnou nonm ki pral an vouayaj, ap kité kay li, li bay sèvitè li yo doua pou dirijé, li bay chak moun travay pa li, li bay gadyin pòt la lòd pou li véyé. ${ }^{35}$ Véyé donk; paské nou pa konnin ki lè mèt kay la va vini, si sé a-souè, ou nan mitan la nuit, ou lè kok chanté, ou-byin nan matin. ${ }^{36}$ Krinn ké li rivé san atann, épi li jouinn nou ap dòmi. ${ }^{37}$ Sa mouin di nou an, mouin di tout moun li: Véyé.

Konduktè pèp la konploté kont Jézu 14 Fèt Pak avèk fèt pin san lédvin yo té pou fété dé jou apré sa. Chèf sakrifikatè avèk éskrib yo t-ap chaché jan pou yo té arété Jézu avèk ruz é pou fè li mouri. ${ }^{2}$ Paské yo té di: Ké sa pa pasé pandan fèt la pa krint pou pa gingnin dézòd pami pèp la.
Nan Bétani gnou fanm pasé luil ode nan tet Jézu
3 Jézu té Bétani, lakay Simon ki té gin lèp la. Pandan li té a-tab, gnou fanm antré, ap pòté gnou vaz albat, plin avèk gnou bon kalité pafin byin chè. Lè li kasé vaz la, li vidé pafin an sou tèt Jézu. ${ }^{4}$ Kèk moun té indigné kont sa, é yo t-ap di ant yo: Pouki sa yo gaspiyé pafin sa a konsa? ${ }^{5}$ Yo ta kapab vann li plus ké toua san dénié épi bay pòv yo. É yo t-ap babiyé kont fanm sa a. ${ }^{6}$ Min Jézu di: Kité li. Pouki n-ap fè li la pinn? Li fè gnou bon aksion an favè mouin. ${ }^{7}$ Paské nou
toujou gin pòv yo avèk nou, é nou kapab fè yo sa ki byin lè nou vlé; min mouin, nou pa gingnin mouin pou tout tan. ${ }^{8} \mathrm{Li}$ té fè sa li té kapab; li anbonmin kò mouin davans pou antèman mouin. ${ }^{9}$ An vérité mouin di nou: Tou patou koté Lévanjil la va préché nan lé monn antié, yo va rakonté tou, an souvni fanm sa a, sa li fè a.

## Juda aksépté trayi Jézu

10 Juda Iskariot, gnoun nan douz yo, al koté chèf sakrifikatè yo, pou livré Jézu ba yo. ${ }^{11}$ Yo kouté li avèk joua é yo promèt pou ba li lajan. E Juda t-ap chaché gnou okazion favorab pou livré li.
Jézu manjé la Pak aoèk disip li yo
12 Nan prémié jou pin san lédvin yo, lè yo t-ap ofri sakrifis Pak la, disip yo di Jézu: Ki bò ou vlé nou alé préparé pou ou manjé Pak la ? ${ }^{13}$ É li voyé dé nan disip li yo, li di yo: Alé la vil; nou va kontré gnou nonm k-ap pòté gnou kruch dlo; suiv li. ${ }_{14}$ Kotéli va antré a, nou va di mèt kay la: Mèt la di: Ki koté pou mouin manjé Pak la avèk disip mouin yo? ${ }^{15}$ E li va montré nou gnou gran chanm an-ro, ki méblé é ki paré; sé la nou va préparé Pak la pou nou. ${ }^{16}$ Disip yo pati, yo rivé la vil, é yo jouinn bagay jan li té di yo; é yo préparé Pak la.
17 A-souè, li rivé avèk douz yo. ${ }^{18}$ Etan yo té a-tab ap manjé, Jézu di: An vérité mouin di nou, gnoun nan nou


Gnou nonm k-ap pòté gnou kruch dlo
k-ap manjé avèk mouin, va trayi mouin. ${ }^{19}$ Alò yo vi-n tris, gnoun apré lòt pran di li: Eské sé mouin? ${ }^{20}$ Li réponn yo: Sé gnoun nan douz yo, sila a ki mété min li nan plat la avèk mouin. ${ }^{21}$ Fis-dé-lòm nan pralé dapré sa ki ékri a-léga li. Min malè pou nonm nan ki trayi Fis-délom nan! Sa ta pi bon poú nonm sa a pou li pa-t janm fèt.

22 Étan yo t-ap manjé, Jézu pran pin; é apré li té rann gras, li kasél, li ba yo li, é li di: Pran, sa sé ko mouin. ${ }^{23}$ Li pran gnou koup tou; é apré li rann gras, li ba yo li, é yo tout bouè ladann. ${ }^{24}$ Epi li di yo: Sa sé san mouin, san alians la, ki vèsé pou pliziè. ${ }^{25} \mathrm{An}$ vérité mouin di nou, mouin p-ap bouè foui rézin an, jouk jou m -a bouè li anko nan rouayom BonDieu a.

## Jézu anonsé ké Piè va niéc li

26 Apré yo fi-n chanté kantik yo, yo sòti pou alé mòn Zolivié.
27 Jézu di yo: Nou tout pral jouinn gnou okazion pou nou chuté; paské sa ékri: Mouin va frapé gadyin mouton an, é mouton yo va dispèsé. ${ }^{28}$ Min apré mouin lévé nan la mò, mouin pral tann nou nan Galilé. ${ }^{29}$ Piè di li: Minm si tout moun ta jouinn gnou okazion pou chuté, mouin-minm mouin p-ap jouinn. ${ }^{30}$ Jézu di li: An vérité mouin di ou ké ouminm, jodi a, nan nuit sa a minm, avan kok chanté dé foua, ou va nié mouin toua foua. ${ }^{31}$ Min Piè té di pi fèm ankò: Minm si fok mouin mouri avè ou, mouin p-ap nié ou. E yo tout t -ap di minm bagay.

## Jézu lapriè nan Jétsémané

32 Apré sa, yo alé gnou koté ki rélé Jétsémané. E Jézu di disip li yo: Chita isit la pandan mouin pral lapriè. ${ }^{33} \mathrm{Li}$ pran Piè, Jak épi Jan avèk $\mathbf{l i}$;
fréyè avèk kè kasé komansé anparé li. ${ }^{34}$ Li di yo: Nanm mouin tris jouk mouin santi ké sé la mò; rété isit épi véyé. ${ }^{35} \mathrm{Li}$ alé in-pé pi louin, li bésé fas kont tè é li lapriè, li mandé ké lè sa a ta alé louin li, si sé té posib. ${ }^{36} \mathrm{Li}$ di: Aba, Papa, tout bagay posib pou ou; détounin koup sa a louin mouin! Poutan, sé pa sa mouin vlé, min sa ou vlé. ${ }^{37}$ É li vi-n koté disip li yo, li jouinn yo ap dòmi; é li di Piè: Simon, ou ap dómi! Ou pa-t kapab véyé gnou-n-è dé tan! ${ }^{38}$ Véyé é prié, pou nou pa tonbé nan tantasion; léspri a byin dispozé, min chè a fèb. ${ }^{39} \mathrm{Li}$ alé pi louin ankò é li prié minm jan. ${ }^{40}$ Li rétounin, li jouinn yo ap dòmi ankò; paské jé yo té lou. Yo pa-t konnin sa pou réponn li. ${ }^{41} \mathrm{Li}$ tounin pou la touazièm foua é li di yo: Nou mèt dòmi koul-yé-a, nou mèt répozé kò nou! Sa asé! Lè a rivé; min-ni, yo pral livré lé Fis-dé-lòm nan min péchè yo. ${ }^{42}$ Lévé, an nou alé; min-ni, moun nan $k$-ap trayi mouin, ap proché.

## Yo trayi Jézu é yo arélé li

43 Minm lè a, kòm Jézu t-ap palé ankò, Juda, gnoun nan douz yo, rivé, épi avèk li gnou foul moun amé avèk népé épi baton, ké chèf sakrifikatè yo, éskrib yo é ansyin yo té voye. ${ }^{44}$ Sila a ki t-ap trayi li, té ba yo sign sa a: Moun mouin va bo a, sé li; mété min sou lié minnin li alé sou bon suvéyans. ${ }^{45} \mathrm{Kou}$ Juda rivé, li proché koté Jézu,
li di: Mèt! Épi li bo li. ${ }^{46}$ Alò moun sa yo mét la min sou Jézu, yo arété li.
47 Gnoun nan sa ki té la yo, ralé népé $l i$, li frapé sèvitè gran chèf sakrifikatè a, li koupé gnou zòrèy li.
48 Jézu pran la parol, li di yo: Nou sòti avèk népé épi baton pou pran mouin, kòm si mouin té gnou brigan. ${ }^{49}$ Mouin té nan mitan nou tou lé jou, ap bay anségnman nan tanp la é nou pa té arété mouin. Min sa rivé pou ké Lèz-Ékritu té kapab akonpli.
50 Alò tout moun abandonnin li, yo pran kouri.

## Jin-nonm ki té sové a

51 Gnou jin-nonm t-ap suiv li, ki té gin gnou dra sèlman pou kouvri kò li. Yo mété min sou li; ${ }^{52} \mathrm{~min}$ li lagé dra a, li chapé nan min yo tou tou-nu.

## Jézu déoan tribunal Jouif yo

53 Yo minnin Jézu kay gran chèf sakrifikatè a, koté tout chèf sakrifikatè yo, ansyin yo épi éskrib yo té réuni. ${ }^{54}$ Piè t-ap suiv li dé louin, jouk nan fon lakou gran chèf sakrifikatè a; li té chita bò di-fé a avèk sèvitè yo, apé chofé.
55 Chèf sakrifikatè yo avèk tout tribunal sanédrin an t-ap chaché gnou témouagnaj kont Jézu pou fè li mouri, é yo pa té jouinn du tou. ${ }^{56}$ Paské pliziè moun té bay fo témouagnaj kont li, min dépozision yo pa té dakò. ${ }^{57}$ Kèk moun lévé, yo bay fo témouagnaj sa
a kont li: ${ }^{58}$ Nou té tandé li di: Mouin va détoui tanp sa a ké min lèz òm fè, é nan toua jou mouin va bati gnou lòt ké min lèz òm p-ap fè. ${ }^{59}$ Min, minm sou pouin sa a, témouagnaj yo pa té dakò. ${ }^{60}$ Alò gran chèf sakrifikatè a lévé nan mitan lasanblé a, li pozé Jézu késion, li di: Ou pa réponn angnin? Ki sa mésié sa yo ap dépozé kont ou? ${ }^{61}$ Jézu rété bouch pé, li pa réponn angnin. Gran chèf sakrifikatè a késionnin li ankò, li di-l: Éské sé ou ki lé Kris, Pitit Bon-Dieu béni an? 62 Jézu réponn: Sé mouinminm. É nou va ouè Fis-délòm nan chita a-douat puisans Bon-Dieu, ap vini sou nuaj sièl la. ${ }^{63}$ Alò gran chèf sakrifikatè a chiré rad sou li, é li di: Sa nou bézouin témouin ankò? ${ }^{64}$ Nou tandé blasfèm nan. Ki sa nou di nan sa? Yo tout déklaré Jézu koupab é ké li mérité la mò. ${ }^{65}$ É kèk moun tonbé kraché sou li, épi yo kouvri figu li avèk gnou voual, yo pran ba li kout pouin, yo di li: Dévinin! É sèvitè yo résévoua li avèk souflèt.

## Piè nié Jézu

66 Étan Piè té an-ba nan lakou a, gnoun nan sèvant gran chèf sakrifikatè a vini. ${ }^{67}$ Lè li ouè Piè ap chofé, li gadé-l é li di-l: Ou-minm tou, ou té avèk Jézu, moun Nazarèt la. ${ }^{68}$ Li nié sa, li di: Mouin pa konnin, mouin pa konprann sa ou vlé di a. Epi li sòti pou alé nan piès a-lantran an. E kok la chanté.
${ }^{69}$ Lè sèvant la ouè li ankò, li pran di moun ki té la yo: Sila a fè pati moun sa yo. ${ }^{70}$ É li nié-l ankò. Gnou moman apré, moun yo ki té la di Piè ankò: Suman ou fè pati yo, paské ou sé moun Galilé. ${ }^{71}$ Ald li pran bay madichon, li di: Mouin sèmanté ké móuin pa konnin nonm n-apé palé a. ${ }^{72}$ Minm lè a, kok la chanté pou la dézièm foua. É Piè sonjé parol Jézu té di li a: Avan kok la chanté dé foua, ou va nié mouin toua foua. Lè li réfféchi sou sa, li tonbé krié.

## Jézu déoan Pilat

15 Dépi nan matin, chèf sakrifikatè yo té konsulté avèk ansyin yo é éskrib yo, épi tout tribunal sanédrin an. Apré yo fi-n maré Jezzu, yo minnin li alé, yo livré li bay Pilat.
2 Pilat mandé li: Èské sé ou-minm ki roua Jouif yo? Jézu réponn li: Ou di li. ${ }^{3}$ Chèf sakrifikatè yo té dépozé pliziè plint kont li. ${ }^{4}$ Pilat pozé li késion ankò, li di li: Ou pa réponn angnin? Gadé konbyin plint yo dépozé kont ou. ${ }^{5}$ Min Jézu pa réponn angnin ankò, é sa té fè Pilat sézi.

Jézu ou-byin Barabas
6 Chak fèt Pak, li té konn lagé gnou prizonnié, sila foul la té mandé a. ${ }^{7}$ Té gin gnoun yo té relé Barabas, ki té nan prizon avèk kèk lơt ki t-ap konspiré avèk li. Yo té la pou-tèt gnou moun yo té tué, gnou lè yo té pran lèz
am. ${ }^{8}$ Foul la té monté, yo pran mandé Pilat pou akòdé yo, jan li té toujou fè a. ${ }^{9} \mathrm{Li}$ réponn yo: Eské nou vlé mouin lagé roua Jouif yo ban nou? ${ }^{10}$ Paské li té byin konnin ké sé jalouzi ki té fè chèf sakrifikatè yo livré li. ${ }^{11}$ Min chèf sakrifikatè yo pousé foul la pou yo mandé Pilat pito lagé Barabas. ${ }^{12} \mathrm{Pi}$ lat pran la parol anko, li di yo: Donk, ki sa nou vlé mouin fè avèk sila yo rélé roua Jouif yo? ${ }^{13}$ Yo rélé ankò: Klouré li sou gnou koua! ${ }^{14}$ Pilat di yo: Min ki mal li fè? Yo rélé pi fò: Klouré li sou gnou koua! ${ }^{15}$ Pilat, ki té vlé satisfè foul la, lagé Barabas ba yo: é, apré li fi-n fè bat Jézu avèk fouèt, li livré-l pou yo klouré li sou gnou koua.

Solda yo pasé Jézu nan rizib
16 Solda yo kondui Jézu anndan lakou a, ki vlé di lakou kay Pilat, é yo rasanblé tout kolonn solda yo. ${ }^{17} \mathbf{Y o}$ abiyé li avèk gnou manto rouj-violèt, yo mété sou tèt li gnou kouronn pikan yo té trésé. ${ }^{18}$ Alò yo pran salué li, yo di: Salutasion, roua Jouif yo! ${ }^{19}$ Yo bat li nan tèt avèk gnou rozo, yo kraché sou li, yo fléchi jénou yo, é yo bésé tèt yo dévan li. ${ }^{20}$ Apré yo fi-n pasé li nan rizib konsa, yo ouété manto rouj-violèt la, yo mété prop rad li sou li, épi yo minnin li alé pou klouré li sou gnou koua.

## Jézu klouré sou gnou koua

21 Gnou nonm, Simon,
moun Sirèn, papa Aléksann avèk Rufus, ki té sòti nan jadin, t-ap pasé bod la; yo fosé li pòté koua a. ${ }^{22}$ Yo kondui Jézu koté ki rélé Golgota a, ki vlé di: plas Zo-Tèt la. ${ }^{25}$ Yo prézanté li du-vin mélanjé avèk mir, pou li bouè; min li pa pran li.
24 Apré yo fi-n klouré li sou koua a, yo séparé rad li ant yo nan gnou tiraj o-sò, pou yo konn sa ki t-ap sodi pou yo chak. ${ }^{25} \mathrm{Li}$ té név-è, lè yo té klouré li sou koua a.
26 Yo té indiké koz kondanasion an sou gnou ékrito ki té di: Roua Jouif yo.
27 Yo té klouré sou koua dé brigan ansanm avèk Jézu, gnoun a-douat li, lòt a-goch li. ${ }^{28}$ Konsa parol sa a nan Lékritu té akonpli: Yo mété li na ran malfétè.
29 Moun ki t-ap pasé bò la t-ap jouré li, ap souké tèt ba li, yo di: Ey! Ou-minm ki détoui tanp la, é ou bati li nan toua jou ankò, ${ }^{30}$ sové tèt ou ou-minm, désann sou koua a! ${ }^{31}$ Konsa tou, chèf sakrifikatè yo avèk éskrib yo t-ap pasé li nan rizib, ap di ant yo: Li sové lòt moun, é li pa kapab sové tèt pa li! ${ }^{32}$ Sé pou lé Kris, roua Izraèl la, désann sou koua a koul-yé-a pou nou ouè sà, pou nou kapab kouè! E sa ki té krusifié avèk li yo t-ap jouré li tou.
33 A midi té vi-n gin ténèb sou tout la tè jouk toua-z-è. ${ }^{34} \mathbf{A}$ toua-z-è Jézu rélé avèk gnou voua fò: Eloi, Eloi, lama sabaktani? ki vlé di: Bon-Dieu mouin, Bon-Dieu
mouin, pouki sa ou abandonnin mouin? ${ }^{35}$ Kèk moun pami sa yo ki té la, lè yo tandé li, yo di: Gadé, l-ap rélé Éli. ${ }^{36}$ É gnoun nan yo kouri plin gnou éponj avèk vinèg, li mété-1 nan pouint gnou rozo, li ofri li pou bouè, li di: Rété, an nou ouè si Éli va vini fè li désann.
37 Min lè Jézu té bay gnou gran rèl, li rann dènié souf li.
38 Voual tanp la fann an dé, dépi an-ro jouk an-ba.
39 Lè ofisié a, ki té kanpé an fas Jézu, ouè li mouri konsa, li di: Tout bon, nonm sa a té Pitit Bon-Dieu a.
40 Té gingnin kèk fanm tou ki t-ap gadé dé louin. Pami yo té gingnin Mari-Madlèn, Mari ki té manman Jak Minè a épi Joz, avèk Salomé, ${ }^{41}$ yominm ki té suiv li é ki té sèvi li, lè li té nan Galilé, avèk pliziè lòt ki té monté Jéruzalèm avèk li.

## Antèman Jézu

42 A-souè té déja rivé, é sé té jou préparasion, ki vlé di la vèy saba. a. ${ }^{43}$ Alò Jozèf, moun Arimaté, vini; li té gnou manm byin konsidéré nan tribunal sanédrin an, é li-minm tou t-apé tann rouayom Bon-Dieu a. Li gin kouraj alé dévan Pilat pou mandé li kò Jézu. ${ }^{44}$ Pilat té sézi aprann ké Jézu té mouri si vit; li rélé ofisié a, li mandé li si Jézu té mouri dépi lontan. ${ }^{45}$ Lè ofisié a ba li ranségnman sètin, li akòdé Jozèf kò a. ${ }^{46}$ Jozèf achté gnou dra mò, li désann kò Jézu sou koua a, li vlopé li nan dra mò a, épi
li mété li nan gnou kavo ki té fouyé nan roché a. Apré sa, li roulé gnou roch sou bouch kavo a. ${ }^{47}$ Mari-Madlèn avèk Mari, manman Joz, té gadé koté yo t-ap mété li.

## Jézu lévé nan la mò

16Lè jou saba a té pasé, Mari-Madlèn, Mari, manman Jak, avèk Salomé té achté épis pou alé anbonmin kò Jézu. ${ }^{2}$ Prémié jou nan séminn nan, gran matin, yo alé nan kavo a, kòm solèy té fèk lévé. ${ }^{3}$ Gnoun t-ap di lòt: Ki moun ki va roulé roch ki fèmin bouch kavo a pou nou?
${ }^{4}$ Lè yo té lévé jé yo, yo ouè ké gro roch la té gin tan roulé. ${ }^{5}$ Yo àntré nan kavo a, yo ouè gnou jin-nonm, chita sou bò douat, abiyé ávèk gnou ròb tou blan; é la fréyè pran yo. ${ }^{6}$ Min li di yo: Pa pè! N-ap chaché Jézu, moun Nazarèt la, ké yo té klouré sou la koua; li lévé nan la mò; li pa isit; min koté yo té mété li a. ${ }^{7}$ Min alé di disip li yo épi Piè ké Jézu alé tann nou nan Galilé; sé la nou va ouè li, jan li té di nou. ${ }^{8}$ Yo sodi nan kavo a, yo kouri alé. La pérèz avèk sézisman té anparé yo. É yo pa di pèsonn angnin, tank yo té pè.

## Jézu parè̀ dévan Mari-Madlèn

9 Lè Jézu té lévé nan la mò nan matin prémié jou séminn nan, li parèt an prémié dévan Mari-Madlèn, sa li té chasé sèt démon nan li a. ${ }^{10}$ Mari alé pòté nouvèl la bay sa yo
ki té avèk li, é ki té nan dèy avèk nan krié. ${ }^{11}$ Min yominm, lè li di yo ké Jézu té vivan é ké li té ouè li, yo pa té kouè li.

## Jézu parèt dévan dé disip

12 Apré sa, Jézu té parèt gnou lòt jan dévan dé pami yo ki té nan chémin pou alé andéyò. ${ }^{13}$ Yo tounin vi-n ánonsé lòt yo sa, min yo pa kouè yo non plus.

## Jézu bay apòt li yo travay yo

14 Pi ta, li parèt dévan onz yo, étan yo té a tab; li réprann yo pou jan yo té manké la foua é pou jan kè yo té du, paské yo pa té kouè moun yo ki té ouè li apré li té lévé nán la mo.
15 Epi li di yo: Alé patou sou la tè, préché Lévanjil bay tout vivan. ${ }^{16}$ Moun ki va kouè è ki va batizé, va sové; min moun ki p-ap kouè, va kondané. ${ }^{17}$ Min mirak ki va akonpagné moun yo ki va kouè: yo va chasé démon nan non mouin; yo va palé dé lang nouvo; ${ }^{18}$ yo va kinbé sèpan; si yo bouè kèk pouazon, li p-ap fè yo mal; yo va étann min yo sou malad, é yo va géri.

## Jézu monté nan siel

19 Apré lé Ségnè Jézu té palé yo, li té monté nan sièl, é li chita a-douat Bon-Dieu. ${ }^{20}$ Kant-a yo, yo pati, yo préché tou-patou. Lé Ségnè t-ap travay ansanm avèk yo, é li sètifié parol la avèk mirak yo ki té akonpagné li.

## Lévanjil sélon

## LUK

## Lio la êkri pou Téofl

1Kom anpil moun antréprann ékri istoua événman ki té pasé nan mitan nou yo, ${ }^{2}$ jan nou té aprann yo nan bouch moun ki té ouè yo ak jé yo dépi o komansman, é ki té vi-n prédikatè la Parol, ${ }^{3}$ mouin-minm tou, trè-zéksélan Téofil, mouin kouè sa bon pou-m ékri istoua sa a nan lód apré ké-m fi-n infòmé-m san fot sou tou sa ki té pasé dépi o komansman, ${ }^{4}$ pou ou kapab konnin sa yo té montré ou la, sé sètin.
Nésans Jan-Batis anonsé davans
5 Sou tan Erod, roua la Judé, té gin gnou sakrifikatè ${ }^{a}$ rélé Zakari ki té fè pati group Abia; madanm ni té moun ras Aaron, é yo té rélé-1 Elizabèt. ${ }^{6}$ Yo tou dé té jus dévan Bon-Dieu, é yo tap suiv tout komandman yo ak tou sa lé Ségnè té di pou fè, san mérité gnoũ sèl réproch. ${ }^{7}$ Yo pat gin pitit paské Elizabèt pat kapab fè pitit, é yo tou lé dé té fi-n vié.
8 Pandan Zakari tap fè sèvis sakrifikatè dévan BonDieu, dapré tou group li a, ${ }^{9}$ tiraj o sò yo fè dapré kou-
tum sèvis sakrifikatè a chouazi li pou antré nan tanp lé Ségnè a pou ofri lansan. ${ }^{10}$ Tout mas pèp la tap lapriè dèrò lè yo tap ofri lansan an. ${ }^{11}$ Épi gnou anj lé Ségnè parèt dévan Zakari, li kanpé sou koté douat lotèl lansan an. ${ }^{12}$ Lè Zakari ouè-1, li sézi, é la pè anparé-l. ${ }^{13} \mathrm{Min}$, anj la di-l: Pa pè, Zakari, paské Bon-Dieu tandé la priè ou la. Elizabèt, madanm ou, va fè gnou pitit gason, ou va rélé li Jan. ${ }^{14}$ Pitit sa a va gnou koz la joua ak kontantman pou ou, é pliziè moun va kontan tou paské 1 -a fèt. ${ }^{15} \mathrm{Li}$ va gran dévan lé Ségnè, li pap bouè ni du-vin, ni okinn alkol. Dépi nan vant manman ni, li va plin ak Sint-Éspri. ${ }^{16} \mathrm{~L}$-a konvèti anpil pitit pèp Izraèl là pou lé Ségnè BonDieu pèp la. ${ }^{17} \mathrm{~L}$-a maché dévan Bon-Dieu nan léspri Élib é avèk pouvoua Éli pou ranminnin kè papa jouinn pitit yo, épi pou moun rébè vi-n gin sajès moun jus, pou li préparé pou lé Ségnè gnou pèp biin dispozé. ${ }^{18}$ Zakari di anj la: Koman ma fè rékonèt sa, paské mouin vié, é madanm mouin tou fin vié. ${ }^{19}$ Anj la réponn ni: Mouin sé

[^2]Gabrièl, ki kanpé dévan BonDieu, yo voyé-m palé avèk ou pou ba ou nouvèl sa a. ${ }^{20}$ Min, ou pral vi-n bèbè, ou pap kapab palé jouk jou bagay sa yo rivé, paské ou pat kouè parol mouin yo, ki gin pou rivé nan $\tan$ yo.
21 Poutan pèp la tap tann Zakari, yo té sézi ouè jan li mizé nan tanp la. ${ }^{22}$ Lè-l sòti, li pat kapab palé avèk yo, é yo konprann ké li té gin gnou vizion nan tanp la; li tap fè yo sign, é li rété bèbè.
23 Lè $\tan$ sèvis li fini, li tounin lakay li. ${ }^{24}$ Kèk tan apré, Élizabèt, madanm ni, vi-n ansint. Li rété kaché sink moua, li tap di: ${ }^{25}$ Min sa lé Ségnè fè pou mouin lè-l jété jé sou mouin pou ouété dézonè mouin pami lè zòm.

## Nêsans Jêzu anonsé davans

26 Sou sizièm moua a, BonDieu voyé anj Gabriel nan gnou vil la Galilé yo rélé Nazaròt, ${ }^{27}$ koté gnou jinn fi ki té fianse ak gnou nonm nan ras David yo tê rélé Jozèf. Yo té rélé jinn fi a Mari. ${ }^{28}$ Anj la antré koté-l té yé a, li di: Mouin salué ou, ou-minm ki résévoua anpil gras. Lé Sègnè avèk ou. ${ }^{29}$ Parol sa yo troublé Mari, é li tap mandé nan kè-l ki sa jan salué sa a té vlé di. ${ }^{30}$ Min anj la di-l: Pa pè, Mari, paské ou jouinn gras dévan Bon-Dieu. ${ }^{31}$ Minni, ou va ansint, ou va fè gnou pitit gason, ou va ba li non Jézu. ${ }^{32}$ L-a vi-n gin
gnou gran pouvoua, ya rélé-1 pitit Trè-Ro ${ }^{c}$ a, épi lé Ségnè Bon-Dieu va ba li tròn David, zansèt li. ${ }^{33}$ L-a régné tout tan nan ras Jakob, é règn ni pap janm fini. ${ }^{34}$ Mari di anj la: Koman sa va fè rivé, ala mouin pa janm konn gason? ${ }^{35}$ Anj la réponn ni: SintÉspri a va vi-n sou ou, é pouvoua lé Trè-Ro va kouvri ou avèk lonbraj li. Sé pou sa tou, pitit ka fet sin an, ya relé-1 Pitit Bon-Dieu. ${ }^{36}$ Minni, Elizabèt, fanmi ou, a tout li vié a, ansint gnou pitit gason, é li sou sizièm moua-l, li-minm yo té di ki pa ta kapab fè pitit. ${ }^{37}$ Paské angnin pa inposib pou BonDieu. ${ }^{38}$ Maridi: Min mouin, mouin sé sèvant lé Ségnè, ké sa rivé jan ou di a. Epi anj la kité-l.

## Mari al rann Élizabèl oizit

39 Nan jou sa yo, Maril lévé, li fè vit alé nan péi mòn yo, nan gnou la vil péi Juda. ${ }^{40} \mathrm{Li}$ antré kay Zakari, li salué Élizabèt. ${ }^{41}$ Lè Élizabèt tandé ki jan Mari salué-l la, pitit la soté nan vant li, épi Elizabèt té vi-n plin ak SintÉspri. ${ }^{42}$ Alò li lévé la voua, li di biin fó: Ou béni pami tout fanm. Frui zantray ou a béni. ${ }^{43} \mathrm{Ki}$ koté lonè sa a sòti vi-n jouinn mouin pou manman Ségnè-m vi-n rann mouin vizit? ${ }^{44}$ Paské kou voua ou rivé nan zorèy mouin lè ou salué-m nan, pitit la soté nan vant mouin a fôs li
c 1:32 Trè-Ro: Se gnou tit pou Bon-Dieu, ki montré jan li élvé, jan li gran pa rapò a nou.
kontan. ${ }^{45}$ Biinnérèz fanm sa a ki té koủè a, paské bagay lé Ségnè té voyé di-l yo va akonpli.
46 Alò Mari di:
Nanm mouin rann gloua o Ségnè,
${ }^{47}$ É léspri-m pran plézi nan Bon-Dieu Sovè-m,
${ }^{48}$ Paské li voyé jé sou ti kondision sèvant li.
É min-ni, a lè ki lé, tout jénérasion va rélé-m biinnérèz,
${ }^{49}$ Paské Tou-Puisan ${ }^{d}$ an fè anpil bagay pou mouin.
Non li sin.
${ }^{50}$ É mizérikòd li duré jénérasion apré jénérasion
Pou tout moun $\mathrm{ki}^{-g i n}$ krint li.
${ }^{51} \mathrm{Li}$ fè santi fòs pongnèt li,
Li chasé moun ki gin lògèy ak mové lidé nan kè yo.
52 Li jété chèf ki té fò yo,
É li fè moun san prétansion monté.
${ }^{53} \mathrm{Li}$ bay moun ki grangou anpil biin,
E li ranvoyé rich yo san angnin.
${ }^{54} \mathrm{Li}$ vi-n pòté sékou bay pèp Izraèl ki sèvi-1,
Li sonjé mizérikòd 1 i,
55 - Dapré sa li té promèt zansèt nou yo -
Fè pou Abraam ak tout ras li pou tout tan.
56 Mari rété a pé pré toua moua ak Élizabèt. Apré sa li tounin lakay li.

## Nésans Jan-Batis

57 Lè tan Élizabèt rivé pou-1 akouché, li fè gnou pitit gason. ${ }^{58}$ Vouazinaj liak fanmi-1 yo, lè yo vi-n konnin lé Ségnè té fè mizérikòd li tonbé sou Élizabèt, fété avèk li. ${ }^{59}$ Sou ui jou, yo té vi-n pou sikonsi pitit la, yo té vlé rélé-1 Zakari, non papa-1. ${ }^{60}$ Min manman-n di: Non, ya rélé-1 Jan. ${ }^{61}$ Yo di li: Pa gin pèsonn nan fanmi ou ki pòté non sa a. ${ }^{62}$ Alò yo fè papa:a sign pou mandé-1 ki non li té vlé bay pitit la. ${ }^{63}$ Zakari mandé ékrito, é li ékri: Jan sé non li. E yo tout sézi. ${ }^{64}$ Minm lè a, bouch li louvri, lang ni laché, é li tap palé, ap béni Bon-Dieu. ${ }^{65}$ La pè té anparé tout abitan 0 zalantou yo, é nan tout mòn la Judé, yo tap palé sou bagay sa yo. ${ }^{66}$ Tout moun ki té tandé yo, té gadé yo nan kè yo, ap di: Ki sa pitit sa a va sòti? E min lé Ségnè té avèk li.

## Kantik Zakari

67 Zakari, papa-1, vi-n plin ak Sint-Éspri, é li. té palé an profète, li di:
${ }^{68}$ Béni soua lé Ségnè, BonDieu Izraèl la,
Déské li vizité, é li rachté pèp li,
${ }^{69}$ E li fè sòti pou nou gnou Sovè puisan
Nan fanmi David, sèvitè-1,

[^3]${ }^{70}$ Kom li té anonsé-l nan bouch sin profèt li yo nan tan lontan,
${ }^{31}$ Gnou Sovè ki délivré nou an ba lénmi nou yo,
É an ba tout moun ki rai nou yo!
${ }^{72}$ Sé konsa li aji avèk mizérikod li pou zansèt nou yo,
E sé konsa li sonjé alians sakré li a,
${ }^{73}$ Dapré sèman li té fè bay Abraam zansèt nou,
${ }^{74}$ Pou kité nou, lè nou ta va délivré an ba min lénmi nou yo,
Sèvi-l san pè,
${ }^{75}$ Gnou jan ki sin é ak justis dévan li tou lé jou la vi nou.
${ }^{76}$ É ou-minm, ti pitit, ou va rélé profèt Trè-Ro a.
Paské ou va maché dévan lé Ségnè pou préparé chémin ni,
${ }^{77}$ Pou ou kapab bay pèp li a konnésans lé salu
Nan padon péché-l yo,
${ }^{78}$ Gras a zantray mizérikòd Bon-Dieu nou an;
Sé a koz pouvoua mizérikòd sa a solèy lévan sòti an ro vi-n vizité nou,
${ }^{79}$ Pou li kléré moun ki chita nan noua é nan lonbraj lan mò,
Pou li kondui pié nou nan chémin la pé.
80 Eti pitit la tap grandi, li tap fòtifié nan léspri. É li té rété nan dézè ${ }^{f}$ yo, jouk jou li prézanté dévan Izraèl.

## Nêsans Jézu

2 Nan tan sa a, gnou loua Séza-Ogus vi-n parèt ki té bay lòd pou konté tout moun sou la tè. ${ }^{2}$ Prémié résansman $^{\boldsymbol{a}}$. sa a té fèt étan Kirinius té gouvènè la Siri. ${ }^{3}$ Tout moun tal fè pran non yo, chak moun nan la vil pa yo.
4 Jozèf tou monté sòti la Galilé nan la vil: Nazarèt, pou li tal nan la Judé, nan la vil David yo té rélé Bétléèm nan, paské li té sòti nan ras ak nan fanmi David, ${ }^{5}$ pou fè pran non li ak Mari, fiansé-l, ki té ansint.
6 Étan yo té la, jou pou Mari té akouché a rivé, ${ }^{7}$ é li fè prémié pitit gason ni. Li vlopé-l, é li mété-1 kouché nan gnou krèch, paské pat gin plas pou yo nan lotèl la.

Anj yo parèl dévan gadè moulon yo
8 Té gin nan minm péi sa a kèk gadè mouton ki tap pasé nuit nan la kanpagn pou gadé troupo yo. ${ }^{9}$ E min gnou anj lé Ségnè parèt dévan yo, é la gloua lé Ségnè kléré zalantou yo. Gnou gran la pè té anparé yo. ${ }^{10} \mathrm{Min}$, anj la di yo: Pa pè, paské mouin anonsé nou gnou bon nouvèl ki va bay tout pèp la gnou gran kontantman, ${ }^{11}$ sè ké, jodi a, nan la vil David la, gnou Sovè fèt pou nou, sé lé Kris, lé Ségnè. ${ }^{12}$ É min sou ki sign nou va rékonèt li: na

[^4]jouinn gnou ti pitit vlopé, ki kouché nan gnou krèch.
13 E subitman, gin gnou foul nan lamé nan siè la ki vi-n jouinn anj la, ap rann gloua a Dieu, ap di:
${ }^{14}$ Gloua a Dieu nan lié trè ro,
É la pé sou la tè, biinvéyans pou lè zòm!
15 Lè anj yo kité yo, tounin nan sièl la, gadè mouton yo di ant yo: An nou alé jouk Bétléèm, é an nou ouè sa ki rivé, sa lé Ségnè fè nou konnin an. ${ }^{16}$ Yo présé alé la, é yo jouinn Mari ak Jozèf, ak ti pitit la kouché nan krèch la. ${ }^{17}$ Apré yo fi-n ouè-l, yo rakonté sa yo té di yo sou ti pitit la. ${ }^{18}$ Tout moun ki té tandé yo té sézi sa gadè mouton yo tap di. ${ }^{19}$ Mari kinbé tout parol sa yo, é li tap répasé yo nan kè li. ${ }^{20}$ E gadè mouton yo tounin al fè rout yo, ap rann gloua a Dieu, é ap bay Bon-Dieu louanj pou tou sa yo té tandé é tou sa yo té ouè, é ki té dakò avèk sa yo té anonsé yo a.

## Yo prézanté Jézu nan tanp la

21 Lè uitièm jou pitit la té doué sikonsi a vi-n rivé, yo rélé-l Jézu, non anj la té indiké avan li té nan vant manman-n nan. ${ }^{22}$ Lè jou pou yo té fi-n propté yo té pasé dapré la loua Moiz, Jozèf ak Mari pòté li Jéruzalèm pou prézanté-l bay lé Ségnè, ${ }^{23}$ dapré sa ki té ékri nan la loua lé Ségnè: Tout mal ki fèt an prémié va konsakréb
pou lé Ségnè, - ${ }^{24}$ é pou yo té ofri kom sakrifis dé toutrèl ou biin dé jinn pijon, jan sa té préskri nan la loua lé Ségnè.
25 É té gin Jéruzalèm gnou nonm yo té rélé Siméon. Nonm sa a té jus, li té dévoué nan la rélijion, é li tap tann Bon-Dieu konsolé Izraèl, é Sint-Éspri té sou li. ${ }^{26}$ SintÉspri Bon-Dieu té avèti-1 li pa ta mouri avan li ouè Kris lé Ségnè a. ${ }^{27}$ Léspri pousé-l vi-n nan tanp la, é kom paran yo tap pòté ti pitit la, Jézu, pou yo té akonpli pou li sa la loua té odonnin an, ${ }^{28}$ li résévoua-l nan bra li, li béni Bon-Dieu, é li di:
${ }^{29}$ A lè ki lé, Ségnè, ou kité sèvitè ou
${ }^{30}$ Alé an pè, dapré parol ou. ${ }^{31}$ Paské jé mouin ouè salu ou la,
Salu ou té préparé dévan tout pèp yo,
${ }^{32}$ Lumiè pou kléré nasion yo, Ak la gloua Izraèl pèp ou. 33 Papa-l ak manman-n té admiré sa yo tap di sou li. ${ }^{34}$ Siméon béni yo, é li di Mari, manman-n: Pitit sa a déstiné pou minnin tonbé ak lévé anpil moun nan Izraèl, é pou li vi-n gnou sign, ka mété diskusion; ${ }^{35}$ é ouminm, gnou népé va pèsé nanm ou, pou lidé ki nan anpil kè kapab dévoualé.
36 Té gin la tou gnou profèt fanm, Ann, pitit fi Fanuèl, ki té fè pati tribu Asè a: Lí té fi-n vié, é li té viv sèt an ak
o 2:23 Konsakré: Sé tou sa ki mété a pa pou sèvis Bon-Dieu, soua moun, soua bèt, soua gnou bagay kèlkonk.
mari-1 dépi li té konnin-1. ${ }^{37} \mathrm{Li}$ té rété vèv, é kom li té gin katré-vin-kat an, li pat kité tanp la, é li tap sèvi BonDieu nuit kon jou nan fè jinn ${ }^{c}$ ak la priè. ${ }^{38}$ Kom li té vi-n rivé, li-minm tou, minm lè sa a, li tap bay Bon-Dieu louanj, é li tap palé sou Jézu bay tout moun ki tap tann délivrans Jéruzalèm.

## Jozèf ak Mari tounin Nazarèt

39 Lè yo fi-n akonpli tout bagay dapré la loua lé Ségnè a; Jozèf ak Mari tounin Nazarèt, la vil yo, nan la Galilé.
40 Eti pitit la tap grandi, é li tap fòtifié. Li té plin sajès, é la gras Bon-Dieu té sou li.

## Jézu a laj douz an nan tant la

 41 Paran Jézu yo té alé Jéruzalèm chak ané nan fèt Pak.42 Lè Jézu vi-n gin douz an, yo monté Jéruzalèm dapré koutum fèt la. ${ }^{43}$ Épi, lè jou yo fi-n pasé, é yo tounin, pitit la, Jézu, rété Jéruzalèm. Papa-l ak manman-n pat ouè sa. ${ }^{44} \mathrm{Kom}$ yo té kouè li té avèk konpagn vouayaj yo, yo vouayajé gnou jounin, é yo chaché-l pami paran yo ak konnésans yo. ${ }^{45} \mathrm{Min}$, kom yo pa jouinn li, yo tounin Jéruzalèm pou chaché-1. ${ }^{46}$ Apré toua joua, yo jouinn li nan tanp la chita man mitan doktè yo, li tap kouté yo, é li
tap pozé yo késion. ${ }^{47}$ Tout moun ki tap tandé-l yo té sézi dévan intélijans li é dévan répons li yo. ${ }^{48}$ Lè paran li yo ouè-l, yo té sézi, é manman-n di li: Pitit mouin, pouki ou aji konsa avèk nou? Papa ou avèk mouin, nou tap chaché ou avèk kè kasé. ${ }^{49} \mathrm{Li}$ di yo: Pouki sa nou tap chaché-m? Eské nou pa konnin fok mouin okupé afè papa-m? ${ }^{50}$ Min yo pat konprann sa li tap di yo.. ${ }^{51}$ Épi li désann ak yo al Nazarèt, é li té soumi dévan yo. Man-man-n té kinbé tout bagay sa yo nan kè li.
52 E Jézu tap grandi nan sajès, nan tay li ak nan la gras dévan Bon-Dieu é dévan lè zòm.

## Prèch Jan-Batis

2 Nan kinzièm ané règn Tibè Séza, - lè Pons Pilat té gouvènè la Judé, Erod chèf la Galilé, frè-l Filip chèf Lituré ak téritoua la Trakonit, Lizanias chèf Labilèn, ${ }^{2}$ é sou tan chèf sakrifikatè Ann ak Kaif, - parol BonDieu té adrésé bay Jan, pitit Zakari, nan dézè a.
3 L-alé nan tout péi alantou Joudin ${ }^{a}$ yo, ap préché batèm répantans pou padon péché, ${ }^{4}$ dapré sa ki ékri nan liv parol Ézai, profèt la:

Sé voua moun kap.rélé nan dézè a:
Préparé chémin lé Ségnè,

[^5]Planni tras li yo.
${ }^{5}$ Tout ravi-n va konblé,
E tout montagn ak tout mòn va rabésé;
Sa ki gin dètou va vi-n douat,
É chémin ki gin but a vi-n plat.
${ }^{6}$ E tout chè va ouè salu Bon-Dieu a.
7 Donk, li tap di moun ki tap vi-n an foul pou yo té fè li batizé yo: Ras sèpan, ki moun ki montré nou kouri dévan kolè ki gin pou vini an. ${ }^{8}$ Donnin non frui ki montré nou répanti tout bon, é pa mété ap di nan kè nou: Nou gin Abraam ${ }^{\text {b }}$ pou zansèt! Paské mouin di nou, nan roch sa yo, Bon-Dieu kapab fè sòti pitit pou Abraam. ${ }^{9}$ Déja minm, yo mété rach nan rasi-n pié boua yo: donk, tout pié boua ki pa donnin bon frui va koupé, é yo va jétél nan di-fé.
10 Foul la tap pozé-l késion, ap di: Ki sa nou doué fè? ${ }^{11} \mathrm{Li}$ réponn yo: Sa ki gin dé rad, patajé avèk sa ki pa gingnin, é sa ki gin dé koua manjé, fè minm jan.
12 Kèk publikin ${ }^{c}$ vini tou, pou yo té batizé, é yo di-l: Mèt, ki sa nou doué fè? ${ }^{13} \mathrm{Li}$ réponn yo: Pa ékzijé angnin an plus sa yo oddonnin nou.
14 Kèk solda tou mandé-1: E nou-minm, ki sa nou doué fè? Li réponn yo: Pa fè fòs sou pèsonn, pa tronpé pè-
sonn, é kontanté nou ak sa yo péyé nou.
15 Kom pèp la té nan latant, é ké yo tout tap mandé nan kè yo si Jan pa té lé Kris, ${ }^{16}$ Jan di yo tout: Mouin-minm, mouin batizé nou ak dlo, min lap vini, moun ki pi puisan pasé-m nan, é mouin pa mérité délasé lasèt souliè-1. Li-minm, li va batizé nou ak Sint-Éspri é ak di-fé. ${ }^{17} \mathrm{Li}$ gin layé-l nan $\min \mathrm{li}$, li va nétouayé glasi-l, é li va ranmasé grinn blé ${ }^{d}$ a nan grénié-l, min li va boulé pay la nan gnou di-fé ki pap janm tingnin.
18 Sé konsa Jan tap anonsé Bon Nouvèl la bay pèp la, li tap ba yo anko anpil lot konsèy. ${ }^{19}$ Min kom Jan té fè Erod, chèf la, réproch pou tèt Érodias, madanm frè li, é pou tèt tout mové zak yo li té konmèt; ${ }^{20}$ sou tout zak sa yo, Erod ajouté sa anko, li fèmin Jan nan prizon.

## Batèm Jézu

21 Kom tout moun tap batizé, Jézu batizé tous é étan-l tap lapriè, siel la louvri, ${ }^{22}$ é Sint-Éspri désann sou li sou fòm gnou kò, tankou gnou pijon. E gnou voua sòti nan sièl la, di: Ou sé pitite biinn-émé-m, mouin mété tout afeksion-m nan ou.

## Zansèt Jéru-Kri

23 Jézu té gin trant an kon

[^6]sa lè li komansé travay li. Li té, sélon sa yo té kouè, pitit Jozèf, pitit Eli, ${ }^{24}$ pitit Matat, pitit Lévi, pitit Mèki, pitit Jané, pitit Jozèf, ${ }^{25}$ pitit Matatias, pitit Amos, pitit Naoum, pitit Esli, pitit Nagayi, ${ }^{25}$ pitit Maat, pitit Matatias, pitit Séméi, pitit Jozèk, pitit Joda, ${ }^{27}$ pitit Joanan, pitit Résa, pitit Zorobabèl, pitit Salatièl, pitit Néri, ${ }^{28}$ pitit Mèlki, pitit Adi, pitit Kosam, pitit Elmadam, pitit Er, ${ }^{29}$ pitit Jézu, pitit Éliézèr, pitit Jorim, pitit Matat, pitit Lévi, ${ }^{30}$ pitit Siméon, pitit Juda, pitit Jozèf, pitit Jonam, pitit Éliakim, ${ }^{31}$ pitit Méléa, pitit Ména, pitit Matata, pitit Natan, pitit David, ${ }^{32}$ pitit Izai, pitit Jobed, pitit Booz, pitit Salmon, pitit Naason, ${ }^{33}$ pitit Aminadab, pitit Admin, pitit Arni, pitit Esrom, pitıt Farès, pitit Juda, ${ }^{34}$ pitit Jakob, pitit Izaak, pitit Abraam, pitit Tara, pitit Nakor, ${ }^{35}$ pitit Sérouk, pitit Rago, pitit Falèk, pitit Ébèr, pitit Sala, ${ }^{36}$ pitit Kainan, pitit Arfaksad, pitit Sèm, pitit Noé, pitit Lamèk, ${ }^{37}$ pitit Matuzala, pitit Enok, pitit Jarèd, pitit Maléléè, pitit Kainan, ${ }^{38}$ pitit Enos, pitit Sèt, pitit Adan, pitit Bon-Dieu.

## Tantasion Jézu

4Jézu, plin ak Sint-Éspri, tounin sòti bò Joudin, é Léspri kondui-l nan dézè. ${ }^{2}$ La, lé diab tanté-l pandan karant jou. Li pa manjé angnin pandan jou sa yo, é lè
jou yo fi-n pasé, li té grangou. ${ }^{3}$ Lé diab di-1: Si ou sé Pitit Bon-Dieu, bay lòd pou roch sa a tounin pin. ${ }^{4}$ Jézu réponn ni: Sa ékri: Lóm pap viv ak pin sèlman.
5 Lé diablévé-l, é li montré-1 nan gnou moman tout rouayom la tè yo, ${ }^{6}$ é li di-l: Ma ba ou tout puisans sa a ak la gloua rouayom sa yo; paské yo ban mouin li, é mouin bay moun mouin vlé-l. ${ }^{7}$ Si donk ou a jénou dévan mouin, tout va pou ou. ${ }^{8}$ Jézu réponn ni: Sa ékri: Ou va adoré lé Ségnè Bon-Dieu ou, é ou va sèvi-l, li-minm sèl.
9 Lé diab minnin-1 Jéruzalèm tou, li mété-l an ro tèt $\operatorname{tanp}$ la, é li di-1: Si ou sé Pitit Bon-Dieu, rété isit jété tèt ou an ba; paské sa ékri:
${ }^{10} \mathrm{Li}$ va bay anj li yo lòd
Pou gadé ou;
11 é
Ya pòté ou sou min yo,
Pou pié ou pa bité sou kèk roch.
12 Jézu réponn ni: Parol la di: Ou pap tanté lé Ségnè Bon-Dieu ou.
13 Apré li fi-n tanté-l tout jan sa yo, lé diab kité-l pou jouk gnou okazion favorab.

## Jézu kọmansé travay li

14 Jézu, ak pouvoua Léspri sou li, rétoounin nan la Galilé, é réputasion li gayé nan tout péi o zalantou yo. ${ }^{15} \mathrm{Li}$ tap anségné nan sinagog ${ }^{a}$ yo, é tout moun tap rann ni gloua.

## Yo réjté Jézu nan Nazarèt

16 L-al Nazarèt, koté-1 té

[^7]élvé $a$, é sélon abitud li, li antré nan sinagog la jou saba ${ }^{b}$ a. Li lévé pou-l té li, ${ }^{17}$ é yo rémèt li liv profèt Ezai a. Lè li louvri-l, li jouinn koté ki té ékri:
${ }^{18}$ Léspri lé Ségnè sou mouin, Paské li sakré-m pou anonsé gnou bon nouvèl bay pov yo;
Li voyé mouin pou géri moun ki gin kè yo chagrin,
${ }^{19}$ Pou anonsé prizonié yo la délivrans,
Pou anonsé avèg yo ké yo va ouè,
Pou ranvoyé sa ki nan lésklavaj yo lib,
Pou publié gnou ané bénédiksion lé Ségnè.
20 Apré sa, li fèmin liv la,
li rémèt sèvitè a li, é-l chita. Tout moun ki té nan sinagog la té gin jé yo fiksé sou li.
21 Alò, li komansé di yo: Jodi a, parol lékritu ${ }^{c}$ sa a nou sòt tandé a, li akonpli. ${ }^{22}$ E tout moun tap rann ni témouagnaj, yo té sézi tandé parol la gras ki tap sòti nan bouch li, é yo tap di: Eské sé pa pitit Jozèf la? ${ }^{23}$ Jézu di yo: Sètènman, na di provèb sa a sou mouin: Doktè, géri tèt ou ou-minm; é na di mouin: Fè isit, nan pé ou, tou sa nou tandé ou fè Kapènaom. ${ }^{24}$ Eli di ankò: Min, mouin di nou li an vérité, okinn profèt pa janm biin résévoua nan péi li.. ${ }^{25}$ Mouin di nou li an vérité, té gin pliziè vèv nan Izraè sou tan
${ }^{\text {b }}$ 4:16 Saba: Sé jou répo Jouif yo. Jou sa a pèsonn pat gin doua fè angnin kòm travay.
${ }^{c}$ 4:21 Lékritu: Sa vlé di la paròl dé Dieu: Lè nou ouè mo sa a nan Lévanjil yo, sa vlé di prémié pati nan la Bib: Ansiin Téstaman:


Roulo, jan yo té konn fè liv lontan

Eli, lè sièl la té fèmin toua zan sis moua, é tout la tè té nan grangou a; ${ }^{26}$ é poutan, yo pat voye Eli jouinn yo gnoun, min sèlman gnou fanm vèv la vil Sarépta, nan péi Sidon. ${ }^{27}$ Té gin tou pliziè moun ki té gin la lèp ann Izraèl sou tan Élizéd profèt la, é poutan gnoun ladan yo pat géri, min sèliman Naaman, Siriin an.
28 Yo tout nan sinagog la té rod an kolè, lè yo tandé bagay sa yo. ${ }^{29}$ E yo lévé, yo mété-l dèrò la vil la, é yo minnin li jouk sou tèt mòn koté la vil yo a té bati, pou yo té jété-l an ba. ${ }^{30} \mathrm{Min}$ Jézu pasé nan mitan yo, 1-al fè rout li.

Gnou nonm ki gin gnou léspri sal
31 Li désann Kapènaom, gnou la vil nan la Galilé; é li tap anségné jou saba a. ${ }^{32}$ Anségnman li a té frapé yo, paské li tap palé ak otorité.
33 Té gin nan sinagog la gnou nonm ki té gin gnou démon sou li, é ki rélé ak gnou voua fó: ${ }^{34} \mathrm{~A}$, sa ki gingnin ant nou ak ou-minm, Jézu dé Nazarèt? Ou vini pou pèdu nou. Mouin konnin ki moun ou yé, Sin BonDieu a. ${ }^{35}$ Jézu ménasé-1, li di-l: Pé bouch ou, é sòti nan nonm sa a. É démon an jété-l nan mitan lasanblé a, é li sòti sou li san li pa fé-1 okin mal. ${ }^{36}$ Yo tout té sézi, é gnoun tap di lot: Ki parol sa a? Li komandé léspri sal
yo ak otoritéé ak puisans, é yo sòti. ${ }^{37}$ É réputasion li gayé nan tout réjion 0 zalantou yo.

Jézu gérí bèl mè Piè
38 Lè li sòti nan sinagog la, Jézu alé kay Simon. Bèl-mè Simon an té gin gnou gro la fièv, é yo prié Jézu an favè li. ${ }^{39}$ Li panché sou li, li komandé la fièv la, é la fièv- la kité-l. Minm lè a, li lévé é li résévoua yo.

Jézu géri anpil moun
40 Lè solèy fi-n kouché, tout moun ki té gin malad ki tap soufri ak divès maladi miunin yo ba li. Li lonjé min-l sou yo chak, é li géri yo. ${ }^{41}$ Démon sòti tou sou anpil moun, é yo rélé apé di: Ou sé Pitit Bon-Dieu. Min, li ménasé yo, é li pat pèmèt yo palé, paské yo té konnin li té lé Kris.

## Jézu pati pou préché

42 Kou-l jou, li sòti, é l-alé gnou koté ki pat gin moun. Gnou foul mété ap chaché-1, é yo rivé jouk koté-l té yé a. Yo té vlé kinbé-l pou li pat kité yo. ${ }^{43}$ Min li di yo: Fok mouin anonsé lé zot vil yo Bon Nouvèl rouayom BonDieu a tou; paské sé pou sa yo voyé-m. ${ }^{44}$ E li tap préché nan sinagog la Galilé yo.

## Yo pran anpil pouason

5 Kom Jézu té bò koté létan Jénézarèt la, é foul
${ }^{d}$ 4:27 Élizé: Sé tê gnoui gran profèt nan péi Izraèl. Li té géri gnou chèf étranjé, gnou Siriin yo tê rélé Naaman.
la tap séré tout otou li pou tandé la parol dé Dieu, ${ }^{2}$ li ouè bò létan an dé kannot péchè yo té désann sòti ladan pou lavé sinn yo. ${ }^{3} \mathrm{Li}$ monté nan gnoun nan kannot yo ki té pou Simon, e li prié-l ékaté li ti gout sòti sou rivaj la. Epi, li chita, é li anségné foul la étan li té nan kannot la.
4 Lè-l té fi-n palé, li di Simon: Avansé nan gran dlo, jété sinn nou yo pou péché. ${ }^{5}$ Simon réponn ni : Mèt, nou travay tout nan nuit san nou pa: pran angnin, min sou parol ou, ma jété sinn nan. ${ }^{6}$ Lè li jété-1, yo pran gnou gran kantité pouason, é sinn nan tap chiré. ${ }^{7}$ Yo fè asosié yo ki té nan lot kannot la sign vi-n édé yo. Yo vini, é yo plin dé kannot yo tèlman ké yo tap fonsé. ${ }^{8}$ Lè Simon Piè ouè sa, li tonbé nan jénou Jézu, li di: Ségnè, ouété kò ou koté-m, paské mouin sé gnou nonm péchè. ${ }^{9}$ La pè té anparé-l, li-minm: ak tou sa ki té avèk li yo, pou tèt la pèch sa a yo té fe. ${ }^{10}$ Sé té minm bagay tou pou Jak avèk Jan, pitit Zébédé yo, ki té asosié Simon. Alò Jézu di Simon: Pa pè, a lè ki lé, ou-a péché moun. ${ }^{11}$ E yo ranminnin kannot yo a tè, yo kité tout bagay, é yo suiv li.

Jézu géri gnou nonm ki té gin la lèp
12 Pandan Jézu té nan
gnoun nan la vil yo, gnou nonm ki té kouvri ak la lèp ouè-1, é li jété tèt li fas an ba, li fè-l priè sa a: Ségnè, si ou vlé, ou kapab nétouayé-m. ${ }^{13}$ Jézu lonjé min-n, li man-gnin-l, é li di: Mouin vlé sa, vini prop. Minm lè a, lèp la kité-l. ${ }^{14}$ Epi, li komandé-1 pa palé sa ak pèsonn. Min li di-l: Alé fè sakrifikatè a ouè ou, é ofri pou purifikasion ou sa Moiz té préskri a pou sa sèvi yo témouagnaj.
15 Réputasion li gayé pi plus, é moun tap vi-n an foul pou tandé-l, é pou maladi yo té géri. ${ }^{16}$ E li-minm, li té ékaté-l alé nan dézè yo, é li tap lapriè.

## Jézu géri gnou nonm paralizé

17 Gnou jou, Jézu tap anségné. Té gingnin chita la kèk fariziin ${ }^{a}$. ak kèk doktè la loua ${ }^{b}$ ki té vi-n sodi nan tout bouk la Galilé yo, nan la Judé ak nan Jéruzalèm; é puisans lé Ségnè tap parèt nan gérizon li tap fè. ${ }^{18}$ Alò, kèk moun ki tap pòté gnou nonm paralizé sou gnou kabann tap chaché fè-l antré pou mété-1 an ba jé Jézu. . ${ }^{19}$ Kom yo pat konnin koté pou fè-l antré, pou tèt foul la, yo monté sou tèt kay la, yo fè gnou trou, é yo désann ni nan trou. a avèk kabann ni nan réunion an dévan Jézu. ${ }^{20}$ Lè Jézu ouè la foua yo, li di: Nonm, péché ou yo padonnin.
a 5:17 Fariziin: Gnou éspès savan rélijié ki té pran gnou gran otorité sou pèpla.
${ }^{b}$ 5:17 Doktè la loua: Gnou éspès moun ki té savan nan la paròl dé Dieu. Métié yo sê té pou yo anségné la paròl.
${ }^{21}$ Skrib ${ }^{c}$ yo ak fariziin yo mété ap rézonnin, ap di: Ki lès nonm sa a kap di blasfèm kon sa? Ki moun ki kapab padonnin péché si sé pa BonDieu sèl? ${ }^{22}$ Kom Jézu té konnin lidé yo, li pran la parol é li di yo: Ki lidé sa yo nou gin nan kè nou? ${ }^{23} \mathrm{Ki}$ sa ki pi fasil, di: Péché ou yo padonnin, ou biin di: Lévé, maché? ${ }^{24}$ Ébin, pou nou kapab konnin lé Fis dé lòm ${ }^{d}$ gin sou la tè pouvoua padonnin péché yo, li di nonm paralizé a: Mouin di ou, lévé, pran kabann ou, é alé lakay ou. ${ }^{25}$ É minm lè a, li lévé dévan yo, li pran kabann li té kouché a, é l-alé lakay li, ap rann gloua a Dieu. ${ }^{26}$ Tout moun té sézi, é yo tap rann gloua a Dieu; yo té nan gnou krintif, yo tap di: Jodi a, nou ouè dé bagay ki éstraòdinè.

## Jézu rêle Lévi

27 Apré sa, Jézu sòti, é li ouè gnou publikin ki té rélé Lévi chita koté yo té péyé taks la. ${ }^{28} \mathrm{Li}$ di-l: Suiv mouin. É li lésé tout bagay, li lévé, li suiv li.
29 Lévi bay gnou gran diné lakay li, é anpil publikin ak dot moun té a tab ak yo. ${ }^{30}$ Fariziin yo ak skrib yo tap babié, é yo di disip Jézu yo: Pouki nap manjé é nap bouè ak publikin yo é ak moun
movèz vi yo? ${ }^{31}$ Jézu pran la parol, é li di yo: Sé pa moun an santé ki bézouin doktè, min sé moun malad. ${ }^{32}$ Mouin pa vi-n rélé moun jus pou yo répanti, min moun ki péchè.

## Késion an sou fè jïnn

33 Yo di-1: Disip Jan yo, tankou pa fariziin yo, fè jinn souvan é yo lapriè, tandis ké pa ou yo ap manjé é ap bouè. ${ }^{34} \mathrm{Li}$ réponn yo: Eské ou kapab fè zanmi lé marié fè jinn pandan lé marié avèk yo? 35 Jou yo va vini lé lé marié pap avèk yo ankò. Alò ya fè jinn nan jou sa yo. ${ }^{36} \mathrm{Li}$ di yo tou gnou parabol: Pèsonn pa déchiré gnou mòso nan gnou rad nèf pou mété-1 nan gnou vié rad; san sa, li déchiré rad nèf la, é mòso li pran an pa asòti ak vié rad la. ${ }^{37} \hat{E}$ pèsonn pa mété du-vin ki fèk fèt nan vié out; ${ }^{e}$ san sa, duvin ki fèk fèt la pété out yo, é li gayé, é out yo va pèdu. ${ }^{38}$ Min, du-vin ki fèk fèt, fok ou mété li nan out nèf. ${ }^{39}$ É pèsonn, lè li fi-n bouè du-vin ki vié a, pa mandé sa ki fèk fèt la, paské li di: Vié a pi bon.
Disip yo raché zépi blé gnou jou saba
6 Gnou jou saba, Jézu tap travèsé kèk jadin blé. Disip li yo tap raché kèk zépi yo tap krazé nan min yo, é yo tap manjé. ${ }^{2}$ Kèk fariziin di yo: Pouki nap fè sa ki

[^8]

Gnou out
pa pèmi pandan saba? ${ }^{3}$ Jézu pran la parol, li di yo: Eské nou pa li sa David ${ }^{\alpha}$ té fè lè li té grangou, li-minm épi moun ki té avèk li yo, ${ }^{4}$ koman li antré nan kay BonDieu a, li pran pin propozi$\operatorname{sion}^{b}$ yo, li manjé ladan yo é li bay moun ki té avèk li yo ladan, biin ké sé sakrifikatè yo sèlman ki té gin pèmision manjé yo? ${ }^{5}$ É li di yo: Lé Fis dé lòm, sé mèt minm saba.

## Nonm ki té gin min sèch la

6 Gnou lot jou saba, Jézu
antré nan sinagog la, é li tap anségné. Té gin la gnou nonm ki té gin min douat li sèch. ${ }^{7}$ Skrib yo ak fariziin yo tap obsèvé Jézu pou ouè si li ta fè gnou gérizon jou saba a; sé pou yo té ka gin mouayin akuzé-1. ${ }^{8}$ Min li té konnin lidé yo, li di nonm ki té gin min sèch la: Lévé, é kanpé la nan mitan nou. Li lévé é li kanpé. ${ }^{9}$ É Jézu di yo: Mouin mandé nou si sé pèmi jou saba, pou fè biin ou pou fè mal, pou sové gnou moun ou pou tué-l. ${ }^{10}$ Alò, li prominnin jé-l sou yo tout, li di nonm nan: Lonjé min ou. Nonm nan fè sa, é min li té géri.
11 Yo vini rod an kolè, é yo konsulté ant yo sou sa yo ta fè Jézu.

Jézu chouazi douz apot yo
12 Nan $\tan$ sa a, Jézu alé sou montagn nan pou-1 té lapriè, é li pasé tout nuit la ap lapriè. ${ }^{13}$ Lè jou fèt, li rélé disip li yo, li chouazi douz pami yo, li ba yo non apot: 14 Simon li rélé Piè, André frè-1, Jak, Jan, Filip, Batélmi, ${ }^{15}$ Matié, Toma, Jak pitit Alfé, Simon ki té rélé Zélot, ${ }^{16}$ Jud pitit Jak, épi Juda Iskariot ki té vi-n trai-l.

## Divès anségnman

17 Li désann avèk yo, é li rété sou gnou plato koté gnou foul disip li yo avèk gnou

[^9]gran kantité pèp té rasanblé sodti nan tout la Judé, nan Jéruzalèm ak péi Tir é Sidon ki bò lan mè. Yo té vi-n pou tandé li épi pou maladi yo té géri. ${ }^{18}$ Moun ki té gin léspri sal ap toumanté yo té géri. ${ }^{19}$ É tout foul la tap chaché mangnin li, paské gnou fòs tap sòti nan Jézu ki té géri yo tout.

## Bénédiksion ak malédiksion

20 Alò Jézu lévé jé-l sou disip li yo, li di:
Biinnéré nou-minm ki pov, paské rouayom Bon-Dieu a pou nou!
21 Biinnéré nou-minm ki grangou kou-n yé a, paské na rasazié!
Biinnéré nou-minm ki ap krié kou-n yé a, paské nou va nan la joua!
22 Nou va biinnéré kan lè zòm va rai nou, kan yo va chasé nou, kan yo va jouré nou, é kan yo va réjté non nou kom mové non pou tèt lé Fis dé lòm! ${ }^{23}$ Réjoui nou jou sa a, é frémi kontantman, paské rékonpans nou va gran nan sièl la; paské sé konsa zansèt yo té trété profèt yo.
24 Min malè nou, rich yo, paské nou gin konsolasion nou déja!
25 Malè pou nou ki rasazié kou-n yé a, paské na grangou!
Malé pou nou kap ri kou-n yé a, paské na an dèy, é na gin dlo nan jé!
26 Malè nou lè tou lè zòm va di biin sou nou, paské sé konsa zansèt yo té trété fo profèt yo!

Rann mal pou mal épi gnou prinsip ki pi bon
27 Min mouin di nou, nouminm kap kouté-m nan: Rinmin lénmi nou yo, fè moun ki rai nou du biin, ${ }^{28}$ béni moun ki ba nou madichon, lapriè pou moun ki maltrété nou. ${ }^{29}$ Si gnou moun ba ou kou sou gnou bò figu ou, lonjé lot la ba li tou. Si gnou moun pran palto ou, pa anpéché-1 pran chémiz ou ankò. ${ }^{30}$ Bay ninpòt moun ki mandé ou, é pa réklamé biin ou nan min moun ki pran li. ${ }^{31}$ Sa nou vlé lè zòm fè pou nou, fè li minm jan an pou yo.

## Lamou pou lénmi yo

32 Si nou rinmin moun ki rinmin nou, ki mérit na gin pou sa? Péchè yo tou rinmin moun ki rinmin yo. ${ }^{33}$ Si nou fè biin pou moun ki fè nou biin, ki mérit na gin pou sa? Péchè yo tou fè minm jan. ${ }^{34}$ É si nou prété moun nou éspéré résévoua nan min yo, ki mérit na gin pou sa? Péchè yo tou prété péchè yo, pou yo kapab résévoua la parèy. ${ }^{35} \mathrm{Min}$ rinmin lénmi nou, fè biin, é prété san éspéré angnin. E rékonpans nou va gran, é nou va pitit lé Tré-Ro a, paské li bon pou ingra é pou méchan. ${ }^{36}$ Sé pou nou fè mizérikòd tankou BonDieu, Papa nou, fè mizérikòd.

Sou késion dé jujé lé zot
37 Pa jujé, é yo pap jujé nou; pa kondané é yo pap kondané nou; padonnin, é yo va padonnin nou. ${ }^{38}$ Bay, é
ya ba nou: ya vidé ba nou gnou bon mézi, séré sékoué, é ki plin ap tonbé; paské ya :mézuré nou avèk mézi na sèvi a.
39 Li di yo tou gnou parabol: Eské gnou avèg kapab minnin gnou avèg? Eské yo pap tonbé tou lé de nan gnou trou?
40 Gnou disip pa plus pasé mèt li , min tout disip tout bon va tankou mèt li.
41 Pouki ou ouè pay ki nan jé frè ou, é ou pa ouè madrié ki nañ jé pa ou la ? ${ }^{-42}$ Ou biin, koman ou kapab di frè ou: Frè, kité-m ouété pay ki nan jé ou la, ou-minm ki pa ouè madrié ki nan jé pa ou? Ipokrit, ouété madrié a nan jé ou anvan, apré ou va oùè koman pou ou ouété pay ki nan jé frè ou la.

Yo rékonèt pié boua sou frui li bay.
43 Sé pa gnou bon pié boua ki donnin mové frui, ni gnou mové pié boua ki donnin bon frui. ${ }^{44}$ Yo rékonnèt chak pié boua sou frui li bay. Yo pa kéi fig sou pikan, ni rézin nan rajé. ${ }^{45}$ Gnou nonm ki bon ralé bön bagay nan bon tréż̀̀ kè li, é ghou nonm méchan ralé mové bagay nan mové trézò li; paské sa ki nan kè, sé sa bouch palé.

## Dé.fondasion yo

46 Pouki nap rélé-m: Ségnè, Ségnè, é nou pa fè sa mouin di? ${ }^{47}$ Ma montré nou ki sa tout òm ki vi-n jouin mouin, ki tandé parol mouin yo é ki
pratiké yo sanblé: ${ }^{48} \mathrm{Li}$ pòtré gnou nonm kap bati gnou kay, li fouyé, li fouyé fon, li pozé fondasion an sou glasi. Dlo désann, lavalas tonbé sou kay la san li pa kapab brannin-1, paské li té biin bati. ${ }^{49}$ Min moun ki tandé é ki pa pratiké, li pòtré gnou nonm ki bati gnou kay sou tè, san fondasion: lavalas tonbé sou kay la, kay la tonbé, minm lè a, é dêzas kay sa a té gran.

## Jézu géri sèoitè santénié a

7 Lè-l fi-n fè tout diskou sa yo dévan pèp ki tap kouté-1 la, Jézu antré nan la vil Kapènaom.
2 Gnou santéniéa té gin gnou sèvitè li té rinmin anpil, é ki té trouvé malad prèt pou mouri. ${ }^{3} \mathrm{Kom}$ li té tandé palé dé Jézu, li voyé kèk ansin pami Juif yo prié-l vi-n géri sèvitè li a. ${ }^{4}$ Yo rivé kot Jézu é yo prié-l anpil, yo di: Li mérité ou akodé-l sa, ${ }^{5}$ paské li rinmin nasion nou an, sé li ki bati sinagog nou an. ${ }^{6}$ Jézu alé avèk yo. Kom li pat tro louin kay la, santénié a voyé kèk zanmi di-l: Ségnè, pa pran tout la pinn sa a, paské mouin pa mérité ou antré lakay mouin. ${ }^{7}$ Sé pou tèt sa tou mouin pat kouè mouin dign al jouinn ou mouin-minm. Min, di gnou mo, é sèvitè-m nan va géri. ${ }^{8}$ Páské, mouin-minm ki an ba lòd chèf, mouin gin solda sou zòd mouin, é mouin di: gnoun: Alé! é li alé; mouin di lot lá: Vini! é li vini; é

[^10]

Gnou santénié
mouin di sèvitè-m: Fè sa! é li fè-l. ${ }^{9}$ Lè Jézu tandé parol sa yo, li admiré santénié a, é li viré bò foul ki tap suiv li a, li di: Mouin di nou li, minm ann Izraèl, mouin pa jouinn gnou la foua ki gran kon sa. ${ }^{10}$ Lè yo tounin nan kay la; moun santénié a té voyé yo jouinn sèvitè ki té malad la géri.

Jézu lévé jénonm Nain an ki té mouri
11 Jou apré a, Jézu alé nan gnou la vil yo té rélé Nain.

Pliziè nan disip li yo ak gnou gran foul tap fè rout avèk li. ${ }^{12}$ Lè li rivé pré pòtay la vil la, trouvé yo tap pòté gnou mò al antéré, sèl pitit gason man-man-n ki té vèv; é té gin avèk li anpil moun la vil la. ${ }^{13}$ Lè lé Ségnè ouè li, kè-l fè-l mal pou li, é li di-1: Pa krié. ${ }^{14}$ Li proché, é li mangnin sèkèy la. Moun ki tap pòté-l yo rété. Li di: Jénonm, mouin di ou, lévé. ${ }^{15}$ É mò a chita, é li komansé palé. Jézu rémèt li bay manman-n. ${ }^{16}$ La pè té anparé yo tout, é yo tap rann gloua a Dieu, yo tap di: Gnou gran profet parèt pami nou, é Bon-Dieu vizité pèp li a. ${ }^{17} \mathrm{Bri}$ a gayé nan tout la Judé é nan tout péi o zalantou.

Konmisionnè Jan-Batis doyé
18 Disip Jan yo té mété-l o kouran tout bagay sa yo. ${ }^{19}$ Li rélé dé pami yo, é li voyé yo jouinn Jézu poụ di-l: Eské ou sé sila ki doué vini an, ou èské nou doué tann gnou lot? ${ }^{20}$ Lè mésié sa yo rivé koté Jézu, yo di li: Jan-Batis voyé nou jouinn ou pou di ou: Éské ou sé sila ki đoué vini an, où biin èské nou doué tann gnou lot? ${ }^{21}$ Minm lè a, Jézu géri maladi, infimité ak mové zéspri pliziè moun, é li fè pliziè avèg ouè. ${ }^{22}$ E li réponn yo: Alé rapòté Jan sa nou ouè ak sa nou tandé: Avèg ouè, moun bouété maché, moun ki gin la lèp vi-n prop, soud tandé, mó résusité, Lévanjil anonsé bay pov yo. ${ }^{23}$ Biinnéré moun mouin pap gnou okazion tonbé pou li.

24 Lè moun Jan té voyé yo al fè rout yo, Jézu komansé palé foul la sou Jan: Ki sa nou tal ouè nan dézè a? Gnou jon van ap balansé? ${ }^{25}$ Min, ki sa nou tal ouè? Gnou nonm ki abiyé ak bèl rad? Min-ni, moun ki abiyé ak bèl rad yo, é kap viv nan jouisans, sé kay roua yo yé. ${ }^{26}$ Min anfin, ki sa nou tal ouè? Gnou profèt? Oui, mouin di nou, é plus ké gnou profèt. ${ }^{27}$ Sé sila yo ékri sou li a:

Min, map voyé mésajé-m nan dévan ou,
Pou préparé chémin ou dévan ou.
${ }^{28}$ Mouin di nou li, pami moun ki sodi nan vant fanm, pa gingnin ki pi gran pasé Jan-Batis. Poutan, pi piti nan rouayom Bon-Dieu a pi gran pasé li. ${ }^{29}$ E tout pèp la ki té tandé-l é minm publikin yo fè ouè Bon-Dieu gin rézon, lè yo té fè batizé yo nan batèm Jan an. ${ }^{30} \mathrm{Min}$, fariziin ak doktè la loua yo ki pat fè-l batizé yo, gaté plan Bon-Dieu pou yo.
31 Ki moun ma di lè zòm jénérasion sa a sanblé? Ki moun yo sanblé? ${ }^{32}$ Yo sanblé ti moun ki chita sou plas publik é ki ap di gnoun ak lot: Nou joué fiut pou nou, é nou pa dansé; nou chanté chanson tris pou nou, é nou pa krié. ${ }^{33}$ Paské Jan-Batis vini, li pa manjé pin, é li pa bouè du-vin, é nou di: Li gin gnou démon. ${ }^{34}$ Lé Fis dé lòm vini, li manjé é li bouè, é nou di: Sé gnou manjè, é gnou buvè gnou zanmi pu-
blikin ak moun movèz vi. ${ }^{35}$ Min tout pitit la sajès yo bay la sajès rézon.

Jézu lakay Simon, fariziin an
36 Gnou fariziin prié Jézu manjé avèk li. Jézu antré kay farizion an, é li mété-l a tab. ${ }^{37}$ É min-ni, gnou fanm movèz vi ki té nan la vil la, lè li vi-n konnin Jézu té a tab kay fariziin an, li pòté gnou véso mab plin odè, ${ }^{38}$ é li kanpé dèyè nan pié Jézu. Li tap krié, é li komansé rouzé pié Jézu ak dlo nan jé-l, é li siyé yo ak chévé-1, li bo yo, é li vidé odè a sou yo. ${ }^{39}$ Lè fariziin ki té invité Jézu a ouè sa, li di nan kè-l: Si nonm sa a té gnou profèt, li ta konnin ki moun fanm sa a kap mangnin-n nan yé, é ké sé gnou fanm movèzz vi. ${ }^{40}$ Alò Jézu pran la parol; li di-l: Simon, mouin gin kichoy pou di ou. Simon réponn: Mèt, palé! . . . ${ }^{41}$ Gnou nonm té gin dé moun ki té doué li; gnoun té doué-l sink pias, é lot la sinkant. ${ }^{42}$ Kom yo pat gin dé koua péyé, li kité dèt la pou yo tou lé dé. Ki lès ki va rinmin-l plus? ${ }^{43}$ Simon réponn: Mouin kouè sé sila li kité plus pou li a. Jézu di-1: Ou biin jujé. ${ }^{44}$ Épi, li viré bó fanm nan, li di Simon; Ou ouè fanm sa a? M-antré lakay ou, é ou pa ban-m dlo pou-m lavé pié-m; min li-minm, li rouzé pié-m yo ak dlo nan jé-l, é li siyé yo ak chévé li. ${ }^{45}$ Ou pa bo-m; min li-minm, dépi m-antré, li pa suspann bo pié-m yo. ${ }^{46} \mathrm{Ou}$ pa vidé luil sou tèt mouin; min li-minm,
li vidé odè sou pié-m. ${ }^{47}$ Sé pou tèt:sa, mouin di ou li, péché-l yo ki anpil, yo padonnin; paské li rinmin anpil.' Min, moun yo padonnin pé-dchoz, li rinmin ti kras. ${ }^{48}$ É li di fanm nan: Péché ou yo padonnin. ${ }^{49}$ Moun ki té a tab avèk li yo mété ap di nan kè yo: Ki lès sa a ki padonnin minm péché yo? ${ }^{50} \mathrm{Min}$, Jézu di fanm nan: La foua ou sové ou, alé an pè.

## Kèk fanm ap sèvi Jézu

8 Apré sa, Jézu tap alé vil an vil épi bouk an bouk, ap préché é ap anonsé Bon Nouvèl rouayóm Bon-Dieu a. ${ }^{2}$ E douz yo té avèk li, épi kèk fanm li té géri mové zéspri ak maladi: Mari, yo té rélé Madlèn, sèt démon té sòti sou li, ${ }^{3}$ Jann, madanm Chouza, jéran Érod, Suzann, ak pliziè lot ki tap édé-l ak biin yo.

## Parabol nonm kap simin an

4 Kom gnou gran foul té rasanblé, é ké moun té vi-n koté-l sôti nan divès la vil, Jézu di yo sou fòm parabol:
5 Gnou sémè sòti pou simin sémans li. Kom li tap simin, gnou pati sémans la tonbé tout lon chémin an; pié pilé-1 é zouazo nan sièl yo manjé-l. ${ }^{6}$ Gnou lot pati tonbé nan gnou tè roch; lé li lévé, li séché paské li pat gin umidité. ${ }^{7}$ Gnou lot pati tonbé pami pikan; pikan yo grandi avèk li, é yo toufé-l. ${ }^{8}$ Gnou lot pati tonbé nan bon tè; lè li lévé, li donnin frui san foua
plus. Lè-l fi-n di bagay sa yo, li rélé biin fò: : Moun ki gin zorèy pou tandé, tandé.
9 Disip li yo mandé-l sa parabol sa a té vlé di. ${ }^{10} \mathrm{Li}$ réponn: Yo ba nou pou nou konnin mistè rouayom BonDieu; min, lé zot yo, yo di yo sa an parabol, é konsa, lè yap gadé, yo pa ouè, é lè yap tandé, yo pa konprann.
11 Min sa parabol sa a vlé di: Sémans la, sé la parol đ̛é Dieu. ${ }^{12}$ Moun ki résévoua sou tout lon chémin yo, sé sa ki tandé yo; épi lé diab vini, li ouété parol la nan kè yo, pou yo pa kouè é pou yo pa sové. ${ }^{13}$ Moun ki résévoua-1 sou tè roch yo, sé moun ki rèsévoua parol la ak kè kontan lè yo tandé-l, min yo pa gin rasi-n, yo kouè pou gnou tan, é lè tantasion rivé, yo sukonbé. ${ }^{14}$ Sa ki tonbé pami pikan yo, sé moun ki, lè yo tandé parol la, al fè rout yo, é yo kité kalkul, richès ak plézi la vi toufé-l, é yo pa pòté frui ki vini mi. ${ }^{15}$ Sa ki tonbé nan bon térin an, sé moun ki, lè yo tandé parol la ak gnou kè ki onnèt é ki bon, kinbé-l, é yo pòté frui ak pésistans.

## Lumiè an ba gnouimamit

16 Pèsonn, lè-l fi-n lumin gnou lanp, pa kouvri-l ak gnou mamit, ni pa mété-l an ba gnou kabann, min li mété-1 sou gnou chandélié pou moun kap antré ouè lumiè a. ${ }^{17}$ Paské nan pouin angnin ki kaché ki pa doué dékouvri, nan pouin angnin ki sékrè ki pa doué vi-n konu, ou ki pa doué vi-n nan klè. ${ }^{18}$ Donk,
véyé tèt nou jan nap kouté, paské ya bay moun ki gingnin, min moun ki pa gingnin, ya ouété minm sa li kouè li gingnin an.

Manman Jézu ak frè li yo
19. Manman ak frè Jézu yo vi-n jouinn ni; min yo pat kapab akosté-l pou tèt foul la. ${ }^{20}$ Yo di-l: Manman ou ak frè ou yo dèrò a, é yo anvi ouè ou. ${ }^{21} \mathrm{Min}$ li réponn: Manman-m ak frè-m yo, sé moun ki kouté la parol dé Dieu, é ki fè sa parol la di.

## Jézu fè tañpèt la kalmi

22 Gnou jou, Jézu monté nan gnou kannot ak disip li yo, li di yo: An nou pase lot bó létan an. E yo pati. ${ }^{23}$ Pandan yo tap navigé, Jézu domi. Gnou toubiyon fonn sou létan an, kannot la tap plin dlo, é yo té an danjé. ${ }_{24}$ Yo proché, é yo révéyé-i, yo di: Mèt, mèt, nap péri! Li révéyé, li ménasé van ak lanm lan mè yo, ki vi-n trankil, é kalmi an tounin. ${ }^{25}$ Épi li di yo:. Koté la foua nou yé? Nan la pè ak sézisman, gnoun tap di lot: Ki lès ṣa a yé non ki komandé minm van ak dló, é yo fè sa li vlé.

## Jézu géri démoniak jérazéniin an

26 Yo akosté nan péi Jérazéniin yo ki vi-za-vi la Galilé. ${ }^{27}$ Lè Jézu désann a tè, gnou nonm la vil la ki té gin démon sou li vi-n dévan-l. Dépi lontan, li pat pòté rad sou li
minm, é li pat rété nan gnou kay, min nan kavo yo. ${ }^{28}$ Lè li ouè Jézu, li pousé gnou rel, li lagé kò-l a tè dévan-l, é li di ak gnou voua fò: Ki sa ki gingnin ant mouin-minm avè ou, Jézu, Pitit Bon-Dieu TrèRo a? Mouin suplié ou, pa toumanté-m.: ${ }^{29}$ Paské . Jézu tap komandé léspri sal la soti sou nonm nan ké li té anparé dépi lontan. Yo té kinbé-l maré ak chinn épi fè nan pié-l, min li té pété bagay ki té maré-l yo, é démon an tap minnin li nan dézè yo. ${ }^{30}$ Jézu mandé-l: Ki non ou? Li réponn: Léjion. Paské sé pliziè démon ki té antré sou ii. ${ }^{31}$ É yo suplié Jézu pa ba yo lòd alé nán labim. ${ }^{32}$ Té gin la nan montagn nan gnou gran bann pouso ki tap manjé. E démon yo suplié Jézu pèmèt yo antré nan pouso yo. Li pèmèt yo sa. ${ }^{33}$ Démon yo sóti sou nonm nan, yo antré anndan pouso yo, é bann nan jété tèt li sòti nan pant a-pik la tonbé nan létan an, é yo tout néyé: ${ }^{34}$ Lè moun ki tap fè yo manjé yo ouè sa ki té rivé, yo pran kouri é yo gayé nouvèl la nan la vil la ak an dèrò. ${ }^{35}$ Moun yo al ouè sa ki té rivé. Yo vi-n koté Jézu é yo jouinn nonm ki té gin démon sòti sou li a chita nan pié Jézu, ak rad li sou li é nan bon sans li; é la pè anparé yo. ${ }^{36}$ Moun ki té ouè sa ki té pasé rakonté yo koman démoniak la té géri. ${ }^{37}$ Tout abitan péi Jérazéniin yo prié Jézu alé louin yo, paské gnou gran la pè té anparé yo.

Jézu monté nan kannot la é li tounin. ${ }^{38}$. Nonm ki té gin démon sóti sou li a tap mandé-l pèmision pou-l rété avè-l. Min Jézu ranvoyé-l, li di-l: ${ }^{39}$ Tounin lakay ou, é rakonté tou sa Bon-Dieu fè pou ou. Li alé, é li publié nan tout la vil la tou sa Jézu té fè pouli.

Pitit fi Jairus la ak fanm ki touché rad Jẹzu
40 Lè Jézu tounin, foul la résévoua-l, paské tout moun tap tann li. ${ }^{41}$ Vi-n rive gnou nonm rélé Jairus ki té chèf sinagog la. Li jété tèt li nan pié Jézu, é li suplié-l antré lakay li, ${ }^{42}$ paské li té gin gnou pitit fi, sèl piti li, ki té gin douz an, ki tap mouri. Étan Jézu tap alé lakay li, foul la tap séré-l.
43 Té gin gnou fanm ki té ap pèdu san dêpi douz an, é ki té dépansé tout biin-n nan doktè san yo gnoun pat kapab géri-l. ${ }^{44} \mathrm{Li}$ proché pa dèyè é li mangnin bò rad Jézu. Minm moman an, pèd san an rété. ${ }^{45}$ É Jézu di: Ki moun ki mangnin-m? Kom yo tout tap di sé pa yo, Piè ak sa ki té avèk li yo di: Mèt, foul la vironnin ou, é lap séré ou, é ou di: Ki moun ki man-gnin-m? ${ }^{46}$ Min Jézu réponn: Gnou moun mangnin-m, paské mouin konnin gin gnou fós ki sòti sou mouin. ${ }^{47}$ Lè fanm nan ouè yo baré-l, li vi-n tou ap tranblé jété tèt li nan piè Jézu, é li déklaré dévan tout pèp la pouki sa li té mangnin-l, é koman minm moman an li té géri. ${ }^{48}$ Jézu
di-l: Ma fi, la foua ou sové ou; alé an pé.
49 Kom li tap palé toujou, gnou moun vi-n rivé sòti kay chèf sinagog la, li di: Pitit fi ou la mouri; pa annuiyé mèt la. ${ }^{50}$ Min lè Jézu tandé sa, li di Jairus: Pa pè, kouè sèman, é li va sové. ${ }^{51}$ Lè li rivé nan kay la, li pa pèmèt pèsonn antré avèk li, pasé Piè, Jan ak Jak, épi papa ak manman pitit la. ${ }^{52}$ Tout moun tap krié é tap plingnin sou pitit la. Alò Jézu di: Pa krié, li pa mouri, min lap dòmi. ${ }^{53}$ E yo tap pasé-l nan bétiz, kom yo té konnin li té mouri. ${ }^{54} \mathrm{Min}$, li pran min pitit la, é li di ak gnou voua. fó: Pitit, lévé. ${ }^{55}$ Léspri pitit la tounin sou li, é minm lè a li lévé, é Jézu pasé lod ba li manje. ${ }^{56}$ Paran jinn fi a té sézi, é Jézu komandé yo pa di pèsonn sa ki té rivé.

## Mision douz apot yo

9Jézu rasanblé douz yo, li ba yo fos ak otorité sou tout démon, ak pouvoua géri maladi. ${ }^{2} \mathrm{Li}$ voyé yo préché rouayom Bon-Dieu a, ak géri malad yo. ${ }^{3} \mathrm{Li}$ di yo: Pa pran angnin pou vouayaj la, ni baton, ni sak, ni pin, ni lajan, é pinga nou gingnin dé rad. ${ }^{4}$ Nan ninpòt ki kay nou va antré, rété la jouk nou pati. ${ }^{5}$ E si moun yo pa résévoua nou, sòti nan la vil sa a, souké pousiè pié nou kom gnou témouagnaj kont yo. ${ }^{6}$ Yo pati, é yo alé bouk an bouk ap anonsé Lévanjil é ap géri moun malad tou patou.

## Lan mò Jan-Batis

7 Érod, tétrak ${ }^{a}$ la, tandé palé sou tou sa ki tap pasé, é li pat konnin sa pou-l té kouè. Paské kèk moun tap di Jan té résusité pami mò yo; ${ }^{8}$ dot ké Éli té parèt, é dot ké gnoun nan ansiin profèt yo té résusité. ${ }^{9}$ Min Érod di: Mouin fè koupé tèt Jan; ki lès sila a yap di dé bagay kon sa sou li? É li tap chaché ouè li.

## Jézu bay sink mil moun: manjé

10 Lè apot yo tounin, yo rakonté Jézu tou sa yo té fè. Li pran yo avèk li, é li rétiré-1 a léka bó koté gnou la vil yo té rélé Bétsaida. ${ }^{11}$ Lè foul moun yo vi-n konnin sa, yo suiv li. Jézu résévoua yo, é li palé yo sou rouayom BonDieu a; li géri tou sa ki té bézouin géri.
12 Kom jou té komansé ap lésé, douz yo proché koté-l, yo di-l: Ranvoyé foul la, pou li kapab alé nan bouk yo ak an dèrò o zalantou yo, pou li jouinn kay ak manjé, paské isi a, nou nan gnou koté ki dézè. ${ }^{13}$ Jézu di yo: Ba yo manje nou minm. Min yo réponn: Nou pa gin pasé sink pin ak dé pouason, a mouins ké nou alé nou-minm achté manjé pou tout pèp sa a. ${ }^{14}$ É té gin pré-d sink mil òm. Jézu di disip li yo: Fè yo chita pa ran sinkant. ${ }^{15}$ Yo
fè konsa, é yo fè tout moun chita. ${ }^{16}$ Jézu pran sink pin yo ak dé pouason yo, é li lévé jé-l gadé sièl la, li béni yo. Épi li kasé yo, li rémèt yo bay disip yo pou séparé bay foul la. ${ }^{17}$ Tout moun manjé, é vant yo tout plin, é yo pòté alé douz panié plin mòso ki té rété.

> Piè di Jézu sê lé Kris

18 Gnou jou Jézu tap lapriè a pa, é disip li yo té kotél, li pozé yo késion sa a: Ki moun yo di mouin yé? ${ }^{19}$ Yo réponn ni: Jan-Batis; lé zot di sé Éli; lé zot di gnoun nan ansiin profèt yo résusité. ${ }^{20} \mathrm{Li}$ mandé yo: E nou-minm, ki moun nou di mouin ye? Piè réponn: Lé Kris Bon-Dieu a. ${ }^{21}$ Jézu komandé yo sévèman pa di pèsonn sa.
22 Li di fok lé Fis dé lòm soufri anpil, fok ansiin ${ }^{b}$ yo, chèf sakrifikatè yo ak skrib yo réjté-l, fok yo tué-l, é ké touazièm jou a li résusité.

## Sé pou-n chajé koua nou

23 Épi li di tout moun: Si gnou moun vlé maché dèyè-m, fo-l konsidéré tèt li pou angnin, fo-l chajé koua li chak jou é suiv mouin. ${ }^{24}$ Paské moun ka vlé sové la vi li va pèdu-l, é moun ki va pèdu-l pou tett mouin va sové-l. ${ }^{25}$ E sa sa ta sèvi gnou nonm gingnin lé monn antié si li ta pèdu tèt li li-minm? ${ }^{26}$ Paské
a 9:7 Tétrak: Sé té non chèf chak dépatman lè gnou péi té séparé an kat (4) dépatman.
b 9:22 Ansiin: Sé té moun éspérians ki té a la tèt pèp la pou konséyé-l, dirijé-1, jujé-1, an minm tan ké chèf rélijié yo.
ninpot moun ki va ront mouin-minm ak parol mouin yo, lé Fis dé lòm va ront li lè li va vi-n nan la gloua li é nan la gloua papa-l ak anj sin yo. ${ }^{27}$ Mouin di nou li an vérité, kèk zin nan moun ki isi yo pap mouri san yo pa ouè rouayom Bon-Dieu a.

## Transfigurasion

28 A pé pré ui jou apré li té di parol sa yo, Jézu pran avèk li Piè, Jan ak Jak, é li monté sou montagn nan pou laprie. ${ }^{29}$ Étan li tap lapriè, figu-l vi-n chanjé é rad li vi-n pran gnou koulè blan kléré. ${ }^{30}$ E min-ni, dé zòm tap-palé ak li, sé té Moizc ak Eli ${ }^{31} \mathrm{ki}$ té parèt nan la gloua é ki tap palé sou lan mò li ki ta pral rivé Jéruzalèm. ${ }^{32}$ Piè avèk konpangn li yo té gin gnou dòmi ki tap pézé sou yo, min kom yo révéyé, yo ouè la gloua Jézu ak dé zòm ki té bò koté-l yo. ${ }^{33}$ Kom moun yo tap séparé ak Jézu, Piè di-l: Mèt, sa bon ké nou isit la, an nou drésé toua tant, gnoun pou ou, gnoun pou Moiz ak gnoun pou Éli. Li pat konnin sa li tap di. ${ }^{34}$ Kom li tap palé konsa, gnou nuaj vi-n kouvri yo; é la pè té anparé disip yo lè yo ouè yo té antré nan nuaj la. ${ }^{35}$ Alò, yo tandé gnou voua sòti nan nuaj la ki di: Sila a, sé pitit mouin chouazi a; kouté li. ${ }^{36}$ Pandan voua a tap palé a, Jézu té trouvé sèl. Disip yo
rété bouch fèmin; nan tan sa a, yo pa di pèsonn sa yo té ouè $a$.

Jézu géri gason ki soufri malkadi
37 Jou apré a, lè yo désann sòti sou montagn nan, gnou gran foul vi-n dévan Jézu. ${ }^{38}$ É min-ni, nan mitan foul la, gnou nonm rélé: Mèt, tan pri, voyé jé sou pitit gason-m nan, paské sé sèl pitit mouin gingnin. ${ }^{39}$ Gnou léspri an-paré-l, é minm lè a, li pran rélé; léspri a souké-l ak fós fè-l kumin, é sé a pinn si li vlé kité-l lè li fi-n krazé tout kò li. ${ }^{40}$ Mouin prié disip ou yo chasé-1; é yo pat kapab. ${ }^{41}$ Jézu réponn: Ras moun san la foua é ki pèvèti, jouk ki lè ma avèk nou é ma supòté nou? Minnin pitit ou a isi. ${ }^{42}$ Kom li tap proché, démon an jété-l a tè, é li souké-l ak fòs. Min Jézu ménasé léspri sal la, li géri pitit la, é li rémèt li bay papa-l. ${ }^{43}$ E tout moun té sézi dévan grandè Bon-Dieu.

## Jézu anonsé lan mò li

Pandan yo tout tap admiré tou sa Jézu tap fè, li di disip li yo: ${ }^{44}$ Nou-minm, fè sa antré biin nan zorèy nou: lé Fis dé lòm gin pou li livré nan min lè zòm. ${ }^{45}$ Min disip yo pat konprann parol sa a, li té kouvri ak gnou voual pou yo, pou yo pat konprann sans li; é yo té pè pozé-l késion sou sa.

[^11]Ki lès moun ki pi gran?
46 Gnou lidé vi-n nan léspri yo pou yo konnin ki lès pami yo ki té pi gran. ${ }^{47}$ Jézư ouè sa ki té nan kè yo, li pran gnou ti moun, li mété-l koté-l, ${ }^{48}$ é li di yo: Ninpòt ki moun ki résévoua sou non mouin ti pitit sa a, résévoua-m mouinminm; é ninpòt ki moun ki résévoua-m, résévoua sila ki voyé-m nan. Paské moun ki pi piti pasé nou tout la, sé sila a ki gran.

Moun ki pa kont ou, li pou ou
49 Jan pran la parol, é li di: Mèt, nou té ouè gnou nonm ki chasé démon sou non ou; é nou anpéché-l fè sa, paské li pap suiv nou. ${ }^{50}$ Jézu réponn ni: Pa anpéché-l fè sa; paské moun ki pa kont ou, li pou $0 u$.

## Jézu blanmin Jak é Jan

51 Lè tan an tap proché pou-l té sòti kité lé monn, Jézúu pran chémin Jéruzalèm ak gnou pa désidé. ${ }^{52} \mathrm{Li}$ voyé kèk mésajé dévan li ki mété yo nan rout é ki antré nan gnou bouk Samaritin ${ }^{d}$ yo pou préparé gnou koté pou li désann. ${ }^{53}$ Min yo pa résé-voua-l, paské li tap pral Jéruzalèm. ${ }^{54}$ Lè Jak ak Jan, disip yo, ouè sa, yo di: Ségnè, èské ou vlé nou bay lòd pou di-fé sòti nan sièl la bou-
kannin yo? 55 Jézu viré é li blanmin yo, $L$ li di: Nou pa konnin ki léspri kap pousé nou. ${ }^{56}$ Paské lé Fis dé lòm vini, pa pou pèdu nanm lè zòm yo, min pou sové yo. لـ E yo alé nan gnou lot bouk.

Pou moun ki di yo olé suio Jézu
57 Pandan yo té nan chémin, gnou nonm di li: Ségnè, ma suiv ou tou patou koté ou va alé. ${ }^{58}$ Jézu réponn ni: Réna ${ }^{e}$ yo gin trou nan tè, é zouazo nan siel yo gin nich; min lé Fis dé lòm pa gin koté pou-l pozé tèt li. ${ }^{59} \mathrm{Li}$ di gnou lot: Suiv mouin. E li réponn: Ségnè, pèmèt mouin alé dabo antéré papa-m. ${ }^{60}$ Min Jézu di li: Lésé moun ki mò antéré moun mouri yo gingnin; é ou-minm, al anonsé rouayom Bon-Dieu a. ${ }^{61}$ Gnou lot di: Ma suiv ou, Ségnè, min pèmèt mouin alé dabó di moun lakay mouin yo o révoua. ${ }^{62}$ Jézu réponn ni: Ninpòt moun ki mété min nan charu $f$ a é ki ap gadé dèyè pa bon pou rouayom Bon-Dieu a.

## Jézu voyé souasant-dis disip an mision

1 Apré sa, lé Ségnè nonmin souasant-dis lot disip ankò, é li voyé yo dé pa dé dévan li nan tout la vil yo é nan tout koté li té gin li-minm pou li alé. ${ }^{2}$ Li di yo:

[^12]Rékolt la gran, min pa gin asé ouvrié. Prié' mèt rékolt la pou-l voyé ouvrié nan rékolt li. ${ }^{3}$ Pati, mouin voyé nou tankou ti mouton nan mitan lou yo. ${ }^{4}$ Pa pòté ni bous, ni sak, ni soulié, é pa salué pèsonn nan chémin. ${ }^{5}$ Nan ninpòt ki kay nou va antré, di tou dabò: Ké la pé rété sou kay sa a! ${ }^{6}$ E si gin la gnou pitit la pé, la pé nou va pozé sou li; san sa, l-a rétounin jouinn nou. ${ }^{7}$ Rété nan kay sa a, manjé é bouè sa yo va ba nou; paské gnou ouvrié mérité lajan li. Pa alé kay an kay. ${ }^{8}$ Nan ninpòt ki la vil nou va antré é ké ya résévoua nou, manjé sa yo va mété dévan nou, ${ }^{9}$ géri moun malad ki va gin nan la vil sa a, é di yo: Rouayom Bon-Dieu a proché pré nou. ${ }^{10} \mathrm{Min}$ nan ninpòt ki la vil nou va antré, é ké yo pap résévoua nou, alé sou plas publik yo, é di: ${ }^{11}$ Nou souké sou nou pousiè la vil nou an minm ki té kolé nan pié nou, Konnin poutan rouayom Bon-Dieu a té proché pré nou. ${ }^{12}$ Mouin di nou, jou sa a, ya trété la vil sa a pi mal pasé Sodom.

Malè pou vil yo ki pa répanti
13 Malè pou ou, la vil Korazin! Malè pou ou, la vil Bétsaida! paské si mirak ki fèt nan mitan ou yo té fèt nan Tir ak nan Sidon, gin lontan yo ta va répantí é yo ta pran sak ak sann. ${ }^{14}$ Sé pou sa, nan jou jujman an, ya
trété nou pi mal pasé Tir ak Sidon. ${ }^{15}$ E ou-minm, Kapènaom, ki té lévé jouk nan sièl, ou va rabésé jouk nan lanfè. $a$
16 Moun ki kouté nou kouté mouin, é moun ki réjté nou réjté mouin, é moun ki réjté-m réjté sila ki voyé-m nan.

## Souasant-dis disip yo tounin

17 Souasant-dis yo tounin ak kè kontan, yo di: Ségnè, démon yo minm soumèt dévan nou pou tèt non ou. 18 Jézu di yo: Mouin té ouè Satan ap tonbé sòti nan sièl la tankou gnou zéklè. ${ }^{19}$ Min-ni, mouin ba nou pouvoua maché sou sèpan ak sou skopion é sou tout puisans lénmi an; é angnin pa kapab nui nou. ${ }^{20}$ Min, pa fè réjouisans paské léspri yo soumèt dévan nou; min fè réjouisans paské non nou ékri nan siè la.

## Jèzu ap réjoui

21 Minm moman sa a, SintÉspri fè Jézu frémi ak la joua, é li di: Mouin ba ou louanj, Papa, Ségnè lé sièl ak la tè, déské ou kaché bagay sa yo nan jé gran savan yo ak intélijan yo, é déské ou bay ti moun konprann yo. Oui, Papa, sa konsa paské ou trouvé li bon. ${ }^{22}$ Papa-m ban mouin tout bagay, é pèsonn pa konnin ki lès ki lé Fis ${ }^{b}$ si sé pa Papa a, ni ki lès ki Papa a si sé pa lé Fis, ak moun lé Fis vlé fè ouè-l. ${ }^{23}$ É li viré bò disip
a 10:15 Lanfé: Koté mò yo rêté.
${ }^{\text {b }} \mathbf{1 0 : 2 2}$ Lé Fis: Tit pou Jézu-Kri. Sa montré ké lị sé Pitit Bon-Dieu.
yo, li di yo a pa: Biinnéré jé ki ouè sa nap ouè! ${ }^{24}$ Paské mouin di nou, anpil profèt ak roua té anvi ouè sa nap ouè, é yo pat ouè-l; yo té anvi tandé sa nap tandé, é yo pat tandé-l.

## Parabol Samarilin an

25 Gnou doktè la loua lévé, é pou sondé Jézu, li di-l: Mèt, ki sa ma fè pou-m éritié la vi étènèl? ${ }^{26}$ Jézu di-l: Sa ki ékri nan la loua, ki sa ou li ladan? ${ }^{27} \mathrm{Li}$ réponn: Ou va rinmin lé Ségnè, Bon-Dieu ou, ak tout kè ou, ak tout nanm ou, ak tout fós ou é ak tout pansé ou; ou va rinmin prochin ou tankou tèt pa ou. ${ }^{28}$ Jézu di-l: Ou réponn biin; fè sa é ou va viv. ${ }^{29}$ Min li-minm ki té vlé bay tèt li rézon, di Jézu: E ki moun ki prochin mouin? ${ }^{30}$ Jézu pran la parol ankò, é li di: Gnou nonm tap désann sòti Jéruzalèm pou alé Jériko. Li tonbé nan mitan kèk brigan ki volè tou sa li té gingnin, ki bat li biin bat, é ki al fè rout yo kité li démi mouri. ${ }^{31}$ Gnou sakrifikatè ki tap désann nan minm chémin an, lè-l ouè nonm sa a, li pasé chémin ni. ${ }^{32}$ Gnou Lévit ${ }^{c}$ tou ki rivé nan koté a, lè li ouè-l, li pasé chémin ni. ${ }^{33}$ Min gnou Samaritin ki tap vouayajé rivé koté-l; kè li fé-l mal lè li ouè-l. ${ }^{34} \mathrm{Li}$ proché koté-l, li maré blésé-l yo, li vidé luil ak du-vin sou yo;
épi li mété-l sou prop monti-1, li kondui-l nan gnou otel, épi li okupé-1. ${ }^{35}$ Jou apré a, li ralé dé déniéd., li bay mèt otèl la, é li di: Pran souin ni, é sa ou va dépansé an plus, ma ba ou li lè ma tounin. ${ }^{36} \mathrm{Ki}$ lès nan toua sa yo, dapré ou, ki té prochin nonm ki té tonbé nan mitan brigan yo? ${ }^{37}$ Doktè la loua a di: Sila ki té aji avèk mizérikòd pou li a. Jézu di li: Alé, é ou-minm, fè minm jan an.

## Jézu rann vizil Marl ak Mari

38 Kom Jézu té nan chémin ak disip li yo, li antré nan gnou bouk, é gnou fanm ki té rélé Mart résévoua-l lakay li. ${ }^{39} \mathrm{Li}$ té gin gnou sè rélé Mari ki té chita nan pié lé Ségnè, ap kouté parol li. ${ }^{40}$ Mart, ki té okupé nan divès travay nan kay la, vi-n rivé, é li di: Ségnè, èské sa pa fè ou angnin pou sè mouin kité-m sèl ap sèvi? Di li édé-m. ${ }^{41}$ Lé Ségnè réponn ni: Mart, Mart, ou ap inkiété ou é ou ap fatigé ou pou anpil bagay. ${ }^{42}$ Gnou sèl bagay nésésè. Mari chouazi bon pati a, ké yo pap janm ouété nan min li.

## Anségnman Jézu sou la priè

11Jézu tap lapriè nan gnou sètin koté. Lè-1 fini, gnoun nan disip li yo di-l: Ségnè, montré nou lapriè, tankou Jan montré disip li yo.

[^13]${ }^{2} \mathrm{Li}$ di yo: Lè nap lapriè, di: Papa, fè non ou sanktifié; ${ }^{a}$ fè règn ou vini. ${ }^{3} \mathrm{Ba}$ nou chak jou pin tou lé jou nou.
${ }^{4}$ Padonnin nou péché nou yo, paské nou-minm tou, nou padonnin ninpòt ki moun ki fè nou mal; é pa minnin nou nan tantasion.
5 Li di yo ankò: Si gnoun pami nou gin gnou zanmi, é ké 1 -al jouinn ni nan mitan nan nuit pou di-1: Zanmi mouin, prété-m toua pin, ${ }^{6}$ paské gnou zanmi-m kap vouayajé rivé lakay mouin, é $\mathrm{m}-\mathrm{pa}$ gin angnin pou-m ofri li, ${ }^{7}$ é si nonm nan rété anndan kay la réponn ni: Pa annuiyé- $m$, pòt mouin déjà fèmin, pitit mouin yo avè-m, nou nan kabann, mouin pa kapab lévé pou-m ba ou pin, - ${ }^{8}$ mouin di nou li, kan minm li pa ta lévé pou ba li yo paské sé zanmi-n, li va lévé paské li annuiyé-l, é li va ba li tou sa li bézouin. ${ }^{9}$ E mouin, mouin di nou: Mandé é ya ba nou; chaché é na jouinn; frapé é ya louvri ba nou. ${ }^{10}$ Paské ninpòt ki moun ki mandé, résévoua, moun ki chaché, jouinn, é yo louvri bay moun ki frapé. ${ }^{11}$ Ki papa pami nou ki va bay pitit li gnou roch si li mandé-l pin, ou biin, si li mandé-1 gnou pouason, èské l-a ba li gnou sèpan o lié dé gnou pouason? ${ }^{12}$ Ou biin, si li mandé- 1 gnou zé, èské l-a ba li gnou skopion? ${ }^{13} \mathrm{Si}$ donk, méchan kou nou yé a, nou konn bay
pitit nou bon bagay, konbiin plus Papa ki nan sièl la, va bay moun ki mandé-l, lé Sint-Éspri.

## Kay ki gin divizion ladann pap kapab duré

14 Jézu chasé gnou démon ki té bèbè. Lè démon an sòti, bèbè a palé, é foul la té nan ladmirasion. ${ }^{15}$ Min, kèk moun di: Sé ak pouvoua Béèlzébul, prins démon yo, lap chasé démon. ${ }^{16}$ E dot, pou sondé-l, mandé li gnou sign ki ta pou sòti nan sièl la. ${ }^{17}$ Kom Jézu té konn lidé yo, li di yo: Tout rouayom ki divizé kont tèt li va krazé, é kay li yo va tonbé gnoun sou lot. ${ }^{18} \mathrm{Si}$ donk Satan divizé kont tèt li, koman rouayom li a fè kontinué viv, puiské nap di mouin chasé démon yo ak pouvoua Béèlzébul. ${ }^{19}$ É si mouin-minm, mouin chasé démon yo ak pouvoua Béèlzébul, pitit nou yo, ak ki pouvoua yo chasé yo? Sé pou tèt sa, yo-minm, yo va juj nou. ${ }^{20}$ Min, si sé ak douèt Bon-Dieu mouin chasé démon, rouayom Bon-Dieu a vi-n jouinn nou. ${ }^{21}$ Lè gnou nonm fò é biin amé ap véyé kay li, sa li gingnin garanti. ${ }^{22}$ Min, si gnou pi fò pasé li vi-n rivé, ki donté-1, li pran tout zam lot la té mété konfians li ladan yo a, é li fè kado tou sa-1 pran sou li. ${ }^{23}$ Moun ki pa avèk mouin, kont mouin, é moun ki pa rasanblé ak mouin, lap gayé.

[^14]
## Léspri sal la tounin

24 Lè léspri sal la sòti sou gnou nonm, l-alé nan dé koté sèk pou chaché répo. Kom li pa jouinn répo, li di: Ma tounin nan kay mouin koté-m sòti a. ${ }^{25}$ E lè-l rivé, li jouinn kay la balé é dékoré, ${ }^{26}$ Alò, l-alé, é li pran sèt lot léspri pi méchan pasé-1; yo antré, yo établi ladan, é dènié éta nonm sa a pi mal pasé prémié a.

## Vré bonè

27 Pandan Jézu tap palé konsa, gnou fanm lévé la voua nan mitan foul la, di li: Biinnéré vant ki pòté ou la, ak manmèl ki ba ou tété yo. ${ }^{28}$ Jézu réponn: Biinnéré pito moun ki kouté la parol dé Dieu é ki pratiké-l.

## Jénérasion méchan an chaché gnou sign

29 Kom foul la tap grosi, Jézu mété-l ap đi: Jénérasion sa a, sé gnou jénérasion méchan; lap mandé gnou sign; yo pap ba li lot mirak ké pa Jonas ${ }^{b}$ la. ${ }^{30}$ Paské minm jan Jonas té gnou sign pou moun la vil Niniv yo, lé Fis dé lòm va gnoun pou jénérasion sa a. ${ }^{31}$ Rinn nan Sud la va lévé jou jujman an, avèk lè zòm jénérasion sa a, é l-a kondané yo, paské li té sòti nan lot bout la tè pou vi-n tandé sajès Salomon, é min-ni, isit gin plus ké roua Salomon. ${ }^{32}$ Lè zòm Niniv yo va lévé jou jujman an ak jénérasion
sa à, é ya kondané li, paské yo té répanti lè Jonas té préché yo; é min-ni, isit gin plus ké Jonas.

Lartip kò a
33 Pèsonn pa lumin gnou lanp pou mété-l nan gnou koté ki kaché, ou biin an ba mamit, min yo mété li sou chandélié, pou moun kap antré ouè lumiè a. ${ }^{34}$ Jé ou sé lanp kò ou. Si jé ou an bon-n-éta, tout kò ou nan lumiè, min si jé ou an movèz éta, tout kò ou nan noua. ${ }^{35}$ Donk atansion pou lumiè anndan oü nan pa tounin ténèb. ${ }^{36} \mathrm{Si}$ donk tout kò ou nan lumiè san okin pati li pa nan noua, li va kléré tout antié tankou lè lanp la kléré ou ak lumiè li.

Jézu dénonsé fariziin yo ak doktê la loua yo
37 Pandan Jézu tap palé, gnou fariziin priél vi-n manjé lakay li. Li antré, é li mété-l a tab. ${ }^{38}$ Farizion an té sézi ouè li pat fè toualèt li avan-1 manjé. ${ }^{39}$ Min lé Ségnè di-1: Nou-minm, fariziin yo, nou nétouayé dèrò godèt la ak plat la, é anndan nou plin vol ak méchansté. ${ }^{40}$ Moun fou, sila ki fè dèrò a, èské li pa fe anndan an tou? ${ }^{41}$ Fè charité pito avèk sa ki anndan an, é min-ni, tout bagay va prop pou nou.
42 Min, malè nou, fariziin, paské nap péyé la dim mant, la ru ak tout zèb yo, é nou néglijéla justis ak lamou Bon-

[^15]Dieu. Sé sa pou nou té fè, san nou pa néglijé lé zot bagay yo.
43 Malè nou, fariziin, paské nou rinmin prémié plas nan sinagog yo, ak gran bonjou sou plas publik.
44 Malé nou, paské nou tankou tonm yo ki pa parèt, é moun maché sou yo san yo pa konnin.
45 Gnoun nan doktè la loua yo pran la parol, é li di-l: Mèt, lè ou pale konsa, ou insulté nou, nou-minm tou. ${ }^{46}$ É Jézu réponn: Malè nou tou, doktè la loua yo! paské nap chajé lè zòm ak chaj ki rèd pou pòté, é nou pa mangnin yo nou-minm ak gnoun nan douèt nou.
47 Malè nou, paské nap bati tonm profet zansèt nou té tué yo. ${ }^{48}$. Donk, nap sèvi témouin pou zèv zansèt nou yo, é nou aprouvé yo; paské yo-minm yo tué profèt yo, é nou-minm nap bati tonm yo. ${ }^{49}$ Sé pou tèt sa la sajès BonDieu di: Ma voye profet ak apot ba yo; ya tué kèk zin, é ya pèsékuté kèk zot, ${ }^{50}$ pou yo kapab mandé jénérasion sa a kont san tout profèt ki té koulé dépi lé monn té fèt, ${ }^{51}$ dépi san Abel ${ }^{c}$ jouk san Zakari ${ }^{d}$ yo tué ant lotell la ak tanp la. Oui, mouin di nou li, yo va mandé jénérasion sa a rann kont tou sa.
52 Malè nou, doktè la loua yo, paské nou volè klé lai konté. Donk, pa pè du tou;

[^16]nou vo plus pasé anpil ti zouazo.

## Konfésé Kris dévan lę zòm

8 Mouin di nou li, ninpòt ki moun ka di li koninin-m dévan lè zòm, lé Fis dé lòm va di li konnin-l tou dévan anj Bon-Dieu yo. ${ }^{9} \mathrm{Min}$, moun ki va nié-m dévan lè zòm, ya nié li tou dévan anj Bon-Dieu yo.
10 E ninpòt ki moun ka palé kont lé Fis dé lòm, ya padonnin-l; min moun ka blasfèmin kont Sint-Éspri, yo pap padonnin li sa du tou.
11 Lè ya minnin nou dévan sinagog yo, majistra yo- ak otorité yo, pa inkiété nou sou jan nou va défann tèt nou, ni: sou sa na di; ${ }^{12}$ paské SintÉspri va montré nou minm lè a sa pou nou di.

## Parabol fou rich la

13 Gnou moun palé nan mitan foul la, li di Jézu: Mèt, di frè-m pou li séparé éritaj nou an avèk mouin. ${ }^{14}$ Jézu réponn ni: O nonm; ki moun ki mété-m pou juj nou ou biin pou fe pataj nou yo? ${ }^{15}$ Épi li di yo: Véyé pou nou évité tout lidé kras; paské sé pa biin gnou nonm ki garanti la vi li, minm si biin yo anpil. ${ }^{16} \mathbf{E}$ li di yo tou parabol sa a:
Tè gnou nonm rich té rapòté anpil. ${ }^{17}$ É li tap rézonnin konsa nan kè li: Ki sa ma fè, paské mouin pa gin plas pou-m séré rékolt mouin an? ${ }^{18} \mathrm{Li}$ di: Min sa ma fè, ma krazé grénié-m yo, ma bati sa ki pi gran, ma ranmasé tout
rékolt mouin ak tout biin-m yo, ${ }^{19}$ é ma di nanm mouin: Nanm mouin, ou gin anpil biin an rézèv pou pliziè ané; pran répo, manjé, bouè é fété. ${ }^{20}$ Min Bon-Dieu di-l: Moun fou! nan nuit sa a minm, ya mandé ou nanm ou; é sa ou té préparé a, pou ki moun li va yé? ${ }^{21}$ Sé konsa tou pou moun kap ranmasé biin pou tèt pa li, é ki pa rich pou Bon-Dieu.

## Chajman-d-let

22 Apré sa, Jézu di disip li yo: Sé pou sa mouin di nou: Pa inkiété nou pou la vi nou ki sa na manjé, ni pou kò nou ki rad na mété sou nou. ${ }^{23}$ La vi plus pasé nouritu, é kò a plus pasé rad la. ${ }^{24}$ Gadé kòbo yo, yo pa simin ni yo pa rékolté, yo pa gin lofis ni grénié, é Bon-Dieu ba yo manjé. E konbiin plus nou vo pasé zouazo yo. ${ }^{25} \mathrm{Ki}$ lès pami nou ki avèk chajman-dtèt li kapab mété kichoy an plus nan tay li? ${ }^{26} \mathrm{Si}$ donk nou pa kapab fè bagay ki pi piti a, pouki nap inkiété nou pou rès la? ${ }^{27}$ Gadé koman flè lis yo pousé: Yo pa travay ni yo pa fè toual. Poutan, mouin di nou, roua Salomon minm nan tout la gloua li pat abiyé tankou gnoun ladan yo. ${ }^{28}$ Si BonDieu abiyé konsa zèb ki nan la tè jodi a, é ké ya jété démin nan fou, konbiin plus li va abiyé nou, moun ki gin la foua piti? ${ }^{29}$ É nou-minm, pa chaché sa na manjé é sa na bouè, é pa inkiété nou. ${ }^{30}$ Paské tout bagay sa yo, sé payin lé monn kap chaché yo.

Papa nou, Bon-Dieu, konnin nou bézouin yo. ${ }^{31}$ Chaché pito rouayom Bon-Dieu a; é ya ba nou tout bagay sa yo an plus.

## Gnou trézò nan siel la

32 Pa pè, ti troupo, paské sé volonté Papa nou, BonDieu, pou ba nou rouayom nan.
33 Vann sa nou gingnin é fè charité avèk li. Fè bous ki pap chiré, gnou trézò ki pap janm fini nan sièl la, koté volè pa proché, é koté la tègn pa détoui. ${ }^{34}$ Paské, koté biin ou yé, la tou kè ou va yé.

## Sèvite fidèl yo kap véyé

35 Maré rin nou, é lumin lanp nou. ${ }^{36}$ E nou-minm, nou doué tankou dè zòm kap tann mèt yo tounin soti nan nos pou yo louvri ba li, kou-l rivé, é kou-1 frapé. ${ }^{37}$ Binnéré sèvitè sa yo ké mèt la, lè li rivé, va jouinn ap véyé! Mouin di nou li an vérité, li va maré rin ni, l-a fè yo chita nan tab li, é l-a proché pou sèvi yo. ${ }^{38}$ Ké li rivé ta nan nuit, ou bonnè gran matin, biinnéré sèvitè sa yo si li jouinn yo ap véyé. ${ }^{39}$ Konnin sa biin, si mèt kay la té konnin ki lè volè doué vini, li ta véyé, é li pa ta kité yo pèsé kay li. ${ }^{40}$ Nou-minm tou, kinbé kò nou paré, paské lé Fis dé lòm va vini lè nou pap fè lidé a.

## Sèoitê a ki pa paré

41 Piè di li: Ségnè, èské sé pou nou-minm ou biin pou
tout moun ou adrésé parabol sa a? ${ }^{42}$ Lé Ségnè di: Ki lès ki jéran fidèl é prudan mèt la va mété sou doméstik li yo pou ba yo la nouritu a lè kil fo? ${ }^{43}$ Biinnéré sèvitè sa a ké mèt la, lè l-a rivé, va jouinn ap fè konsa! ${ }^{44}$ Mouin di nou li an vérité, li va nonmin-l sou tout biin li yo. ${ }^{45} \mathrm{Min}$, si sèvitè sa a di anndan ke li: Mèt mouin ap tadé pou li vini; si li mété-l ap bat sèvitè ak sèvant yo, ap manjé, ap bouè, épi ap soulé tèt li, ${ }^{46}$ mèt sèvitè sa a va vi-n jou li pap atana, é lè li pa konnin, l-a chiré-l an moso, é l-a ba li posion pa-1 avèk infidè yo. ${ }^{47}$. Sèvitè . ki, lè-l fi-n konn volonté mèt li, pa préparé angniné pa aji dapré volonté-l, ya bat li ak gnou gran kantité kou. ${ }^{48}$ Min sila ki, nan ignorans volonté mèt la, fè dé bagay ki mérité puni, ya bat li ak kèk kou sèlman. Moun yo bay anpil, ya mandé li anpil, é moun yo té konfié anpil, ya ékzijé plus ankò nan $\min n i$.

## Jêzu sé koz dioizion

49 Mouin vi-n jété gnou difé sou la tè, é sa mouin gin pou-m anvi si li lumin déja. ${ }^{50}$ Gin gnou batèm mouin doué batizé ladan, é kom sa parèt mouin long pou li rivé. 51 Eské nou kouè mouin vi-n pòté la pé sou la tè? Mouin di nou non, min mouin vi-n pòté la divizion. ${ }^{52}$ Paské dépi kou-n yé a, nan gnou kay, sink va divizé, toua kont dé et dé kont toua; ${ }^{53}$ papa kont pitit gason, é pitit gason kont
papa; manman kont pitit;fi, é pitit fi kont manman, bel me kont bèl fi é bèl fi kont bèl mè.

Sou déchifré sign tan yo
54 Li di foul yo ankò: Le nou ouè gnou nuaj lévé nan diréksion solèy kouchan, nou di tou suit: La pli ap vini; é sa rivé konsa. ${ }^{55}$ E lè nou ouè van souflé sòti nan Suid, nou di: Va fè cho; é sa rivé. ${ }^{56}$ Ipokrit, nou konn fe diférans jan la tè ak sièl la parèt; koman noufè pa konn konprann tan sa a?

Réglé afe avèk adpèsè ou la:
57 E pouki sa nou pa konprann pou kont nou sa ki jus? ${ }^{58}$ Lè ou pralé : avèk advèsè ou dévan majistra a, fè sa ou kapab nan chémin pou dégajé ou an ba li, pou li pa trinnin ou dévañ juj la, pou juj la pa livré ou bay ofisié la justis la, é pou ofisié a pa jété ou nan prizon. ${ }^{59}$ Mouin di ou li, ou pap sòti la san ou pa fi-n péyé jouk dènié pit ${ }^{\text {a }}$ la.

## Répanti ou biin péri

13 Minm épok sa a, kèk moun ki té la tap rakonté Jézu sa ki té rivé moun la Galilé Pilat té mélanjé san yo ak san sakrifis yo tap fè. 2 Jézu pran la parol, li di yo: Eské nou kouè moun la Galilé sa yo té pi gran péchè pasé tout lé zot moun la Galilé yo
paské yo soufri konsa? ${ }^{3}$ Mouin di nou non. Min si nou pa répanti, nou tout va péri minm jan an. ${ }^{4}$ Ou biin diz-uit moun sa yo tou ${ }^{a}$. Siloé té tonbé sou yo a, é ké li té tué yo, èské nou kouè yo té pi koupab pasé tout lé zot abitan Jéruzalèm yo? ${ }^{5}$ Mouin di nou non. Min si nou pa répanti, nou tout va péri minm jan an.

## Parabol figié a ki pajanm donnin.

6 Li di yo tou parabol sa a: Gnou nonm té gin gnou figié planté nan jadin rézin ni. Li vi-n chaché frui ladan, é li pa jouinn. ${ }^{7}$ Alò li di vignron an: Sa fè toua zan map vi-n chaché frui nan figié sa a, é mouin pa jouinn du tou. Koupé-1, pouki lap okupé la te pou grin mési? ${ }^{8}$ Vignron an réponn ni: Ségnè, kité li ané sa a anko, ma fouyé tout outou li, é ma mété fumié ladan. Pètèt li va donnin frui gnou jou. San sa, ou va fe koupé-l:
Gérizon gnou fanm infim jou saba
10 Jézu tap anségné nan gnoun nan sinagog yo gnou jou saba. ${ }^{11}$ É min-ni, té gin la gnou fanm ki té gingnin gnou léspri sou li ki té rann ni infim dépi diz-uit an, li té koubé, é li pat kapab drésé kò li du tou. ${ }^{12}$ Lè Jézu ouè-1, li rélé-l é li di-l: Fanm, ou délivré an ba infimité ou la. ${ }^{13}$ E li lonjé min-n sou li.
a 12:59 Pit: Pi piti piès monnin Juif yo té gingnin. Sé kòm si nou ta di gnou santim.
a 13:4 Tou: Sé gnou klas kay ki biin ro.

Minm lè a; fanm nan drésé, é li rann gloua a Dieu. ${ }^{14}$ Min chèf sinagog la, indigné paské Jézu té fè gérizon sa a gnoujou sába, di foull la: Gin sis jou pou travay, vi-n fè géri nou jou sa yo, é pa jou saba a. ${ }^{15}$ Lé Ségnè réponn ni: Ipokrit, èské chak jou saba, nou pa démaré bèf nou ou biin botarik nou nan lekiri pou minnin-l bouè ? ${ }^{16}$ 界 fantis sa a; ki gnou pitit fi Abräam, é ké Satan té kinbé maré dépi diz-uit an, èské mouin pat doué délivré-l an ba chinn sa a jou saba? ${ }^{17}$ Pandan li tap palé konsa, tout advèsè li yo té ront, é foul la té kôntan tout-mèvèy li tap fè yo.

## Parabol grinn moutad la

18 Li di ankò: Ki bagay rouayom Bon-Dieu a sanblé, é ak ki bagay ma konparé-1? ${ }^{19}$ Li sanblé gnou grinn moutad gnou nonm pran é li jété nan jadin ni; li pousé, li tounin gnou pié boua, é zouazo nan sièl yo rété nan branch li.

## Parabol léoin an

20 Li di ankó: Ak ki sa ma konparé rouayom Bon-Dieu a? ${ }^{21} \mathbf{L i}$ sanblé lévin gnou fanm pran é li mété-l nan toua mézi fari-n pou fè tout pat la lévé.

## Pot étouat la

22 Jézu tap travèsé la vil yo ak bouk yo, li tap anségné, é li tap fè rout pou Jéruzalèm.
23 Gnou moun di-1: Ségnè, èské sé pé-d-moun sèlman ki sové?: Li réponn yo: ${ }^{24} \mathrm{Fe}$
èfo pou nou antré nan pòt étouat la; paské mouin di nou li, anpil moun va chaché antré, é yo pap kapab. ${ }^{25}$ Lè mèt kay la va lévé é é va fèmin pót la, é ké nou-minm, étan nou dèrò, na komansé ap frapé nan pot la, ap di: Ségnè, Ségnè, louvri pou nou! li va réponn nour Mouin pa konnin moun ki bò nou yé. ${ }^{26}$ Aló nou va mété nou ap di: Nou té manjé é nou té boué dévan ou, é ou té anségné nan la ru noưyo. ${ }^{27}$ É li va réponn: Mouin di nou li, mouin pa konnin moun ki bò nou yé, rétiré nou sóti sou mouin, nou tout ouvrié lé mal. ${ }^{28}$ Sé la ka gin krié ak manjé dan, lè nou va ouè Abraam, Izaak é Jakob, ak tout profèt yo nan rouayom Bon-Dieu a, é ké yo va jété nou dèró. ${ }^{29}$ Va gingnin ka vi-n sòti nan Lès ak nan'Louès, nan Nò ak nan Sud, é yo va mété yo a tab nan rouayom Bon-Dieu a. ${ }^{30}$ É min-ni, va gin nan dènié yo ki va prémié, é nan prémié yo ki va dènié.

## Avètisman ké Érod olé fè:Jézu mouri

31 Minm moman sa a, kèk fariziin vi-n di-l: Al fe rout ou, pati sòti isi a, paské Erod vlé tué ou. ${ }^{32} \mathrm{Li}$ réponn yo: Alé, é di réna sa a: Min-ni, map chasé démon, é map gérí moun jodi a ak démin, é touazièm jou a; ma fini. ${ }^{33}$ Min, fo-m maché jodi a , démin ak jou apré a, paské sa pa konvénab pou gnou profèt mouri dèrò Jéruzalèm: 34 Jéruzalèm, Jéruzalèm, ki tué profèt yo é ki voyé roch
sou moun yo voyé ba ou yo, konbiin foua mouin té vlé rasanblé pitit ou yo tankou gnou poul rasanblé ti pitit li yo an ba zèl li, é ou pat vlé. ${ }^{35}$ Min-ni, kay ou va rété abandonnin; mouin di ou li, nou pap ouè-m ankò jouk tan na di: Béni soua sila ki vini o non lé Ségnè a.

Jézu géri moun malad ak idropizi

14Kom Jézu té antré gnou jou saba kay gnoun nan chèf fariziin yo pou-1 té manjé yo tap obsèvé-1. 2 Egnou nonm ki té malad ak idropizi té dévan ni. ${ }^{3}$ Jézu pran la parol é li di dokté la loua ak fariziin yo: Eské sé pèmi ou non pou fè gnou gérizon jou saba? ${ }^{4}$ Yo rété san palé. Aló Jézu vansé min li sou nonm nan, li géri-1 é li ranvoyé-1. ${ }^{5}$ Épi li di yo: Ki lès pami nou, si gason ni ou biin bèf li tonbé nan gnou pui, pap ouété-1 ladan tou suit, jou saba? ${ }^{6}$ E yo pat kapab réponn angnin sou sa.

## Invité yo nan féslin an

7 Apré sa, li adrésé invité yo gnou parabol, lè li rémaké yo tap chouazi prémié plas yo, é li di yo: ${ }^{8}$ Lè yo invité ou nan nos, pa mété ou nan prémié plas la pou pa gin pami invité yo gnou nonm ki pi inpọtan pasé ou, ${ }^{9}$ é pou moun ki invité nou tou lé dé a pa vi-n di ou: Sédé plas la bay moun sa a. Alò ou ta gin la ront al chita nan dènié plas la. ${ }^{10} \mathrm{Min}$, lè yo invité ou, al mété ou nan dènié plas la, konsa, lè moun ki
invité ou la vini, l-a di ou: Zanmi mouin, monté pi ro! Alò sa va fè ou onè dévan toput moun ki va a tab avèk ou yo. ${ }^{11}$ Paské tout moun ki grandi tèt li va rabésé, é tout moun ki rabésé tèt li va grandi.
12 Li di moun ki té invité-1 la tou: Lè ou ap bay diné ou biin soupé, pa invité zanmi ou, ni frè ou, ni paran ou, ni vouazin ou ki rich, pou yo pa invité ou yo-minm tou, é pou yo pa rann ou la parey. ${ }^{13}$ Min lè ou ap fè gnou fèt, invité pov, éstropié, moun bouété, avèg. ${ }^{14}$ E ou va biinnéré ké yo pa kapab, rann ou la parèy; paské ya rann ou sa lè jus yo va résusité.

## Pärabol gran diné a

15 Gnoun nan sa ki té a tab yo, lè-l tandé parol sa yo, di Jézu: Biinnéré moun ki va a tab nan rouayom BonDieu a! ${ }^{16}$ É Jézu réponn ni: Gnou nonm té bay gnou gran soupé, é li té invité anpil moun. ${ }^{17}$ A lè soupé a, li yöyé sèvitè-1 di invité yo: Vini, paské tout bagay paré déja. ${ }^{18}$ Min yo tout ansanm mété ap éskuzé tèt yo: Prémié a di-1: M-achté gnou tè, é m-oblijé pral ouè li; mouin prié ou éskuzé-m. ${ }^{19}$ Gnou lot di: M-achté sink pè bèf, mouin pral éséyé yo; mouin prié ou éskuzé-m. ${ }^{20}$ Gnou lot di: Mouin fèk marié, é sé pou sa mouin pa kapab alé. ${ }^{2 i}$ Le sèvite a tounin, li rapóté sa bay mèt la. Alò, mèt kay la an kolè di sèvité li a:

Alé vit sou plas ak nan la ru la vil la, é minnin vini pov yo, éstropié yo, avèg yo ak moun bouété yo. ${ }^{22}$ Sèvitè a di: Mèt, sa ou té komandé a, li fèt, é gin plas ankò. ${ }^{23}$ Mèt la di sèvitè a: Alé nan rout yo ak nan chémin yo, é moun ou va jouinn, fósé yo antré pou kay mouin ka plin. ${ }^{24}$ Paské mouin di nou li, pa gnoun nan moun ki té invité yo pap gouté nan soupé-m nan.

Kondision pou gnou moun disip Jézu
25 Dé gran foul tap fè rout ak Jézu. Li viré é li di yo:
26 Si gnou moun vi-n jouinn mouin, é si li pa rai papa-1, manman-n, madanm ni, pitit li, frè-l ak sè-l, é minm prop la vi pa-l, li pa kapab disip mouin. ${ }^{27}$ E tout moun ki pa pòté koua yo é ki pa suiv mouin, pa kapab disip mouin.
28 Paské ki lès nan nou, si li vlé bati gnou tou, pa chita tou dabò pou kalkulé dépans é pou ouè si li gin dé koua fini-l, ${ }^{29}$ pou apré-l finn pozé fondasion yo, li trouvé-l pa kapab fini-l, é pou tout moun ki ouè-1 pa mété ap pasé-1 nan bétiz, ${ }^{30}$ ap di: Nonm sa a komansé bati, é li pa kapab fini.
31 Ou biin, ki roua, si li pral fè la gè ak gnou lot roua, pa chita tou dabò pou ékzaminé si li kapab, ak di mil òm, maché kontré sila kap vi-n ataké-l ak vin mil la ? ${ }^{32} \mathrm{Si}$ li pa kapab, étan lot roua a louin toujou, li voyé
palmantè ba li pou mandé-l la pé.
33 Insi donk, ninpòt ki moun pami nou ki pa rénonsé tou sa li posédé, pa kapab disip mouin.

Sèl la ki pèdu gou li
34 Sèl sé gnou bon bagay; min si sèl la pèdu gou sèl li, ak ki sa ya sézonnin-1? ${ }^{35} \mathbf{L i}$ pa bon ni pou la tè ni pou fumié, yo jété-1 dèrò. Moun ki gin zorèy pou tandé, tandé.

Parabol mouton kité pèdu a
15 Tout publikin yo ak proché koté Jézu pou tandé-l. ${ }^{2}$ É fariziin yo ak skrib yo tap babié, ap di: Nonm sa a ap résévoua moun movèz vi, é lap manjé avèk yo.
3 Alò li di yo parabol sa a: ${ }^{4}$ Ki nonm pami nou, si li gin san mouton, é si li pedu gnoun ladan yo, pap kité katré-vin-diz-nèf lot yo nan dézè pou alé dèyè sa ki pèdu a jouk tan li jouinn ni? ${ }^{5}$ Lè-l jouinn ni, li mété-l ak kontantman sou zépol li, ${ }^{6}$ é lè-1 tounin lakay li, li rélé zanmi ni ak vouazin li yo, é li di: Fété ak mouin, paské mouin jouinn mouton-m ki té pèdu a. ${ }^{7}$ Konsa tou, mouin di nou li, va gin plus kontantman nan sièl la pou gnou sèl péchè ki répanti pasé pou katré-vin-diz-nèf jus ki pa bézouin répantans.

## Parabol drak ki té pèdua

8 Ou biin ki fanm, si li gingnin dis drak, ${ }^{a}$ é ké li

[^17]pèdu gnoun ladan yo, pap lumin gnou lanp, pap balé kay li é pap chaché ak atansion jouk tan li jouinn ni? ${ }^{9}$ Lè-l jouinn ni, li rélé zanmi ni ak vouazi-n ni yo, é li di: Fété ak mouin, paské mouin jouinn drak mouin té pèdu a.
${ }^{10}$ Konsa tou, mouin di nou li, gin kontantman dévan anj Bon-Dieu yo pou gnou sè péchè ki répanti.

## Parabol gason ki té pèdu a

11 Li di ankò: Gnou nonm té gin dé gason. ${ }^{12} \mathbf{P i}$ jinn nan di papa-l: Papa, ban mouin pa-m nan biin ki doué vi-n pou mouin yo. E papa a séparé biin ni ba yo. ${ }^{13}$ Kèk jou apré, pi jinn gason an ranmasé tout afè-1, li pati pou gnou péi louin, é la, li gaspiyé biin ni nan vi déboch. ${ }^{14}$ Lè-1 fi-n dépansé tout, gnou grangou éstraodinè vi-n tonbé sou péi sa a, é li komansé trouvé-1 nan bézouin. ${ }^{15} \mathrm{~L}$-al mété-l nan sèvis gnoun nan abitan péi a ki voyé li nan tè-1 gadé pouso. ${ }^{16} \mathrm{Li}$ ta biin vlé plin vant li ak karouj ${ }^{\text {b }}$. pouso yo tap manjé yo, min pèsonn pat ba li. ${ }^{17}$ Lè-l réprann tèt li, li di: Konbiin moun kap travay pou lajan kay papa-m ki gin pin an kantité, é mouinminm isi a, map mouri grangou. ${ }^{18} \mathrm{Ma}$ lévé, ma val jouinn papa-m é ma di-l: Papa, mouin fè péché kont siè la ak kont ou. ${ }^{19}$ Mouin pa mérité ankò pou ou rélé-m pitit ou; trété-m tankougnoun nan moun kap travay ak ou
yo. ${ }^{20}$ É li lévé, é l-al jouinn papa-1. Kom li té louin toujou, papa li ouè-l, é kè li fè-l mal, é li kouri jété-1 nan kou li, é li bo-l. ${ }^{21}$ Pitit la di-l: Papa, mouin fè péché kont sièl la ak kont ou, mouin pa mérité anko pou ou rélé-m pitit ou. ${ }^{22}$ Min, papa a di sèvitè li yo: Póté pi bèl ròb la, é abiyé-l avèk li; mété gnou bag nan douèt li ak soulié nan pié-1. ${ }^{23}$ Minnin vo angrésé a é tué li. An nou manjé é an nou fété; ${ }^{24}$ paské pitit mouin sa a té mouri é li tounin nan la vi; li té pèdu é mouin jouinn ni ankò. E yo komansé ap fété.
25 É léné gason an té nan jádin. Lè-1 tounin, é li rivé pré kay la, li tandé muzik ak dans. ${ }^{26} \mathrm{Li}$ rélé gnoun nan sèvitè yo é li mandé sa ki gingnin. ${ }^{27}$ Sèvitè a di li: Frè ou la tounin, é papa ou tué vo angrésé a, paské li jouinn ni an bon santé. ${ }^{28}$ Li mété-1 án kolè, é li pat vlé antré. Papa a sòti, é li prié-l antré. ${ }^{29}$ Eli réponn papa-1: Min gin tan dané map sèvi ou san mouin pa janm déréspékté lód ou, é ou pa janm ban mouin gnou ti kabrit pou-m fété ak zanmi mouin yo. ${ }^{30}$ E kan pitit ou a rivé, li-minm ki manjé biin ou avèk fanm movèz vi yo, sé pou li ou tué vo angrésé a! ${ }^{31}$ Papa a di li: Pitit mouin, ou toujou avèk mouin, é tou sa mouin gingnin sé pou ou, ${ }^{32} \mathrm{~min}$ fok biin ké nou té fè gnou féstin é ké nou té fété, paské frè ou

[^18]

Mouton pèdu a
sa a té mouri, é li tounin nan la vi, paské li té pèdu, é ké-m jouinn ni ankò.

## Jéran ki pat onnèt la

16 Jézu di disip li yo ankò: Gnou nonm rich té gin gnou jéran yo vi-n dénonsé ba li, yo di li jéran an tap gaspiyé biin ni yo. ${ }^{2} \mathrm{Li}$ rélé-l é li di-1: Ki sa mouin tandé di sou ou? Rann kont administrasion ou, paské ou pap kapab gin biin mouin yo sou kont ou ankò. ${ }^{3}$ Jéran an di nan kè-l: Ki sa ma fè puiské mèt mouin ouété-m kom jéran biin ni yo? Mouin pa gin fòs travay la tè, mouin ront mandé charité. ${ }^{4}$ Mouin konn ki sa ma fè pou gin moun ki résévoua-m lakay yo lè ya ouété-m nan plas mouin an. ${ }^{5}$ Élifè chak moun ki té doué mèt la vini, li di prémié a: Konbiin ou doué mèt mouin? ${ }^{6} \mathrm{Li}$ réponn: San mézi luil. É li di-l: Pran papié ou la, chita vit, é ékri sinkant. ${ }^{7}$ Apré sa, li di gnou lot: E ou-minm, konbiin ou doué? Sila a réponn: San mézi blé. E li di-1: Pran papié ou la, ékri katré-vin. ${ }^{8}$ Mèt la fè jéran malonnèt la konpliman, paské li té aji ak prékosion. Paské moun lé monn yo pran plus prékosion a léga parèy yo pasé pitit la lumiè yo.
9 E mouin-minm mouin di nou: Ak richès injus yo, fè
zanmi pou yo résévoua nou nan tabènak étènèl yo, lè richès yo vi-n manké nou. ${ }^{10}$ Moun ki fidèl nan pi piti bagay fidè tou nan sa ki gran; é moun ki injus nan pi piti bagay, li injus tou nan sa ki gran! ${ }^{11} \mathrm{Si}$ donk nou pat fidèl nan richès injus yo, ki moun ki va konfié nou richès véritab yo. ${ }^{12}$ É si nou pat fidèl nan sa ki pou lot moun, ki moun ki va ba nou sa ki pou nou? ${ }^{13}$ Okin sèvitè pa kapab sèvi dé mèt. Paské ou biin 1-a rai gnoun é l-a rinmin lot la, ou biin l-a ataché-l a gnoun é l-a méprizé lot la. Nou pa kapab sèvi Bon-Dieu ak Mamon. ${ }^{a}$
14 Fariziin yo ki té rinmin lajan tap kouté tou sa tou, é yo tap pasé-l nan bétiz. ${ }^{15}$ Jézu di yo: Nou-minm, nap chaché parèt jus dévan lè zòm, min Bon-Dieu konnin kè nou. Paské sa ki ro dévan lè zòm, sé gnou bagay modi dévan Bon-Dieu.

## La loua épi rouayom Bon-Dieu a

 16 La loua ${ }^{b}$ ak profèt yo té kontinué jouk Jan rivé; dépi lè sa a, yap anonsé rouayom Bon-Dieu a, é sé ak fós tout òm antré ladann. ${ }^{17}$ Sa pi fasil pou sièl la ak tè a disparèt, pasé pou gnou sèl ti bout lèt nan la loua a rivé tonbé.
## Anségnman Jézu sou késion dioòs

18 Ninpòt ki moun ki ran-

[^19]voyé madanm ni é ki marié ak gnou lot, li fè gnou adultè, é ninpòt ki moun ki marié ak gnou madanm mari-l ranvoyé, fè gnou adultè.

## Mové rtch la adèk Laza

19 Té gin gnou nonm rich ki té abiyé ak poup ${ }^{c}$ épi lin fin, ${ }^{d}$ é ki tap minnin chak jou gnou vi banboch ak la gloua. ${ }^{20}$ Gnou pov yo té rélé Laza té kouché nan pòt li, kouvri ak maling, ${ }^{21}$ é li té anvi plin vant li ak ti miyèt ki tap sòti tonbé an ba tab nonm rich la. E minm chin tap vi-n niché maling li yo. ${ }^{22}$ Pov la mouri, é anj yo pòté-l nan sin Abraam. Rich la mouri tou, é yo antéré-l. ${ }^{23}$ Pandan li koté mò yo yé, nan mitan touman, li lévé jé-l dé louin, li ouè Abraam ak Laza nan sin ni. ${ }^{24}$ Li rélé: Papa Abraam, gin pitié pou mouin, é voyé Laza tranpé bout douèt li nan dlo pou-1 mété gnou fréchè sou lang mouin, paské map soufri rod nan flanm sa a. ${ }^{25}$ Abraam réponn ni: Pitit mouin, sonjé ou té résévoua biin pa ou pandan la vi ou, é ké Laza té gin malè yo pou li. A lè ki lé, li gin konsolasion li isi, é ou-minm ou ap soufri. ${ }^{26}$ Dayè, ant nou-minm ak ou, gin gnou gran séparasion, pou sa ki ta vlé pasé sòti isi al jouinn ou, ou biin sòti koté ou yé a vi-n jouinn nou, pa kapab. ${ }^{27}$ Nonm rich la di:

Tan pri, papa Abraam, voyé Laza kay papa-m, ${ }^{28}$ paské mouin gin sink frè, sé pou-l kapab sètifié yo bagay sa yo, pou yo pa vi-n tou nan lié touman sa a. ${ }^{29}$ Abraam réponn: Yo gin Moiz ak profèt yo, ya kouté yo. ${ }^{30}$ E li di: Non, papa Abraam, min si gnoun nan mò yo al jouinn yo, ya répanti. ${ }^{31}$ E Abraam di-l: Si yo pa kouté Moiz ak profèt yo, yo pap kité pèsonn konvink yo, kan biin minm gnoun nan mó yo ta résusité.

## Tantasion pou fè péché

17 Jézu di disip li yo: skandal, min malè pou moun ki koz skandal yo. ${ }^{2}$ Li ta miyo pou li ké yo mété gnou mèl moulin nan kou li, é ké yo jété-l nan lan mè, pasé pou li skandalizé gnoun nan piti sa yo. ${ }^{3}$ Véyé sou nou-minm. Si frè ou fè péché, blanmin li; é si li répanti, padonnin-l. ${ }^{4}$ E si li fè péché sèt foua kont ou nan gnou jounin, é ké sèt foua li tounin jouinn ou, li di: Mouin répanti, ou va padonnin-1.

## Ogmanté la foua nou

5 Apot yo di lé Ségnè: Ogmanté la foua nou. ${ }^{6}$ E lé Ségnè di: Si nou té gin la foua tankou gnou grinn moutad, nou ta di pié sikomò sa a: Dérasinin tèt ou é al planté nan lan mè; é li ta obéi nou.

[^20]
## Dévoua sèvile a

7 Ki lès pami nou, si li gin gnou sèvitè kap travay la tè ou biin kap kondui troupo, ki va di li, lè-l vi-n sòti nan jadin: Proché vit é mété ou a tab ? ${ }^{8}$ Eské li pap di li o kontré: Préparé soupé pou mouin, maré rin ou pou sèvi-m jouk mouin fi-n manjé ak bouè; apré sa, ou-minm ou va manjé é ou va bouè. ${ }^{9}$ Éské li doué gin rémèsiman pou sèvitè a paské li fè sa li té komandé-l fè? ${ }^{10}$ Nouminm tou, minm jan an, lè nou fi-n fè tou sa yo té komandé nou, di: Nou sé sèvitè inutil, nou fè sèlman sa nou té doué fè.

Gérizon dis moun ki té gin la lèp yo
11 Jézu, nan rout pou alé Jéruzalèm, tap pasé ant la Samari ak la Galilé. ${ }^{12} \mathrm{Kom}$ li tap antré nan gnou bouk, dis moun ki té gin la lèp vi-n rankontré-l. Étan yo kanpé a distans, yo lévé la voua é yo di: ${ }^{13}$ Jézu, mèt, gin pitié pou nou. ${ }^{14} \mathrm{Kou}-1$ ouè yo, li di yo: Alé montré tèt nou bay sakrifikatè yo. E pandan yo tap alé, yo géri. ${ }^{15}$ Gnoun ladan yo ki ouè li géri, tounin sou chémin ni ap rann gloua a Dieu a rot voua. ${ }^{16} \mathrm{Li}$ jété tèt li fas an ba nan pié Jézu, é li rann gras. Sé té gnou Samaritin. ${ }^{17}$ Jézu pran la parol, li di: Eské dis yo
pat géri? E nèf lé zot yo, koté yo yé? ${ }^{18}$ Eské pa gingnin pasé étranjé sa a ki tounin vi-n rann gloua a Dieu? ${ }^{19}$ Épi li di-1: Lévé, alé, la foua ou sové ou.

Rouayom Bon-Dieu a ap vini
20 Fariziin yo mandé Jézu ki lè rouayom Bon-Dieu a ta vini. Liréponnyo: Rouayom Bon-Dieu a pa vini gnou jan pou atiré jé moun. ${ }^{21}$ Yo pap di: Li isi, ou biin: $\mathbf{L i}$ la. Paské, min-ni, rouayom Bon-Dieu a anndan nou. 22 É li di disip yo: Jou va vini na va anvi ouè gnoun nan jou Fis dé lòm yo, é nou pap ouè-1. ${ }^{23}$ Yo va di nou: Li isi, li la. Pa alé, pa kouri dèyè yo. ${ }^{24}$ Paské tankou zéklè kléré é briyé dépi gnou bout sièl la jouk lot bout, sé minm jan an lé Fis dé lòm va yé nan jou li a. ${ }^{25}$ Min anvan sa, fok li soufri anpil, é fok jénérasion sa a réjté-1.
26 Sa ki té rivé nan tan Noé ${ }^{a}$ a va rivé minm jan an nan jou Fis dé lòm yo. ${ }^{27}$ Lè zòm tap manjé, yo tap bouè, yo tap marié é yo tap marié pitit yo, jouk jou Noé antré nan lach la, déluj la vini, é li fè yo tout péri. ${ }^{28} \mathbf{S a}$ ki té rivé nan tan Lot ${ }^{b}$ la va rivé minm jan an. Lè zòm tap manjé, yo tap bouè, yo tap achté, yo tap vann, yo tap planté, yo tap bati, ${ }^{29} \mathrm{~min}$ jou Lot sòti Sodom, gnou la
a 17:26 Noé: Sé té gnou nonm jus Bon-Dieu té sové avèk tout fanmi li, lè déluj la té vi-n anglouti la tè.
b 17:28 Lot: Nan la vil Sodom, Bon-Dieu té sové Lot sèl ak fanmi li. Madanm Lot té dézobéi; li té gadé dèyè é li té péri.
pli di-fé ak souf tonbé sòti nan sièl la, é li fè yo tout péri. ${ }^{30}$ Sé va minm jan an jou Fis dé lòm va parèt.
31 Jou sa a, moun ki sou tèt kay la, é ki va gin bagay li anndan kay la, pa désann pran yo; é moun ki va nan jadin, pa tounin dèyè non plu. ${ }^{32}$ Sonjé fanm Lot la. ${ }^{33}$ Moun ki va chaché sové la vi li va pèdu-l; é moun ki va pèdu-l va jouinn ni ankò. ${ }^{34}$ Mouin di nou li, nan nuit sa a, nan dé zòm ki va nan gnou minm kabann, ya pran gnoun é ya kité lot la. ${ }^{35} \mathrm{Nan}$ dé fanm ki va ap moulin ansanm, ya pran gnoun é ya kité lot la. ${ }^{36}$ Nan dé zòm ki va nan jadin, ya pran gnoun é ya kité lot la.
37 Disip yo pran la parol, yo di-l: Ki bò sa va yé, Ségnè ? E li réponn: Koté kò a va yé, sé la lèg yo va rasanblé.

## Parabol vèv la ak mové juj la

18Jezu di yognou parabol pou montré fok toujou lapriè san pa janm rélaché. ${ }^{2}$ Li di: Té gin nan gnou la vil gnou juj ki pat pè BonDieu, é ki pat réspékté pèsonn. ${ }^{3}$ Té gin tou nan la vil sa a gnou vèv ki té konn vi-n jouinn ni pou di-l: Rann mouin justis kont advèsè-m nan. ${ }^{4}$ Pandan lontan, juj la té réfuzé. Min apré sa, li di nan kè-l: Kouaké mouin pa pè Bon-Dieu é ké mouin pa réspékté pèsonn, ${ }^{5}$ tou-dminm, paské fanm sa a ap annuiyé-m, ma rann ni justis pou-l pa vi-n tout tan ap kasé tèt mouin. ${ }^{6}$ Lé Ségnè di:

Èské nou tandé sa mové juj la di? ${ }^{7}$ É èské Bon-Dieu pa ta rann justis bay pitit chouazi-l yo kap rélé ba li jou kon nuit, é èské li va pran réta pou yo? ${ }^{8}$ Mouin di nou li: 1-a rann yo justis san réta. Min, lè lé Fis dé lòm va vini, èské l-a jouinn la foua sou la tè?

## Fariziin an ak publikin an

9 Li di parabol sa a tou pou sètin moun ki tap mété nan tèt yo ké yo jus, é ki tap méprizé lé zot: ${ }^{10}$ Dé zòm monté nan tanp la pou lapriè, gnoun té fariziin, é lot la té gnou publikin. ${ }^{11}$ Fariziin an kanpé li tap lapriè konsa nan kè-l: Bon-Dieu, mouin rann ou gras déské mouin pa tankou rès lè zòm yo, ki volè, malonnèt, adultè, ou biin minm tankou publikin sa a. ${ }^{12}$ Mouin fè jinn dé foua pa séminn, mouin bay la dim sou tou sa-m gingnin. ${ }^{13}$ Publikin an rété louin, li pat minm gin kouraj lévé jé-l nan sièl, li tap frapé léstonmak li, li tap di: Bon-Dieu, gin pitié pou mouin, paské mouin sé gnou péchè. ${ }^{14}$ Mouin di nou li, publikin an désann lakay li ak padon Bon-Dieu, pito pasé lot la. Paské ninpòt ki moun ki grandi tèt li va rabésé, é ninpòt ki moun ki rabésé tèt li, li va grandi.

## Jézu béni ti moun yo

15 Yo minnin ti moun ba li pou-l té pozé min li sou yo. Min disip yo, lè yo ouè sa, tap blanmin moun ki té minnin yo a. ${ }^{16}$ É Jézu rélé yo, é li di: Kité ti moun yo
vi-n jouinn mouin, é pa anpéché yo, paské rouayom Bon-Dieu a pou moun ki sanblé yo. ${ }^{17}$ Mouin di nou li an vérité, ninpòt ki moun ki pa résévoua rouayom BonDieu a tankou gnou ti moun pap antré ladan.

Jinn chèf rich la
18 Gnou chèf késionnin Jézu, é li di: Bon mèt, sa-m doué fè pou-m éritié la vi étènèl? ${ }^{19}$ Jézu réponn ni: Pouki ou ap rélé-m bon? Sé gnou sèl bon ki gingnin, sé Bon-Dieu. ${ }^{20} \mathrm{Ou}$ konnin komandman yo: Ou pap fè adultè; ou pap tué; ou pap volè; ou pap fè okin fo témouagnaj; onoré papa ou ak manman ou. ${ }^{21}$ Nonm
nan réponn: Map fè tout bagay sa yo dépi-m té jinn. ${ }^{22}$ Lè Jézu tandé sa, li di-1: Gin gnou bagay ki manké ou ankò: vann tou sa ou gingnin, séparé-l bay pov, é ou va gin gnou trézò nan sièl la. Épi vini, é suiv mouin. ${ }^{23}$ Lè-1 tandé parol sa yo, li vi-n tou tris, paské li té rich anpil. ${ }^{24}$ Lè Jézu ouè-1, li di: A la difisil sa difisil pou moun ki gin anpil lajan antré nan rouayom Bon-Dieu. ${ }^{25}$ Paské sé pi fasil pou gnou chamo ${ }^{a}$ pasé nan trou gnou zégui, pasé pou gnou rich antré nan rouayom Bon-Dieu. ${ }^{26}$ Moun ki tap kouté-1 yo di: É ki moun ki kapab sové? ${ }^{27}$ Jézu réponn: Sa ki inposib pou lè zòm posib pou Bon-Dieu.
a 18:25 Chamo: Gnou gro bèt doméstik.


Chamo yo

28 Alò Piè di: Min-ni, nou kité tout bagay é nou suiv ou. ${ }^{29}$ E Jézu di yo: Mouin di nou li an vérité, tout moun ki, pou tèt rouayom BonDieu .a, va kité kay li, ou biin madanm ni, ou biin frè li, ou biin fanmi ni, ou biin pitit li, ${ }^{30}$ va résévoua anpil pasé sa nan sièk sa a; é nan sièk kap vini an, l-a résévoua la vi étènèl.

Jézu anonsé lan mò li davans
31 Jézu pran douz yo koté-1, é li di yo: Min nap monté Jéruzalèm, é tou sa profèt yo té ékri sou lé Fis dé lòm va rivé. ${ }^{32}$ Paské ya livré-1 nan min payin yo, ya pasé-l nan bétiz, ya jouré-1, ya kraché sou li, ${ }^{33}$ é apré ya fi-n bat li ak fouèt, ya fè-l mouri, é touazièm jou a, l-a résusité. ${ }^{34}$ Min yo pa konprann angnin nan sa; sé té pou yo gnou langaj kaché, é yo pat konprann sa Jésu tap di.

## Jézu géri avèg la pré Jériko

35 Kom Jézu tap proché Jériko, gnou avèg té chita sou rébò chémin an, é li tap mandé charité. ${ }^{36}$ Lè-1 tandé foul la tap pasé, li mandé sa ki gingnin. ${ }^{37}$ Yo di-l: Sé Jézu Nazarèt kap pasé. ${ }^{38}$ E li rélé: Jézu, pitit David, gin pitié pou mouin. ${ }^{39}$ Moun ki tap maché dévan yo tap blanmin li pou fè-l pé, min li tap rélé pi fò ankò: Pitit David, gin pitié pou mouin. 40 Jézu rété, li bay lòd minnin-1 ba li, é lè-l proché, li mandé-l: ${ }^{41}$ Sa ou vlé m-fè pou ou? Li réponn: Ségnè, fè-m ouè
ankò. ${ }^{42}$ E Jézu di li: Ouè ankò, la foua ou sové ou. ${ }^{43} \mathrm{Minm}$ moman an, li ouè, é li suiv Jézu, ap rann gloua a Dieu. Lè tout pèp la ouè sa, li rann gloua a Dieu.

## Jézu é Zaché

19 Kom Jézu té antré Jériko, li tap travèsé la vil la. ${ }^{2} E \min -n i$, té gin gnou nonm yo té rélé Zaché, ki té chèf publikin yo, é ki té rich. ${ }^{3} \mathrm{Li}$ tap chaché ouè ki moun ki té Jézu, min li pat kapab rivé pou tèt foul la, paské li té gin ti tay. ${ }^{4} \mathrm{Li}$ pran kouri dévan, é li monté sou gnou pié sikomò pou ouè-l, paské Jézu té gin pou-1 pasé bó la. ${ }^{5}$ Lè Jézu rivé nan lié sa a, li lévé jé-1, li di-l: Zaché, présé désann, paské fok mouin rété lakay ou jodi a. ${ }^{6}$ Zaché présé désann, é li résévoua-1 ak kontantman. ${ }^{7}$ Lè yo ouè sa, tout moun tap babié, é yo tap di: Li antré kay gnou péchè pou li rété. ${ }^{8}$ Min Zaché kanpé dévan lé Ségnè, di-l: Min-ni, Ségnè, mouin bay pov mouatié biin-m yo, é si-m fè gnou moun tò nan kichoy, mouin rann ni kat foua plus. ${ }^{9}$ Jézu di-l: Lé salu antré jodi a nan kay sa a, paské sila a tou, sé gnou pitit Abraam. ${ }^{10}$ Paské lé Fis dé lòm vi-n chaché é sové sa ki té pèdu.

## Parabol dis mi-n yo

11 Kom yo tap kouté parol sa yo, Jézu ajouté gnou parabol, paské li té pré Jéruzalèm, é paské yo té


Zaché
koué minm lè a rouayom Bon-Dieu a ta pral parèt.
12 Donk, li di: Gnou nonm gran fanmi alé nan gnou péi louin pou fè ba li otorité kom roua, é pou-1 tounin apré. ${ }^{13} \mathrm{Li}$ rélé dis nan sèvitè-l yo, li ba yo dis mi-n, ${ }^{a}$ é li di yo: Fè yo rapòté jouk tan m-tounin. ${ }^{14} \mathrm{Min}$ moun nan péi li yo té rai-l, é yo voyé gnou délégasion dèyè-l pou di: Nou pa vlé nonm sa a régné sou nou. ${ }^{15}$ Lè-l tounin apré yo fi-n ba li otorité kom roua a , li fè rélé koté-l sèvitè li té bay lajan yo pou-l konnin koman yo chak té fè-l rapòté. ${ }^{16}$ Prémié a vini é li di: Ségnè, mi-n ou an rapòté dis mi-n an plus. ${ }^{17} \mathrm{Li}$ di-l: Sé biin, bon sèvitè, paské ou té fidèl nan pé-d-choz, résévoua gouvènman dis la vil. ${ }^{18}$ Dézièm nan vini, é li di: Ségnè, mi-n ou an rapòté sink mi-n. ${ }^{19} \mathrm{Li}$ di-l tou: Ou-minm, komandé sink la vil. ${ }^{20}$ Gnou lot vini, li di: Ségnè, min mi-n ou an mouin té séré nan gnou toual, ${ }^{21}$ paské mouin té pè ou, kom ou sé gnou nonm sévè; ou pran sa ou pa dépozé, é ou rékolté sa ou pa simin. ${ }^{22}$ Mèt li a réponn: Map jujé ou sou parol ou yo, sèvitè méchan; ou té konnin mouin sé gnou nonm sévè ki pran sa-m pa dépozé, é ki rékolté sa-m pa simin; ${ }^{23}$ pouki alò ou pat mété lajan-m nan la bank, pou lè-m tounin mouin ta ouété-l ak gnou intéré. ${ }^{24}$ E li di sa ki té la yo: Ouété mi-n nan nan min
li, é bay sila ki té gin dis mi-n yo li. ${ }^{25}$ Yo di-1: Ségnè, li gin dis mi-n. ${ }^{26}$ Mouin di nou li, ya bay moun ki gingnin, min moun ki pa gingnin, ya ouété minm sa li gingnin. ${ }^{27}$ Kant-a lénmi-m yo, ki pat vlé mouin régné sou yo a, minnin yo isi, é tué yo dévan-m.

## Jézu antré Jéruzalèm an trionf

28 Apré Jézu fi-n palé konsa li maché dévan pou monté Jéruzalèm.
29 Lè Jézu rivé pré Bétfajé ak Bétani, nan diréksion montagn yo rélé montagn zolivié a, li voyé dé nan disip li yo, li di yo: ${ }^{30}$ Alé nan bouk ki an fas la; lè na antré la, na jouinn gnou ti bourik maré, pèsonn pa janm chita sou li; démaré li, é minnin-l vini. ${ }^{31}$ Si gnou moun mandé nou: Pouki nap démaré-l, na réponn: Lé Ségnè bézouin ni.
32 Moun li té voyé yo alé, é yo jouinn tout bagay tankou Jézu té di yo a . ${ }^{33} \mathrm{Kom}$ yo tap lagé ti bourik la, mèt li yo di: Pouki nap démaré-1? ${ }^{34}$ Yo réponn: Lé Ségnè bézouin ni. ${ }^{35}$ É yo minnin ti bourik la bay Jézu. Yo jété rad yo sou li, é yo fè Jézu monté. ${ }^{36}$ Lè li komansé maché, moun yo tann rad yo sou chémin an. ${ }^{37}$ E lè-1 rivé tou pré Jéruzalèm pou li alé désann montagn zolivié a, gnou kontantman anparé tout foul disip yo, é yo mété ap bay Bon-Dieu louanj a

[^21]rot voua pou tout mirak yo té ouè yo. ${ }^{38}$ Yo tap di: Béni soua roua ki vini o non lé Ségnè a! La pé nan sièl la, é gloua nan lié trè ro yo.
39 Kèk fariziin rété nan mitan foul la, yo di: Mèt, rélé dèyè disip ou yo. ${ }^{40}$ E li réponn: Mouin di nou li, si yo pé, roch yo va rélé.
41 Kom li tap proché pré la vil la, Jézu, lè li ouè-l, krié sou li, é li di: ${ }^{42} \mathrm{Si}$ ou-minm tou, o mouin nan jou sa a yo ba ou a, ou té konnin bagay ki konsènin la pé ou! Min kou-n yé a, yo kaché nan jé ou. ${ }^{43}$ Jou yo va vi-n pou ou, énmi ou yo va vironnin ou ak tranché, ya vlopé ou é ya séré ou tou patou. ${ }^{44}$ Ya détoui ou, ouminm ak pitit ou yo nan mitan ou, é yo pap kité roch sou roch nan ou, paské ou pat konnin tan yo té vizité ou la.

Jêzu purifié tanp la
45 Li antré nan tanp la, é li mété-l ap chasé moun ki tap vann yo, ${ }^{46}$ ap di yo: Sa ékri: Kay mouin va gnou kay pou la priè, min nouminm, nou fè li tounin gnou kach-kach volè.
47 Li tap anségné tou lé jou nan tanp la. E chèf sakrifikatè yo, skrib yo ak notab pèp la tap chaché fè li mouri; ${ }^{48} \mathrm{~min}$ yo pat konnin koman pou yo té ranjé sa, paské tout pèp la tap kouté li ak admirasion.

Yo késionnin olorite Jézu kom Jézu tap anségné
pèp la nan tanp la, é ké li tap anonsé Lévanjil, chèf sakrifikatè yo, épi skrib yo ak ansiin yo vi-n rivé, ${ }^{2}$ é yo di-l: Di nou ak ki otorité ou ap fè bagay sa yo, ou biin ki lès ki ba ou otorité sa a? ${ }^{3} \mathrm{Li}$ réponn yo: Ma adrésé nou gnou késion tou: ${ }^{4} \mathrm{Di}$ mouin, batèm Jan an, èské li té sò̀ti bò koté sièl la ou biin bò koté lè zòm ? ${ }^{5}$ Min yo rézonnin konsa ant yo-minm; Si nou réponn: Bò koté sièl la, l-a di: Pouki sa nou pat kouè parol li? ${ }^{6}$ E si nou réponn: Bò koté lè zòm, tout pèp la va voyé roch sou nou, paské yo gin konviksion Jan té gnou profèt. ${ }^{7}$ Ald yo réponn yo pat konnin bò ki koté li té sòti. ${ }^{8}$ É Jézu di yo: Mouin-minm non plus, mouin pap di nou ak ki otorité mouin fè bagay sa yo.

## Parabol dignron yo

9 Apré sa, li mété-l ap di pèp la parabol sa a: Gnou nonm té planté gnou tè ak rézin, li anfèmin-n ak kèk vignron, é li kité péi a pou lontan. ${ }^{10}$ Lè rékolt la rivé, li voyé gnou sèvitè jouinn vignron yo pou yo té ba li gnou pati nan produi tè a. Vignron yo bat li, é yo ranvoyé-l san angnin. ${ }^{11}$ Gnou lot foua ankò, li voyé gnou lot sèvitè, yo bat li, yo jouré-1, é yo ranvoyé-1 san angnin. ${ }^{12} \mathrm{Li}$ voyé gnou touazièm ankò, yo blésé li, yo chasé-1. ${ }^{13}$ Aló, mèt tè a di: Sa ma fè? Ma voyé pitit biinn-émé-m nan; pètèt lè ya ouè-l, ya gin réspé pou li. ${ }^{14} \mathrm{Min}$,
lè vignron yo ouè li, yo rézonnin ant yo, yo di: Min éritié a, an nou tué li pou éritaj la rété pou nou. ${ }^{15}$ É yo jété li dèrò tè a, é yo tué-l. A lè ki lé, ki sa mèt tè a va fè yo? ${ }^{16}$ L-a vini, l-a fè vignron sa yo péri, é li va bay dot moun tè a.
Lè yo tandé sa, yo di: Mandé Bon-Dieu padon! ${ }^{17}$ Min Jézu voyé jé sou yo, li di: Sa sa vlé di, sa ki ékri a:

Roch moun ki tap bati yo voyé jété a,
Li tounin prinsipal roch kouin an?
${ }^{18}$ Ninpòt ki moun ki tonbé sou roch sa a va brizé, é moun roch sa a tonbé sou li va krazé.

## Sou késion péyé taks la bay Séza

19 Minm lè sa a, chèf sakrifikatè yo ak skrib yo tap chaché mété min sou li, paské yo té biin konprann sé pou yo Jézu té di parabol sa a , min yo té krinn pèp la. 20 Ald̀ yo mété yo ap suvéyé Jézu, é yo voyé kèk éspion ki té pran poz moun dé biin pou yo té tann ni pièj, é pou yo té pran nan bouch li kèk parol pou yo té livré-l bay otorité ak pouvoua gouvènè a. ${ }^{21}$ Moun sa yo pozé-l késion sa a: Mèt, nou konnin ou palé é ou anségné san manti, é ké ou pa gadé sou laparans, min ké ou anségné chémin BonDieu dapré la vérité. ${ }^{22}$ Èské
sé pèmi ou non pou péyé taks la bay Séza? ${ }^{23}$ Jézu ouè ruz yo, é li réponn yo: ${ }^{24}$ Montré-m gnou dénié. Pòtré ki moun ak non ki moun li pòté? Yo réponn ni: Séza. ${ }^{25}$ Alò li réponn yo: Donk, rann Séza sa ki pou Séza, é rann Bon-Dieu sa ki pou Bon-Dieu. ${ }^{26}$ Yo pat kapab réproché parol li yo angnin dévan pèp la; min yo té sézi dévan répons li a, é yo rété san palé.

## Késion sou rézuréksion an

27 Kèk zin nan saduséin ${ }^{a}$ yo, ki di nan pouin rézuréksion, proché é yo pozé Jézu késion sa a: ${ }^{28}$ Mèt, Moiz té ékri pou nou: Si gnou nonm gin gnou frè marié ki vi-n mouri san pitit, 1-a marié ak vèv la é li va bay frè li gnou désandans. ${ }^{29}$ Té gin sèt frè. Prémié a marié, é li mouri san fè pitit. ${ }^{30}$ Dézièm nan marié ak vèv la, épi touazièm nan tou; ${ }^{31}$ é minm bagay la fèt pou sèt frè yo, yo tout mouri san yo pa kité pitit. ${ }^{32}$ A la fin, fanm nan mouri tou. ${ }^{33}$ Lé la rézuréksion, madanm ki lès li va yé? Puiské tou lé sèt té gingnin li pou madanm. ${ }^{34}$ Jézu réponn yo: Pitit sièk sa a ap pran madanm ak mari; ${ }^{35} \mathrm{~min}$ moun ka mérité gin pa yo nan sièk kap vini an, ak nan rézuréksion mò yo, pap pran ni madanm ni mari, ${ }^{36}$ paské yo pap kapab mouri ankò, puiské yo va

[^22]tankou anj yo, é ké yo va pitit Bon-Dieu puiské yo va pitit la rézuréksion! ${ }^{37}$ Ké mò yo résusité, Moiz fè konnin sa nan istoua buison an, lè li rélé lé Ségnè BonDieu Abraam, Bon-Dieu Izaak ak Bon-Dieu Jakob. ${ }^{38}$ E Bon-Dieu pa Bon-Dieu lè mò, min Bon-Dieu moun vivan, paské dévan li yo tout vivan. ${ }^{39}$ Kèk zin nan skrib yo pran la parol, yo di: Mèt, ou biin palé. ${ }^{40}$ E yo pat gin odas pozé-1 okin késion ankò.

## Késion sou Pitit David

41 Jézu di yo: Koman yo fè di lé Kris sé pitit David? ${ }^{42}$ David li-minm di nan liv Som ${ }^{b}$ yo:

Lé Ségnè di Ségnè mouin:
Chita a douat mouin,
${ }^{43}$ Jouk tan m-fè lénmi ou yo tounin machpié ou.
${ }^{44}$ Donk David rélé-l: Ségnè; koman li fè pitit li?

## Jézu dénonsé skrib yo

45 Pandan tout pèp la tap kouté-l, li di disip li yo: ${ }^{46}$ Pran prékosion nou avèk skrib yo ki rinmin prominnin ak rơb long sou yo, é ki rinmin gran bonjou sou plas publik yo, kap chaché prémié chèz nan sinagog yo ak prémié plas nan féstin yo, ${ }^{47}$ kap dévoré kay vèv yo, é kap lapriè long pou fè ouè yo. Kondanasion yo va pi gran.

Ofrann vèo la

21Jézu lévé jé-l, é li ouè moun rich yo ki tap dépozé lajan nan bouèt kèt la. ${ }^{2} \mathrm{Li}$ ouè tou gnou pov vèv ki tap mété dé ti piès. ${ }^{3}$ É li di: An vérité, mouin di nou li, pov vèv sa a mété plus pasé tout lé zot yo; ${ }^{4}$ paské tout moun sa yo pran pou mété nan kès la, nan sa yo gingnin an trop; min liminm, li bay nan nésésè li, tou sa li té gin pou-l viv.

## Jézu anonsé davans déstruksion tanp la

5 Kom kèk zin tap palé sou bèl roch ak tout kado ki té dékoré tanp la, Jézu di: ${ }^{6}$ Jou yo va vini ké nan sa yo nou ouè la a, pap rété gnou sèl roch ki pap a tè.
7 Yo mandé-l: Mèt, ki lè sa va rivé, é sou ki sign ya rékonèt bagay sa yo pral rivé?
8 Jézu réponn: Evité pou yo pa pran tèt nou, paské pliziè va vini sou non mouin, ap di: Sé mouin-minm ki lé Kris, é tan an ap proché. Pa suiv yo. ${ }^{9}$ Lè na tandé palé la gè ak révolusion, pinga nou pè, paské fok bagay sa yo rivé avan. Min la fin an pap rivé tou suit konsa.
Sign yo ki oa parèt avan la fin an 10 Alò li di yo: Gnou nasion va lévé kont gnou nasion, gnou rouayom kont gnou rouayom; ${ }^{11}$ va gingnin gran tranbléman-d-tè, é nan divès koté, la pès ak grangou;
b 20:42 Som: Sé gnou liv la Bib ki gin gnou koléksion san sinkant kantik avèk priè.
va gin dé bagay térib ki va parèt ak dé gran sign nan sièl la. ${ }^{12} \mathrm{Min}$, avan tou sa, ya mété min sou nou, é ya pèsékuté nou; ya livré nou bay sinagog yo, ya jété nou nan prizon, ya minnin nou dévan roua ak dévan gouvènè pou tèt non mouin. ${ }^{13} \mathrm{Sa}$ va rivé nou pou nou rann témouagnaj. ${ }^{14}$ Donk, mété nan tèt nou pou nou pa paré défans nou davans. ${ }^{15}$ Paské ma ba nou gnou bouch ak gnou sajès okinn advèsè nou yo pap kapab rézisté dévan li, ni di angnin kont li. ${ }^{16}$ Fanmi nou minm, frè nou, moun ki pi pré nou, zanmi nou, va livré nou, é ya fè pliziè pami nou mouri. ${ }^{17}$ Tout moun va rai nou pou tèt non mouin. ${ }^{18}$ Min pa gnou chévé nan tèt nou pap pèdu. ${ }^{19} \mathbf{~ A k}$ pasians nou, na va sové nanm nou.

20 Lè nou va ouè Jéruzalèm vironnin ak lamé yo, konnin ké yo tou pré pou krazé-l. ${ }^{21}$ Alò, moun ki va nan la Judé yo, sové alé nan montagn yo; moun ki va nan mitan Jéruzalèm yo, sòti ladann, é moun ki va nan jadin, pa antré nan la vil la. ${ }_{22}$ Paské sé va dé jou vanjans pou sa ki ékri a vi-n rivé. ${ }^{23}$ Malè pou fanm ki va ansint é pou sa ki va ap bay pitit tété nan jou sa yo; paské va gin gnou gran détrès nan péi a , ak kolè kont pèp sa a. ${ }^{24}$ Ya tonbé an ba népé, é ya minnin yo prizonié pami tout nasion yo, é Jéruzalèm va an ba pié nasion yo jouk lè tan nasion yo va bout.

## Lé Fis dé lòm ap dini

25 Va gin dé sign nan solèy la, nan la lun nan ak nan zétoual yo, é sou la tè va gin kè séré pami nasion yo, ki pap konnin sa pou yo fè dévan bri lan mè ak lanm yo. ${ }^{26}$ Lè zòm va ap mouri ak la pè ap tann malè ki pral rivé la tè, paské puisans sièl yo va brannin. ${ }^{27}$ Alò ya ouè lé Fis dé lòm ap vini sou gnou nuaj ak gnou gran pouvoua é gnou gran gloua. ${ }^{28}$ Lè bagay sa yo va komansé rivé, gadé an ro é lévé tèt nou, paské délivrans nouap proché. ${ }^{29}$ E li di yo gnou parabol: Gadé figié a, ak tout pié boua yo. ${ }^{30}$ Kou yo komansé pousé, nou rink gadé, nou konnin pou kont nou ké lété sou nou. ${ }^{31}$ Minm jan an, lè na ouè bagay sa yo ap rivé, konnin rouayom Bon-Dieu a pré rivé. ${ }^{32}$ Mouin di nou li an vérité, jénérasion sa a pap pasé san tou sa pa rivé. ${ }^{33}$ Sièl la ak tè a va disparèt, min parol mouin yo pap janm pasé.
34 Véyé sou nou-minm pou kè nou pa vi-n lou an ba manjé, an ba bouè anpil, é an ba chajman-d-tèt la vi sa a, é pou jou sa a pa tonbé subitman sou nou tankou gnou sinn. ${ }^{35}$ Paské jou sa a va suprann tout moun ki va sou tout la tè. ${ }^{36}$ Donk véyé é lapriè tout tan pou nou kapab gin fós chapé an ba tout malè sa yo ki gin pou rivé, é pou nou kapab kanpé vivan dévan lé Fis dé lòm.
37 E Jézu tap anségné nan
tanp la pandan la jounin, min lé soua li té sòti al pasé nuit li sou montagn yo rélé montagn zolivié a. ${ }^{38}$ E kou-l té fè jou, tout pèp la té alé jouinn ni nan tanp la pou kouté-l.

## Konplo kont Jézu a

22Fèt pin san lévin ki té rélé Pak la tap proché. ${ }^{2}$ Chèf sakrifikatè yo ak skrib yo tap chaché ki mouayin pou yo té fè Jézu mouri; paské yo té krinn pèpla.
3 E Satan antré nan Juda, yo té rélé Iskariot, ki té fè pati douz yo. ${ }^{4}$ E Juda al fè konplo ak chèf sakrifikatè yo épi chèf gad yo sou ki jan pou li té livré-l ba yo. ${ }^{5}$ Yo té nan la joua é yo promèt ba li lajan. ${ }^{6} \mathrm{Li}$ tonbé dakò ak yo, é li tap chaché gnou bon okazion pou-1 té livré Jézu san foul la pa konnin.

## Jézu manjé Pak la ak disip li yo

7 Jou fèt pin san lévin yo, ki té jou pou sakrifis Pak la, rivé. ${ }^{8}$ E Jézu voyé Piè ak Jan, li di yo: Al préparé Pak la ba nou pou nou manjé li. ${ }^{9}$ Yo di-l: Ki koté ou vlé nou préparé-1? ${ }^{10} \mathrm{Li}$ réponn yo: Min-ni, lè nou va antré nan la vil la, na kontré gnou nonm kap pòté gnou kruch dlo; suiv li nan kay koté l-a antré a. ${ }^{11}$ E na di mèt kay la: Mèt la di ou: Ki koté chanm pou-m manjé Pak la ak disip mouin yo yé? ${ }^{12}$ É l-a montré nou gnou gran chanmot
méblé, é la, na va préparé Pak la. ${ }^{13}$ Yo pati, é yo jouinn tout bagay tankou li té di yo a; é yo préparé Pak la.
14 Kom lè a té rivé, li mété-l a tab, é apot yo chita ak li. ${ }^{15} \mathrm{Li}$ di yo: Mouin té anvi anpil manjé Pak sa a avèk nou, avan m-al soufri. ${ }^{16}$ Paské mouin di nou li, mouin pap janm manjé-l ankò jouk jou li va akonpli nan rouayom Bon-Dieu a. ${ }^{17}$ É li pran gnou koupa, li rann gras, é li di: Pran koup sa a, é séparé-l ant nou, ${ }^{18}$ paské mouin di nou li dépi kou-n yé a, mouin pap bouè frui rézin an ankó jouk tan rouayom Bon-Dieu a vini.
19 Apré sa, li pran pin, é lè-l fi-n rann gras, li kasé-l, é li ba yo-l, li di: Sa a, sé kò mouin ki té bay pou nou. Fè sa kom souvni mouin. ${ }^{20}$ Minm jan an, apré soupé, li ba yo koup la, li di: Koup sa a, sé nouvo alians nan san mouin ki vidé pou nou.
21 Poutan, moun kap livré-m nan, min min li sou tab sa a avèk mouin. ${ }^{22}$ Lé Fis dé lòm pralé, dapré sa ki té établi, min malè pou nonm ki traí-l la! ${ }^{23}$ É gnoun komansé ap mandé lot ki lès pami yo ki ta va fè sa.

## Diskusion disip yo sou ki lès ki pigran

24 Gnou diskusion lévé tou pami apot yo ki lès pami yo ki té doué konsidéré kom pi gran. ${ }^{25}$ Jézu di yo: Roua nasion komandé nasion yo

[^23]tankou mèt, é moun kap dominé sou yo, yo rélé yo biinfétè. ${ }^{26}$ Pinga sa rivé minm jan an pami nou. Min pi gran pami nou an, sé pou li tankou pi piti a, é sila kap gouvènin an, sé pou li tankou sila kap sèvi a. ${ }^{27}$ Paské, ki lès ki pi gran, moun ki a tab la, ou biin moun kap sèvi a ? Eské sé pa moun ki a tab la? Poutan, mouin-minm, mouin nan mitan nou tankou sila kap sèvi a. ${ }^{28}$ Nou-minm, nou sé moun ki pèsévéré avèk mouin nan éprèv mouin yo; 29 sé pou sa mouin dispozé rouayom nan an favè nou tankou Papa-m té dispozé-1 an favè pa-m, ${ }^{30}$ pou nou manjé é pou nou bouè sou tab mouin nan rouayom mouin, é pou nou chita sou tròn pou nou jujé douz tribu Izraèl yo.

Jézu anonsé davans ké Piè ta nié li 31 Lé Ségnè di: Simon, Simon, Satan réklamé nou pou li pasé nou nan krib tankou grinn blé. ${ }^{37} \mathrm{Min}$, mouin lapriè pou ou pou la foua ou pa tonbé; é ou-minm, lè ou va konvèti, fòtifié frè ou yo. ${ }^{33}$ Piè di-l: Ségnè, mouin prèt pou m-alé avèk ou é nan prizon é nan lan mò. ${ }^{34}$ É Jézu di: Piè, mouin di ou li, kok la pap gin tan chanté jodi a san ou pa nié toua foua ké ou konnin-m.

## Bous, sak épi népé

35 Li di yo ankò: Lè mouin té voyé nou san bous, san sak é san soulié, èské nou té manké kichoy? Yo réponn ni: Angnin. ${ }^{36}$ E li di yo:

A lè ki lé, o kontrè, moun ki gin gnou bous, pran li, moun ki gin gnou sak, pran li tou, é moun ki pa gin népé, vann rad li é achté gnou népé. ${ }^{37}$ Paské mouin di nou li, fok parol sa a ki ékri a akonpli nan mouin: Yo mété-l nan pami malfétè yo. É sa ki régadé-m tou prèt pou fi-n rivé. ${ }^{38}$ Yo di: Ségnè, min dé népé. É li di yo: Sa kont.

## Jézu lapriè nan jadin an

39 Apré li sòti, l-alé, sélon koutum li, sou montagn zolivié a. Disip li yo suiv li. 40 Lè li rivé la, li di yo: Lapriè pou nou pa tonbé nan la tantasion. ${ }^{41}$ Épi li alé louin yo, distans a pé pré gnou kou-d roch, é li mété-l a jénou, li lapriè, ${ }^{42}$ li di: Papa, si ou té vlé fè koup sa a alé louin mouin! Poutan, ké volonté-m pa fèt, min volonté pa ou. ${ }^{43}$ Alò, gnou anj parèt dévan ni, sòti nan sièl la pou fótifié-l. ${ }^{44}$ Etan li té nan lagoni, li tap lapriè pi plus, é suè-l vi-n tankou gro gout san ki tap tonbé a tè. ${ }^{45}$ Apré li fi-n lapriè, li lévé, li vi-n jouinn disip yo, li jouinn yo ap dòmi tank yo té tris. ${ }^{46}$ É li di yo: Pouki sa nap dòmi? Lévé, é lapriè pou nou pa tonbé nan tantasion.

Juda lioré Jézu é yo arété li
47 Kom li tap palé toujou, min gnou foul vi-n rivé; é sila ki té rélé Juda a, gnoun nan douz yo, tap maché dévan-n. Li proché sou Jézu pou bo li. ${ }^{48}$ E Jézu di-l: Juda, sé ak
gnou bo ou ap livré lé Fis dé lòm!
49 Moun ki té avèk Jézu yo, lè yo ouè sa ki ta pral rivé, di: Ségnè, èské na frapé ak népé? ${ }^{50}$ E gnoun ladan yo frapé sèvitè pi gran chèf sakrifikatè a , é li pòté zorèy douat li alé. ${ }^{51}$ Min Jézu pran la parol, li di: Lésé, rété! É li mangnin zorèy nonm nan, li géri-l.
52 Apré sa, Jézu di chèf sakrifikatè yo, chèf gad tanp yo, ak ansiin ki té vi-n kont li yo: Nou vi-n tankou dèyè gnou brigan, ak népé épi baton. ${ }^{53}$ Mouin té nan tanp la tou lé jou avèk nou, é nou pat mété min sou mouin. Min, koữ n yé a, sé lè nou ak pouvoua ténèb yo.

## Piè nié Jézu

54 Apré yo kinbé Jézu, yo minnin-l alé, é yo kondui-1 kay pi gran chèf sakrifikatè a. Piè tap suiv dé louin.
55 Yolumin di-fé nan mitan la kou a, é yo chita ansanm. Piè chita pami yo. ${ }^{56}$ Gnou sèvant ki ouè-l chita dévan di-fé a, fiksé jé-l sou li, é di: Nonm sa a té avèk li tou. ${ }^{57}$ Min li $\cdot$ nié-l, li di: Fanm, mouin pa konnin-l. ${ }^{58}$ Gnou moman apré, gnou lot ki ouè-l, di: Ou fè pati moun sa yo tou. E Piè di: O nonm, mouin pa fè pati yo. ${ }^{59}$ Anviron i-n-è-d-tan pi ta, gnou lot tap pèsisté ap di: Sètènman, nonm sa a té avèk li, paské sé moun la Galilé. ${ }^{60}$ Piè réponn: Nonm, mouin pa
konnin sa ou ap di. Minm moman an, kom li tap palé toujou, kok la chanté. ${ }^{61}$ Lé Ségnè viré, li gadé Piè, é Piè sonjé parol lé Ségnè té di-1 la: Anvan kok la chanté jodi a, ou va nié toua foua ké ou konnin-m. ${ }^{62}$ E li sòti, li krié avèk anpil chagrin.

Yo pasé Jézu nan bétiz é yo ba li kou 63 Mésié ki té kinbé Jézu yo tap pasé-l nan bétiz, é yo tap ba li kou. ${ }^{64}$ Yo bouché figu-1, é yo tap pozé-l késion, ap di: Déviné ki moun ki ba ou kou. ${ }^{65}$ E yo tap di li anpil lot jouman.

Yo minnin Jézu dévan tribunal la 66 Lè jou vi-n fèt, asanblé ansiin pèp la, chèf sakrifikatè yo épi skrib yo réuni, é yo fè minnin Jézu nan sannédrin ${ }^{b}$ yo a. ${ }^{67}$ Yo di: Si ou sé lé Kris, di nou sa. Jézu réponn yo: Si mouin di nou li, nou pap kouè-l; 68 é si-m pozé nou késion, nou pap réponn mouin. ${ }^{69}$ A lè ki lé, lé Fis dé lòm va chita a douat BonDieu tou puisan an. ${ }^{70}$ Yo tout di: Donk, ou sé Fis dé Dieu a? É li réponn yo: Nou di li, mouin sé li. ${ }^{71}$ Alò yo di: Ki témouagnaj nou bézouin ankò? Nou tandé-1 nou-minm nan bouch li.

## Jézu dévan Pilat

23 Tout konpagni an lévé, 23 é yo kondui Jézu dévan Pilat.

[^24]2 Yo mété ap akuzé-l, yo tap di: Nou jouinn nonm sa a ap éksité nasion nou an pou révolté, lap anpéché péyé taks bay Séza, lap di li-minm li sé lé Kris roua. ${ }^{3}$ Pilat mandé-1: Ėské sé ou minm ki roua Juif yo? Jézu réponn ni: Ou di-l.
4 Pilat di chèf sakrifikatè yo ak foul la: Mouin pa jouinn angnin ki koupab nan nonm sa a. ${ }^{5}$ Min yo pessisté é yo di: Lap soulvé pèp la, lap anségné nan tout la Judé, dépi la Galilé, koté-l té komansé a, jouk isi.

## Jêzu déoan Érod

6 Lè Pilat tandé palé la Galilé, li mandé si nonm sa a té moun la Galilé. ${ }^{7}$ E lè-l aprann li té sou administrasion Érod, li ranvoyé-1 bay Érod ki té trouvé-1 Jéruzalèm tou jou sa yo.
8 Lè Érod ouè Jézu, li té trè kontan; paské dépi lontan li té anvi ouè-l, pou tèt sa li té tandé yo di sou li, é li té éspéré li ta ouè-l fè kèk mirak. ${ }^{9} \mathrm{Li}$ adrésé-1 anpil késion, min Jézu pa réponn li angnin. ${ }^{10}$ Chèf sakrifikatè yo ak skrib yo té la, é yo tap akuzé-l ak furè. ${ }^{11}$ Erod, avèk gad li yo, té trété-l ak mépri; li pasél nan bétiz, é apré-l fè mété gnou rad kléré sou li, li ranvoyé-l bay Pilat. ${ }^{12}$ Jou sa a minm, Pilat ak Érod vi-n zanmi, dé lénmi yo té yé anvan sa.

## Jézu ou biiin Barabas

13 Pilat rasanblé chèf sakrifikatè yo, majistra yo ak pèp
la, ${ }^{14}$ li di yo: Nou minnin nonm sa a ban mouin kom gnou nonm kap éksité pèp la révolté. É mouin pozé li késion dévan nou, é mouin pa jouinn li koupab okin krim nap akuzél yo; ${ }^{15}$ ni Érod non plus, puiské li ranvoyé li ba nou, é min-ni, nonm sa a pa fè angnin ki mérité lan mò. ${ }^{16}$ Konsa, ma lagé-l apré ké ma fè bat li ak fouèt.
17 Chak fèt li té oblijé lagé gnou prizonié ba yo. ${ }^{18}$ Yo tout ansanm rélé: Fè sila a mouri, é lagé Barabas ba nou. ${ }^{19}$ Yo té mété nonm sa a nan prizon pou gnou révolusion ki té fèt nan la vil la, é pou gnou krim. ${ }^{20}$ Pilat palé avèk yo ankò nan lidé lagé Jézu. ${ }^{21}$ E yo rélé: Krusifié-1, krusifié-l! ${ }^{22}$ Pilat di yo pou la touazièm foua: Ki mal li fè? Mouin pa jouinn angnin nan nonm sa a ki mérité lan mò. Konsa, ma lagé-l apré ké ma fè bat li ak fouèt. ${ }^{23}$ Min, yo pèsisté ap mandé ak dé gran rèl pou yo krusifié-l. E rèl yo fè yo gingnin. ${ }^{24}$ Pilat déklaré ké sa yo té mandé a ta fèt. ${ }^{25} \mathrm{Li}$ lagé sila yo té mété nan prizon pou révolusion ak gnou krim yo té réklanmin an, é li livré Jézu ba yo sélon volonté yo.

## Jézu krusifié

26 Kom yo tap minnin li alé, yo pran gnou sètin Simon, moun Sirèn, ki té sòti nan jadin, é yo chajé li ak koua a pou li té pòté-l dèyè Jézu.
27 Gnou gran foul moun tap suiv li, ak kèk fanm ki tap
bat léstonmak yo é ki tap plinn sou li. ${ }^{28}$ Jézu viré koté yo, é li di yo: Fi Jéruzalèm, pa krié sou mouin; min krié sou nou ak sou pitit nou yo. ${ }^{29}$ Paské, min-ni, dé jou va vini ya di: Biinnéré fanm ki pat kapab fè pitit yo, zantray ki pa anfanté, ak manmèl ki pa bay tété. ${ }^{30}$ Alò ya komansé di montagn yo: Tonbé sou nou! Ya di mòn yo: Kouvri nou! ${ }^{31}$ Paské si yo fè boua vèt la bagay sa yo, sa ka rivé boua sèk?
32 Yo tap kondui an minm tan dé malfétè pou fè yo mouri avèk Jézu.
33 Lè yo rivé koté yo rélé krann nan, yo krusifié-l la ak dé malfétè yo tou, gnoun a douat, lot a goch. ${ }^{34}$ Jézu di: Papa, padonnin yo, paské yo pa konnin sa yap fè. Yo tiré o sò séparé rad li.
35 Pèp la té rété la ap gadé. Majistra yo tap pasé Jézu nan bétiz ap di: Li sové lé zot, ké li sové tèt li li-minm, si li sé Kris, sila Bon-Dieu chouazi a. ${ }^{36}$ Solda yo tou tap pasé-l nan bétiz; yo proché, yo prézanté vinèg ba li, é yo di: ${ }^{37} \mathrm{Si}$ ou sé roua Juif yo, sové tèt ou ou-minm.
38 An lè tèt li, té gin sa ki téékri: Sila a, sé Roua Juif yo.
39 Gnoun nan malfétè krusifié yo tap jouré-l ap di: Eské ou pa lé Kris? Sové tèt ou ou-minm, é sové nou! ${ }^{40} \mathrm{Min}$, lot la réproché-l, é li di: Ou pa pè Bon-Dieu, ouminm kap subi minm kon-
danasion an? ${ }^{41}$ Pou nou, sé la justis, paské nou résévoua sa krim nou mérité; min sila a pa fè angnin ki mal. ${ }^{42}$ E li di Jézu: Sonjé mouin, lè ou va vini nan règn ou an. ${ }^{43}$ Jézu réponn ni: An vérité, mouin di ou li, jodi a, ou va avèk mouin nan Paradi.
44 Sé té déja a pé pré sizièm è ${ }^{a}$ a, é vi-n gin ténèb sou tout péi a jouk névièm è. ${ }^{b}{ }^{45}$ Solèy la vi-n sonm, é voual tanp la chiré nan mitan.
46 Jézu rélé ak gnou voua fò: Papa, mouin rémèt léspri mouin nan min ou. É pandan lap di parol sa yo, li rann souf li.
47 Santénié a, lè li ouè sa ki té rivé, rann gloua a Dieu, é li di: Sètènman, nonm sa a té jus.
48 E tout foul moun ki tap asisté spéktak sa a, apré yo ouè sa ki té rivé, yo rétounin ap frapé léstonmak yo. ${ }^{49}$ Tout moun konnésans Jézu yo, é fanm ki té kinbé-1 konpagni dépi la Galilé yo, tout té rété louin, é yo tap gadé sa ki tap pasé.

Yo mété kò Jézu nan kapo
50 Té gin gnou manm sannédrin an yo té rélé Jozèf, sé té gnou nonm bon é jus, ${ }^{51} \mathrm{ki}$ pat mélé nan sa lé zot yo té désidé, é nan sa yo té fè yo; li té moun Arimaté, gnou la vil la Judé, é li tap tann rouayom Bon-Dieu a. ${ }^{52}$ Nonm sa a alé jouinn Pilat, é li mandé kò Jézu. ${ }^{53} \mathrm{Li}$

[^25]désann ni sou koua a, li vlopé-l nan gnou dra, é li dépozé-l nan gnou kavo tayé nan rok la, koté yo pat ko mété pèsonn. ${ }^{54}$ Sé té jou préparasion an, é saba a ta pral komansé.
55 Fanm ki té vi-n sòti la Galilé avèk Jézu yo, akonpagné Jozèf, yo ouè kavo a, é ki jan kò Jézu té dépozé ladan. ${ }^{56}$ É lè yo rétounin, yo préparé aromat ak pafin. Epi yo répozé yo, jou saba a, sélon komandman an.

## Rézuréksion Jézu-Kri

24Prémié jou la séminnn ${ }^{a}$ nan, yo alé nan kavo a gran matin avèk aromat yo té préparé yo. ${ }^{2}$ Yo jouinn roch la té ralé sòti dévan kavo $\mathrm{a} ;{ }^{3} \mathrm{~min}$ lè yo antré, yo pa jouinn kò lé Ségnè Jézu. ${ }^{4}$ Kom yo pat konnin sa pou yo té pansé dé sa, min dé zòm parèt dévan yo, ak rad yo briyan tankou zéklè. ${ }^{5}$ La pè anparé yo, é yo bésé figu yo jouk a tè, min dé zòm yo di yo: Pouki nap chaché pami mò yo sila ki vivan an ? ${ }^{6} \mathrm{Li}$ pa isit, min li résusité. Sonjé ki jan li té palé nou lè-l té nan la Galilé toujou, ${ }^{7}$ é ké li tap di: Fok lé Fis dé lòm livré nan min péchè yo, ké yo krusifié-l, é ké li résusité touazièm jou a. ${ }^{8}$ E yo vi-n sonjé parol Jézu yo.
9 Lè yo tounin sòti nan kavo a, yo bay onz yo ak tout lé zot yo nouvel tout
bagay sa yo. ${ }^{10}$ Moun ki di apot yo bagay sa yo, sé té Mari moun Magdala, Jann, Mari, manman Jak épi lé zot ki té avèk yo. ${ }^{11}$ Yo gadé parol sa yo tankou rèv, é yo pat kouè fanm sa yo. ${ }^{12}$ Min Piè lévé, é li kouri nan kavo a. Lè li bésé, li pa ouè pasé toual ki té a tè yo. Épi l-alé lakay li, li té sézi sa ki té rivé a.
Jézu palé ak disip ki pral Émaus
13 E min-ni, minm jou sa a, dé disip tap pralé nan gnou bouk yo té rélé Émaus, ki té gnou distans souasant stad ${ }^{\text {b }}$ ak Jéruzalèm; ${ }^{14}$ é yo tap kozé sou tou sa ki té pasé. ${ }^{15}$ Pandan yo tap palé épi diskuté, Jézu li-minm proché é li fè rout avèk yo. ${ }^{16} \mathrm{Min}$, jé yo pat ann éta pou yo rékonnèt li. ${ }^{17} \mathrm{Li}$ di yo: Sou ki sa nap kozé étan nap maché a? E yo rété kanpé tou tris. ${ }^{18}$ Gnoun ladan yo ki té rélé Kléopas réponn ni: Eské ou sé sèl étranjé nan Jéruzalèm ki pa konnin sa ki rivé la jou sa yo? Li di yo: Ki sa? ${ }^{19}$ É yo réponn: Sa ki rivé Jézu dé Nazarèt ki té gnou profèt puisan an zèv é an parol dévan Bon-Dieu é dévan tout pèp la, ${ }^{20}$ é koman chèf sakrifikatè yo ak majistra nou yo livré-l pou fè kondané-l a mò, é koman yo krusifié-l. ${ }^{21}$ Nou té éspéré sé li ki ta délivré Izraèl. Min ak tou sa, sa fè touazièm jou

[^26]bagay sa yo pasé. ${ }^{22}$ Sé vré kèk fanm pami nou biin sézi nou, kom yo té alé gran matin nan kavo a, ${ }^{23}$ é ké yo pa jouinn kò li, yo vi-n di gin anj ki parèt dévan yo anonsé yo li vivan. ${ }^{24}$ Kèk zin nan sa ki té ak nou yo alé nan kavo a, é yo jouinn tout bagay tankou fanm yo té di a; min li-minm yo pa ouè-1. ${ }^{25}$ Alò Jézu di yo: O moun san konprann, é ki gin gnou kè ki mété tan pou kouè tou sa profèt yo té di! ${ }^{26}$ Eské sé pat pou lé Kris té soufri bagay sa yo é antré nan la gloua li? ${ }^{27}$ E komansé ak Moiz épi tout profèt yo, 1 i éspliké yo nan tout lèz Ekritu sa ki té régadé-1. ${ }^{28}$ Lè yo rivé pré bouk koté yo tap pralé a, li té sanblé vlé alé pi louin. ${ }^{29}$ Min yo prié-l, yo di-l: Rété avèk nou, paské asouè ap proché, è jounin an ap fini. E li antré pou li rété avèk yo. ${ }^{30}$ Étan li té a tab avèk yo, li pran pin an; é apré li fi-n rann gras, li kasé-l é li ba yo li. ${ }^{31}$ Alò, jé yo louvri, é yo rékonèt li; min li disparèt dévan jé yo. ${ }^{32} E$ gnoun di lot: Eské kè nou pa tap boulé anndan nou lè li tap palé avèk nou nan chémin an, é ké li tap éspliké nou lèz Ekritu yo? ${ }^{33}$ Yo lévé minm lè a, yo tounin Jéruzalèm é yo jouinn onz yo é sa ki té avèk onz yo rasanblé, ${ }^{34}$ ap di: Lé Ségnè résusité vré, é li parèt dévan Simon. ${ }^{35}$ E. yo rakonté sa ki té rivé yo nan chémin an, é koman yo té rékonèt li o moman li té kasé pin an.

Jézu parèt dévan onz yo
36 Pandan yo tap palé konsa, Jézu li-minm prézanté nan mitan yo, é li di yo: La pé soua avèk nou! ${ }^{37}$ La fréyè ak la krint anparé yo, é yo té kouè sé gnou léspri yo té ouè. ${ }^{38}$ Min li di yo: Pouki nou troublé, é pouki dé lidé kon sa ap lévé nan kè nou? ${ }^{39}$ Gadé min mouin yo ak pié mouin yo, sé biin mouinminm. Mangnin mouin é gadé: gnou léspri pa gin ni chè ni zo tankou nou ouè mouin gingnin an. ${ }^{40}$ Pandan li tap di sa, li montré yo min li yo ak pié li yo. ${ }^{41} \mathrm{Kom}$ nan kontantman yo, yo pat ko kouè toujou, é ké yo té nan sézisman, li di yo: Eské nou gin kèk bagay pou manjé isi a? ${ }^{42}$ Yo prézanté-1 gnou mòso pouason griyé. ${ }^{43} \mathrm{Li}$ pran-n é li manjé-l dévan yo.
44 Épi li di yo: Sé la sa-m tap di nou, lè-m té avèk nou toujou a, fok tou sa ki té ékri sou mouin nan la loua Moiz la, nan profèt yo ak nan Som yo té rivé. ${ }^{45}$ Alò li louvri léspri yo pou yo té konprann lèz Ékritu yo. ${ }^{46}$ E li di yo: Konsa, sa ékri ké lé Kris té doué soufri é ké li ta résusité dé mò touazièm jou a, ${ }^{47}$ é ké la répantans ak padon péché yo ta va préché, nan non li, bay tout nasion yo, a komansé Jéruzalèm. ${ }^{48}$ Nou sé témouin bagay sa yo. ${ }^{49}$ E mouin-minm, ma voyé ba nou sa Papa-m promèt la; min nou-minm rété nan la vil la jouk tan nou kouvri ak pouvoua ki va sòti an ro a.

Jézu monté nan sìl
50 Li kondui yo jouk bò Bétani, é li lévé min-n, li béni yo. ${ }^{51}$ Pandan li tap béni yo, li séparé ak yo, é li monté nan
(sièl. ${ }^{52}$ Yo-minm, lè yo fi-n adoré-l, yo tounin Jéruzalèm ak gnou gran kontantman; ${ }^{53}$ é yo té tout $\tan$ nan $\operatorname{tanp}$ la, ap béni Bon-Dieu.

# Lévanjil sélon JAN 

## La Paròl tounin chè

1O kòmansman la Paròl té la, é la Paròl té avèk Bon-Dieu, é la Paròl té BonDieu. ${ }^{2}$ Li-minmlitéavèk BonDieu o kòmansman. ${ }^{3}$ Tout bagay té fèt gras-a li; é nan tou sa ki té fèt, pa gin angnin ki té fèt san li. ${ }^{4}$ Sé nan li la vi té yé, é la vi té la lumiè lèz òm. ${ }^{5}$ La lumiè kléré nan ténèb, é ténèb pa résévoua li.
6 Té gin gnou nonm BonDieu té voyé, non li té Jan. ${ }^{7} \mathrm{Li}$ té vi-n pou sèvi témouin, pourannla lumiè témouagnaj, pou tout moun té kapab kouè gras-a li. ${ }^{8} \mathrm{Li}$ pa té la lumiè, min li té vini pou rann la lumiè témouagnaj. ${ }^{9}$ Sila a sé té vré lumiè a, lumiè ki kléré tout òm ki té vi-n nan lé monn. ${ }^{10} \mathrm{Li}$ té nan lé monn, é sé li ki té fè lé monn, é lé monn pa té konnin-l. ${ }^{11} \mathrm{Li}$ té vini jouinn moun pa li yo, é sa ki té moun pa li yo pa résé-voua-l. ${ }^{12} \mathrm{Min}$ li bay tout moun ki résévoua li pouvoua pou yo vini pitit Bon-Dieu, tou sa yo ki kouè nan non li, ${ }^{13}$ sa yo ki pa né gras-a san, ni gras-a volonté la chè, ni
gras-a volonté lòm, min ki né dé Bon-Dieu.
14 É la Paròl té tounin chè, li té abité pami nou plin ak gras é ak vérité, é nou ouè gloua li, tankou gloua sè Pitit Papa a. ${ }^{15}$ Jan rann li témouagnaj. Li lévé la voua, li di: Sé sou li mouin té di: Sila ki vini apré mouin an dépasé-m, paské li té avan mouin. ${ }^{16}$ E nou tout té résévoua pa nou nan akonplisman li, é gras sou gras. ${ }^{17}$ Moiz té bay la loua; sé avèk Jézu-Kri la gras é la vérité vini. ${ }^{18}$ Pèsonn pa janm ouè Bon-Dieu; sèl Pitit la ki nan $\sin$ Papa a, sé li ki fè moun konnin-l.

## Témouagnaj Jan-Batis

19 Min ki témouagnaj Jan té bay, lè Jouif yo té voyé sakrifikatè ${ }^{a}$ avèk lévit ${ }^{b}$ sòti Jéruzalèm pou mandé li: Ki moun ou yé? ${ }^{20} \mathrm{Li}$ konfésé é li pa nié; li konfésé: Mouin pa lé Kris.
21 E yo mandé li: E-byin, ki sa? Eské ou sé Éli? É Jan di: Sé pa mouin. Eské ou sé profèt la? E Jan di: Non. ${ }^{22}$ Alò yo di li: Ki moun ou yé? pou nou kapab
a 1:19 Sakrifikate:: Sou tan Jouif yo, sé té moun ki té la éspésialman pou ofri sakrifis pou pèp la, nan tanp la.
1:19 Lévit: Sé té désandan ras Lévi, pitit Jakob. Sé gnou fanmi Bon-Dieu té mété a pa dépi lontan, konsakré antièman pou sèvis li.
bay moun ki voyé nou yo gnou répons. Sa ou di sou tèt ou? ${ }^{23} \mathrm{Li}$ di: Mouin sé voua sila $k$-ap rélé nan dézè a :
Fè chémin lé Ségnè douat, kòm profèt Ézai té di. ${ }^{24}$ Sé farizyin yo ki té voyé yo. ${ }^{25}$ E yo késionnin li ankó, yo di li: Pouki sa ou ap batize, si ou pa lé Kris, ni Éli, ni profèt la? ${ }^{26}$ Jan réponn yo: Mouin batizé ak dlo, nan mitan nou gin gnoun ké nou pa konnin, ${ }^{27}$ sila a minm ki vini apré mouin, gnoun mouin pa mérité pou délasé lasèt soulié li.
28 Bagay sa yo té pasé Bétani, lòt bò Joudin, ${ }^{c}$ koté Jan t-ap batizé a.

Gadé Agno Bon-Dieu a
29 Nan démin li ouè Jézu ap vini jouinn li, é li di: Gadé Agno Bon-Dieu a, ki ouété péché lé monn! ${ }^{30}$ Sé sou li mouin té di: Gin gnou nonm k-ap vini apré mouin ki dépasé-m, paské li té avan mouin. ${ }^{31}$ Mouin pat konnin-l, min pou pèmèt pèp Izraèl rékonnèt li, sé pou sa mouin vi-n batizé avèk dlo. ${ }^{32}$ E Jan rann témouagnaj sa a: Mouin ouè Léspri désann sòti nan siel kou gnou pijon, é li rété sou li. ${ }^{33}$ E mouin pat konnin-l; min sila ki voyé-m batizé avèk dlo a, liminm li té di mouin: Sila ou va ouè Léspri désann sou li é rété sou li a, sé li k-ap batizé avèk Sint-Éspri. ${ }^{34}$ Ê mouin ouè, é mouin rann témoua-
gnaj késila sé Pitit Bon-Dieua.

## Prémié disip yo

35 Nan démin ankò, Jan té kanpé avèk dé tan disip li yo; ${ }^{36}$ li ouè Jézu ap pasé é li di: Gadé Agno Bon-Dieu a! ${ }^{37}$ Dé disip yo té tandé-l palé, é yo suiv Jézu. ${ }^{38}$ Jézu viré, li ouè yo ap suiv li, é li di yo: Ki sa n-ap chaché? Yo réponn li: Rabi (ki vlé di Mèt), ki koté ou rété? ${ }^{39} \mathrm{Li}$ di yo: Vini, nou va ouè. Yo alé, yo ouè koté li rété; yo rété avèk li jou sa a. Sé té a-pé-pré dizièm è.
40 André, frè Simon Piè, té gnoun nan dé ki té tandé Jan palé, é ki té suiv Jézu. ${ }^{41}$ An prémié li jouinn frè li Simon, é li di-l: Nou jouinn lé Mési (ki vlé di Kris). ${ }^{42}$ É li minnin-l bay Jézu. Jézu gadé-l, é li di: Ou sé Simon, pitit Jan; yo va rélé ou Séfas (ki vlé di Piè).

Filip é Natanaèl résévoua apèl
43 Nan démin Jézu té vlé alé nan Galilé, é li jouinn Filip. Li di-l: Suiv mouin. ${ }^{44}$ Alò Filip té moun Bétsaida, vil André ak Piè.
45 Filip jouinn Natanaèl, é li di-l: Nou jouinn sila sou ki Moiz té ékri nan la loua, é sou ki profèt yo té palé tou, Jézu moun Nazarèt, pitit Jozèf. ${ }^{46}$ Natanaèl di li: Eské angnin ki bon kapab sòti Nazarèt? Filip di li: Vini ouè. ${ }^{47}$ Jézu ouè Natanaèl ap vini koté li, é li di sou li: Gadé gnou vré Izraélit ki

[^27]pa gin fròd nan li! ${ }^{48}$ Natanaèl di li: Koté ou konnin mouin? Jézu réponn li: Avan Filip té rélé ou, lè ou té an-ba pié fig la, mouin té ouè ou. ${ }^{49}$ Natanaèl réponn li: Rabi, ou sé Pitit Bon-Dieu a, ou sé roua Izraèl. ${ }^{50}$ Jézu réponn li: Paské mouin di ou mouin té ouè ou an-ba pié fig la, ou kouè? Ou va ouè bagay ki pi gran pasé sa. ${ }^{51}$ É li di-1: An vérité, an vérité, mouin di ou, ou va ouè sièl la ouvè, é zanj Bon-Dieu yo ap monté désann sou lé Fis dé Lòm. ${ }^{d}$

## Gnou mariaj nan Kana

2Touazièm jou a té gin mariaj Kana, an Galilé, é manman Jézu té la. ${ }^{2}$ Jézu té invité nan mariaj la tou, avèk disip li yo. ${ }^{3}$ Lè du vin an fini, manman Jézu di li: Yo pa gin du vin. ${ }^{4}$ Jézu réponn li: Madanm, nan ki sa mouin yé avèk ou? Lè mouin pa ko rivé. ${ }^{5}$ Manman li di sèvitè yo: Ninpòt sa li di nou, fè li. ${ }^{6}$ Alò té gingnin la sis ja plasé pou sèvi dapré


Gnou ja
koutum Jouif yo pou purifiéa yo; chak té kinbé dé ou toua mézu. ${ }^{7}$ Jézu di yo: Plin ja yo dlo. E yo plin yo jouk nan bouch. ${ }^{8} \mathrm{Li}$ di yo: $A$ lè ki lé, pran ladan yo, pòté bay mèt sérémoni a. Yo pòté ba li. ${ }^{9}$ Lè mèt sérémoni a gouté dlo a ki té tounin du vin, san li pa konnin ki bò li sòti (min sèvitè yo ki té pran dlo a té konnin), mèt sérémoni a rélé msié marié a, ${ }^{10}$ é li di-l: Tout òm sèvi bon du vin an prémié; é lè tout moun fi-n bouè kont yo, li sèvi sa ki pa si bon; ou-minm, ou kinbé bon du vin an jouk koun-yé a.
11 Sé kòmansman mirak li yo ké Jézu té fè nan Kana an Galilé. Li montré gloua li, é disip li yo kouè nan li.
12 Apré sa li désann Kapènaòm, li-minm avèk manman li, frè li yo é disip li yo, é yo pa rété la anpil jou.

## Jézu purifié tanp la

13 La Pak Jouif yo té pré, é Jézu monté Jéruzalèm. ${ }^{14}$ Nan tanp la li jouinn moun ki t-ap vann bèf, mouton, pijon, é sa ki t-ap chanjé lajan yo chita. ${ }^{15}$ Li fè gnou fouèt avèk kòd, é li chasé yo tout déyò tanp la, ansanm avèk mouton yo é bèf yo; è li jété lajan sa ki t-ap chanjé yo, li chaviré tab yo. ${ }^{16} \mathrm{E}$ li di sa ki t-ap vann pijon yo: Ouété bagay sa yo isit la, pa fè kay Papa mouin gnou kay

[^28]konmès. ${ }^{17}$ Disip li yo sonjé sa ki té ékri:

Zèl la kay ou ap dévoré mouin.
18 Alò Jouif yo réponn, yo di li: Ki sign ou montré nou pou ou aji konsa? ${ }^{19}$ Jézu réponn yo: Détoui tanp sa a é nan toua jou mouin va lévé-l. ${ }^{20}$ Alò Jouif yo di: Yo pran karann-sis ané pou bati tanp sa a, é nan toua jou ou va lévé li? ${ }^{21}$ Min li t-ap palé sou tanp kò li. ${ }^{22}$ Donk, lè li lévé nan la mò, disip li yo sonjé li té di sa; é yo kouè nan Lékritu a, é nan paròl Jézu té di.

## Jézu konnin tout moun

23 Lè Jézu té Jéruzalèm pou Pak la, nan fèt la, anpil moun té kouè nan non li lè yo té ouè mirak li fè. ${ }^{24}$ Min Jézu pat fié nan yo, paské li té konnin tou lèz òm, ${ }^{25}$ é paské li pat bézouin pèsonn pou ba li témouagnaj sou lòm; paské li-minm li té konnin sa ki té nan lòm.

## Jézu avèk Nikodèm

3Min té gin gnou nonm pami farizyin yo, yo té rélé Nikodèm, gnou chèf Jouif yo. ${ }^{2} \mathrm{Li}$ t-alé jouinn Jézu nan nuit, é li di-l: Mèt, nou konnin ou sé gnou diréktè ké Bon-Dieu voyé; paské pèsonn pa kapab fe mirak sa ou fè yo, si Bon-Dieu pa avèk li. ${ }^{3}$ Jézu réponn li: An vérité, an vérité, mouin di ou, si gnou nonm pa né dé nouvo li pa kapab ouè rouayom Bon-Dieu. ${ }^{4}$ Nikodèm di li: Kòman gnou nonm kapab né si li vié? Eské li kapab
antré nan vant manman li gnou dézièm foua, pou li kapab né? ${ }^{5}$ Jézu réponn: An vérité, an vérité, mouin di ou, si gnou nonm pa né gras-a dlo é gras-a Léspri, li pa kapab antré nan rouayom Bon-Dieu. ${ }^{6} \mathrm{Sa}$ ki né dé la chè sé la chè; é sa ki né dé Léspri sé léspri. ${ }^{7} \mathrm{~Pa}$ sézi si mouin di ou: Fòk ou né dé nouvo. ${ }^{8}$ Van souflé koté li vlé, é ou tandé bri li; min ou pa konnin koté li sòti ni koté li pralé. Sé konsa pou tout moun ki né dé Léspri. ${ }^{9} \mathrm{Ni}$ kodèm di li: Ki jan bagay sa yo kapab fèt? ${ }^{10}$ Jézu réponin li: Ou sé doktè pèp Izraèl, épi ou pa konprann bagay sa yo? ${ }^{11}$ An vérité, an vérité, mouin di ou, nou palé sa nou konnin é nou bay témouagnaj sou sa nou ouè; é nouz òt nou pa résévoua témouagnaj nou. ${ }^{12} \mathrm{Si}$ mouin palé nou bagay la tè, nou pa kouè; ki jan nou va kapab kouè si mouin palé nou bagay sièl la? ${ }^{13}$ Pèsonn pat monté nan sièl sòf sila a ki té désann sòti nan sièl, lé Fis dé Lòm ki nan sièl la.
14 É minm jan Moiz té lévé sèpan an an-lè nan dézè a, sé minm jan lé Fis dé Lòm gin pou lévé an-lè, ${ }^{15}$ pou ninpót moun ki kouè nan li kapab gin la vi étènèl.

Bon-Dieu tèlman rinmin lé monn
16 Paské Bon-Dieu tèlman rinmin lé monn ké li bay sèl Pitit li a, pou ninpòt moun ki kouè nan li pa péri, min pou li gingnin la vi étènèl. ${ }^{17}$ Paské Bon-Dieu pat voyé

Pitit li nan lé monn pou jujé lé monn, min pou lé monn té kapab sové gras-a li. ${ }^{18} \mathbf{P a}$ gin jujman pou sila a ki kouè nan li; sila a ki pa kouè nan li fi-n jujé déja, paské li pa kouè nan non sèl Pitit Bon-Dieu a. ${ }^{19}$ E min jujman an: La lumiè té vini nan lé monn, é lèz òm té rinmin ténèb pasé la lumiè, paské zèv yo té mové. ${ }^{20}$ Paské moun ki fè mal rayi la lumiè, é li pa vini nan la lumiè, pou yo pa réproché zèv li. ${ }^{21}$ Min sila a ki fè sa ki vré vini nan la lumiè, pou zèv li kapab montré ké sé nan Bon-Dieu yo fèt.

## Zanmi mari a

22 Apré bagay sa yo, Jézu vini avèk disip li yo nan péyi Judé; li rété la avèk yo é li batizé moun. ${ }^{23}$ E Jan tou t-ap batizé nan Enon, tou pré Salim, paské té gin anpil dlo la; moun té vini, é yo batizé yo. ${ }^{24}$ Paské lè sa a, Jan pat ko nan prizon.
25 Gnou diskusion lévé ant disip Jan yo, avèk gnou Jouif, sou la purifikasion. ${ }^{26}$ É yo vi-n jouinn Jan, yo di li: Mèt, sila ki té avèk ou lòt bó Joudin an, sila ou té rann témouagnaj la, min l-ap batizé, é tout moun alé jouinn li. ${ }^{27}$ Jan réponn, li di: Gnou nonm pa résévoua angnin ké lé sièl pa voyé ba li. ${ }^{28}$ Nouminm, nou témouin ké mouin té di: Mouin pa lé Kris, min ké yo voyé-m dévan li. ${ }^{29}$ Sila ki gin la marié a, sé mari a; min zanmi mari a ki
rété ap kouté-l, li gin joua anpil paské li tandé voua mari a; sé joua pa-m sa ki akonpli. ${ }^{30}$ Sé pou li grandi é pou mouin vi-n piti.

## Sila ki sòti an-ro a

31 Sila ki sòti an-ro a, li sou tèt tout. Sila a ki sòti nan la tè sé moun la tè, é li palé kou moun la tè; sila a ki sodi nan sièl sou tèt tout. ${ }^{32} \mathrm{Li}$ bay témouagnaj sou sa li ouè é sa li tandé; é pèsonn pa résévoua témouagnaj li. ${ }^{33}$ Moun ki résévoua témouagnaj li sètifié ké BonDieu vré. ${ }^{34}$ Paské sila BonDieu voyé a, palé paròl BonDieu: paské Bon-Dieu pa bay Léspri avèk mézu. ${ }^{35}$ Papa a rinmin lé Fis, é li rinmèt tout bagay nan min li. ${ }^{36}$ Sila a ki kouè nan lé Fis gin la vi étènèl; min sila a ki pa obéyi lé Fis p-ap ouè la vi, min kolè BonDieu rété sou li.
Jézu palê avèk fanm samaritin an
4 Lè lé Ségnè konnin ké 4 farizyin yo tandé ké li t-ap fè plus disip pasé Jan é ké li t-ap batizé plus ${ }^{2}$ (sépandan Jézu li-minm pat batizé moun, min sé té disip li yo), ${ }^{3}$ li kité Judé é li alé ankò nan Galilé.
4 E li té oblijé pasé pa Samari. ${ }^{5}$ Donk li rivé nan gnou vil Samari, yo rélé Sikar, tou pré mòso tè Jakob té bay Jozèf, pitit li. ${ }^{6}$ Sé la pui Jakòb la té yé. Alò Jézu, fatigé avèk vouayaj la, chita bò pui a. Sé té a-pé-pré sizièm è. ${ }^{a}$

7 Gnou fanm Samari vini pou tiré dlo. Jézu di li: Ban mouin bouè. ${ }^{8}$ Paské disip li yo té alé nan la vil la pou achté manjé. ${ }^{9}$ Alò fanm samaritin an di li: Ki jan, ouminm ki Jouif, mandé-m bouè, mouin ki gnou fanm samaritin? (Paské Jouif pa ann afè avèk Samaritin.) ${ }^{10}$ Jézu réponn li: Si ou té konnin sa Bon-Dieu bay, é ki moun ki di ou: Ban-m bouè a! ou ta mandé li, é li ta ba ou gnou dlo vivan. ${ }^{11}$ Fanm nan di li: Msié, ou pa gin angnin pou ou tiré dlo, é pui a fon; ki bò ou ta pran dio vivan sa a ? ${ }^{12}$ Eské ou pi gran pasé papa nou Jakòb, ki té ban nou pui a, é ki té bouè ladan-l, li-minm avèk pitit li, é bèt li? ${ }^{13}$ Jézu reponn li: Tout moun ki bouè dlo sa a va souaf ankoे, ${ }^{14}$ min ninpot moun ki va bouè dlo m -a ba li a p-ap janm souaf, min dlo m-a ba li a va tounin nan li gnou pui dlo, ki va ponpé jouk nan la vi étènel. ${ }^{15}$ Fanm nan di li: Msié, ban mouin dlo sa a pou-m pa souaf, é pou-m pa tounin isi a tiré dlo. ${ }^{16}$ Jézu di li: Alé rélé mari ou, é tounin isi. ${ }^{17}$ Fanm nan réponn: M-pa gin mari. Jézu di li: Ou byin di: M-pa gin mari; ${ }^{18}$ paské ou pasé sink mari, é sila ou gin koun-yé a, pa mari ou; nan sa ou di vré. ${ }^{19}$ Fanm nan di li: Msié, mouin santi ké ou sé gnou profèt. ${ }^{20}$ Zansèt nou té adoré sou mòn sa a, é nouz do nou di koté lèz òm té doué adoré sé Jéruzalèm. ${ }^{21}$ Jézu di li: Madanm, kouè mouin, tan an
ap vini lè nou p-ap adoré Papa a ni sou mòn sa a, ni Jéruzalèm. ${ }^{22}$ Pati pa ou adoré sa nou pa konnin; nou-minm, nou adoré sa nou konnin, paské salu sosti nan Jouif yo. ${ }^{23}$ Min $\tan$ an ap vini, é li vini déja, lè adoratè tout bon yo va adoré Papa a ann éspri é an vérité: paské sé moun sa yo Papa a ap chaché pou adoratè. ${ }^{24}$ Bon-Dieu sé Éspri: Fòk moun ki adoré li adoré-1 ann éspri é an vérité. ${ }^{25}$ Fanm nan di li: Mouin konnin ké lé Mési ap vini (ké yo rélé lé Kris); lè li vini, li va dévouale nou tout bagay. ${ }^{26}$ Jézu di li: Mouin k-ap palé ou la, mouin sé li. 27 Lè sa a, disip li yo rivé, é yo sézi paské li t -ap palé avèk gnou fanm. Min pèsonn pa di li: Sa ou ap mandé? ou-byin: Pouki ou ap palé avèk li? ${ }^{28}$ Alò fanm nan kité pòt dlo a, li alé la vil la, é li di moun yo: ${ }^{29}$ Vini ouè gnou nonm ki di mouin tou sa-m fè: èské li pa lé Kris? ${ }^{30}$ Yo sòti la vil la, é yo t-ap vini jouinn li.
31 Nan $\tan$ sa a, disip yo prié li, yo di: Mèt, manjé. ${ }^{32}$ Min li di yo: Mouin gin gnou manjé nou pa konnin pou mouin manje. ${ }^{33}$ Alò disip yo, gnoun di lòt: Èské kèk moun pòté kichóy ba li pou-1 manjé? ${ }^{34}$ Jézu di yo: Manjé mouin sé pou-m fè volonté sila ki voyé-m nan, é pou-m akonpli travay li. ${ }^{35}$ Eské nou pa di, rété kat moua ankò pou rékòt rivé? Gadé, mouin di nou, lévé jé nou, gadé jadin yo, yo déja
tou blan pou rékòt. ${ }^{36}$ Moun ki kéyi rékòt résévoua gnou pèy, é li rékòlté foui pou la vi étènèl, pou ni sa ki simin, ni sa ki rékòlté kapab kontan ansanm. ${ }^{37}$ Paské sé nan sa paròl la vré: Gnoun simin, gnou lòt rékòlté. ${ }^{38}$ Mouin voyé nou fè rékòt koté nou pat travay; lòt moun té travay, é nou antré nan travay yo.
39 E nan la vil sa a anpil nan Samaritin yo té kouè nan li a-kòz paròl fanm nan ki té témouagné: Li di mouin tou sa-m fè. ${ }^{40}$ Donk lè Samaritin yo vini jouinn li, yo mandé-l pou li rété avèk yo; é li rété la dé jou. ${ }^{41} E$ plus moun ankò té kouè a-kòz paròl pa-1 minm. ${ }^{42}$ E yo di fanm nan: Koun-yé a nou kouè, pa a-kòz sa ou té di a: paské nou tandé li nou-minm, é nou konnin ké an vérité li sé Sovè lé monn.

## Jézu géri pitit ofsisié a

43 Apré dé jou, li sòti la, li alé Galilé. ${ }^{44}$ Paské Jézu li-minm témouagné ké gnou profèt pa gin onnè nan pròp péyi li. ${ }^{45}$ Lè li rivé nan péyi Galilé, moun Galilé yo résévoua-l, yo té ouè tout bagay li té fè étan Jéruzalèm, nan fèt la; paské yo té alé nan fèt la tou. ${ }^{46}$ Alò li rivé Kana an Galilé ankó, koté li té fè dlo tounin du vin an.
Té gingnin gnou ofisié roua ki té gin pitit li malad nan Kapènaòm. ${ }^{47}$ Lè li tandé ké Jézu té sòti la Judé vini Galilé, li alé koté-l, li suplié-1 pou-l désann géri pitit li a,
paské li té prèt pou mouri. ${ }^{48}$ Alò Jézu di li: Si nou pa ouè mirak avèk mèvèy, nou p-ap janm kouè. ${ }^{49}$ Ofisié roua a di li: Ségnè, désann avan pitit mouin an mouri. 50 Jézu di li: Alé, pitit ou a ap viv. Nonm nan kouè parol Jézu té di li a, é li alé. ${ }^{51}$ É kòm li t-ap désann, sèvitè li yo kontré-l, yo di-l ké pitit li a t-ap viv. ${ }^{52} \mathrm{Li}$ mandé yo ki lè li té kòmansé réfè. Alò yo di ii: La fièv la kité li yè, nan sètièm è a. ${ }^{53}$ Papa a rékonnèt ké sé lè sa a ké Jézu té di li: Pitit ou a ap viv. É li kouè, li-minm avèk tout kay li.
54 Sila a ankò sé dézièm mirak Jézu té fè, lè li sòti la Judé vini Galilé.

Jézu géri moun infim Bétèzda a
5 Apré bagay sa yo, té gin gnou fèt Jouif yo, é Jézu monté Jéruzalèm.
2 Nan Jéruzalèm, bò koté Pòt Mouton yo, gingnin gnou basin, ké yo rélé Bétèzda ann ébré, ki gin sink bèl antré. ${ }^{3}$ Té gin gnou kantité moun malad kouché la: avèg, bouaté, paralitik $L$ ap tann mouvman dlo a, ${ }^{4}$ paské gnou zanj té konn désann tan-zan-tan nan basin an pou mété dlo a an mouvman: prémié moun ki té désann apré dlo a té an mouvman, té géri malgré ninpòt maladi li té gingnin لـ.
5 Té gin gnou nonm la ki té infim dépi trant-uit an. ${ }^{6}$ Lè Jézu ouè li kouché, é li konnin ké gin lontan li té nan éta sa a, li di-l: Ou ta vlé géri? ${ }^{7}$ Nonm malad la réponn li: Msié, mouin pa


Fanm nan bò pui a
gin pèsonn, lè dlo a an mouvman, pou mété-m nan basin an: min lè m-ap rivé, gnou lòt désann avan mouin. ${ }^{8}$ Jézu di li: Lévé, pran kabann ou, é maché. ${ }^{9}$ E minm lè a, nonm nan té géri; li pran kabann li, é li maché.
Min jou sa a sé té saba. ${ }^{a}$ ${ }^{10}$ Alò Jouif yo di sila ki té géri a: Sé saba, é sé pa dakò avèk la loua pou ou pran kabann ou. ${ }^{11} \mathrm{Li}$ réponn yo: Sila ki géri-m nan, li-minm li té di mouin: Pran kabann ou, é maché. ${ }^{12}$ Yo mandé li: Ki moun sa ki di ou: Pran kabann ou, é maché? ${ }^{13}$ Min sila ki té géri a pat konnin ki lès; paské té gin gnou gran foul nan lié sa a, é Jézu té disparèt. ${ }^{14}$ Apré sa Jézu jouinn li nan tanp la, é li di-l: Gadé, ou géri; pa fè péché ankò pou bagay pi mal pa rivé ou. ${ }^{15}$ Nonm nan alé, é li di Jouif yo ké sé Jézu ki té géri li. ${ }^{16}$ Sé pou sa Jouif yo té pèsékuté Jézu, paské li té fè bagay sa yo jou saba.
17 Min Jézu réponn yo: Papa mouin ap travay jouk koun-yé a, é m-ap travay tou. ${ }^{18}$ Donk, pou-tèt sa Jouif yo chaché plus ankò pou tué li, paské li pat sèlman violé saba, min li té rélé BonDieu Papa li tou, li té fè tèt li égal avèk Bon-Dieu.

## Otorité Pitit la

19 Alò Jézu réponn, é li di yo: An vérité, an vérité, mouin di nou: Lé Fis pa
kapab fè angnin pou tèt li, min sèlman sa li ouè Papa a fè: paské ninpòt sa Papa a fè, sé sa tou lé Fis fè minm jan. ${ }^{20}$ Paské Papa a rinmin lé Fis, li montré li tout bagay li-minm li fè: é l-a montré li pi gran zèv ankò pasé sa, pou fè nou sézi. ${ }^{21}$ Minm jan Papa a lévé lè mò é ba yo la vi, minm jan lé Fis tou bay moun li vlé la vi. ${ }^{22}$ Papa a pa jujé pèsonn, min li rinmèt le Fis tout jujman; ${ }^{23}$ pou ké tout moun bay lé Fis onnè, minm jan yo bay Papa a onnè. Moun ki pa onoré lé Fis, pa onoré Papa ki voyé li a. ${ }^{24}$ An vérité, an vérité, mouin di nou: Moun ki kouté paròl mouin, é kouè sila ki voyé mouin an, li gin la vi étènèl, é li pa vini nan jujman, min li sòti nan la mò, li antré nan la vi. ${ }^{25}$ An vérité, an vérité, mouin di nou: Lè a ap vini, é li vini déja, lè mò yo va tandé voua lé Fis Bon-Dieu, é sila ki tandé a va viv. ${ }^{26}$ Paské minm jan Papa a gin la vi nan li-minm, minm jan an tou li pèmèt lé Fis gin la vi nan li-minm. ${ }^{27} \mathrm{Li}$ ba li otorité pou-l ékzékuté jujman paské li sé lé Fis dé Lóm. ${ }^{28} \mathbf{P a}$ sézi pou sa: Lè a ap vini, lè tou sa yo ki nan tonm va tandé voua li. ${ }^{29}$ Yo va sòti déyó: sa yo ki té fè byin, va résusité pou la vi; sa yo ki té fè mal va résusité pou jujman.

## Témouin pou Jézu

30 Mouin pa kapab fè

[^29]angnin pou kont moụin. Jan mouin tandé, mouin jujé; é jujman mouin jus, paské mouin p-ap chaché volonté pa-m, min volonté sila ki voyé mouin an.
31 Si mouin rann tèt mouin témouagnaj, témouagnaj mouin pa vré. ${ }^{32}$ Sé gnou lòt k-ap rann témouagnaj sou mouin, é mouin konnin ké témouagnaj li rann sou mouin an vré. ${ }^{33}$ Nou voyé koté Jan, li rann la vérité témouagnaj. ${ }^{34}$ Min témouagnaj mouin résévoua $a$, sé pa témouagnaj gnou nonm; mouin palé konsa pou nou kapab sové. ${ }^{35}$ Jan sé lanp ki té lumin é ki t-ap kléré a; nou té vlé pran plézi nan lumiè li pou gnou tan. ${ }^{36}$ Min témouagnaj mouin gingnin an pi gran pasé pa Jan; paské zèv Papa a ban mouin fè, zèv sa yo minm ké mouin fè, yo rann témouagnaj ké sé Papa a ki voyé-m. ${ }^{37}$ E Papa a ki voyé-m, rann mouin témouagnaj. Nou pa janm tandé voua li, ni nou pa ouè fòm li. ${ }^{38}$ E paròl li pa déméré nan nou: paské nou pa kouè sila li voyé a. ${ }^{39} \mathrm{Nou}$ sondé lèz Ekritu paské nou kouè ké nan yo nou gin la vi étènèl: é sé yo minm ki rann mouin témouagnaj. ${ }^{40}$ E nou pa vlé vini jouinn mouin pou nou gin la vi!
41 Mouin pa résévoua gloua nan min lèz òm. ${ }^{42} \mathrm{Min}$ mouin konnin nou, ké nou pa gin lamou Bon-Dieu nan nou. ${ }^{43}$ Mouin vini $o$ non Papa mouin, é nou pa résévoua-m: si gnou lòt vini
sou pròp non pa li, nou va résévoua li. ${ }^{44}$ Kòman nou kapab kouè, nou ki résévoua gloua gnoun nan min lòt, é ki pa chaché gloua ki sòti nan Bon-Dieu sèlman? ${ }^{45} \mathrm{~Pa}$ pansé ké mouin va akuzé nou dévan Papa a: gin gnoun k-ap akuzé nou, Moiz minm, sou li nou mété éspoua nou. ${ }^{46}$ Paské si nou té kouè Moiz, nou ta kouè mouin, paské sé sou mouin li té ékri. ${ }^{47}$ Min si nou pa kouè sa li té ékri, kòman nou va kapab kouè pardl mouin?

Jézu bay sink mil moun manjé
6 Apré bagay sa yo, Jézu alé lòt bò la mè Galilé, ki rélé la mè Tibériad. ${ }^{2}$ Gnou gran foul t-ap suiv li, paské yo té ouè mirak li fè sou moun ki té malad yo. ${ }^{3}$ Jézu monté sou mòn nan, é li chita la avèk disip li yo.
4 Lè sa a, Pak, fèt Jouif yo, té pré.
5 Donk Jézu lévé jé-l, li ouè gnou gran foul moun vini jouinn li, li di Filip: Ki koté pou nou achté pin, pou yo kapab manjé? ${ }^{6} \mathrm{Li}$ di sa pou sondé-l, paské li té konnin sa li té pral fè. ${ }^{7}$ Filip réponn li: Dé san goud pin pa asé pou yo, pou pèmèt chak moun résévoua gnou ti mòso. ${ }^{8}$ Gnoun nan disip li yo, André, frè Simon Piè, di li: ${ }^{9}$ Gingnin gnou ti gason isi a ki gin sink pin lòj, avèk dé pouason: min ki sa sa yé pou tout moun sa yo? ${ }^{10}$ Jézu di: Fè pèp la chita. Alò té gin anpil zèb nan lié sa a. Donk yo chita, an kantité
anviron sink mil òm. ${ }^{11}$ Jézu pran pin yo, é lè li fi-n rann gras, li distribué yo bay moun ki té chita yo; minm jan tou avèk pouason yo, valè yo té vlé. ${ }^{12}$ Lè yo té rasazié, li di disip li yo: Ranmasé mòso yo ki rété, pou angnin pa pèdu. ${ }^{13}$ Alò yo ranmasé yo, yo plin douz panié avèk mòso sink pin lòj yo ki té rété lè yo fi-n manjé.
14 Donk lè pèp la ouè mirak li té fè a, yo di: An vérité, sé profèt ki vini nan lé monn nan sa. ${ }^{15}$ Alò Jézu konnin ké yo té pral vi-n pran li pa fòs pou fè li roua, li ralé kò li ankò sou mòn nan, pou kont li.

## Jézu maché sou la mè

16 Lè asouè rivé, disip li yo désann bò la mè. ${ }^{17}$ Yo antré nan gnou bato pou yo té alé Kapènaòm, lòt bó la mè a. Té fè noua, é Jézu pat ko vini jouinn yo. ${ }^{18} \mathrm{La}$ mè a t-ap monté paské gnou gro van t-ap soufié. ${ }^{19}$ Donk lè yo té ramé a-pé-pré sink kilomèt, yo ouè Jézu ap maché sou la mè, é ap proché bò bato a. Yo té pè. ${ }^{20} \mathrm{Min}$ Jézu di yo: Sé mouin: pa pè! ${ }^{21}$ Donk yo té vlé pran li nan bato a, é minm lè a bato a rivé nan lié koté yo té pralé a.

## Moun yo ap chachē Jézu

22 Nan démin, foul ki té rété lòt bò la mè a ouè ké pat gin lot bato, sof gnou sèl, é ké Jézu pat antré nan bato sa a avèk disip li yo, min ké disip yo té alé pou kont yo. ${ }^{23}$ (Poutan té gin
bato ki té sòti Tibériad, tou pré koté yo té manjé pin an, lè lé Ségnè té rann gras la.) ${ }^{24}$ Donk lè foul la ouè ké Jézu pat la, ni disip li yo, yominm yo antré nan bato é yo vi-n Kapènaòm, pou chaché Jézu.

## Jêzu sé pin la oi

25 Lè yo jouinn li lòt bò la mè a, yo di li: Mèt, ki lè ou vi-n isi? ${ }^{26}$ Jézu: réponn yo: An vérité, an vérité, mouin di nou, n-ap chaché mouin, sé pa paské nou ouè mirak, min paské nou té manjé pin, é nou té rasazié. ${ }^{27} \mathrm{~Pa}$ travay pou la nouritu ki péri, min pou la nouritu ki déméré pou la vi étènèl, é ké lé Fis dé Lòm va ban nou: paské Papa a, BonDieu minm, mété so sou li. ${ }^{28}$ Donk yo di li: Ki sa nou doué fè pou nou fè zèv BonDieu? ${ }^{29}$ Jézu réponn yo: Min sa ki zèv Bon-Dieu: pou nou kouè nan sila li voyé a. ${ }^{30}$ Donk yo di li: Min ki sa ou fè kòm sign, pou nou kapab ouè, é kouè ou? Ki zèv ou fè? ${ }^{31}$ Zansèt nou yo té manjé la ma-n nan dézè $a$, jan sa ékri:

Li ba yo pin ki sòti nan sièl pou yo manjé.
${ }^{32}$ Ald̀ Jézu di yo: An vérité, an vérité, mouin di nou, sé pa Moiz ki té ban nou pin ki sòti nan sièl; min sé Papa-m ki ban nou pin tout bon ki soti nan sièl. ${ }^{33}$ Paské pin BonDieu a, sé sila ki désann sòti nan sièl, é ki bay lé monn la vi.
34 Yo di li: Ségnè, ban nou pin sa a tout tan.

35 Jézu di yo: Mouin sé|minm ki ouè Papa a. ${ }^{47}$ An pin la vi: Moun ki vi-n jouinn mouin p-ap janm grangou, é moun ki kouè nan mouin p-ap janm souaf. ${ }^{36}$ Min mouin di nou sa: Nou ouè mouin, poutan nou pa kouè. ${ }^{37}$ Tout moun Papa a ban mouin va vi-n jouinn mouin; é moun ki vi-n jouinn mouin, mouin p-ap janm mété li déyò. ${ }^{38}$ Paské mouin désann sòti nan sièl pa pou mouin fè volonté $\mathrm{pa}-\mathrm{m}$, min volonté sila ki voyé-m nan. ${ }^{39} \mathrm{Min}$ volonté sila ki voyé-m nan: sé pou mouin pa pèdu angnin nan tou sa li ban mouin, min ké mouin résusité tout, dènié jou a. ${ }^{40}$ Paské, min volonté Papa mouin: sé pou chak moun ki gadé lé Fis, é ki kouè nan li, doué gin la vi étènèl; é m-a résusité li dènié jou a.
41 Alò Jouif yo bougonnin pa rapò a li, paské li té di: Mouin sé pin ki désann sòti nan sièl. ${ }^{42}$ É yo di: Ėské sé pa Jézu, pitit Jozèf, sila nou konnin papa li avèk manman li a? Kòman donk li di: Mouin désann sòti nan sièl?
43 Jézu réponn yo: Pa bougonnin ant nou. ${ }^{44}$ Pèsonn pa kapab vi-n jouinn mouin si Papa a ki voyé-m pa atiré li: é m-a résusité li dènié jou a. ${ }^{45}$ Sa ékri nan profèt yo:

E yo tout va instoui sou Bon-Dieu.
Tout moun ki tandé Papa a, é ki aprann nan min li, yo vi-n jouinn mouin. ${ }^{46}$ Sé pa ké pèsonn ouè Papa a, sòf sila a ki sòti nan Bon-Dieu: sé li-
vérité, an vérité, mouin di nou, moun ki kouè nan mouin, li gin la vi étènèl. ${ }^{48}$ Mouin sé pin la vi. ${ }^{49}$ Papa nou té manjé la ma-n nan dézè a, é yo mouri. ${ }^{50}$ Sila a sé pin ki désann sòti nan sièl, pou moun ki manjé li kapab pa mouri. ${ }^{51}$ Mouin sé pin vivan an ki désann sòti nan sièl. Si gnou moun manjé pin sa a, li va viv pou janmin: oui, é pin mouin va bay pou la vi lé monn nan, sé chè mouin.
52 Donk Jouif yo diskuté gnoun avèk lòt, yo di: Koेman nonm sa a kapab ban nou chè li pou-n manjé?
53 Alò Jézu di yo: An vérité, an vérité, mouin di nou: Si nou pa manjé chè lé Fis dé Lòm, é bouè san li, nou pa gin la vi nan nou. ${ }^{54}$ Moun ki manjé chè mouin, é ki bouè san mouin, gin la vi étènèl; é m-a résusité li dènié jou a. ${ }^{55}$ Paské chè mouin sé gnou nouritu tout bon, é san mouin sé gnou bouason tout bon. ${ }^{56}$ Moun ki manjé chè mouin, é ki bouè san mouin, déméré nan mouin, é mouin nan li. ${ }^{57}$ Minm jan Papa a ki vivan voyé mouin, é m-ap viv gras-a Papa a, sé minm jan moun ki manjé chè mouin va viv gras-a mouin. ${ }^{58}$ Sila a sé pin ki désann sòti nan sièl: sé pa kou papa nou ki té manjé la ma-n, é yo mouri. Moun ki manjé pin sa a va viv pou janmin.
59 Jézu di bagay sa yo nan sinagòg la, lè li t-ap anségné nan Kapènaòm.

## Paròl la vi ćtênèl

60 Lè yo tandé sa, pluziè nan disip li yo di: Parol sa a rèd, ki moun ki kapab kouté li? ${ }^{61}$ Min Jézu té konnin nan liminm ké disip yo té plingnin sou sa, li di yo: Eské sa choké nou? ${ }^{62}$ Atò si nou té ouè lé Fis dé Lòm ap monté koté li té yé avan an? ${ }^{63}$ Sé léspri ki bay la vi; la chè pa profité angnin. Paròl mouin di nou yo, sé léspri é la vi. ${ }^{64}$ Min gingnin pami nou kèk moun ki pa kouè. Paské Jézu té konnin dépi o komansman moun ki pat kouè yo, é ki lès ki ta trayi li. ${ }^{65}$ É li di: Sé pou-tèt sa mouin di nou ké pèsonn pa kapab vi-n jouinn mouin si Papa a pa akòdé li sa.
66 Dépi lè sa a, pluziè nan disip li yo ralé kò yo, é yo pa maché avèk li ankò.
67 Alò Jézu di douz yo: É nou-minm, nou pa vlé alé tou? ${ }^{68}$ Simon Piè réponn li: Ségnè, ki lès pou nou alé jouinn? Ou gingnin paròl la vi étènèl, ${ }^{69}$ é nou kouè é nou konnin ké ou sé Kris, Sin Bon-Dieu a. 70 Jézu réponn yo: Eské mouin pa chouazi nou douz? E gnoun nan nou sé gnou démon! ${ }^{71}$ Alò li t-ap palé sou Juda, pitit Simon Iskariòt, paské sé té li, gnoun nan douz yo, ki té pou trayi li.

## Frè Jézu yo pal kouè nan li

7Apré bagay sa yo, Jézu vouayajé nan Galilé; li pat vlé vouayajé nan Judé, paské Jouif yo t-ap chaché tué li.

2 Lè sa a fèt Jouif yo, fèt Tabènak la, té pré. ${ }^{3}$ Alò frè li yo di li: Kité isit la, é alé la Judé, pou disip ou yo tou kapab ouè zèv ou fè. ${ }^{4}$ Paské pèsonn pa fè angnin an kachèt lè li vlé yo konnin li a klè. Si ou ap fè bagay sa yo, montré ou-minm bay lé monn.
${ }_{5}$ Paské minm frè li yo pat kouè nan li. ${ }^{6}$ Jézu di yo: Tan mouin pa ko vini, min tan pa nou toujou paré. ${ }^{7}$ Lé monn pa kapab rayi nou; min li rayi mouin, paské mouin témouagné sou li, ké zèv li mové. ${ }^{8}$ Alé nou-minm nan fèt la; mouin pa ko ap monté nan fêt sa a, paské tan mouin pa ko akonpli. ${ }^{9}$ É lè li di yo sa, li rété Galilé toujou.

## Jézu nan fêt Tabènak la

10 Min apré frè li yo té monté nan fèt la, li-minm tou, li monté, pa an publik, min an sékrè.
11 Jouif yo chaché li nan fèt la, é yo di: Koté li yé? ${ }^{12}$ É té gin anpil k-ap mumuré sou li nan foul la. Kèk moun t-ap di: Sé gnou nonm dé byin. Lèzòt t-ap di: Sépa sa, 1-ap kondui pèp la nan lérè.
${ }^{13}$ Poutan okinn moun pa palé sou li karé, pa la krint Jouif yo.
14 Min lè sé té mitan fèt la, Jézu monté nan tanp la, é li anségné. ${ }^{15}$ Jouif yo sézi, yo di: Kòman nonm sa a fè konnin lèz Ékritu, li pa janmin aprann? ${ }^{16}$ Jézu réponn yo: Anségnman mouin pa sòti nan mouin, min nan sila ki voyé-m nan. ${ }^{17} \mathrm{Si}$ gnou moun vlé fè volonté Bon-

Dieu, li va konnin si anségnman mouin sé pa Bon-Dieu ou-byin si m-ap palé pou tèt mouin.
18 Moun ki palé pou tèt li, chaché pròp gloua pa li; min moun ki chaché gloua sila ki voyé-l, li-minm li vré, é pa gin injustis nan li. ${ }^{19}$ Eské Moiz pa ban nou le loua? Poutan okinn nan nou pa suiv la loua. Pouki n-ap chaché tué mouin? ${ }^{20}$ Foulla réponn: Ou gin gnou démon; ki moun k-ap chaché tué ou? ${ }^{21}$ Jézu réponn yo: Mouin fè gnou zèv, é nou tout sézi pou sa. ${ }^{22}$ Moiz ban nou sikonsizion (li pa sòti nan Moiz, min nan zansèt yo), é jou saba nou sikonsi moun. ${ }^{23} \mathrm{Si}$ gnou nonm résévoua sikonsizion jou saba, pou la loua Moiz la pa violé, èské nou doué an kolè kont mouin, paské mouin géri gnou nonm nan tout kò li jou saba? ${ }^{24}$ Pa jujé sou aparans, min jujé ak jujman ki jus.

## Ėskés sila a sé lé Kris?

25 Donk kèk abitan Jéruzalèm di: Ėské sé pa sila y-ap chaché tué a? ${ }^{26}$ Gadé, 1 -ap palé lib, é yo pa di li angnin! Eské, tout bon, chèf yo rékonnèt ké li sé lé Kris? ${ }^{27}$ Poutan nou konnin koté nonm sa a sòti; min lè lé Kris vini, pèsonn p-ap konnin koté li sòti. ${ }^{28}$ Alò Jézu lévé la voua nan tanp la, li anségné é li di: Nou konnin mouin, é nou konnin koté-m sòti. Mouin pa vini pou tèt mouin, min sila ki voyé-m nan, li vré, é nou pa konnin-l.
${ }^{29}$ Mouin konnin-1 paské mouin sòti nan li, é li voyé-m. ${ }^{30}$ Donk yo chaché arété li; poutan pèsonn pa mété min sou li, paské lè li pat ko rivé. 31 Min nan foul la pluziè kouè nan li, é yo di: Lè Kris va vini, èské l-a fè plus mirak pasé nonm sa a?

Yo doyé ofisié pou arété Jézu
32 Farizyin yo tandé foul la ap chuchoté bagay sa yo sou Jézu, é chèf sakrifikatè yo ak farizyin yo voyé ofisié pou arété li.
33 Alò Jézu di: Mouin avèk nou pou gnou ti tan ankò épi mouin pral jouinn sila ki voyé mouin an. ${ }^{34}$ Nou va chaché-m, é nou p-ap jouinn mouin, é koté mouin va yé a, nou pa kapab vini. ${ }^{35}$ Donk Jouif yo di ant yo: Ki bò li pralé ki fè nou p-ap kapab jouinn li? Eské li pral jouinn sa yo ki dispèsé pami Grèk yo, pou li anségné Grèk yo? ${ }^{36}$ Ki parol sa li di a: Nou va chaché-m, é nou p-ap jouinn mouin, é koté mouin va yé a, nou pa kapab vini?

Riviè dlo vivan
37 Dènié jou a, gran jou fèt la, Jézu kanpé, li lévé la voua, li di: Si gnou moun souaf, kité li vi-n jouinn mouin, é kité li bouè. ${ }^{38}$ Moun ki kouè nan mouin, kòm Lékritu a di, riviè dlo vivan va koulé sòti nan zantray li. ${ }^{39} \mathrm{Li}$ té di sa sou Léspri ké moun ki kouè nan li ta résévoua; paské Léspri pat ko répann, paské Jézu pat ko glorifié.

## Divizion nan pèp la

40 Lè yo tandé paròl sa yo, kèk moun nan foul la di: An vérité, sila a sé profèt la minm. ${ }^{41}$ Té gin lòt ki di: Sila a sé lé Kris. Min té gingnin ki di: Eské lé Kris va sòti Galilé? ${ }^{42}$ Eské Lékritu a pa di ké lé Kris gin pou sòti nan ras David, nan Bétléèm, bouk koté David té yé a? ${ }^{43}$ Donk té gin gnou divizion nan pèp la pou-tèt li. ${ }^{44} \hat{E}$ pluziè nan yo ta arété li, min pèsonn pa mété min sou li.

## Pa gin nonm ki janm palé tankou nonm sa a

45 Ald̀ ofisié yo tounin jouinn chèf sakrifikatè yo ak farizyin yo, é sila yo di yo: Pouki sa nou pa minnin li vini? ${ }^{46}$ Ofisié yo réponn: Pa gin nonm ki janm palé konsa. ${ }^{47}$ Farizyin yo réponn yo: Eské nou-minm tou nou tonbé nan lérè? ${ }^{48}$ Ėské okinn nan chèf, ou-byin okinn nan farizyin yo kouè nan li? ${ }^{49}$ Min bann moun sa yo ki pa konnin la loua, yo modi! ${ }^{50}$ Nikodèm, gnoun nan yo, sila ki té alé jouinn Jézu avan an, di yo: ${ }^{51}$ Eské la loua nou jujé gnou moun san li pa tandé-l avan, é konn sa li fè ? 52 Yo réponn li: Eské ouminm tou, ou sé moun Galilé? Chaché é ou-a ouè ké pa gin profèt ki sòti nan Galilé.

## Fanm adultè a

53 Epi chak moun alé lakay yo.

8 Min Jézu alé mòn Zo0 livié. ${ }^{2}$ Gran matin li tounin nan tanp la, é tout pèp la vi-n jouinn li; li chita é li anségné yo.
3 Alò éskrib yo ak farizyin yo minnin gnou fanm yo té baré nan adultè. Yo mété li nan mitan, ${ }^{4}$ é yo di Jézu: Mèt, yo baré fanm sa a nan adulté, nan aksion an minm. ${ }^{5}$ Nan la loua, Moiz kòmandé pou nou kalonnin moun kon sa ròch; alò ou-minm, ki sa ou disouli? ${ }^{6}$ Yo té di sa pou tanté li, pou yo té kapab jouinn dé koua akuzé li. Min Jézu bésé, é li t-ap ékri a tè avèk douèt li. ${ }^{7}$ Lè yo kontinué pozé li késion, li lévé, é li di yo: Moun pami nou ki san péché, voyé ròch an prémié sou li. ${ }^{8}$ E li bésé ankò, li ékri a tè avèk douèt li. ${ }^{9}$ Yo-minm, lè yo tandé sa, konsians yo kondané yo, yo sòti déyò gnoun pa gnoun, kòmansé pa pi vié yo, fini sou dènié yo. Jézu rété sèl, épi fanm nan, minm koté li té yé a, nan mitan. ${ }^{10}$ Alò li lévé, é li di fanm nan: Madanm, koté yo? Pèsonn pa kondané ou? ${ }_{11} \mathrm{Li}$ réponn: Pèsonn, Ségnè. E Jézu di li: Mouin tou, mouin pa kondané ou. Alé; a pati jodi a pa péché ankó.

## Jézu sé lumiè lé monn

12 Jézu palé ankò, li di yo: Mouin sé lumiè lé monn; moun ki suiv mouin p-ap maché nan ténèb, min yo va gin lumiè la vi.
13 Alò farizyin yo di li: Ou rann tèt ou témouagnaj; témouagnaj ou pa vré. ${ }^{14}$ Jézu
réponn yo: Minm si mouin rann tèt mouin témouagnaj, témouagnaj mouin vré; paské mouin konnin ki bò mouin sòti, é ki bò mouin pralé; min nou pa konnin ni ki bò mouin sòti, ni ki bò mouin pralé. ${ }^{15}$ Nou jujé dapré la chè; mouin pa jujé pèsonn. ${ }^{16}$ É si mouin jujé, jujman mouin jus, puiské mouin pa sèl, min mouin avèk Papa a ki voyé-m. ${ }^{17}$ Nan la loua nou yo ékri ké témouagnaj dé zòm sé vré. ${ }^{18}$ Mouin rann tèt mouin témouagnaj, é Papa a ki voyé-m rann mouin témouagnaj. ${ }^{19}$ Yo di li: Koté Papa ou? Jézu réponn: Nou pa konnin ni mouin, ni Papa mouin. Si nou té konnin mouin, nou ta konnin Papa mouin tou.
20 Jézu di paròl sa yo gnou koté yo rélé trézò a, lè li t-ap anségné nan tanp la; é pèsonn pa kinbé li, paské lè li pat ko rivé.

Koté mouin pralé nou pa kapab vini
21 Jézu di yo ankò: Mouin pralé, é nou va chaché-m, é n-a mouri nan péché nou; koté mouin pralé a, nou pa kapab vini. ${ }^{22}$ Alò Jouif yo di: Eské li pral tué tèt li, ki fè li di: Koté mouin pralé a, nou pa kapab vini? ${ }^{23} \mathrm{Li}$ di yo: Nou sòti an-ba; mouin sòti an-ro. Nou sé moun lé monn sa a, mouin pa moun lé monn sa a. ${ }^{24}$ Sé pou sa mouin di nou ké n-a mouri nan péché nou; paské si nou pa kouè ki moun mouin yé, n-a mouri nan péché nou. ${ }^{25}$ Ald̀ yo di li: Ki moun ou
yé? Jézu réponn yo: Sa mouin di nou dépi o kòmansman an. ${ }^{26}$ Mouin gin pluziè bagay pou-m di, é pou-m jujé sou nou; min sila ki voyé-m nan, li vré; é bagay mouin aprann nan min li, sé sa mouin palé bay lé monn. ${ }^{27}$ Yo pa konprann ké li t-ap palé yo sou Papa a. ${ }^{28}$ Donk Jézu di yo: Lè n-a lévé lé Fis dé Lòm an-lè, alò nou va konnin ké mouin sé li, é ké mouin pa fè angnin pou tèt mouin, min ké sé jan Papa a montré-m ké mouin palé bagay sa yo. ${ }^{29}$ É sila ki voyé-m nan, li avèk mouin; li pa kité-m sè̀, paské mouin toujou fè sa ki fè li plézi.

## La dérile oa rann nou lib

30 Kòm li t-ap palé konsa, pluziè té kouè nan li. ${ }^{31}$ Alò Jézu di Jouif ki té kouè nan li yo: Si nou rété nan paròl mouin, nou sé disip mouin vré; ${ }^{32}$ nou va konnin la vérité, é la vérité va rann nou lib. ${ }^{33}$ Yo réponn li: Nou sé désandan Abraam, é nou pa janm ésklav pèsonn; kòman ou fè di: N-a vini lib? ${ }^{34}$ Jézu réponn yo: An vérité, an vérité, mouin di nou: Tout moun ki konmèt péché, sé ésklav péché. ${ }^{35}$ E ésklav pa rété lakay tout tan; min pitit rété la tout tan. ${ }^{36}$ Donk si lé Fis rann nou lib, nou va lib tout bon. ${ }^{37}$ Mouin konnin ké nou sé désandan Abraam; min n-ap chaché tué-m, paské paròl mouin pa jouinn gnou chémin lib nan nou. ${ }^{38}$ M-ap palé bagay mouin ouè lakay Papa mouin;
nou-minm tou, n-ap fè bagay nou aprann nan min papa nou.

## Pitit lé diab

39 Yo réponn li: Papa nou sé Abraam! Jézu di yo: Si nou té pitit Abraam, nou ta fè zèv Abraam. ${ }^{40}$ Min kounyé a n-ap chaché tué-m, gnou nonm ki té di nou la vérité ké mouin résévoua nan min BonDieu. Abraam pat fè sa. ${ }^{41}$ Nou fè zèv papa nou. Yo di li: Nou pa fèt nan fònikasion; ${ }^{a}$ nou gin gnou sèl papa, sé Bon-Dieu. ${ }^{42}$ Jézu di yo: Si Bon-Dieu té papa nou, nou ta rinmin mouin; paské mouin sé désandan Bon-Dieu, é-m sòti nan BonDieu; mouin pa vini pou tèt mouin, min li voyé-m. ${ }^{43}$ Pouki sa nou pa konprann langaj mouin? Sé paské nou pa kapab kouté paròl mouin. ${ }^{44}$ Nou sé pitit papa nou, lé diab, é nou vlé fè dézi papa nou. Li té tué moun dépi o kòmansman, é li pat pèsévéré nan la vérité, paské pa gin la vérité nan li. Lè li di gnou manti, li palé dapré fon li, paské li sé mantè, é li sé papa manti. ${ }^{45}$ Min paské mouin di la vérité, nou pa kouè-m. ${ }^{46} \mathrm{Ki}$ lès pami nou ki va konvink mouin ké mouin fè péché? Si-m di la vérité, pouki nou pa kouè-m ? ${ }^{47}$ Sila a ki sòti nan Bon-Dieu kouté paròl Bon-Dieu: nou pa kouté yo, paské nou pa sòti nan Bon-Dieu.

Avan Abraam té la, mouin la 48 Jouif yo réponn li: Èské nou pa byin di ké ou sé gnou Samaritin, é ké ou gin gnou démon? ${ }^{49}$ Jézu réponn: M-pa gin démon, min mouin bay Papa-m onnè, é nou dézonoré mouin. ${ }^{50}$ Min mouin p-ap chaché gloua pa-m: gin gnoun k-ap chaché li, é ki jujé. ${ }^{51}$ An vérité, an vérité, mouin di nou, si gnou moun kinbé paròl mouin, li p-ap janm ouè la mó. ${ }^{52}$ Jouif yo di li: Koun-yé a nou ouè ou gin gnou démon. Abraam mouri, profèt yo tou; é ou di: Si gnou moun kinbé paròl mouin, li p-ap janm gouté la mò. ${ }^{53}$ Eské ou pi gran pasé Abraam papa nou, ki mouri? Profèt yo mouri tou. Ki lès ou prétann ou yé? ${ }^{54}$ Jézu réponn: Si-m bay tèt mouin gloua, gloua mouin pa angnin. Sé Papa-m ki ban mouin gloua, li-minm nou di ki Bon-Dieu nou. ${ }^{55}$ Poutan nou pa konnin-1; min mouin konnin-l. É si-m ta di mouin pa konnin-l, mouin ta gnou mantè tankou nou. Min mouin konnin-l, é mouin kinbé paròl li. ${ }^{56}$ Papa nou Abraam té kontan pou ouè jou mouin: li ouè-l, é li té gin la joua. ${ }^{57}$ Jouif yo di li: Ou pa ko gin sinkant an, épi ou té ouè Abraam? 58 Jézu di yo: An vérité, an vérité, mouin di nou, avan Abraam té la, mouin la.
59 Alò yo ranmasé ròch pou

[^30]kalonnin-1; min Jézu kaché kò li, é li sòti nan tanp la.

## Jézu géri nonm ki té fèt avèg la

9Jézu t-ap pasé, li ouè gnou nonm ki té avèg dépi li fèt. ${ }^{2}$ Disip li yo mandé-l: Mèt, ki lès ki té fè péché, nonm sa a ou-byin paran li, ki fè li fèt avèg? ${ }^{3}$ Jézu réponn: Sé pa paské nonm sa a ni paran li fè péché; min sé pou zèv BonDieu kapab parèt nan li. ${ }^{4}$ Sé pou-m travay nan zèv sila ki voyé mouin an, tout tan ké li fè jou; la nuit ap vini lè pèsonn pa kapab travay. ${ }^{5}$ Lè mouin nan lé monn, mouin sé lumiè lé monn.
6 Apré li palé konsa, li kraché a tè, é li fè la bou ak saliv la. Li froté jé avèg la avèk la bou a, ${ }^{7}$ é li di li: Alé, lavé ou nan basin Siloé a (ki vlé di: sila yo voyé a). Donk li alé, li lavé-l, é li tounin ap ouè klè. ${ }^{8}$ Vouazin yo ak moun ki té konnin-l yo avan ap mandé charité, di: Eské sé pa sila ki té chita ap mandé charité a ? ${ }^{9}$ Kè̀k moun di: Sé li. Lòt moun di: Non, min li sanblé-l. Liminm li di: Sé mouin. ${ }^{10}$ Alò yo di li: Ki jan jé ou fè ouvri? ${ }^{11} \mathrm{Li}$ réponn: Nonm yo rélé Jézu a fè la bou, li pasé-l sou jé-m, é li di mouin: Alé nan basin Siloé a, é lavé ou; mouin alé, mouin lavé-m é mouin ouè. ${ }^{12}$ Yo di li: Koté li? Li réponn: M-pa konnin.
Farizyin yo pozé késion sou gérizon an 13 Yo minnin sila ki té avèg
avan an bay farizyin yo. ${ }^{14}$ Min jou Jézu té fè la bou, é-l té ouvri jé li a, sé té gnou jou saba. ${ }^{15}$ Donk farizyin yo mandé-l ankò kòman li fè ouè. Li di yo: Li mété la bou sou jé-m, mouin lavé-m, é mouin ouè. ${ }^{16}$ Kèk farizyin di: Nonm sa a pa moun BonDieu, paské li pa obsèvé saba. Min lèz òt di: Kòman gnou nonm ki péchè kapab fè mirak kon sa? É té gin divizion ant yo. ${ }^{17}$ Alò yo di avèg la ankò: Sa ou di sou li, sou jé ou ké li ouvri a? Li réponn: Li sé gnou profèt.
18 Min Jouif yo pat kouè ké li té fèt avèg, é ké li té vini ouè, jouk lè yo rélé paran li. ${ }^{19}$ Yo késionnin yo, yo di: Ėské sila a sé pitit nou, yo di ki té fèt avèg? Alò ki jan li fè ouè koun-yé a? ${ }^{20}$ Paran yo réponn: Nou konnin li sé pitit nou, é ké li té fèt avèg; ${ }^{21} \mathrm{~min} \mathrm{ki}$ jan li fè ouè kounyé a, nou pa konnin; ou-byin ki moun ki fè li ouè, nou pa konnin. Mandé li: li gran moun, l-a palé pou tèt li. ${ }^{22}$ Paran yo té palé konsa paské yo té pè Jouif yo; paské Jouif yo té déja désidé ké si gnou moun konfésé ké Jézu sé lé Kris, yo ta mété-l déyò nan sinagòg la. ${ }^{23}$ Donk paran yo di: Li gran moun, mandé li.
24 Farizyin yo rélé nonm ki té avèg la gnou dézièm foua, é yo dili: Rann gloua a BonDieu: nou konnin ké nonm sa a sé gnou péchè. ${ }^{25} \mathrm{Li}$ réponn: Si li sé gnou péchè, mouin pa konnin; mouin konnin gnou bagay, mouin té


Gnou avèg k-ap mandé charité
avèg, koun-yé a mouin ouè. ${ }^{26}$ Aló yo di li: Ki sa li té fè ou? Ki jan li té ouvri jé ou? ${ }^{27}$ Li réponn yo: Mouin di nou déja, é nou pa kouté; pouki nou vlé tandé sa ankò? Ėské nou vlé vi-n disip li tou? ${ }^{28}$ Yo jouré li, yo di: Sé ou ki disip li, min nou sé disip Moiz. ${ }^{29}$ Nou konnin BonDieu té palé ak Moiz; min nonm sa a, nou pa konn koté li sòti. ${ }^{30}$ Nonm nan réponn yo: Sé sa ki dròl, ké nou pa konn koté li sòti; é poutan, li ouvri je mouin. ${ }^{31}$ Nou konnin ké Bon-Dieu pa ékzosé péchè, min si gnou moun adoré Bon-Dieu é fè volonté li, li ékzosé-1. ${ }^{32}$ Dépi kòmansman lé monn yo pa janm tandé ké pèsonn ouvri jé gnou moun ki fèt avèg. ${ }^{33} \mathrm{Si}$ nonm sa a pat moun Bon-Dieu, li pa ta kapab fè angnin. ${ }^{34} \mathrm{Yo}$ réponn li: Ou té fèt tout antié nan péché, é ou ap anségné nou? Épi yo chasé li.

## Jé léspri ki pa ouè

35 Jézu tandé ké yo chasé-l; li kontré-l, li di li: Eské ou kouè nan Pitit Bon-Dieu a? ${ }^{36} \mathrm{Li}$ réponn: Ki lès li yé, Ségnè, pou mouin kapab kouè nan li? ${ }^{37}$ Jézu di li: Ou ouè li, é sé li k-ap palé avèk ou. ${ }^{38}$ Eli di: Ségnè, mouin kouè. Eli adoré-1.
39 Jézu di: Mouin vini nan lé monn pou jujman, pou sa ki pa ouè kapab ouè, é pou sa ki ouè kapab vi-n avèg. ${ }^{40}$ Kèk farizyin ki té avèk 1 l yo tandé sa, é yo di li: Ėské nou avèg tou? ${ }^{41}$ Jézu réponn
yo: Si nou té avèg, nou pa ta gin péché. Min puiské nou di: Nou ouè, sé pou sa péché nou rété.

## Parabol pak mouton yo

10 An vérité, an vérité, mouin di nou: Moun ki pa antré nan pòt pak mouton yo, min ki grinpé kèk lòt koté, li sé gnou vòlè, é gnou brigan. ${ }^{2}$ Min sila a ki antré nan pòt la, sé gadyin mouton yo. ${ }^{3}$ Suvéyan pot la ouvri pou li; é mouton yo tandé voua li; li rélé mouton li yo ak non yo, é li kondui yo déyò. ${ }^{4}$ Lè li fi-n minnin yo déyò, li maché dévan yo, é mouton yo suiv li, paské yo konnin voua li. ${ }^{5}$ Yo p-ap suiv gnou étranjé; min yo va kouri pou li, paské yo pa konnin voua étranjé.
6 Jézu di yo parabol sa a, $\min$ yo pa konprann sou ki sa li té palé yo.

## Jézu sé bon gadyin an

7 Jézu di yo ankò: An vérité, an vérité, mouin di nou: Mouin sé pòt mouton yo. ${ }^{8}$ Tou sa yo ki té vini avan mouin, yo sé vòlè avèk brigan: min mouton yo pa kouté yo. ${ }^{9}$ Mouin sé pòt la. Si gnou moun pasé antré nan mouin, li va sové, 1 -a antrésòti, é l-a jouinn paturaj. ${ }^{10}$ Vólè vini pou gnou sè bagay: pou vòlò, tué é détoui: mouin-minm, mouin vini pou bay mouton yo la vi, é pou ba yo-l anpil.
11 Mouin sé bon gadyin an. Bon gadyin an bay la vili pou mouton yo. ${ }^{12}$ Gnou moun
k-ap fè gnou djòb, ki pa gadyin an, é mouton yo pa pou li, lè li ouè gnou bèt dévoran ${ }^{a}$ ap vini, li abandonnin mouton yo, li kouri; é bèt dévoran an broté yo, é dispèsé yo. ${ }^{13} \mathrm{Li}$ kouri paské sé gnou djòb l-ap fè, é li pa pran souin mouton yo. ${ }^{14}$ Mouin sé bon gadyin an. Mouin konnin mouton pa-m, émouton pa-m konnin mouin, ${ }^{15}$ minm jan Papa mouin konnin-m é ké mouin konnin Papa-m; é mouin bay la vi mouin pou mouton yo. ${ }^{16}$ Mouin gin lòt mouton ki pa nan pak sa a; fòk mouin raminnin yo tou. Y-a kouté voua mouin, é sa va fè gnou sèl bann, gnou sèl gadyin. ${ }^{17} \mathrm{Min}$ pouki Papa a rin-min-m: sé paské mouin bay la vi-m, pou mouin kapab pran li ankò. ${ }^{18}$ Pèsonn pa ouété li nan min mouin, min mouin bay li mouin-minm. Mouin gin pouvoua bay li, mouin gin pouvoua pran li ankò: sé kòmandman mouin résévoua nan min Papa-m.
19 Té gin gnou divizion ankò pami Jouif yo pou-tèt paròl sa yo. ${ }^{20}$ Anpil nan yo t-ap di: Li gin gnou démon, é li pa byin nan tèt; pouki sa n-ap kouté li? ${ }^{21}$ Lèz òt di: Sa sé pa parol moun ki gin démon. Eské gnou démon kapab ouvri jé avèg ?

Jouif yo réjélé Jézu
22 Sé té fët Dédikas la, Jéruzalèm. Sé té pandan livè.
${ }^{23}$ Jézu t-ap maché nan tanp la, nan bèl antré Salomon an. ${ }^{24}$ Alò Jouif rasanblé vironnin li, é yo di-l: Konbyin tan ou va kinbé nou nan dout? Si ou sé lé Kris, di nou sa klèman. 25 Jézu réponn yo: Mouin di nou, é nou pa kouè. Zèv mouin fè nan non Papa-m, rann mouin témouagnaj. ${ }^{26}$ Min nou pa kouè paské nou pa mouton pa-m. ${ }^{27}$ Mouton pa-m tandé voua mouin; mouin konnin yo é yo suiv mouin. ${ }^{28}$ Mouin ba yo la vi étènèl, yo p -ap janm péri, é pèsonn p-ap janm ouété yo nan min mouin. ${ }^{29}$ Papa-m ki ban mouin yo, pi gran pasé tout moun; é pèsonn pa kapab ouété yo nan min Papa-m. ${ }^{30}$ Mouin avèk Papa-m, nou sé gnoun.
31 Jouif yo ranmasé ròch pou kalonnin li.
32 Jézu di yo: Mouin montré nou pluziè bon zèv Papa a: pou ki lès $n$-ap kalonnin-m? ${ }^{33}$ Jouif yo réponn li: Nou p-ap kalonnin ou pou gnou bon zèv, min pou blasfèm, paské ou sé gnou nonm, é ou fè ou Bon-Dieu. ${ }^{34}$ Jézu réponn yo: Ėské sa pa ékri nan la loua nou:

Mouin di: Nou sé dé dieu?
${ }^{35} \mathrm{Si}$ li rélé dieu moun ki résévoua parò Bon-Dieu (é Lékritu a pa kapab vini nul), ${ }^{36}$ kòman nou fè di sila ké Papa a sanktifié,b é voyé nan lé monn: Ou blasfèmé, paské mouin di mouin sé Pitit Bon-

[^31]Dieu? ${ }^{37}$ Si mouin pa fè zèv Papa-m, pa kouè mouin. ${ }^{38} \mathrm{Min}$ si-m fè yo, minm si nou pa kouè mouin, kouè zèv yo, pou nou kapab konnin, é pou nou aprann ké Papa a nan mouin, é ké mouin nan Papa a.
39 Yo chaché kinbé li ankò, min li chapé nan min yo.
40 Jézu alé ankò lòt bò Joudin, nan gnou lié koté Jan té fè batèm o kòmansman an, é li rété la. ${ }^{41}$ Anpil moun vi-n jouinn li, é yo t-ap di: Sé vré Jan pat fè mirak, min tou sa Jan té di sou nonm sa a té vré. ${ }^{42}$ É té gin anpil moun la ki té kouè nan li.

## Laza mouri

11Té gin gnou nonm ki té malad yo rélé Laza; li té Bétani, bouk Mari a, avèk sè li, Mat. ${ }^{2}$ Sé Mari sa a ki té pasé ponmad santi bon sou lé Ségnè, é ki té suyé pié li avèk chévé li; frè li, Laza, té malad. ${ }^{3}$ Donk sè yo voyé koté li pou di: Ségnè, min sila ou rinmin an malad. ${ }^{4}$ Lè Jézu tandé sa, li di: Sa sé pa maladi pou la mò; min sé pou gloua Bon-Dieu, pou Pitit Bon-Dieu résévoua gloua nan sa.
5 Jézu té rinmin Mat, avèk sè li, épi Laza. ${ }^{6}$ Donk, lè li tandé Laza té malad, li rété dé jou nan lié koté li té yé a. ${ }^{7}$ Apré sa li di disip li yo: An nou tounin la Judé ankò. ${ }^{8}$ Disip yo di li: Mèt, Jouif yo té fèk ap chaché kalonnin ou, é ou ap tounin la ankó? ${ }^{9}$ Jézu réponn: Èské pa gin douz è nan gnou jounin? Si
gnou moun maché la jounin, li pa bité, paské li ouè lumiè lé monn sa a. ${ }^{10}$ Min si gnou moun maché nan nuit, li bité, paské la lumiè pa nan li. ${ }^{11} \mathrm{Li}$ palé konsa, épi li di yo: Laza, zanmi nou, ap dòmi; min mouin pralé pou-m révéyé li nan sonmèy. ${ }^{12}$ Alò disip yo di li: Ségnè, si l-ap dòmi li va géri. ${ }^{13}$ Jézu té di sa sou la mò Laza, min yo té kouè li t-ap palé sou sonmèy répo. ${ }^{14}$ Alò Jézu di yo klèman: Laza mouri. ${ }^{15}$ Mouin kontan pou-tèt nou, ké mouin pat la, pou nou kapab kouè; min an nou alé jouinn li. ${ }^{16}$ Alò Toma, yo té rélé Didim nan, di lòt disip yo: An nou alé tou, pou nou mouri avèk li.

## La rézurc̀ksion é la vi

17 Lè Jézu rivé, li jouinn ké Laza té déja nan tonm dépi kat jou. ${ }^{18}$ Distans Bétani al Jéruzalèm pat pi louin pasé toua kilomèt, ${ }^{19}$ é anpil Jouif té alé ouè Mat avèk Mari, pou konsolé yo nan la mò frè yo.
20 Lè Mat tandé ké Jézu t-ap vini, li alé kontré-l, min Mari té rété chita lakay la. ${ }^{21}$ Mat di Jézu: Ségnè, si ou té la, frè mouin pa ta mouri. ${ }^{22}$ É minm koun-yé a, mouin konnin ké ninpòt sa ou va mandé Bon-Dieu, Bon-Dieu va akòdé ou li. ${ }^{23}$ Jézu di li: Frè ou va résusité. ${ }^{24}$ Mat di li: Mouin konnin ké li va résusité nan rézurèksion dènié jou a. ${ }^{25}$ Jézu di li: Mouin sé la rézurèksion é la vi. Moun ki kouè nan mouin, minm si li
mouri, li va viv. ${ }^{26}$ E tout moun ki vivan, é ki kouè nan mouin, p-ap janm mouri. Éské ou kouè sa? ${ }^{27} \mathrm{Li}$ di-1: Oui, Ségnè, mouin kouè ou sé lé Kris, Pitit Bon-Dieu a, ki vini nan lé monn.

## Jézu krié bò tonm Laza a

28 Lè li di sa, l-alé é li rélé Mari, sè li, an sékrè, li di: Mèt la isi, li rélé ou. ${ }^{29} \mathrm{Kou}$ Mari tandé sa, li lévé tou suit, li alé jouinn Jézu. ${ }^{30}$ Lè sa a Jézu pat ko antré nan bouk la, min li té toujou minm koté Mat té kontré li a. ${ }^{31}$ Ald Jouif yo ki té avèk li nan kay la, é ki t-ap konsolé-l, lè yo ouè Mari té lévé vit é sòti, yo suiv li. Yo té supozé li té pralé bò tonm nan pou krié.
32 Lè Mari rivé koté Jézu té yé a, é ké li ouè li, li tonbé a jénou nan pié li, li di-l: Ségnè, si ou té la, frè mouin pa ta mouri. ${ }^{33}$ Lè Jézu ouè li ap krié, é Jouif ki té vini avèk li yo t-ap krié tou, li jémi nan léspri li, é li té troublé. ${ }^{34}$ E li di: Ki bò nou mété li? Yo di li: Ségnè, vini ouè.
35 Jézu krié.
36 Donk Jouif yo di: Gadé jan li té rinmin-1! ${ }^{37}$ Min kèk nan yo di: Eské sila ki té ouvri jé avèg la, pat kapab fè nonm sa a pa mouri?

## Rézurèksion Laza

38 Alò Jézu ki t-ap jémi ankò nan li-minm, rivé bò tonm nan. Sé té gnou kavo avèk gnou ròch ki té bouché
li. ${ }^{39}$ Jézu di: Ouété ròch la. Mat, sè sila ki té mouri a, di li: Ségnè, koun-yé a li gin movèz odè, paské li la dépi kat jou. ${ }^{40}$ Jézu di li: Eské mouin pat di ou ké si ou kouè ou va ouè la gloua BonDieu? ${ }^{41}$ Alò yo ouété ròch la. É Jézu lévé jé li an-lè, li di: Papa, mouin rémèsi ou dèské ou ékzosé-m. ${ }^{42}$ Mouin té konnin ou toujou ék-zosé-m; min a-kòz pèp la ki anvironnin-m, mouin di sa, pou yo kapab kouè sé ou ki voyé-m. ${ }^{43}$ Apré li fi-n palé konsa, li rélé ak gnou voua fò: Laza, sòti! ${ }^{44}$ Sila ki té mouri a, sòti, min li ak pié li maré avèk bann toual mó; figu li té maré avèk gnou sèvièt. Jézu di yo: Démaré li, é kité li alé.

## Yo konploté kont Jézu

45 Anpil nan Jouif yo ki té vi-n ouè Mari, é ki té ouè sa Jézu té fè, kouè nan li. ${ }^{46}$ Min kèk nan yo alé jouinn farizyin yo, é yo di yo sa Jézu té fè.
47 Alò chèf sakrifikatè yo, ak farizyin yo, rasanblé gnou réunion, yo di: Ki sa pou nou fè? Paské nonm sa a fè anpil mirak. ${ }^{48}$ Si nou kité li konsa, tout moun va kouè nan li; é Romin yo va vini, y-a détoui péyi nou avèk nasion nou. ${ }^{49}$ Min gnoun nan yo, Kaif, ki té gran chèf sakrifikatè ané sa a, di yo: Nou pa konn angnin minm; ${ }^{50}$ ni nou pa kalkulé jan sa ranjé zafè nou ké gnou sèl òm mouri pou tout pèp la, é ké tout nasion an pa péri. ${ }^{51} \mathbf{L i}$
pat di sa pou kont li; min li té gran chèf sakrifikatè ané sa a, li profétizé ké Jézu té doué mouri pou nasion an. ${ }^{52}$ É sé pa sèlman pou nasion an, min pou li té kapab rasanblé nan gnou sèl kò, tout pitit Bon-Dieu ki dispèsé yo.
53 Donk, dépi jou sa a, yo fè lidé pou yo tué-l. ${ }^{54}$ Sé pou sa Jézu pat maché ankò a klè pami Jouif yo; min li pati alé nan péyi bò dézè a, nan gnou vil ki té rélé Éfraim; é li rété la avèk disip li yo.
55 Pak Jouif yo té prèt pou rivé. E anpil moun té sòti nan tout péyi a monté Jéruzalèm avan Pak la, pou purifié yo. ${ }^{56}$ Alò yo chaché Jézu, é yo t-ap palé gnoun avèk lòt nan tanp la: Ki sa ou kouè? Ėské li p-ap vini nan fèt la? ${ }^{57}$ Min chèf sakrifikatè yo ak farizyin yo té bay lòd si gnou moun té konnin koté li té yé, sé pou li té bay rapò pou yo kapab arété-l.

## Jézu Bétani

12Alò sis jou avan Pak, Jézu vini Bétani, koté Laza li té résusité nan la mò a té yé. ${ }^{2}$ La, yo fè gnou soupé pou li; é Mat t-ap sèvi. Laza té pami sa yo ki té chita ap manjéavèk li. ${ }^{3}$ E Mari pran gnou liv nan gnou ponmad santi bon byin chè, li pasé ponmad la sou pié Jézu, é li suyé pié li avèk chévé li. Kay la té plin avèk odè ponmad la. ${ }^{4}$ Min Juda Iskariòt, gnoun nan disip li yo, ki té pou trayi li, di: ${ }^{5}$ Pouki yo
pat vann ponmad sa a toua san goud, épi bay pòv lajan an? ${ }^{6} \mathrm{Li}$ pat di sa paské li gin kè fèb pou pòv yo, min paské li té vòlè; li té kinbé sak la, é li té konn pran sa yo té mété ladan li. ${ }^{7}$ Alò Jézu di: Kité li séré sa pou jou lantèman mouin. ${ }^{8}$ Paské nou toujou gin pòv yo avèk nou, min nou pa gingnin-m tout tan.

## Yo konploté kont Laza

9 Moun gro pèp Jouif yo aprann ké li té la. Yo vini, pa sèlman pou-tèt Jézu, min pou yo té kapab ouè Laza tou, ké li té résusité nan la mò. ${ }^{10}$ Alò chèf sakrifikatè yo fè lidé pou yo tué Laza tou, ${ }^{11}$ paské a-kòz li anpil Jouif té kité yo, é té kouè nan Jézu.

## Jézu antré Jéruzalèm an trionf

12 Nan démin gnou gran foul ki té vini nan fèt la, lè yo tandé ké Jézu t-ap vini Jéruzalèm, ${ }^{13}$ yo pran branch palmis, y-alé kontré li, é yo rélé: Ozana!

Béni sila a ki vini o non lé Ségnè,
roua Izraèl la! ${ }^{14}$ E Jézu jouinn gnou jinn bourik. Li chita sou li, kon sa té ékri a:
${ }^{15} \mathrm{~Pa}$ pè, fi Sion ${ }^{a}$
Gadé, roua ou ap vini,
Chita sou pitit gnou manman bourik.
${ }^{16}$ Disip li yo pat konprann bagay sa yo tou dabò; min lè Jézu té antré nan la gloua, yo sonjé ké bagay sa yo té ékri

[^32]sou li, é ké yo té fè tou sa pouli.
17 Donk foul ki té avèk li lè li té rélé Laza sòti nan tonm nan, é ké li té résusité li a, té rann témouagnaj. ${ }^{18}$ Sé pou sa tou yo té alé kontré li, paské yo té tandé li té fè mirak sa a. ${ }^{19}$ Ald farizyin yo di ant yo: Gadé kòman sa pa rapòté nou angnin; minni, tout moun alé dèyè li.

## Kèk Grèk chaché Jézu

20 Té gingnin kèk Grèk pami moun yo ki té monté pou adoré nan fèt la. ${ }^{21}$ Yo alé jouinn Filip, ki té moun Bétsaida Galilé, é yo fè démann, yo di: Msié, nou ta vlé ouè Jézu. ${ }^{22}$ Filip alé di André. André avèk Filip alé di Jézu.
23 Jézu réponn yo: Lè a vini ké fòk lé Fis dé Lòm antré nan la gloua. ${ }^{24}$ An vérité, an vérité, mouin di nou, si gnou grinn blé pa tonbé nan tè, é li pa mouri, li rété sèl pou kont li; min sili mouri, li rapòté anpil foui. ${ }^{25}$ Moun ki rinmin la vi li ap pèdu li; é moun ki rayi la vi li nan monn sa a va konsèvé li pou la vi étènèl. ${ }^{26}$ Si gnou moun ap sèvi mouin, sé pou li suiv mouin; koté mouin va yé, sèvitè mouin va la tou. Si gnou moun ap sèvi mouin, Papa mouin va ba li onnè.

Fòk lé Fis dé Lòm lévé an-lé
27 Koun-yé a, nanm mouin troublé. É ki sa mouin va di?
. Papa, délivré mouin an-ba lè sa a? Min sé pou kòz sa a mouin rivé jouk lè sa a.
${ }^{28}$ Papa, bay non ou la gloua! Alò gnou voua sòti nan sièl, li di: Mouin té ba li gloua, é m -a ba li gloua ankò.
29 Pèp la ki té la tandé sa, yo di ké loraj grondé. Lèz ót di: Gnou zanj palé ak li. 30 Jézu di: Voua sa a pa vini pou mouin, min pou nou. ${ }^{31}$ Koun-yé a, sé jujman monn sa a; koun-yé a, prins monn sa a pral jété déyò. ${ }^{32}$ E mouin, si mouin lévé sou la tè $\mathrm{a}, \mathrm{m}$-a atiré tou lèz òm vi-n jouinn mouin. ${ }^{33} \mathrm{Li}$ disa pou indiké ki kalité la mò li té pou mouri. ${ }^{34}$ Aloे foul la di li: Nou tandé nan la loua nou ké lé Kris gingnin pou li rété pou tout tan; ki jan ou di fòk lé Fis dé Lòm lévé an-lè? Ki lès ki lé Fis dé Lòm sa a? ${ }^{35}$ Jézu di yo: La lumiè avèk nou pou gnou ti tan ankò. Maché pandan nou gin la lumiè, pou ténèb pa suprann nou. Moun k-ap maché nan ténèb pa konn ki bò li pralé. ${ }^{36}$ Pandan nou gin la lumiè, kouè nan la lumiè, pou nou tounin pitit la lumiè.

Jouif yo pa tê kouè nan Jézu
Jézu di bagay sa yo, é li pati, li kaché kò li louin yo.
37 Min malgré li té fè tout mirak sa yo dévan yo, yo pat kouè nan li, ${ }^{38}$ pou parò profèt Ézai té di a,-té kapab akonpli: Ségnè,

Ki moun ki kouè sa nou rapòté?
E ki moun ki té résévoua konnésans bra lé Ségné? ${ }^{39}$ Sé pou sa yo pat kapab kouè, paské Ézai té di ankò:
${ }^{40} \mathrm{Li}$ avéglé jé yo, é li rann kè yo du,
Pou yo pa ouè nan jé yo,
E pou yo pa konprann nan kè yo,
Pou yo pa vi-n konvèti é pou mouin pa géri yo.
${ }^{41}$ Ézai té di sa, paské li té ouè gloua li, é li té palé sou li.
42 Poutan, minm pami chèf yo, té gin pluziè ki té kouè nan li; min pou-ièt farizyin yo, yo pat avoué sa, pou yo pat mété yo déyò nan sinagòg la. ${ }^{43}$ Paské yo té rinmin la gloua lèz om plus pasé la gloua Bon-Dieu.

Paròl Jézu va jujé moun kl réjété li 44 É Jézu lévé la voua, li di: Moun ki kouè nan mouin, sé pa nan mouin yo kouè, min nan sila ki voyé-m nan. ${ }^{45}$ É moun ki ouè mouin, ouè sila ki voyé-m nan. ${ }^{46}$ Mouin vini kou gnou lumiè nan lé monn, pou ninpòt moun ki kouè nan mouin pa rété nan ténèb. ${ }^{47}$ É si gnou moun tandé parò mouin, éli pa kinbé yo, mouin pa jujé li, paské mouin pa vini pou jujé lé monn, min pou sové lé monn. ${ }^{48}$ Moun ki réjété mouin, é ki pa résévoua paròl mouin, gingnin gnoun ki jujé li: Paròl mouin té palé a, sé li-minm ki va jujé li nan dènié jou a. ${ }^{49}$ Paské mouin pat palé pou tèt mouin; min Papa a ki voyé-m, ban mouin komandman ki sa pou-m di, é ki jan pou-m palé. ${ }^{50}$ E mouin konnin kòmandman li sé la vi étènèl. Donk, sa mouin di, sé minm jan Papa a palé-m ké mouin palé.

Jêzu lavé pié distp li yo
13 Avan fèt Pak la, Jézu ki té konnin lè a té rivé pou li kité monn sa a pou alé jouinn Papa a, li ki té rinmin moun pa li yo sou la tè, li rinmin yo juska la fin.
2 É pandan soupé a, lè lé diab té fi-n mété nan kè Juda, pitit Simon Iskariòt, lidé pou trayi li, ${ }^{3}$ Jézu ki té konnin ké Papa a té rinmèt tout bagay nan minli, kéli tésóti nan BonDieu, é ké li té pralé jouinn Bon-Dieu, ${ }^{4}$ li lévé duran soupé a, li ouété rad li, li pran gnou sèvièt é li maré rin li. ${ }^{5}$ Épi li vidé dlo nan gnou kuyèt, é li kòmansé lavé pié disip yo, é li suyé yo ak sèvièt li té gin nan rin li a. ${ }^{6}$ Ald li rivé sou Simon Piè ki di li: Ségnè, ou ap lavé pié mouin ? ${ }^{7}$ Jézu réponn li: Ou pa konnin koun-yé a ki sa m-ap fè ou; min ou va konprann pi ta. ${ }^{8}$ Piè di li: Ou p-ap janm lavé pié mouin. Jézu réponn li: Si mouin pa lavé ou, ou pa gin pa avèk mouin. ${ }^{9}$ Simon Piè di li: Ségnè, pa pié mouin sèlman, min min mouin tou avèk tèt mouin. ${ }^{10}$ Jézu di li: Moun ki bingnin pa bézouin angnin sòf pou lavé pié li, é li pròp nèt. Nou próp, min pa nou tout. ${ }^{11}$ Paské li té konnin ki lès ki té pou trayi li; sé pou sa li di: Nou tout pa pròp.
12 Lè li fi-n lavé pié yo, li pran rad li, é li chita, li di yo: Eské nou konnin sa mouin fè nou la a? ${ }^{13}$ Nou rélé mouin Mèt, é Diréktè. Nou byin di, paské sé sa mouin yé. ${ }^{14}$ Donk
si mouin, ki Mèt é Diréktè, mouinlavépié nou, nou-minm tou nou doué pou gnoun lavé pié lot. ${ }^{15}$ Paské mouin ban nou gnou ékzanp pou nou kapab fè minm jan mouin fè nou. ${ }^{16}$ An vérité, an vérité, mouin di nou, gnou sèvitè pa pi gran pasé mèt li, ni gnou moun ké yo voyé pa pi gran pasé sila ki voyé li. ${ }^{17}$ Si nou konnin bagay sa yo, nou béni si nou fè yo.
18 Mouin pa palé dé nou tout. Mouin konnin ki lès mouin chouazi. Min sé pou Lékritu a kapab akonpli:

Sila ki manjé pin mouin an
Lévé talon li kont mouin.
${ }^{19}$ Mouin di nou sa dépi kounyé a, avan sa rivé, pou lè sa rivé nou kapab kouè mouin sé li.
20 An vérité, an vérité, mouin di nou, moun ki résévoua ninpòt ki lès mouin voyé, résévoua mouin, é ınoun ki résévoua mouin, résévoua sila ki voyé-m nan.

Jézu anonsé ké moun da trayi li
21 Lè Jézu té palé konsa, li té troublé nan léspri li, li bay témouagnaj, é li di: An vérité, an vérité, mouin di nou, gnoun nan nou va trayi mouin. ${ }^{22}$ Disip yo gnoun gadé lòt, yo pa konnin sou ki lès li palé. ${ }^{23}$ Té gingnin a tab la gnoun nan disip li yo ké Jézu té rinmin, ki té kouché sou sin li. ${ }^{24}$ Alò Simon Piè fè li sign, é li di-l: Di nou sou ki lès l-ap palé. ${ }^{25} \mathrm{Li}$ panché ankò sou sin Jézu, li di li: Ségnè, ki lès sa a? ${ }^{26}$ Jézu réponn li: Sé moun m-a tranpé mòso
a pou li, é m-a ba li-1 la. Aló li tranpé mòso a, li pran li, li bay Juda, pitit Simon Iskariót la. ${ }^{27}$ Kou Juda résévoua mòso a, Satan antré nan li. Alò Jézu di li: Sa ou ap fè a, fè li vit. ${ }^{28} \mathrm{Min}$ pèsonn a tab la pa konprann pouki li té di li sa. ${ }^{29}$ Kèk moun fè lidé, kòm Juda té kinbé sak la, ké Jézu té di li: Achté sa nou bézouin pou fèt la; ou-byin pou li té bay pòv yo kichòy. ${ }^{30}$ Lè Juda résévoua mòso a li sòti tou suit. Sé té nan nuit.

## Kòmandman nouvo a

31 Lè li sòti, Jézu di: Kounyé a lé Fis dé Lòm gin la gloua, é Bon-Dieu gin gloua nan li. ${ }^{32}$ É Bon-Dieu va ba li gloua nan li-minm, é li pral ba li gloua tou suit.
33 Ti moun, mouin avèk nou pou gnou ti tan. Nou va chaché mouin; é minm jan mouin té di Jouif yo, mouin di nou, nou pa kapab alé koté mouin pralé a. ${ }^{34}$ Mouin ban nou gnou kòmandman nouvo: Sé pou nou gnoun rinmin lot; minm jan mouin té rinmin nou, sé pou nou gnoun rinmin lòt. ${ }^{35}$ Sé sou sa tout moun va konnin ké nou sé disip mouin, si gnoun rinmin lot.

Jézu anonsé ké Piè oa nié li
36 Simon Piè di li: Mèt, ki koté ou pralé? Jézu réponn: Koté mouin pralé a, ou p-ap kapab suiv mouin koun-yé a; min ou va suiv mouin pi ta. ${ }^{37}$ Piè di li: Ségnè, pouki sa mouin pa kapab suiv ou koun-
yé a? M-a bay la vi mouin pou ou. ${ }^{38}$ Jézu réponn: Ou va bay la vi ou pou mouin? An vérité, an vérité, mouin di ou: Kòk p-ap chanté san ou pa gin tan nié mouin toua foua.

> Jézu é Papa a

14Pa kité kè nou troublé; nou kouè nan BonDieu, kouè nan mouin tou.
2 Lakay Papa mouin gin anpil démè; si sé pat sa, mouin ta di nou. Mouin pral paré gnou plas pou nou. ${ }^{3} \mathrm{Si}$ mouin alé paré gnou plas pou nou, m-a tounin, m-a pran nou avèk mouin, pou koté mouin yé nou kapab la tou. ${ }^{4}$ E koté mouin pralé, nou konnin chémin an.
5 Toma di li: Ségnè, nou pa konnin koté ou pralé; kòman nou ta fè konnin chémin an? ${ }^{6}$ Jézu di li: Mouin sé chémin an, la vérité, é la vi: pèsonn pa vini jouinn Papa a si sé pa gras-a mouin. ${ }^{7}$ Si nou té konnin mouin, nou ta konnin Papa mouin tou; é dépi koun-yé a nou konnin-l, é nou ouè li.
8 Filip di li: Ségnè, montré nou Papa a, é sa asé pou nou. ${ }^{9}$ Jézu di li: Mouin avèk nou dépi tout tan sa a, é ou pa konnin mouin, Filip? Moun ki ouè mouin ouè Papa a. Kòman ou fè di: Montré nou Papa a? ${ }^{10}$ Eské ou pa kouè ké mouin nan Papa a é ké Papa a nan mouin? Parò mouin di nou, mouin pa palé yo pou tèt mouin. Sé Papa a ki rété nan mouin k-ap fè zèv li. ${ }^{11}$ Kouè mouin, mouin
nan Papa a, é Papa a nan mouin: ou o mouin kouè mouin a-kòz zèv yo.
12 An vérité, an vérité, mouin di nou: Moun ki kouè nan mouin, zèv mouin fè yo, li va fè yo tou; é li va fè zèv ki pi gran ankò, paské mouin pral koté Papa a. ${ }^{13}$ É ninpòt sa nou va mandé o non mouin, m-a fè li pou Papa a kapab gin la gloua nan Pitit la. ${ }^{14}$ Si nou mandé ninpòt bagay $o$ non mouin, m-a fè li.

Jézu promèt ké Sint-Éspri a ta vini 15 Si nou rinmin mouin, nou va obsèvé kòmandman mouin. ${ }^{16}$ Mouin va lapriè Papa a, é l-a ban nou gnou lòt konsolatè, pou li kapab avèk nou tout tan, ${ }^{17}$ Léspri la vérité a minm, ké lé monn pa kapab résévoua, paské li pa ouè-l, ni li pa konnin-l; min nou, nou konnin-1, paské li déméré avèk nou, é li va nan nou. ${ }^{18}$ Mouin p-ap kité nou offlin: m-ap vini jouinn nou. ${ }^{19}$ Nan gnou ti tan ankò, lé monn p-ap ouè mouin; min nou, n-a ouè mouin; paské mouin viv, nou tou, nou va viv. ${ }^{20}$ Jou sa a n-a konnin ké mouin nan Papa-m, é nou nan mouin, é mouin nan nou. ${ }^{21}$ Moun ki gin kòmandman mouin é ki obsèvé yo, sé li ki rinmin-m. E moun ki rinmin mouin, Papa-m va rinmin li, é m-a rinmin-l, é m-a montré mouin-minm ba li. 22 Juda (pa Iskariòt) di li: Ségnè, sa ki fè ou va montré ou ban nou, é pa montré ou bay lé monn? ${ }^{23}$ Jézu réponn
li: Si gnou moun rinmin mouin, li va kinbé paròl mouin, é Papa-m va rinmin li; é n-a vi-n jouinn li, é n-a fè démè nou avèk li. ${ }^{24}$ Moun ki pa rinmin mouin pa kinbé parol mouin. É paròl nou tandé a pa parol mouin, min paròl Papa a ki voyé-m.
25 Mouin di nou bagay sa yo pandan mouin avèk nou toujou. ${ }^{26}$ Min konsolatè a, Sint-Éspri a minm ké Papa a va voyé o non mouin, va anségné nou tout bagay, é l-a fè nou sonjé tou sa mouin té di nou.
27 Mouin kité la pè avèk nou; m-a ban nou la pè mouin: mouin pa ban nou jan lé monn bay. Pa kité kè nou troublé, ni pa gingnin la krint.
28 Nou tandé mouin di nou: Mouin pralé, é m-ap tounin jouinn nou. Si nou té rinmin-m nou ta kontan, paské mouin pral jouinn Papa a: paské Papa a pi gran pasé-m. ${ }^{29}$ Mouin di nou sa koun-yé a avan sa rivé, pou lè li rivé, nou kapab kouè. ${ }^{30}$ Mouin p-ap palé anpil ankò avèk nou, paské prins lé monn nan ap rivé: é li pa gin angnin nan mouin. ${ }^{31}$ Min sé pou lé monn kapab konnin ké mouin rinmin Papa a, é ké jan Papa a ban mouin kòmandman, sé konsa mouin fè. Lévé, an nou kité isit la.

## Jézu sé oré pié rézin an

15Mouin sé vré pié rézin an, é Papa mouin sé jadinié a. ${ }^{2}$ Tout branch nan mouin ki pa pòté foui, li
ouété-l; é tout branch ki pòté foui, li nétouayé-l pou li kapab pòté plus foui anko. ${ }^{3}$ Déja nou pròp, a-kòz la paròl mouin palé ban nou an. ${ }^{4}$ Déméré nan mouin, é m -a déméré nan nou. Minm jan branch la pa kapab pòté foui pou kont li, si li pa rété ataché nan pié rézin an, sé konsa nou pa kapab póté foui si nou pa déméré nan mouin. ${ }^{5}$ Mouin sé pié rézin an, nou sé branch yo. Moun ki déméré nan mouin é mouin nan li, moun sa a pòté anpil foui; paské san mouin nou pa kapab fè angnin. ${ }^{6} \mathbf{S i}$ gnou moun pa déméré nan mouin, yo jété li kou gnou branch, é li séché; yo ranmasé branch yo, yo jété yo nan du-fé, é yo boulé. ${ }^{7}$ Si nou déméré nan mouin, é ké paròl mouin déméré nan nou, mandé ninpòt sa nou vlé, é nou va résévoua li. ${ }^{8}$ Sé nan sa ké Papa mouin gin la gloua, si nou pòté anpil foui; é sé konsa nou va vi-n disip mouin.
9 Minm jan Papa a rinmin mouin, konsa mouin rinmin nou tou: déméré nan amou mouin. ${ }^{10} \mathrm{Si}$ nou kinbé kòmandman mouin, n -a déméré nan amou mouin; minm jan mouin té kinbé kòmandman Papa-m, é mouin déméré nan amou li. ${ }^{11}$ Mouin di nou bagay sa yo pou joua mouin kapab nan nou, é pou joua nou kapab total.
12 Sa sé kòmandman mouin an, ké nou gnoun rinmin lòt, minm jan mouin té rinmin nou. ${ }^{13}$ Pèsonn pa gin pi gran amou pasé sa, ké gnou moun
bay la vi li pou zanmi li. ${ }^{14}$ Nou sé zanmi mouin, si nou fè sa mouin kòmandé nou. ${ }^{15}$ Mouin pa rélé nou sèvitè ankò; paské sèvitè pa konnin sa mèt li ap fè; min mouin rélé nou zanmi, paské mouin fè nou konnin tou sa mouin aprann nan min Papa-m. ${ }^{16}$ Sé pa nou ki té chouazi mouin, min mouin chouazi nou, mouin établi nou, pou nou kapab alé é pòté foui, é pou foui nou kapab déméré; pou ninpòt ki sa n-a mandé Papa a o non mouin, li kapab ban nou li. ${ }^{17}$ Mouin kòmandé nou sa, pou pami nou gnoun rinmin lòt.
Lé monn rayi Jézu é moun ki pa li
18 Si lé monn rayi nou, sé pou nou konnin ké li té rayi mouin avan li rayi nou. ${ }^{19} \mathrm{Si}$ nou té moun lé monn, lé monn ta rinmin sa ki pou li; min paské nou pa moun lé monn, é ké mouin chouazi nou pami lé monn, sé pou sa lé monn rayi nou. ${ }^{20}$ Sonjé parò mouin té di nou: Gnou sèvitè pa pi gran pasé mèt li. Si yo té pèsékuté mouin, yo va pèsékuté nou tou. Si yo té kinbé parol mouin, yo va kinbé parol pa nou tou. ${ }^{21}$ Min yo va fè nou tou sa pou-tèt non mouin, paské yo pa konnin sila ki voyé-m nan. ${ }^{22}$ Si mouin pat vini, ési mouin pat palé yo, yo pa ta gin péché; min koun-yé a yo pa gin éskuz pou péché yo. ${ }^{23}$ Moun ki rayi mouin rayi Papa-m tou. ${ }^{24}$ Si mouin pat fè pami yo zèv ké lòt moun
pat fe, yo pa ta gin péché; min koun-yé a yo oué é yo rayi ni mouin ni Papa mouin. ${ }^{25} \mathrm{Min}$ sa rivé pou paròl la ki ékri nan la loua yo kapab akonpli:

## Yo rayi mouin san kòz.

26 Min lè konsolatè a va vini, sila ké m -a voyé ban nou soti nan Papa a, Léspri la vérité a minm ki sòti nan Papa a, li va rann témouagnaj sou mouin. ${ }^{27}$ E nou-minm tou sé pou-n rann témouagnaj, paské nou té avèk mouin dépi o kòmansman.

## Zèv Sint-Éspri a

16 Mouin palé nou tout bagay sa yo pou nou pa chuté. ${ }^{2}$ Yo va mété nou déyò nan sinagòg yo; oui, lè ap vini lè gnou moun k -a tué nou va kouè li rann Bon-Dieu sèvis. ${ }^{3}$ E yo va fè sa paské yo pa konnin ni Papa a, ni mouin. ${ }^{4}$ Min mouin di nou bagay sa yo pou lò lè a rivé, nou kapab sonjé kòman mouin té palé nou. É mouin pat di nou sa dépi o kòmansman, paské mouin té avèk nou.
5 Min koun-yé a m-ap tounin jouinn sila ki té voyé-m nan; é nou gnoun pa mandé-m: Koté ou pralé? ${ }^{6}$ Min paské mouin palé nou konsa, tristès plin kè nou. ${ }^{7}$ Poutan mouin di nou la vérité: sé gnou avantaj pou nou si mouin alé; paské si mouin pa alé, konsolatè a p-ap vini jouinn nou; min si mouin alé, m-a voyé li ban nou. ${ }^{8}$ É li-minm, lè li vini, li va konvink lé monn sou
afè dé péché, dé justis, é dé jujman: ${ }^{9}$ dé péché, paské yo pa kouè nan mouin; ${ }^{10}$ dé justis, paské mouin pral jouinn Papa a, é nou p-ap ouè mouin ankò; ${ }^{11}$ dé jujman, paské prins monn sa a fi-n jujé déja.
12 Mouin gin anpil bagay ankò pou di nou, min nou pa kapab supòté yo koun-yé a. ${ }^{13}$ Min lè li-minm, Léspri la vérité $a$, va vini, li va kondui nou nan tout la vérité; paské li p-ap palé pou tèt li, min ninpòt sa li va tandé, sé sa li va di, é l-a anonsé nou bagay ki gin pou vini. ${ }^{14} \mathrm{Li}$ va ban mouin gloua, paské li va pran sa ki pa mouin, é l-a déklaré li ban nou. ${ }^{15}$ Tou sa ki pou Papa a sé pou mouin; sé pou sa mouin di ké li va pran sa ki pou mouin, é l-a déklaré li ban nou.

## Tristes tounin an joua

16 Nan gnou ti tan, nou p-ap ouè mouin ankò, é nan gnou ti tan ankò, n-a ouè mouin.
17 Alò kèk zun nan disip yo gnoun di lot: Sa sa vlé di, sa li di nou la a: Nan gnou ti tan nou p-ap ouè mouin; é nan gnou ti tan ankó, n-a ouè mouin? é: Paské mouin pral jouinn Papa a? ${ }^{18}$ Donk yo di: Ki sa li di a: Nan gnou ti tan? Nou pa konnin sa li vlé di.
19 Jézu santi ké yo té vlé pozé li késion, é li di yo: Eské n-ap intérojé ant nou sou sa mouin di a: Nan gnou ti tan nou p-ap ouè mouin; é
nan gnou ti tan anko, nou va ouè mouin? ${ }^{20}$ An vérité, an vérité, mouin di nou, nou va krié, nou va plinn, é lé monn va réjoui: nou va tris, min tristès nou va tounin an joua. ${ }^{21}$ Lè gnou fanm gin tranché li tris, paské lè li rivé, min lè li délivré avèk pitit la, li pa sonjé la pinn ankò, a-kòz la joua li gingnin paské gnou nonm fèt nan lé monn. ${ }^{22}$ Donk koun-yé a nou nan tristès; min mouin va ouè nou ankò, é kè nou va réjoui, é pèsonn p-ap ouété joua nou nan nou. ${ }^{23}$ E jou sa a nou p-ap mandé mouin angnin. An vérité, an vérité, mouin di nou, si nou mandé Papa a ninpót bagay, 1-a ban nou li nan non mouin. ${ }^{24}$ Jouk koun-yé a nou pa ko mandé angnin nan non mouin. Mandé, é n-a résévoua, pou la joua nou kapab akonpli.

## Jézu oink lé monn

25 Mouin palé bagay sa yo ban nou an parabol. Lè ap vini lò mouin p-ap palé nou an parabol anko, $\min \mathbf{m - a}$ palé nou klèman sou Papa a. ${ }^{26}$ Jou sa a, nou va mandé nan non mouin, é mouin pa di nou ké m-a lapriè Papa a pou nou; ${ }^{27}$ Papa a, li-minm, rinmin nou paské nou rinmin mouin, é nou kouè ké mouin sóti nan Papa a. ${ }^{28}$ Mouin sòti nan Papa a, é mouin vini nan lé monn; koun-yé a m-ap kité lé monn, é mouin pral jouinn Papa a. 29 Disip li yo di: Sé kounyé a ou palé klè, é ou pa palé parabol. ${ }^{30}$ Koun-yé a
nou konnin ké ou konnin tout bagay, é ké ou pa bézouin pèsonn mandé ou angnin: sé pou sa nou kouè ké ou sòti nan Bon-Dieu. ${ }^{31}$ Jézu réponn yo: Nou kouè kounyé a? ${ }^{32}$ Gadé, lè ap vini, oui li vini déja, lò nou va gayé, chak moun bò pa li, é nou va kité-m sèl; min mouin pa sèl, paské Papa a avèk mouin. ${ }^{33}$ Mouin palé nou konsa pou nou kapab gin la pè nan mouin. Nou va gin tribulasion nan lé monn; min pran kouraj, mouin vink lé monn.

La priè Jézu pou disip li yo

17Jézu palé konsa; li lévé jé li nan sièl, é li di:
Papa, lè a rivé; bay Pitit ou la gloua, pou Pitit la kapab ba ou la gloua, ${ }^{2}$ dapré jan ou ba li otorité sou tout chè, pou li kapab bay tout moun ou ba li yo la vi étènèl. ${ }^{3}$ E sé sa ki la vi étènèl, pou yo konnin ou-minm, sèl BonDieu ki vré a, é sila ké ou voyé a, Jézu-Kri. ${ }^{4}$ Mouin té ba ou gloua sou la tè; mouin akonpli zèv ou té ban-m fè a. ${ }^{5}$ E koun-yé a, o Papa, ké sé ou-minm ki ban mouin la gloua nan prézans ou, la gloua ké mouin té gingnin avèk ou, avan lé monn té kréyé.
6 Mouin montré non ou klè bay lèz òm ké ou té pran ban mouin pami lé monn. Yo té pa ou, é ou té ban mouin yo; é yo kinbé paròl ou. ${ }^{7}$ Kounyé a yo konnin ké tou sa ou ban mouin sòti nan ou. ${ }^{8}$ Paské mouin ba yo paròl
ou ban mouin yo; é yo résévoua yo, é yo konnin an vérité ké mouin sòti nan ou, é yo kouè ké sé ou ki voyé-m. ${ }^{\circ}$ Mouin lapriè ou pou yo. Mouin pa lapriè ou pou lé monn, min pou sila ou ban mouin yo, paské yo sé pa ou. ${ }^{10}$ É tou sa ki pa mouin, sé pa ou, é pa ou sé pa mouin, é mouin gin la gloua nan yo. ${ }^{11}$ É mouin pa nan lé monn ankó, min sila yo nan lé monn, é m-ap vi-n jouinn ou. Papa sin, kinbé yo nan non ou ké ou té ban mouin, pou yo kapab gnou sèl, minm jan nou yé a. ${ }^{12}$ Lè-m té avèk yo, mouin té kinbé yo nan non ou ké ou té ban mouin. Mouin té gadé yo, é yo gnoun pa péri, sof pitit pèdision an, pou Lékritu kapab akonpli. ${ }^{13}$ Koun-yé a m-ap vi-n jouinn ou, é mouin di bagay sa yo nan lé monn pou yo kapab gin joua mouin akonpli nan yo. ${ }^{14}$ Mouin té ba yo parò ou, é lé monn rayi yo, paské yo pa moun lé monn, minm jan mouin pa moun lé monn. ${ }^{15}$ Mouin pa lapriè pou ou ouété yo nan lé monn, min pou ou prézèvé yo kont lé mal. ${ }^{16} \mathrm{Yo}$ pa moun lé monn, minm jan mouin pa moun lé monn. ${ }^{17}$ Sanktifié yo pa la vérité: parò ou sé la vérité. ${ }^{18}$ Minm jan ou voyé mouin nan lé monn, sé konsa mouin voyé yo nan lé monn. ${ }^{19}$ E pou-tèt yo, mouin sanktifié-m, pou yo-minm tou, yo kapab sanktifié nan la vérité.
20 Sé pa pou yo sèlman mouin lapriè, min pou moun
ki va kouè gras-a paròl yo tou, ${ }^{21}$ pou yo tout kapab gnou sèl, minm jan ou-minm, Papa, ou nan mouin, é mouin nan ou; pou yo tou kapab gnoun nan nou; pou lé monn kapab kouè ké sé ou ki voyé-m. ${ }^{22}$ É mouin ba yo la gloua ké ou té ban mouin, pou yo kapab gnou sèl, minm jan nou sé gnou sèl: ${ }^{23}$ mouin nan yo, é ou-minm ou nan mouin, pou yo kapab vi-n pafè nan lunité; pou lé monn kapab konnin ké sé ou ki voyé-m, é ké ou rinmin yo minm jan ou rinmin mouin. ${ }^{24}$ Papa, sila ou ban mouin yo, mouin vlé ké koté mouin yé pou yo la tou avèk mouin, pou yo kapab ouè la gloua mouin ké ou té ban mouin, paské ou té rinmin-m avan lé monn té kréyé. ${ }^{25} \mathrm{O}$ Papa ki jus, lé monn pat konnin ou, min mouin té konnin ou; é sila yo té konnin ké sé ou ki té voyé-m. ${ }^{26}$ Mouin té fè yo konnin non ou, é mouin va fè konnin-l, pou minm amou ou té rinmin mouin an kapab nan yo, é mouin nan yo.

Yo arété Jézu apré Juda trayi li 18 Lè Jézu fi-n palé konsa, li alé avèk disip li yo lòt bò dlo ravi-n Sédron an, koté ki té gin gnou jadin; li antré ladan li avèk disip li yo.
2 Min Juda, ki t-ap trayi li, té konnin koté sa a tou, paské Jézu té konn réuni la souvan avèk disip li yo. ${ }^{3}$ Alò Juda pran gnou kolonn solda avèk ofisié nan min chèf sakrifikatè
yo ak farizyin yo, li vini avèk fannal, flanbo, épi zam.
4 Jézu ki té konnin tou sa ki té pral rivé li, avansé, é li di yo: Ki moun n-ap chaché? ${ }^{5}$ Yo réponn li: Jézu, nonm Nazarèt la. Jézu di yo: Sé mouin. E Juda, ki té trayi li, té kanpé bò la tou avèk yo. ${ }^{6}$ Lè Jézu di yo: Sé mouin, yo rékulé, é yo tonbé a tè.
7 Alò li mandé yo ankò: Ki moun n-ap chaché? É yo di: Jézu, nonm Nazarèt la. ${ }^{8}$ Jézu réponn: Mouin di nou sé mouin; min si sé mouin n-ap chaché, kité moun sa yo alé fè rout yo. ${ }^{9} \mathrm{Li}$ di sa pou paròl li té di a kapab akonpli: Gnoun pa péri nan moun ou ban mouin yo.
10 Simon Piè té gin gnou népé, li ralé-l, é li frapé gnou sèvitè gran chèf sakrifikatè a , li koupé zòrèy douat li. Yo té rélé sèvitè a Malkus. ${ }^{11}$ Jézu di Piè: Mété népé a nan fouro li; èské sé pa pou mouin bouè koup Papa-m ban mouin bouè a ?

## Jézu konparèt dévan A-n

12 Ald kolonn nan, avèk chèf la, avèk ofisié Jouif yo, kinbé Jézu é yo maré-1. ${ }^{13}$ Yo kondui li dabò kay A-n, paské sé té bo-pè Kaif ki té gran chèf sakrifikatè ané sa a. ${ }^{14}$ Sé Kaif sa a ki té bay Jouif yo konsèy ké sé té gnou avantaj pou gnou sèl nonm mouri pou pèp la.
Piè nan la kou gran chèf sakrifikatéa 15 É Simon Piè té suiv Jézu, avèk gnou lòt disip tou. Disip sa a té gnou konnésans
gran chèf sakrifikatè a, é li antré avèk Jézu nan la kou gran chèf sakrifikatè a. ${ }^{16} \mathrm{Min}$ Piè té kanpé déyò, bò bariè a. Alò lòt disip la ki té gnou konnésans gran chèf sakrifikatè a, sòti déyò, é li palé ak sèvant ki t-ap suvéyé bariè a , é li té fè Piè antré. ${ }^{17}$ Sèvant la ki t-ap suvéyé bariè a di Piè: Eské ou-minm tou ou sé gnoun nan disip nonm sa a ? Li di: Mouin pa gnoun. ${ }^{18}$ Alò sèvitè avèk ofisié yo té kanpé la; yo té fè gnou du-fé chabon, paské té fè frèt, é yo t-ap chofé. Piè té kanpé avèk yo, é li t-ap chofé tou.

## Gran chèf sakrifikatè a késionnin Jézu

19 Alò gran chèf sakrifikatè a intérojé Jézu sou disip li yo, é sou anségnman li. ${ }^{20}$ Jézu réponn li: Mouin té palé a klè bay lé monn; mouin toujou anségné nan sinagòg, é nan tanp la, koté tout Jouif yo konn réuni; é mouin pat palé angnin an kachèt. ${ }^{21}$ Pouki ou ap késionnin mouin? Mandé moun ki konn tandé mouin yo sa-m té di yo: yo konnin sa mouin té di. ${ }^{22}$ Lè li fi-n di sa, gnoun nan ofisié yo ki té kanpé bò la bay Jézu gnou kalòt, é li di: Sé konsa ou réponn gran chèf sakrifikatè a? ${ }^{23}$ Jézu di li: Si mouin té palé mal, fè ouè mal la; min si-m té palé byin, pouki ou frapé-m?
24 Alò A-n voyé li tou maré bay Kaif, gran chèf sakrifikatè a .

## Piè nié Jézu

25 Min Simon Piè té kanpé,
é li t-ap chofé. Yo di li: Eské ou-minm tou ou pa gnoun nan disip li yo? Li nié é li di: Mouin pa gnoun. ${ }^{26}$ Gnoun nan sèvitè gran chè̀f sakrifikatè a ki té gnou paran nonm Piè té koupé zòrèy la, di: Eské mouin pat ouè ou nan jadin an avèk li? ${ }^{27}$ Alò Piè nié ankò; é minm lè a kòk chanté.

## Jézu dévan Pilat

28 Yo kondui Jézu sòti kay Kaif alé nan palè Gouvènè a. Li té bonn-è. Min yo pa antré nan palè a, pou yo pat souyé, é pou yo té kapab manjé Pak la. ${ }^{29}$ Alò Pilat sòti jouinn yo, é li di: Ki akuzasion nou pòté kont nonm sa a? ${ }^{30}$ Yo réponn li: Si nonm sa a pat gnou malfétè, nou pa ta livré li ba ou. ${ }^{31}$ Pilat di yo: Pran li nouminm, é jujé li dapré loua nou. Jouif yo di li: Loua nou pa pèmèt nou bay pèsonn la mò. ${ }^{32}$ Sé pou ké paròl Jézu, sou ki jan la mò li té doué mouri a, té kapab akonpli.
33 Alò Pilat antré ankò nan palè a, li rélé Jézu, é li di li: Eské ou sé roua, Jouif yo? ${ }^{34}$ Jézu réponn: Eské ou di sa pou kont ou, ou-byin èské lòt moun di ou sa sou mouin?
${ }_{35}$ Pilat réponn: Eské mouin sé Jouif? Nasion ou avèk chèf sakrifikatè yo livré ou ban mouin: ki sa ou fè? ${ }^{36}$ Jézu réponn: Rouayom mouin pa rouayom monn saa; si rouayom mouin té rouayom monn sa a, sèvitè mouin yo ta goumin pou mouin pat
livré nan min Jouif yo. Min koun-yé a, rouayom mouin pa rouayom isit la. ${ }^{37}$ Alo Pilat di li: Donk ou sé gnou roua? Jézu réponn: Ou di ké mouin sé gnou roua. Sé pou sa mouin té fèt, é sé pou sa mouin té vini nan lé monn, pou mouin kapab rann la vérité témouagnaj. Tout moun ki pou la vérité kouté voua mouin. ${ }^{38}$ Pilat di li: Sa la vérité yé?
Lè li fi-n di sa, li sòti ankò al jouinn Jouif yo, é li di yo: Mouin pa jouinn okinn krim nan li. ${ }^{39}$ Min nou gin gnou koutum, pou mouin lagé gnou moun ban nou lè fèt Pak la: donk èské nou vlé mouin lagé roua Jouif la ban nou? ${ }^{40}$ Alò yo rélé ankò, yo di: Pa nonm sa a, min Barabas. Min Barabas té gnou vollè.

19Alò Pilat pran Jézu, é li fè fouété-l.
2 Solda yo trésé gnou kouròn pikan, yo mété-l sou tèt li, é yo abiyé li avèk gnou manto rouj-violèt. ${ }^{3}$ Epi yo proché koté li, yo di: Salutasion, roua Jouif yo! E yo kaloté-l.
4 Pilat sòti déyò ankò, é li di Jouif yo: Gadé, mouin minnin li déyò ban nou, pou nou kapab konnin ké mouin pa jouinn okinn krim nan li. ${ }^{5}$ Alò Jézu sòti avèk kouròn pikan an, é manto rouj-violèt la. E Pilat di yo: Min nonm nan!
6 Lè chèf sakrifikatè yo avèk ofisié yo ouè li, yo rélé, yo di: Klouré li sou gnou koua! klouré li sou gnou koua! Pilat di yo: Pran li nou-minm, klouré li sou gnou
koua; paské mouin pa jouinn okinn krim nan li. ${ }^{7}$ Jouif yo réponn li: Nou gin gnou loua, é sélon loua sa a li doué mouri paské li fè tèt li Pitit Bon-Dieu.
8 Lè Pilat tandé paròl sa a, li pè pi plus atò. ${ }^{9} \mathrm{Li}$ antré ankò nan palè a, é li di Jézu: Ki koté ou sòti? Min Jézu pa ba li okinn répons. ${ }^{10}$ Alò Pilat di li: Ou pa palé avèk mouin? Ou pa konnin ké mouin gin pouvoua pou-m klouré ou sou gnou koua, é pouvoua pou-m lagé ou? ${ }^{11}$ Jézu réponn li: Ou pa ta gin okinn pouvoua kont mouin, si an-ro pa té ba ou li; sé pou sa moun ki livré-m ba ou a, konmèt gnou pi gran péché.
12 Dépi lè sa a Pilat t-ap chaché délivré li. Min Jouif yo rélé, yo di: Si ou lagé nonm sa a, ou pa zanmi Séza: tout moun ki fè tèt li roua, déklaré li kont Séza. ${ }^{13}$ Lè Pilat tandé parol sa yo, li minnin Jézu déyò, é li chita sou tròn jujman an, nan lié ki té rélé Pavé a, nan lang ébré sé Gabata. ${ }^{14}$ Lè sa a sé té préparasion Pak la; li té a-pé-pré siz è. É Pilat di Jouif yo: Min roua nou! ${ }^{15} \mathrm{Min}$ yo rélé: An-ba li, an-ba li, klouré li sou gnou koua! Pilat di yo: Eské mouin va klouré roua nou sou gnou koua? Chèf sakrifikatè yo réponn: Nou pa gingnin lòt roua pasé Séza. ${ }^{16}$ Alò li rinmèt li ba yo pou yo klouré li sou gnou koua.
E yo pran Jézu é yo minnin li alé.

## Jêzu klouré sou la koua

17 Jézu sòti é li pòté koua li nan lié yo rélé Plas Zo-Tèt Moun, nan lang ébré sé Golgota. ${ }^{18}$ La yo klouré li sou gnou koua, é avèk li dé lòt, gnoun chak bò, é Jézu nan mitan.
19 Pilat maké gnou ékrito, é li mété li sou koua a. Min sa ki té ékri: Jézu Nazarèt, Roua Jouif yo. ${ }^{20}$ Anpil Jouif li ékrito sa a, paské plas koté Jézu té klouré sou la koua a té pré la vil la; é li té ékri ann ébré, an grèk é an latin. ${ }^{21}$ Alò chèf sakrifikatè Jouif yo di Pilat: Pa ékri: Roua Jouif yo, min kéli di: Mouin sé roua Jouif yo. ${ }^{22}$ Pilat réponn: Sa mouin fi-n ékri, mouin ékri li nèt.
23 Lè solda yo fi-n klouré Jézu son la koua, yo pran rad li. Yo séparé yo an kat, gnoun pou chak solda. Yo pran ròb li tou: min ròb la té tisé san koutu, dépi an-ro jouk an-ba. ${ }^{24}$ Alò gnoun di lòt: An nou pa déchiré li, min an nou tiré o-sò pou-n ouè pou ki lès li va sòti. Sé pou paròl Lékritu a té kapab akonpli, parol ki di:

Yo patajé rad mouin ant yo,
E yo tiré ròb mouin o-sò. Sé sa solda yo té fè.
25 Min bò koua a té gingnin ki té kanpé - manman Jézu, avèk sè manman li, Mari madanm Klopas, épi MariMadlèn. ${ }^{26}$ Lè Jézu ouè manman li avèk disip li té rinmin
an kanpé bò la, li di manman li: Madanm, min pitit ou! ${ }^{27}$ E li di disip la: Min manman ou! É dépi lè sa a disip la pran li lakay li.
28 Apré sa, Jézu ki té konnin ké lè sa a tout bagay fini, pou Lékritu té kapab akonpli, li di: Mouin souaf. ${ }^{29}$ Té gingnin gnou bòl paré la, plin vinèg; alọ yo mété gnou éponj plin vinèg sou gnou gòl izop, ${ }^{a}$ é yo proché li bò bouch li. ${ }^{30}$ Lè Jézu résévoua vinèg la, li di: $S a$ fini. Li bésé tèt li, li rann léspri li.

## Solda pes̀é kotê Jêzu

31 Alo, paské sé té la Préparasion, pou kò yo pa té rété sou koua jou saba a (jou saba sa a té gnou gran jou), Jouif yo mandé Pilat pou-l fè kasé janm moun yo, é pou fè rétiré kò yo. ${ }^{32}$ Alò solda yo vini, yo kasé janm prémié a, épi pa lòt ki té klouré sou la koua avèk li a. ${ }^{33}$ Min lè yo rivé sou Jézu, yo ouè li té déja mouri, yo pa kasé janm li; ${ }^{34} \mathrm{~min}$ gnoun nan solda yo pèsé koté li avèk gnou lans, é minm lè a san avèk dlo soti. ${ }^{35}$ Moun nan ki té ouè sa rann témouagnaj, é témouagnaj li vré, é li konnin ké li palé la vérité, pou nou tou nou kapab kouè. ${ }^{36}$ Paské bagay sa yo té fèt pou Lékritu té kapab akonpli:
Yo p-ap kasé okinn zo li.
37 Lékritu di ankó:
Yo va gadé sila yo té pèsé a .
${ }^{\text {a }}$ 19:29 Izop: Gnou plant.

## Antèman Jézu

38 Apré sa Jozèf, moun Arimaté, ki té gnou disip Jézu, min an kachèt paské li té pè Jouif yo, mandé Pilat pou li té kapab pran kò Jézu. É Pilat ba li pèmision. Alò li vini é li pran kò li. ${ }^{39}$ Nikodèm rivé la tou, sa ki o kòmansman té alé jouinn Jézu nan nuit la; li pòté gnou mélanj, a-pé-pré san liv mir ${ }^{b}$ avèk laloua. ${ }^{40}$ Alò yo pran kò Jézu, yo vlopé li nan étòf lin, avèk épis, kou Jouif yo gin koutum antéré. ${ }^{41}$ É nan lié koté li té klouré sou la koua a, té gin gnou jadin, é nan jadin an té gin gnou tonm nèf, koté yo pat ko mété pèsonn. ${ }^{42}$ A-kỏz Préparasion Jouif yo, kòm tonm nan té sou la min, yo mété Jézu ladan-l.

## Rézurè̀ksion Jézu

20Prémié jou nan séminn nan, bonn-è, lè té fè noua toujou, Mari-Madlèn vini bò tonm nan; é li ouè ròch la ralé louin tonm nan. ${ }^{2}$ Alò li kouri, l-alé jouinn Simon Piè, avèk lòt disip Jézu té rinmin an, é li di yo: Yo ouété lé Ségnè nan tonm nan, é nou pa konnin ki bò yo mété-l.
3 Piè sòti avèk lòt disip la, é yo alé nan tonm nan. ${ }^{4}$ Yo t-ap kouri ansanm: min lòt disip la dépasé Piè, é li rivé an prémié bó tonm nan. ${ }^{5} \mathrm{Li}$ bésé é li gadé an dédan, li ouè toual lin yo a tè; min
li pa antré. ${ }^{6}$ Simon Piè tou rivé apré li, é li antré nan tonm nan; li ouè toual lin yo a tè, ${ }^{7}$ épi sèvièt la, ki té sou tèt li, pa a tè avèk toual lin yo, min roulé nan gnou plas pou kont li. ${ }^{8}$ Alò lòt disip ki té vini an prémié nan tonm nan antré an dédan tou; li ouè é li kouè. ${ }^{9}$ Paské jouk lè sa a, yo pa té konprann Lékritu ki di ké li té doué lévé pami lè mò. ${ }^{10}$ E disip yo rétounin lakay yo.

## Jézu parèt déoan Mari-Madlèn

11 Min Mari té kanpé déyò tonm nan ap krié. Kòm li t-ap krié, li bésé, li gadé nan tonm nan; ${ }^{12}$ é li ouè dé zanj an blan chita gnoun nan tèt, lòt nan pié koté kò Jézu té kouché a. ${ }^{13}$ Yo di li: Madanm, pouki ou ap krié? Li réponn yo: Paské yo pòté Ségnè mouin alé, é mouin pa konnin koté yo mété li. ${ }^{14}$ Lè li fi-n palé konsa, li viré dèyè, é li ouè Jézu kanpé, min li pat konnin sé té Jézu. ${ }^{15}$ Jézu di li: Madanm, pouki ou ap krié? Ki moun ou ap chaché? Fanm nan té kouè sé té jadinié a, li di li: Msié, si sé ou ki ouété li isi a, di mouin koté ou mété-l, é mouin va pran li. ${ }^{16}$ Jézu di li: Mari! Li viré, li di li ann ébré: Raboni, ki vlé di: Diréktè. ${ }^{17}$ Jézu di li: Pa touché-m, paské mouin pa ko monté jouinn Papa-m. Min alé jouinn frè mouin yo, é di yo m-ap monté jouinn Papa mouin é Papa nou, Bon-Dieu mouin é Bon-Dieu

[^33]nou. ${ }^{18}$ Mari-Madlèn alé, é li di disip yo: Mouin ouè lé Ségnè; é ké li té di li bagay sa yo.

Jézu parèl dévan disip li yo
19 Jou sa a, prémié jou nan séminn nan, lè asouè rivé, pòt koté disip yo té yé a té fèmin, paské yo té pè Jouif yo. Jézu vini, li kanpé nan mitan, é lị di yo: La pè avèk nou! ${ }^{20}$ E lè li té di sa, li montré yo min li avèk koté li. Donk disip yo té kontan lè yo ouè lé Ségnè. ${ }^{21}$ Jézu di yo ankò: La pè avèk nou! Minm jan Papa a té voyé mouin, konsa tou mouin voyé nou. ${ }^{22}$ É lè li fi-n di sa, li souffé sou yo, é li di yo: Résévoua lé Sint-Éspri. ${ }^{23}$ Ninpòt péché moun nou padonnin, yo padonnin; ninpòt péché moun nou va rétni, yo rétni.

## Toma inkrédul

24 Min Toma, gnoun nan douz yo, sa yo té rélé Didim nan, pat avèk yo lè Jézu té vini an. ${ }^{25}$ Alò lèz òt disip yo di li: Nou ouè lé Ségnè. Min li di yo: Si-m pa ouè mak klou yo nan min li, é si-m pa mété douèt mouin nan mak klou yo, é si-m pa mété min mouin nan koté li, mouin p -ap kouè.
26 Apré uit jou ankò, disip yo té an dédan, é Toma avèk yo. Jézu vini, malgré pòt yo té fèmin; li kanpé nan mitan, li di: La pè avèk nou! ${ }^{27}$ Epi li di Toma: Proché douèt ou isi, é gadé min mouin; proché min ou, è mété
li nan koté mouin; épi pa inkrédul, min kouè. ${ }^{28}$ Toma réponn ê li di: Ségnè mouin, é Bon-Dieu mouin! ${ }^{29}$ Jézu di li: Paské ou ouè mouin, ou kouè. Byinn-éré moun ki pa ouè, é ki kouè.

## Buliv sa a

30 Jézu té fè anpil bagay ankò dévan disip li yo, ki pa ékri nan liv sa a. ${ }^{31}$ Min sa yo ékri pou nou kapab kouè ké Jézu sé lé Kris, Pitit Bon-Dieu a; é pou lè nou kouè, nou kapab gin la vi nan non li.

## Jézu parè dévan sèt disip

21 Apré sa Jézu parèt ankò dévan disip yo, bò la mè Tibériad. Min jan li té fè yo ouè li.
2 Té gingnin ansanm Simon Piè, Toma yo té rélé Didim nan, Natanael moun Kana Galilé, épi dé pitit Zébédé yo, avèk dé lòt nan disip Jézu yo. ${ }^{3}$ Simon Piè di yo: Mouin pral fè la pèch. Yo dili: Nou pral avèk ou tou. Yo alé, yo antré nan bato a; min nuit sa a yo pa pran angnin. ${ }^{4}$ Lè jou t-ap ouvri, Jézu té kanpé sou rivaj la; min disip yo pat konnin ké sé té Jézu. ${ }^{5}$ Alò Jézu di yo: Ti moun, nou pa gin angnin pou manjé? Yo réponn li: Non. ${ }^{6}$ Li di yo: Jété sinn nan a-douat bato a, é nou va jouinn. Donk yo jété sinn nan, é trouvé ké yo pat kapab rale li, tank té gin pouason. ${ }^{7}$ E disip Jézu té rinmin an di Piè: Sé lé Ségnè. Lè Simon Piè tandé sé té lé Ségnè, li maré rin li avèk rad
li (paské li té tou-nu), é li jété kò li nan la mè. ${ }^{8}$ Min lèz òt disip yo vini nan ti bato a (paské yo pa té trò louin tè, min anviron toua san pié), é yo t-ap ralé sinn nan plin pouason.
9 Lè yo sòti déyò sou tè, yo ouè gnou du-fé chabon, avèk pouason sou li, épi pin. ${ }^{10}$ Jézu di yo: Pòté nan pouason nou fèk pran yo. ${ }^{11}$ Simon Piè monté, é li ralé sinn nan a tè, plin avèk san sinkann-toua gro pouason; é malgré yo té si anpil, sinn nan pat chiré. ${ }^{12}$ Jézu di yo: Vi-n déjinnin. Min okinn nan disip yo pa té pèmèt mandé li: Ki moun ou yé? Yo té konnin ké sé té lé Ségnè. ${ }^{13}$ Jézu proché, li pran pin, li ba yo, épi pouason tou.
14 Foua sa a té fè touazièm foua Jézu té montré li bay disip yo, apré li té résusité pami lè mò.

## Nouri mouton mouin yo

15 Lè yo fi-n déjinnin, Jézu di Simon Piè: Simon, pitit Jan, èské ou rinmin mouin plus pasé sila yo? Li réponn li: Oui, Ségnè, ou konnin ké mouin rinmin ou. Jézu di li: Pran souin ti mouton mouin yo. ${ }^{16} \mathrm{Li}$ di li ankò gnou dézièm foua: Simon, pitit Jan, èské ou rinmin mouin? Li di li: Oui, Ségnè, ou konnin ké mouin rinmin ou. Li di li: Pran souin mouton mouin yo. ${ }^{17}$ Pou la touazièm foua li di li: Simon, pitit Jan, èské ou rinmin mouin? Piè té gin la
pinn paské li té di li gnou touazièm foua: Eské ou rinmin mouin? E li réponn: Ségnè, ou konnin tout bagay, ou konnin ké mouin rinmin ou. Jézu di li: Nouri mouton mouin yo. ${ }^{18}$ An vérité, an vérité, mouin di ou, lè ou té jinn, ou té maré rin ou, ou té alé koté ou té vlé; min lè ou va vi-n vié, ou va lonjé min ou, gnou lò̀t va maré rin ou, é li va minnin ou koté ou pa vlé. ${ }^{19} \mathrm{Li}$ di sa pou indiké nan ki kalité la mó li ta bay Bon-Dieu gloua. Lè li fi-n di sa, li di li: Suiv mouin.

## Disip byinn-émé a

20 Piè viré, li ouè disip Jézu té rinmin an ap vini dèyè, sa ki té kouché sou sin li nan soupé a, é ki té di: Ségnè, ki lès k-ap trayi ou la? ${ }^{21}$ Lè Piè ouè li, li di Jézu: Ségnè, sa k-a rivé sila a? ${ }^{22}$ Jézu di li: Si-m vlé li rété jouk lè mouin tounin, sa sa fè ou? Ou-minm, suiv mouin. ${ }^{23}$ Sé pou sa paròl sa a sikulé pami frè yo ké disip sa a pa té pou mouri. Min Jézu pa té di ké li pa té pou mouri; min: Si-m vlé li rété jouk mouin tounin, sa sa fè ou?
24 Sé disip sa a ki bay témouagnaj sou bagay sa yo, é ki té ékri yo. É nou konnin ké témouagnaj li vré.
25 Gin anpil lot bagay ankò Jézu té fè; si pou yo ta ékri tout, mouin kouè lé monn minm pa ta kapab kinbé liv yo ki ta ékri.

## Travay Apòt yo

Promès ké Sint-Éspri tap vini

1Nan prémié liv mouin an, Téofil, mouin palé sou tou sa Jézu té fè épi anségné dépi o kòmansman, ${ }^{2}$ jouk jou li monté nan sièl la; lè sa a, li té fi-n bay apòt li te chouazi yo instruksion li, gras a Sint-Éspri.
3 Li té parèt vivan dévan yo, apré pasion li; épi li té ba yo pliziè prèv ké li té lévé nan la mò, li fè yo ouè li karant jou, li palé yo sou bagay ki konsènin rouayòm Bon-Dieu.
4 Étan li té avèk yo, li mandé yo pou yo pa kité Jéruzalèm, min pou yo té tann jouk promès Papa a akonpli. Li di yo: Sé promès mouin té palé nou an; ${ }^{5}$ Jan té batizé ak dlo, min nou-minm, nou va résévoua batèm SintÉspri nan kèk jou sèlman. ${ }^{6}$ Alò sa ki té réuni yo mandé li: Ségnè, èské sé lè sa a ou va rétabli rouayòm Izraèl? ${ }^{7}$ Li réponn yo: Sé pa nou ki pou konnin tan ou-biin lè ké Papa a kinbé nan min li pou li taksé. ${ }^{8}$ Min nou ya résévoua puisans lè Sint-Éspri va désann sou nou; épi nou va sèvi-m témouin nan Jéruzalèm, nan tout la Judé épi la Samari, jouk nan dènié bout la tè.

## Jézu-Kri monté nan siel

9 Apré li fi-n di sa, li lévé
anlè, étan yo tap gadé li, épi gnou nuaj kachè-l dévan jé yo. ${ }^{10}$ Kòm Jézu tap monté alé, épi moun yo té gin jé yo fiksé nan sièl la, dé zòm, abiyé an blan, prézanté dévan yo, ${ }^{11}$ yo di: Moun Galilé, pouki nou rété ap gadé sièl la? Jézu sa a, ki sòti pami nou, épi ki lẻvé nan siè la, va rétounin minm jan nou ouè li monté nan sièl la.

Yo chouazi Matias nan plas Juda
12 Alò, yo désann mòn nan yo rélé mòn Zolivié, ki pré vil la tankou distans gnou chémin saba, ${ }^{a}$ yo tounin Jéruzalèm. ${ }^{13}$ Lè yo rivé, yo monté nan chanmòt, ki té sèvi pou la désant Piè, Jan, Jak, André, Filip, Toma, Batèlmi, Matié, Jak pitit Alfé, Simon Zélòt la, épi Jud pitit Jak. ${ }^{14}$ Yo tout tap pèsévéré nan la priè, nan gnou minm akò, avèk médam yo, ak Mari manman Jézu épi avèk frè li yo.
15 Nan tan sa a, Piè lévé nan mitan frè yo ki té rasanblé; yo té a pé pré san vin. Li di yo:
16 Frè-m yo, fòk sa té akonpli, sa Sint-Espri té di davans nan Lékritu, nan bouch David, sou Juda, ki té kondui moun yo ki té arété Jézu. ${ }^{17}$ Paskélit té konté kòm gnoun nan nou, é li té patisipé nan travay. - ${ }^{18}$ Apré msié fi-n achté gnou jadin avèk lajan
a 1:12 Chémin saba: A pé pré gnou kilomèt, distans ké yo té pèmèt pakouri jou saba, dapré koutum Jouif yo.
krim li a, li tonbé; kò li fann nan mitan, épi tout zantray li gayé, ${ }^{19}$ Sé gnou bagay moun Jéruzalèm konnin si biin, ké nan lang yo jadin an rélé Akèldama, ki vlé di Jadin San an. - ${ }^{20}$ Paské sa ékri nan liv Sòm yo:

Ké kay li tounin savann,
E ké pèsonn pa rété ladann! Epi ankò:

Ké gnou lòt pran plas li!
${ }^{21}$ Donk, pami moun yo ki té nan konpagni nou, tout tan lé Ségnè Jézu tap viv ak nou, ${ }^{22}$ dépi lè batèm Jan an jouk jou li té lévé sòti pami nou, sé pou gnoun sèvi témouin avèk nou ké li lévé nan la mò.
23 Yo prézanté dé: Jozèf yo té rélé Basabas é ki té pòté ti non Justus, avèk Matias. ${ }^{24}$ Épi yo fè la priè sa a: Ségnè, ou-minm ki konnin kè tout moun, montré nou ki lès ou chouazi nan dé sa yo, ${ }^{25}$ pou li kapab pran, nan travay apòt la, plas Juda abandonnin an pou li al fè chémin li. ${ }^{26}$ Yo tiré o sò, é Matias sòti; yo asosié li avèk onz apòt yo.

## Sint-Éspri oini

2Jou la Pannkòt la, yo tout té ansanm gnou minm koté. ${ }^{2}$ Subitman, gnou bri sòti nan sièl la, tankou gnou gro van kap souflé; li plin tout kay koté yo té chita a. ${ }^{3}$ Alò yo ouè dé lang ki parèt, gnoun séparé ak lòt, tankou dé lang difé, épi ki
pozé sou yo chak. ${ }^{4}$ Yo tout té vi-n plin ak Sint-Éspri, yo kòmansé palé nan lang étranjé, dapré jan Léspri té akòdé yo pou yo palé.
5 Min té gin dé Jouif ki té fè désant yo nan Jéruzalèm; sé té moun dévoué nan la rélijion, yo té sòti nan tout nasion anba sièl la. ${ }^{6}$ Lè bri a fèt, foul la kouri vini, é yo tout té étonnin paské yo chak té tandé disip yo ap palé nan pròp lang pa yo. ${ }^{7}$ Sa té fè yo tout sézi, yo admiré sa, yo pran di: Eské tout moun sa yo kap palé, sé pa moun Galilé? ${ }^{8}$ Kòman nou chak fè tandé yo palé pròp lang péyi koté nou fèt? ${ }^{9}$ Nou-minm Pat, Mèd, Élamit, moun ki abité nan la Mézopotami, la Judé, la Kapadòs, lé Pon, Lazi, ${ }^{10}$ la Friji, la Panfili, Léjip, téritoua la Libi ki tou pré Sirèn nan, sa ki sòti Ròm, ni Jouif ni prozélit, ${ }^{a}{ }^{11}$ moun la Krèt, Arab, nou tandé yo ap palé nan lang nou sou mèvèy Bon-Dieu. ${ }^{12}$ Yo tout té sézi, yo pat konn ki lidé pou yo fè, gnoun tap di lòt: Sa sa vlé di? ${ }^{13}$ Min dòt tap moké yo, apé di: Yo plin du-vin nouvo!

## Diskou Piè a jou Pannkòt la

14 Alò Piè avansé avèk onz yo, li lévé la voua, li di foul la: Nou Jouif, avèk nou tout ki isit nan Jéruzalèm, konnin sa biin, épi kouté parol mouin! ${ }^{15}$ Moun sa yo pa sou, jan nou supozé a ; paské sé sèl-

[^34]man név è du matin li yé. ${ }^{16} \mathrm{Min}$, sa kap pasé isit la, sé sa profèt Joèl té di davans la: ${ }^{17}$ Va rivé nan dènié jou yo, - sé Bon-Dieu minm kap palé, - ké mouin va répann Léspri mouin sou tout vivan;
Pitit gason nou ak pitit fi nou va palé tankou profèt,
Jèn jan nou yo va gin vizion,
Vié gran moun nou yo va fè dé kalité rèv.
${ }^{18}$ Oui, nan jou sa yo, mouin va répann Léspri mouin
Sou sèvitè-m ak sou sèvant mouin yo; yo va palé tankou profèt.
${ }^{19}$ Mouin va fè mèvèy parèt anro nan sièl la avèk mirak anba sou tè a:
San, difé, ak toubiyon la fumin;
${ }^{20}$ Solèy la va tounin ténèb,
E lalun nan va tounin san,
Avan gran jou a rivé,
Jou gloua lé Ségnè a.
${ }^{21}$ Va rivé ké ninpòt moun ki invoké non lé Ségnè va sové.
22 Moun Izraèl, kouté paròl sa yo! Bon-Dieu rann Jézu moun Nazarèt témouagnaj dévan jé nou; gras a Jézu, li akonpli nan mitan nou dé zèv puisan, mèvèy avèk mirak, jan nou konnin; ${ }^{23}$ nonm sa a ki té livré dapré plan ki té préparé, épi jan Bon-Dieu té konnin davans tout bagay té doué pasé, nou fè li mouri nan min méchan yo ki klouré li sou la koua. ${ }^{24}$ Min BonDieu lévé-l, li délivré-l anba doulè la mò, paské sé pat po-
sib pou la mò té gadé-l anba puisans li. ${ }^{25}$ Piské David di sou li:

Mouin té ouè lé Ségnè tout tan koté-m,
Li rété a-douat mouin pou-m pa brannin.
${ }^{26}$ Sé pou sa kè-m kontan, épi lang mouin nan la joua.
É minm kò mouin tou va répozé ak éspérans;
${ }^{27}$ Paské ou pap abandonnin nanm mouin koté mò yo rété,
Ou pap kité Sin pa ou la jouinn avèk kòrupsion.
${ }^{28} \mathrm{Ou}$ fè mouin konn chémin la vi,
Ou va plin mouin ak la joua nan prézans ou.
${ }^{29}$ Frè-m yo, pèmèt mouin palé nou klèman sou David, zansèt la: li mouri, yo antéré-l, tonm li pami nou jouk jodi a. ${ }^{30}$ Min paské li té gnou profèt, é li té konnin Bon-Dieu té promèt ak sèman pou fè gnoun nan désandan li chita sou tròn ni, ${ }^{31}$ li ouè davans ké Kris té gin pou lévé nan la mò, li palé sou sa jan sa a: Yo pa kité li koté mò yo rété, é chè li pa jouinn avèk kòrupsion. ${ }^{32}$ Sé Jézu sa a Bon-Dieu lévé nan la mò; é nou tout, nou sé témouin sa. ${ }^{33} \mathrm{Li}$ antré nan plas onnè a-douat Bon-Dieu, li résévoua Sint-Éspri ké Papa a té promèt, li répann ni jan nou ouè-1 la, jan nou tandé-1 la. ${ }^{34}$ Paské David pa monté nan siè; min sé li-minm ki di:

Lé Ségnè di Ségnè mouin:
Chita a-douat mouin,
35 Jouk tan mouin mété énmi
ou yo anba pié ou, pou sèvi ou mach-pié.
${ }^{36}$ Donk, ké tout la mézon Izraèl pran sa pou sètin: Jézu sa a nou té klouré sou la koua, Bon-Dieu fè li Ségnè épi Kris.
37 Lè yo té tandé paròl sa yo, yo té touché jouk nan fon kè yo, yo di Piè ak lòt apòt yo: Frè, ki sa pou nou fè?
38 Piè réponn yo: Répanti nou, épi sé pou nou chak résévoua batèm o non Jézu-Kri, pou jouinn padon péché nou; é nou va résévoua don SintEspri. ${ }^{39}$ Paské promès la sé pou nou, pou pitit nou, é pou tou sa ki louin, an ninpòt ki kantité lé Ségnè Bon-Dieu nou va rélé. ${ }^{40}$ Épi, ak anpil lòt paròl, li adrésé yo ékzòtasion biin cho, li di: Sové tèt nou nan mitan jénérasion pèvès sa a.
41 Sa ki té résévoua paròl Piè té préché a té batizé; jou sa a té gin a pé pré toua mil moun an plus ki té vi-n jouinn yo.

Fralènité prémié kouayan yo
42 Yo té pèsévéré nan anségnman apòt yo, épi nan konmunion ant frè; yo té kasé pin ansanm, yo té lapriè ansanm. ${ }^{43}$ Dévan kantité mèvèy avèk mirak apòt yo té akonpli, la krint té nan dènié kè. ${ }^{44}$ Tout moun yo ki té kouè té ansanm, yo té gin tout afè yo an konmin. ${ }^{45}$ Yo vann propriété yo ak biin yo, épi yo patajé pri a ant yo, dapré bézouin chak moun. ${ }^{46}$ Chak jou, yo tout ansanm, yo té alé nan tanp la régu-
lièman. Nan kay yo, yo té kasé pin, yo té manjé répa yo ak joua épi ak gnou kè sinp, ${ }^{47}$ Yo té bay Bon-Dieu louanj, é yo té rann tèt yo agréab dévan tout pèp la. Lé Ségnè té ajouté tou lé jou nan légliz la moun ki té sové.

## Gérizon gnou infim bò Bèl Pòt la

3 Piè ak Jan tap monté nan 3 tanp la pou la priè touaz è apré-midi a.
2 Té gin gnou nonm ki té infim dépi nan nésans li; tou lé jou yo té konn pòté li mété nan pòt tanp la ki rélé Bèl Pòt la, pou li mandé moun kap antré nan tanp la charité. ${ }^{3}$ Lè li ouè Piè ak Jan ki t-apral antré nan tanp la, li mandé yo charité. ${ }^{4}$ Piè fiksé jé sou li, Jan tou, épi li di-l: Gadé nou. ${ }^{5}$ Infim nan mété jé biin atantif sou yo, avèk éspoua résévoua kichóy. ${ }^{6} \mathrm{Min}$ Piè di li: Mouin pa gin ni lajan ni lò; min, sa mouin gingnin an, map ba ou li. O non Jézu-Kri dé Nazarèt, maché. ${ }^{7}$ Épi li kinbé-l nan min douat, li fè-l lévé. Minm lè a, plan pié li ak zo jouintu pié li vi-n fèm; ${ }^{8} \mathrm{li}$ fè gnou sèl soté, li kanpé, li pran maché. Li antré nan tanp la avèk yo, ap maché, soté épi ap bay BonDieu louanj.
9 Tout pèp la ouè li ap maché épi ap bay Bon-Dieu louanj. ${ }^{10}$ Yo rékonnèt ké sé li-minm ki té konn chita nan Bèl Pòt tanp la, pou mandé charité; yo té anba sézisman épi tou égaré dévan sa ki té rivé-1. ${ }^{11}$ Kóm nonm nan té kinbé min Piè ak Jan, tout
pèp la ki té sézi, kouri vi-n bò koté yo nan bèl antré yo rélé Bèl Antré Salomon an.

Diskou Piè bò Bèl Antré Salomon an 12 Lè Piè ouè sa, li di pèp la:
Moun Izraèl, kòman nou fè sézi pou-tèt sa ki rivé a? Pouki nap fiksé jé sou nou, kòm si sé té ak pròp puisans nou oubiin ak dévosion nou pou Bon-Dieu ké nou fè nonm sa a maché? ${ }^{13}$ Bon-Dieu Abraam, Izaak épi Jakòb la, BonDieu papa nou yo, bay sèvitè li Jézu gloua, li-minm nou té livré é nou té nié dévan Pilat, ki té d-avi pou lagé li. ${ }^{14}$ Nou nié Sin an, Jus la, épi nou mandé pou yo lagé ba nou gnou ansasin. ${ }^{15}$ Nou tué Prins la vi a ké Bon-Dieu lévé pami mò yo; nou-minm nou sé témouin sa. ${ }^{16}$ Sé gras a la foua nan non li, ké non li bay nonm sa a fòs, - nonm sa a ké nou ouè é ké nou konnin; la foua, ki aji gras a Jézu, bay nonm sa a ki nan prézans nou tout, gnou gérizon dé-la-tèt-o-pié.
17 Kou li yé a, frè-m yo, mouin konnin sé ignorans nou ki fè nou aji konsa, minm jan chèf nou yo tou. ${ }^{18}$ Min sé jan sa a Bon-Dieu akonpli sa li té anonsé davans nan bouch tout profèt li yo, ké Kris li a té gin pou soufri.
19 Répanti nou donk é konvèti nou, pou péché nou kapab éfasé, ${ }^{20}$ pou lé Ségnè kapab voyé kèk sézon rafréchisman; pou li kapab voyé Jézu-Kri sa a li préparé pou nou, ${ }^{21}$ paské Jézu-Kri gin
pou fè démè li nan sièl la jouk tan tout bagay rétabli, jan Bon-Dieu té di nan tan lontan nan bouch sin profèt li yo. ${ }^{22}$ Moyiz di: Lé Ségnè, BonDieu nou, va lévé gnou profèt ba nou, pami frè nou yo, gnou profèt tankou mouin; nou va kouté-l nan tou sa li va di nou. ${ }^{23}$ É yo va détoui nan pami pèp la ninpòt moun ki pa kouté profèt sa a. ${ }^{24}$ Sé konsa tout profèt yo ki palé, dépi Samuèl ak sa ki suiv li yo, yo-minm tou, yo palé sou tan sa a. ${ }^{25}$ Nou sé pitit profèt yo, pitit alians Bon-Dieu té fè avèk papa nou yo, lè-l té di Abraam: Tout fanmi sou la tè va béni nan désandans ou. ${ }^{26}$ Bon-Dieu fè sèvitè li a parèt, li voyé-l ba nou an prémié, pou béni nou, lè li détounin nou chak nan méchansté nou.

Piè ak Jan dévan Sannédrin an Étan Piè ak Jan tap palé avèk pèp la, sakrifikatè yo, komandan tanp la épi saduséyin yo vi-n rivé, ${ }^{2}$ nan gnou gran troub, paské mésié yo tap anségné pèp la, yo tap anonsé ké nan Jézu moun kapab lévé nan la mò. ${ }^{3}$ Yo mét la min sou yo, yo jété yo nan prizon jouk nan démin, paské li té déja asouè. ${ }^{4} \mathrm{Min}$, pliziè nan moun ki té tandé paròl la té kouè; kantité fidè yo té rivé a pé pré sink mil.
5 Nan démin, chèf pèp la, ansiin yo épi éskrib yo rasanblé nan Jéruzalèm, ${ }^{6}$ avèk A-n, pi gran chèf sakrifikatè a, Kayif, Jan, Aléksann, ak tou sa ki té la fami chèf sakri-
fikatè yo. ${ }^{7}$ Yo fè Piè ak Jan konparèt dévan yo, yo mandé yo: Avèk ki pouvoua, oubiin o non ki lès nou fè sa?
8 Alò Piè, ki té plin ak SintÉspri, di yo:
Chèf pèp la, ansiin Izraèl yo, ${ }^{9}$ piské jodi a yo pozé nou késion a kozz gnou infim nou fè biin, é yo mandé nou kòman li fè géri, ${ }^{10}$ sé pou nou tout konnin sa, é sé pou tout pèp Izraèl konn sa tou! Sé o non Jézu-Kri dé Nazarèt, ké nou té klouré sou la koua é ké Bon-Dieu lévé pami mò yo, sé gras a li ké nonm sa a prézanté dévan nou géri. ${ }^{11}$ Jézu sé

Roch nou-minm kap bati a nou té jété-l;
É li vi-n ròch kouin an.
${ }^{12} \mathrm{~Pa}$ gin okinn lòt ki kapab sové moun; paské yo pa bay lèz òm okinn lòt non anba sièl la, ki kapab sové nou.
13 Lé yo ouè jan Piè ak Jan té brav, yo té sézi, kòm yo té konnin ké sé té moun gro pèp, san okinn instruksion. Yo rékonnèt yo kòm moun ki konn avèk Jézu. ${ }^{14}$ Mín lè yo ouè nonm ki té géri a kanpé koté yo, yo pat jouinn angnin pou réponn Piè ak Jan. ${ }^{15}$ Apré yo fi-n ba yo lòd sòti nan Sannédrin ${ }^{a}$ an, yo konsulté ansanm, yo di: ${ }^{16} \mathbf{K i}$ sa pou nou fè ak moun sa yo? Paské sa klè pou tout moun nan Jéruzalèm ké yo fè gnou gro mirak; nou pa kapab nié sa. ${ }^{17} \mathrm{Min}$, pou bagay la pa gayé plus nan pèp la, an nou fè yo défans épi ménasé yo,
pou yo pa palé pèsonn nan non sa a, patan jodi a. ${ }^{18}$ Yo fè rélé yo, yo défann yo janm palé, ni bay anségnman nan non Jézu. ${ }^{19}$ Min Piè ak Jan réponn yo: Jujé nou-minm, si sa jus dévan Bon-Dieu pou obéyi nou pasé nou obéyi Bon-Dieu. ${ }^{20}$ Paské nou pa kapab pa palé sou sa nou ouè ak sa nou tandé. ${ }^{21}$ Apré yo fi-n ménasé yo ankò, yo lagé yo, kòm yo pa jouinn mouayin puni yo, a kòz pèp la; paské tout moun tap rann gloua-ra-Dieu pou sa ki té pasé a. ${ }^{22}$ Sè ké nonm mirak gérizon té fèt sou li a té gin plus ké karant an.

Kouayan yo lapriè mandé kouraj 23 Kou yo lagé yo, apòt yo al jouinn frè yo, yo rakonté tou sa chèf sakrifikatè ak ansiin yo té di yo. ${ }^{24}$ Lè yo fi-n tandé sa, yo tout lévé la voua ansanm bay Bon-Dieu, yo di: Ségnè, ki fè sièl la ak tè a, la mè ak tou sa ki ladann, ${ }^{25}$ ou diakSint-Espri ou, nan bouch papa nou, sèvitè ou David:

Pouki sa nasion yo toumanté kò yo,
Pouki sa pèp yo fè dé plan pou grin-mési?
${ }^{26}$ Roua la tè yo soulévé,
Prins yo mété yo ansanm
Kont lé Ségnè avèk kont Kris li.
${ }^{27}$ Paské Éròd, Pons Pilat ak nasion yo épi pèp Izraèl mété yo réèlman ansanm nan vil sa a kont sin sèvitè ou Jézu ké ou sakré, ${ }^{28}$ pou akonpli tout bagay min ou ak volonté ou

[^35]té désidé davans. ${ }^{29}$ Kou li yé a, Ségnè, gadé ménas yo fè, akòdé sèvitè ou yo pou yo palé a paròl ou ak tout kouraj, ${ }^{30}$ lonjé min ou pou gérizon, mirak épi mèvèy kapab fèt gras a non sin sèvitè ou, Jézu.
31 Lé yo fi-n lapriè, koté yo té réuni an tranblé; yo tout té plin ak Sint-Espri, yo anonsé la paròl Bon-Dieu avèk kouraj.

## Tout afè yo ansanm

32 Tout la kantité moun yo ki té kouè té gnou sèl kè, gnou sèl nanm. Pèsonn pat di ké sa li té posédé sé té afè pa liminm; yo té mété tout afè yo ansanm. ${ }^{33}$ Apòt yo té rann témouagnaj avèk gran puisans pou lé Ségnè Jéza, pơu lévé li té lévé nan la mò. É gnou gran gras té répann sou yo tout. ${ }^{34}$ Pèsonn pami yo pat nan la mizè, paské tou sa ki té posédé jadin ou-biin kay té vann yo, yo té pòté lajan sa yo té vann nan rapòté. ${ }^{35}$ Yo té dépozé-l nan pié apòt yo; épi yo té séparé li bay chak moun dapré nésésité yo.
36 Sé konsa Jozèf, ki té gin ti non Banabas - ki vlé di: Pitit konsolasion - ki té gnou lévit, moun Chip, ${ }^{37}$ té gin gnou jadin; li vann ni, li pòté lajan an, li mété-l nan pié apòt yo.

## Ananias ak Safira

5Min gnou nonm yo té rélé Ananias, dako ak Safira, madanm ni, vann gnou propriété, ${ }^{2}$ épi, nan konminézon ak madanm ni, li gadé gnou pati nan lajan la
vant la; li pòté rès la, li mété-1 nan pié apòt yo. ${ }^{3}$ Piè di li: Ananias, pouki Satan antré nèt konsa nan kè ou, pơ ou kapab manti bay Sint-Éspri; pou ou kapab détounin gnou pati nan lajan jadin an? ${ }^{4}$ Si ou pat vann jadin an, èské li pa ta rété pou ou? E lè ou fi-n vann ni, èské ou pat lib gadé lajan an? Kòman ou kapab fè gnou plan kon sa nan kè ou? Sé pa lèz òm ou bay manti, sé Bon-Dieu. ${ }^{5}$ Lè Ananias tandé paroll sa yo, li tonbé, li rann dènié soupi li. Gnou gran krint anparé tout moun yo ki té la. ${ }^{6}$ Min jèn jan yo lévé, yo vlopé kò a, yo pòté-l alé pou antéré li.
7 Anviron touaz è dé tan apré, madanm Ananias, ki pat konn angnin nan sa ki té pasé, vi-n antré. ${ }^{8}$ Piè adrésé li: Di mouin, èské sé pou tan nou vann jadin an? Li réponn: Oui, sé pou tan. ${ }^{9}$ Aló Piè di li: Pouki sa nou fè konminézon ansanm pou tanté Léspri lé Ségnè? Min-ni, moun yo ki antéré mari ou, bri pié yo bò pòt la; yo va pòté ou alé tou. ${ }^{10}$ Minm lè a, li tonbé dévan Piè, li rann dènié soupi li. Jèn jan yo ki tap antré, jouinn ni mouri; yo pòté-l alé, yo antéré-l koté mari li. ${ }^{11}$ Gnou gran krint anparé tout légliz la, ak tout moun ki té aprann événman sa yo.

Anpil mirak ak mè̀èy akonpli
12 Gras a min apòt yo, anpil mirak avèk mèvèy té akonpli pami pèp la. Tout disip yo té rasanblé anba Bèl Antré

Salomon an, ${ }^{13}$ é pèsonn pat ozé mélé ak yo; min pèp la té palé louanj pou yo san kaché. ${ }^{14} \mathrm{Te}$ gin kouayan ki vi-n jouinn lé Ségnè toujou plus an plus, gran kantité gason ak fanm, ${ }^{15}$ o-pouin ké yo té pòté malad yo nan laru, yo mété yo sou kabann ou-biin sou nat, pou lè Piè vi-n ap pasé, minm lonbraj li té kapab kouvri kèk pami yo. ${ }^{16}$ Pèp vil ki pré yo, té vini tou nan Jéruzalèm, an foul, yo minnin malad épi moun ki té toumanté ak movèz éspri; é yo tout té géri.

## Piè ak Jan pèsékuté

17 Alò pi gran chèf sakrifikatè a lévé ak tout patizan li yo, ki vlé di pati saduséyin yo, é yo té plin ak jalouzi; 18 yo fè arété apòt yo, yo jété yo nan prizon publik la. ${ }^{19}$ Min, nan nuit, gnou zanj lé Ségnè ouvri pòt prizon an ba yo, li fè yo solti, li di yo: ${ }^{20} \mathrm{Al}$ prézanté nou nan tanp la, anonsé pèp la tout paròl la vi sa yo. ${ }^{21}$ Dakò ak paròl sa a, kou jou pèsé, apòt yo antré nan tanp la, yo pran bay anségnman.
Pi gran chèf sakrifikatè a rivé ak patizan li yo, yo réuni Sannédrin an ak tout ansiin pitit Izraèl yo, épi yo voyé chaché apòt yo nan prizon. ${ }^{22}$ Ofisié yo alé, min yo pa jouinn yo nan prizon an. Yo tounin fè rapò yo, ${ }^{23}$ yo di: Nou jouinn prizon an biin fèmin, avèk gad yo déyò dévan pòt yo; min lè nou ouvri, nou pa jouinn pèsonn anndan.

24 Lè kòmandan tanp la ak chèf sakrifikatè yo tandé paròl sa yo, yo té troublé anpil konsènin apòt yo, épi pou jouk ki koté afè sa a ta kapab rivé. ${ }^{25}$ Min gnou moun vi-n rivé, li di yo: Mésié nou té mét nan prizon yo, min yo nan tanp la, yap anségné pèp la.
26 Alò kòmandan an alé nan tanp la ak ofisié yo, ki kondui mésié yo vini, min san fè fós, paské yo té krinn pèp la kalonnin yo kout ròch. ${ }^{27}$ Lè yo minnin yo, yo prézanté yo bay Sannédrin an. Pi gran chèf sakrifikatè a pozé yo késion, ${ }^{28}$ li di yo: Eské nou pa té défann nou janm bay anségnman nan non sa a? Épi nou plin Jéruzalèm ak anségnman nou an, é nou vlé fè san nonm sa a tonbé sou nou!
29 Piè avèk apòt yo réponn: Sé pou obéyi Bon-Dieu pito pasé lèz d̀m. ${ }^{30}$ Bon-Dieu papa nou yo lévé Jézu nan la mò, Jézu nou té tué lè nou té pandié li sou boua a. ${ }^{31}$ BonDieu lévé-l a-douat li, li fè li Prins épi Sovè, pou bay Izraèl répantans ak padon péché yo. ${ }^{32}$ Nou-minm, nou sé témouin bagay sa yo an minm tan ak Sint-Espri ké BonDieu bay moun yo ki obéyi li.

33 Lè yo tandé paròl sa yo, la raj fe yo frémi, yo pran diskuté pou fè tué yo. ${ }^{34}$ Min gnou fariziin yo té rélé Gamaliè, gnou doktè la loua tout pèp la té réspékté, kanpé dévan Sannédrin an, li bay lod fè apòt yo sòti pou gnou mo-
man. ${ }^{35}$ Epi li di: MounIzraèl, véyé kò nou avèk sa nou pral fè mésié sa yo. ${ }^{36}$ Gin kèk tan dé sa, Tédas té lévé, li prézanté-l pou gnou tèt; anviron kat sanz òm mété yo avèk li; li pèdu la vi li, é tou sa ki té suiv li yo té dispèsé, yo tounin angnin. ${ }^{37}$ Apré li, Juda, moun Galilé, lévé, nan épòk résansman an, li atiré gnou foul moun dèyè-l; liminm tou, li péri, épi tou sa ki té suiv li yo dispèsé. ${ }^{38} \mathrm{Kou}$ li yé a mouin di nou sa: Pa pousuiv moun sa yo plus pasé sa; kité yo alé. Paské si travay ou-biin zèv sa a sòti nan lèz òm, li va détoui pou kont li; ${ }^{39} \mathrm{~min}$ si li sòti nan BonDieu, nou pap kapab fè li disparèt. Nou ékspozé nou dékouvri gnou lè ké sé kont Bon-Dieu nap fè la gè.
40 Yo tonbé dakò avèk li. Yo fè apòt yo antré; apré yo fi-n fè bat yo ak fouet, yo défann yo palé o non Jézu, épi yo lagé yo.
41 Alò apòt yo sòti nan Sannédrin an, yo alé fè rout yo, tou kontan paské yo té trouvé yo dign pou subi la ront pou non Jézu. ${ }^{42}$ É tou lé jou, nan tanp la épi kay an kay, yo pat suspann bay anségnman épi anonsé bòn nouvèl Jézu-Kri a.

Yo chouazi sèt d̀m pou sèvis tab
6. Nan tan sa a, kòm la pi plus, Jouif Grèk yo té plingnin kont Ébré yo, paské vèv pa yo té néglijé nan séparasion ki té fèt chak jou. ${ }^{2}$ Alò douz yo fè rasanblé tout di-
sip yo, yo di: Sa pa konvénab, pou nou abandonnin la paròl Bon-Dieu pou fè sèvis tab. ${ }^{3}$ Donk, frè, chouazi pami nou sèt òm bon réputasion, ki plin avèk Léspri épi avèk sajès, nou va chajé yo fè sèvis sa a. ${ }^{4}$ Nou-minm, nou va pèsévéré nan la priè ak nan travay la Paròl la.
5 Lidé sa a té fè tout lasanblé a plézi. Yo chouazi Étièn, gnou nonm ki té plin la foua avèk Sint-Éspri, Filip, Prokó, Nikanò, Timon, Paménas épi Nikola, gnou prozélit Antioch. ${ }^{6}$ Yo prézanté yo bay apòt yo ki lapriè épi yo étann la min sou yo.
7 La paròl Bon-Dieu té répann plus an plus, kantité disip yo té ogmanté anpil nan Jéruzalèm. Té minm gin gnou bann sakrifikatè ki té obéyi la foua.

## Yo arélé Élièn

8 Étièn, plin ak gras, plin ak puisans, tap fè gran mèvèy ak gran mirak nan pèp la. 9. Min kèk manm nan sinagog yo té rélé sinagog Afranchi yo, té lévé avèk dé-toua moun Sirèn, moun Aléksandri, kèk Jouif Silisi épi Lazi, yo pran diskuté avèk Étièn; ${ }^{10}$ min yo pat kapab rézisté dévan sajès li avèk Léspri ki té ba li lidé pou li palé. Alò yo pran tèt kèk moun ki di: Nou tandé li palé paròl blasfèm kont Moyiz ak kont BonDieu. ${ }^{12}$ Yo soulévé pèp la, ansiin yo avèk éskrib yo, yo vi-n sanz atann, yo mintni li, yo kondui-l dévan Sannédrin an. ${ }^{13}$ Yo prézanté kèk fo-
témouin ki di: Nonm sa a pa suspann palé kont tanp la avè̀k kont la Loua. ${ }^{14}$ Paské nou tandé li di ké Jézu dé Nazarèt la gin pou détoui tanp la, épi pou chanjé koutum Moyiz té ba nou yo.
15 Étan tout moun ki té chita nan Sannédrin an té fiksé jé yo sou Étièn, figu li té parèt tankou figu gnou zanj.

## Diskou Étièn pou défans li

7Alò pi gran chèf sakrifikatè a mandé li: Eské sé biin sa?
2 Étièn réponn: Frè-m yo, papa-m yo, kouté! Bon-Dieu la gloua a té parèt dévan papa nou Abraam, lè li té nan Mézopotami, avan li té vi-n rété Karan, é li di-l: ${ }^{3}$ Kité péyi ou avèk fanmi ou, alé nan péyi mouin va montré ou la. ${ }^{4}$ Alò li sòti nan péyi Kaldéyin yo, li alé rété Karan. Apré la mò papa li, Bon-Dieu fè li sòti la, pou vi-n nan péyi nou abité kou li yé a. ${ }^{5}$ Li pat ba li okinn propriété nan péyi sa a, pa ininm gnou pous tè; min li promèt ba li sa kòm posésion, é pou bay désandans li posésion an apré li, malgré Abraam pat gin pitit. ${ }^{6}$ Bon-Dieu di konsa: Désandans li va viv sou gnou tè étranjé; yo va fè yo ésklav, yo va maltrété yo kat sanz an. ${ }^{7}$ Min Bon-Dieu di ankò: Mouin va jujé nasion an ki va fè yo ésklav. É apré sa, yo va pati, yo va sèvi-m isit nan péyi sa a. ${ }^{8}$ Épi Bon-Dieu bay Abraam alians sikonsizion an. Sé konsa, lè Abraam té gin gnou pitit, Izaak, li sikonsi
li sou uitièm jou a; minm jan an, Izaak sikonsi Jakòb, épi Jakòb sikonsi douz zansèt yo. 9 Zansèt yo té jalou sò Jozèf, yo vann li pou yo minnin li ann Ejip. ${ }^{10}$ Min Bon-Dieu té avèk li é li délivré-l anba tout afliksion; li plin li avèk la gras épi sajès dévan Fa raon, roua Ejip la, ki mété li pou gouvènin Ejip avèk tout afè lakay li.
11 Min gnou grangou tonbé nan tout péyi Éjip avèk nan Kanaan; sé té gnou gran détrès; zansèt nou yo pat kapab jouinn manjé. ${ }^{12}$ Lè Jakòb tandé té gin manjé ann Éjip, li voyé zansèt nou yo la gnou prémié foua. ${ }^{13}$ Nan dézièm foua a, frè Jozèf yo rékonnèt li, é Faraon an aprann istoua Jozèf. ${ }^{14}$ Alò Jozèf voyé chaché papa li Jakòb avèk tout fanmi li, an tou souasannkinz moun. ${ }^{15}$ Jakòb désann ann Éjip, sé la li mouri ak zansèt nou yo; ${ }^{16}$ yo transpòté yo Sichèm, yo mété yo nan tonm Abraam té achté a, pou gnou valè lajan, nan min pitit Émò yo, moun Sichèm.
17 Min, lè tan an rivé pou Bon-Dieu té akonpli promès li té fè avèk sèman bay Abraam nan, pèp la té grosi, li multiplié ann Ejip, 18 jouk tan gnou lòt roua ki pat konn Jozèf, té parèt ann Éjip. ${ }^{19}$ Roua sa a aji avèk ruz kont ras nou, li maltrété papa nou yo, li fòsé yo ékspozé ti pitit fèk-fèt yo déyò, pou yo pat gin la vi.
${ }^{20}$ Sé nan tan sa a Moyiz té fèt; li té bèl nan jé Bon-Dieu.

Li té nouri toua moua lakay papa li. ${ }^{21}$ Lè yo té ékspozé-1 déyo, pitit fi Faraon an ranmasé-1, li lévé-l tankou pitit li. ${ }^{22}$ Moyiz té instoui nan tout sians Ejipsiin yo; li té puisan nan parol avèk nan zèv li.
23 Min lè-l fi-n rivé karant an, li fè lidé nan kè li pou vizité frè li, pitit Izraèl yo. ${ }^{24} \mathrm{Kòm}$ li ouè yo tap maltrété gnoun nan yo, li pran défans sa ki tap subi a, li révanjé pou li, li frapé Ejipsiin an. ${ }^{25} \mathrm{Li}$ té kouè ké frè li yo ta konprann ké Bon-Dieu tap délivré yo ak min li-minm Moyiz; min yo pa konprann sa. ${ }^{26}$ Nan démin, li parèt dévan yo étan yo tap goumin ant yo, li ba yo konsèy viv an pè, li di yo: Mé zanmi, nou sé frè; pouki sa gnoun ap maltrété lòt? ${ }^{27} \mathrm{Sa} \mathrm{ki}$ tap maltrété prochinn nan ré-pousé-l, li di: Ki lès ki mété ou chèf épi juj nou? ${ }^{28}$ Ou vlé tué-m, tankou ou tué Ejipsiin an yè? ${ }^{29}$ Lè li tandé paròl sa a, Moyiz kouri, li alé viv ann étranjé nan péyi Madian; la, li fè dé pitit.
30 Karantanapré, gnouzanj parèt dévan li, nan dézè mòn Sinayi, nan flanm gnou touf boua ki té pran difé. ${ }^{31}$ Lè li ouè-l, li té sézi pou sa ki té parèt dévann nan; é kòm li tap proché pou gadé li pi pré, voua lé Ségnè palé: ${ }^{32}$ Mouin sé Bon-Dieu papa ou yo, BonDieu Abraam, Izaak épi Jakòb. Moyiz, tou ap tranblé, pat ozé gadé. ${ }^{33}$ Alò lé Ségnè di li: Ouété soulié nan pié ou; paské koté ou yé a sé
gnou tè ki sin. ${ }^{34}$ Mouin gadé, é mouin ouè soufrans pèp mouin ann Éjip; mouin tandé jan yap jémi, é mouin désann pou délivré yo. Kou li yé a, vini, pou-m voyé ou ann Ejip.
35 Moyiz sa a yo té réfuzé, lè yo té di: Ki lès ki mété ou chèf épi juj?- sé li Bon-Dieu voyé kòm chèf, é kòm moun ki té pou délivré yo, avèk èd zanj la ki té parèt dévan li nan touf boua a. ${ }^{36}$ Sé li ki fè yo sòti nan Ejip, avèk mèvèy épi mirak li akonpli ann Ejip, sou la mè Rouj ak nan dézè a duran karant an. ${ }^{37}$ Sé Moyiz sa a ki té di pitit Izraèl yo: Bon-Dieu va lévé gnou profèt ba nou, pami frè nou yo, gnou profèt ki va tankou mouin. ${ }^{38}$ Sé li ki té nan lasanblé nan dézè a, avèk zanj ki té palé li sou mòn Sinayi a épi avèk papa nou yo; sé li ki té résévoua paròl la vi a pou ba nou yo. ${ }^{39}$ Sé li papa nou yo pat vlé obéyi; sé li yo té répousé pou viré kè yo bò Éjip, lè yo té di Aaron: ${ }^{40}$ Fè pou nou dé dieu ki va maché dévan nou; paské nonm Moyiz sa a, ki kondui nou sòti ann Éjip, nou pa konn sa ki pasé li. ${ }^{41}$ Nan tan sa a, yo fè gnou ti bèf ann-ò, yo ofri zidol la gnou sakrifis, yo pran plézi nan zèv min yo. ${ }^{42}$ Alò Bon-Dieu viré do ba yo, li lagé yo pou yo adoré lamé sièl la, jan sa ékri nan liv profèt yo:

Ėské nou té ofri mouin bèt avèk sakrifis
Duran karant an nan dézè a, ras Izraèl ?
${ }^{43}$ Nou té pòté ogatoua Molòk la
Avèk zétoual dieu Ranfan an,
Zidòl sa nou té fè avèk min nou yo pou nou adoré!
Sé pou-tèt sa, mouin va ékzilé nou jouk lòt bò Babilòn.
44 Tabènak témouagnaj la té nan mitan papa nou yo, nan dézè a, jan li té bay lòd la, li-minm ki té di Moyiz pou fè li dapré modèl li té ouè a. ${ }^{45}$ Lè li pasé nan min papa nou yo, yo pòté li antré avèk Jozué, nan péyi yo té pran nan min nasion ké Bon-Dieu té chasé dévan yo; li rété la jouk nan tan David. ${ }^{46}$ David té jouinn gras dévan BonDieu, é li mandé favè pou bay Bon-Dieu Jakòb la gnou démè. ${ }^{47}$ É sé Saloman ki bati gnou kay pou li. ${ }^{48}$ Min BonDieu Trè-Ro pa rété nan kay min lòm fè, dapré parol profèt la:
${ }^{49}$ Sièl la sé tròn mouin,
É la tè sé mach-pié mouin.
Ki kalité kay nou va bati pou mouin, lé Ségnè di, Ou-biin ki koté mouin va répozé-m?
${ }^{50}$ Eské sé pa min mouin ki fè tout bagay?
51 Moun kou rèd, ki pa sikonsi nan kè nou, ni nan zòrèy nou, tout tan nap rézisté lé Sint-Espri. Jan papa nou té yé, konsa nou yé tou. ${ }^{52} \mathrm{Ki}$ lès nan profèt yo papa nou yo pat pèsékuté? Yo tué minm sa yo ki té anonsé davans ké Jus la té gin pou vini; sé li nou-minm nou trayi kou li yé a; é nou ansasinin
li, ${ }^{53}$ nou ki résévoua la Loua gras a travay zanj yo, é nou pa obsèvé li!
54 Lè yo tandé paròl sa yo, la raj monté nan kè yo, yo grajé dan yo sou Étièn. ${ }^{55} \mathrm{Li}$ minm, li té tou plin avèk Sint-Espri, ak jé li fiksé nan sièl la, li ouè la gloua BonDieu épi Jézu kanpé a-ladouat Bon-Dieu. ${ }^{56}$ É li di: Mouin ouè sièl la ouvè, avèk Fis-dé-lòm nan kanpé a-ladouat Bon-Dieu. ${ }^{57}$ Alò yo lagé dé gran rèl, yo bouché zòrèy yo, yo tout tonbé sou li a-la-foua; ${ }^{58}$ yo trinnin li déyò la vil la, yo kalonnin li kout ròch. Témouin yo té dépozé rad yo nan pié gnou jèn òm ki té rélé Sòl. ${ }^{59} \mathrm{Min}$ étan yo tap kalonnin li kout ròch, Étièn tap lapriè, li di: Ségnè Jézu, résévoua léspri mouin! ${ }^{80}$ Epi li mété-1 a jénou, li rélé avèk gnou voua fò: Ségnè, pa mét péché sa a sou kont yo! Lè li fi-n di sa, li tonbé nan sonmèy.
8 Sòl té dakò sou la mò 8 Étièn.

Sòl ap pèsékuté légliz
Minm jou a, gnou gran pèsékusion lévé kont légliz Jéruzalèm; é tout fidèl yo, sòf apòt yo, dispèsé nan péyi la Judé ak la Samari. ${ }^{2}$ Min kèk moun dévoué té antéré Étièn, yo krié la mò li, yo fè santi gro la pinn yo. ${ }^{3}$ Kant a Soll, li tap ravajé légliz; li té antré nan kay yo, li trinnin gason ak fanm pa fòs, li fè mété yo nan prizon.

## Yo préché Léoanjil nan Samari

4 Sa ki té dispèsé yo té alé
plas an plas, ap préché Lévanjil.
5 Sé konsa Filip té désann nan gnou vil Samari, é la, li anonsé Kris. ${ }^{6}$ Lè foul yo tandé é yo ouè mirak Filip tap akonpli, yo té fè gnou sèl kò pou kouté sa li tap di. ${ }^{7}$ Paské movèz éspri té sòti nan anpil moun ki té gingnin yo, étan yap lagé dé gran rèl; é anpil moun ki té paralizé épi infim té géri. ${ }^{8}$ Sé té gnou gran joua nan vil sa a.
9 Alò té gin nan vil la gnou nonm ki té rélé Simon, ki té travay maji; li té konn fè pèp Samari sézi, li té fè tèt li pasé pou gnou gran pèsonnaj. ${ }^{10}$ Yo tout, dépi pi piti jouk nan pi gran, té ataché a li, yo té di: Li sé puisans Bon-Dieu ké yo rélé Gran Puisans la. ${ }^{11}$ Yo té kouté li avèk atansion paské dépi lontan li égaré yo ak tout afè maji li yo. ${ }^{12}$ Min lè yo kouè Filip, ki té anonsé yo Lévanjil rouayòm Bon-Dieu avèk non Jézu-Kri, gason épi fanm té résévoua batèm. ${ }^{13}$ Li-minm Simon té kouè tou, é apré li té batizé, li pat kité Filip du tou. Li té ouè mèvèy ak gran mirak ki tap akonpli, é yo té égaré li.
14 Lé apòt yo, ki té Jéruzalèm, tandé ké la Samari té aksépté la paròl Bon-Dieu, yo voyé Piè ak Jan alé la. ${ }^{15}$ Lè yo rivé, yo lapriè pou nouvo disip yo té résévoua Sint-Éspri. ${ }^{16}$ Paské li pat ko désann sou okinn nan yo; yo té sèlman batizé o non lé Ségnè Jézu. ${ }^{17}$ Alò Piè ak Jan étann la min sou yo, é yo
résévoua Sint-Éspri.
18 Lè Simon ouè ké moun té résévoua Sint-Éspri lè apòt yo étann min sou yo, li ofri yo lajan, li di: ${ }^{19} \mathrm{Ba}$ mouin pouvoua sa a tou, pou moun mouin étann la min sou yo kapab résévoua Sint-Éspri tou. ${ }^{20}$ Min Piè di li: Ké lajan ou la péri ansanm avèk ou, paské ou kouè ké don Bon-Dieu kapab achté avèk lajan! ${ }^{21} \mathrm{Ou}$ pa gin ni posion ni lo nan sa; paské kè ou pa douat dévan Bon-Dieu. ${ }^{22}$ Donk, répanti anba méchansté ou é lapriè lé Ségnè pou lidé ou gin nan kè ou la kapab padonnin, si sé posib. ${ }^{23}$ Paské mouin ouè kè ou plin ak fièl, é ou maré avèk inikité. ${ }^{24}$ Simon réponn: Lapriè lé Ségnè pou mouin, nou-minm, pou angnin nan sa ou di a pa rivé-m. 25 Lè Piè ak Jan té rann témouagnaj jan sa a, é yo té préché la paròl lé Ségnè, yo tounin Jéruzalèm, yo bay Lévanjil nan pliziè bouk Samaritin yo.

## Filip ak énuk Étiopiin an

26 Min, gnou zanj lé Ségnè palé Filip, li di-l: Lévé é alé nan diréksion sud, sou rout la ki désann sòt Jéruzalèm al Gaza, rout ki pa gin moun nan. ${ }^{27}$ Filip lévé, li pati. Té gin gnou nonm Etiopiin, gnou énuk, ki té ofisié nan gouvènman Kandas, la rèn péyi Étiopi, é ki té réskonsab tout richès li; li té alé Jéruzalèm pou adoré, ${ }^{28}$ li tap tounin, chita nan vouati li, apé li profèt Ézayi. ${ }^{29}$ Léspri di Filip: Avansé, jouinn avèk
vouati sa a. ${ }^{30}$ Filip kouri; lè li tandé Étiopiin an ki tap li profèt Ézayi, li di-l: Eské ou konprann sa ouap li a? ${ }^{31}$ Énuk la réponn li: Kòman mouin ta kapab si gnou moun pa instoui mouin? É li prié Filip monté chita koté li.
32 Pòsion Lékritu li tap li, sé té sa a:

Yo té kondui li tankou gnou mouton nan labatoua;
Tankou gnou ti mouton ki pé dévan moun kap tonn ni,
Li pa ouvri bouch li.
${ }^{33}$ Sé nan jan li té rabésé-l ké yo té ouété kondanasion li.

É ki moun ki va palé sou jénérasion li?
Paské yo koupé la vi li sou la tè.
${ }^{34}$ Énuk la pran la paròl, li di Filip: Tan-pri, sou ki lès profèt la palé konsa? Eské sé sou tèt pa li ou-biin kèk lòt moun? ${ }^{35}$ Ald Filip ouvri bouch, li kòmansé avèk pòsion Lékritu sa a, li préché-l Jézu.
36 Étan yo nan rout, yo kontré dlo. Énuk la di: Min dlo; ki sa ki anpéché mouin batizé? $\left\llcorner^{37}\right.$ Filip di: Si ou kouè avèk tout kè ou, sé posib. Énuk la réponn: Mouin kouè ké Jézu-Kri sé Pitit Bon-Dieu a. $\lrcorner^{38} \mathrm{Li}$ bay lòd rété vouati $a$; yo tou dé désann nan dlo a, épi Filip batizé énuk la. ${ }^{39}$ Lè yo sòti nan dlo a, Léspri lé Ségnè broté Filip alé; énuk la pa ouè li ankò, é li kontinué rout li, plin ak la joua. ${ }^{40}$ Kant a Filip, li té trouvé-l


Y-ap tonn gnou mouton


Filip ak Étiopiin an
nan Azòt; an sòtan la, li alé Sézaré, li bay Lévanjil nan tout vil koté li té pasé.

## Konvèsion Sol

9Min Sol té dèyè gnou sèl bagay: ménasé ak tué disip lé Ségnè yo; li adrésé pi gran chèf sakrifikatè a; ${ }^{2}$ li mandé-l lèt pou sinagog Damas yo, pou si-l té jouinn kèk moun ki fè pati sèk la, gason kou fanm, pou li té kapab minnin yo Jéruzalèm anba chinn.
3 Min, kòm li té nan chémin, ap proché bò Damas, subitman gnou lumiè ki sòti nan sièl kléré tout otou li. ${ }^{4}$ Li tonbé a tè, é li tandé gnou voua ki di-l: Sòl, Sòl, pouki sa ouap pèsékuté-m? ${ }^{5}$ Li réponn: Ki lès ou yé, Ségnè? Lé Ségnè di: Mouin sé Jézu ké ouap pèsékuté. LSa ta rèd pou ou tiré kout pié bay pikèt la. ${ }^{6} \mathrm{Li}$ tap tranblé, la pè té anparé-l, li di: Ségnè, ki sa ou vlé pou-m fè ? Lé Ségnè di li:」Lévé, antré la vil, yo va di ou sa ou doué fè. ${ }^{7}$ Konpagnon vouayaj li yo té rété san la paròl; yo té biin tandé voua $a$, min yo pa ouè pèsonn. ${ }^{8}$ Soll lévé; malgré jé li té ouvè, li pat oue angnin. Yo kondui-l nan min, yo minnin li Damas. ${ }^{9} \mathrm{Li}$ rété la toua jou san ouè, san manjé ni bouè.

## Sòl nan Damas

10 Té gin nan Damas gnou disip ki té rélé Ananias. Lé Ségnè di li nan gnou vizion: Ananias! Li réponn: Min mouin, Ségnè. ${ }^{11}$ Lé Ségnè di
li: Lévé, alé nan laru yo rélé laru Douat la, chaché lakay Juda gnou nonm ki rélé Sòl, moun Tas; paské lap lapriè; ${ }^{12}$ li ouè nan gnou vizion gnou nonm ki rélé Ananias ki antré lakay li, é ki étann la min sou li, pou li kapab ouè ankò. ${ }^{13}$ Ananias réponn: Ségnè, mouin tandé pliziè moun di tout mal nonm sa a fè sin ou yo nan Jéruzalèm. ${ }^{14}$ É li isit ak plin-pouvoua chèf sakrifikatè yo, pou anchinnin tout moun ki invoké non ou. ${ }^{15}$ Min lé Ségnè di-l: Alé, paské nonm sa a sé gnou instruman ké mouin chouazi pou pòté non mouin dévan nasion yo, roua yo épi pitit Izraèl yo; ${ }^{16}$ ma montré-1 konbiin li doué soufri pou non mouin.
17 Donk Ananias alé, li antré nan kay la; li étann min li sou Sòl, li di: Sòl, frè mouin, lé Ségnè Jézu, sa ki té parèt dévan ou sou chémin an, voyé-m pou ou kapab ouè ankò, é pou ou kapab plin ak Sint-Éspri. ${ }^{18} \mathrm{Minm}$ lè a , té gin tankou dé ékay ki sòti nan jé Sol; yo tonbé, é li ouè ankò. Sól lévé é li batizé. ${ }^{19}$ Lè li pran nouriti, fòs li tounin.
Sòl pasé kèk jou avèk disip ki té Damas yo. ${ }^{20}$ Minm lè a li kòmansé préché nan sinagog yo ké Jézu sé Pitit BonDieu a. ${ }^{21}$ Tout moun ki té tandé-1 té sézi, yo di: Ėské sé pa li ki tap pèsékuté tout moun nan Jéruzalèm ki invoké non sa a? Eské li pat vi-n isit pou kondui yo anba chinn bay chèf sakrifikatè yo?
${ }^{22}$ Min puisans Sòl té grandi plus an plus, li té konfonn Jouif Damas yo, li prouvé yo ké Jézu sé lé Kris.
23 Kèk $\tan$ apré, Jouif yo konsulté ansanm pou tué li. ${ }^{24}$ Min Sol té pran nouvèl konplo a. Yo té suvéyé pòt yo jou kon nuit, pou tué-l. ${ }^{25} \mathrm{Min}$ disip yo pran li nan nuit, yo désann li o lon muray la, nan gnou panié.

## Sòl nan Jéruzalèm

26 Lè Sòl rivé Jéruzalèm, li éséyé mété-l ak disip yo; min yo tout té krinn li, paské yo pat kouè li té gnou disip tou. ${ }^{27}$ Ald Banabas pran ni avèk li, li minnin-l bay apòt yo, é li rakonté yo jan lé Ségnè té parèt dévan Soll sou chémin an, épi jan li té préché avèk kouraj nan Damas, o non Jézu. ${ }^{28}$ Dépi lè a, li té alé-vini ak yo nan Jéruzalèm, li té palé ak kouraj o non lé Ségnè. ${ }^{29} \mathrm{Li}$ té kozé tou, épi diskuté ak Jouif Grèk yo; min yo tap chaché pou tué-l. ${ }^{30}$ Frè yo tandé sa, yo kondui li Sézaré, épi yo fè-l pati pou Tas.
31 Konsa, légliz té gin la pè nan tout la Judé, la Galilé ak la Samari, li tap dévlopé é li tap maché nan krint lé Ségnè; li té résévoua moun plus an plus avèk èd Sint-Éspri.

## Gérizon Éné

32 Té rivé ké Piè, ki té nan vizité tout péyi a, té désann tou koté sin yo ki té rété Lid. ${ }^{33} \mathrm{Li}$ jouinn gnou nonm paralizé yo té rélé Éné, ki té kouché nan kabann ni dépi
uit ań. ${ }^{34}$ Piè di li: Éné, JézuKri géri ou; lévé, ranjé kabann ou. Minm lè a, Ené lévé. ${ }^{35}$ Tout moun Lid ak moun Saron yo ouè li, yo konvèti nan lé Ségnè.

## Piè lévé Dòkas ki té mouri

36 Té gingnin nan Jopé, pami disip yo, gnou fanm ki té rélé Tabita, ki vlé di Dòkas. Li té rich ak bon zèv, é-l té fè anpil charité. ${ }^{37}$ Nan tan sa a, li tonbé malad, li mouri. Yo lavé kò li, yo dépozé-l nan gnou chanmòt. ${ }^{38}$ Lè disip yo tandé ké Piè té nan la vil Lid, ki pré avèk Jopé, yo voyé dé konmisionnè koté li, pou prié-l vini san fè réta. ${ }^{39}$ Piè lévé, li pati ak yo. Lè li rivé, yo kondui-l nan chanmòt la. Tout vèv yo proché ap krié, yo montré li gran kantité rad ak tunik Dòkas té fè lè-l té avèk yo. ${ }^{40}$ Piè fè tout moun sòti, li mété a jénou, li lapriè, épi li viré koté kò a, li di: Tabita, lévé! Li ouvri jé li, lè-l ouè Piè, li lévé chita. ${ }^{41}$ Piè lonjé min ba li, li fè-l kanpé; li rélé sin yo ak vèv yo, li prézanté-l vivan ba yo. ${ }^{2}$ Tout la vil Jopé vi-n konnin sa, é anpil moun té kouè nan lé Ségnè̀. ${ }^{43}$ Piè rété pliziè jou nan Jopé, lakay gnou tanè ki té rélé Simon.

## Piè ak Kònèy

10 Té gin nan Sézaré gnou pèsonnaj ki té rélé Kònèy, li té chèf gnou kolonn sant om nan batayon Italiin an. ${ }^{2} \mathrm{Li}$ té moun la rélijion, é-l té krinn Bon-Dieu, li-minm avèk tout kay li; li té konn
fè pèp la charité anpil, è-l té toujou ap lapriè Bon-Dieu.
3 Gnou apré-midi, a touaz è li ouè biin klè, nan vizion, gnou zanj Bon-Dieu ki antré lakay li, é ki di-l: Kònèy! ${ }^{4}$ Li fiksé jé-l sou zanj la, la pè anparé-l, li réponn: Sa ki gingnin, Ségnè? Zanj la di-l: La priè ak charité ou yo, monté jouk koté Bon-Dieu, li sonjé ou. ${ }^{5}$ A lè ki lé, voyé moun la vil Jopé, pou chaché gnou Simon, ki gin ti non Piè. ${ }^{6} \mathrm{Li}$ fè désant li kay $\mathrm{Si}-$ mon, tanè a, ki gin kay li bò la mè.
7 Lè zanj ki tap palé avèk li a pati, Kònèy rélé dé nan sèvitè li yo avèk gnou solda ki té gin dévosion pou BonDieu, pami sa yo ki té konn sèvi li; ${ }^{8}$ li rakonté yo tout bagay, épi li voyé yo Jopé.
9 Nan démin, pandan yo nan vouayaj, é yo vi-n pré la vil la, Piè té monté sou téras kay la pou lapriè, a pé pré sizièm è a. ${ }^{10}$ Li santi-l grangou, é li té anvi manjé: min pandan yo tap paré manjé, gnou transpò pran li. ${ }^{11} \mathrm{Li}$ ouè sièl la ouvri, épi gnou bagay ap désann, tankou gnou gran nap, ki té maré nan kat kouin é ki tap désann sou la tè. ${ }^{12}$ Ladan té gingnin tout kalité bèt kat pié avèk bèt ki trinnin a tè, épi zouazo sièl la. ${ }^{13}$ Alò gnou voua di li: Lévé, Piè, tué é manjé. ${ }^{14}$ Min Piè di: Non, Ségnè; paské mouin pa janm manjé angnin ki pa pròp é ki pa pu. ${ }^{15}$ Gnou dézièm foua, voua a palé ak li: Bagay Bon-Dieu di ki pu, pa gadé yo kòm
bagay ki pa pròp. ${ }^{16} \mathrm{Sa}$ fèt an toua foua; é minm lè a bagay la monté nan sièl.
17 Pandan Piè pat konnin ki lidé pou-l té fè sou sans vizion li té ouè a, min-ni, moun yo Kònèy té voyé, nan mandé yo té jouinn kay Si mon, é yo té prézanté dévan pòt la. ${ }^{18}$ E yo rélé mandé si sé la Simon, ki té gin ti non Piè, té fè désant li.
19 Étan Piè tap réféchi sou vizion an, Léspri di li: Minni, toua moun ap mandé pou ou. ${ }^{20}$ Lévé, désann épi alé avèk yo san ézité; paské sé mouin ki voyé yo. ${ }^{21}$ Donk, Piè désann, li di mésié yo: Min-ni, sé mouin nap chaché a; pou ki rézon nou vini? ${ }^{22}$ Yo réponn: Bon-Dieu té avèti Kònèy, gnou chèf kolonn, gnou nonm jus é ki krinn Bon-Dieu, ki gin gnou bon réputasion pami nasion Jouif yo, pou voyé chaché ou lakay li, pou tandé paròl ou. ${ }^{23}$ Piè fé yo antré é li ba yo la désant. Nan démin, li lévé é li pati ak yo, é kèk frè yo nan Jopé té akonpagné-l.
24 Yo antré Sézaré nan démin. Kònèy tap tann yo. Li té réuni paran li ak zanmi intim. ${ }^{23}$ Lè Piè antré, Kònèy lévé al kontré li, li tonbé nan piéll, li bésé tèt dévan li. ${ }_{26}$ Min Piè fè-l lévé, li di: Lévé; mouin tou, sé gnou nonm mouin yé. ${ }^{27}$ Etan li tap palé ak li, li antré, é li jouinn anpil moun ki réuni. ${ }^{28} \mathrm{Li}$ di yo: Nou konnin ké sa défann pou gnou Jouif mélé ak étranjé, ou-biin pou mét pié lakay li. Poutan Bon-Dieu
montré-m ké mouin pa doué gadé okinn moun kòm pa pròp ou-biin pa pu. ${ }^{29}$ Sé pou sa mouin pa fè tèt pou vini, piské nou rélé-m. Donk mouin mandé nou pou ki rézon nou voyé chaché-m.
30 Kònèy di: Sa fè kat jou, a lè kon sa, a touaz è aprémidi, mouin tap lapriè lakay mouin; é min-ni, gnou nonm abiyé avèk gnou rad kléré prézanté dévan mouin, ${ }^{31}$ li di: Kònèy, la priè ou la ékzosé, Bon-Dieu sonjé charité ou yo. ${ }^{32}$ Donk voyé Jopé, fè vini Simon, ki gin ti non Piè; li fè désant li lakay Simon, gnou tanè, bò la mè a. ${ }^{33}$ Minm lè a, mouin voyé koté ou; é ou biin fè vini. Donk kou li yé a, min nou tout dévan Bon-Dieu, pou tandé tou sa lé Ségnè ba ou lòd di nou.
34 Piè ouvri bouch li, li di: An vérité, mouin rékonnèt ké Bon-Dieu pa gin pas-pou-ki pou pèsonn; ${ }^{35} \mathrm{~min}$ nan tout nasion, sila ki krinn ni é ki fè sa ki jus, jouinn bon akèy dévan li. ${ }^{36} \mathrm{Li}$ voyé la parò bay pitit Izraèl yo, lè li préché yo Lévanjil la pé, gras a JézuKri ki Ségnè tout moun. ${ }^{37}$ Nou konnin sa ki rivé nan tout la Judé, kòmansé dépi la Galilé, apré batèm Jan té préché a; ${ }^{38}$ nou konnin ki jan Bon-Dieu té mété SintEspri épi puisans sou Jézu, moun Nazarèt, ki té alé plas an plas ap fè biin, ap géri tout moun ki té anba pouvoua lé diab, paské Bon-Dieu té avèk li. ${ }^{39}$ E nou sé témouin tou sa li té fè nan péyi

Jouif yo, ak nan Jéruzalèm. Yo té tué li, yo té pann li sou boua a. ${ }^{40}$ Bon-Dieu lévé-1 nan la mò sou toua jou, é-l té pèmèt li parèt ${ }^{41}$ pa dévan tout pèp la non, min dévan témouin yo ké Bon-Dieu té chouazi davans, sètadi nouminm ki té manjé é ki té bouè avèk li apré ké li té lévé pami mò yo. ${ }^{42}$ E Jézu té ba nou lòd préché pèp la, épi bay témouagnaj ké sé li Bon-Dieu té établi kòm juj lè vivan é lè mò. ${ }^{43}$ Tout profèt yo rann li témouagnaj ké ninpòt moun ki kouè nan li résévoua padon péché yo, gras a non li.
44 Etan Piè tap di parol sa yo, Sint-Espri désann sou tout moun yo ki tap kouté parol la. ${ }^{45}$ Tout fidèl sikonsi yo ki té vini avèk Piè té sézi déské don lé Sint-Éspri té répann sou moun lòt nasion yo tou. ${ }^{46}$ Paské yo té tandé yo ap palé lòt lang, é ap bay BonDieu louanj.
47 Alò Piè di: Moun sa yo ki résévoua Sint-Éspri minm jan avèk nou, èské nou kapab réfuzé yo dlo batèm? ${ }^{48}$ E li bay lòd batizé yo o non lé Ségnè. Apré sa, yo prié li rété kèk jou ak yo.

## Dévan légliz Jéruzalèm, Piè justifié konduit li

11 Apòt yo ak frè yo ki té nan la Judé té tandé ké moun lòt nasion yo tou té résévoua la parò Bon-Dieu. ${ }^{2}$ É lè Piè té monté Jéruzalèm, fidèl sikonsi yo té répròché-l, ${ }^{3}$ yo di: Ou antré lakay moun ki pa sikonsi, é ou manjé avèk yo.

4 Piè kòmansé, li ba yo ésplikasion pouin pa pouin sou sa ki té pasé. ${ }^{5} \mathrm{Li}$ di: Mouin té nan la vil Jopé, é étan mouin tap lapriè, mouin antré nan gnou transpò é mouin ouè gnou vizion: gnou bagay ki té sanblé gnou gran nap ki té maré nan kat kouin, tap désann sòti nan sièl la; é li rivé jouk bò koté-m. ${ }^{6}$ Lè mouin fiksé jé-m sou li, mouin ékzaminé, é mouin ouè bèt kat pié la tè yo, bèt sovaj, bèt ki trinnin, avèk zouazo nan sièl. ${ }^{7}$ Épi mouin tandé gnou voua di mouin: Lévé, Piè, tuéé manjé. ${ }^{8}$ Min mouin di: Non, Ségnè; paské mouin pa janm manjé angnin ki pa pròp é ki pa pu. ${ }^{9}$ Gnou dézièm foua, voua a sòti nan sièl la, li di: Bagay Bon-Dieu nétouayé, pa gadé yo kòm bagay ki pa prop. ${ }^{10}$ Sa té fèt an toua foua; apré sa tout té monté nan sièl. ${ }^{11}$ E min-ni, minm lè a, toua moun yo té voyé koté-m sòti Sézaré té prézanté dévan pòt kay koté-m té yé a. ${ }^{12}$ Léspri di mouin alé avèk yo san ézité. E sis frè sila yo vi-n avèk mouin tou; é nou antré lakay Kònèy. ${ }^{13} \mathrm{Li}$ rakonté nou ki jan li té ouè zanj la prézanté nan kay li pou di li: Voyé Jopé, fè vini Simon, ki gin ti non Piè. ${ }^{14} \mathrm{Li}$ va di ou dé parol, gras a ki ou va sové ou-minm avèk tout la kay ou. ${ }^{15}$ Lè-m té kòmansé palé, SintÉspri désann sou yo, minm jan sou nou o kòmansman. ${ }^{16}$ É mouin sonjé paròl lé Ségnè sa a: Jan té batizé ak dlo; min nou, na batizé ak

Sint-Éspri. ${ }^{17}$ Donk piské Bon-Dieu té akodé yo minm kalité don ak nou, lè nou té kouè nan lé Ségnè Jézu-Kri, èské mouin, mouin ta kapab konbat Bon-Dieu?
18 Lè yo té tandé bagay sa yo, yo pé, yo bay Bon-Dieu gloua, yo di: Ald, Bon-Dieu akòdé moun lòt nasion yo la répantans tou pou yo kapab gin la vi.

## Légliz nan Antioch

19 Sa yo ki té dispèsé nan pèsékusion ki té lévé o sujè Étièn nan, té alé jouk nan Fénisi, nan lil Chip, épi Antioch, ap anonsé la paròl, min pou Jouif yo sèlman. ${ }^{20}$ Min té gin pami yo kèk moun Chip avèk Sirèn, ki té rivé nan Antioch, é ki té adrésé Grèk yo tou, é ki té anonsé yo bòn nouvèl Ségnè Jézu a. ${ }^{21}$ La min lé Ségnè té avèk yo; é gnou gran kantité moun té kouè, é yo té konvèti nan lé Ségnè.
22 Bri a té rivé nan zòrèy manm légliz Jéruzalèm nan, é yo voyé Banabas jouk Antioch. ${ }^{23}$ Lè-l rivé é li ouè la gras Bon-Dieu, li té kontan; li ékzòté yo tout pou rété ataché nan lé Ségnè, ak tout kè yo. ${ }^{24}$ Paské li té gnou nonm-dé-biin, plin ak SintÉspri é ak la foua. É gnou gran foul moun té vi-n jouinn lé Ségnè.
25 Apré sa, Banabas té alé Tas pou chaché Sol. ${ }^{26}$ Lè-l jouinn ni, li minnin-l Antioch. Pandan tout gnou ané, yo té réuni ansanm avèk légliz la, é yo té anségné anpil
moun. Sé nan Antioch, yo té rélé disip yo krétiin la prémiè foua.
27 Nan tan sa a, té gin profèt ki té sòti désann Jéruzalèm, alé Antioch. ${ }^{28}$ Gnoun nan yo, ki té rélé Agabus, té kanpé, li anonsé gras a Léspri ké ta va gingnin gnou gran dizèt sou tout la tè; réèlman sa vi-n pasé sou règn Klòd. ${ }^{29}$ Disip yo té désidé, chak moun sélon mouayin li, pou voyé gnou sékou bay frè yo ki té rété nan la Judé. ${ }^{30}$ Sé sa minm yo té fè. Yo té voyé-l bay ansiin yo, é sé Banabas ak Sol ki té pòté-l.

## Éròd fè tué Jak; Piè nan prizon

12Nan minm épòk la, roua Éròd té pran maltrété kèk manm nan légliz la. ${ }^{2} \mathrm{Li}$ fè tué Jak, frè Jan, ak népé. ${ }^{3}$ Lè li ouè sa té fè Jouif yo plézi, li fè arété Piè tou. Sé té nan jou pin san lévin yo. ${ }^{4}$ Lè li pran li, li jété-l nan prizon, li mété kat ploton, yo chak avèk kat solda, pou véyé li, avèk intansion pou fè-l konparèt dévan pèp la apré fèt Pak la. ${ }^{5}$ Donk Piè té anba suvéyans nan prizon an; min légliz la tap lapriè Bon-Dieu pou li san rété.

## Piè délioré nan prizon

6 Nuit la vèy jou Éròd t-apral fè-l konparèt la, Piè té maré ak dé chinn, li tap dòmi nan mitan dé solda, é té gin gad yo dévan pòt la ki tap véyé prizon an. ${ }^{7}$ É minni, gnou zanj lé Ségnè prézanté, é gnou lumiè té kléré nan prizon an; zanj la frapé Piè
bò koté, li révéyé-l, li di: Lévé vit! Épi chinn yo tonbé sodti nan min li. ${ }^{8}$ Zanj la di li: Mété sinti ou avèk sandal ou. Li fè sa. Zanj la di li ankò: Mété manto ou sou ou, é suiv mouin. ${ }^{9}$ Piè sòti é-l suiv li; li pat konnin si sa zanj la tap fè a té réel, min li té pansé li té gin gnou vizion. ${ }^{10}$ Lè yo pasé prémié gad la avèk dézièm nan, yo rivé bò pòt an fè a ki bay sou la vil la. Li ouvri dévan yo pou kont li; yo sòti é yo pran laru. Minm lè a, zanj la kité Piè.
11 Lè Piè révni nan liminm, li di: Kou li yé a, mouin ouè sé vré ké lé Ségnè té voyé zanj li, é li délivré-m anba min Eròd, avèk tou sa pèp Jouif yo tap tann. ${ }^{12}$ Lè li réfléchi, li alé kay Mari, manman Jan, ki té gin ti non Mak, koté pliziè moun té réuni é tap lapriè. ${ }^{13}$ É lè li frapé nan pòtal la, gnou sèvant yo rélé Rod, proché pou kouté. ${ }^{14} \mathrm{Li}$ rékonnèt voua Piè, é nan kontantman li, o lié li ouvri, li kouri anonsé ké Piè té dévan pòt la. ${ }^{15}$ Yo di li: Ou fol. Min li afimé ké sé té sa. Yo di: Sé zanj li. ${ }^{16} \mathrm{Min}$ Piè tap kontinué frapé. Yo ouvri, é yo té sézi ouè li. ${ }^{17}$ Piè fè yo sign ak min li pou yo pé. Li rakonté yo kòman lé Ségnè té ouété-l nan prizon an. Eli di: Anonsé Jak avèk frè yo sa. Alò li sòti, li alé gnou lòt koté.
18 Kou li fè jou, solda yo té nan gnou gran boulvès, pou konnin sa Piè té dévni. ${ }^{19}$ Lè Eròd fè chaché-l é li pa jouinn ni, li késionnin gad yo,
é li bay lòd tué yo. Apré sa li sòti nan la Judé, désann Sézaré pou li al rété la.

## La mò Éròd

${ }^{20}$ Éròd té mal dispozé kont moun Tir ak Sidon. Min yo mété yo ansanm é yo vi-n koté li; apré yo té fi-n pran tèt Blast, ki té ofisié nan palè roua a, yo mandé la pé, paské sé té péyi roua a ki té founi péyi pa yo manjé. ${ }^{21}$ Gnou jou ki té maké pou sa, Eròd abiyé li ak kostum roua li, li chita sou tròn li é li fè gnou diskou ba yo. ${ }^{22}$ Pèp la rélé: Sé voua gnou dieu, sé pa voua gnou nonm! ${ }^{23} \mathrm{Minm}$ lè $a$, gnou zanj lé Ségnè frapé-l, paské li pat bay BonDieu gloua. Vè té manjé-l, é li rann dènié soupi li.
24 Min la parol Bon-Dieu té répann plus an plus, é kantité disip yo té ogmanté.
25 Banabas avèk Soll té kité Jéruzalèm lè yo fin akonpli mision yo; yo minnin ak yo Jan, ki gin ti non Mak.

## Banabas ak Sol pali pou prémié mision yo

13Té gingnin nan légliz Antioch, profèt avèk moun ki tap anségné: Banabas, Siméon yo té rélé Nijé, Lusius moun Sirèn, Manaèn ki té lévé ak Eròd tétrak la, épi Sol. ${ }^{2}$ Étan yo tap adoré lé Ségnè épi fè jèn, lé Sint-Éspri di: Mété a pa pou mouin Banabas avèk Sól pou lèv la mouin rélé yo pou yo fè. ${ }^{3}$ Donk, lè yo fi-n fè jèn é lapriè, yo étann min sou yo, é yo kité yo alé.

Apòt yo préché nan lil Chip
4 Lé Sint-Éspri voyé Banabas ak Sòl, yo désann Sélési; étan la, yo anbaké pou lil Chip.
5 Lè yo rivé Salami-n, yo anonsé la paròl Bon-Dieu nan sinagog Jouif yo. Yo té gin Jan pou èd yo.
6 Lè yo fi-n travèsé tout lil la jouk Pafos, yo jouinn gnou nonm ki té majisiin, gnou fo profèt Jouif, ki té rélé Ba-Jézu. ${ }^{7} \mathrm{Li}$ té ak Sèjius Polus, chèf nan péyi a, ki té gnou nonm intélijan. Sèjius Polus té fè rélé Banabas ak Soll, é li mandé pou tandé la parol Bon-Dieu. ${ }^{8}$ Min Élimas, majision an, paské sé sa non li vlé di, tap opozé yo, li tap chaché détounin chèf la nan la foua. ${ }^{9}$ Min Soll, ké yo té rélé Pòl tou, plin ak Sint-Espri, té fiksé jé sou li. ${ }^{10} \mathrm{Li}$ di: Ou minm ki plin ak tout ruz é ak tout méchansté, pitit diab, énmi tout justis, èské ou pap suspann tòdé chémin lé Ségnè ki douat? ${ }^{11}$ Kou li yé a, minni la min lé Ségnè sou ou, ou va avèg, ou pap ouè solèy la jouk gnou tan. Minm lè a fè noua ak ténèb tonbé sou li, é li pran tatonnin ap chaché moun pou kondui-l. ${ }^{12}$ Alò, lè chèf la ouè sa ki té rivé, li kouè, li té sézi dévan anségnman lé Ségnè.
Pòl ak Banabas nan Antioch Pisidi
13 Min Pòl ak konpagnon li yo té anbaké nan Pafos, yo alé Pèj nan Panfili. Jan séparé ak yo, li tounin Jéruzalèm.

14 Yo kité Pèj, yo pousuiv rout yo, yo rivé Antioch nan Pisidi. Yo antré nan sinagog la jou saba a, é yo chita. ${ }^{15}$ Apré lékti la loua ak profèt yo, chèf sinagog yo voyé di yo: Frè, si nou gin kèk ékzòtasion pou adrésé pèp la, palé.
16 Pòl kanpé, li fè sign ak min li, li di:
Moun Izraèl, é nou-minm ki krinn Bon-Dieu, kouté! ${ }^{17}$ Bon-Dieu pèp Izraèl sa a té chouazi papa nou yo. Li onoré pèp la étan yo té étranjé nan péyi Ejip, é-l fè yo sòti ladann ak bra li ki fò. ${ }^{18}$ Li nouri yo prèské karant. an nan dézè a; ${ }^{19}$ é lè-l fi-n détoui sèt nasion nan péyi Kanaan, li ba yo péyi a kòm propriété yo. ${ }^{20}$ Apré sa, pandan a pé pré kat san sinkant an, li ba yo juj jouk tan profèt Samuèl. ${ }^{21}$ Apré sa, yo mandé pou gnou roua; é BonDieu té ba yo Saul, pitit Kis, moun branch ras Binjamin, pou karant an. ${ }^{22}$ Lè lí rétiré-l li ba yo David kòm roua. Li té rann li témouagnaj sa a tou:

Mouin jouinn David, pitit Jésé, gnou nonm dapré kè mouin, ki va fè tout volonté-m.
23 Sé nan désandans David ké Bon-Dieu, dapré promès li, té fè sòti pou Izraèl gnou Sovè, ki vlé di Jézu. ${ }^{24}$ Avan li té vini, Jan té préché batèm répantans bay tout pèp Izraèl la. ${ }^{25}$ Lè Jan tap fi-n akonpli kariè li, li di: Mouin pa sila nou kouè a; min-ni, gin gnoun kap vini apré
mouin, m-pa dign pou lagé lasèt soulié li.
26 Frè, pitit ras Abraam, é nou ki krinn Bon-Dieu, sé pou nou yo té voyé paròl salu sa a. ${ }^{27}$ Paské moun Jéruzalèm, ak chèf yo, té mékonnèt Jézu, é lè yo té kondané-l, yo akonpli parò profèt yo ké moun li chak saba. ${ }^{28}$ Malgré yo pat jouinn angnin nan li ki mérité la mò, yo mandé Pilat pou fè tué li. ${ }^{29}$ Lè yo fi-n akonpli tout bagay ki té ékri sou li, yo désanr li sou koua a, é yo dépozé-: nan gnou tonm. ${ }^{30}$ Min BonDieu té lévé-l pami mò yo. ${ }^{31} \mathrm{Li}$ parèt pandan pliziè jou dévan moun yo ki té monté ak li sòti Galilé alé Jéruzalèm é ki ap sèvi-l témouin kou li yé a dévan pèp la.
32 E nou-minm, nap anonsé nou bòn nouvèl sa a, ké promès la ké Bon-Dieu té fè papa nou yo, ${ }^{33}$ li té akonpli-l pou nou ki pitit yo, lè-l té lévé Jézu nan la mó, dapré sa ki ékri nan dézièm Sòm la:

Ou sé Pitit mouin,
Mouin anjandré ou jodi a. ${ }^{34}$ Li lévé-1 pami mò yo pou li pa tounin nan korupsion ankò, sé sa li té déklaré lè-l té di: Mouin va akòdé ou

Gras David yo, ki sin é ki fidèl.
${ }^{35}$ Sé pou sa tou li di gnou lòt koté:

Ou pap pèmèt Sin ou la ouè kòrupsion.
${ }^{36}$ Min David té mouri, apré li té sèvi intansion Bon-Dieu nan pròp jénérasion li; yo té mété-l ak papa li yo é li té
ouè kòrupsion. ${ }^{37}$ Min sila a ké Bon-Dieu té lévé nan la mò, pa té ouè kòrupsion.
38 Donk, frè, sé pou nou konnin ké sé gras a li ké nouvèl padon péché anonsé ba nou. ${ }^{39}$ É gras a li, ninpòt moun ki kouè résévoua justis pou tout bagay la loua Moyiz pat kapab bay justis pou yo. ${ }^{40}$ Donk, véyé kò nou, pou bagay ki palé nan profèt yo pa rivé nou:
${ }^{41}$ Gadé, nou-minm ki méprizan,
Sé pou nou sézi é pou nou disparèt;
Paské m-apral fè gnou zèv nan tan pa nou yo,
Gnou zèv nou pa ta kouè si yo té rakonté nou li.
42 Kòm yo tap sòti, yo prié yo pou palé sou minm bagay sa yo, nan saba ki tap vini an. ${ }^{43}$ É lè lasanblé a té lagé, anpil Jouif yo ak prozélit ki dévoué yo, té suiv Pòl ak Banabas, ki palé avèk yo é ankourajé yo pou kontinué nan la gras Bon-Dieu.
44 Saba apré a, prèské tout la vil la té rasanblé pou tandé la parol Bon-Dieu. ${ }^{45}$ Lè Jouif yo ouè foul la, yo té plin avèk jalouzi, yo pran palé kont bagay Pòl té di yo, yo di lé kontrè é yo jouré li. ${ }^{46}$ Pol ak Banabas té palé ouvètman, yo di: Sé té nésésè pou la paròl Bon-Dieu té adrésé ba nou-minm an prémié. Piské nou réfuzé-l, é nou jujé ké nou pa dign pou la vi étènèl, min-ni, nap tounin bò koté moun lòt nasion yo. ${ }^{47}$ Paské sé konsa lé Ségnè ba nou lòd:

Mouin établi ou kòm lumiè
moun lòt nasion yo,
Pou ou pòté salu jouk nan dènié bout la tè.
48 Lè moun lòt nasion yo tandé sa, yo té kontan, yo bay la paròl Bon-Dieu gloua; é tou sa yo ki té maké pou la vi étènèl, té kouè.
49 É la paròl lé Ségnè té répann nan tout péyi a. ${ }^{50}$ Min Jouif yo té éksité fanm grant sosiété yo ki té dévoué, avèk gran tèt yo nan la vil la; yo lévé gnou pèsékusion kont Pòl ak Banabas, yo mété yo déyò téritoua yo. ${ }^{51}$ Pòl é Banabas sékoué pousiè pié yo kont yo, é yo alé Iko-n. ${ }^{52}$ E disip yo té plin avèk joua é ak lé Sint-Éspri.

## Pòl ak Banabas nan Iko-n

14 Nan Iko-n, Pol ak Banan sinagog Jouif yo, é yo palé gnou jan ki fè ké gnou gran foul Jouif ak Grèk té kouè. ${ }^{2}$ Min sila nan Jouif yo ki pat kouè, té éksité moun lòt nasion yo, yo monté yo kont frè yo. ${ }^{3}$ Malgré sa, Pòl é Banabas té rété lontan nan Iko-n, yo té palé ouvètman sou lé Ségnè, ki té rann témouagnaj pou parol la gras li é ki té pèmèt min yo fè mirak avèk mèvèy. ${ }^{4}$ Min populasion la vil la té divizé, gnou posion té pran pati Jouif yo, é gnou possion pran pati apòt yo. ${ }^{5}$ Kom moun lòt nasion yo ak Jouif yo, dakò ak chèf yo, té mété yo an mouvman pou fè apòt yo malonèt épi kalonnin yo ròch, ${ }^{6}$ lè Pòl ak Banabas konn sa, yo kouri alé nan vil

Likaoni yo, Lis avèk Dèb, é nan péyio zalantou. ${ }^{7}$ É la yo préché bòn nouvèl la.

## Nan la vil Lis yo kalonnin Pòl roch

8 Té gingnin nan Lis gnou nonm infim nan pié, ki té chita. Li té fèt tou bouaté, li pat janm maché. ${ }^{9}$ Li tap kouté Pòl palé. Pòl fiksé jé-l sou li, é lè-l ouè li té gin la foua pou li géri, ${ }^{10}$ li di ak gnou voua fò: Lévé kanpé douat sou pié ou. É li lévé gnou sèl bondi, li maché.
11 Lè foul la té ouè sa Pòl fè, yo lévé la voua, yo di nan langaj Likaoni: Dieu yo désann koté nou an föm moun. ${ }^{12}$ É yo rélé Banabas Jupitè, é Pòl Mèku, paské sé li-minm ki té chèf nan palé a. ${ }^{13}$ Prèt tanp Jupitè ki té a lantran la vil la, fè vini bèf ak kouronn flè nan pòtay la, é li té vlé ofri sakrifis ansanm avèk foul la. ${ }^{14}$ Min lè apòt yo, Banabas ak Pòl, tandé sa, yo déchiré rad yo, yo bondi nan foul la, apé rélé, apé di: ${ }^{15}$ Mésié, pouki nap fè bagay sa yo? Nou tou, nou sé moun minm jan tankou nou; é nou pòté ba nou gnou bòn nouvèl, pou ankourajé nou kité tout bagay vanité sa yo, pou nou viré koté Bon-Dieu vivan an, ki fè lé sièl, la tè, la mè, ak tou sa ki ladan yo. ${ }^{16}$ Sé li ki, nan jénérasion pasé yo, té kité tout nasion yo maché nan pròp chémin yo. ${ }^{17}$ Malgré sa, li pat kité tèt li san témouin, li té fè biiin, li ba nou lapli sòti nan sièl, sézon avèk foui, li ba nou manjé
ann abondans, é li plin kè nou ak la joua. ${ }^{18}$ E minm apré yo di sa, sé avèk difikulté yo té anpéché foul la ofri yo gnou sakrifis.
19 Min té gingnin Jouif ki té sòti Antioch ak Iko-n, yo pran tèt foul la, yo kalonnin Pòl ròch, yo trinnin li déyò la vil la, yo té supozé li mouri. ${ }^{20}$ Min kòm disip yo té anvironnin-l, li lévé kanpé, li antré nan la vil la.
É nan démin, li alé Dèb avèk Banabas. ${ }^{21}$ Lè yo té préché Lévanjil bay la vil sa a, é ké yo té fè gnou gran kantité disip, yo rétounin Lis, Iko-n, épi Antioch. ${ }^{22}$ Yo fòtifué nanm disip yo, yo ankourajé yo pou pèsévéré nan la foua, yo di ké sé ak anpil tribulasion nou doué antré nan rouayòm Bon-Dieu. ${ }^{23}$ Yo fè nonmin ansiin nan chak légliz, é apré yo té lapriè épi fè jèn, yo rékòmandé yo bay lé Ségnè yo té kouè nan li a.

Yo rélounin Antioch nan Siri 24 Apré yo té pasé Pisidi, yo rivé nan Panfili. ${ }^{25}$ Yo té palé paròl la nan Pèj, yo désann Atali. ${ }^{26}$ Dé la, yo anbaké pou Antioch, koté yo té rékòmandé yo a la gras BonDieu pou lèv yo té akonpli a.
27 Lè yo rivé, yo réuni légliz la, yo rakonté tout bagay Bon-Dieu té fè ak yo, é ki jan li té ouvri pòt la foua bay moun lòt nasion yo. ${ }^{28}$ Yo té rété asé lontan avèk disip yo.

## Konvansion Jéruzalèm

15
Kèk mounkitésòtinan Judé tap anségné frè
yo, apé di: Si nou pa sikonsi dapré koutum Moyiz la, nou pa kapab sové. ${ }^{2} \mathrm{P}$ ol ak Banabas té fè gnou déba ak gnou gran diskusion avè yo; é frè yo désidé pou Pòl é Banabas ak kèk lòt pami yo monté Jéruzalèm, koté apòt yo ak ansiin yo, pou réglé késion sa a. ${ }^{3}$ Apré légliz la té kondui yo, yo pousuiv rout yo, yo pasé nan Fénisi avèk Samari, ap rakonté konvèsion moun lòt nasion yo; é sa té mété gnou gran joua pami frè yo. ${ }^{4}$ Lè yo rivé Jéruzalèm, légliz la té résévoua yo, avèk apòt épi ansiin yo, é yo rakonté tout bagay BonDieu té fè ak yo. ${ }^{5}$ Alò kèk moun nan pati fariziin yo, ki té kouayan, té lévé é yo di: Sé nésésè pou sikonsi moun lòt nasion yo, é pou ba yo lòd obsèvé la loua Moyiz.
6 Apòt yo ak ansiin yo té réuni pou ékzaminé afè sa a. ${ }^{7}$ Apré té fi-n gin anpil diskusion, Piè lévé, li di yo:
Frè, nou konnin ké dépi lontan Bon-Dieu té fè gnou choua pami nou, pou bouch mouin ta sèvi pou moun lòt nasion yo té tandé paròl Lévanjil é pou yo té kapab kouè. ${ }^{8}$ É Bon-Dieu ki konnin kè moun, té rann yo témouagnaj, lè li ba yo lé Sint-Éspri, minm jan li té fè pou nou; ${ }^{9}$ é li pat fè diférans ant nou épi yo-minm, li nétouayé kè yo ak la foua. ${ }^{10}$ Donk kou li yé a, pouki nap tanté BonDieu, pou nou ta mété sou kou disip yo gnou jouk, ni papa nou yo, ni nou-minm pat kapab supòté. ${ }^{11} \mathrm{Min}$ sé
ak la gras Ségnè Jézu ké nou kouè nou sové, minm jan tankou yo.
12 E tout lasanblé a té pé, ap kouté Banabas ak Pòl rakonté ki mirak avèk mèvèy Bon-Dieu té fè ak yo, pami moun lòt nasion yo.
13 Apré yo fi-n palé, Jak pran la paròl, li di:
Frè, kouté-m! ${ }^{14}$ Simon rakonté kòman tou dabò BonDieu voyé jé sou nasion yo, pou chouazi pami yo gnou pèp ki ta pòté non li. ${ }^{15}$ E paròl profèt yo dakò avèk sa, jan sa ékri:
${ }^{16}$ Apré bagay sa yo, mouin va rétounin, ma rébati tabènak
David la, ki tonbé;
Ma réparé dékonm li yo, é ma rédrésé li,
${ }^{17}$ Pou lèz òm ki rété yo kapab chaché lé Ségnè,
Épi tout nasion yo ki rélé non mouin;
Sé sa lé Ségnè di, li-minm ki fè bagay sa yo,
${ }^{18}$ E ki konnin yo dépi tout tan.
${ }^{19}$ Sé pou sa mouin jujé nou pa doué antravé moun lòt nasion yo ki tounin bò BonDieu. ${ }^{20}$ Min sé pou nou ékri yo pou ékzanté anba kòrupsion zidòl, anba fònikasion, avèk bèt toufé épi san. ${ }^{21}$ Paské dépi jénérasion ansiin, Moyiz gingnin nan chak vil moun ki préché li, piské yo li Moyiz nan sinagog chak jou saba.
22 Alò, sa té sanblé bon pou apòt yo, ansiin yo, avèk tout légliz la, pou chouazi dé zòm pami yo, Jud yo rélé


Y-ap li nan sinagog la
Basabas, ak Silas, dé zòm konsidéré pami frè yo, pou voyé yo Antioch avèk Pòl épi Banabas. ${ }^{23}$ E yo té konfié yo gnou lèt ki di:
Apót yo, ansiin yo, ak frè yo, salué frè yo ki moun lòt nasion, nan Antioch, Siri, épi Silisi!
24 Piské nou tandé kèk moun ki té sòti pami nou, té boulvèsé nanm nou avèk dé parol, dé moun nou pa té anchajé, ${ }^{25}$ sa parèt nou konvénab, apré nou té réuni ansanm, pou chouazi kèk dé-
légé, pou nou voyé yo koté nou, avèk biinn-émé nou yo, Banabas ak Pòl, ${ }^{26}$ dé zòm ki riské la vi yo pou non nòt Ségnè Jézu-Kri. ${ }^{27}$ Donk nou voyé Jud ak Silas ki va anonsé nou minm bagay yo ak pròp bouch yo. ${ }^{28}$ Paské sa sanblé bon pou lé Sint-Espri é pou nou, pou pa inpozé nou lòt chay pasé sa ki nésésè: ${ }^{29}$ Pou ékzanté anba viann yo sakrifié pou zidol, anba san, bèt toufé é anba fònikasion; tout bagay si nou absténi tèt nou anba yo, nou va fè biin.
Pòté nou biin.
30 Donk yo-minm, lè légliz ranvouayé yo, yo désann Antioch. Yo réuni kongrégasion an, yo rinmèt lèt la. ${ }^{31}$ Lè yo fi-n li-l, frè yo té réjoui pou konsolasion li té pòté ba yo. ${ }^{32}$ Jud ak Silas, ki té profèt tou, té ékzòté yo épi fôtifié yo ak divès paròl. ${ }^{33}$ Apré yo té pasé kèk tan, frè yo ranvouayé yo ak la pé, pou alé jouinn sila yo ki té voyé yo. $L{ }^{34}$ Min sa té sanblé Silas bon pou li rété.」 35 Pòl ak Banabas té rété Antioch, ap anségné é préché, avèk pliziè lòt tou, bòn nouvèl lé Ségnè.

## Pòl séparé ak Banabas é li pati pou dézièm mision-l

36 Apré kèk jou Poll di Banabas: An nou rétounin pou vizité frè yo, nan tout vil koté nou té anonsé la paròl lé Ségnè, pou ouè ki jan yo yé. ${ }^{37}$ Banabas té vlé pran avèk yo Jan tou, ké yo té rélé Mak. ${ }^{38} \mathrm{Min}$ Pòl té pansé
pi konvénab pou pa pran ak yo sila ki té pati kité yo nan Panfili, é ki pat akonpagné yo nan travay yo. ${ }^{39}$ Diskusion té vi-n si cho ké gnoun séparé ak lòt. Banabas pran Mak, li fè voual pou lil Chip.
40 Min Poll té chouazi Silas, li pati, apré frè yo té rékòmandé li a la gras lé Ségnè.
41 Li té pasé nan Sirié é nan Silisi, ap fótifié légliz yo.

## Timoté akonpagné Pòl ak Silas

16Aprés sa li alé Dèb avèk Lis. É min-ni, té gingnin la gnou disip ki té rélé Timoté, pitit gnou fanm Jouif ki té kouayan; papa li té gnou Grèk. ${ }^{2}$ Frè ki té Lis ak Iko-n yo té bay bon témouagnaj sou li. ${ }^{3}$ Pòl té vlé minnin-1 ak li; li pran-l, li sikonsi-l a kòz Jouif ki té nan koté sa yo, paské yo tout té konnin papa li té gnou Grèk. ${ }^{4}$ Étan yo tap pasé nan vil yo, yo rékòmandé frè yo pou yo obsèvé désizion apòt ak ansiin yo ki té Jéruzalèm. ${ }^{5}$ Légliz yo té fótifié nan la foua, é yo té gin plus moun chak jou.

## Pòl ouè gnou nonm Masédoua-n nan vizion

6 Kòm lé Sint-Éspri té anpéché yo anonsé paròl la nan Lazi, yo travèsé nan péyi Friji ak Galati. ${ }^{7}$ Lè yo té rivé bò Mizi, yo tap paré pou alé nan Bitini, min Léspri Jézu pa té pèmèt yo. ${ }^{8}$ Donk yo travèsé Mizi, yo désann Troas. ${ }^{9}$ Nan nuit Pòl té ouè gnou vizion, gnou nonm Masédoua-n té parèt dévan li é té fèl démann sa a: Tra-
vèsé nan Masédoua-n, ba nou sékou! ${ }^{10}$ Apré Pòl té ouè vizion sa a, nou chaché imédiatman pou alé nan Masé-doua-n, nou té gin asurans ké Bon-Dieu té rélé nou pou préché yo Lévanjil.

## Pòl ak Silas nan prizon Filip

11 Lè nou sòti Troas, nou fè voual tou douat sou Sa motras, é jou apré a, nou dèbaké Néapolis. ${ }^{12}$ Dé la, nou alé Filip, prémié vil nan distri Masédoua-n, gnou koloni Romin yo. Nou té rété kèk jou nan vil sa a.
13 Jou saba a, nou sòti lòt bò pòtay la, bò gnou riviè, koté nou té supozé té gingnin gnou lié yo té konnin lapriè. Nou chita, é nou palé ak fanm yo ki té réuni. ${ }^{14}$ E gnoun ladan yo ki té rélé Lidi, gnou machann toual poup, moun la vil Tiatir, ki té krinn Bon-Dieu, té tandé nou. Lé Ségnè ouvri kè li, pou mété léspri li sou bagay Pol tap di yo. ${ }^{15}$ É lè li té batizé, avèk fanmi li, li fè nou démann sa a: Si nou jujé-m fidèl anvè lé Ségnè, vi-n lakay mouin é fè démè nou. Li fósé nou ak suplikasion li.
16 Étan nou t-apral nan lié priè a, gnou sèvant ki té gin gnou léspri Piton, é ki té konn rapòté mèt li yo gran profi lè-l té divinin, maché kontré nou. ${ }^{17}$ E-1 pran suiv Pol ak nou. Li tap réé: Mésie sa yo sé sèvitè Bon-Dieu Trè-Ro a, yap anonsé nou chémin salu a. ${ }^{18} \mathrm{Li}$ fè sa pliziè jou. Pòl, fatigé ak sa, té viré, li di léspria: Mouin kòmandé ou,
o non Jézu-Kri, pou sòti nan fi a. É li sòti minm lè a.
19 Lè mèt fi a té ouè éspoua profi yo pèdu, yo mété min sou Pòl ak Silas, yo trinnin yo sou la plas publik dévan majistra yo. ${ }^{20}$ Yo prézanté yo bay chèf yo, yo di: Mésié sa yo ap troublé la vil nou; sé moun ras Jouif, ${ }^{21}$ yo préché dé koutum ké nou ki Romin pa gin doua aksépté ni obsèvé. ${ }^{22}$ Foul la té soulévé tou kont yo; chèf yo fë̀ dézabiyé yo pa fòs, yo bay lòd bat yo ak fouèt. ${ }^{23}$ Lè yo té bat yo kont yo, yo jété yo nan prizon, yo bay gad la lòd kinbé yo an suté. ${ }^{24}$ Lè gad la résévoua lòd sa a, li jété yo nan prizon pi fon an, é li fèmin pié yo nan sèp.
25 Nan mitan nan nuit, Pòl ak Silas tap lapriè, yo tap chanté louanj Bon-Dieu, é prizonnié yo tap kouté yo. ${ }^{26}$ Subitman té gingnin gnou gro tranbléman-d-tè, tèlman ké fondasión prizon an té sékoué; é minm lè a tout pòt yo té ouvri, é chinn tout prizonnié yo té lagé. ${ }^{27}$ Gad la révéyé nan dòmi, è lè-l ouè pòt prizon an té ouvri, li ralé népé-l, é-l t-apral tué tèt li, paské-l té kouè ké prizonnié yo té sové. ${ }^{28}$ Min Poll rélé biin fò: Pa fè tèt ou mal, nou tout la. ${ }^{29}$ Alò gad la mandé lumiè, li kouri antré ann-dan, li lagé kò-l tou ap tranblé nan pié Pòl ak Silas, ${ }^{30}$ li fè yo sòti déyò, li di: Mésié, ki sa-m doué fè pou-m sové? ${ }^{31}$ Pòl ak Silas réponn: Kouè nan lé Ségnè Jézu é ou va sové, ou-minm ak fanmi ou.
${ }^{32}$ É yo anonsé li parol lé Ségnè, ak tout moun ki té lakay li. ${ }^{33} \mathrm{Li}$ pran yo, minm lè nan nuit la, li lavé blésé yo; é li té batizé, li-minm avèk tout moun li yo, minm lè a. ${ }^{34}$ É li minnin yo lakay li, li sèvi yo manjé, é li réjoui ak tout fanmi li, déské li té kouè nan Bon-Dieu.
35 Lè-l té fè jou, chèf yo voyé ofisié yo pou di gad la: Lagé mésié sa yo. ${ }^{36} \mathrm{Gad}$ la rapòté Pòl sa: Chèf yo voyé di pou lagé nou; donk kou li yé a, sòti, alé an pè. ${ }^{37} \mathrm{Min}$ Pol di yo: Yo bat nou an publik, san nou pa kondané, nou ki Romin, yo jété nou nan prizon; é kou li yé a yap lagé nou an kachèt! Sa pap pasé konsa. Sé pou yo vi-n lagé nou yo-minm pou fè nou sòti. ${ }^{38}$ Ofisié yo rapòté paròl sa yo bay chèf yo, ki sòti pè lè yo tandé ké sé té dé sitouayin Romin. ${ }^{39}$ Yo vi-n kalmé yo, yo lagé yo, yo mandé yo pou kité la vil la. ${ }^{40}$ Lè yo té sóti nan prizon an, yo antré kay Lidi; é apré yo fi-n ouè frè yo, é ékzòté yo, yo pati.

## Kabal nan la vil Tésalonik

## 17 Pòl ak Silas pasé Anfipolis ak Apoloni, é yo

 rivé Tésalonik, koté Jouif yo té gin gnou sinagog. ${ }^{2}$ Sélon koutum li, Pòl antré nan sinagog la. Pandan toua saba, li diskuté ak yo sou lèz Ekritu, ${ }^{3}$ ap éspliké é montré fòk lé Kris té soufri é lévé pami lè mò. Li di yo: Jézu sa a map anonsé nou an, sé li ki Kris. ${ }^{4}$ Kèk zin nan yo té kouè, é

Pòl ak Sila nan prizon an
yo antré nan konpagni Pòl ak Silas; épi tou gnou gran foul Grek ki té krinn BonDieu, ak anpil fanm grant sosiété. ${ }^{5}$ Min Jouif yo, ki té jalou, té pran ak yo kèk zòm méchan nan mas pèp la, yo rasanblé foul moun, yo simin dézòd nan lá vil la. Yo rivé sou kay Jazon, é yo chaché Pol ak Silas pou minnin yo đévan pèp la. ${ }^{6}$ Lè yo pa jouinn yo, yo trinnin Jazon avèk kèk frè dévan chèf la vil la, ap rélé: Moun sa yo ki boulvèsé lé monn, yo vi-n isit toü, é Jazon résévoua yo. ${ }^{7}$ Yo tout aji kont lòd Séza, yo di gin gnou lot roua ki rélé Jézu. ${ }^{8}$ Paròl Jouif yo éksité foul la ak chèf yo, ${ }^{9}$ ki pat kité Jazon ak lèz d̀t yo alé san yo pat pran gnou gaj nan min yo.

Pòl ak Silas nan la oil Béré
10 Minm lè a, frè yo fè Pol pati ak Silas nan nuit pou Béré. Lè yo rivé la, yo alé nan sinagog Jouif yo. ${ }^{11}$ Min Jouif sa yo té gin pi bon santiman pasé sa nan Tésalonik yo; yo té résévoua la parò ak anprésman, chak jou yo té ékzaminé lèz Ékritu, pou ouè si sa yo té di yo té sa. ${ }^{12}$ Pliziè ladan yo té kouè, épi tou anpil fanm Grèk grant sosiété, avèk gason an kantité. ${ }^{13}$ Min lè Jouif Tésalonik yo té vi-n konnin Pol tap anonsé la parol Bon-Dieu nan Béré tou, yo vini la minm jan, pou éksité foul la.
${ }^{14}$ Alò minm lè a, frè yo fè Pòl pati alé bó koté la mè; Silas ak Timoté rété Béré.
15 Moun yo ki tap akonpagné Pòl té kondui-l jouk Atèn. Apré sa yo tounin avek lòd pou Silas ak Timoté vi-n jouinn li tou suit.

## Pol nan la oil Aten

16 Étan Pol tap tann yo Atèn, sa té nui léspri li, lè-l té ouè la vil la plin zidol. ${ }^{17}$ Alò li té diskuté nan sinagog la avè Jouif yo é ak moun yo ki té krinn BonDieu, épi chak jou sou la plas publik la, ak moun li té kontré. ${ }^{18}$ Kèk filozof épikuriin épi stoyik yo té palé ak li. Kèk zin di: Ki sa nonm kap fè diskou sa a vlé di? Kèk lòt ki tandé-l anonsé Jézu ak lévé nan la mò, di: Li sanblé ap anonsé kèk dieu étranjé. ${ }^{19}$ Alòs yo pran li, yo minnin-l nian Areopaj la, ${ }^{a}$ yo di: Ėské nou kapab konnin ki nouvo anségnman sa a ké ouap bay? ${ }^{20}$ Paské ouap fè nou tandé dé bagay ki drol. Nou ta rinmin konnin sa sa vlé di.
21 Tout Aténiin yo ak étranjé ki té rété Atèn, té pasé $\tan$ yo selman ap bay ou-biin ap kouté nouvè.
22 Poll té kanpé nan mitan Aréopaj la, li di:
Nou moun Atèn, mouin apesi ké sou tout pouin, nou rélijié anpil. ${ }^{23}$ Paské étan map pakouri la vil nou an, é-m tap obsèvé afe rélijion

[^36]nou, mouin minm dékouvri gnou lotèl ki gingnin ékri sou li: Pou Dieu inkonnu an. Sa nap adoré a, san nou pa konnin-l, sé li map anonsé nou. ${ }^{24}$ Bon-Dieu ki fè lé monn ak tou sa ki ladann, li ki Ségnè sièl la ak tè a, pa rété nan tanp ki fèt ak min lòm. ${ }^{25}$ Min lèz òm pa sèvi li, kòm si li ta bézouin angnin, piské sé li-minm ki bay tout la vi, épi souf, épi tout bagay ${ }^{26} \mathrm{Li}$ fè tou lèz òm sóti nan gnou sel san, pou yo abité sou tout fas la tè, è li té maké davans konbiin tan va duré, é ki limit abitasion yo; ${ }^{27}$ li té vlé pou yo chaché lé Ségnè, é pou yo fösé jouinn li nan tatonnin, malgré li pa louin okinn nan nou. ${ }^{28}$ Paské sé nan li nou gin la vi, mouvman épi ékzistans. Sé minm jan kèk zin nan poèt pa nou yo té di: Nou sé ras li... ${ }^{29}$ Piské nou sé ras BonDieu nou pa té doué pansé ké Bon-Dieu tankou lò, lajan, ou-binn ròch, ké ladrès ak lidé moun travay. ${ }^{30}$ BonDieu té fèmin jé sou tan ignorans la; min kou li yé a, li déklaré ké lèz òm tou patou gin pou répanti; ${ }^{31}$ paské li fiksé gnou jou pou li jujé lé monn sélon la justis, ak nonm liétabli a; é li prouvé tout moun sa, lè-l té lévé li pami mò yo...
32 Lè yo té tandé palé sou lévé nan la mò, kèk zin moké li; épi lèz òt yo di: Na tandé ou sou sa gnou lod foua. ${ }^{33}$ Sé konsa Pòl sòti pami yo. ${ }^{34}$ Min kèk moun té ataché ak li, é yo té kouè; pami yo
té gingnin Déni manm Aréopaj la, é gnou fanm yo té rélé Damaris, épi dòt avèk yo.

## Pòl nan la oil Korint

18 Apré sa, Pol pati Atèn, jouinn gnou Jouif yo té rélé Akilas, moun Pon, ki té sosti ann Itali pa gin lontan, ak madanm li Prisil, paské Klòd té odonnin tout Jouif yo pou kité Ròm. Li fè zanmi ak yo. ${ }^{3}$ Kòm li té gin minm métiéak yo, li rété lakay yo, é li travay; métié yo, sé té fèzè tant.
4 Pòl té palé nan sinagog la chak saba, é-l té konvink Jouif ak Grèk. ${ }^{5}$ Min lè Silas ak Timoté té rivé sòti Masédoua-n, li té livré-l nèt nan la paròl, ap bay Jouif yo témouagnaj ké Jézu té lé Kris. ${ }^{6}$ Lè Jouif yo té rézisté é té pran jouré, Pỏl sékoué rad li, li di yo: Ké san nou tonbé sou tèt nou. Mouin inosan. Patan kou li yé a, mouin pral jouinn moun lot nasion yo. ${ }^{7}$ Lè-l sòti la, li antré kay gnou nonm ki té rélé Justus, ki té krinn BoonDieu, é kay li té kolé ak sinagog la. ${ }^{8}$ Krispus, chèf sinagog la, té kouè nan lé Ségnè ak tout fanmi li. E pliziè Korintiin ki té tandé Poll, té kouè tou, é yo té batizé.
9 Lé Ségnè di Pòl nan nuit nan gnou vizion: Pa pè, min palé, pa pé du tou; ${ }^{10}$ paské mouin avèk ou, é pésonn pap pòté la min sou ou pou fè ou mal; palé, paské mouin gin anpil pèp nan la vil sa a.
11 E li rété la inn-an si
moua, ap anségné paròl BonDieu pami pèp Korint.
12 Nan tan Galion té prokonsul Akayi; Jouif yo soulévé kou gnou sèl kò kont Pòl é yo minnin-l dévan tribunal la, ${ }^{13}$ yo di: Nonm sa a ap éksité moun pou yo sèvi BonDieu gnou jan ki kont la loua. ${ }^{14}$ Pòl t-apral ouvri la bouch, min Galion di Jouif yo: Si sé té kèk injustis ou kèk mové aksion, mouin ta gin rézon kouté nou, o Jouif. ${ }^{15} \mathrm{Min}$ si sé diskusion sou kèk paròl, ou-biin kèk non, ou-biin la loua pa nou, sé nou sa gadé; mouin pa vlé jujé bagay sa yo. ${ }^{16}$ É li fè yo sòti nan tribunal la. ${ }^{17}$ Alò tout kinbé Sostèn, chèf sinagog la, yo bat li dévan tribunal la, san Galion pa di gnou mo.
18 Pòl té rété Korint lontan ankò. Apré sa li fè frè yo séz adieu é li anbaké pou Siri, avèk Prisil épi Akilas; li té fè tayé tèt li nan Sankré, paské li té fè gnou vé.
19 Yo rivé Efèz, é Poll kité konpagn li yo la. Li antré nan sinagog la é li diskuté avèk Jouif yo ${ }^{20} \mathrm{ki}$ mandé-1 pou li rété la pi lontan, min li pa aksépté. ${ }^{21}$ Li fè yo séz adieu, li di: Fòk kan-minm mouin sélébré fèt kap rivé a nan Jéruzalèm. Ma tounin ankò koté nou, si Bon-Dieu vlé; é li kité Éfèz.

## Pòl rétounin la vil Antioch épi li pali pou touazièm mision-l

22 Lè li débaké Sézaré, li monté Jéruzalèm; é apré li salué légliz la, li désann Antioch.

23 Apré-l té pasé kèk tan Antioch, Pòl té mété-1 an rout, li pakouri Galati é Friji, gnoun apré lòt, ap fòtifié tout disip yo.

## Apolòs préché nan la vil Éfèz

24 Gnou Jouif yo té rélé Apolòs, moun Aléksandri, gnou nonm ki té konn palé biin, é ki té fò nan lèz Ékritu, té vini Éfèz. ${ }^{25} \mathrm{Li}$ té instoui nan chémin lé Ségnè; kòm li té zélé nan léspri li, li té palé é anségné avèk souin bagay ki konsènin Jézu, malgré sé batèm Jan sèlman li té konnin. ${ }^{26} \mathrm{Li}$ kòmansé palé ouvètman nan sinagog la. Min lè Prisil avèk Akila tandé-l, yo pran li é yo éspliké-l chémin Bon-Dieu a gnou jan pi ékzat. ${ }^{27}$ E lè li té vlé janbé nan Akayi, frè yo ankourajé-l, é yo ékri disip yo pou résévoua-1 biin. Lè-l rivé, ak la gras Bon-Dieu li té util kouayan yo; ${ }^{28}$ paské li konfonn Jouif yo avèk fòs, é li té montré publikman ak lèz Ékritu ké Jézu sé lé Kris.

## Pòl nan la vil Éféz

10 Étan Apolòs té Korint, lè Pol té fi-n pakouri nan péyi anro Lazi yo, li rivé Éfèz. Li jouinn kèk disip, ${ }^{2}$ li di yo: Eské nou té résévoua lé Sint-Espri lè nou té kouè? Yo réponn ni: Nou pat minm tandé si té gingnin gnou Sint-Éspri. ${ }^{3} \mathbf{L i}$ di: Donk nan ki batèm nou té batizé? Yo di: Batèm Jan. ${ }^{4}$ Pòl di: Jan té batizé nan batèm répantans, li té di pèp la pou kouè nan sila ki té gin
pou vini apré li, sètadi, nan Jézu. ${ }^{5}$ Lè yo tandé sa, yo té batizé nan non lé Ségnè Jézu. ${ }^{6}$ Lè Pol étann min li sou yo, lé Sint-Espri vini sou yo; yo palé lòt lang é tankou profèt. ${ }^{7}$ Yo té a pé pré douz òm.
8 Apré sa Pòl antré nan sinagog la, é li palé ouvètman. Pandan toua moua li palé sou bagay ki konsènin rouayòm Bon-Dieu, li éséyé konvink moun yo ki tap kouté-l. ${ }^{9}$ Min kòm kèk zin té rété andusi, yo pat vlé kouè, yo tap palé mal dévan foul la konsènin Rout la, Pòl kité yo, li séparé sa ki té disip yo, é chak jou li té bay anségnman nan lékòl gnou moun yo té rélé Tiranus. ${ }^{10}$ Sa kontinué dé zan, si biin ké tout moun ki té rété nan Lazi, ni Jouif ni Grèk, té tandé la parol lé Ségnè. ${ }^{11}$ BonDieu té fè dé mirak éstrà̀dinè gras a min Pol, ${ }^{12}$ si biin ké yo té poté bay moun ki té malad rad ou-biin mouchoua ki té touché kò li, é maladi yo té kité yo, é movèz éspri yo té sòti.
13 Kèk gérisè Jouif yo, ki té konn maché plas an plas, té éséyé invoké non Ségnè Jézu sou moun ki té gin movèz éspri, apé di: Mouin kòmandé nou o non Jézu Pol préché a! ${ }^{14}$ Moun ki té fè sa sé té sèt pitit Séva, gnou chèf sakrifikatè Jouif yo, ${ }^{15}$ Movèz éspri a réponn yo: Mouin konnin Jézu, mouin konnin Pol; min nou, ki moun nou yé? ${ }^{16}$ Nonm ki té
gin movèz éspri a, fonsé sou yo, li mintni yo é li malminnin yo tèlman, ké yo kouri sòti nan kay la tou-nu é blésé. ${ }^{17}$ É sa vi-n konnu pou tout moun, ni Jouif ni Grèk, ki té rété Éfèz; la krint anparé yo tout, é non lé Ségnè Jézu té résévoua louanj. ${ }^{18}$ Pliziè nan moun yo ki té kouè, té vi-n konfésé é déklaré aksion yo. ${ }^{19}$ É anpil pami sila yo ki té konn fè maji, té pòté liv yo é yo boulé yo dévan tout moun; dapré kalkul, valè liv sa yo té sinkant mil piès lajan.
20 Sé konsa la paròl lé Ségnè té fè progrè an puisans é an fòs.
21 Apré bagay sa yo té fi-n pasé, Pol fè lidé pou travèsé Masédoua-n avèk Akayi, pou alé Jéruzalèm. Li di: Apré mouin alé la, fòk mouin ouè Ròm tou. ${ }^{22} \mathrm{Li}$ voyé nan Masédoua-n dé nan ed li yo, Timoté ak Eras, li-minm té rété nan Lazi pou kèk tan.

## Kabal nan la vil Éféz

23 Nan tan sa a, té lévé gnou boulvès ki pa piti konsènin chémin lé Ségnè. ${ }^{24}$ Té gingnin gnou nonm yo rélé Démétrius, gnou òfèv, ki té konn fè ogatoua Dia-n ${ }^{a}$ ann ajan, é sa té rapòté ouvrié li yo anpil profi. ${ }^{25} \mathrm{Li}$ réuni yo ansanm, avèk atizan minm métié a, li di: Mésié, nou konnin ké sé nan travay sa a richès nou yé. ${ }^{26}$ Min nou ouè é tandé ké pa sèlman nan Éfèz, min nan prèské tout

[^37]Lazi, Pòl sa a gin tan konvink é détounin anpil pèp, apé di ké dieu yo ki fèt avèk min lòm, sé pa dieu yo yé. ${ }^{27}$ É sé pa sèlman métié nou ki an danjé avili, min tanp gran dieu Dia-n la tou, kapab vini pasé pou angnin, li kapab diminué nan grandè li, li-minm tout Lazi avèk lé monn antié adoré.
28 Lè yo tandé sa, yo an kòlè anpil, yo rélé: Dia-n Éféziin yo gran!
29 La vil la té plin konfuzion. Yo tout kouri ansanm alé nan Téat la, yo broté ak yo Gayus avèk Aristak, moun Masédoua-n, konpagnon vouayaj Pòl. ${ }^{30}$ Pòl té vlé prézanté dévan pèp la, min disip yo pa pèmèt li. ${ }^{31}$ Kèk zin nan chèf ofisié Lazi yo, ki té zanmi li, voyé koté li, é prié li pou pa riské tèt li nan Téat la. ${ }^{32}$ Kèk zin tap rélé gnou bagay, é lèz òt yo tap rélé gnou lòt bagay; paské lasanblé a té nan konfuzion; é pi fò nan yo pat konnin pouki sa yo té réuni. ${ }^{33}$ Yo fè̀ Aléksann sòti nan foul la, Jouif yo pousé li dévan. Aléksann fè sign avèk $\min \mathrm{li}$, li té vlé palé ak pèp la. ${ }^{34} \mathrm{Min}$ lè yo rékonnèt li té gnou Jouif, yo tout fè gnou sèl voua, ap rélé pandan dé zè-d-tan: Dia-n Éféziin yo gran!
35 Min lè sékrétè la vil la té kalmé foul la, li di: Nouminm moun Éfèz, ki moun ki pa konnin ké vil Éféziin yo sé gadiin tanp Gran Dia-n nan, avèk éstatu li ki tonbé sòti nan sièl la? ${ }^{36}$ Piské sé
gnou bagay ki klè, nou doué kalmé nou, é pa fè angnin san réfléchi. ${ }^{37}$ Nou minnin moun sa yo isit, yo pa ni vòlè nan tanp la, ni jouré dieu nou an. ${ }^{35}$ Donk, si Démétrius avèk atizan li yo ann afè ak kèk moun, gin jou tribunal é gin prokonsul; sé pou gnoun rélé lòt nan la justis. ${ }^{39}$ É si nou gin lòt afè nan lidé nou, yo va réglé nan lasanblé dapré la loua. ${ }^{40}$ Paské nou an danjé yo rann nou réskonsab soulèvman jodi a, paské pa gin okinn rézon pou sa, pou pèmèt nou éspliké rasanbléman sa a. Lè li fi-n palé konsa, li ranvouayé lasanblé a.

## Pòl alé nan Masédoua-n ak nan la Grès

20 Apré kabal la té sus20 pann, Poll réuni disip yo é li ékzòté yo li fè yo séz adieu, é-1 pati pou alé nan Masédoua-n.
2 Étan lap pakouri péyi sa a, li bay disip yo anpil ékzòtasion. Exp 1-alé nan la Grès, li pasé toua moua la. Kòm li té pré pou fè voual pou la Siri, Jouif yo té tann pièj pou li. Alò li désidé rétounin pasé pa Masédoua-n. ${ }^{4}$ Té gingnin ki té akonpagné li jouk nan Lazi: Sopatè, moun Béré, pitit Pirus; Aristak ak Ségon, moun Tésalonisiin yo; Gayus, moun Dèb, ak Timoté; épi Tichik avèk Trofim, moun Lazi. ${ }^{5}$ Min sila yo té alé dévan, é yal tann nou nan Troas. ${ }^{6}$ Nou fè voual sòti Filip, apré jou pin san lévin yo, é
nan sink jou nou rivé jouinn yo Troas; nou té rété la sèt jou.

## Pòl oizité Troas pou la déniè foua

7 Prémié jou nan séminn nan, nou té réuni pou kasé pin. Pol, ki té gin pou pati nan démin, té kozé ak disip yo, é li palé yo juska minui. ${ }^{8}$ Té gingnin anpil lumiè nan chanmòt koté nou té réuni an. ${ }^{9}$ Gnou jèn òm yo té rélé Étich té chita nan fénèt la, li té nan profon sonmèy étan Pòl tap prolonjé paròl li. Sonmèy la anpòté-l, li tonbé sòti nan touazièm étaj la, é yo ranmasé li mò. ${ }^{10}$ Pòl désann, li panché sou li, li pran li nan bra-1, li di: Pa rélé, paské li vivan. ${ }^{11}$ Lè li té rémonté é té kasé pin an, é manjé, li palé lontan ankò avèk yo jouk li jou, épi li pati. ${ }^{12}$ Yo minnin jèn òm nan vivan, é sa té gnou gran konsolasion.

## Vouayaj dépi Troas juska Milé

13 Kant a nou-minm, nou pran dévan nan bato a, nou fè voual pou Asos, avèk intansion pou pran Poll la; sa té ranjé konsa paské li té gin pou li fè rout la a pié. ${ }^{14}$ Lè-l vi-n jouinn nou Asos, nou pran li abò é nou alé Mitilèn. ${ }^{15}$ Étan la, nou koṇtinué pa mè, é jou apré a nou vini an fas Kio; nan démin nou fè voual pou Samos, é jou apré sa nou alé Milé. ${ }^{16}$ Pòl té désidé pasé dévan Éfèz, san rété, pou li pat pèdu tan nan Lazi; paské
li tap présé, pou si sé té posib, li té Jéruzalèm jou la Pannkòt la.

## Diskou Pòl fè ansizin légliz Éfèz yo

17 Min dépi Milé li voyé Éfèz, fè rélé ansiin légliz yo. ${ }^{18}$ Lè yo vi-n jouinn li, li di yo:
Nou-minm nou konnin, dépi prémié jou mouin mété pié nan Lazi, ki jan mouin té kondui avèk nou tout tan, 19 ap sèvi lé Ségnè san okinn prétansion, avèk dlo nan jé, nan mitan éprèv mouin jouinn a kòz konplo Jouif yo. ${ }^{20}$ Nou konnin ké mouin pa janm kaché angnin ki té util nou, é ké-m pat krinn préché nou é ba nou anségnman an publik ak lakay nou. ${ }^{21}$ Mouin anonsé ni Jouif ni Grèk répantans anvè Bon-Dieu, ak la foua nan nòt Ségnè Jézu-Kri. 22 É kou li yé a, min-ni, Léspri maré-m, mouin pralé Jéruzalèm, san konnin sa ki va riyé-m la; ${ }^{23}$ sèlman, lé Sint-Éspri avèti-m nan chak vil ké kòd avèk afliksion ap tann mouin. ${ }^{24}$ Min mouin pa pran la vi mouin pou angnin, kòm si-1 ta chè pou mouin, pouvu ké-m kapab akonpli kous mouin ak la joua, épi mision mouin résévoua nan min lé Ségnè Jézu, pou anonsé Lévanjil la gras Bon-Dieu a.
25 É kou li yé a, min-ni, mouin konnin ké nou pap janm ouè figu-m ankò, nou tout ké-m té konn pasé ap préché rouayòm Bon-Dieu a pami nou. ${ }^{26}$ Sé pou sa, mouin ba nou témouagnaj sa a jodi
a, mouin inosan aléga san nou tout. ${ }^{27}$ Paské mouin té déklaré nou tout volonté Bon-Dieu, san kaché angnin. ${ }^{28}$ Donk véyé kò nou, épi tout troupo a, sou ki lé SintÉspri établi nou kòm gadiin, pou nouri légliz lé Ségnè, ké li té achté avèk pròp san li ${ }^{29}$ Mouin konnin ké apré mouin pati, dé lou méchan va antré pami nou, ki pap épagné troupo a. ${ }^{30}$ E pami nou-minm minm, dèz om va lévé ki va anségné dé mové bagay, pou ralé disip yo dèyè yo. ${ }^{31}$ Donk véyé, sonjé ké pandan toua zan mouin pat suspann avèti nou chak, nuit kon jou, avèk dlo nan jé.
32 Kou li yé a, mouin rékòmandé nou bay Bon-Dieu, é mouin rékòmandé nou bay parol la gras li, li-minm ki kapab bati nou, é ba nou éritaj avèk tout sin yo. ${ }^{33}$ Mouin pat anvi ni lajan ni lò, ni rad pèsonn. ${ }^{34}$ Nouminm, nou konnin ké min sa yo té sèvi pou nésésité móuin, avèk pa moun yo ki té avèk mouin. ${ }^{35}$ Nan tout bagay mouin té ba nou gnou ékzanp ké sé ak travay kon sa nou doué édé sa ki fèb yo, é sonjé paròl lé Ségnè Jézu, li-minm ki té di: Gingnin plus bénédiksion pou bay pasé pou résévoua.
36 Lè-l fini palé konsa, li a jénou, é-1 lapriè avèk yo tout. ${ }^{37}$ É yo tout pran krié, yo tonbé nan kou Pol, yo bo li; ${ }^{38}$ yo té gingnin la pinn pi plus paské li té di ké yo pa ta ouè figu li ankò. É yo akonpagné li jouk nan bato a.

## Pòl alé Jéruzalèm

21 Apré ké nou té séparé avèk yo, nou anbaké, nou fè gnou kous douat rivé Kos, é jou apré a nou alé Rod, é sòti la, nou alé Patara. ${ }^{2}$ E nou jouinn gnou bato ki tap travèsé al Fénisi, no i anbaké é nou fè voual. ${ }^{3}$ Lè nou té ouè lil Chip, nou kité li sou la min goch, é nou pousuiv rout nou pasé bò Siri, nou débaké Tir, koté bato a té gin pou débaké kagézon li. ${ }^{4}$ Nou jouinn disip yo, nou rété la sèt jou. Léspri pousé disip yo di Pòl pou li pa monté Jéruzalèm. ${ }^{5}$ Lè sèt jou yo té pasé, nou pati pou nal anbaké. E tout disip yo ak madanm ak pitit yo té akonpagné nou jouk déyò la vil la. Nou a jénou sou rivaj la, nou laprie. ${ }^{6}$ Lè nou gnoun di lòt orévoua, nou monté abò bato a, é yo-minm yo tounin lakay yo.
7 An finisan vouayaj nou sou la mè, nou sòti Tir, nou alé Tolémais; la, nou salué frè yo, nou pasé gnou jou avèk yo.
8 Nan démin nou pati, nou rivé Sézaré. Nou antré kay Filip, évanjélis la, ki té gnoun nan sèt yo; nou rété avèk li. ${ }^{9}$ Li té gin kat pitit fi, vièj, ki té konn palé kom profèt. ${ }^{10}$ Nou rété la pliziè jou, é gnou profèt yo té rélé Agabus té désann sòti la Judé. ${ }^{11} \mathrm{Li}$ vini jouinn nou. Li pran sinturon Pòl, li maré pié ak min pa li, li di: Min sa lé Sint-Espri déklaré: Sé konsa nan Jéruzalèm, Jouif
yo va maré mèt sinturon sa a, é ya livré li nan min moun lòt nasion yo. ${ }^{12}$ Lè nou tandé sa, ni nou ni moun nan lié a, nou prié Pò pou li pa: monté Jéruzalèm. ${ }^{13}$ Alò li réponn: Ki sa nou apé fè, lè nap krié é nap fann kè mouin? Paské mouin paré non sèlman pou yo maré mouin, min tou pou mouri nan Jéruzalèm pou non lé Ségnè Jézu. ${ }^{14} \mathrm{~K}$ òm li pat vlé kité yo konvink li, nou pa pèsisté, nou di: Ké volonté lé Ségnè soua fèt!
15 Apré jou sa yo, nou préparé afè nou, nou monté Jéruzalèm. ${ }^{16}$ Kèk nan disip Sézaré yo té alé ak nou; yo minnin nou kay Nazon, moun lil Chip, gnou ansiin disip, ki té pou résévoua nou lakay li.

## Yo arété Pòl nan tanp la

17 Lè nou rivé Jéruzalèm, frè yo résévoua nou avèk joua. ${ }^{18}$ Jou apré a, Poll alé kay Jak avèk nou; é: tout ansiin yo té réuni la. ${ }^{19}$ Apré li té salué yo, li rakonté an détay bagay Bon-Dieu té fè pami moun lòt nasion yo, ak sèvis li. ${ }^{20}$ É yo-minm, lè yo tandé li, yo rann Bon-Dieu gloua. E yo di li: Ou ouè, frè, konbiin milié Jouif ki kouè, é yo tout zélé pou la loua. ${ }^{21}$ Min yo aprann ké ouap anségné tout Jouif ki pami moun lòt nasion yo pou rénonsé Moyiz, ou di yo pou yo pa sikonsi pitit yo, ni pou pa maché dapré koutum yo. ${ }^{22}$ Ald̀ sa sa yé? Sètènman foul la va rasanblé paské yap konnin ké ou vini.
${ }^{23}$ Donk fè sa nap di ou la. Nou gin kat òm ki fè gnou vé; ${ }^{24}$ pran yo, purifié ou avèk yo é fè dépans pou yo pou yo razé tèt yo. Sé konsa tout moun va konnin ké sa yo té tandé di sou ou a sé manti, é ké ou-minm tou ou maché nan lòd, ou obsèvé la loua: ${ }^{25}$ Kant a moun lòt nasion yo ki kouè, nou désidé é nou ékri yo pou yo prézèvé tèt yo anba viann ki sakrifié pou zidol, san, bèt tranglé, é anba dézòd la chè. ${ }^{26}$ Alò Pòl pran mésié sa yo, é jou apré a, li purifié li avèk yo, li alé nan tanp la, li anonsé ki jou purifikasion an ta akonpli, é ké ofrann nan ta prézanté pou chakin nan yo.
27 Kòm sèt jou yo té prèské akonpli, Jouif Lazi yo, lè yo ouè Pol nan tanp la, yo soulévé tout foul la, yo mété la min sou li, ${ }^{28}$ yo rélé: Moun Izraèl, la min fös! Min nonm kap préché tout moun tou patou kont pèp la, kont la loua, é kont lié sa a; é plus anko li minnin Grèk tou nan tanp la, é li déréspékté lié sa a ki sin. ${ }^{29}$ Paské avan sa yo té ouè Trofim, moun Éfèz, avèk li nan la vil la, yo té kouè Poll té fè li antré nan tanp la.
30 Tout la vil la té an mouvman, pèp la kouri ansanm sòti tou patou. Yo sézi Pòl, yo trinnin-l sòti nan tanp la, é minm lè a yo fèmin pòt yo. ${ }^{31}$ Étan yo tap chaché tué li, infòmasion rivé anro koté kòmandan batayon an, ké tout Jéruzalèm té an dézòd. ${ }^{32}$ É tou suit li pran solda ak chèf
kolonn, li kouri désann sou yo. Yo-minm, lè yo ouè kòmandan an ayèk solda yo, yo suspann bat Pơl. ${ }^{33}$ Aloे kómandan àn proché, li sézi-l, é bay lòd maré li ak dé chinn. Li mandé ki moun li té yé, é ki sa li té fè. ${ }^{34}$ Kèk moun nan föul la té rélé gnou bagay, kek lòt, gnou lòt bagay; é kòm li pat kapab konnin sa ki té sètin, a kòz kábal la, li kómande pou kondui-1 nan kazèn nan. ${ }^{35}$ E lè Pòl rivé nan éskalié a, solda yo té oblijé pòté-1, a kòz violans foul la. ${ }^{36}$ Paské foul pèp la tap suiv, apé rélé: Tué li!

## Diskou Pol fè Jouif yo pou dêfann let $l i$

37 Kơm yo té prèt pou kondui ${ }^{\prime}$ Pod an dédan kazèn nan, li di kòmandan an: Eské mouin kapab di ou kichòy? Ékómanđän an réponn: Eské ou konnin Grèk? ${ }^{38}$ Alò ou pa Ejjipsin an ki té révolté đènièman é ki té kondui kat mil bandi nan dézè a? ${ }^{39}$ Pol di: Mouin sé Jouif, moun Tas nan Silisi, sitouayin gnou vil ki pa inkonnu. E mouin mandé ou, pèmèt mouin palé ak pèp la. ${ }^{40}$ Le li ba-1 pèmision, Pod kanpé soú éskalié a, li fè pèp la sign àk min li.' Lè té gingniń gnou gran silans, li adrésé yo nan lang Ébré, li di:

22Frè avèk papa, kouté sa-m gin pou-m di nou kou li yé a pou défans mouin. 2 Lè yo tandé li tap pale -yo nan lang Ébré, yo té pi trankil ankó. Pòl di:

3 Mouin sé Jouif, m-fèt Tas nan Silisi; min m-lévé nan vil isit, mouin instoui nan pié Gamalièl nan konnésans ékzat la loua zansèt nou yo, mouin zélé poū Bon-Dieu, minm jan nou tout yé jodi a. ${ }^{4}$ Mouin té pèsékuté Rout sa a a mò, m-té maré é m-té livré nan prizon ni gason ni fanm. ${ }^{5}$ Pi gran chè sakrifikatè a ak tout lasanblé ansiin yo témouin-m sou sa. Mouin té minm résévoua nan min yo lèt poú frè Damas yo, é mouin té alé la pou raminnin moun yo ki té la, anba kòd, vini Jéruzalèm, pou fè puni yo.

## Pòl rakonté istoua konvèsion li

6 Köm mouin té nan rout é-m té prèt pou rivé Damas, subitman, vè midi, gnou gran lumiè sòti nan sièl kléré tout otou mouin. ${ }^{7}$ M-tonbé a tè, m-tandé gnou voua ki di-m: Sọl, Sòl, pouki sa ouap pèsékuté mouin? ${ }^{8} \mathrm{M}$-réponn: Ki moun ou yé, Ségné? Eli di-m: Mouin sé Jézu dé Nazarèt ouap pèsékuté a. ${ }^{\text {o }}$ Moun yo ki té ak mouin, té ouè lumiè a vré, min yo pat tandé voua sila ki tap palé a. ${ }^{10}$ Mouin di: Ki sa pou-m fè Ségnè? É lé Ségnè di mouin: Lévé, antré Damas; é la, ya di ou tou sa ou gin pou fè. ${ }^{11} \mathrm{Kojm}$ mouin pat kab ouè angnin a kòz ékla lumiè sa a, moun yo ki té ak mouin té kondui-m nan min, mouin rivé Damas.
12 Gnou nonm ki té rélé Ananias, ki té dévoué nan sans la loua, é tout Jouif ki
té rété nan Damas rann bon témouagnaj sou li, ${ }^{13}$ vini jouinn mouin, li di-m: Sòl, frè mouin, ouè nan jé ou ankò. Minm lè a mouin ouè nan jé-m ankò é-m gadé li. ${ }^{14} \mathrm{Li}$ di: Bon-Dieu zansèt nou yo, té chouazi ou pou ou konnin volonté li, pou ou ouè Jus la, é pou ou tandé paròl nan bouch li. ${ }^{15}$ Paské ou va sèvi-l témouin dévan tou lèz odm sou bagay ou ouè ak bagay ou tandé. ${ }^{16}$ E kou li yé a, ki sa oụap tann? Lévé, pran batèm, lavé péché ou yo, étan ouap invoké non lé Ségnè.
Pòl réséooua apèl pou préché moun lòt nasion yo
17 Lè-m tounin Jéruzalèm, kòm mouin tap laprie nan tanp la, mouin antré nan gnou transpò; ${ }^{18}$ é mouin ouè lé Ségnè ki di mouin: Présé, sòti vit Jéruzalèm; paské yo pap résévoua témouagnaj ou sou mouin. ${ }^{19}$ Mouin di: Ségnè, yo-minm yo konnin, mouin té konn fè mété moun ki kouè nan ou nan prizon, é fè bat yo ak fouèt nan sinagog yo. ${ }^{20}$ É lè yo tap vèsé san Étièn, témouin ou, m-té la mouin-minm tou, m-té konsanti ak lèz ot yo, m-té véyé rad moụn yo ki tap tué li. ${ }^{21}$ Alòs li di-m: Alé, map voyé ou louin, koté lòt nasion yó.

## Pòl nan minkòmandan an

22 Yo tap koute-1, min lè-1 di paroll sa a, yo lévé la voua, yo di: Ouété gnou nonm kon sa sou la tè! Li pa dign pou
viv. ${ }^{23}$ Yo plédé rélé, yo voyé rad yo jété, yo tap voyé pousiè nan lè. ${ }^{24}$ Kómandan an bay lòd fè Pol antré nan kazèn nan pou késionnin li anba fouèt, pou-l té kapab konnin pou ki kòz yo tap rélé konsa kont li. ${ }^{25}$ Le yo té fi-n maré-l, Pol di chèf kolonn nan ki té la: Eské sé la loua pou nou bat gnou nonm ki Romin, é ki pa minm kondané? ${ }^{26}$ Lè chè̀f kolonn nan tandé sa, li alé jouinn kòmandan an, pou avèti-1, li di: Ki sa ou pral fè konsa? Nonm sa a sé gnou Romin. ${ }^{27}$ E komandan an vini, li di Pò: Di mouin, èské ou sé gnou Romin? E li di: Oui. ${ }^{28}$ Kómandan an réponn: Mouin, sé ak gro lajan mouin té achté tit sitouayin sa a. Pòl di: Min mouin-minm, mouin fèt Romin. ${ }^{29}$ Alò moun yo ki té pré pou késionnin li, ralé kò yo minm lè a; é komandan an tou té pè, lè-l ouè ké Pol té Romin, paské-l té fè maré li.

## Pol déoan Sannédrin an

30 Nan démin, kòm li té vlé konnin sètin pouki sa Jouif yo tap akuzé li, li fè lagé-1, é-l bay lod pou chèf sakrifikatè yo avèk tout Sannédrin an té vini ansanm; li fè Pòl désann, é li mété-l nan mitan yo.
23
Pòl fiksé jé li sou Sannédrin an, li di: Frè, sé ak tout bon konsians ${ }^{\text {ké }}$ mouin kondui-m jouk jodi a dévan Bon-Dieu.
2 Pi gran chèf sakrifikatè a, Ananias, bay:moun ki té kan-
pé tou pré li yo lòd pou frapé-l sou bouch. ${ }^{3}$ Alò Pòl di li: Bon-Dieu va frapé ou, muray blanchi! Ou chita pou jujé-m sélon la loua, é ou bay lòd pou frapé-m kont la loua! ${ }^{4}$ Moun yo ki té tou pré, di-l: Ouap insulté pi gran chèf sakrifikatè BonDieu a! ${ }^{5}$ Pol di: Mouin pat konnin, frè, ké sé té pi gran chèf sakrifikatè a. Paské sa ékri: Ou pap palé chèf pèp ou mal.
6 Kòm Pòl té konnin ké gnou pati lasanblé a té saduséyin, é lòt la fariziin, li rélé nan Sannédrin an: Frè, mouin sé gnou fariziin, pitit fariziin; sé pou-tèt éspérans ké moun lévé nan la mò ké yap jujé-m. ${ }^{7}$ Lè-l té di sa, té lévé gnou kont ant fariziin yo avèk saduséyin yo, é lasanblé a té divizé. ${ }^{8}$ Paské saduséyin yo di ké moun pa lévé nan la mò, pa gin'ni zanj ni éspri; tandis ké fariziin yo di ké gingnin tout. ${ }^{9}$ Sa té fè gnou gran kabal, é kèk éskrib nan pati fariziin yo té lévé, yo té antré nan gnou diskusion biin cho, yo di: Nou pa jouinn angnin ki mal nan nonm sa a; pètèt gnou éspri ou-biin gnou zanj palé ak li. ${ }^{10}$ Lè kont la té vini ròd, kòmandan an té pè pou moun yo pat déchiré Pòl, li fè solda yo désann pou pran li nan mitan yo, é kondui-1 nan kazèn nan.
11 Nuit apré a, lé Ségnè parèt dévan Pòl, li di: Pran kouraj; paské minm jan ou bay témouagnaj pou mouin nan Jéruzalèm, konsa ou
doué bay témouagnaj a Ròm tou.

Jouif yo fè konplo pou tué Pòl
12 Lè jou rivé, Jouif yo fè gnou konplo, yo sèmanté sou tèt yo, yo di yo pap ni manjé ni bouè jouk yo tué Pol. ${ }^{13}$ Té gin plus ké karant ki té fè konplo a. ${ }^{14}$ Yal jouinn chèf sakrifikatè ak ansiin yo, yo di yo: Nou semanté sou tèt nou, pou nou pa gouté angnin jouk tan nou tué Pòl. ${ }^{15}$ Donk kou li yé a avèk Sannédrin an palé kòmandan an pou-l désann li ba nou, kòm si nou ta vlé jujé kòz li gnou jan pi ékzat; é nou-minm, avan li proché, nou paré pou tué li.
16 Min pitit sè Pòl la, tandé gèt-apan an, lal nan kazèn nan, li mét Pol o kouran. ${ }^{17}$ Pòl rélé gnoun nan chèf kolonn yo, li di: Minnin jèn öm sa a bay kòmandan an; paské li gin kichòy pou di-l. ${ }^{18}$ Chèf kolonn pran jèn òm nan ak li, li kondui-1 bay kòmandan an, li di: Pòl, prizonnié a, rélé-m. Li mandé-m pou-m minnin ba ou jèn óm sa $a$, ki gin kichóy pou di ou. ${ }^{19}$ Kòmandan an pran jèn òm nan nan min, lal a léka, li mandé-l: Ki sa ou gin pou di-m? ${ }^{20} \mathrm{Li}$ réponn: Jouif yo ranjé pou mandé ou kondui Pòl démin dévan Sannédrin an, köm si ou ta vlé mandé infómasion pi ékzat sou li. ${ }^{21} \mathrm{~Pa}$ kouté yo, paské gin plus ké karant pami yo ki paré gèt-apan pou li, é yo sèmanté sou tèt yo, pou yo pa manjé ni bouè jouk yo tué li. Kou li yé
a yo paré, sé konsantman ou sèlman yap tann. ${ }^{22}$ Kómandan an ranvouayé jèn òm nan alé, apré li ba-l lòd pou pa palé pèsonn sou rapò a li té fè-l.

Pòl dévan Gouvènè Fêliks.
23 Apré sa li rélé dé chèf kolonn, li di: Préparé dé san solda, souasann-dis kavalié, dé san solda ak lans, dépi név è du soua, pou alé jouk Sézaré. ${ }^{24}$ E paré bèt tou pou Pol monté, pou kondui-1 sinn-é-sòf bay gouvènè Féliks. ${ }^{25}$ E li ékri gnou lèt ki di konsa:
26 Klòd Lizias, salué trè̀-zéksélan gouvènè Féliks!
27 Jouif yo té sézi nonm sa a, é yo té pré pou tué li, lè-m rivé ak solda yo, érm délivré-l, lè-m aprann li té gnou Romin. ${ }^{28}$ Kom mouin té vlé konnin pou ki kòz yo té akuzé-l, m-kondui li dévan Sannédrin yo a. $\quad{ }^{29}$ Mouin jouinn ké yo té akuzé-l sou késion ki konsènin la loua pa yo; min ké li pat konmèt okinn krim ki té mérité la mò oubiin prizon. ${ }^{30}$ Lè-m vi-n konnin ké Jouif yo té monté gèt-apan kont li, mouin voyé-l ba ou tou suit, é-m fè moun ki akuzé-l yo konnin ké yo gin pou vi-n koté ou yominm.
Salutasion.
31 Solda yo, dapré lòd yo té résévoua, yo pran Pòl, yo kondui-l nan nuit jouk Antipatris. ${ }^{32}$ Nan démin, yo kité kavalié yo pousuiy rout. la avèk li, é yo rétounin nan kazèn nan. ${ }^{33}$ Lè kavalié yo
rivé Sézaré, yo rinmèt gouvènè a lèt la, é yo prézanté Pòl ba li. ${ }^{34}$ Lè-1 fi-n li lèt la, li mandé nan ki provins Pòl té moun. Lè-l aprann ké li té moun Silisi, ${ }^{35} \mathrm{li}$ di: Ma tandé ou, lè moun ki akuzé ou yo vini. E li bay lod pou gadé-1 nan palè Éròd la.

## Pòl défann tet li dévan Féliks

24 Apré sink jou, Ana24 nias, pi gran chèf sakrifikatè a, té rivé avèk kèk ansiin, épi gnou avoka yo rélé Tètul. Yo pòté gouvènè a plint kont Pol.
2 Yo rélé Pòl, é Tètul kọmansé akuzé-1.-Tètul di:
3 Trè-z-éksélan Féliks, ou fè nou joui gnou gran pé, é nasion nou obténi dé bon chanjman, gras a prévouayans ou; nou akéyi sa nan tout bagay é tou patou, ak tout rékonnésans. ${ }^{4} \mathrm{Min}$, pou-m pa kinbé ou pi lontan, mouin prié ou, nan bonté ou, pou kouté sa nou gin pou di an kèk mo. ${ }^{5}$ Nou jouinn nonm sa a, ki gnou pès, ki soulévé divizion pami Jouif yo sou tout la tè, é ki chèf group Nazaréyin yo. ${ }^{6} \mathrm{Li}$ minm éséyé déréspékté tanp la. Nou arété-l. L Nou té vlé jujé-l dapré la loua nou, ${ }^{7}$ min kòmandan Lizias rivé, li raché-l nan min nou ak gran violans, ${ }^{8}$ li bay lòd pou moun ki akuzé-1 yo vi-n dévan ou. J Oua kapab késionnin-1 ouminm pou aprann nan min li tout bagay nou akuzé-1 yo. 9 Jouif yo mété bouch tou nan akuzasion an, yo mintni ké sé konsa sa té yé.

10 Lè gouvènè a fè li sign palé, Pòl réponn:
Kòm mouin konnin:ké dépi pliziè ané ou sé juj nasion an, sé ak joua mouin pran la parol pou fè défans mouin. ${ }^{11} \mathrm{Ou}$ kapab vérifié pa gin plus ké douz jou ké mouin té monté Jéruzalèm pou adoré. ${ }^{12}$ Yo pat jouinn mouin ni nan tanp la, ni nan sinagog yo, ni nan la vil la, ap diskuté ak pèsonn, oubiin ap éksité foul la rasanblé pou dézòd. ${ }^{13} \mathrm{Ni}$ tou, yo pa kapab prouvé bagay yap akuzé-m kou li.yé a. ${ }^{14}$ Mouin konfésé ou sa, m-sèvi BonDieu zansèt mouin yo, dapré Rout la ké yap rélé gnou group, mouin kouè tout bagay ki ékri nan la loua ak nan profèt yo. ${ }^{15}$ E mouin gingnin nan Bon-Dieu éspérans sa a, minm jan moun sa yo gingnin-1 tou, ké va gin lévé nan la mò pou moun ki jus ak moun ki injus. ${ }^{16}$ Sé pou sa mouin fè éfó pou-m gin tout tan gnou konsians san répròch dévan Bon-Dieu é dévan lèz òm. ${ }^{17}$ Apré pliziè ané déyò, mouin vi-n fè inpé charité nan nasion mouin, é-m vi-n prézanté ofrann. ${ }^{18}$ Sé lè sa a kèk Jouif Lazi jouinn mouin purifié nan tanp la, san okinn foul, ni okinn kabal. ${ }^{19}$ Sé yo ki té doué parèt dévan ou, pou akuzé-m; si yo té gin kichòy kont mouin. ${ }^{20} \mathrm{Ou}$ biin, ké moun sa yo déklaré ki krim yo té jouinn mouin . koupab, lè-m té parèt dévan Sannédrin an, ${ }^{21}$ a mouins ké sé sèlman pou paròl sa a ké
mouin té rélé nan mitan yo: Sé paské gin lévé nan la mò ké map jujé dévan nou jodi a. 22 Féliks ki té konnin anségnman sa a gnou maniè asé ékzat, té ranvouayé yo, li di: Lè kòmandan Lizias vini, ma ékzaminé ka ou. ${ }^{23} \mathbf{L i}$ bay chèf kolonn nan lòd pou gadé Pol, pou kité-l inpé an libèté, é pou pa anpéché okinn nan zanmi li yo rann li sèvis.
24 Kèk jou apré, Féliks vini avèk Drusil, madanm li, ki té gnou Jouif, li voyé rélé Pól é li tandé-l palé sou la foua nan JézuKri. ${ }^{25}$ Min kòm Pol tap palé sou justis, sou kontrol pasion, ak jujman an ki gin pou vini, Féliks sòti pè, li di: Pou lé moman, ou mèt alé; lè-m jouinn okazion, ma rélé ou ankò. ${ }^{26} \mathrm{Li}$ té éspéré tou ké Pòl ta ba li lajan. Sé pou sa li té voyé chaché-1 souvan, pou kozé avèk li.
27 Dé zan té pasé konsa é Posius Féstus té vi-n ranplasé Féliks. Sé pou fè Jouif yo plézi ké Féliks té kité Pòl nan prizon.

## Pòl mandé pou ouè Séza

25 Lè Féstus rivé nan pro45 vins la, apré toua jou li sòti Sézaré, li monté Jéruzalèm. ${ }^{2}$ Chèf sakrifikatè yo ak prinsipal pami Jouif yo potté li plint kont Pol. Yo suplié-l, é, nan mové lidé yo, ${ }^{3}$ yo mandé-1 kom gnou fave, pou-l fè Pòl vini Jéruzalèm. Yo.tap paré gnou gèt-apan pou tué-l nan chémin. ${ }^{4}$ Féstus réponn ké yo té gadé Pòl Sézaré, é ké li-minm li té gin
pou pati tou suit. ${ }^{5} \mathrm{Li}$ di: Ké sila pami nou yo ki a la douat, désann ak mouin, é si gingnin kichòy koupab nan nonm nan, yo va akuzé-l.
6 Féstus té pasé sèlman uit ou di jou pami yo, épi li désaṇn Sézaré.
Nañ démin li chita nan tribunal li, li kòmandé pou minnin Pòl. ${ }^{7}$ Lè-l vini, Jouif yo ki té désann sòti Jéruzalèm antouré li, yo prézanté kont li anpil akuzasion ki té grav, ké yo pat kapab prouvé. Pòl pran défans tèt li, li di: Mouin pa fè angnin ki koupab, ni kont la loua Jouif yo, ni kont tanp la, ni kont Séza. ${ }^{9}$ Min Féstus ki té vlé fè Jouif yo plézi, réponn Pòl: Ėské ou vlé monté Jéruzalèm, pou yo jujé ou la sou bagay sa yo dévan mouin? ${ }^{10}$ Pòl di: Sé dévan tribunal Séza mouin prézanté, sé la yo doué jujé-m. Mouin pa fè Jouif yo okinn tò, jan ou-minm tou ou biin konnin. ${ }^{11} \mathrm{Si}-\mathrm{m}$ konmèt kèk injustis ou kèk krim ki mérité la mò, mouin pa réfuzé mouri; min si bagay yo akuzé-m yo fo, pèsonn pa gin doua livré-m ba yo. Mouin mandé pou Séza. ${ }^{12}$ Alò Féstus, apré li té kozé ak konséyé yo, réponn: Ou mandé pou Séza, ou va alé dévan Séza.

## Pòl dévan Agripa ak Bérénis

13 Apré kèk jou, roua Agripa ak Bérénis té rivé Sézaré pou salué Féstus. ${ }^{14}$ Kòm yo té reeté la- pliziè jou, Féstus prézanté ka Pol dévan roua a, li di: Gin gnou nonm Fé-
liks kité nan prizon; ${ }^{15}$ lè-m té Jéruzalĕm, chèf sakrifikatè ak ansiin Jouif yo, té pòté plint kont li, yo mandé kondanasion li. ${ }^{16}$ Mouin réponn yo ké sé pa koutum Romin yo pou livré gnou nonm, avan akuzé a jouinn fas a fas ak moun ki akuzé-l yo, é ké li gin okazion pou défann tèt li sou akuzasion an. ${ }^{17}$ Donk yo té vi-n isit, é-m pa fè réta, min jou apré a, m-chita nan tribunal mouin, é-m kòmandé pou minnin nonm nan. ${ }^{18}$ Lè moun ki tap akuzé-l yo prézanté, yo pa répròché-l angnin nan sa mouin té supozé a. ${ }^{19}$ Yo té gin diskusion ak li sou afè ki konsènin pròp rélijion pa yo, épi gnou nonmin Jézu, ki mouri, é ké Pòl sètifié vivan. ${ }^{20}$ Kòm mouin pat konnin ki sa pou-m té fè nan ka sa a, mouin mandé-l si li té vlé alé Jéruzalèm pou yo jujé-1 la sou bagay sa yo. ${ }^{21}$ Min lè Pòl mandé pou kité kòz li pou sa pasé dévan lanprè, mouin kòmandé pou gadé li jouk tan-m voyé-l bay Séza.
22 Agripa di Féstus: Mouin ta vlé tandé nonm sa a tou. Féstus réponn: Démin ou va tandé-l.
23 Donk nan démin, Agripa ak Bérénis vini nan gran démonstrasion, é yo antré nan lié odians la avèk kòmandan yo épi pèsonnaj nan la vil la. Dapré lod Féstus, yo minnin Pòl.
24 Alò Féstus di: Roua Agripa, épi nou tout ki prézan isit ak nou, nou ouè nonm sa a, sou ki tout foul


Pòl dévan roua Agripa



Jouif yo fè mouin démann, ni Jéruzalèm, ni isit, apé rélé ké li pat doué kontinué viv. ${ }^{25}$ Kant a mouin, mouin konnèt ké li pa fè angnin ki mérité la mò; é kòm li-minm, li mandé pou lanprè, mouin désidé pou fè-l pati. ${ }^{26}$ Mouin pa gin angnin ki sètin pou ékri lanprè sou li. Sé pou sa mouin fè-l parèt dévan nou, sutou dévan ou-minm, roua Agripa, pou-m konnin ki sa pou-m ékri apré nou fi-n ékzaminin-l. ${ }^{27}$ Paské sa sanblé-m pa rézonnab, pou ékspédié gnou prizonnié, san indiké pouki sa yo akuzé-l.

## Pòl défann tèt li dévan Agripa

26Agripa di Pòl: Ou gin pèmision palé pou défann tèt ou.
Alò Pòl lonjé min-l, li fè défans li, li di:
2 Mouin pansé-m éré, roua Agripa, pou-m défann tèt mouin dévan ou jodi a sou tout bagay Jouif yo akuzé mouin. ${ }^{3}$ Paské ou konnin koutum yo ak késion yo konn diskuté yo biin. Donk mouin suplié ou, kouté-m ak pasians.

## La vi Pòl lè-l lé fariziin

4 La vi-m, dépi nan tan mouin té jèn, konnu pou tout Jouif yo, piské li té déroulé nan Jéruzalèm nan mitan nasion mouin. ${ }^{5}$ Yo kab bay témouagnaj si yo vlé, yo konnin dépi lontan ké mouin té viv kòm fariziin dapré group ki, pi éstrik nan rélijion nou. ${ }^{6}$ É kou li yé a, map jujé paské-m éspéré akonplisman
promès la ké Bon-Dieu té fè zansèt nou yo, ${ }^{7}$ é ké douz branch yo ki nan ras nou é ki ap sèvi Bon-Dieu tout tan nuit kon jou, éspéré ouè akonpli. Sé pou-tèt éspérans sa a, o roua, ké Jouif yo ap akuzé-m! ${ }^{8}$ Atò nou pa kapab kouè ké Bon-Dieu lévé moun nan la mó?

## Lè Pòl lap pèsékuté kréliin yo

9 Mouin tou, m-té kouè ké m-té doué aji rèd kont non Jézu dé Nazarèt. ${ }^{10}$ Sé sa mouin té fè nan Jéruzalèm. Mouin té fèmin pliziè sin yo nan prizon, lè-m té résévoua otorité nan min chèf sakrifikatè yo; é lè yo tap tué yo, m-té bay vot mouin nan minm sans ak lèz òt yo. ${ }^{11}$ M-té puni yo anpil foua nan tout sinagog yo, m-tap fósé yo blasfèmin. Nan éksé la raj mouin kont yo, m-té minm konn pèsékuté yo jouk nan la vil péyi étranjé.

## Pòl rakonté istoua konvèsion li

12 Sé pou sa mouin t-apral Damas ak otorité é pèmision chèf sakrifikatè yo. ${ }^{13}$ Vè midi, o roua, mouin ouè sou chémin an gnou lumiè ki sòti nan sièl pi fò pasé lumiè solèy la, li kléré tout otou mouin avèk konpagnon vouayaj mouin yo. ${ }^{14}$ Nou tout tonbé a tè, é-m tandé gnou voua ki di mouin nan lang Ébré: Sol, Soll, pouki sa ouap pèsékuté mouin? Sa ta rèd pou ou tiré kout pié bay pikèt la. ${ }^{15}$ Mouin réponn: Ki moun ou yé, Ségnè? É lé Ségnè di: Mouin sé Jézu ouap pèsékuté
a. ${ }^{16}$ Min lévé, kanpé sou pié ou; paské mouin parèt dévan ou, pou établi ou kòm sèvitè é kòm témouin bagay ké ou té ouè, épi bagay ki va fè-m parèt dévan ou. ${ }^{17}$ Mouin chouazi ou nan mitan pèp sa a, é nan mitan moun lòt nasion yo, ké mouin voyé ou jouinn, ${ }^{18}$ pou ouvri jé yo, pou yo kapab sòti nan ténèb, vini nan lumiè; soti anba pouvoua Satan, vini jouinn Bon-Dieu, pou yo résévoua padon péché, avèk gnou éritaj pami sila yo ki sin, ak la foua nan mouin.

Pòl obéyi vizion ki sòti nan sièl la
19 Sé pou sa, o roua Agripa, mouin pat dézobéyi vizion ki soti nan sièl la. ${ }^{20} \mathrm{M}$-préché moun Damas tou dabò, épi nan Jéruzalèm, nan tout péyi Judé, épi kay moun lòt nasion yo, m-préché yo pou yo répanti, pou yo konvèti nan Bon-Dieu, é pou rè zèv ki dign la répantans. ${ }^{21}$ Min pouki sa Jouif yo sézi-m nan $\operatorname{tanp}$ la, é yo chaché fè-m péri. ${ }^{22}$ Min gras a sékou Bon-Dieu, mouin kanpé jodi a, map bay témouagnaj dévan ni piti ni gran, mouin pa ékaté-m nan angnin dé sa profèt yo ak Moyiz té di ki gin pou rivé, ${ }^{23}$ sètadi ké lé Kris ta va soufri, é ké li-minm ki lévé an prémié pami mò yo, li ta anonsé la lumiè bay pèp la, ak moun lòt nasion yo.

Pòl êzzòté Agripa pou li kouè
24 Kòm li tap palé konsa pou défans li, Féstus rélé biin fò: Ou fou, Pol! Gran ins-
truksion ou ap fè ou pèd la rézon.
25 Pòl réponn: Mouin pa fou, trè-z-éksélan Féstus; o kontrè, sé paròl vérité ak bon sans ké mouin palé. ${ }^{26}$ Roua a konnin bagay sa yo, é-m palé li sou yo avèk libèté; paské-m kouè li pa ignoré yo gnoun, sé pa an kachèt yo té pasé. ${ }^{27}$ Roua Agripa, èské ou kouè profèt yo? Mouin konnin ou kouè.
28 Agripa di Poll: Toutalè ou pral mét lidé nan tèt mouin pou-m fè-m krétiin! ${ }^{29} \mathbf{P o l}$ réponn: Kit tou suit oubiin pi ta, pito Bon-Dieu té fè ké non sèlman ou-minm, min tout moun kap kouté-m jodi $a$, té vini minm jan ak mouin, sôf anba kòd sa yo!
${ }^{30}$ Roua a, gouvènè a, Bérénis, ak tout moun ki té chita avèk yo, lévé, ${ }^{31}$ é étan y-apralé, gnoun tap di lòt: Nonm sa a pa fè angnin ki mérité la mò ou-biin prizon. ${ }^{32}$ É Agripa di Féstus: Nonm sa a ta kapab lagé si li pat mandé pou Séza.

## Pòl pali pou Ròm

27 Élè sa té désidé ké nou té doué fè youal pou Itali, yo rinmèt Pol ak kèk lòt prizonnié nan min gnou chèf kolonn yo té rélé Julius, ki té nan batayon Ogus. ${ }^{2}$ Nou anbaké sou gnou bato Adramit, ki t-apral fè la kot Lazi, nou fè voual avèk Aristak, gnou Masédoniin Tésalonik.
3 Jou apré a, nou touché Sidon; Julius, ki té trété P̀̀ ak dousè, té ba li pèmision alé kay zanmi li yo, épi pou
yo souagné-l. ${ }^{4}$ Nou pati dé la, nou lovéyé o lon lil Chip, paské van yo té kontrè. ${ }^{5}$ Apré nou travèsé la mè an fas Silisi avèk Panfili, nou rivé Mira, nan Lisi. ${ }^{6}$ La, chèf kolonn nan jouinn gnou bato Aléksandri ki tap fè voual pou Itali, li mété nou ladann.
7 Apré nou vouayajé dousman pliziè jou, nou té rivé an fas Knid ak difikulté, é van an pat pèmèt nou abòdé la. Nou pasé bò lil la Krèt, an fas Salmonn. ${ }^{8}$ Nou lonjé kot la ak difikulté, nou rivé gnou lié yo rélé Bèl Pò, tou pré vil Lasé.
9 Anpil tan té pasé, é vouayaj la té vini danjéré, paské minm tan Jèn nan té déja pasé. ${ }^{10}$ Sé pou sa Pòl avèti lèz òt yo, li di: Mésié, mouin apèsi vouayaj la pap fèt san danjé ni anpil pèt, pa sèlman pou kagézon an ak bato a, min pou próp tèt nou tou. ${ }^{11}$ Min chèf kolonn nan té pi okupé pilot avèk mèt bato a, pasé paròl Pòl. ${ }^{12} \mathrm{Kom}$ pò a pat bon pou pasé livè, pi fò té davi pou kité-l, pou ouè si nou ta kapab rivé Féniks, gnou pò nan Krèt, ki bay sou sud-ouès ak nòd-ouès, pou pasé livè.

## Tanpèt nan la mè a

13 Kóm gnou van sud té pran souflé dousman, yo supozé yo té mèt situasion an. Yo lévé lank, yo lonjé la kot lil la Krèt. ${ }^{14}$ Min pa lontan apré, gnou mové van ké yo rélé Erakilon, té déchinnin sou lil la. ${ }^{15}$ Bato a anpòté, li
pat kapab goumin kont van an, nou kité-n alé a la dériv. ${ }^{16} \mathrm{Kòm}$ nou pasé bò gnou zilé yo rélé Kloda, nou té gin difikulté pou mintni kannot sékou a: ${ }^{17}$ Apré yo fi-n ralé-l monté, yo dégajé yo pou sinturé bato a. Kòm yo té pè al tonbé sou résif la Sit, yo raminnin voual yo, é konsa nou kité van an broté nou. ${ }^{18}$ Kóm tanpèt la tap bat nou rèd, nan démin yo jété kagézon an nan la mè. 19. Touazièm jou a, ak pròp min nou, nou jété aparèy bato a . ${ }^{20} \mathrm{Ni}$ solèy ni zétoual pat parèt pandan pliziè jou, é tanpèt la té si fo ké a la fin nou té pèdu tout éspoua sové.
21 Té gin lontan moun abò a pat manjé. Pòl kanpé nan mitan yo, li di yo: Mésié, nou té doué kouté-m; nou pat doué sòti Krèt, é nou ta évité danjé sa a ak pèt sa a. ${ }^{22}$ Kou li yé a, mouin ékzòté nou pran kouraj; paské okinn nan nou pap péri, sèl pèt ka gingnin, sé bato a. ${ }^{23}$ Nan nuit sa a, gnou zanj BonDieu mouin moun ni an, é ké-m sèvi $a$, té parèt koté mouin, ${ }^{24}$ li di-m: Pol, pa pè; fók ou konparèt dévan Séza, é min-ni, Bon-Dieu fè ou favè tout moun yo kap vouayajé avèk ou. ${ }^{25}$ Sé pou sa, mésié, pran kouraj; paské mouin gin konfians sa a nan Bon-Dieu, ké sa va pasé jan li di-m nan. ${ }^{26}$ Poutan nou gin pou nou échoué nan gnou zil.
27 Nan katòzièm nuit la, kòm nou té a la dériv nan la mè Adriatik, vè minui, matlo
yo supozé ké yo tap proché bò kèk tè; ${ }^{28}$ yo sondé é yo jouinn vin bras; apré gnou ti distans, yo sondé ankd, yo jouinn kinz bras. ${ }^{29}$ Kòm yo té krinn al frapé sou résif, yo jété kat lank ann ariè bato $a_{3}$, é yo tann jou ak inpasians.
30 Kòm matlo yo tap chaché sové kité bato a, é yo tap désann kannot sékou a nan la mè kòm si sé té pou jété lank dévan bato a, ${ }^{31}$ Pòl di chèf kolonn nan ak solda yo: Si mésié sa yo pa rété nan bato a, nou pa kapab sové. ${ }^{32}$ Alò solda yo koupé kòd kannot sékou a, yo kité-l tonbé. ${ }^{33}$ Avan jou kasé, Pòl suplié tout moun pou yo pran kèk nouriti, li di: Jodi a fè katòz jou ké nou nan latant, é ké nap pèsisté pa manjé. ${ }^{34}$ Donk mouin konséyé nou pran inpé nouriti; paské sé pou salu nou, é gnou chévé pap pèdu nan tèt okinn nan nou. ${ }^{35}$ Lè-1 fi-n di sa, li pran pin, é apré li té rann Bon-Dieu gras nan prézans tout moun, li kasé pin an, li kòmansé manjé. ${ }^{36}$ Tout moun réprann kouraj, yo-minm tou yo manje. ${ }^{37}$ Nou té an tou nan bato a, dé san souasann-sèz moun. ${ }^{38}$ Lè yo té manjé asé, yo aléjé bato $a$, yo jété blé a nan la mè.

## Nofraj la

${ }^{39}$ Lè-l té jou, yo pa rékonnèt tè a; min yo apèsi gnoui bé avèk rivaj, yo désidé dirijé bato a la, si yo ta kapab. ${ }^{40}$ Yo démaré lank yo; pou kité yo nan la mè, an minm tan yo lagé kòd gouvènay
la; yo mété fok la o van, yo dirijé yo sou rivaj la. ${ }^{41}$ Min yo kontré gnou lang tè, yo fè bato a échoué sou li; dévan bato a pri, li rét kolé, é dèyè a krazé anba fós lanm yo.
42 Solda yo té davi pou tué prizonnié yo, pou okinn pat najé sové. ${ }^{43}$ Min chèf kolonn nan, ki té vlé sové Pol, anpéché yo suiv lidé sa a. Li bay lòd pou sa ki té konn najé jété kò yo nan dlo an prémié, épi rann yo a tè, ${ }^{44}$ é rès yo pou mété kò yo sou planch ou-biin kèk lòt débri bato a. Sé konsa tout té rivé sinn-é-sóf a tè.

## Pol nan lil Malt

28 Apré nou té fi-n sové, 20. nou aprann ké lil la té rélé Malt.
2 Moun péyi a montré nou gnou jantiyès ki pa òdinè; yo résévoua nou tout koté gnou gran boukan difé ké yo té lumin paské lapli tap tonbé, é té fè frèt:anpil. ${ }^{3}$ Kòm Pod té ranmasé gnou pakèt rajé, é li té mété-l nan difé a, gnou sèpan sòti a kòz chalè a, é-l vlopé min li. ${ }^{4}$ Lè moun péyi a ouè bèt la pandié nan min li, gnoun di lot: Suman nonm sa a sé gnou ansasin, piské apré li fi-n chapé anba la mè, la Justis pa vlé kité-l viv. ${ }^{5}$ Pól souké bèt la tonbé nan difé a, li pa subi okinn mal. ${ }^{6}$ Moun yo tap atann ouè li anflé, ou-biin tonbé mò subit; min apré yo té tann lontan yo pa oue angnin mal rivé li, yo chanjé lidé, yo di: Sé gnou dieu.
7 Tou pré bó la, té gin tè ki
té pou prinsipal pèsonnaj nan lil la, ké yo té rélé Publius, é ki résévoua nou é ba nou lospitalité pandan toua jou, ak gran jantiyès. . ${ }^{8}$ Papa Pu blius té kouché malad ak la fièv épi disantri; Pòl antré koté-l, li lapriè, li étann min-l sou li, é li géri-1. ${ }^{9}$ Apré sa, lòt moun yo ki té malad nan lil la, té vini, é yo té géri. ${ }^{10}$ Yo konblé nou avèk anpil onnè, é lè nou tap pati, yo ba nou bagay nou té bézouin.

## Pol rivé la vil Ròm

11 Apré toua moua, nou fè voual nan gnou bato Aléksandri, ki té pasé livè nan lil la, é ki té maké Frè Jumo Yo. ${ }^{12}$ Lè nou touché Sirakuz, nou rété la toua jou. ${ }^{13}$ An sòtan la, nou suiv kot la, nou rivé Régio. Kòm gnou van sud té lévé nan démin, nou rivé Pouzol apré dé jou vouayaj. ${ }^{14}$ La nou jouinn frè ki prié nou pasé sèt jou ak yo. Sé konsa nou té alé Ròm. ${ }^{15}$ Frè Ròm yo, ki té tandé nouvè nou, vi-n kontré nou jouk nan Maché Apius ak Toua Kafé yo. Lè Pòl ouè yo, li rann Bon-Dieu gras, li pran kouraj.
16 Lè nou rivé Ròm, yo té pèmèt Pòl rété pou kont li, ak gnou solda ki tap véyé-l.

## Pòl préché nan la vil Ròm

17 Apré toua jou, Pol konvoké prinsipal nan Jouif yo, é lè yo té réuni, li di yo: Frè, san mouin pat fè angnin kont pèp la, ni kont koutum zansèt nou yo, yo mété-m nan prizon Jéruzalèm é yo livré-m
nan min Romin yo. ${ }^{18}$ Lè yo késionnin-m, yo té vlé lagé-m, paské pat gin kòz ki té méritéla mò pou mouin. ${ }^{19}$ Min Jouif yo réfuzé, é-m té fósé mandé pou Séza, malgré m-pat gin lidé akuzé nasion mouin. ${ }^{20}$ Donk sé pou sa mouin mandé ouè nou pọu palé ak nou; paské sé poutèt éspérans Izraèl la ké mouin maré ak chinn sa a.
21 Yo réponn ni: Nou pa résévoua lèt sòti nan Judé konsènin ou, ni tou okinn frè yo pa vi-n isit rapòté, oubiin di angnin ki mal sou ou. ${ }^{22}$ Min nou ta vlé tandé ki sa ou pansé, paské nou konnin group sa a kontré rézistans tou patou.
23 Yo fiksé-l gnou jou, é pliziè té vi-n jouinn li lakay li. Pòl anonsé yo rouayòm Bon-Dieu a, li rann témouagnaj, li chaché, ak la loua Moyiz épi profèt yo pou konvink yo sou bagay ki konsènin Jézu. Kozé a duré dépi matin jouk asouè. ${ }^{24}$ Inpé té kouè sa li té di yo, lèz òt yo pat kouè. ${ }^{25} \mathrm{Kolm}$ yo t-apralé an dézakò, Pòl ajouté mo sa yo: Sé ak rézon ké SintÉspri té palé ak zansèt nou yo nan profèt Ezayi lè-l té di: ${ }^{26}$ Alé jouinn pèp sa a, é di:

Na tandé ak zòrèy nou, é nou pap konprann;
Na gadé ak jé nou, é nou pap ouè.
${ }^{27}$ Paské kè pèp sa a vi-n san sansibilité;
Yo fè zòrèy yo du, yo fèmin jé yo,

Pou yo pa ouè ak jé yo, pou yo pa tandé ak zòrèy yo,

Pou kè yo pa konprann,
Pou yo pa konvèti, é pou-m pa géri yo.
28 Donk sé pou nou konnin ké salu Bon-Dieu a pral jouinn moun lot nasion yo, é yo-minm, ya tandé-l.
$\left\llcorner{ }^{29}\right.$ Lè-1 té di sa, Jouif yo alé, ap diskuté cho ant yo. لـ

30 Pòl té reeté dé zan antiè nan gnou kay li té loué. Li té résévoua tout moun ki té vi-n ouè-1, ${ }^{31}$ li té préché rouayòm Bon-Dieu a, li té anségné bagay ki konsènin lé Ségnè Jézu-Kri, an tout libèté, é san yo pa anpéché li.

## Lèt Pòl ékri ROMIN YO

## Adrès lèt la ak salutasion

1Mouin, Pòl, sèvitè JézuKri, ki gin apèl pou sèvi kòm apòt, é ké yó mété a-pa pou anonsé Lévanjil BonDieu, - ${ }^{2}$ (Lévanjil sa a, BonDieu té promèt li davans nan bouch profèt li yo nan LèzEkritu Sint; ${ }^{3}$ li konsènin Pitit li, ki fèt nan désandans David, dapré la chè, ${ }^{4}$ é ki manifésté kòm Pitit Bon-Dieu avèk puisans, lè̉ li té lévé pami mò yo, dapré Léspri a ki fè moun sin, ${ }^{5}$ sa vlé di Jézu-Kri, Ségnè nou, ki ba nou la gras avèk travay apót la, pou nou kapab minnin tout nasion yo vini an-ba obéisans la foua o-non li; ${ }^{6}$ é nou-minm tou ké Jézu-Kri rélé, nou pami nasion sa yo). - ${ }^{7}$ Mouin di tout byinn-émé Bon-Dieu yo, moun li rélé nan la vil Róm pou yo vini sin: Ké nou résévoua la gras ak la pé ki sòti nan Bon-Dieu Papa nou, é nan Ségnè Jézu-Kri!

## Pòl anvi vizité Ròm

8 Avan tout bagay, mouin rémèsi Bon-Dieu mouin, nan Jézu-Kri, pou nou tout, déské la foua nou rénonmin sou tout la tè. ${ }^{9}$ Bon-Dieu, ké moũin sèvi nan léspri-m, avèk Lévanjil Pitit li ké m-ap préché, Bon-Dieu témouin ké m-ap palé dé nou san rété. ${ }^{10}$ Mouin mandé tout tan nan
nan la priè-m pou ké a-lafin, gras-a volonté Bon-Dieu, mouin kapab gin bonnè vizité nou. ${ }^{11}$ Paské mouin anvi ouè nou, pou-m pasé nou kèk donéspirituèl, pou nou kapab rafèmi, ${ }^{12}$ ou pito, lè mouin pami nou, pou gnoun kapab ankourajé lòt avèk la foua ké nou-minm ak mouin, nou patajé ansanm.
13 Frè, m-pa vlé kité nou ignoré jan mouin té fè lidé souvan pou vi-n ouè nou, pou mouin kéyi kèk foui pami nou, minm jan pami lòt nasion yo; min jus koul-yé-a, mouin jouinn anpéchman. ${ }^{14}$ Mouin doué dépansé tèt mouin pou pèp Grèk tankou pou pèp sovaj, pou savan tankou pou ignoran. ${ }^{15}$ Sé sa ki fè mouin anvi anonsé nou Lévanjil la anpil, nou-minm tou ki nan la vil Róm.

## Puisans Lévanjil

16 Paské mouin pa ront Lévanjil; sé puisans BonDieu pou sove tout moun ki kouè, - Jouif an prémié, épi Grèk tou. ${ }^{17}$ Paské nan Lévanjil sa a, justis Bon-Dieu parèt, - justis ké moun résévoua lè yo gin la foua, é ki fè moun jouinn la foua, jan sa ékri: Moun ki résévoua justis, la foua va fè li viv.

Lèz òm koupab
18 Kolè Bon-Diẹu fè moun santi li dépi nan sièl la kont
tout jès ki déréspékté BonDieu, é kont tout injustis moun ki fè la vérité ésklav ak méchansté yo. ${ }^{19}$ Paské bagay nou kapab konnin sou BonDieu, sa a-klè pou lèz óm, é sé Bon-Dieu minm ki mété sa a-klè. ${ }^{20}$ Puiské kalité li ki bon sou tout pouin, min ki invizib, puisans li ki étènèl, éta li kòm Bon-Dieu, mouni ouè sa tankou ak jé dépi la tè kréyé, lè moun ékzaminin yo nan zèv li. Sé sa ki fè yo pa gin éskuz, ${ }^{21}$ paské, malgré yo konnin Bon-Dieu, yo pa ba li gloua ki pou li, yo pa rémèsi li; min yo égaré tệt yo avèk lidé, é kè yo ki san konprann, vi-n plin avè tènèb. ${ }^{22}$ Yo di yo saj, yo vi-n fou: ${ }^{23}$ yo ranplasé la glouad Bon-Dieu ki pa mélé ak korupsiòn, yo ranplasé li ak imaj lòm ki pou pasé nan kòrupsion, ou-byin ak imaj zouazo, bèt kat pié, koulèv.
24 Sé pou sa Bón-Dieu lagé yo nan bagay ki pa prop, dapré vié anvi ki nan kè yo, é sa fè yo dézonoré kò yo, ${ }^{25}$ yo-minm ki chanjé la vérité Bon-Dieu an manti, ki adoré é ki sèvi kréatu, o-lié yo adoré Kréatè a, li-minm :ki béni pou létènité. Amèn!
26 Sé pou sa Bon-Dieu lagé yo nan dé pasion ki plin ak la ront; paské, pami yo, fanm chanjé ékzèsis natu yo pou gnou lòt ékzèsis ki kont natu yo. ${ }^{27}$ Minm jan tou, gason yo kité luzaj fanm, nan anvi yo gnoun pran di-fé pou lòt, gason fè malpròpté ak gason, é yo résévoua nan yo-minm rékonpans érè yo mérité.

28 Kòm yo pa-t fè ka pou konnin Bon-Dieu, Bon-Dieu lagé yo nan mové konprann, é sa fè yo konmèt dé bagay ki indign. ${ }^{29}$ Yo chajé ak dènié kalité injustis, méchansté, mové anvi, malis; yo plin ak jalouzi, asasinin moun, roy-roy, tronpé moun, kròchèt; ${ }^{30}$ yo dénonsé moun pou yo fè kòb, yo médizan, san réspè pou Bon-Dieu, arogan, insolan, plin ak vanité, abil pou fè mal, san obéyisans pou manman ak papa yo; ${ }^{31}$ yo san konprann, yo pa fran, kè yo san aféksion, yo san pitié. ${ }^{32}$ E malgré yo konn santans Bon-Dieu ki déklaré ké moun ki konmèt aksion kon sa mérité la mò, non sèlman yo konmèt yo, min yo dakò avèk moụn ki konmèt yo.

## Jujman Bon-Dieu sé just

2 Donk, ou-minm mon chè, ninpòt ki lès ou yé k-ap juje lèz ot, ou pa gin éskuz: étan ou ap jujé yo, ou kondané tèt ou, paské ouminm k-ap juje yo, ou ap aji tankou yo. ${ }^{2}$ Nou konnin' $k e ́$ jujman.Bon-Dieu kont moun ki konmèt aksion kon sa, sé jujman ki konfom avèk la vérité. ${ }^{3}$ Eské ou fè lidé, ouminm moun k-ap jujé lót ki konmèt aksion kon sa, épi ou ap konmèt yo tou, - èské ou fé lidé ké ou-minm, ou va chapé an-ba jujman BonDieu? ${ }^{4}$ Ou-byin èské oú méprizé gran bonté li, pasians li, jan li supòtan, é ou pa rékonnèt ké bonté Bon-Dieu invité ou pou ou répanti? ${ }^{5}$ Avèk
jan ou fè kè ou du, jan kè ou réfuzé répanti, ou ap ranmasé séré pou tèt ou gnou pil kòlè pou jou kòlè a, lè jujman Bon-Dieu a ki just va dékachté, ${ }^{6}$ é li va rékonpansé chak moun dapré zèv li yo. ${ }^{7} \mathrm{Li}$ séré la vi étènèl pou moun ki fè byin avèk pèsévérans, é k-ap chaché la gloua, lonnè, avèk la vi san kòrupsion. ${ }^{8}$ Min li séré kollè li avèk indignasion li pou moun ki, nan léspri kontradiksion yo, dézobéyi la vérité é yo obéyi injustis. ${ }^{9}$ Va gingnin la détrès épi kè kasé pou tout moun ki fè mal, Jouif an prémié, épi Grèk tou; ${ }^{10} \mathrm{~min}$ va gingnin gloua, onnè avèk la pé pou tout moun ki fè byin, Jouif an prémié, épi Grèk tou. ${ }^{11}$ Paské, dévan Bon-Dieu, pa gingnin pas-pou-ki.
12. Tout moun ki fè péché san yo pa an-ba la Loua, va péri tou san la Loua pa bézouin mélé; é tout moun ki an-ba la Loua é ki fè péché, la Loua va jujé yo. ${ }^{13}$ Paské sé pa moun ki tandé la Loua ki just dévan Bon-Dieu; min sé moun ki obsèvé la Loua ki va résévoua justis. ${ }^{14}$ Lè payin yo, ki pa gin la Loua, fè pou kont yo bagay la Loua kòmandé, malgré yo pa gin la Loua, yo vi-n gnou loua pou tèt yo. ${ }^{15}$ Yo montré ké zèv la Loua ékri nan kè yo: pròp : konsians yo rann témouagnaj sou sa, épi lidé nan kè yo ki akuze yo gnou lè ou-byin ki défann yo gnou lòt lè. ${ }^{16}$ Sé sa ki va parèt a-klè dapré Lévanjil mouin, jou Bon-Dieu va jujé avèk Jézu-

Kri tout aksion lèz òm fè an kachèt.

## Jouif yo avèk la Loua

17 Min ou-minm k-ap bay tèt ou non Jouif, ki mét konfians ou nan la Loua, k -ap louanjé tèt ou pou Bon-Dieu ou, ${ }^{18} \mathrm{ki}$ konnin volonté li, ki rékonnèt bagay ki pa minm avèk lòt, puiské ou instoui nan la Loua; ${ }^{19}$ ou mét nan lidé ou ké ou sé gnou konduktè pou sa ki avèg, gnou lumiè pou sa ki nan ténèb, ${ }^{20}$ gnou doktè pou sa ki ignoran, gnou mèt pou sa ki gin ti léspri, paské nan la Loua ou gin prinsip konnésans avèk la vérité; ${ }^{21}$ ou-minm k-ap anségné lèz òt, ou pa anségné tèt pa ou! Ou-minm k-ap préché pou yo pa vòlè, ou ap vollè! ${ }^{22}$ Ou-minm ki di pou yo pa konmèt adultè, ou ap konmèt adultè! Ou-minm ki détèsté zidòl, ou vòlè bagay nan tanp zidol yo! ${ }^{23} \mathrm{Ou}-\mathrm{minm} \mathrm{ki}$ louanjé tèt ou pou la Loua, ou dézonoré Bon-Dieu avèk jan ou dézobéyi la Loua! ${ }^{24}$ Paské, jan sa ékri: Yo blasfèmin non Bon-Dieu pami nasion yo, a-kòz nou-minm!
25 Sikonsizion sé gnou bagay ki util, si ou obsèvé la Loua; min si ou dézobéyi la Loua, avèk tout sikonsizion ou an, ou pa sikonsi. ${ }^{26}$ Donk, si gnou moun ki pa sikonsi obsèvé kòmandman la Loua, èské pa sikonsi-a p-ap sèvi pou li tankou sikonsizion? ${ }^{27}$ Eské moun ki rété san sikonsi, min ki obsèvé la Loua, p-ap jujé ou, ou-minm ki, avèk tout ékritu la Loua a
épi sikonsizion, ap dézobéyi la Loua? ${ }^{28}$ Paské moun ki Jouif pa-déyò sèlman, sé pa Jouif; é sikonsizion tout bon, sé pa sa ki déyò nan chè a; ${ }^{29} \mathrm{~min}$ Jouif tout bon an, sé moun ki Jouif an-dédan, é sikonsizion tout bon sé sikonsizion nan kè, ki fèt dapré léspri, pa dapré ékritu. Gnou Jouif kon sa sé pa nan min lèz om li jouinn louanj li, min nan min Bon-Dieu.
3 La-a-minm, ki privilèj 3 Jouif yo gingnin, ou-byin ki utilité sikonsizion? ${ }^{2}$ Privilèj Jouif yo gran sou tout pouin, an-kòmansan pa pouin sa a: sé Jouif-yo yo té bay réskonsab parol Bon-Dieu: ${ }^{3}$ E-byin! Si in-pé nan yo pa-t kouè, paské yo pa-t kouè, èské sa va fè fidélité Bon-Dieu disparèt? ${ }^{4}$ Du-tou! O-kontrè, sé pou moun rékonnèt ké Bon-Dieu nan la vérité, é ké tout òm mantè, jan sa ékri a:

Pou yo rékonnèt ké ou just nan paròl ou,
E pou ou trionfé lè y-a jujé ou.
5 Min si injustis nou sèvi pou fè justis Bon-Dieu parèt, ki sa pou nou di? Eské BonDieu injust - mouin di sa tankou lèz òm - èské BonDieu injust lè li déchinnin kòlè li? ${ }^{6}$ Du-tou! Sinon, kóman Bon-Dieu ta fè pou jujé lé monn?
7 Min si manti mouin sèvi pou fè vérité Bon-Dieu parèt avèk plus la gloua ankò, pouki sa pou yo jujé-m kòm péchè? ${ }^{8}$ É pouki sa nou pa ta fè mal pou byin kapab sòti ladã, jan kèk moun mal-
palan prétann ké nou di? Min moun ki mérité kondané!

## Pa gin moun ki just

-9 Sa li yé minm? Eské sé nou ki pi bon?: Du-tou. Paské nou déja prouvé ké tout moun, ni Jouif ni Grèk, an-ba dominasion péché, ${ }^{10}$ jan sa ékri:

Pa gingnin moun ki just,
Pa minm gnou sèl.
${ }^{11}$ Pa gingnin gnou sè ki intélijan,
Pa gingnin gnoun k-ap chaché Bon-Dieu.
Yo tout égaré tèt yo, yo kòronpu tèt yo ansanm.
${ }^{12}$ Pa gingnin okinn k-ap fè byin,
Pa minm gnou sèl.
${ }^{13}$ Godj yo tankou gnou tonm ki ouvri;
Yo sèvi avèk lang yo pou tronpé;
Gingnin pouazon sèpan nan bouch yo.
${ }^{14}$ Bouch yo plin malédiksion avèk bagay anmè.
${ }^{15}$ Pié yo léjé pou vèsé san.
${ }^{16}$ Yo gin déstruksion avèk malè sou rout yo.
${ }^{17}$ Yo pa konn chémin la pé.
18 Yo pa gin krint Bon-Dieu dévan jé yo.
19 Min nou konnin ké tou sa la Loua déklaré, li adrésé-1 pou moun ki an-ba la Loua, pou tout bouch kapab fèmin, é pou lé monn antié kapab rékonnèt kòm koupab dévan Bon-Dieu. ${ }^{20}$ Paské pèsonn p-ap résévoua justis dévan li avèk zèv la Loua, puiské sé la Loua ki fè nou rékonnèt sa péché yé.

Justis gras-a la foua
21 Min koul-yé-a, san la Loua pa mélé, justis Bon-Dieu manifésté, é la Loua avèk profèt yo rann li témouagnaj. ${ }^{22}$ Sé justis Bon-Dieu, gras-a la foua nan Jézu-Kri, pou tout moun ki kouè. Pa gin diférans. ${ }^{23} \mathrm{Ka}$ tout moun fè péché é yo tout manké la gloua Bon-Dieu, ${ }^{24}$ yo résévoua justis san péyé, pa-lagras li, pa mouayin travay la ké Jézu-Kri té fè pou rachté yo. ${ }^{25}$ Sé Jézu-Kri ké BonDieu mété kòm viktim pou péyé pri a, lè moun mét la foua nan san li. Sé konsa li montré justis li paské li té kité san punision péché yo té konmèt avan sa, nan tan li t-ap pran pasians; ${ }^{26}$ mouin di ké li montré justis li koul-yé-a, li fè ouè ké li just lè li fè moun ki kouè nan Jézu-Kri résévoua justis.
27 Donk, koté kòz pou moun bay tèt yo gloua? $\mathbf{P a}$ gingnin. Ki la loua ki fè sa? Eské sé la loua zèv yo? Non, sé la loua la foua. ${ }^{28}$ Paské nou rékonnèt ké lòm résévoua justis gras-a la foua, san zèv la Loua yo. ${ }^{29} \mathrm{Ou}$-byin èské Bon-Dieu sé Bon-Dieu Jouif yo sèlman? Eské li pa Bon-Dieu payin yo tou? Oui, li Bon-Dieu payin yo tou, paské sé gnou sèl Bon-Dieu ki gingnin, ${ }^{30}$ li va fè moun ki sikonsi résévoua justis gras-a la foua, é moun ki pa sikonsi, minm jan an, gras-a la foua.
31 Eské, avèk la foua, nou détoui la Loua? Du-tou!

O-kontrè, nou rafèmi la Loua.

## Ékzanp Abraam

4. Min n-a di: Ki avantaj Abraam, papa nou, té jouinn dapré la chè? ${ }^{2} \mathrm{Si}$ Abraam té résévoua justis gras-a zèv, gingnin kòz pou li bay tèt li gloua; min sé pa dévan Bon-Dieu. ${ }^{3}$ Paské, sa Lékritu di? Li di: Abraam té kouè nan Bon-Dieu, é sa konté kòm justis pou li. ${ }^{4}$ Min, moun ki fè gnou zèv, salè li résévoua, sé pa tankou gnou gras yo fè li, min sé gnou bagay yo doué li; ${ }^{5}$ tandis ké, moun ki pa fè zèv dutou, min ki kouè nan sila ki fè moun ki pa té gin réspè pou Bon-Dieu résévoua justis, la foua moun sa a konté kòm justis pou li.
6 Sé konsa David palé sou bonnè lòm Bon-Dieu konté kòm just san zèv pa mélé nan sa:
${ }^{7}$ Byinn-éré moun ki gin inikité yo padonnin, Ak péché yo kouvri!
8 Byinn-éré lòm lé Ségnè pa réglé péché li!
9 Bonnè sa a, èské sé pou moun ki sikonsi sèlman, oubyin èské li sé pou moun yo tou ki pa sikonsi? Paské nou di ké la foua Abraam té konté kòm justis pou li. ${ }^{10} \mathrm{Ki}$ jan li té konté kòm justis pou li? Eské sé lè li té sikonsi, ou-byin lè li pa-t ko sikonsi? Sé pa-t apré, min avan li té sikonsi. ${ }^{11}$ Apré sa, li résévoua mak sikonsi a tankou gnou kout so ki montré justis li té résévoua gras-a la foua,
lè li pa-t ko sikonsi. Sé pou li té kapab papa tout moun ki gin la foua malgré yo pa sikonsi, pou yo kapab konté yo tou kòm just. ${ }^{12}$ Li sé papa moun ki sikonsi tou, moun ki pa sèlman résévoua mak sikonsi a, min k-ap maché sou tras la fouia ké Abraam, papa nou, té gingnin avan li té sikonsi.

## Promès la akonpli gras-a la foua

13 Paské, sé pa gras-a la Loua ké yo té promèt Abraam, ou-byin désandans li, ké la tè ta éritaj yo, min sé gras-a justis la foua.: ${ }^{14}$ Paské si sé nan la Loua éritaj la sòti, la foua pasé pou nul, é promès la aboli, ${ }^{15}$ puiské sa la Loua rapòté, sé kòlè. Min koté ki pa gin la loua, pa gin dézobéyisans non plus. ${ }^{16}$ Donk sé ak la foua moun vi-n éritié, pou promès kapab dapré la gras, é pou li kapab asuré pou tout désandans Abraam, pa sèlman sa ki an-ba la Loua a, min tou sa ki gin la foua Abraam, papa nou tout, sélon sa ki ékri: ${ }^{17}$ Mouin établi ou kòm papa anpil nasion. Li sé papa nou, dévan BonDieu li té kouè a, Bon-Dieu ki bay mò yo la vi, é ki rélé bagay ki pa ékzisté kòm si yo té ékzisté. ${ }^{18} \mathrm{Li}$ té éspéré kont tout éspérans, li té kouè, é sé konsa li vi-n papa anpil nasion, dapré sa yo té di li: Sé konsa désandans ou va yé. ${ }^{19}$ La foua li pa té fébli, li pa-t gadé kò li ki t-ap désann, kòm li té gin prèské sant an, é Sara, madanm ni, té pasé laj pou li ta anfanté. ${ }^{20} \mathrm{Li}$
pa-t ézité gnou jan inkrédul dévan promès Bon-Dieu; min la foua li té fótifié, li rann gloua-ra-Dieu, ${ }^{21}$ avèk fèm konviksion ké sa Bon-Dieu promèt, li gin puisans tou pou akonpli-l. ${ }^{22}$ Sé pou sa la foua li té konté kòm justis pou li.
23 Min, sé pa pou li sèl sa ékri. ké la foua li té konté kòm justis pou li, ${ }^{24} \mathbf{~ m i n}$ pou nou tou: la foua va konté minm jan an pou nou ki kouè nan Sila ki té lévé Jézu pami mò yo, Jézu Ségnè nou, ${ }^{25} \mathrm{ki}$ té livré a-kòz ofans nou konmèt, é ki lévé pou nou kapab résévoua justis.

## Foui justis la foua a

$\dot{\text { E. Donk, puiské nou résé- }}$ 5 voua justis gras-a la foua, nou gin la pé avèk Bon-Dieu, gras-a Jézu-Kri, Ségnè nou, ${ }^{2}$ ki fè nou antré tou, ak la foua, nan la gras nou rété fèm ladann nan; é nou réjoui nou nan éspérans la gloua Bon-Dieu. ${ }^{3}$ Plus ankò, nou réjoui nou minm nan lafliksion yo, paské nou konnin lafliksion bay pasians, ${ }^{4}$ pasians bay karaktè fidèl, karaktè fidèl bay éspérans. ${ }^{5}$ É éspérans pa tronpé, paské amou Bon-Dieu répann nan kè nou gras-a Sint-Éspri, ké nou résévoua.
6 Paské, lè nou té ankò san fòs, lè tan an rivé, Kris té mouri pou moun ki pa-t gin réspè pou Bon-Dieu. ${ }^{7}$ Sé a-pinn si moun ta vlé mouri pou gnou nonm ki just; pou gnou nonm dé-byin, pè-tèt ankò si gnou moun ta aksépté
mouri. ${ }^{8}$ Min, sé nan sa BonDieu montré amou li anvè nou: étan nou té ankò nan péché, Kris mouri pou nou. ${ }^{9}$ Sé pa mandé, koul-yé-a ké nou résévoua justis pa mouayin san li, si li va sové nou an-ba kòlè a! ${ }^{10}$ Paské, si lè nou té énmi Bon-Dieu, nou té rékonsilié avèk li gras-a la mò Pitit li, sé pa mandé, étan nou rékonsilié, si nou va sové gras-a la vi li! ${ }^{11}$ Plus ankò, nou réjoui nou nan Bon-Dieu gras-a Ségnè nou Jézu-Kri, ki fè nou gin rékonsiliasion koul-yé-a.

## Adan ak Jézu-Kri

12 Sé pou sa, minm jan ak gnou sèl òm, péché té antré nan lé monn, é la mò antré avèk péché, sé konsa la mò étann ni sou tout òm, paské yo tout fè péché. ${ }^{13}$ Paské, avan té gingnin la loua, péché té nan lé monn: min péché pa konté, lè pa gingnin la loua. ${ }^{14}$ Poutan, la mò té dominin dépi Adan jouk nan tan Moiz, minm sou moun yo ki pa-t fè péché dézobéyisans tankou pa Adan an (Adan ki té imaj Sila ki té gin pou vini an). ${ }^{15} \mathrm{Min}$, la gras ki akòdé a, sé pa minm jan ak fòt la. Paské, si fòt gnou sèl moun minnin la mò pou anpil lòt moun, sé pa mandé si la gras Bon-Dieu épi kado la gras sa a ki sòti nan gnou sèl òm - nan Jézu-Kri — sé pa mandé si yo répann ann abondans sou anpil moun! ${ }^{16}$ É kado sa a, sé pa minm jan avèk konsékans péché gnou sèl moun: paské sé apré
gnou sèl fòt ké jujman té tounin kondanasion, tandis ké kado la gras la rivé apré gnou gran kantité fòt, li fè moun résévoua justis. ${ }^{17} \mathrm{Si}$ pou-tèt fòt gnou sèl moun, é a-kòz sèl moun sa a, la mò té dominin, sé pa mandé si moun yo ki résévoua la gras la ann abondans avèk kado justis la va dominin nan la vi gras-a Jézu-Kri sèl.
18 Donk, minm jan, avèk gnou sèl fòt, kondanasion étann sou tout moun, sé minm jan avèk gnou sè zèv justis, justis ki bay la vi a étann ni tou sou tout moun. ${ }^{19}$ Minm jan, avè̀k dézobéisans gnou sèl om, anpil moun tounin péchè, sé minm jan tou, avèk obéisans gnou sèl, anpil va vi-n just. ${ }^{20}$ La Loua té vini pou té kapab gingnin anpil fòt; min, koté ki té gingnin anpil péché, la gras vini anpil ròd-mézi, ${ }^{21}$ pou, minm jan péché té dominin é li bay la mó, sé konsa tou pou la gras dominin avèk la justis pou bay la vi étènèl gras-a Jézu-Kri, Ségnè nou.

## Krélyin pa vivan pou péché

6 Donk, ki sa pou nou di ?
0 Eské nou doué rété nan péché, pou kapab gin anpil la gras? Du-tou! ${ }^{2}$ Nou ki gin tan mouri pou péché, koman nou ta kapab viv toujou nan péché?
3 Eské nou pa konnin ké nou tout ki batizé nan JézuKri, sé nan la mò li nou batizé? ${ }^{4}$ Donk nou antéré avèk li nan batèm la mò li, pou, minm jan Kris lévé pami
mò yo gras-a la gloua Papa li, nou-minm tou, nou kapab maché nan gnou vi nouvo. ${ }^{5}$ Paské si nou fè-gnou-sèl avèk li, nan gnou la mò ki sanblé ak la mò pa li, sé konsa nou va yé tou, pou lévé nan la mò tankou li. ${ }^{6}$ Paské nou byin konnin ké vié nonm nan ki nan nou, klouré sou la koua avèk li, pou kò sa a, ki ésklav péché, kapab détoui, pou nou pa ésklav péché ankò. ${ }^{7}$ Paské moun ki mouri débarasé avèk péché. ${ }^{8} \mathrm{Min}$, si nou mouri avèk Kris, nou kouè $n$-a viv tou avèk li, ${ }^{9}$ paské nou konnin ké Kris lévé nan la mò, li p-ap mouri ankò: la mò pa gin pouvoua sou li ankò. ${ }^{10}$ Si li mouri, li mouri poutèt péché gnou sèl foua sé fini; min, koul-yé-a li vivan, li vivan pou Bon-Dieu. ${ }^{11}$ Donk, nou-minm tou, konsidéré ké nou mouri pou péché, é ké nou vivan pou Bon-Dieu, nan Jézu-Kri.
12 Donk, sé pa pou péché dominin sou kò nou ki kapab mouri, é sé pa pou nou obéyi anvi péché. ${ }^{13} \mathrm{~Pa}$ lagé manm nou nan péché, pou yo sèvi zouti inikité; min livré tèt nou nou-minm bay Bon-Dieu, kòm dé vivan ki vink la mó; ofri manm nou bay Bon-Dieu pou yo sèvi zouti justis. ${ }^{14}$ Péché p-ap gin pouvoua sou nou, paské nou pa an-ba la loua ankò, min nou an-ba la gras.

Krétyin sòti nan sèvis péché pou sèvi justis
15 Sa li yé minm? Èské sé
pou nou fè péché, paské nou pa an-ba la loua, min nou an-ba la gras? Du-tou!
16 Ėské nou pa konnin ké si nou livré tèt nou bay gnou moun kòm ésklav pou obéyi li, nou tounin ésklav moun n-ap obéyi a, soua ésklav péché ki bay la mò, ou-byin ésklav obéisans, ki bay justis? ${ }^{17}$ An nou rémèsi Bon-Dieu déské apré nou té fi-n ésklav péché, kè nou obéyi anségnman an ké yo ba nou kòm règ! ${ }^{18}$ Puiské nou délivré anba péché, nou vi-n ésklav justis. ${ }^{19}$ - M-ap palé tankou lèz òm, a-kòz féblès chè nou! - Minm jan nou té mét manm nou kòm ésklav bagay ki pa pròp épi inikité, é sa mété nou nan inikité, sé konsa, koul-yé-a, mété manm nou kòm ésklav justis, pou nou vi-n sin. ${ }^{20}$ Paské, lè nou té ésklav péché, nou té san angajman avèk la justis. ${ }^{21} \mathbf{K i}$ kalité foui nou té donnin, lè sa a? Sé dé foui ki fè nou ront koul-yé-a. Paské rézulta bagay sa yo, sé la mò. ${ }^{22}$ Min koul-yé-a, nou délivré an-ba péché é nou vi-n ésklav BonDieu; kòm foui, n-ap vini sin, é rézulta a, sé la vi étènèl. ${ }^{23}$ Paské salè péché, sé la mò; min kado Bon-Dieu, sé la vi étènèl nan Jézu-Kri, Ségnè nou!

Krétyin délioré an-ba jouk la Loua 7 Èské nou pa konnin, frè, - paské m-ap palé avèk moun ki o-kouran la loua la loua ékzèsé otorité li sou gnou moun tout tan moun nan vivan? ${ }^{2}$ Par-ékzanp la
loua angajé gnou madanm marié avèk mari li, tout tan mari a vivan; min, si mari a mouri, madanm nan lib dévan la loua ki té angajé-l avèk mari li. ${ }^{3} \mathrm{Si}$, étan mari li vivan, li vi-n fanm gnou lòt moun, yo rélé-l adultè; min si mari li mouri, madanm nan lib dévan la loua, é li pa adultè lè-l vi-n fanm gnou lòt. ${ }^{4}$ Sé minm jan frè-m yo, nouminm tou, nou mouri dévan la Loua, gras-a kò Kris ki té sakrifié, pou nou kapab pou gnou lòt, - Sila ki té lévé pami mò yo, pou nou kapab donnin foui pou Bon-Dieu. ${ }^{5}$ Paské lè nou t-ap viv dapré la chè, pasion péché yo, ké la Loua té éksité, t-ap aji nan manm nou, é nou t-ap donnin foui pou la mò. ${ }^{6}$ Min koul-yé-a nou délivré an-ba la Loua, nou mouri dévan la Loua sa a ki té kinbé nou prizonnié, é n-ap sèvi BonDieu dapré gnou léspri nouvo, — pa dapréékritu ki fi-n vié a.

## Lè péché nan nou

7 Donk ki sa n-a di? Esské la Loua sé péché? Du-tou! Min sé sèlman la Loua ki fè mouin rékonnèt péché. Paské mouin pa ta konn mové anvi, si la Loua pa-t di: Sé pa pou ou gin mové anvi! ${ }^{8}$ Sé péché ki sézi okazion an, é avèk kòmandman yo, li donnin tout kalité mové anvi nan mouin; paské, san la Loua, péché mouri. ' Lontan, mouin pa-t gin la Loua, é-m t-ap viv, min komandman an rivé, péché vi-n vivan ankò, é mouin, m-mouri. ${ }^{10}$ E sa fè
ké kòmandman an, ki té doué ban-m la vi, kondui-m nan la mò. ${ }^{11}$ Paské péché sézi okazion an, li vólè konfians mouin avèk kòmandman an, épi avèk kómandman an li fè mouin mouri. ${ }^{12}$ Donk, la Loua sin, é kòmandman an sin, li just é li bon. ${ }^{13}$ Eské sa ki bon vi-n tounin pou mouin gnou kòz pou la mó? Dutou! Min, pou péché montré nèt sa li yé, li sèvi avèk gnou bagay ki bon, pou ban mouin la mò. Donk, sé gras-a kòmandman an ké péché fè ouè jan li grav.
14 Nou konnin ké la Loua éspirituèl; min mouin, m-sé moun la chè, péché achté-m. ${ }^{15}$ Paské mouin pa konn sa m-ap fè: mouin pa fè sa-m vlé, min mouin fè sa-m rayi. ${ }^{16} \mathrm{Si}$ mouin fè sa-m pa vlé, la-a minm mouin rékonnèt ké la Loua bon. ${ }^{17}$ Alò sé pa mouin ankò k-ap aji konsa, min sé péché ki abité nan mouin. ${ }^{18}$ M-konnin ké bagay ki bon pa abité nan mouin, ki vlé di nan chè mouin; paské mouin vlé fè sa ki byin, min, m-pa gin pouvoua fè li. ${ }^{19}$ M-pa fè byin mouin vlé, min, m-fè mal mouin pa vlé. ${ }^{20}$ Si mouin fè sa-m pa vlé, sé pa mouin ankò k-ap aji, min sé péché ki abité nan mouin. ${ }^{21}$ Donk mouin jouinn loua sa a nan mouin: Lè mouin vlé fè sa ki byin, bagay ki mal trouvé maré avèk mouin. ${ }^{22}$ Paské, nan fin-fon mouin, m-pran plézi nan la loua Bon-Dieu; ${ }^{23}$ min, mouin ouè nan manm mouin gnou lòt la loua k-ap konbat kont la loua
léspri mouin, é li rann mouin ésklav la loua péché ki nan manm mouin. ${ }^{24}$ Ala mouin mizérab! Ki lès ki va délivré-m an-ba kò sa a k-ap kondui-m nan la mò? ${ }^{25}$ An nou rémèsié Bon-Dieu, gras-a Jézu-Kri, Ségnè nou!
Donk sé konsa, avèk léspri-m mouin ésklav la loua Bon-Dieu, min avèk chè mouin, mouin ésklav la loua péché.

## La vi nan Léspri

8Donk koul-yé-a, pa gin okinn kondanasion pou moun ki nan Jézu-Kri.
2 Paské la loua léspri la vi ki nan Jézu-Kri, délivré-m an-ba la loua péché épi la mò. - ${ }^{3}$ Bagay la ki pa-t posib pou la loua, paské la chè té rann li fèb, Bon-Dieu fè li : li kondané péché dépi nan la chè, lè, a-kòz péché, li té voyé pròp Pitit li nan gnou chè ki sanblé avèk chè péché a. ${ }^{4}$ Sé pou justis la loua a té kapab akonpli nan nou-minm ki p-ap maché dapré la chè, $\min \mathrm{k}$-ap maché dapré Léspri.
5 Ka , moun k -ap viv dapré la chè mét aféksion yo sou afè la chè, tandis ké moun k-ap viv dapré léspri mét aféksion yo sou afè léspri. ${ }^{6}$ E lè aféksion an sou la chè, sé la mò, min lè aféksion an sou léspri, sé la vi avèk la pé. ${ }^{7}$ Aféksion ki sou la chè, sé énmi Bon-Dieu, paské li pa soumèt dévan la loua BonDieu, é li pa minm kapab soumèt. ${ }^{8} \mathrm{Min}$, moun k-ap viv dapré la chè pa kapab fè Bon-Dieu plézi.

9 Kant-a nou, nou p-ap viv dapré la chè, min dapré léspri, si tout bon Léspri BonDieu rété nan nou. Si gnou moun pa gin Léspri Kris, li pa moun Kris. ${ }^{10} \mathrm{E}$ si Kris nan nou, kò a mouri a-kòz péché, min léspri a gin la vi, a-kòz justis la. ${ }^{11}$ É si Léspri, sila ki lévé Jézu pami mò yo, rété nan nou, sila ki lévé Kris pami mò yo, li va mété la vi ankò nan kò nou ki kapab mouri, avèk Léspri li ki rété nan nou.
12 Donk sé konsa, frè, nou pa rédévab anvè la chè, pou nou viv dapré la chè. ${ }^{13} \mathrm{Si}$ nou viv dapré la chè, nou gin pou mouri; min si avèk Léspri nou fè zèv kò a mouri, n-a viv, ${ }^{14}$ paské tout moun Léspri Bon-Dieu kondui, sé pitit Bon-Dieu. ${ }^{15}$ É nou pa résévoua gnou léspri ésklavaj, pou nou toujou nan la krint; min nou résévoua gnou léspri ki nan pitit yo adopté, é sé ak li nou rélé: Aba! Papa! ${ }^{16}$ Léspri a minm bay léspri nou témouagnaj ké nou sé pitit Bon-Dieu. ${ }^{17}$ E si nou pitit, nou éritié tou: éritié Bon-Dieu, éritié ansanm avèk Kris, a-kondision nou soufri ak li, pou nou kapab résévoua la gloua avèk li.
18 Mouin konsidéré ké soufrans koul-yé-a pa angnin koté la gloua ki gin pou vini, é ki va dévoualé pou nou. ${ }^{19}$ Tout kréatu yo ap tann san-souf lè pou pitit BonDieu yo dévoualé. ${ }^{20}$ Paské tout kréasion an té soumèt an-ba jouk vanité, - sé pa li ki té vlé sa, min sé a-kòz sila


Mak 2:1-12
Kouvètu kay la défèt pou té désann nonm paralizé a

ki té soumèt lia, - ${ }^{21}$ é li gin éspérans ké li-minm tou li va délivré an-ba ésklavaj kòrupsion, pou li patisipé nan libèté pitit Bon-Dieu yo, gnou libèté ki plin avèk gloua. ${ }^{22}$ Nou konnin ké tout kréatu ap pousé soupi é yo tout ansanm gin tranché jouk koul-yé-a. ${ }^{23}$ É sé pa yo sèlman; min nou-minm tou, ki résévoua a-valoua Léspri a, nou-minm tou n-ap pousé soupi ann-dan nou, n-ap tann kò nou résévoua kòm pitit adoptif épi délivré. ${ }^{24}$ Paské sé ann éspérans ké nou sové. Min éspérans gnou moun ouè, sé pa éspérans ankò: sa gnou moun ouè, èské li kapab ap éspéré li toujou? ${ }^{25}$ Min lè n-ap éspéré sa nou pa ouè, nou tann ni avèk pasians.
26 Sé konsa tou Léspri a édé nou nan féblès nou. Paské nou pa konn ki sa ki bon pou nou mandé nan la priè nou. Min Léspri a liminm prézanté démann nan dé soupi paròl pa kab palé. ${ }^{27}$ E sila ki sondé kè konnin ki lidé Léspri a, paské sé dapré Bon-Dieu ké li fè démann an-favè sin yo.

## Plus ké oinkè

28 Dayè nou konnin ké tout bagay travay ansanm pou byin moun ki rinmin BonDieu, moun yo ki gin apè dapré plan li. ${ }^{29}$ Paské moun li té konnin davans, li déstiné yo davans pou yo sanblé imaj Pitit li a, pou Pitit li a kapab sila ki fèt an-prémié pami anpil frè. ${ }^{30} \boldsymbol{E}$ moun yo li déstiné davans, li rélé yo tou;
moun li rélé yo, li akòdé yo justis; moun yo li akòdé justis, li ba yo gloua tou.
31 Donk ki sa pou nou di sou bagay sa yo?
Si Bon-Dieu pou nou, ki lès ki va kont nou? ${ }^{32}$ Li-minm ki pa minnajé pròp Pitit li, min ki livré li pou nou tout, ki jan pou li pa ta ba nou tout bagay avèk li? ${ }^{33} \mathrm{Ki}$ lès ki va akuzé moun ké BonDieu chouazi? Sé Bon-Dieu ki akòdé justis. ${ }^{34} \mathrm{Ki}$ lès ki va kondané yo? Kris mouri, é plus ankò li lévé nan la mò, li a-douat Bon-Dieu, é l-ap prézanté démann an-favè nou! ${ }^{35} \mathrm{Ki}$ sa ki pou séparé nou avèk amou Kris? Eské sé afliksion, ou-byin la détrès, ou-byin pèsékusion, ou-byin grangou, ou-byin tou-nu, oubyin danjé, ou-byin népé? dapré sa ki ékri:
${ }^{36}$ Sé pou-tèt ou y-ap tué nou tout la jounin,
Yo gadé nou tankou mouton labatoua.
${ }^{37}$ Min nan tout bagay sa yo, nou plus ké vinkè gras-a sila ki té rinmin nou an. ${ }^{38}$ Paské mouin gin asurans ké ni la mò, ni la vi, ni zanj, ni dominasion, ni bagay ki la koul-yé-a, ni sa ki gin pou vini, ni puisans, ${ }^{39}$ ni rotè, ni profondè, ni okinn lỏt kréatu p-ap kapab séparé nou avèk amou ké Bon-Dieu montré nou nan Jézu-Kri Ségnè nou.

## Izraèl, pèp chouazi a

9 M-ap di la vérité nan
Kris, m-pap manti, konsians mouin ban-m témoua-
gnaj gras-a Sint-Éspri: ${ }_{2}^{2}$ Mouin santi gnou gran tristès ak chagrin san-rété nan kè mouin. ${ }^{3}$ Paské mouin ta souété tèt mouin malédiksion, épi pou-m séparé ak Kris pou-tèt frè-m yo, paran mouin yo dapré la chè, ${ }^{4}$ yo ki ras Izraèl, yo-minm ké gin adopsion an pou yo, avèk gloua a, alians yo, la loua, sèvis la rélijion an, promès yo; ${ }^{5}$ zansèt yo sé pou yo, é sé nan yo Kris sòti, dapré la chè, - liminm ki dépasé tout bagay, ki Bon-Dieu béni pou létènité. Amèn!
6 Sa pa vlé di ké paròl Bon-Dieu pa gin rézulta. Paské sé pa tout ki désandan Izraèl ki véritab Izraè. ${ }^{7} \mathbf{N i}$ tou, sé pa paské yo sé désandan Abraam ki fè yo tout sé pitit li; min jan sa di: Nan Izaak gnou désandans va pòté non ou, ${ }^{8} \mathrm{ki}$ vlé di sé pa pitit la chè yo ki pitit Bon-Dieu, min sé pitit promès la ki pasé kòm désandans la. ${ }^{9}$ Paské, min parol promès la: Mouin va tounin minm épòk sa a, épi Sara va gin gnou pitit gason. ${ }^{10} \mathrm{~Pa}$ sèlman sa, min Rébéka té vi-n ansint pou sè Izaak papa nou; ${ }^{11}$ é malgré ti moun yo pa-t ko fèt, é yo pa-t ko fè ni byin ni mal, pou plan jan Bon-Dieu té chouazi a té kapab kinbé, san gadé sou zèv min sou volonté sila ki fè apèl la, ${ }^{12}$ yo di Rébéka: Pi gran an va sèvi pi jinn nan; jan sa ékri:
${ }^{13}$ Mouin rinmin Jakobb,
E mouin rayi Ezau.
14 Donk ki sa pou nou di? Èské gin injustis nan Bon-

Dieu? Du-tou! ${ }^{15}$ Paské li di Moiz: M-a gin mizérikod pou moun mouin gin mizérikòd, é m-a gin konpasion pou moun mouin gin konpasion. ${ }^{16}$ Donk, sa pa sòti nan moun ki vlé, ni nan moun ki fè éfò, min nan Bon-Dieu ki gin mizérikòd. ${ }^{17}$ Paské Lékritu di Faraon: Sé pou sa minm mouin kanpé ou, pou-m montré puisans mouin sou ou, é pou-m publié non mouin sou tout la tè. ${ }^{18}$ Donk li gin mizérikòd pou moun li vlé, é li andusi moun li vlé.
19 Ou va di mouin: Apré sa pouki l-ap fè répròch? Paské ki moun ki kapab opozé volontéli? ${ }^{20}$ O-kontrè, mon chè, ou-minm, ki lès ou yé, pou ou nan répliké avèk Bon-Dieu? Eské véso yo fè nan moul va di moun nan ki fomé-l: Pouki ou fè-m jan sa a? ${ }^{21}$ Ouvrié ki fè véso a, èské li pa mèt tè gra a pou fè avèk minm boul la gnou véso pou sèvis dé-byin, épi gnou véso pou sèvis ki pa dé-byin? ${ }^{22} \mathrm{Sa} \mathrm{ki}$ gin pou di, si BonDieu vlé montré kòlè li épi fè konnin puisans li, li supòté avèk anpil pasians véso kolè yo ki fèt pou déstruksion, ${ }^{23}$ é si li té vlé fè konnin richès gloua li anvè véso mizérikòd yo li té paré davans pou la gloua? ${ }^{24}$ Sèt-a-di nou-minm ké li rélé non sèlman pami Jouif yo, min pami payin yo, ${ }^{25}$ jan li di nan Ozé: Mouin va rélé pèp mouin, sila ki pa-t pèp mouin, épi chéri mouin, sila ki pa-t chéri: ${ }^{26}$ é koté yo té di yo: Nou pa pèp mouin! yo va rélé yo pitit Bon-Dieu
vivan an. ${ }^{27}$ Ezai minm rélé, konsènan Izraèl:

MinmsilakantitépititIzraèl yo té tankou sab la mè,
Sé gnou réstan ki va sové. ${ }^{28}$ Paské lé Ségnè va akonpli parol li tout bon
Eُ gnou jan brèf sou la tè. 29 Jan Ézai té di‘sa davans:
Si Ségnè lamé yo \}
Té kité nou san désandans,
Nou ta tounin tankou Sodòm,
Nou ta sanblé avèk Gomò.
Justis ki sòi nan la foua
30 Donk ki sa pou nou di? Payin yo, ki pa t-ap chaché justis, yo résévoua justis, justis la ki soti nan la foua, ${ }^{31}$ tandis ké Izraèl, ki t-ap chaché la loua justis, pa-t jouinn loua sa a. ${ }^{32}$ Pouki? Paské sé pa-t avèk la foua, min avèk zèv, yo té chaché-l. Yo frapé sou ròch-bitay la, ${ }^{33}$ jan sa ékri a:

Min-ni, mouin mété nan Sion gnou ròch-bitay,
Gnou roché ki kab fè moun tonbé:
E moun ki kouè nan li, p-ap sòti ront.

10
Frè, dézi kè mouin ak la priè mouin adrésé Bon-Dieu pou pèp Izraèl, sé pou yo kapab sové. ${ }^{2}$ Mouin rann yo témouagnaj ké yo gin zèl pou Bon-Dieu, min sé gnou zèl san konprann. ${ }^{\mathbf{3}}$ Kom yo pa konn justis BonDieu, y-ap chaché établi pròp justis pa yo, yo pa soumèt an-ba justis Bon-Dieu. ${ }^{4}$ Paské Kris sé bout la loua pou tout moun ki kouè kapab résévoua justis.

5 Ann-éfé, min jan Moiz di justis la loua yé: Lòm ki akonpli bagay sa yo va viv gras-a yo. ${ }^{6} \mathrm{Min}, \min$ jan justis ki sodti nan la foua a palé: Pa di nan kè ou: Ki lès k-a monté nan sièl ? - sa sé fè Kris désann sòti ladann; ${ }^{7}$ ou-byin: Ki lès k-a désann nan labim? - sa sé fè Kris lévé ankò pami mò yo. ${ }^{8} \mathbf{K i}$ sa li di minm? La paròl la tou pré ou, li nan bouch ou, avèk nan kè ou. Sa vlé di paròl la foua n-ap préché a: ${ }^{9}$ Si ou konfésé lé Ségnè Jézu ak bouch ou, é si ou kouè nan kè ou ké Bon-Dieu té lévé-l pami mò yo, ou-a sové. ${ }^{10}$ Paské sé lè moun kouè nan kè yo, ké yo.jouinn justis, é sé lè moun konfésé ak bouch yo, ké yo jouinn salu. ${ }^{11}$ Dapré sa Lékritu di:

Moun ki kouè nan li p-ap sòti ront.
${ }^{12}$ Ann-éfé, pa gin diférans ant Jouif avèk Grèk, paské yo tout gin minm Ségnè a ki rich pou tout moun ki invoké li. ${ }^{13}$ Paské ninpòt moun k-a invoké non lé Ségnè va sové.
14 Min ki jan pou yo fè invoké sila ké yo pa kouè nan li? E ki jan pou yo fè kouè nan sila ké yo pa tandé palé dé li? E ki jan pou yo fè tandé palé dé li, si pa gin moun k-ap préché? ${ }^{15}$ E ki jan pou gin moun ki préché, si yo pa voyé yo? Jan sa ékri a:

Moun k-ap anonsé la pé, ala pié yo bèl!
Pié moun k-ap anonsé bon nouvè!
16 Min sé pa tout moun ki
obéyi bon nouvèl la. Sé pou sa Ézai di: Ségnè,

Ki lès ki kouè sa nou préché?
17 Donk la foua sòti nan sa moun tandé, é sa moun tandé sòti nan paròl Kris.
18 Min, mouin di: Eské yo pa-t tandé? O-kontrè!

Voua yo alé tou-patou sou la tè,
É parol yo alé jouk nan bout la tè.
19 Min, mouin di: Eské Izraèl pa-t konnin sa? Tou dabò Moiz di: M-a éksité jalouzi nou kont sa ki pa gnou nasion, m-a mété nou an-kolè kont gnou pèp ki pa gin konprann. ${ }^{20}$ Epi Ezai pousé radiès li, li di:

Moun yo ki pa t-ap cha-ché-m, yo jouinn mouin,
Mouin montré-m bay moun yo ki pa-t mandé pou mouin.
${ }^{21}$ Min sou Izraèl, li di:
Mouin lonjé min mouin tout la jounin bay gnou pèp rébèl
E ki rinmin répliké.

## Réstan Izraèl la

11Donk mouin di: Eské Bon-Dieu jété pèp li louin ni? Du-tou! Paské, mouin tou, mouin sé ras Izraèl, désandan Abraam, branch Binjamin. ${ }^{2}$ BonDieu pa jété louin ni pèpli ké li té konnin davans. Eské nou pa konn sa Lékritu di sou Eli, jan li té plingnin bay Bon-Dieu kont Izraè: ${ }^{3}$ Ségnè, yo tué profèt ou yo, yo chaviré lotèl ou yo; é mouin-minm sèl ki rété, y-ap
chaché ouété la vi mouin? ${ }^{4} \mathrm{Min}$, ki répons Bon-Dieu ba li? Mouin rézèvé pou mouin sèt mil òm ki pa fléchi jénou dévan Baal. ${ }^{5}$ Sé konsa tou, nan tan koul-yé-a, gin gnou réstan pèp, dapré jan la gras té chouazi. ${ }^{6} \mathrm{Si}$ sé dapré la gras, sé pa dapré zèv; sinon la gras pa gras ankò. Si sé dapré zèv, sé pa gnou gras ankò, sinon zèv la pa zèv ankò.
7 Donk ki sa? Sa Izraèl ap chaché a, li pa jouinn ni, min moun chouazi yo jouinn ni, é rès yo vi-n andusi, ${ }^{8}$ dapré jan sa ékri:

Bon-Dieu ba yo gnou léspri angoudisman,

> Jé pou yo pa ouè,

Ak zòrèy pou yo pa tandé, Jouk jodi a.
${ }^{9}$ E David di:
Ké tab sèvi yo gnou pièj,
Gnou pèlin pou yo, gnou okazion pou yo chuté, é gnou kondanasion!
${ }^{10}$ Ké jé yo bouché, pou yo pa ouè,
É fè do yo koubé tout tan!
Chut Izraèl fè salu a rioé jouinn payin yo
11 Alò mouin di: Èské sé pou yo tonbé ki fè yo buté? Du-tou! Min a-kòz chut yo, salu a alé jouinn payin yo, pou éksité jalouzi yo. ${ }^{12} \mathrm{Min}$, si chut yo fè richès lé monn, é si sa yo pèdu fè richès payin yo, sé pa mandé jan sa va plus ankò lè yo tout va konvèti! ${ }^{13}$ Mouin di nou sa, nou-minm payin: an kalité apot payin yo, mouin bay travay mouin gloua, ${ }^{14}$ pou-m kapab, si sé posib, éksité
jalouzi moun ras mouin, épi sové kèk pami yo. ${ }^{15}$ Paské si chut yo té bay lé monn rékonsiliasion, sa sa va yé lè yo réprann plas yo, sinon la vi pou sa yo ki té mouri?
16 Si prémié foui nan rékòt la sin, tout donn nan sin tou; é si rasi-n nan sin, branch yo sin tou. ${ }^{17} \mathrm{Min}$ si kèk nan branch yo koupé, é si ouminm, ki té gnou pié zolivié sovaj, ou té gréfé nan plas yo, é ou ap patisipé nan rasi-n avèk nan grès pié zolivié fran an, ${ }^{18} \mathrm{pa}$ vanté tèt ou sou branch sa yo. Si ou ap vanté tèt ou, sonjé ké sé pa ou ki pòté rasi-n nan, min sé rasi-n nan ki pòté ou. ${ }^{19}$ Min ou-a di: Sé pou-m té kapab gréfé ké branch yo koupé. ${ }^{20}$ Sé vré. Sé a-kòz jan yo té inkrédul ki fè yo koupé, é ouminm, sé a-koz la foua ou ou kanpé. Pa fè gro lidé, min krinn pito; ${ }^{21}$ paské si BonDieu pa-t minnajé branch ki fran yo, li p-ap minnajé ou tou. ${ }^{22}$ Donk, konsidéré jan Bon-Dieu bon avèk jan li sévè: jan li sévè pou moun yo ki chuté, épi jan li bon pou ou, si ou rété fèm nan bonté sa a; sinon ou ap koupé tou. ${ }^{23}$ Yo-minm tou, si yo pa pèsisté nan inkrédul yo, yo va gréfé tou; paské Bon-Dieu puisan pou gréfé yo ankò. ${ }^{24}$ Ou-minm, si sé sou pié zolivié ki sovaj nan natu li ké yo té koupé ou, épi yo gréfé ou sou pié zolivié fran an ki kont natu ou, sé pa mandé si yo-minm, ki gin natu pié zolivié fran an, yo va gréfé sou zolivié pa yo.

Konvèsion payin yo va fè Izraèl konvèti
25 Paské, frè, m-pa vlé nou ignoré mistè sa a , pou nou pa fè lidé nan nou-minm ké nou saj: sè ké gnou pati pèp Izraèl vi-n andusi pou jouk tan tout payin yo fi-n antré. ${ }^{26}$ Sé konsa tout Izraèl va sové, jan sa ékri a:

Sila ki bay délivrans la va sòti nan Sion,
L-a ouété Jakob nan mankdéga pou Bon-Dieu;
${ }^{27}$ Sé va alians mouin avèk yo,
Lè mouin va ouété péché yo.
${ }^{28}$ Pou sa ki konsènin Lévan-
jil la, yo sé énmi, a-kòz nouminm; min kant-a sa ki konsènin choua a Bon-Dieu té fè, yo sé chéri, a-kòz papa yo. ${ }^{29}$ Paské Bon-Dieu pa régrèt kado avèk apèl li bay. ${ }^{30}$ Minm jan nou-minm, nou té dézobéyi Bon-Dieu lontan, é koul-yé-a, nou jouinn mizérikòd a-kòz dézobéisans yo, ${ }^{31}$ sé konsa tou, koul-yé-a, yo dézobéyi, pou yo kapab jouinn mizérikòd a-kòz mizérikòd ké nou jouinn. ${ }^{32}$ Paské Bon-Dieu fèmin tou lèz òm ansanm nan dézobéisans, pou li kapab fè yo tout mizérikòd.
33 O , ala fon richès, sajès épi sians Bon-Dieu fon! Ala jujman li sé bagay nou pa kapab sondé, é ala rout li dépasé konprann nou! ${ }^{34}$ Paské:

Ki lès ki té konn lidé lé Ségnè,
Ou-byin, ki lès ki té konséyé li?
${ }^{35} \mathrm{Ki}$ lès ki té ba li an-prémié,
é ki gin kichoy pou résévoua pou sa? ${ }^{36}$ Tout bagay sòti nan li, sé gras-a li, sé pou li. Gloua pou li nan létènité! Amèn!

## Dévoua krélyin yo

12Donk mouin ékzòté nou, frè, o-non konpasion Bon-Dieu, pou nou ofri kò nou tankou gnou sakrifis ki vivan, ki sin, ki agréab pou Bon-Dieu; min sèvis nou, ki rézonnab. ${ }^{2} \mathbf{P a}$ konfòmé nou sou sièk sa $a$, min chanjé avèk léspri nou ki doué vi-n gnou léspri nouvo, pou nou kapab rékonnèt volonté Bon-Dieu, ki bon, agréab épi kòrèk sou tout pouin.
3 Dapré la gras ké yo ban mouin, mouin di nou chak, pou pa fè trò gran lidé dé tèt li, min pou fè lidé avèk mézi, dapré dégré la foua Bon-Dieu patajé bay chak moun. ${ }^{4}$ Paské, minm jan nou gin pliziè manm nan gnou sèl kó, é tout manm yo pa gin minm ròl, ${ }^{5}$ sé konsa nou ki pliziè, nou sé gnou sèl kó nan Kris, é nou gnoun sé manm lòt. ${ }^{6}$ Puiské nou gin don ki pa minm, dapré la gras nou résévoua, ké moun ki gin don palé tankou profèt ékzèsé-l dapré mézi la foua li; ${ }^{7}$ ké moun ki gin don pou sèvi nan lèv la ataché-l nan sèvis li; ké moun k-ap bay anségnman ataché-1 nan anségnman li; ${ }^{8}$ ké moun k-ap ékzòté ataché-l nan ékzòtasion li. Ké moun k-ap bay fè sa ak tout kè; ké moun k -ap dirijé fè sa avèk zèl; ké
moun k-ap ékzèsé mizérikòd fè sa ak kè kontan.
9 Sé pou lamou san ipokrit ladann; sé pou nou détésté bagay ki mal, épi ataché nou fó ak bagay ki byin. ${ }^{10}$ O-non amou frè gin pou frè, sé pou gnoun plin aféksion pou lòt; nan afe dé lonnè, sé pou gnoun gin préférans pou lòt. ${ }^{11}$ Sé pou nou gin dévouman, pa montré nou parésé. Montré gnou léspri ki zélé; sèvi lé Ségnè. ${ }^{12}$ Réjoui nou nan léspérans; montré pasians nan lafliksion; pèsévéré nan la priè. ${ }^{13}$ Édé sin yo nan nésésité yo; ékzèsé lospitalité.
14 Béni moun k-ap pèsékuté nou; béni min pa bay malédiksion.
15 Réjoui nou avèk moun k-ap réjoui; krié avèk moun k-ap krié. ${ }^{16}$ Sé pou nou gin minm santiman gnoun pou lòt. Pi-nga nou dèyè bagay ki ro anpil, min kité bagay ki modéré kontanté nou. Pa fè lidé nan nou-minm ké nou saj.
17 Pa rann pèsonn lé mal pou lé mal; chaché bagay ki byin nan jé tout moun. ${ }^{18} \mathrm{Si}$ sé posib, tout jan sa dépann dé nou, sé pou nou an-pè avèk tou lèz òm. ${ }^{19} \mathbf{P a}$ vanjé tèt nou, chè frè, min kité kòlè a aji; paské sa ékri: Lé Ségnè di: Vanjans sé afè pa-m, sé mouin ki pou fè régléman. ${ }^{20}$ Min si énmi ou grangou, ba li manjé; si li souaf, ba li bouè; paské lè ou aji konsa, sé chabon di-fé tou rouj ou ranmasé sou tèt li. ${ }^{21} \mathbf{P a}$ kité lé mal vink ou, min trionfé sou lé mal avèk lé byin.

13Sé pou tout moun soumèt dévan otorité $\mathbf{k i}$ supériè yo; paské pa gin otorité ki pa sòti nan BonDieu, é otorité ki ékzisté yo, sé Bon-Dieu ki établi yo. ${ }^{2}$ Sé pou sa, moun ki rézisté kont otorité pran pozision kont lòd Bon-Dieu; é moun ki pran pozision kont lod BonDieu va atiré kondanasion sou tèt yo. ${ }^{3}$ Paské sé pa pou bon aksion, min pou mové aksion moun gin pou pè chèf. Eské ou vlé pa pè otorité? Fè sa ki byin, épi l-a admèt ak ou. ${ }^{4}$ Chèf sé sèvitè Bon-Dieu pou byin ou. Min si ou fè bagay ki mal, sé pou ou pè; paské sé pa pou grin-mési li pòté gnou népé, li sé sèvitè Bon-Dieu pou ékzèsé vanjans é pou puni moun ki fè mal. ${ }^{5}$ Donk sé nésésè pou nou soumèt nou, pa sèlman pou évité punision, min pou konsians nou tou.
6 Sé pou-tèt sa tou nou péyé lajan kontribusion. Paské chèf yo, sé anplouayé BonDieu ki okupé branch sa a. ${ }^{7}$ Péyé tout moun sa nou doué yo; lajan kontribusion bay moun nou doué lajan kontribusion; lajan doua bay moun nou doué lajan doua; montré réspè pou moun nou doué réspè; moun nou doué bay lonnè, bay yo lonnè.
8 Pa doué pèsonn angnin, sòf ké sé pou gnoun rinmin lòt; paské moun ki rinmin lèz òt akonpli la loua. ${ }^{9} \mathrm{Ko}$ mandman yo: Sé pa pou ou konmèt adultè, sé pa pou ou tué, sé pa pou ou vollè, sé pa pou ou gin mové anvi, é nin-
pòt ki lòt kòmandman, yo kinbé ansanm nan paròl sa a: Sé pou ou rinmin prochin ou tankou tèt pa ou. ${ }^{10}$ Lamou pa fè prochin mal; donk lamou akonpli la loua tout bon.
11 Dayè nou konnin nan ki tan n -ap viv: li lè déja pou nou lévé nan sonmèy paské, koul-yé-a, salu a pi pré nou pasé lè nou té fèk kouè. ${ }^{12}$ Nuit la vansé fini, jou prèt pou kasé. An nou ouété tout zèv ténèb ki sou nou, épi an nou abiye nou avèk zam la lumiè. ${ }^{13}$ An nou maché gnou jan onnèt, tankou nan gro la jounin, san éksé ni bouè tafia, san dézòd la chè ni konduit pa pròp, san kont ni jalouzi. ${ }^{14}$ Min an nou abiyé nou avèk Ségnè Jézu-Kri, é pa okupé la chè nou pou satisfè mové anvi li.

## Minnajman pou moun ki fèb nan

 la foua14 Bay moun ki fèb nan la foua bon résépsion, é pa diskuté opinion.
2 In-tèl kouè li kapab manjé tout bagay, gnou lòt ki fèb manjé légum sèman. ${ }^{3}$ Ké moun ki manjé tout bagay pa méprizé sa ki pa manje tout bagay, é ké moun ki pa manjé pa jujé moun ki manjé, paské Bon-Dieu fè li bon résépsion. ${ }^{4}$ Ki lès ou yé, ou-minm k-ap jujé sèvitè gnou lòt? Si li kanpé ou-byin si li tonbé, sa régadé mèt li. Min, 1 -a kanpé, paské lé Ségnè gin pouvoua fè li kanpé.
5 Gnou moun bay tèl jou la préférans sou gnou lòt jou;
gnou lòt moun jujé tout jou sé minm. Ké yo chak gin gnou fèm konviksion nan léspri yo.
6 Moun ki obsèvé gnou jou obsèvé li pou lé Ségnè. Moun ki manjé, sé pou lé Ségnè li manjé, paské li rann BonDieu gras; é moun ki pa manjé, sé pou lé Ségnè li pa manjé, é li rann Bon-Dieu gras. ${ }^{7}$ Paské okinn nan nou pa viv pou tèt li, é okinn pa mouri pou tèt li. ${ }^{8}$ Si nou viv, nou viv pou lé Ségnè ; é si nou mouri, nou mouri pou lé Ségnè. Donk kit nou viv, kit nou mouri, nou pou lé Ségnè. " Paské sé pou sa Kris mouri, épi li viv: pou li kapab Ségnè ni mò ni vivan. ${ }^{10} \mathrm{Min}$ ouminm, pouki ou ap jujé frè ou? ou-byin, ou-minm, pouki ou ap méprizé frè ou? puiské nou tout gin pou konparèt dévan tribunal Bon-Dieu.
${ }^{11}$ Paské sa ékri:
Lé Ségnè di: Mouin vivan,
Tout jénou va fléchi dévan mouin,
E tout lang va bay BonDieu gloua.
${ }^{12}$ Donk nou chak gin pou rann Bon-Dieu kont pou tèt pa li.
13 Donk sé pa pou gnoun jujé lòt ankò; min pito nou réfléchi pou pa fè angnin ki pou fè frè ou bité ou-byin chuté. ${ }^{14}$ Paské mouin konnin é mouin gin kouayans sa a nan Jézu-Kri, pa gin angnin ki pa pu nan naturè li. Sé sèlman pou moun ki kouè gnou bagay pa pu ké bagay la pa pu. ${ }^{15}$ Si bagay ou manjé rann frè ou tris, sé pa nan
lamou ou ap maché ankò. Pa fè bagay ou manjé minnin nan pèdision gnou moun ké Kris mouri pou li. ${ }^{16}$ Ké privilèj la nou gingnin pa fè moun palé mal. ${ }^{17}$ Paské rouayom Bon-Dieu, sé pa manjé ak bouè, min sé justis, sé la pé, sé la joua ki nan Sint-Éspri. ${ }^{18}$ Moun ki sèvi Kris jan sa a fè Bon-Dieu plézi, é lèz òm rékonnèt kalité yo. ${ }^{19}$ Donk an nou chaché bagay ki util pou la pé é ki kapab sèvi pou bati karaktè nou chak. ${ }^{20} \mathrm{~Pa}$ détoui zèv Bon-Dieu pou-tèt gnou manjé. Ann-éfé tout bagay pu, min sa mal pou bagay gnou nonm manjé sèvi pou fè moun bité. ${ }^{21} \mathrm{Li}$ bon pou moun pa manjé viann, ni bouè du-vin, ni pou nan angnin ki kapab fè frè ou chuté, bité ou-byin fébli. ${ }^{22}$ La foua ké ou gingnin, konsèvé li pou ou-minm dévan Bon-Dieu. Byinn-éré moun ki pa kondané tèt li avèk bagay ké li admèt! ${ }^{23}$ É moun ki gin dout sou manjé li manjé, an-ba kondanasion, paské li pa aji dapré la foua. Tout bagay ki pa dapré la foua, sé péché.
15 Nou ki fò, nou doué supòté féblès sa ki pa fò yo, é sé pa pou nou kontanté tèt nou sèlman. ${ }^{2}$ Ké nou chak kontanté prochin nou nan bagay ki byin pou progrè la foua. ${ }^{3}$ Paské Kris pa-t kontanté tèt li, min, jan sa ékri a:

Jouman moun ki insulté ou yo, tonbé sou mouin.
${ }^{4}$ Ann-éfé, tout bagay ki té ékri davans, té ékri pou ins-
truksion nou, pou nou té kapab jouinn léspérans nan pasians épi ankourajman ké lèz-Ékritu bay.
5 Ké Bon-Dieu pasians ak ankourajman an akòdé nou pou nou gin minm santiman gnoun anvè lòt dapré JézuKri, ${ }^{6}$ pou nou tout ansanm kapab gnou sèl voua ap rann gloua pou Bon-Dieu é Papa Jézu-Kri, Ségnè nou! ${ }^{7}$ Donk ké gnoun fè lòt bon résépsion, minm jan Kris té fè nou bon résépsion, pou la gloua BonDieu.

## Lévanjil pami payin yo

8 Paské, mouin di ké Kris té sèvitè moun ki sikonsi, pou li té prouvé ké Bon-Dieu nan la vérité étan li t-ap sètifié promès papa yo té résévoua, ${ }^{9}$ tandis ké payin yo bay BonDieu gloua pou-tèt mizérikod li, jan sa ékri a:

Sé pou sa m-a fè louanj ou pami nasion yo,
E m-a chanté louanj pou non ou.
${ }^{10} \mathrm{Sa}$ di tou:
Nasion, réjoui nou avèk pèp li!
${ }^{1}$ Épi ankò:
Bay lé Ségnè louanj, nou tout nasion yo,
Sélébré li, nou tout pèp yo! 12 Ézai di tou:

Gnou drajon va sòti nan Izai,
Li va lévé pou gouvèné nasion yo;
Nasion yo va mét éspoua yo nan li!
13 Ké Bon-Dieu éspérans la plin nou ak tout joua é ak tout la pé nan la foua, pou
nou kapab gin éspérans anpil, gras-a puisans Sint-Espri!
14 Kant-a nou, frè-m yo, mouin kouè ké nou plin avèk bon dispozision, nou plin avèk tout konnésans, é nou gnoun kapab ékzòté lòt. ${ }^{15} \mathrm{Min}$ gin kèk bagay, mouin ékri nou sou yo gnou jan radi, kom si pou révéyé mémoua nou, a-kòz la gras Bon-Dieu fè mouin, ${ }^{16}$ pou mouin kapab sèvitè Jézu-Kri pami payin yo, é mouin ékzèsé travay Lévanjil Bon-Dieu a, pou payin yo kapab gnou ofrann agréab dévan li, gnou ofrann ké Sint-Éspri konsakré.
17 Donk, kant-a zafè BonDieu, mouin gin rézon louanjé tèt mouin nan Jézu-Kri. ${ }^{18}$ Paské m-pa ta ozé mansionné angnin ké Kris pa fè ak mouin pou payin yo kapab vi-n obéyi, bagay li fè ak parol épi aksion, ${ }^{18}$ ak puisans mirak épi mèvèy, ak puisans Léspri Bon-Dieu. Sa fè ké dépi Jéruzalèm ak péyi tou pré yo, jouk nan péyi Iliri, mouin répann Lévanjil Kris ann abondans. ${ }^{20}$ Mouin fè-m lonnè anonsé Lévanjil koté non Kris pa-t ko nonmé, pou mouin pa bati sou fondasion lòt moun, ${ }^{21}$ dapré sa kiékri a:

Sila yo pa-t anonsé li ba yo, va ouè li,
E sila ki pa-t tandé palé dé li, va konprann.

## Pòl gin projè vizité Ròm

22 Sé sa ki anpéché mouin anpil foua vi-n koté nou. ${ }^{23}$ Min koul-yé-a, mouin pa gin angnin ankò ki kinbé-m nan péyi sa yo, é kòm dépi
pliziè ané mouin anvi vi-n koté nou, ${ }^{24}$ mouin éspéré ouè nou an pasan, étan m-pralé ann Éspagn, é ké nou va akonpagné-m la, apré mouin fi-n satisfè in-pé nan anvi mouin gingnin pou mouin lakay nou.
25 Koul-yé-a mouin pral Jéruzalèm pou rann $\sin$ yo sèvis. ${ }^{26}$ Paské pèp Masé-doua-n ak Lakayi byin aksépté fè gnou kollè an-favè pòv ki pami sin yo nan Jéruzalèm. ${ }^{27}$ Yo byin aksépté, é yo té doué yo sa; paské si payin yo patisipé nan avantaj éspirituèl sin yo, yo doué rann sin yo sèvis nan la chè yo. ${ }^{28}$ Kou mouin fini ak afè sa a é ké mouin rémèt yo don yo, m-a pati pou Léspagn, é m-a pasé lakay nou: ${ }^{29}$ Mouin konnin ké étan m-ap vi-n koté nou, sé ak tout bénédiksion Kris ké m-ap vini.
30 Mouin ékzòté nou, frè, gras-a nòt Ségnè Jézu-Kri é gras-a lamou Léspri, pou nou konbat ansanm ak mouin, ak priè n -a adrésé Bon-Dieu anfavè mouin, ${ }^{31}$ pou-m kapab délivré an-ba inkrédul yo ki nan la Judé, é ké sin yo byin résévoua don yo m -ap pòté Jéruzalèm, ${ }^{32}$ pou-m kapab rivé lakay nou ak joua, si sé volonté Bon-Dieu, é pou-m kapab joui in-pé répo nan mitan nou. ${ }^{33}$ Ké Bon-Dieu la pé a avèk nou tout! Amèn!

[^38]dapré Kris gnou jan ki konvénab pou sin ké nou yé, é pou nou édé li nan sikonstans li va bézouin nou, paské li édé anpil moun, li édé mouin tou.
3 Salué Priska épi Akilas, ki konpagnon zèv mouin nan Jézu-Kri, ${ }^{4}$ yo ékspozé tèt yo pou sové la vi-m; sé pa mouin sèlman ki rann yo gras, sé tout légliz payin yo tou. ${ }^{5}$ Salué légliz ki lakay yo tou. - Salué Epainèt, byinn-émé mouin an, ki té prémié foui pou Kris nan péyi Lazi. ${ }^{6}$ Salué Mari, ki pran anpil lapinn pou nou. - ${ }^{7}$ Salué Adronikus ak Junias, paran mouin épi konpagnon mouin nan prizon, ki joui gran konsidérasion pami apòt yo, é ki té minm nan Kris avan mouin. - ${ }^{8}$ Salué Anplias, byinn-émé mouin nan lé Ségnè. - ${ }^{9}$ Salué Ubin, konpagnon zèv nou nan Kris, avèk Éstakis, byinn-émé mouin. - ${ }^{10}$ Salué Apélès, ki fè prèv li nan Kris. Salué moun nan kay Aristobul yo. - ${ }^{11}$ Salué Érodion, paran mouin. Salué moun lakay Nasis yo ki nan lé Ségnè.
${ }^{12}$ Salué Trifèn ak Trifòz, k-ap travay pou lé Ségnè. Salué sè Pèsid, byinn-émé a, ki té travay anpil pou lé Ségnè. ${ }^{13}$ Salué Rufus, sila ké lé Ségnè té chouazi a, avèk manman li, ki manman-m tou. - ${ }^{14}$ Salué Asinkrit, Flégon, Èrmès, Patrobas, Ermas, épi frè yo ki avèk yo. - ${ }^{15}$ Salué Filolog ak Juli, Néri ak sè li, épi Olinp, ak tout sin yo ki avèk yo. ${ }^{16}$ Sé pou gnoun salué lòt ak gnou bo ki sin.

Tout légliz Kris yo salué nou. 17 Mouin ékzòté nou, frè, pou véyé kò nou avèk moun ki mété divizion épi movèz ékzanp, ki kont anségnmaii an ké nou résévoua. Ralé kò nou koté yo. ${ }^{18}$ Paské moun kon sa p-ap sèvi Kris Ségnè nou, min y-ap sèvi pròp vant yo; é yo sédui kè moun ki sinp, avèk parol ki dous é ki flaté. ${ }^{19}$ Kant-a nou, tout moun konnin obéisans nou; donk mouin réjoui pou-tèt nou, é mouin déziré ké nou kapab saj nan bagay ki byin épi san fòt nan bagay ki mal. ${ }^{20}$ Bon-Dieu la pé a va krazé Satan an-ba pié nou avan lontan! Ké la gras nòt Ségnè Jézu-Kri avèk nou!
21 Timoté, konpagnon zèv mouin, salué nou ak Lusius, Jazon, épi Sosipatè, paran
mouin yo. ${ }^{22}$ Mouin Tètius, sèkrétè ki ékri lèt sa a, salué nou nan lé Ségnè. ${ }^{23}$ Gayus, ki résévoua-m lakay li avèk tout légliz, salué nou. Eras ki trézòrié la vil la salué nou, frè Kartus tou.
24 Ké la gras Jézu-Kri Ségnè nou avèk nou tout! Amèn!
25 Ké sila ki kapab rafèmi nou dapré Lévanjil mouin an é dapré anségnman ki préché sou Jézu-Kri, dako avèk bagay ki dévoualé sou mistè ki té kaché pandan konbyin sièk, ${ }^{26}$ min ki parèt koul-yé-a gras-a liv profèt yo té ékri, dapré lòd Bon-Dieu étènèl la, é ki rivé nan konnésans tout nasion yo, pou yo kapab obéyi la foua, - ${ }^{27}$ Bon-Dieu sèl saj la, ké li gin la gloua pou tout tan, gras-a Jézu-Kri! Amèn!


Gnou sèkrétè k-ap ékri gnou lèt

# Prémié lèt Pòl ékri KORINTYIN YO 

## Salutasion

1Pòl, ki gin apèl pou sèvi kóm apòt Jézu-Kri, gras-a lonté Bon-Dieu, ansanm avèk frè Sostèn, ${ }^{2}$ ékri légliz Bon-Dieu a ki nan Korint, moun yo ki vini sin nan Jézu-Kri, ki gin apèl pou yo $\sin$, é tout moun nan ninpòt koté ki invoké non nòt Ségnè Jézu-Kri, Ségnè yo ak Ségnè nou: ${ }^{3}$ Ké nou résévoua la gras avèk la pé ki sòti nan Bon-Dieu Papa nou é nan Ségnè Jézu-Kri!

## Rémèsiman pou don éspirituèl yo résépoua

4 Mouin rémèsi Bon-Dieu mouin tout tan pou-tèt nou, pou la gras Bon-Dieu ké nou résévoua nan Jézu-Kri. ${ }^{5}$ Paské nan li nou konblé avèk tout richès ki konsènin paròl la épi konnésans, ${ }^{6}$ paské témouagnaj Kris établi gnou jan si solid pami nou, ${ }^{7}$ ké nou pa manké okinn don, étann n-ap tann Ségnè nou Jézu-Kri manifésté. ${ }^{8} \mathrm{Li}$ va rafèmi nou tou juska la fin, pou nou kapab san répròch nan jou Jézu-Kri Ségnè nou. ${ }^{9}$ Bon-Dieu fidèl, li-minm ki rélé nou nan konmunion Pitit li, Jézu-Kri Ségnè nou.

## Èské Kris divizé?

10 Mouin ékzòté nou, frè, o-non Jézu-Kri Ségnè nou,
pou nou dakò nan palé nou, é pou pa gin divizion pami nou, min pou nou uni tout jan tout maniè, nan gnou minm léspri é nan gnou minm santiman. ${ }^{11}$ Paské, frè mouin yo, mouin aprann sou nou nan min moun Kloé yo ké gin diskusion pami nou. ${ }^{12}$ Mouin vlé di ké chak nan nou di konsa: Mouin, m-sé moun Pòl! - É mouin, m-sé moun Apolòs! - É mouin, m-sé moun Séfas! - E mouin, m-sé moun Kris! ${ }^{13}$ Eské Kris divizé? Ėské Pòl té klouré sou la koua pou nou, ou-byin èské sé o-non Pòl nou té résévoua batèm? ${ }^{14}$ Mouin rémèsi Bon-Dieu ké mouin pa-t batizé okinn nan nou, sòf Krispus ak Gayus, ${ }^{15}$ pou pèsonn pa di ké nou résévoua batèm o-non mouin. ${ }^{16}$ Mouin té batizé la fami Éstéfanas; apré sa, mouin pa konnin m-batizé pèsonn ankò.

Kris sé puisans ak sajès Bon-Dieu
17 Sé pa pou batizé ké Kris voyé-m, sé pou anonsé Lévanjil, é pou-m fè sa san sajès nan bouch, pou pa rann koua Kris la inutil. ${ }^{18}$ Paské prédikasion la koua sé gnou foli pou moun k-ap péri; min pou nou ki sové sé puisans BonDieu a. ${ }^{19}$ Paské sa ékri:

Mouin va détoui sajès moun saj yo,

É mouin va anéanti intélijans moun intélijan yo.
${ }^{20}$ Koté saj la? Koté éskrib la? Koté diskutè sièk sa a ? Èské Bon-Dieu pa fè sajès lé monn tounin foli? ${ }^{21}$ Puiské lè monn avèk tout sajès li pa-t konnin Bon-Dieu dapré sajès Bon-Dieu, sa fè Bon-Dieu plézi pou sové moun yo ki kouè, pa mouayin foli prédikasion an. ${ }^{22}$ Jouif yo ap mandé mirak, é Grèk yo ap chaché la sajès: ${ }^{23}$ kant-a nou, nou prèché Kris ki klouré sou la koua; pou Jouif yo sé gnou bagay ki révoltan, pou payin yo sé gnou foli, ${ }^{24} \mathrm{~min}$ sé puisans Bon-Dieu avèk sajès Bon-Dieu pou moun yo ki gin apèl, ni Jouif ni Grèk. ${ }^{25}$ Paské foli Bon-Dieu pi saj pasé lèz òm, é féblès BonDieu pi fó pasé lèz òm.
26 Konsidéré, frè, ké pami nou ki résévoua apèl, pa gingnin ni anpil ki saj dapré la chè, ni anpil ki gin pouvoua, ni anpil ki moun grant fanmi. ${ }^{27}$ Min Bon-Dieu chouazi bagay ki fou nan lé monn pou konfonn saj yo; Bon-Dieu chouazi bagay ki fèb nan lé monn pou konfonn bagay ki fò yo; ${ }^{28}$ e Bon-Dieu chouazi bagay ki pi ba nan lé monn avèk bagay yo méprizé, bagay ki pa ékzisté, pou anéanti bagay ki ékzisté, ${ }^{24}$ pou okinn chè pa louanjé tèt li dévan Bon-Dieu. ${ }^{30}$ Paské sé gras-a li nou nan Jézu-Kri; é gras-a Bon-Dieu é pou-tèt nou Jézu Kri vini sajès é justis; pou-tèt nou li sin, li péyé pri pou rachté nou; ${ }^{31}$ pou, jan sa ékri a:

Ké moun k -ap louanjé tèt li, louanjél nan lé Ségnè.
N-ap anonsé Kris klouré sou la koua 2 Kant-a mouin, frè, lè mouin té alé lakay nou, sé pa-t avèk ni gnou langaj ni gnou sajès supériè ké mouin té alé anonsé nou témouagnaj Bon-Dieu. ${ }^{2}$ Paské mouin té fè lidé ké mouin pa ta doué konnin pami nou lòt bagay pasé Jézu-Kri, é Jézu-Kri klouré sou la koua. ${ }^{3}$ Mouin té pami nou tou fèb, avèk krintif, m-té tranblé anpil; ${ }^{4}$ paròl mouin avèk prédikasion mouin pa-t gin fondasion yo nan paròl sajès pou chaché pran tèt moun, min sé té nan gnou démonstrasion Léspri avèk puisans, ${ }^{5}$ pou la foua nou pa ta gin fondasion nan sajès lèz òm, min nan puisans Bon-Dieu.

## Révélasion Léspri Bon-Dieu

6 Malgré sa, sé gnou sajès ké n-ap préché pami moun ki gin bon konprann, gnou sajès ki pa sòti nan siè sa a, ni nan chèf sièk sa a, ki pral anéanti; ${ }^{7} \mathrm{n}$-ap préché sajès Bon-Dieu, ki gnou mistè é ki kaché; Bon-Dieu, avan sièk yo, té paré li pou gloua nou, ${ }^{8}$ sajès ké okinn nan chèf sièk sa a pa konnin, paské sí yo té konnin-l, yo pa ta klouré Ségnè la gloua a sou la koua. ${ }^{9}$ Min, jan sa ékri a, sé dé bagay ké jé pa-t ouè, ké zòrèy pa-t tandé, é ki pa-t monté nan kè lòm, bagay ké BonDieu té paré pou moun ki rin$\min$ li. ${ }^{10}$ Bon-Dieu dévoualé nou bagay sa yo pa mouayin

Léspri. Paské Léspri sondé tout bagay, minm profondè Bon-Dieu. ${ }^{11}$ Ann-éfè, ki lès nan lèz òm ki konnin zafè lòm sòf léspri lòm ki nan li? Konsa tou, pèsonn pa konnin zafè Bon-Dieu sòf Léspri BonDieu.
12 Ébyin nou-minm, nou pa résévoua léspri lé monn, min Léspri ki sòti nan BonDieu, pou nou kapab konnin bagay ké Bon-Diéu ba nou nan la gras li. ${ }^{13}$ É nou palé sa, sé pa avèk paròl sajès lòm anségné, min avèk paròl Léspri anségné, nou sèvi avèk mouayin éspirituèl pou konmuniké bagay éspirituèl. ${ }^{14}$ Min lòm naturèl pa résévoua bagay Léspri Bon-Dieu; pou li yo sé foli, é li pa kapab konnin yo, paské sé dapré Léspri pou ékzaminé yo. ${ }^{15}$ O-kontrè, lòm ké Léspri kondui, li ékzaminé tout bagay, é li-minm pèsonn pa jujé li. ${ }^{16}$ Paské

Ki lès ki konnin lidé lé Ségnè,
Pou bay lé Ségnè léson? É-byin nou-minm, nou gin lidé Kris.

## Ouvrié ansanm avèk Bon-Dieu

3Pou mouin, frè, sé pa tankou avèk moun ké Léspri kondui ké mouin té kapab palé avèk nou, min tankou avèk moun ké la chè kondui, tankou ti bébé nan Kris. ${ }^{2}$ Mouin té ba nou lèt, mouin pa-t ba nou manjé ki solid, paské nou pa-t kapab supòté li; é nou pa minm kapab koul-yé-a, paské sé toujou la chè k -ap kondui nou. ${ }^{3}$ Puis-
ké pami nou gin jalouzi avèk diskusion, èské sé pa la chè ki kondui nou? Eské nou pa maché dapré lòm? ${ }^{4}$ Lè gnoun di: Mouin, m-sé moun Pòl! épi gnou lòt: Mouin, m-sé moun Apolòs! èské sé pa lèz òm nou yé? ${ }^{5}$ Sa Apolòs yé minm, é sa Pòl yé? Yo sé sèvitè ki sèvi pou nou té kapab kouè, dapré jan lé Ségnè té akòdé yo chak. ${ }^{6}$ Mouin planté, Apolòs rouzé, min Bon-Dieu fè grandi. ${ }^{7}$ Sa fè ké sé pa moun ki planté a ki kichoy, ni moun ki rouzé a , min sé Bon-Dieu ki fè grandi a. ${ }^{8}$ Moun ki planté a avèk moun ki rouzé a égal, é chak va résévoua pròp rékonpans li dapré pròp travay li. ${ }^{9}$ Paské nou sé ouvrié ansanm avèk BonDieu. Nouz òt sé jadin BonDieu, nou sé batisman BonDieu ap fè.
10 Dapré la gras Bon-Dieu ban mouin, mouin pozé fondasion an tankou gnou bosinjéniè ki saj, é gnou lòt bati sou li. Min sé pou chak moun véyé kò yo nan jan y-ap bati sou fondasion sa a. ${ }^{11}$ Paské pèsonn pa kapab pozé gnou lòt fondasion pasé sa ki té pozé a, ki vlé di JézuKri. ${ }^{12} \mathrm{Si}$ gnou moun bati sou fondasion sa a avèk lò, lajan, piè bijou, boua, zèb sèch, pay kay, zèv yo chak va parèt; ${ }^{13}$ jou klè va fè konnin sa li yé, paské nan di-fé li va dévoualé tèt li, di-fé va bay prèv sa zèv chak moun yé. ${ }^{14}$ Si zèv gnou moun bati sou fondasion an kinbé, li va résévoua gnou rékonpans. ${ }^{15} \mathrm{Si}$
zèv gnou moun konsonmin, li va pèdu rékonpans li; moun nan minm va sové, min tankou an-ba di-fé.
16 Eské nou pa konnin ké nou sé tanp Bon-Dieu, é ké Léspri Bon-Dieu abité nan nou? ${ }^{17}$ Si gnou moun détoui tanp Bon-Dieu a, Bon-Dieu va détoui li tou; paské tanp Bon-Dieu a sin, é nou sé tanp la.
18 Pi-nga pèsonn tronpé tèt li; si gnou moun pami nou fè lidé ké li saj dapré sièk sa a, ké li vi-n fou, pou li kapab vi-n saj. ${ }^{19}$ Paské sajès monn sa a sé gnou foli dévan BonDieu. Paské sa ékri:

Li kinbé saj yo nan pròp ruz yo.
${ }^{20}$ Ou-byin:
Lé Ségnè konnin lidé saj yo,
Li konnin ké yo san bon sans.
21 Donk, pi-nga pèsonn mété gloua li nan lèz òm; paské tout sé pou nou, ${ }^{22}$ ni Pòl, ni Apolòs, ni Séfas, ni lé monn, ni la vi, ni la mò, ni bagay ki la koul-yé-a, ni bagay ki gin pou vini. ${ }^{23}$ Tout pou nou, é nou pou Kris, é Kris pou Bon-Dieu.

## Travay apòt yo

4Donk, sé pou yo konsidéré nou tankou sèvitè Kris, kòm moun ki jéran mistè Bon-Dieu. ${ }^{2}$ Dayè, sa yo mandé jéran yo, sé pou yo jouinn yo chak fidèl. ${ }^{3}$ Kant-a mouin, sa pa fè-m angnin ké nou ou-byin okinn tribunal lèz òm jujé mouin. Mouin pa jujé tèt mouin non plus,
paské m-pa santi mouin koupab nan angnin; ${ }^{4}$ min sé pa pou sa ké mouin résévoua justis. Sila ki jujé-m, sé lé Ségnè. ${ }^{5}$ Sé pou sa, pa jujé angnin avan lè, jouk tan lé Ségnè vini; li va mété nan lumiè bagay ki kaché nan ténèb, é li va mété kalkul ki nan kè yo dèyò. Lè sa a chak moun va résévoua nan min Bon-Dieu louanj ké li doué résévoua.
6 Sé pou-tèt nou, frè, mouin pran ékzanp sa yo sou mouinminm avèk sou Apolòs, pou nou aprann nan min nou pou pa dépasé sa ki ékri, é pou pèsonn pa fè lidé ógèy an favè gnoun kont lòt. ${ }^{7}$ Paské sa-k fè ou pa tankou gnou lòt? Ki sa ou gingnin ké ou pa résévoua? Si sé résévoua ou résévoua li, pouki au ap louanjé tèt ou, kòm si sé pa résévoua ou résévoua li?
8 Déja nou fi-n rasazié, déja nou fi-n rich, nou kòmansé gouvènin san nou. Pito nou té gouvènin tout bon, pou nou-minm tou té kapab gouvènin avèk nouz òt! ${ }^{9}$ Paské pou mouin, an-diré Bon-Dieu fè nou, ki apòt, dènié pami lèz òm, tankou moun ki kondané a-mò, dapré jan nou té kòm éspéktak dévan lé monn, dévan zanj yo ak dévan lèz òm. ${ }^{10}$ Nou apòt, nou fou pou-tèt Kris, tandis ké nouz òt saj nan Kris; nou fèb, tandis ké nou Korintyin nou fò. Nou résévoua lonnè, é nouminm apòt an-ba mépri! ${ }^{11}$ Jouk koul-yé-a nou soufri grangou, nou souaf, nou tounu ; yo trété nou mal, n-ap
maché pasi-pala; ${ }^{12}$ nou fafigé tank nou travay avèk min nou; yo jouré nou, nou bay bénédiksion; yo pèsékuté nou, nou supòté; yo ba nou mové réputasion, nou di du byin; ${ }^{13}$ nou tounin tankou fatra lé monn, nou sé réstan la sosiété, jouk koul-yé-a.
14 Sé pa pou fè nou ront ké mouin ékri bagay sa yo; min mouin avèti nou tankou pitit byinn-émé mouin. ${ }^{15}$ Paské minm si nou ta gin di-mil profésè nan Kris, nou pa gin pliziè papa: puiské sé mouin ki fè nou fèt nan Kris gras-a Lévanjil. ${ }^{16}$ Donk mouin suplié nou, suiv ékzanp mouin. ${ }^{17}$ Sé pou sa mouin voyé ba nou Timoté, ki pitit byinn-émé mouin é ki fidèl nan lé Ségnè; li va fè nou sonjé ki jan rout mouin yé nan Kris, ak ki jan mouin bay anségnman tou patou nan tout légliz yo.
18 Gingnin kèk moun ki gin tan gonflé avèk ògèy, kòm si mouin p-ap vini lakay nou. ${ }^{19}$ Min m-ap vini lakay nou avan lontan si sé volonté lé Ségnè, é mouin va konnin, pa paròl yo non, min puisans moun ki gonflé yo. ${ }^{20}$ Paské rouayom Bon-Dieu a sé pa paròl li yé, min sé puisans. ${ }^{21} \mathrm{Ki}$ sa nou vlé? Ké mouin vini lakay nou avèk gnou fouèt, ou-byin avèk amou épi nan gnou léspri dousè?

## Jujman kont sa ki san moral

5 Sé bagay kouran pou tandé moun di ké gin dézòd la chè pami nou, gnou dézòd la chè ki si rèd ké yo
pa jouinn sa minm lakay payin yo; o-pouin ké gnoun nan nou ap viv avèk madanm papa li. ${ }^{2}$ É malgré sa nou gonflé avèk ògèy, o-lié nou nan chagrin, pou moun ki konmèt aksion sa a té kapab sòti pami nou! ${ }^{3}$ Kant-a mouin, ki absan nan kò a, min ki prézan nan léspri, mouin fi-n jujé moun ki konmèt kalité aksion sa a, kòm si mouin té prézan. ${ }^{4}$ O-non Ségnè Jézu, dapré ké nouminm ak léspri mouin nou uni ansanm avèk puisans Jézu Ségnè nou, ${ }^{5}$ ké gnou nonm kon sa livré nan min Satan pou chè a kapab détoui, épi pou léspri a kapab sové nan jou Ségnè Jézu a.
6 Nou gin tò louanjé tèt nou. Eské nou pa konnin ké gnou ti gout lédvin fè tout pat la monté? ${ }^{7}$ Fè vié lédvin an disparèt, pou nou kapab gnou pat tou fré, puiské nou san lédvin, dapré ké Kris, ki la Pak nou, té sakrifié. ${ }^{8}$ Donk, an nou fété fèt la, pa avèk vié lédvin non, ni avèk lédvin ruz ou-byin méchansté, min avèk pin san lédvin, pin la pròpté ak pin la vérité.
9 Mouin té ékri nou nan lèt mouin an pou nou pa mélé avèk moun ki gin konduit pa-pròp, ${ }^{10}$ sa pa vlé di avèk tout kalité moun ki gin konduit pa-pròp nan monn sa a, ou-byin avèk moun ki nan fròd, ki rapas, ou-byin moun ki sèvi zidòl; sinon, fòk nou ta sòti nan lé monn. "É-byin, min sa mouin té ékri nou, sé pa pou nou mélé avèk gnou
moun k-ap pòté non frè, é ki nan konduit pa-pròp, ou-byin ki nan fròd, ou-byin ki nan zidòl, ou-byin ki nan jouré, ou-byin ki tafiatè, ou-byin ki rapas; gnou moun kon sa, sé pa pou nou minm manjé avèk li. ${ }^{12}$ Eské sé zafè mouin, pou jujé moun déyò? Ėské sé pa moun ki ann-dan nou gin pou jujé? ${ }^{13}$ Kant-a moun ki déyò yo, Bon-Dieu jujé yo. Ouété méchan an nan mitan nou.

Prosé dévan moun ki pa nan la foua 6 Lè gnoun nan nou ann(afè avèk gnou lòt, èské li ozé plédé dévan moun yo ki nan injustis, é pa dévan sin yo? ${ }^{2}$ Eské nou pa konnin ké sin yo va jujé lé monn? Si sé nou ki jujé lé monn, èské nou pa dign pou rann jujman ki pi piti pasé sa? ${ }^{3}$ Eské nou pa konnin ké nou va jujé zanj yo? Sé pa mandé si nou kapab jujé bagay la vi sa a! ${ }^{4}$ E lè nou ann-afè ant nouminm pou bagay la vi sa a, sé moun légliz pa fè ka yo ké nou pran pou juj. Mouin di sa pou fè nou ront. ${ }^{5}$ Konsa pa gin gnou sè moun saj pami nou ki kapab jujé koz frè yo gin ansanm. ${ }^{6}$ Min frè plédé kont frè, épi ankò dévan moun ki pa nan la foua! ${ }^{7}$ Dayè, sé déja gnou défo lakay nou pou gnoun ap gin prosé avèk lòt. Pouki nou pa subi injustis pito? Pouki nou pa pito pèmèt yo volè zafè nou? ${ }^{8}$ Min sé nou k-ap konmèt injustis épi k-ap vollè, é sé avèk frè nou ké n-ap aji konsa! ${ }^{9}$ Eské non pa konnin ké moun ki nan
injustis p-ap éritié rouayom Bon-Dieu?
Pa tronpé tèt nou; ni moun k-ap viv nan dézòd la chè, ni moun k-ap sèvi zidòl, ni moun ki nan adultè, ni gasonfanm, ni moun $k$-ap minnin movèz vi, ${ }^{10}$ ni vòlè, ni moun ki nan fròd, ni tafiatè, ni moun ki nan jouré, ni moun ki rapas, p-ap éritié rouayom Bon-Dieu. ${ }^{11}$ Sé sa nou té yé, kèk pami nou. Min nou té lavé, min nou té vi-n sin, min nou té résévoua justis o-non Ségnè Jézu-Kri, é gras-a Léspri Bon-Dieu nou.

## Bay Bon-Dieu gloua nan kò ou

12 Mouin gin pèmision fè tout bagay, min tout bagay pa util; mouin gin pèmision fè tout bagay, min mouin p-ap kité angnin fè mouin tounin ésklav. ${ }^{13}$ Manjé fèt pou vant, é vant fèt pou manjé; Bon-Dieu va détoui ni gnoun ni lòt. Min kò moun pa pou dézòd la chè. Li pou lé Ségnè, é lé Ségnè pou kò moun. ${ }^{14}$ Bon-Dieu ki té lévé lé Ségnè nan la mò, va lévé nou nan la mò tou avèk puisans li. ${ }^{15}$ Èské nou pa konnin ké kò nou sé manm Kris ? Donk, èské mouin va pran manm Kris, pou fè yo tounin manm gnou fi ki nan dézòd la chè ? Du tou! ${ }^{16}$ Eské nou pa konnin ké moun ki ataché li avèk gnou fi ki nan dézòd la chè, fè gnou sèl kò avèk li? Paské Parol la di: Yo dé va tounin gnou sèl chè. ${ }^{17}$ Min moun ki ataché li avèk lé Ségnè fè gnou sèl léspri avèk li.
${ }^{18}$ Kouri pou dézòd la chè. Ninpòt ki lòt péché gnou nonm konmèt, sé péché ki pa nan kò li; min moun ki livré tèt li nan dézòd la chè, li fè péché kont pròp kò li. ${ }^{19}$ Eské nou pa konnin ké kò nou sé tanp Sint-Éspri ki nan nou é ké nou résévoua nan min Bon-Dieu? Eské nou pa konnin ké nou pa mèt tèt nou? ${ }^{20}$ Paské sé pou gnou gro pfí nou té rachté. Donk, bay Bon-Dieu gloua nan pròp kò nou ak nan léspri nou, ki pou Bon-Dieu.

## Afè dé mariaj

7Kant-a bagay nou ékri-m yo, mouin kouè ké sé bon pou gnou nonm pa touché gnou fanm. ${ }^{2}$ Min, pou évité dézòd la chè, ké chak òm gin madanm li, é ké chak fanm gin mari li. ${ }^{3}$ Ké gnou mari rann madanm li tout obligasion li doué li, é ké gnou madanm aji minm jan anvè mari li. ${ }^{4}$ Gnou madanm pa gin otorité sou pròp kò li, min sé mari li; é minm jan tou gnou mari pa gin otorité sou pròp kò li, min sé madanm li. ${ }^{5}$ Sé pa pou gnoun réfuzé viv avèk lòt, sòf si nou dakò ansanm pou sa pou gnou tan, pou nou fè gnou rétrèt nan la priè; apré sa, tounin ansanm pou Satan pa tanté nou dapré jan nou pa abitué rété gnoun san lòt. ${ }^{6}$ Mouin di sa kòm si sé gnou pèmision, sé pa gnou lòd mouin bay. ${ }^{7}$ M-ta rinmin pou tout moun tankou mouin; min chak moun résévoua don pa li nan min Bon-Dieu,
gnoun nan gnou fason, lòt nan gnou lòt fason.
8 Moun yo li pa marié, épi vèv yo, mouin di yo ké sé bon pou yo rété tankou mouin. ${ }^{9}$ Min si yo pa kapab mintni tèt yo, ké yo marié; paské pito gnou moun marié pasé li boulé.
10 Moun yo ki marié, mouin ba yo lòd, - sé pa mouin, sé lé Ségnè, - pou gnou da-m pa séparé avèk mari li; ${ }^{11}$ si li séparé, sé pou li rété san mari, ou-byin ké li rékonsilié avèk mari li; é sé pa pou gnou mari mété madanm li déyò.
12 Lèz òt yo, sé pa lé Ségnè ki di yo, sé mouin ki di yo: Si gnou frè gin gnou madanm ki pa nan la foua, é ki konsanti abité avèk li, sé pa pou li séparé avèk li; ${ }^{13}$ si gnou da-m gin gnou mari ki pa nan la foua, é ki konsanti abité avèk li, sé pa pou li séparé avèk mari li. ${ }^{14}$ Paské madanm gnou mari ki pa nan la foua rann mari li sin, é gnou da-m ki pa nan la foua, frè a rann li sin; si sé pa-t konsa, pitit nou ta ti moun sal, tandis ké koul-yé-a yo sin. ${ }^{15}$ Si pati ki pa nan la foua ap séparé, ké li séparé; frè a ou-byin sè a pa gin angajman nan ka kon sa. Bon-Dieu rélé nou pou nou viv an pè. ${ }^{16}$ Paské, èské ou konnin, madanm, si ou va sové mari ou? Ou-byin èské ou konnin, mari, si ou va sové madanm ou?
17 Sèlman, sé pou chak moun maché dapré kondision lé Ségnè ba li, dapré apèl li
résévoua nan min Bon-Dieu. Sé lòd sa a mouin bay nan tout légliz yo. ${ }^{18} \mathrm{Si}$ gnou moun résévoua apèl lè li té fi-n sikonsi, sé pou li rété sikonsi; si gnou moun résévoua apèl, é li pa ko sikonsi, sé pa pou li fè yo sikonsi li. ${ }^{19}$ Sikonsi pa angnin, pasikonsi pa angnin, min sé suiv kòmandman Bon-Dieu ki tout. ${ }^{20}$ Sé pou chak moun rété nan kondision li té yé lè li té résévoua apèl. ${ }^{21}$ Eské ou té ésklav lè ou té résévoua apèl, pa chajé tèt ou pou sa; $\min$ si ou kapab jouinn libèté ou, pito ou profité sa. ${ }^{22}$ Paské gnou ésklav ki té résévoua apèl nan lé Ségnè, sé gnou afranchi lé Ségnè; minm jan tou, gnou nonm lib ki té résévoua apèl, sé gnou ésklav Kris. ${ }^{23}$ Sé pou gnou gro pri nou té rachté; pa tounin ésklav lèz òm. ${ }^{24}$ Frè, sé pou chak moun rété dévan BonDieu nan kondision li té yé lè li té résévoua apèl.
25 Kant-a vièj yo, mouin pa gin lòd nan min lé Ségnè; min m-ap bay gnou konsèy, kòm mouin résévoua mizérikod nan min lé Ségnè pou mouin fidèl.
26 Min sa mouin kouè ki bon, a-kòz tan difisil ki dèyè: sé bon pou gnou nonm rété jan li yé a. ${ }^{27} \mathrm{Si}$ ou gin tan gin madanm sou kont ou, pa chaché ouété li sou kont ou; si ou pa ko gin madanm sou kont ou, pa chaché madanm. ${ }^{28} \mathrm{Si}$ ou té marié, ou pa fè péché; é si gnou jinn fi marié, li pa fè péché; min moun sa yo va gin soufrans nan chè
yo, é mouin ta vlé évité nou sa.
29 Min sa mouin di, frè, sè ké $\tan$ an kout; dépi koul-yé-a, sé pou moun ki gin madanm tankou si yo pa-t gingnin, ${ }^{30}$ sé pou moun k-ap krié tankou si yo pa t-ap krié, moun k-ap réjoui yo kom si yo pa t-ap réjoui, moun k-ap achté kòm si yo pa gingnin, ${ }^{31}$ é moun ki sèvi avèk zafè lé monn fè sa avèk mézi, paské aparans monn sa a ap pasé. ${ }^{32}$ É-byin mouin ta vlé nou pa gin tèt chajé. Moun ki pa marié okupé afè lé Ségnè, li dèyè ki jan pou fè lé Ségnè plézi; ${ }^{33}$ é gnou nonm ki marié okupé afè lé monn, li dèyè ki jan pou fè madanm li plézi. ${ }^{34}$ Konsa Qut, gin gnou diférans ant gnotu da-m avèk gnou jinn fi: sa ki pa marié a okupé afè lé Ségnè, pou li kapab sin ni nan kò ni nan léspri; é sa ki marié a okupé afè lé monn, li dèyè ki jan pou fè mari li plézi.
35 Mouin di sa nan intérè nou; sé pa pou minnin nou nan pièj, sé pou minnin nou nan bagay ki konvénab é ki kapab ataché nou avèk lé Ségnè san distraksion.
36 Si gnou moun konsidéré ké sé gnou dézonnè pou pitit fi li dépasé laj mariaj, é ké sé nésésè pou marié li, sé pou li fè jan li vlé, li pa fè péché; kité mariaj la fèt. ${ }^{37}$ Min sila ki pran gnou fèm désizion, san yo pa fosé li, min ki aji avèk pròp volonté li, é ki désidé nan kè li pou li kinbé pitit li jinn fi, moun sa a fè byin. ${ }^{38}$ Donk, moun ki marié pitit fili fè byin, é moun ki
pa marié pitit fi li fè pi byin ankò.
39 Gnou fanm gin angajman tout tan mari li vivan; min si mari a mouri, li lib pou marié avèk moun li vlé; sèlman, ké mariaj la fèt dapré lé Ségnè. ${ }^{40}$ Poutan li va gin plus bonnè si li rété jan li yé a, dapré konsèy mouin. Paské mouinminm tou, mouin kouè ké mouin gin Léspri Bon-Dieu.

## Manjé nan sèvis zidòl

8 Kant-a viann ki sakrifié pou zidol yo, nou tout nou konnin nou gin konnésans. Konnésans fè moun gonfié, min lamou bati karaktè moun. ${ }^{2} \mathrm{Si}$ gnou moun kouè li konn kichoy, li pa ko konnin jan moun doué konnin. ${ }^{3}$ Min si gnou moun rinmin Bon-Dieu, Bon-Dieu konnin moun sa a. ${ }^{4}$ Donk, kant-a zafè dé manjé viann ki sakrifié pou zidòl yo, nou konnin ké nan pouin zidòl nan lé monn, é ké sé gnou sèl Bon-Dieu ki gingnin. ${ }^{5}$ Paské, si gingnin kréyatu ki pòté non dieu, kit nan sièl, kit sou la tè, kòm si gin pliziè dieu toutbon ak pliziè ségnè, ${ }^{6}$ malgré sa, pou nou-minm, sé gnou sèl Bon-Dieu ki gingnin, Papa a, tout bagay sòti nan min li é nou pou li; é gnou sè Ségnè Jézu-Kri ki gingnin, sé gras-a li tout bagay la, é sé gras-a li nou la.

- 7 Min sé pa tout moun ki gin konnésans sa a. Gin kèk moun, dapré jan yo toujou ap konsidéré zidòl, yo manjé viann sa yo tankou viann ki sakrifié pou zidòl, é konsians
yo, ki fèb, pèdu kalité li. ${ }^{8}$ Sé pa gnou manjé ki proché nou koté Bon-Dieu: si nou manjé ladann, nou pa jouinn angnin an plus; si nou pa manjé ladann, nou pa pèdu angnin. ${ }^{9}$ Min véyé kò nou, pou libèté ké nou pran pa tounin gnou okazion pou fè moun ki fèb buté. ${ }^{10}$ Paské, si gnou moun ouè ou-minm ki gin konnésans chita a-tab nan tanp zidòl, èské konsians li ki fèb p-ap pòté li manjé viann ki sakrifié pou zidòl? ${ }^{11}$ É sé konsa moun nan ki fèb va péri a-kòz konnésans ou gingnin, gnou frè ké Kris mouri pou li! ${ }^{12}$ Lè ou fè péché kon sa kont frè yo, lè ou blésé konsians yo ki fèb, ou fè péché kont Kris. ${ }^{13}$ Sé pou-tèt sa, si gnou manjé ap fè frè mouin buté, mouin p-ap janm manjé viann, pou-m pa fè frè mouin buté.


## Doua apòt yo

0 Èské mouin pa lib? Eské mouin pa apòt? Eské mouin pa-t ouè Jézu Ségnè nou? Eské sé pa zèv mouin nou yé nan lé Ségnè? ${ }^{2} \mathrm{Si}$ mouin pa apòt pou lòt moun, o-mouins m-sé apòt pou nou; paské nou sé so travay mouin kòm apòt nan lé Ségnè. ${ }^{3}$ Sé sa ki défans mouin kont moun yo k-ap akuzé-m. ${ }^{4}$ Ėské nou pa gin doua manjé ak bouè? ${ }^{5}$ Eské nou pa gin doua minnin tou-patou avè nou gnou sè ki ta madanm nou, minm jan tankou lèz òt apòt yo, ak frè lé Ségnè yo, épi Séfas fè? ${ }^{6}$ Ou-byin, èské sé mouin sèl avèk Banabas
ki pa gin doua rété san travay? ${ }^{7} \mathrm{Ki}$ moun ki janm fè sèvis militè é sé li-minm ki pou rasionné tèt li? Ki moun ki planté gnou jadin rézin, é ki pa manjé foui li? Ki moun ki gadé gnou troupo bèt, é ki pa nouri tèt li avèk lèt troupo a? ${ }^{8}$ Bagay sa yo ké mouin di, èské sé koutum lèz òm sèlman? Eské la loua pa déklaré yo tou? ${ }^{9}$ Paské sa ékri nan la loua Moiz: Sé pa pou ou maré bouch bèf la séré, lè l-ap maché pou dégrinnin zépi. Eské sé la pinn bèf ké Bon-Dieu ap pranka? ${ }^{10}$ Eské sé pa sètin ké li palé a-kòz nou? Oui, sé pou-tèt nou sa ékri, ké moun k-ap rabouré doué rabouré avèk éspoua, é moun k-ap dégrinnin zépi doué dégrinnin avèk éspoua ké li va gin ladann. ${ }^{11}$ Si nou simin byin éspirituèl pami nou, èské sa sé gnou gran zafè si nou rékòlté nan byin pa nou ki sèvi pou la chè? ${ }^{12} \mathrm{Si}$ lòt moun gin doua sa a sou nou, èské sé pa nouminm pito ki té pou gin doua sa a? Min nou pa sèvi avèk doua sa a; o-kontrè, nou soufri tout bagay, pou nou pa mété kontrariété pou Lévanjil Kris la.
13 Eské nou pa konnin ké moun yo ki ékzèsé ròl ki sakré, sé tanp la ki nouri yo, é ké moun ki sèvi lotèl la, yo gin gnou pòsion nan pa lotè la? ${ }^{14}$ Sé konsa tou, lé Ségnè kòmandé moun k-ap anonsé Lévanjil la pou yo viv sou Lévanjil la.
15 Kant-a mouin, mouin pa sèvi avèk okinn doua sa yo, é
sé pa pou réklamé yo an favè mouin-minm ké mouin ékri konsa; paské mouin ta pito mouri pasé-m kité yo ouété louanj sa a nan min mouin. ${ }^{16}$ Sé pa gnou louanj pou mouin si m-ap anonsé Lévanjil, paské sé gnou nésésité ki fósés-m; malè pou mouin si-m pa anonsé Lévanjil. ${ }^{17} \mathbf{S i}$ mouin fè li avèk bon kè, mouin gin rékonpans; min si mouin fè li kont mouin-minm, sé gnou chaj yo rinmèt mouin. ${ }^{18}$ Donk, ki rékonpans mouin? Sé pou mouin anonsé gratis Lévanjil la m-ap anonsé, san mouin pa sèvi jouk nan fon avèk doua mouin kòm prédikatè Lévanjil.
19 Paské, malgré mouin pa gin angajman anvè pèsonn, mouin fè mouin-minm sèvitè tout moun, pou-m kapab raminnin pi gran kantité moun. ${ }^{20}$ Avèk Jouif yo, mouin té tounin tankou Jouif, pou-m té kapab raminnin Jouif yo; avèk moun yo ki an-ba la loua, tankou gnou moun ki an-ba la loua, malgré mouin-minm mouin pa an-ba la loua, - pou-m té kapab raminnin moun yo ki an-ba la loua; ${ }^{21}$ avèk moun yo ki san la loua, tankou gnou moun ki san la loua, malgré mouin-minm mouin pa san la loua Bon-Dieu, puiské mouin an-ba la loua Kris, - pou-m té kapab raminnin moun yo ki pa gin la loua. ${ }^{22}$ Mouin té fèb avèk moun ki fèb, pou-m té kapab raminnin moun ki fèb. Mouin fè mouin-minm bon-na-tout pou-m té kapab sové
kèk moun ninpòt ki fason. ${ }^{23}$ Mouin fè tout bagay poutèt Lévanjil, pou-m kapab résévoua pósion mouin ladann.
24 Eské nou pa konnin ké moun yo ki fè kous sou tèrin kous la, yo tout fè kous la, min sé gnou sèl ki résévoua rékonpans la? Kouri gnou jan pou nou kapab résévoua rékonpans la. ${ }^{25}$ Tout moun ki konbat nan jouèt pou rékonpans, yo mintni tèt yo nan tout kalité bagay, é yo fè sa pou yo kapab résévoua gnou kouròn ki pa konsèvé; min nou-minm, an nou fè li pou gnou kouròn ki va toujou konsèvé. ${ }^{26}$ Sé konsa mouinminm, m-ap kouri, sé pa san konnin ki jan; m-ap voyé kou, min pa kòm si sé van m-ap bat. ${ }^{27}$ Min mouin trété kò mouin gnou jan du, é mouin kinbé li ésklav nan la krint pou lè-m fi-n préché lèz òt, mouin-minm mouin pa pèdu kalité mouin.

## Avètisman kont sè̀i zidoll

10Frè, m-pa vlé nou ignoré ké tout zansèt nou yo té an-ba nuaj la, yo tout té pasé nan la mè a, ${ }^{2}$ yo tout té batizé nan Moiz nan nuaj la ak nan la mè $\mathrm{a},{ }^{3}$ yo tout té manjé minm manjé éspirituèl la, ${ }^{4}$ é yo tout té bouè minm bouason éspirituèl la, paské yo té bouè nan gnou ròché éspirituèl ki t-ap suiv yo, é ròché sa a sé té Kris. ${ }^{5}$ Min pi fò pami yo pa-t fè Bon-Dieu plézi, puiské yo péri nan dézè a.
6 E-byin, bagay sa yo rivé
pou sèvi nou ékzanp, pou nou pa gin mové dézi, jan yo té gingnin. ${ }^{7} \mathrm{~Pa}$ tounin sèvitè zidòl tankou kèk pami yo, dapré sa ki ékri: Pèp la chita pou manjé ak bouè; épi yo lévé pou amuzé yo. ${ }^{8}$ An nou pa livré tèt nou nan dézòd la chè, tankou kèk pami yo té livré tèt yo, é sa té fè vinntoua mil tonbé gnou sèl jou. ${ }^{9}$ An nou pa tanté lé Ségnè, jan kèk pami yo té tanté li, é yo péri an-ba sèpan yo. ${ }^{10} \mathrm{~Pa}$ bougonnin, jan kèk pami yo té bougonnin, é yo péri an-ba déstruktè a. ${ }^{11}$ Bagay sa yo rivé yo pou sèvi ékzanp, é sa ékri pou instoui nou, nouminm ki rivé a la fin sièk yo. ${ }^{12}$ Donk, ké moun ki kouè li kanpé véyé kò li pou li pa tonbé!
13 Pa gin okinn tantasion ki rivé nou, ki pa-t fèt pou lòm, é Bon-Dieu ki fidèl p-ap pèmèt ké nou gin tantasion ki plus pasé fòs nou; min an minm tan avèk tantasion an li va paré mouayin pou nou sòti ladan li, pou nou kapab supòté li.
14 Sé pou-tèt sa, byinn-émé mouin yo, kouri pou zafè zidòl.
15 M-ap palé tankou avèk moun intélijan; jujé nouminm sa m-ap di a. ${ }^{16}$ Koup bénédiksion an ké nou béni, èské sé pa konmunion nan san Kris? Pin an nou kasé, èské sé pa konmunion nan kò Kris? ${ }^{17}$ Puiské sé gnou sè pin ki gingnin, nou ki pliziè, nou fòmé gnou sèl kò; paské nou tout nou patisipé nan mínm pin an. ${ }^{18}$ Gadé
moun Izraèl dapré la chè yo: sa ki manjé bèt yo tuyé an sakrifis yo, èské yo pa nan konmunion avèk lotè la? ${ }^{19} \mathrm{Ki}$ sa m -ap di la a? Eské mouin di ké viann ki sakrifié pou zidòl yo sé kichoy, oubyin ké zidoll sé kichoy? ${ }^{20} \mathrm{Du}$ tou. Mouin di ké bagay yo sakrifié, yo sakrifié yo pou démon, sé pa pou Bon-Dieu; é-byin, mouin pa vlé nou nan konmunion avèk démon. ${ }^{21}$ Nou pa kapab bouè a-lafoua nan koup lé Ségnè, avèk nan koup démon; nou pa kapab patisipé a-la-foua nan tab lé Ségnè, avèk nan tab démon. ${ }^{22}$ Eské nou vlé fè lé Ségnè fè jalouzi? Eské nou pi fò pasé li?

Fè tout bagay pou gloua Bon-Dieu
23 Nou gin pèmision fè tout bagay, min tout bagay pa util; nou gin pèmision fè tout bagay, min tout bagay pa bati karaktè moun. ${ }^{24} \mathrm{Ké}$ pèsonn pa chaché pròp intéré tèt li, min ké chak moun chaché intérè prochin. ${ }^{25}$ Manjé tout bagay yo vann nan maché, san chaché konnin angnin pou-tèt konsians; ${ }^{26}$ paské la tè sé pou lé Ségnè, avèk tou sa li gin ladann. ${ }^{27} \mathrm{Si}$ gnou moun ki pa nan la fouá invité nou é nou vlé alé, manjé tou sa yo prézanté nou, san chaché konnin angnin pou-tèt konsians; ${ }^{28} \mathrm{Min}$ si gnou moun di nou: Yo té ofri bagay sa a kòm sakrifis! pa manjé li, a-kòz moun ki bay avètisman an épi a-kòz konsians la. ${ }^{29}$ Konsians m-ap palé la a, sé pa konsians
pa nou, min pa lot moun nan. Paské ki jan konsians gnou étranjé ta kapab jujé libèté mouin gingnin? ${ }^{30}$ Si mouin manjé avèk aksion-dé-gras, ki jan pou yo ta blamé mouin a-kòz gnou bagay mouin rann aksion-dé-gras pou li?
31 Donk, kit n-ap manjé, kit n -ap bouè, kit n -ap fè kèk lòt bagay, fè tout bagay pou gloua Bon-Dieu. ${ }^{32} \mathbf{P a}$ bay ni Grèk yo, ni Jouif yo, ni légliz Bon-Dieu movèz ékzanp. ${ }^{33}$ Sé minm jan mouinminm tou mouin fè éfò pou-m fè tout moun plézi nan tout bagay; sa m-ap chaché, sé pa avantaj mouin non, min avantaj pi gran kantité moun, pou 11 yo kapab sové. ${ }^{1}$ Suiv ékzanp mouin, minm jan mouin-minm moûn suiv ékzanp Kris.

Fanm pa doué asisté kult tèt tou-nu 2 Mouin fè nou konpliman pou jan nou sonjé mouin nan tout okazion, é jan nou kinbé instruksion mouin, minm jan mouin té ba nou yo.
3 Min mouin vlé nou konnin ké Kris sé chèf tout òm, ké lòm sé chèf la fam, é ké Bon-Dieu sé chèf Kris. ${ }^{4}$ Tout òm ki lapriè ou-byin ki palé an profèt, avèk tèt li kouvri, li dézonoré tèt li. ${ }^{5} \mathrm{O}$-kontrè, tout fam ki lapriè, ou-byin ki palé an profèt, avèk tèt li san kouvri, li dézonoré tèt li: sé tankou si li té pasé razoua nan tèt li. ${ }^{6} \mathrm{Si}$ gnou fanm pa kouvri tèt li, ké li koupé chévé li tou. É-byin, si gin ront nan sa, pou gnou fanm koupé chévé li ou-byin pou li
pasé razoua nan tèt li, sé pou li kouvri tèt li. ${ }^{7}$ Lom pa doué kouvri tèt li, paské li sé imaj Bon-Dieu, li sé gloua Bon-Dieu, tandis ké fanm sé gloua lòm. ${ }^{8}$ Paské lòm pa sòti nan la fam, min sé la fam ki sòti nan lòm; ${ }^{9}$ yo pa kréyé lòm pou-tèt la fam, min yo té kréyé la fam pou-tèt lòm. ${ }^{10}$ Sé pou sa, a-kòz zanj yo, la fam doué gin sou tèt li gnou mak otorité ki chèf li a. ${ }^{11}$ Min poutan, nan lé Ségnè, la fam pa san lòm, ni lòm pa san la fam. ${ }^{12}$ Paské, minm jan la fam sòti nan lòm, sé konsa tou lòm ékzisté gras-a la fam, é tout bagay sòti nan Bon-Dieu. ${ }^{13}$ Jujé sa nouminm; èské sé konvénab pou gnou fanm lapriè Bon-Dieu avèk tèt lisan kouvri? ${ }^{14}$ Eské la natu minm pa aprann nou ké sé gnou ront pou gnou nonm gin chévé long, ${ }^{15} \mathrm{~min}$ ké sé gnou gloua pou fanm gin chévé long, paské li résévoua chévé li pou voual li? ${ }^{16} \mathrm{Si}$ gnou moun rinmin diskuté, nou pa gin abitud:sa a, ni légliz Bon-Dieu yo non plus.

## Modé konduil nan la Sèn

17 Étan m-ap ba nou konsèy sou pouin sa a, mouin pa fe nou konpliman, paské o-lié nou réuni pou sa ta rann nou pi bon, sa rann nou pi mové. ${ }^{18}$ Tou dabò, mouin tandé ké, lè nou réuni nan lasanblé, gin divizion pami nou, - é mouin kouè kichoy nan sa, ${ }^{19}$ paské fòk gingnin pami nou kèk moun ki nan anségnman diféran, pou sa ki fidè pami
nou kapab byin parèt. ${ }^{20}$ Donk, lè nou réuni, sé pa pou manjé la Sèn lé Ségnè ké nou réuni; ${ }^{21}$ paské, lè nou a-tab, chak moun tonbé manjé pròp manjé pa yo, é sila a grangou, tandis ké lòt la sou. ${ }^{22}$ Eské nou pa gin kay pou nou manjé épi bouè? Oubyin èské nou méprizé légliz Bon-Dieu, é nou fè moun yo ki pa gin angnin ront? Ki sa pou-m di nou? Ėské sé pou-m fè nou konpliman? M-pa fè nou konpliman pou sa.

## Jan la Sèn té kòmansé

23 Paské sé nan min lé Ségnè mouin résévoua sa mouin anségné nou an, sè ké lé Ségnè Jézu, minm nuit yo té trayi li a, té pran pin, ${ }^{24}$ é apré li té rann gras, li kasé pin an é li di: Sa sé kò mouin, ki livré pou nou; fè sa an souvni mouin. ${ }^{25} \mathrm{Minm}$ jan tou, apré soupé, li pran koup la, é li di: Koup sa a, sé nouvo alians la nan san mouin; fè sa an souvni mouin chak foua nou va bouè ladann. ${ }^{26}$ Paské chak foua nou manjé pin sa a, é nou bouè nan koup sa $a$, $n$-ap anonsé la mò lé Ségnè jouk tan li tounin.
Moun ki pran la Sèn san yo pa dign 27 Sé pou sa, moun ki manjé pin an, ou-byin ki bouè nan koup lé Ségnè a, gnou jan ki pa konvénab, moun sa a va koupab anvè kò avèk san lé Ségnè. ${ }^{28}$ Donk, sé pou chak moun sondé tèt li liminm, é konsa li mèt manjé pin an épi bouè nan koup la; ${ }^{29}$ paské moun ki manjé é ki
bouè san rékonnèt sa kò lé Ségnè vlé di, moun sa a manjé é li bouè gnou jujman kont tèt li.
30 Sé pou-tèt sa gin pami nou anpil infim avèk malad, é ké gin anpil ki mouri. ${ }^{31} \mathrm{Si}$ nou té jujé tèt nou nouminm, nou pa ta an-ba jujman. ${ }^{32}$ Min lè nou an-ba jujman, lé Ségnè puni nou, pou nou pa kondané ansanm avèk lé monn. ${ }^{33}$ Donk, frè-m yo, lè nou réuni pou la Sèn, sé pou gnoun tann lòt. ${ }^{34}$ Si gnou moun grangou, ké li manjé lakay li, pou lè nou réuni nou pa fè jujman tonbé sou nou.
M-a réglé lòt bagay yo lè mouin rivé.

## Don éspirituèl

12Kant-a don éspirituèl yo, frè, m-pa vlé nou nan ignorans. ${ }^{2}$ Nou konnin ké lè nou té payin, nou té kité yo minnin nou nan afè zidòl ki pa gin la paròl, dapré volonté sa yo ki t-ap kondui nou. ${ }^{3}$ Sé pou-tèt sa mouin déklaré nou ké okinn moun k-ap palé gras-a Léspri BonDieu p-ap di : Jézu sé malédiksion! E pèsonn pa kapab di: Jézu sé Ségnè! si sé pa gras-a Sint-Espri.
4 Gin divès kalité don, min sé minm Léspri $a ;{ }^{5}$ divès kalité travay nan lèv la, min sé minm Ségnè a; ${ }^{6}$ divès kalité ékzèsis, min sé minm BonDieu a ki ékzèsé tout bagay nan tout moun.
7 E-byin, Léspri a manifésté nan chak moun pou utilité tout. ${ }^{8}$ Gnoun résévoua paròl sajès gras-a Léspri a; gnou lòt
résévoua paròl konnésans, dapré minm Léspri a; ${ }^{9}$ gnou lòt gin la foua, gras-a minm Léspri a; gnou lòt gin don pou fè gérizon, gras-a minm Léspri a; ${ }^{10}$ gnou lòt gin don pou fè mirak; gnou lòt gin don pou palé an profèt; gnou lòt gin don pou byin rékonnèt léspri yo; gnou lòt gin don pou sèvi avèk divès lang; gnou lòt gin don pou fe intèprèt lang étranjé. ${ }^{11}$ Sé gnou sèl minm Léspri a ki akonpli tout bagay sa yo, li distribué yo bay chak moun a-pa, jan li vlé.
12 Paské, minm jan kò a sé gnoun é li gin pliziè manm, é minm jan tout manm nan gnou kò, malgré la kantité yo, yo fòmé gnou sèl kò, sé konsa sa yé pou Kris. ${ }^{13}$ Nou tout batizé nan gnou sèl Léspri, pou fòmé gnou sèl kò, ni Jouif ni Grèk, ni ésklav ni lib, é nou tout té sousé gnou sèl Léspri a.
14 Donk, kò a pa gnou sèl manm, min li fòmé avèk pliziè manm. ${ }^{15}$ Si pié té di: Paské mouin pa gnou min, mouin pa fè pati kò a, - èské li pa ta fè pati kò a paské li di sa? ${ }^{16}$ E si zòrèy té di: Paské mouin pa gnou grinn jé, mouin pa fè pati kò a, - èské li pa ta fè pati kò a paské li di sa? ${ }^{17}$ Si tout gnou kò té jé sèlman, koté zòrèy ta yé? Si tout gnou kò té zòrèy sèlman, koté nin ta yé? ${ }^{18}$ Min BonDieu bay chak manm plas yo nan kò a jan li té vlé. ${ }^{19} \mathrm{Si}$ tout manm yo té gnou sèl manm, koté kò a ta yé? ${ }^{20}$ Donk gin pliziè manm, min
gnou sèl kò. ${ }^{21}$ Jé pa kapab di min: M-pa bézouin ou; ni tèt pa kapab di pié: M-pa bézouin ou. ${ }^{22}$ O-kontrè, manm ki parèt pi fèb nan gnou kó, sé yo ki pi nésésè; ${ }^{23}$ é manm nou konsidéré avèk pi piti réspè nan kò a, sé yo nou akòdé plus réspè. Donk, manm nou ki pi pa prézantab résévoua plus réspè, ${ }^{24}$ tandis ké sa ki prézantab yo pa bézouin sa. Bon-Dieu dispozé kò a gnou jan pou manm ki pa-t gin asé réspè, jouinn plus réspè, ${ }^{25}$ pou pa gin divizion nan kò a, min pou manm yo gnoun konsidéré lòt sou minm pié. ${ }^{26}$ E si gnou manm ap soufri, tout lèz ot manm yo soufri avèk li; si gnou manm nan lonnè, tout lèz òt manm yo réjoui avèk li.
27 Nou sé kò Kris, é nou chak a-pa, nou sé manm li. ${ }^{28}$ Bon-Dieu établi nan légliz li apòt yo an-prémié, an-dézièm profèt yo, an-touazièm profésè yo, apré sa moun ki gin don fè mirak yo, épi sa ki gin don fè gérizon, bay sékou, gouvènin, sèvi avèk divès lang. ${ }^{29}$ Éské tout sé apòt? Eské tout sé profèt? Eské tout sé profèsè? ${ }^{30}$ Eské tout gin don fè mirak? Eské tout gin don fè gérizon? Ėské tout palé lang étranjé? Ėské tout fè travay intèprèt?
31 Sé pou nou dèyè don ki pi bon ki gingnin.
E mouin pral montré nou ankò gnou rout ki kòrèk nèt.

## Amou

13
Minm si mouin ta palé lang lèz òm yo avèk
lang zanj yo, si-m pa gin lamou, mouin sé gnou moso fè k-ap sonnin, ou-byin gnou plati-n muzik $k-a p$ fè bing. ${ }^{2}$ Si-m ta gin don palé tankou profèt, épi sians tout mistè avèk tout konnésans, si-m ta gin minm tout la foua jouk pou-m ta chanjé mòn yo plas, si mouin pa gin lamou, mouin pa angnin. ${ }^{3} \mathrm{Si}-\mathrm{m}$ ta séparé tou sa mouin posédé pou bay pòv manjé, si-m ta minm livré kò mouin pou yo boulé-m, si mouin pa gin lamou, sa pa sèvi-m angnin.
4 Lamou gin pasians, li plin avèk bonté; lamou pa anvié sò moun; lamou pa vanté tèt li; li pa gonflé avèk ògèy; ${ }^{5}$ li pa fè angnin ki malonnèt; li pa dèyè pròp avantaj pa li; li pa mété-l an-kolè; li pa mét lidé li sou mal; ${ }^{6}$ li pa pran plézi nan injustis, min li pran plézi nan la vérité; ${ }^{7}$ li éskuzé tout bagay, li kouè tout bagay, li éspéré tout bagay, li supòté tout bagay.
8 Lamou p-ap janm péri. Paròl profèt va fini, lang moun palé va suspann, konnésans va disparèt. ${ }^{9}$ Paské sa nou konnin sé gnou moso sèlman, é sa nou palé an profèt, sé gnou moso sèlman, ${ }^{10} \mathrm{~min}$ lè sa ki bon sou tout pouin an vini, sa ki manké kichoy la va disparèt. ${ }^{11}$ Lè-m té ti moun, mouin té palé tankou ti moun, mouin té konprann tankou ti moun, mouin té rézonnin tankou ti moun; lè-m vi-n gnou nonm, mouin aboli sa ki té bagay ti moun. 12 Jodi a nou ouè nan gnou glas, gnou jan troub, min lè
sa $a$, nou va ouè fas-a-fas; jodi a sé gnou moso mouin konnin, min lè sa a, mouin va konnin minm jan Bon-Dieu té konnin mouin.
13 Donk, koul-yé-a sé toua bagay sa yo ki rété: la foua, léspérans, lamou; min pi gran pami yo, sé lamou.

## Palé nan lang

14Chaché gin amou. Sé pou nou dèyè don éspirituèl yo tou, min sutou don pou palé an profèt.
2 Paské moun ki palé langaj pa palé avèk lèz òm, min avèk Bon-Dieu li palé; pèsonn pa konprann li, sé ann éspri li palé paròl ki mistè. ${ }^{3} \mathrm{O}$ kontrè, moun ki palé an profèt, palé avèk lèz ò $m$, li instoui yo, li ékzòté yo, li konsolé yo. ${ }^{4}$ Moun ki palé langaj instoui tèt li sèlman; moun ki palé an profèt instoui légliz la.
5 Mouin ta déziré pou nou tout palé langaj, min mouin ta pi déziré pou nou palé an profèt. Moun ki palé an profèt vo plus pasé sa ki palé langaj, sòf si moun ki palé langaj la bay ésplikasion, pou légliz la pran instruksion. ${ }^{6}$ Koul-yé-a, frè, ki utilité mouin ta yé pou nou, si-m té vi-n ap palé langaj ba nou, é si paròl mouin pa ta ba nou ni révélasion, ni konnésans, ni anségnman profèt, ni doktri-n.
7 Bagay ki pa vivan, min ki kapab sonnin, pa-ékzanp gnou flut ou-byin gnou banza, si yo pa bay son ki klè, ki jan moun va fè rékonnèt ki moso
y-ap joué ak flut la ou-byin banza? ${ }^{8} \mathrm{Si}$ tronpèt la bay gnou son ki troub, ki moun ta paré kò li pou la gè? ${ }^{9}$ Sé konsa tou, nou-minm, si nan langaj la nou pa bay paròl ki klè, ki jan moun va fè konnin sa n-ap di? Sé pou van nou va palé.
10 Divès lang ki gin sou la tè a mèt anpil jan yo anpil, pa gin gnoun ki pa gnou langaj; ${ }^{11}$ si-m pa konprann gnou lang, mouin va gnou étranjé pou moun k -ap palé a, é moun k -ap palé a va gnou étranjé pou mouin. ${ }^{12}$ Konsa tou, puiské nou dèyè don éspirituèl yo, sé pou instoui légliz la ké nou doué chaché posédé don sa yo ann abondans.
13 Sé pou-tèt sa, moun ki palé langaj doué prié pou yo gin don éspliké langaj la. ${ }^{14}$ Paské si $m$-ap prié nan langaj, léspri mouin ap prié, min intélijans mouin pa ann aksion. ${ }^{15}$ Donk, ki sa pou mouin fè? Mouin va prié avèk léspri mouin, min $\mathrm{m}-\mathrm{a}$ prié avèk intélijans mouin tou; m -a chanté avèk léspri-m, $\min \mathrm{m}$-a chanté avèk intélijans mouin tou. ${ }^{16}$ Si sé pa sa, lè ou ap rann gras avèk léspri ou, ki jan gnou moun ki nan ran pami gro pèp la va fè réponn Amèn! lè ou ap fè aksion-dé-gras, puiské li pa konn sa ou ap di? ${ }^{17}$ Sé vré, ou rann aksion-dé-gras ou fin minm, min sa pa instoui gnou lòt. ${ }^{18}$ Mouin rémèsi BonDieu paské mouin palé langaj plus pasé nou tout; ${ }^{19} \mathrm{~min}$ lè-m nan légliz, m-pito di sink
paròl avèk intélijans mouin, pou instoui lèz òt, pasé di-mil paròl langaj.
20 Frè, sé pa pou nou ti moun nan afè dé bon sans; min sé pou nou ti moun nan bagay ki gin ruz ladann; nan afè dé bon sans, sé pou nou gran moun. ${ }^{21}$ Sa ékri nan la loua:

Sé avèk moun ki palé gnou lòt lang,
É avèk bouch étranjé
Ké mouin va palé avèk pèp sa a,
É malgré sa, yo p-ap kouté-m, sé sa lé Ségnè di.
${ }^{22}$ Sa vlé di ké langaj sé gnou sign, pa pou moun ki nan la foua non, min pou sa ki pa nan la foua; parol profèt, o-kontrè, sé gnou sign, pa pou moun ki pa nan la foua non, min pou moun ki nan la foua. ${ }^{23}$ Donk, lè tout légliz la rasanblé, si tout moun ap palé langaj, é kèk moun gro pèp la ou-byin ki pa nan la foua rivé, èské yo p-ap di ké nou sé moun fou? ${ }^{24}$ Min si nou tout ap palé an profèt, é ké kèk moun ki pa nan la foua ou-byin moun gro pèp la rivé, nou tout nou konvink li , nou sondé li, ${ }^{25}$ sékrè ki nan kè li dévoualé, é sa fè li tonbé fas-a-tè; li va adoré Bon-Dieu, li va déklaré ké Bon-Dieu réèman nan mitan nou.
26 Donk, frè, ki sa pou nou fè? Lè nou rasanblé, si gingnin tel ou tèl pami nou ki gin gnou kantik, gnou instruksion, gnou révélasion, gnou langaj, ou-byin gnou ésplikasion, sé pou tout bagay
sèvi pou bati karaktè moun. ${ }^{27}$ Si gingnin ki palé langaj, piplus sé dé ou-byin toua ki pou palé, yo chak nan tou pa yo, é sé pou gnou moun sèvi kòm intèprèt; ${ }^{23}$ si pa gin intèprèt, sé pou moun pé nan légliz la, é sé pou chak moun palé nan kè yo épi avèk BonDieu. ${ }^{29}$ Kant-a profèt yo, sé dé ou-byin toua ki pou palé, é lèz òt yo va chaché konprann; ${ }^{30}$ moun k-ap palé a va pé, si gnou lòt ki chita gin gnou mésaj pou bay. ${ }^{31}$ Paské gnoun apré lòt nou tout kapab palé an profèt, pou tout moun résévoua instruksion, é pou tout moun résévoua ékzòtasion. ${ }^{32}$ Léspri ki nan profèt yo an-ba kontrol profèt yo; ${ }^{33}$ paské Bon-Dieu pa gnou Bon-Dieu dézòd, min li sé Bon-Dieu la pé.
Minm jan avèk nan tout légliz sin yo, ${ }^{34}$ sé pou fanm yo pé nan lasanblé, paské yo pa gin la pèmision palé la; min sé pou yo soumèt, dapré jan la loua déklaré sa tou. ${ }^{35}$ Si yo vlé instoui tèt yo sou kèk pouin, sé pou yo intèrojé mari yo lakay yo; paské sé pa konvénab pou gnou fanm palé nan légliz. ${ }^{36}$ Eské sé nan min nou paròl Bon-Dieu a sòti? Ou-byin èské sé nou-minm sèl ki résévoua li?
37 Si gnou moun kouè li sé gnou profèt, ou-byin ké lidé li sòti nan Bon-Dieu, sé pou li rékonnèt ké sa mouin ékri nou an, sé gnou kòmandman lé Ségnè. ${ }^{38} \mathrm{Si}$ gnou moun ignoré sa, kité li ignoré sa.
39 Donk, frè, sé pou nou dèyè don pou palé an profèt,
é pa anpéché moun palé langaj. ${ }^{40}$ Min sé pou tout bagay fèt avèk la politès épi avèk lòd.

## Lévé nan la mò

15Frè, mouin fè nou sonjé Lévanjil m-té anonsé nou an, ké nou résévoua, é nou pèsévéré ladann nan, ${ }^{2}$ sé gras-a li tou nou sové, si nou kinbé li jan m-té ba nou li a; sinon, nou ta kouè an vin.
3 Avan tout bagay, mouin té anségnénou, minmjanmouinminm mouin té résévoua sa, ké Kris té mouri pou péché nou dapré lèz-Ekritu; ${ }^{4}$ yo té antéré li, é li lévé nan la mò sou touazièm jou apré sa, dapré lèz-Ekritu; ${ }^{5} \mathrm{ké}$ li té parèt dévan Séfas, épi douz yo. ${ }^{6}$ Apré sa, li té parèt dévan plus ké sink san frè a-lafoua, pi fò ladan yo toujou vivan, kèk ladan yo mouri. ${ }^{7}$ Apré sa, li té parèt dévan Jak, épi dévan tout apòt yo. ${ }^{8}$ Apré yo tout, li té parèt dévan mouin-minm tou, mouin ki tankou pitit ki fèt fosé; ${ }^{9}$ paské sé mouin ki pi dènié nan apòt yo, m-pa dign pou yo relé-m apot, paske mouin té pésékuté légliz Bon-Dieu. ${ }^{10}$ Sé la gras Bon-Dieu ki fè mouin sa-m yé a, é la gras li anvè mouin pa té pou grinmési; o-kontrè, mouin travay plus pasé yo tout, min sé pa mouin, sé la gras Bon-Dieu ki avèk mouin. ${ }^{11}$ Donk, kit sé mouin, kit sé lòt apòt yo, min sa nou préché, é sé sa ké nou kouè.
12 É-byin, si yo préché ké Kris lévé pami mò yo, ki jan
kèk moun nan nou fè di ké pa gin lévé nan la mò? ${ }^{13}$ Si pa gin lévé nan la mò, Kris non plus pa lévé. ${ }^{14}$ E si Kris pa lévé, n -ap préché pou grinmési, é la foua nou tou sé pou grin-més. ${ }^{15} \mathrm{Sa}$ minm vlé di ké nou sé fo-témouin anvè Bon-Dieu, puiské nou té bay témouagnaj kont Bon-Dieu ké li té lévé Kris, tandis ké li pa-t lévé li, si pa gin lévé nan la mò. ${ }^{16}$ Paské si pa gin lévé nan la mò, Kris non plus pa lévé. ${ }^{17}$ É si Kris pa lévé, la foua nou pou grin-mési, nou toujou nan péché nou, ${ }^{18}$ épi tou, moun yo ki mouri nan Kris, yo pèdu. ${ }^{19}$ Si sé nan vi sa a sèlman pou nou éspéré nan Kris, sé nou ki pi maléré nan tout moun.
$20 \mathrm{Min}, \mathrm{min}-\mathrm{ni}$, Kris lévé nan la mò, li sé prémié foui moun ki té mouri yo. ${ }^{21}$ Puiské sé gras-a gnou sèl òm la mò té vini, sé gras-a gnou sèl òm tou ké té gin lévé nan la mò. ${ }^{22}$ É minm jan tout moun ap mouri nan Adan, konsa tou tout moun va viv ankò nan Kris, ${ }^{23}$ min chak moun va gin pròp ran yo: Kris kòm prémiè foui a, épi moun yo ki moun Kris, lè li va tounin. ${ }^{24}$ Apré sa, la fin an va vini, lè li va rinmèt rouayom nan bay Bon-Dieu ki Papa a tou, lè li fi-n détoui tout dominasion, tout otorité avèk tout puisans. ${ }^{25}$ Paské fòk li ékzèsé règn li jouk tan li fi-n mété tout enmi li yo an-ba pié li. ${ }^{26}$ Dènié énmi ki va détoui, sé la mò. ${ }^{27}$ Paské Bon-Dieu té mété tout bagay an-ba pié li. Min
lè li di ké yo té mété tout bagay sou zòd li, sa sé klè ké sila ki mété tout bagay sou zòd li, pa sou zòd li tou. ${ }^{28}$ E lè tout bagay va fi-n soumèt dévan li, lè sa a Pitit la li-minm va sou zod sila ki té mété tout bagay sou zòd li, pou Bon-Dieu kapab vi-n tout bagay nan tou sa ki ékzisté.
29 Si sé pa-t sa, moun ki fè batizé yo pou moun ki mouri, ki sa yo fè la a? Si mò pa lévé du tou, pouki sa moun sa yo pran batèm pou yo? ${ }^{30}$ É nou-minm, pouki sa n-ap ékspozé nou tout tan nan danjé? ${ }^{31}$ Oui, frè, mouin bay témouagnaj sa a dapré la gloua ké nou yé pou mouin nan Jézu-Kri Ségnè nou, chak jou mouin ékspozé an-ba la mó. ${ }^{32}$ Si sé dapré lidé lèz òm mouin té konbat kont bèt féròs yo nan la vil Efèz, ki avantaj mouin jouinn nan sa? Si nan pouin iévé nan la mò,

An nou manjé, an nou bouè, paské démin n-ap mouri.
${ }^{33} \mathrm{~Pa}$ tronpé tèt nou: mové frékantasion gaté bon maniè. ${ }^{34}$ Tounin nan bon sans nou kòm sa douat-èt, é pa konmèt péché; paské gin pliziè ki pa konn Bon-Dieu, mouin di sa pou fè nou ront.
35 Min gnou moun va di: Ki jan mò yo fè lévé; avèk ki ko yo tounin? ${ }^{36}$ Moun san konprann! Sa ou simin an p-ap lévé ankò, si li pa mouri. ${ }^{37}$ E sa ou simin an, sé pa kò ki pral sòti a, min gnou sinp grinn, pétèt gnou grinn mayi ou-byin ninpòt ki lòt; ${ }^{38}$ épi

Bon-Dieu ba li kò jan sa fè li plézi, li bay chak grinn gnou kò ki pou li an patikulié.
39 Tout chè pa minm chè; chè lèz òm sé gnoun, chè bèt kat pié sé gnou lòt, chè zouazo sé gnou lòt, chè pouason sé gnou lòt. ${ }^{40}$ Gin kó ki nan sièl la tou, é gin kò sou la tè; min kò ki nan sièl la kléré gnou jan, kò ki sou la tè a kléré gnou lòt jan. ${ }^{41}$ Solèy la kléré gnou jan, la lun nan kléré gnou lòt jan, zétoual yo kléré gnou lòt jan; é minm gnou zétoual pa kléré minm jan avèk gnou lòt.
42 Sé konsa tou lévé nan la mò a yé. Lè kò a simin, li nan kòrupsion; lè li lévé li pa kapab kòronpu ankò; ${ }^{43}$ lè li simin, li pa gnou bagay ki dé-byin, lè li lévé, li plingloua; li simin tou infim, li lévé plin fòs; ${ }^{44}$ lè li simin, li sé gnou kò avèk chè odinè̀, lè li lévé li sé gnou kò éspirituèl. Si gin gnou kò ki fèt avèk chè odinè, gin gnou kò tou ki éspirituèl. ${ }^{45}$ Sé konsa sa ékri : Prémié òm nan, Adan, vini gnou nanm ki gin la vi. Dènié Adan an vini gnou léspri ki bay la vi. ${ }^{46}$ Min sé pa sa ki éspirituèl la ki anprémié, sé sa ki chè odinè a; sa ki éspirituèl vini apré. ${ }^{47}$ Prémié òm nan sòti nan la tè, li gin kalité la tè; dézièm óm nan sòti nan sièl la. ${ }^{48}$ Jan sila ki gin kalité la tè a yé, sé konsa ras moun ki sou la tè a yé tou; é jan sila ki sòti nan sièl la yé, sé konsa ras nan sièl la yé tou. ${ }^{49}$ É minm jan nou té dapré imaj sila ki gin kalité la tè a, konsa tou nou
va dapré imaj sila ki sòti nan sièl la.
50 Sa mouin déklaré, frè, sè ké chè avèk san pa kapab éritié rouayom Bon-Dieu, ni tou kòrupsion pa éritié gnou kalité ki pou fè li pa janm kòronpu.
51 Min-ni, m-ap dévoualé nou gnou mistè: nou tout p-ap mouri, min nou tout va chanjé, ${ }^{52}$ nan gnou ti kadè, avann-bat-jé-n, lè dènié tronpèt la. Tronpèt la va sonnin, mò yo va lévé gnou jan ki va fè yo pa janm ouè la kòrupsion ankò, é nouminm, nou va chanjé. ${ }^{53}$ Paské fòk kò sa a ki nan kòrupsion antré nan kalité ki p-ap janm kòronpu a, é fòk kò sa a ki kapab mouri antré nan la vi ki p-ap fini an.
54 Lè kò sa a, ki kapab kòronpu, va antré nan kalité ki p-ap janm kòronpu a, é lè kò sa a, ki kapab mouri, va antré nán la vi ki p-ap janm fini an, lè sa a paròl ki ékri a va akonpli:

La mò anglouti nan la viktoua.
55 O la mó, koté viktoua ou la?
O la mò, koté pik ou a ?
${ }^{56}$ Pik la mò, sé péché; é puisans péché, sé kòmandman la loua yo. ${ }^{57} \mathrm{Min}$ an nou rann gras pou Bon-Dieu, ki ba nou la viktoua gras-a Jézu-Kri Ségnè nou!
58 Donk, frè byinn-émé mouin yo, sé pou nou fèm, fidèl, aktif plus-an-plus nan lèv lé Ségnè, paské nou konnin sé pa an vin ké n-ap travay nan lé Ségnè.

## Kolè pou sin yo

16 Kant-a la kolèk an favè sin yo, sé pou nou aji, nou-minm tou, jan mouin té bay légliz nan péyi Galat yo lod. ${ }^{2}$ Prémié jou nan la sémèn, sé pou nou chak mété a-pa lakay li sa li kapab, dapré mouayin li, pou pa tann jouk lè-m rivé pou ranmasé don yo. ${ }^{3}$ É lè mouin va rivé, moun yo ké nou va chouazi, m-a voyé yo avèk gnou lèt, pou pòté kado sa a Jéruzalèm. ${ }^{4}$ Si sa mérité pou-m alé mouin-minm, yo va fè vouayaj la avèk mouin.

## Projè vouayaj

5 M -a vi-n lakay nou lè-m fi-n pasé péyi Masédoua-n, paské mouin gin pou pasé Masédoua-n. ${ }^{\circ}$ Pétèt m -a rété lakay nou, ou-byin mouin kapab pasé livè a tou avèk nou, pou nou kapab akon-pagné-m koté-m va alé. ${ }^{7}$ Foua sa a, mouin pa vlé ouè nou an-pasan selman, min mouin éspéré rété kèk tan avèk nou, si Bon-Dieu pèmèt sa. ${ }^{8}$ Min m-a rété nan la vil Éfèz jouk la Pannkot; ${ }^{9}$ paské gin gnou pòt ki ouvri pou mouin, li gran, li gin foui ladann, é advèsè yo anpil.
10 Si Timoté rivé, fè an sòt pou li san krint pami nou, paské li travay tankou mouin nan lèv lé Ségnè. ${ }^{11}$ Donk, ké pèsonn pa méprizé li. Akonpagné li an-pè, pou li vi-n koté mouin, paské m-ap tann li avèk frè yo.
12 Kant-a frè Apolòs, mouin ékzoté-l anpil pou li
vi-n lakay nou avèk frè yo, min sé pa-t dézi li du tou pou fè sa koul-yé-a; li va vouayajé lè li va kapab.

## Dènié salutasion

13 Véyé, rété fèm nan la foua, montré nou moun tout bon, fötifié. ${ }^{14}$ Sé pou tout bagay n -ap fè, fèt avèk amou!
15 Gin gnou lòt bagay m-ap mandé nou, frè. Nou konnin ké la fami Éstéfanas sé prémiê foui nan péyi Akai, é ké li dévoué pou rann sin yo sèvis. ${ }^{16}$ Nou-minm tou, sé pou nou gin réspè pou dèz òm kon sa, é pou tout moun k-ap travay nan minm lèv la.
17 Mouin réjoui-m pou-tèt prézans Éstéfanas, Fòtunatus épi Akaikus; kòm nou pa
avèk mouin, yo konblé vid la, ${ }^{18}$ paské yo répozé ni léspri mouin, ni léspri pa nou. Donk sé pou nou konn jan pou nou aprésié dèz òm kon sa.
19 Légliz yo ki nan péyi Lazi salué nou. Akilas avèk Prisil, épi légliz la ki lakay yo, salué nou anpil nan lé Ségnè. ${ }^{20}$ Tout frè yo salué nou. Sé pou nou gnoun salué lòt avèk gnou bo ki sin.
21 Mouin, Pol, mouin salué nou avèk pròp min pa mouin.
22 Si gnou moun pa rinmin lé Ségnè̀, ké moun sa a malédiksion! Maranata. ${ }^{a}{ }^{23}$ Ké la gras lé Ségnè Jézu avèk nou! ${ }^{24}$ Amou mouin avèk nou tout nan Jézu-Kri.

# Dézièm lèt Pòl ékri KORINTYIN YO 

## Salutasion

1Pòl, apòt Jézu-Kri gras-a volonté Bon-Dieu, - ak frè Timoté, di légliz Bon-Dieu a ki nan Korint, ak tout sin yo ki nan péyi Lakai: ${ }^{2}$ Ké nou résévoua la gras ak la pé ki sòti nan Bon-Dieu Papa nou é nan Ségnè Jézư-Kri!

## Afiksion Pol

3 Bénédiksion pou BonDieu, Papa nòt Ségnè JézuKri, Papa tout mizérikòd, sé pou konsolasion pa nouz-òt a 16:22 Maranata sé gnou paròl nan lang Jouif yo ki vlé di: Ségnè nou ap vini.

k-ap akonpli avèk pasians pou supòté minm soufrans yo ké nou-minm n-ap subi. E éspérans nou sou nouz-òt fèm, ${ }^{7}$ paské nou konnin ké si n-ap patisipe nan soufrans yo, nou patisipé nan konsolasion an tou.
8 É-byin frè, nou pa vlé kité nou ignoré tribulasion ki tonbé sou nou nan péyi Lazi, jan nou té ròd-frapé, nan gnou pouin ki dépasé fós nou, jouk tan nou té minm dézéspéré konsèvé la vi nou. ${ }^{9}$ É nou té pran santans la mò nou kòm sètin, pou nou pa-t mété konfians nan tèt pa nou min nan Bon-Dieu, ki lévé moun nan la mò. ${ }^{10}$ Sé li ki té délivré nou é ki va délivré nou an-ba kalité la mò sa a, sé li nou éspéré ki va délivré nou ankò. ${ }^{11}$ E nouz-òt tou va édé-n avèk la priè nou, pou la gras ké pliziè moun fè nou résévoua kapab gnou okazion pou pliziè moun rann gras a-kòz nou.

Pou ki rézon Pòl ranoouayé dizit li nan Korint
12 Paské sa ki fè gloua nou, sé témouagnaj konsians nou rann nou, ké nou kondui tèt nou nan lé monn, é sutou anvè nouz-òt, gnou jan ki sin é ki san krochèt dévan BonDieu, - pa avèk sajès la chè non, min avèk la gras BonDieu. ${ }^{13}$ Nou pa ékri-n plus bagay nan lèt nou pasé sa nou li byin klè avèk sa nou rékonnèt. É mouin éspéré ké nou va rékonnèt sa juska la fin. ${ }^{14}$ kòm nou déja kómansé rékonnèt ké nou sé gloua
nouz-òt, minm jan ké nouz-òt va gloua pa nou nan jou Ségnè Jézu a.
15 Sé nan lidé sa a mouin té vlé vi-n jouinn nou, pou nou té kapab gin dé posion gras a-la-foua. ${ }^{16}$ Mouin té vlé pasé lakay nou pou-m alé nan Masédoua-n, épi sòti nan Masédoua-n vi-n lakay nou, é nou ta fè akonpagné-m nan la Judé. ${ }^{17}$ Éské kalkul sa a mouin té fè li a-la-léjè? Oubyin èské désizion mouin sé désizion dapré la chè, - é sa fè ké mouin pa gin ni oui ni non? ${ }^{18}$ Minm jan ké BonDieu sé gnou Bon-Diẹu fidèl, la paròl la ké nou té déklaré ba nou pa té oui ak non a-lafoua. ${ }^{19}$ Paské Pitit Bon-Dieu a, Jézu-Kri, ké mouin-minm, ak Silvin épi Timoté nou té préché pami nou, sé pa té oui ak non, min sé oui sèlman ki té nan li; ${ }^{20}$ paské tout la kantité promès Bon-Dieu té fè, sé Jézu-Kri ki fè yo sé oui; sé pou sa tou, nan li nou di Amèn pou la gloua Bon-Dieu. ${ }^{21}$ É sila ki fè nou rété fèm avèk nouz-òt nan Kris, é ki sakré nou, sé Bon-Dieu, ${ }^{22}$ liminm tou maké nou avèk kout so li, é ba nou a-valoua Léspri a nan kè nou.
23 Mouin pran Bon-Dieu pou témouin sou nanm mouin, ké sé pou-m minnajé nou ki fè mouin pa ko vi-n nan Korint; ${ }^{24}$ nou p-ap chaché dominé la foua nou, min nou vlé édé nou gin la joua, puiské nou rété fèm nan la 2 foua. ${ }^{1}$ Donk, mouin té désidé nan kè mouin pou-m pa tounin lakay nou
nan tristès. ${ }^{2}$ Paské si mouin rann nou tris, ki lès ki kapab réjoui-m, sòf sila a ké mouin rann tris? ${ }^{3}$ Si mouin té ékri nou jan m-fè a, sé pou lè-m rivé pou mouin pa résévoua tristès nan min nou ki doué ban-m la joua; mouin gin konfians sa a nan nou tout, ké nou jouinn la joua nou nan joua pa-m. ${ }^{4}$ Sé ak gnou gran chagrin, ak kè kasé, é ak anpil dlo nan jé, ké mouin té ékri nou, - pa pou rann nou tris non, min pou nou té kapab konnin amou san mézi ké mouin gin pou nou.

## Padonnin moun ki koupab

5 Si gin okinn moun ki té gnou kòz pou tristès, sé pa mouin sèl li fè tris, sé nou tout, - mouin di sa juska gnou pouin, kom pou pa pousé angnin tro louin. ${ }^{6} \mathrm{Pu}$ nision ké pi fò nan nou bay nonm sa a, sé kont pou li; ${ }^{7}$ sé pou sa, koul-yé-a, pito nou padonnin-l épi konsolé li, pou li pa sukonbé an-ba gnou chagrin ki trop. ${ }^{3}$ Donk mouin suplié nou pou aji ak charité anvè li; ${ }^{9}$ paské mouin té ékri nou tou pou sondé nou, pou ouè si nou obéisan nan tout bagay. ${ }^{10}$ É-byin, lè nou-minm padonnin gnou moun, mouin padonnin li tou, é si mouin padonnin, m-fè sa poutèt nou, nan prézans Kris, ${ }_{11}$ pou pa bay Satan avantaj sou nou; paské nou pa ignoré dèyè ki sa li yé.

Tèt Pòl pa té pozé nan Troas
12 Dayè, lè-m té rivé nan vil Troas pou Lévanjil Kris, mal-
gré lé Ségnè té louvri gnou pòt la pou mouin, tèt mouin pa té pozé, paské mouin pa té jouinn frè mouin Tit; ${ }^{13}$ sé pou-tèt sa, lè-m kité fidèl yo, mouin pati pou péyi Masédoua-n.

## Vinkè nan Kris

14 Annou rémèsi Bon-Dieu, ki toujou fè nou trionfé nan Kris, é ki répann odè konnésans li tou-patou ak nou! ${ }^{15}$ Paské, pou Bon-Dieu, nou sé bòn odè Kris pami moun yo ki sové é pami sa yo $k-a p$ péri: ${ }^{16}$ pou moun k-ap péri yo, sé gnou odè la mó, ki bay la mò; pou sa ki sové yo, gnou odè la vi ki bay la vi. Ki moun ki kab résponsab bagay sa yo? ${ }^{17}$ Paské nou-minm, nou pa détounin Parol BonDieu, jan pliziè moun ap fè; min sé gnou jan sinsè, gnou jan ki sòti nan Bon-Dieu, ké nou palé nan Kris dévan Bon-Dieu.

## Minis nouvo alians la

3 Èské nou-minm apòt, n-ap rékòmansé fè louanj tèt nou? Ou-byin, minm jan ak sètin moun, èské nou bézouin lèt pou ta rékómandé nou bay nouz-òt; ou-byin èské nou bézouin lèt rékòmandasion nan min nouz-òt?. ${ }^{2}$ Sé nouz-òt ki lèt nou, ki ékri nan kè nou, ké tou lèz òm konnin, ké tou lèz òm li. ${ }^{3}$ Sa sé klè, ké nouz-òt sé gnou lèt Kris, gnou lèt ki ékri gras-a travay nou-minm apòt, pa avèk lank non, min avèk Léspri BonDieu vivan an, - pa sou tab
ki fèt avèk ròch, min sou tab ki fèt avèk chè, ki vlé di sou kè moun.
4 Sé asurans sa a nou gingnin nan Bon-Dieu, gras-a Kris. ${ }^{5}$ Sa pa vlé di ké nou kapab fè lidé ké gin kichoy ki soti nan nou-minm. O-kontrè, sé nan Bon-Dieu ké kapasité nou sòti. ${ }^{6}$ Sé liminm ki fè nou kapab minis gnou nouvo alians, ki pa dapré komandman ki ékri, min dapré Léspri; paské komandman ki ékri bay la mò, min Léspri bay la vi.
7 Min, si travay nan sèvis komandman yo ki bay la mò (é ki té gravé sou ròch an lèt moun ékri) té tèlman gin gloua ladann, ké pitit Izraè yo pa-t kapab fiksé jé yo sou figu Moiz, tank figu li té kléré, malgré gloua sa a té gin pou pasé, ${ }^{8}$ sé pa mandé si travay nan sèvis Léspri va gin plus gloua anko! ${ }^{9}$ Si travay la ki té gin kondanasion ladann té gin gloua, travay la ki gin justis ladann gin gloua pi plus pasé li ankò. ${ }^{10}$ Nan kondision sa a, sa ki té gin gloua avan an pa té minm gin gloua, a-kòz gloua ki dépasé li a. ${ }^{11}$ Paské, si sa ki té gin pou disparèt la té gin gloua, sa ki la nèt gin gloua plus pasé li anpil.
12 Puiské nou gin éspérans sa a, nou joui gnou gran libèté, ${ }^{13}$ é nou pa fè tankou Moiz, ki té mété gnou voual sou figu li, pou pitit Izraèl yo pa-t fiksé jé yo pou ouè la fin gnou gloua ki t-apralé. ${ }^{14}$ Min yo vi-n gin tandé du; paské jouk jodi a, lè y-ap li
nan Ansyin Tèstaman, minm voual-la la, li pa lévé, paské sé gras-a Jézu-Kri li kapab disparèt. ${ }^{15}$ Jouk jodı a, lè yo li nan Moiz ba yo, voual la kouvri kè yo. ${ }^{16}$ Min lè kè yo konvèti nan lé Ségnè, sa ouété voual la. ${ }^{17}$ É-byin, lé Ségnè sé Léspri; é koté Léspri lé Ségnè yé, sé la la-libèté yé. ${ }^{18}$ Nou tout ki, ak figu nou san kouvri, ap admiré gloua lé Ségnè tankou nan gnou glas, sa fè nou chanjé dapré imaj li, sé sòti nan gloua antré nan gloua, gras-a Léspri lé Ségnè.
4 Sé pou sa, puiské nou nan travay sa a, gras-a mizérikòd nou résévoua, nou pa pèdu kouraj. ${ }^{2}$ Nou jété tout bagay an kachèt ki fè moun ront tèt yo, konduit nou pa gin ruz, é nou pa défòmé paròl Bon-Dieu. Min, jan nou publié la vérité, sé gnou rékómandasion pou tèt nou nan konsians tout moun, dévan Bon-Dieu. ${ }^{3}$ Si jus koul-yé-a Lévanjil nou préché a gin gnou voual sou li, voual la sé sèlman pou moun k-ap péri; ${ }^{4}$ sé pou inkrédul yo, ki kité dieu sièk sa a avèglé intélijans yo, pou yo pa ouè jan lumiè Lévanjil la gloua Kris la kléré, Kris ki imaj Bon-Dieu. ${ }^{5}$ Sé pa pròp tèt pa nou n-ap préché, n-ap préché Jézu-Kri lé Ségnè, é nou di ké nou sé sèvitè nouzòt a-kòz Jézu. ${ }^{6}$ Paské BonDieu ki té di: La lumiè va kléré nan sin ténèb yo! - li fè lumiè kléré nan kè nou, pou fè konnésans gloua BonDieu kléré sou fas Kris.

## La vi pa la foua

7 Min richès sa a, sé nan vèso an-tè n -ap pòté li , pou sa kapab klè ké gran puisans sa a, sé nan Bon-Dieu li sòti, sé pa nan nou-minm. ${ }^{8}$ Nou gin difikulté nan tout sans, min nou pa rédui nan dènié ékstrémité; nou nan détrès, min nou pa nan dézèspoua; ${ }^{9}$ nou an-ba pèsékusion, min nou pa moun ki san sékou; nou krazé, min nou pa pèdu; ${ }^{10}$ nou toujou ap pòté la mò Jézu- avèk nou nan kò nou, pou la vi Jézu kapab parèt tou nan kò nou. ${ }^{11}$ Paské nou-minm k-ap viv, yo livré nou bay la mò san rété, a-kòz Jézu, pou la vi Jézu kapab parèt tou nan chè nou ki kapab mouri.
12 Donk la mò ap aji nan nou-minm apòt, é la vi ap aji nan nouz-òt. ${ }^{13}$ É kòm nou gin minm léspri la foua ki palé nan paròl Lékritu sa a: Mouin kouè, sé pou-tèt sa mouin palé! - nou-minm tou nou kouè, sé pou-tèt sa nou palé, ${ }^{14}$ paské nou konnin ké sila ki té lévé Ségnè Jézu a nan la mò, va lévé nou nan la mò tou ak Jézu, é li va fè nou parèt avèk nouz-òt nan prézans li. ${ }^{15}$ Tout bagay sa yo rivé pou-tèt nou, pou lè la gras multiplié, li kapab fè aksion-dé-gras sòti anpil nan gnou pi gran kantité moun, pou gloua Bon-Dieu.
16 Sé pou-tèt sa nou pa pèdu kouraj. E minm si nan nou nonm déyò a ap détoui, nonm ann-dan an ap vi-n gnou nonm nouvo jou apré
jou. ${ }^{17}$ Paské ti afliksion léjè koul-yé-a ap travay an favè nou ròd-mézi, pou fè gnou gloua ki gin pèz pou létènité; ${ }^{18}$ paské sa n-ap konsidéré, sé pa bagay moun ouè ak jé, min sé bagay yo ké moun pa kapab ouè; bagay moun kapab ouè gin pou pasé, é bagay yo ké moun pa kapab ouè, 5 yo la pou létènité. ${ }^{1}$ Pas$\int$ ké nou konnin ké si tant sa nou abité sou la tè a détoui, nou gin nan sièl la gnou démè ké Bon-Dieu minm fè, gnou abitasion ki la pou létènité, é sé pa min lèz òm ki té fè li. ${ }^{2}$ Sé pou sa n-ap jémi nan tant sa a, nou déziré antré nan abitasion nou ki fèt nan siè la, ${ }^{3}$ a-kondision ké yo jouinn nou abiyé, min pa tou-nu. ${ }^{4}$ Paskéétan nou nan tant sa a, n-ap jémi, nou akablé paské sa nou vlé, sé pa pou nou dézabiyé, min pou nou abiyé, pou la vi kapab anglouti bagay nan nou ki kapab mouri. ${ }^{5}$ É sila ki fòmé nou pou sa, sé Bon-Dieu ki ba nou Léspri li kóm a-valoua.
6 Donk nou toujou plin ak konfians, é nou konnin ké étan nou rété nan kò sa a, nou rété louin lé Ségnè. ${ }^{7}$ Paské n-ap maché ak la foua, sé pa avèk jé, ${ }^{8}$ nou plin ak konfians, é nou pito kité kò sa a pou nou rété koté lé Ségnè. ${ }^{9}$ Sé pou sa tou n-ap fè éfò pou fè li plézi, kit nou rété nan kò sa a, kit nou kité li. ${ }^{10}$ Paské fòk nou tout konparèt dévan tribunal Kris, pou chak moun résévoua dapré byin ou dapré mal li té fè, lè li té nan ko li.

Sèois rékonsiliasion an
11 Donk puiské nou konnin krint ké nou doué gingnin pou lé Ségnè, n -ap chaché konvink lèz òm; Bon-Dieu konnin nou, é mouin éspéré ké nan konsians nou nouz-ò konnin nou tou. ${ }^{12}$ Sé pa ké n-ap rékòmandé tèt nou ankò bay nouz-òt; min nou vlé ba nou gnou okazion pou louanjé a-kòz nou-minm, pou nouzò kapab réponn moun k -ap pran louanj nan bagay ki nan aparans sèman é ki pa nan kè. ${ }^{13}$ Lè-m pa-t nan bon sans mouin, sé pou Bon-Dieu m-tékonsa ;é koul-yé-a m-nan bon sans mouin, sé pou byin nou mouin konsa. ${ }^{14}$ Amou Kris fôsé nou, paské nou fè lidé ké si gnou sèl té mouri pou tout moun, tout moun kòm si yo mouri; ${ }^{15}$ é ké li mouri pou tout moun, pou moun k -ap viv pa viv ankò pou tèt yo, min pou sila ki té mouri é ki té lévé nan la mò pou yo. ${ }^{16}$ Donk dépi koul-yé-a, nou pa konnin pèsonn dapré la chè; é si nou té konnin Kris li-minm dapré la chè, koul-yé-a nou pa konnin li jan sa a ankò. ${ }^{17} \mathrm{Si}$ gnou moun nan Kris, li sé gnou nouvo kréatu; vié bagay yo pasé; min-ni, tout bagay vini nouvo. ${ }^{18}$ E tou sa sosti nan Bon-Dieu, ki rékonsilié nou avèk li, gras-a Kris, é ki konfié nou travay rékonsiliasion an. ${ }^{19}$ Paské Bon-Dieu té nan Kris, li t-ap rékonsilié lé monn avèk li-minm, san li pa mété fòt lèz òm sou kont yo, é li mété paròl rékonsilia-
sion an nan nou. ${ }^{20}$ Donk n -ap ékzèsé ròl moun ki an mision kòm réprézantan Kris, kòm si Bon-Dieu sèvi ak nou pou li bay ékzòtasion. Nou suplié nou, o-non Kris: Rékonsilié nou avèk Bon-Dieu! ${ }^{21}$ Sila ki pa-t konnin péché, Bon-Dieu té fè li tounin péché pou nou, pou ké nan li nou té kapab tounin justis BonDieu.
6 Puiské n-ap travay avèk
Bon-Dieu, nou ékzòté-n pou pa résévoua la gras BonDieu pou grin-mési. ${ }^{2}$ Paské li di:
Nan tan favorab mouin té ékzosé ou,
Jou salu a mouin té ba ou sékou.
Min tan favorab la koul-yé-a, $\min$ jou salu a koul-yé-a. ${ }^{3}$ Nou pa ban-n okinn movèz ékzanp nan angnin, pou travay nou nan lèv la pa an-ba répròch. ${ }^{4}$ Min nan tout bagay nou konpòté tèt nou tankou sèvitè Bon-Dieu, avèk anpil pasians nan tribulasion, nan kalamité, nan détrès, ${ }^{5}$ an-ba kou, nan prizon, lé pèp soulévé, an-ba rinté, nan pa dòmi, nan grangou, ${ }^{6}$ ak pròpté, ak konnésans, ak andurans, ak bonté, ak gnou léspri ki sin, ak gnou amou ki fran, ${ }^{7}$ ak paròl la vérité a, ak puisans Bon-Dieu, ak zam yo ké la justis gingnin pou ataké épi défann; ${ }^{8}$ nan mitan la gloua ak la ront, nan mitan mové ak bon réputasion; lè yo pran nou pou mantè, malgré nou palé la vérité; ${ }^{9}$ pou inkonnu, malgré nou sé moun konnu; pou moun $k$-ap mou-
ri, é min nou vivan; pou moun ki an-ba chatiman, malgré yo pa tué nou; ${ }^{10}$ pou moun ki nan tristès, é nou toujou nan la joua; pou pòv, é nou fè anpil moun rich; pou moun ki pa gin angnin, é nou posédé tout bagay.
11 Bouch nou-minm k-ap ékri a louvri pou nou moun Korint, kè nou laji. ${ }^{12}$ Nouzot pa manké plas nan li; min sé zantray pa nou ki vi-n fèmin. ${ }^{13}$ Manyè rann nou la parèy, - m-ap palé nou tankou pitit mouin, - laji kè nou tou.

## Nou sé tanp Bon-Dieu oivan an

14 Pa mété nou ak infidèl yo an-ba gnou jouk étranjé. Paské ki rapò ki gingnin ant la justis ak linjustis? Ou-byin nan ki mélé la lumiè yé avèk ténèb? ${ }^{15} \mathrm{Ki}$ akò ki gingnin ant Kris avèk Satan? Oubyin, nan ki sa gnou moun ki nan la foua yé avèk gnou infidèl? ${ }^{16} \mathrm{Ki}$ rapò ki gingnin ant tanp Bon-Dieu a avèk zidòl? Paské nou sé tanp Bon-Dieu vivan an, jan BonDieu té di: M-a abité é m-a maché nan mitan yo; mouin va Bon-Dieu yo, é yo va pèp mouin. ${ }^{17}$ Sé pou-tèt sa, -

Sòti nan mitan yo, pran bò pa nou, sé sa lé Ségnè di:
Pa touché sa ki pa pu, é mouin va résévoua nou:
${ }^{18}$ Mouin va gnou papa pou nou, é nou va pitit gason mouin ak pitit fi mouin,
Sé sa léSégnè, ki tou-puisan an, di.
7 ${ }^{1}$ Puiské nou gin kalité promès sa yo, byinn-émé
an nou nétouayé tèt nou anba tout bagay ki pa pròp nan la chè ak nan léspri, an nou fini vi-n sin nan krint ké nou gingnin pou Bon-Dieu.

## La joua Pòl lè légliz répanti

2 Ban nou gnou plas nan kè nou! Nou pa fè pèsonn mal, nou pa kozé la rui-n pèsonn, nou pa sousé pèsonn. ${ }^{3}$ Sé pa pou kondané nou ké m-ap palé konsa; paské mouin déja di ké nou, moun Korint, nan kè nou k-ap ékri a ni pou la vi ni pou la mò. ${ }^{4}$ Mouin gin gnou gran konfians nan nou, mouin gin tout rézon pou fè louanj nou; mouin plin konsolasion, mouin konblé ak la joua nan mitan tout tribulasion nou. ${ }^{5}$ Paské dépi nou rivé nan péyi Masédoua-n, nou pa té an répo, nou té aflijé tout jan: té gin lut déyò, la krint anndan. ${ }^{6}$ Min Bon-Dieu, ki konsolé moun ki défayi, té konsolé nou ak Tit ki rivé, ${ }^{7}$ é pa sèlman avèk rivé li, min tou avèk konsolasion ké Tit li-minm té jouinn nan nouzot: li di nou ki dézi nou gingnin, ki jan nou krié, jan nou dévoué pou mouin, é sa té fè la joua mouin pi gran ankò.
8 Malgré mouin té fè nou tris ak lèt mouin an, m-pa régrèt sa. É si mouin té régrèt sa , - paské mouin ouè jan lèt sa a fè nou tris, malgré ké sé pou gnou tan, - ${ }^{9}$ koul-yé-a mouin kontan, pa paské nou té tris non, min paské tristès nou fè nou répanti; nou té tris dapré Bon-Dieu, é
sa pèmèt ké nou $k$-ap ékri a pa fè nouz-òt okinn tò. ${ }^{10}$ Sè ké tristès ki dapré Bon-Dieu bay gnou répantans ki minnin nan salu é ké moun pa janm régrèt, tandis ké tristès dapré lé monn bay la mò. ${ }^{11}$ E gadé ki laprésman tristès sa a ki dapré Bon-Dieu mété nan nou! Ala dé éskuz! Ala indignasion! Ala gnou krint! Ala gnou dézi ki gin flanm! Ala dévouman! Ala gnou punision! Nou montré nan tout sans ké nou té inosan nan afè sa a.
12 Donk, si mouin té ékri nou, sé pa té ni a-kòz moun ki té fè ofans la, ni a-kòz moun ki té résévoua ofans la; sé té pou laprésman ki gingnin pami nouz-òt pou nou k-ap ékri a té kapab parèt dévan Bon-Dieu. ${ }^{13}$ Sé pou sa nou konsolé. Min a pa-dé konsolasion nou, nou té réjoui anpil, pi plus ankò, a-kòz la joua Tit té gingnin paské nouz-òt té rasuré léspri li. ${ }^{14}$ Si mouin té bay in-pé louanj pou nou dévan li, mouin pa sòti ront; min, kòm nou toujou palé nou dapré la vérité sé trouvé ké louanj nou té fè dévan Tit la sé la vérité tou. ${ }^{15} \mathrm{Li}$ santi aféksion li rédoublé pou nou, lè li sonjé obéisans nou tout, avèk jan nou té résévoua li nan la krint épi tou ap tranblé. ${ }^{16}$ M-kontan ké mouin kapab konfié nou nan tout bagay.

## Ofrann an favè sin yo

8Frè, nou mété nou an konnésans la gras BonDieu ki manifésté nan légliz
yo ki nan péyi Masédoua-n. ${ }^{2}$ Nan mitan anpil afliksion yo té subi, la joua yo k-ap débòbé, épi situasion yo kòm moun ki pòv nèt, té multiplié richès bonté yo. ${ }^{3}$ Mouin rann témouagnaj sa a: Sé yo ki bay pou kont yo, dapré mouayin yo, é minm plus pasé mouayin yo, ${ }^{4}$ yo plédé mandé nou kont-kó yo favè pou yo patisipé nan sékou ki t-ap paré pou sin yo. ${ }^{5}$ Non sèlman yo bay jan nou té éspéré, min pou kòmansé yo té bay lé Ségnè tèt yo, épi yo ba nou tèt yo, gras-a volonté Bon-Dieu.
6 Donk, nou mandé Tit pou tèminé lakay nou zèvz charité sa a, minm jan li té kòmansé-l. ${ }^{7}$ Minm jan nou byin bon nan tout bagay, nan la foua, nan paròl, nan konnésans, zèl nan tout sans, avèk nan amou nou gingnin pou nou, sé konsa tou pou nou chaché byin bon nan zèv charité sa a. ${ }^{8}$ Mouin p-ap di sa pou pasé gnou lòd, min mouin pran dévouman lèz òt pou sondé ki jan charité nou sinsè. ${ }^{9}$ Paské nou konnin la gras nòt Ségnè JézuKri ki té rich, li fè li pòv poutèt nou, pou pòv li pòv la té fè nou rich. ${ }^{10}$ Sé gnou konsèy m-ap ba nou nan sa; li byin tonbé pou nou, ki pa sèlman kòmansé aji, min ki té pran désizion an dépi ané pasé. ${ }^{11}$ Donk koul-yé-a sé pou nou fi-n fè jès la nèt, pou jan nou akonpli li dapré mouayin nou kapab korésponn avèk jan nou té présé pran désizion an. ${ }^{12}$ Lè gin bon volonté pou moun bay
dapré sa li gingnin, - min pa dapré sa li pa gingnin, - sé gnou bagay ki agréab. ${ }^{13}$ Paské sa pa vlé di mété tèt nou nan la mizè pou soulajé lèz òt, min pou fè sa gnou jan égal: nan situasion koul-yé-a, sa nou gingnin an-plus va founi sa yo manké, ${ }^{14}$ pou sa yo gingnin an-plus kapab founi sa nou-minm nou manké, sé konsa va gingnin égalité, ${ }^{15}$ jan sa ékri a: Sa ki té ranmasé anpil pa té gingnin tròp, é sa ki té ranmasé ti kras pa té manké.
16 An nou rann Bon-Dieu gras paské li té mét nan kè Tit minm laprésman an pou nou moun Korint; ${ }^{17}$ paské li byin résévoua démann nou, é sé nan dévouman li, li pati ak pròp volonté li pou vi-n lakay nou. ${ }^{18}$ Nou voyé avèk li frè a ki gin louanj li répann nan tout légliz yo pou afè dé Lévanjil; ${ }^{19}$ é sa ki pi plus, légliz yo chouazi li pou li sèvi nou konpagnon vouayaj nan zèv charité sa a, ké n-ap akonpli pou gloua lé Ségnè minm é kòm témouagnaj bon volonté nou. ${ }^{20} \mathrm{~N}$-ap aji konsa, pou pèsonn pa fè nou répròch sou gro kèt sa a ké n-ap administré. ${ }^{21}$ Paské n-ap chaché sa ki byin, non sèlman dévan lé Ségnè, min tou dévan lèz òm. ${ }^{22}$ Nou voyé avèk yo frè nou a ké nou sondé souvan nan dévouman li nan anpil okazion, é ki gin koul-yé-a plus dévouman ankè a-kòz gran konfians li gingnin nan nouz-òt. ${ }^{23}$ Sa vlé di ké, kant-a Tit, li sé asosié nou avèk konpagnon zèv nou la-
kay nouz-òt; é kant-a frè nou yo, yo sé mésajé légliz yo, yo sé gloua pou Kris. ${ }^{24}$ Donk, sé gnou gloua pou Kris. ${ }^{24}$ Donk, sé pou nou ba yo prèv charité nou, avèk légliz yo kòm témouin, é montré yo ké nou gin rézon bay louanj pou nou.
0 Kant-a sékou ki rézèvé pou sin yo, sé pa nésésè pou-m ékri nou. ${ }^{2}$ Paské mouin konnin bon volonté nou, mouin bay louanj sou sa pou nou, dévan pèp Masédoua-n, mouin déklaré yo, ké pèp Lakai paré dépi ané pasé; é dévouman nou souké pi fó nan yo. ${ }^{3}$ Mouin voyé frè yo, pou louanj nou té bay pou nouz-òt pa pasé nul sou pouin sa a, é pou nou kapab paré jan mouin té di a. ${ }^{4}$ Mouin pa ta vlé, pou si moun Masédoua-n vini avèk mouin, épi yo pa jouinn nou paré, pou konfians sa a pa sèvi pou fè nou k-ap ékri a ront, pou pa di nou-minm moun Korint. ${ }^{5}$ Donk, mouin jujé nésésè pou mandé frè yo vizité nou avan sa; yo va véyé pou don nou fi-n promèt la kapab paré, é pou li gnou don tout bon, min pa afè moun ki kras.
6 Konnin sa: Moun ki simin ti kras va rékolté ti kras, é moun ki simin anpil va rékolté anpil. ${ }^{7}$ Ké chak moun bay jan li té désidé nan kè li, san li pa tris, ni san yo pa fósé-l; paské Bon-Dieu rinmin moun ki bay avèk kè kontan. ${ }^{8}$ É Bon-Dieu kapab konblé nou avèk tout kalité gras, pou nou toujou gingnin
dé-koua pou satisfè bézouin nou nan tout bagay, é pou nou gin anpil ankò pou fè tout bon zèv, ${ }^{9}$ dapré sa ki ékri:

Li bay anpil, li bay pòv yo; Justis li la pou tout tan. ${ }^{10}$ Sila ki

Founi grinn bay moun k-ap simin,
Ak pin ki sèvi li nouritu, va founi nou grinn tou, li va multiplié-l, li va fè foui justis nou pi plus. ${ }^{11} \mathrm{Sa}$ va anrichi nou nan tout sans, pou nou kapab akonpli tout bon jès. E travay nou k-ap ékri a va fè jès sa yo póté moun rann Bon-Dieu aksion-dégras. ${ }^{12}$ Paské sékou charité sa a pa sèman founi sa sin yo bézouin, min tou sé gnou gran okazion pou anpil aksion-dé-gras anvè BonDieu. ${ }^{13}$ A-kòz sékou sa a ké yo ouè, yo rann Bon-Dieu gloua pou obéisans nou nan rout Lévanjil Kris, avèk jès libéral nou fè anvè yo é anvè tout moun. ${ }^{14}$ Yo prié pou nou, paské yo rinmin nou pou-tèt la gras san parèy ké Bon-Dieu fè nou. ${ }^{15} \mathrm{An}$ nou rann Bon-Dieu gras pou don li sa a, ké bouch pa kab palé!
Pòl ap défann travay li.kòm apòt

10Mouin Podl, mouin prié nou avèk dousè épi bonté Kris, - mouin ki parèt si fèmin lè-m pami nou, ê ki si angran avèk nou lè-m louin, $-{ }^{2}$ mouin suplié nou, lè-m prézan, pou nou pa fósé-m montré nou angran sa a, ké-m gin lidé ékzèsé sou kèk moun ki fè lidé ké $n$-ap maché dapré la chè.

3 Si n-ap maché nan la chè, nou p-ap konbat dapré la chè. ${ }^{4}$ Paské zam nou nan konba a, sé pa zam la chè; min gras-a Dieu, yo puisan pou ranvèsé fòtrès. ${ }^{5}$ Nou ranvèsé rézonnman épi tout ògèy ki lévé kont konnésans Bon-Dieu, é nou kondui tout pansé pou vi-n soumèt nan lobéisans Kris. ${ }^{6}$ Nou paré tou pou puni tout dézobéisans jouk nou vi-n obésian tout bon.
7 N -ap gadé sou aparans! Si gnou moun mét lidé nan tèt li ké li sé moun Kris, sé pou li di tou nan li-minm ke, minm jan li sé moun Kris, nou-minm tou, nou moun Kris. ${ }^{8}$ É minm si mouin ta louanjé tèt mouin ti gout tròp pou-tèt otorité ké lé Ségnè ba nou pou instoui nouz-òt, é pa pou détoui nou, mouin pa ka ront pou sa. ${ }^{9}$ Sé pou-m pa parèt kòm si mouin vlé kapronnin nou avèk lèt mouin yo. ${ }^{10}$ Paské yo di: Lèt li yo sévè, yo du; min, lè ou ouè m-sié, li fèb é paròl li pa vo angnin. ${ }^{11} \mathrm{Ké}$ moun k-ap palé konsa a di tèt li ké jan nou yé nan paròl lèt nou, lè nou pa la, sé konsa nou yé tou nan zak nou, lè nou prézan.
12 Nou p-ap ozé mété nou sou minm nivo ou-byin konparé tèt nou avèk sètin moun pami sa k-ap rékòmandé tèt yo. Min lè y-ap mézuré tèt yo avèk pròp mézi pa yo é lè y-ap konparé tèt yo avèk yominm ankò, yo manké intélijans. ${ }^{13}$ Kant-a nou, nou pa vlé bay tèt nou gloua ròd-
mézi; min nou va rété nan limit posion travay ké BonDieu rémèt nou, pou té fè nou rivé jouk koté nouz-òt. ${ }^{14}$ Nou p-ap chaché dépasé limit nou, kòm si nou pa-t ko rivé jouk koté nouz-òt; paské nou bèl-é-byin rivé jouk koté nou avèk Lévanjil Kris. ${ }^{15}$ Sé pa ròd-mézi, ni avèk travay lòt moun ké n-ap bay tèt nou gloua; min sé avèk éspoua ké si la foua nouz-òt grandi, travay nou va dévlopé pami nou dapré limit nou résévoua, ${ }^{16}$ é nou va anonsé Lévanjil dépasé péyi nou, san bay tèt nou gloua avèk travay ki fèt nan limit lòt moun résévoua. ${ }^{17}$ Ké moun k-ap louanjé tèt li louanjé li nan lé Ségnè. ${ }^{18}$ Paské sé pa moun k-ap rékòmandé tèt li li-minm ki pasé pou kapab; sé moun ké lé Ségnè rékòmandé.
11 O! si • nou té kapab gnou ti foli! Min oui, subi mouin! ${ }^{2}$ Paské mouin jalou pou nou avè jalouzi BonDieu, dapré ké mouin fiansé nou avèk gnou sèl m-sié, pou-m prézanté nou bay Kris tankou gnou ti fi inosan. ${ }^{3}$ Min, minm jan sèpan an té sédui Ev avèk ruz li, mouin krinn ké lidé nou pa kòronpu é pa viré kité kè sinp ké nou doué gingnin dévan Kris. ${ }^{4}$ Paské si gnou moun vi-n préché ba nouz-òt gnou lòt Jézu pasé sa nou-minm nou té préché a, ou-byin si y-ap fè nou résévoua gnou lòt léspri pasé sa nou té résévoua a, ou-byin gnou lot Lévanjil pasé sa nou té aksépté a, nou
byin supòté li. ${ }^{5}$ É-byin, mouin gin lidé ké mouin pa pi ba nan angnin pasé apòt sanparèy sa yo. ${ }^{6}$ Si m-sé gnou ignoran nan afè dé konn palé, mouin pa ignoran nan afè dé konnésans, é nou prouvé sa pami nouz-òt nan tout sans, nan tout bagay.
7 Ou-byin, èské mouin konmèt gnou péché paské mouin rabésé-m pou nou-minm nou té kapab monté, lè mouin té anonsé nou Lévanjil BonDieu gratis? ${ }^{8}$ Mouin ouété nan min lòt légliz, avèk pèy mouin résévoua nan min yo, pou sèvi nou. Lè mouin té lakay nou é mouin té trouvé-m nan nésésité, mouin pa-t sou kont pèsonn; ${ }^{9}$ paské frè yo ki té sòti Masédoua-n té founi sa mouin té manké. Nan tout bagay mouin té pran prékosion pou-m pa sou kont nou, é mouin va pran prékosion sa a. ${ }^{10}$ Avèk la vérité Kris ki nan mouin, mouin déklaré ké moun p-ap ouété gloua sa a nan min mouin, nan péyi Lakai. ${ }^{11}$ Pouki sa? Eské sé paské mouin pa rinmin nou? Bon-Dieu konnin! ${ }^{12}$ Min, jan mouin aji a, mouin va aji konsa ankò, pou ouété tout okazion nan min moun yo k-ap chaché gnou okazion; sa va fè yo parèt san okinn diférans avèk nou nan bagay k-ap fè yo bay tèt yo gloua. ${ }^{13}$ Moun sa yo sé fo apòt, dé ouvrié k-ap manti, ki dégizé ann apòt Kris. ${ }^{14} \mathbf{S a}$ pa éstraodinè; puiské minm Satan dégizé tèt li an zanj lumiè. ${ }^{15}$ Donk sa pa dròl si sèvitè li yo tou dégizé an
sèvitè la justis. Fin yo va dakò avèk zèv yo.

## Soufrans Pol kòm apòt

16 Mouin répété sa: Ké pèsonn pa pran mouin pou gnou moun ki san la rézon; ou-byin oui, pran mouin pou gnou moun ki san la rézon, pou-m kapab bay tèt mouin in-pé louanj tou. ${ }^{17} \mathrm{Sa}$ m-ap di a avèk konviksion ké gingnin dé-koua pou-m louanjé tèt mouin, mouin p-ap di li dapré lé Ségnè, min kòm si an-ba foli. ${ }^{18}$ Puiské gin pliziè k -ap louanjé tèt yo dapré la chè, mouin va bay tèt mouin louanj tou. ${ }^{19}$ Paské, nouminm ki saj, nou supòté fasilman moun yo ki san la rézon. ${ }^{20}$ Si gnou moun trété nou kòm ésklav, si gnou moun dévoré nou, si gnou moun mét min sou nou, si gnou moun arogan, si gnou moun souflété nou, nou supòté sa. ${ }^{21}$ Mouin ront di sa, ni nou ni mouin nou aji avèk féblès.
Malgré sa, ninpòt ki bagay gnou moun kapab ozé, (sé an moun ki san la rézon m-ap palé), m-a ozé li mouinminm tou! ${ }^{22}$ Eské yo sé Ébré? Mouin-minm tou. Ėské yo sé ras Izraèl? Mouinminm tou. Èské yo sé désandan Abraam? Mouin-minm tou. ${ }^{23}$ Eské yo sé sèvitè Kris? (M-ap palé an moun k-ap dérayé.) Mouin sé sa plus pasé yo: nan travo, mouin plus pasé yo; nan kou ki résévoua, mouin plus pasé yo; nan pasé prizon, mouin plus pasé yo. Souvan mouin té
nan danjé la mò, ${ }^{24}$ an sink foua mouin résévoua nan min Jouif yo karant kou mouins gnoun, ${ }^{25}$ an toua foua yo bat mouin avèk fouèt, gnou foua yo kalonnin-m ròch, an toua foua m-fè nofraj, m-pasé gnou jou gnou nuit nan labim. ${ }^{26}$ Anpil foua nan vouayaj, m-té an danjé sou gro la riviè, an danjé avèk brigan, an danjé avèk pròp moun nasion mouin, an danjé avèk payin yó, an danjé nan la vil, an danjé nan dézè, an danjé sou la mè, an danjé pami frè ki fo. ${ }^{27}$ Mouin rédi travay, mouin rinté, m-pasé anpil nuit san dòmi, an-ba grangou ak souaf, jèn sou jèn, an-ba frédi avèk tou-nu. ${ }^{28}$ San di plus pasé sa, chak jou mouin an-ba tèt-chajé tout légliz yo ban mouin. ${ }^{29} \mathrm{Ki}$ moun ki fébli, san mouin pa fébli? Ki moun ki chuté, san sa pa ban mouin la fièv?
30 Si moun doué bay tèt yo louanj, sé pou féblès mouin ké m-a louanjé! ${ }^{31}$ Bon-Dieu ki Papa Ségnè Jézu, é ki béni pou létènité, konnin ké mouin p-ap manti! ${ }^{32}$ Nan vil Damas, kòmandan roua Arétas la té fè suvéyé la vil pèp Damas la, pou mét la min sou mouin. ${ }^{33}$ Min yo désann mouin nan gnou fénèt, nan gnou panié o-lon muray la, é mouin chapé an-ba min yo.

## Pikan nan la chè

12 Fòk gin louanjé tèt. Sa pa bon, sé vré. Malgré sa, m-ap vini sou vizion avèk révélasion lé Ségnè ban mouin.

2 Mouin konnin gnou nonm ki nan Kris, gin katòz an dé sa, li té transpòté jouk nan touazièm sièl. (Eské sé té nan kò li? Mouin pa konnin. Eské sé pa té nan kò li? Mouin pa konnin, Bon-Dieu konnin.) ${ }^{3} \mathrm{Min}$ mouin konnin ké nonm sa a (èské sé té nan kò li ou-byin san kò li, m-pa konnin, Bon-Dieu konnin), ${ }^{4}$ nonm sa a té transpòté nan paradi, é li té tandé dé paròl ké bouch pa kab palé é ké gnou nonm pa gin doua di. ${ }^{5} \mathrm{M}$-a louanjé pou nonm sa a, min mouin p-ap bay louanj pou tèt pa-m, sodf pou infimité mouin. ${ }^{6}$ Si-m té vlé bay tèt mouin louanj, mouin pa ta moun san la rézon poutèt sa, paské sé la vérité mouin ta di; min mouin rétni tèt mouin, pou pèsonn pa fè sou mouin gnou lidé ki pi ro pasé sa li ouè nan mouin, ou pasé sa li tandé sou mouin.
7 É pou mouin pa gonflé ak ògèy, a-kòz révélasion sanparèy sa yo, vi-n gin gnou pikan nan chè mouin, gnou zanj Satan pou soufiété-m é pou anpéché-m gin ògèy. ${ }^{8}$ An toua foua mouin prié lé Ségnè pou ouété li nan mouin. ${ }^{9} \mathrm{Li}$ di mouin: La gras mouin asé pou ou, paské puisans mouin èkzèsé-l tout bon nan féblès. Donk mouin va fè louanj tèt mouin pi fasil a-kòz féblès mouin, poupuisansKriskapab rété sou mouin. ${ }^{10}$ Sé pou sa mouin kontanté-m nan féblès, an-ba véksasion, nan lafliksion, nan pèsékusion, nan la détrès pou-tèt Kris; paské, lè
mouin fèb, sé lè a mouin fò.
11 Mouin aji an moun san-la-rézon, sé nou ki fòsé-m. Sé nou ki té doué fè louanj mouin, paské mouin pa-t montré-m pi ba nan angnin pasé apòt san-parèy sa yo, malgré mouin pa angnin. ${ }^{12}$ Prèv mouin kòm apòt éklaté pami nou avèk gnou pasians ké angnin pa rébuté, avèk sign, mèvèy épi mirak. ${ }^{13}$ Nan ki sa yo té aji anvè nou pi mal pasé lòt légliz yo, sòf ké mouin-minm mouin pa té sou kont nou? Padonnin mouin injustis sa a.

## Avètisman gnou touazièm vizit

14 Min touazièm foua ké mouin paré pou vi-n lakay nou, é mouin p-ap sou kont nou; paské sé pa lintéré nou ké m-ap chaché, sé nou-minm. Sé pa ròl pitit pou ranmasé pou paran yo, min sé paran ki ranmasé pou pitit. ${ }^{15}$ Kant-a mouin, m-a dépansé avèk plézi, é m-a dépansé tèt mouin pou nanm nou, minm si paské mouin pi rinmin nou, sa fè nou pi pa rinmin mouin.
16 Sé sa minm, mouin pa té sou kont nou; min an moun abil, mouin pran nou avèk ruz! ${ }^{17}$ Eské mouin té sèvi avèk okinn pami moun yo ké mouin té voyé lakay nou, pou-m fè profi sou tèt nou? ${ }^{18}$ Mouin té mandé Tit pou vi-n lakay nou é mouin té voyé frè a avèk li: èské Tit té ékzijé kichòy nan min nou? Eské nou tou-dé pa maché nan gnou minm léspri, avèk nan minm tras?
$19 \mathbf{N}$-ap fè lidé dépi lontan
nan Korint ké nou k-apékri a, n-ap chaché justifié tèt nou dévan nouz-òt. Sé dévan BonDieu, nan Kris, ké n-ap palé; é tout bagay sa yo, byinn-émé, n-ap di sa pou instoui nouzot. ${ }^{20}$ Paské mouin pè, lè-m rivé, pou mouin pa jouinn nou jan m-ta vlé, é mouinminm tou, pou nou pa jouinn mouin jan nou ta vlé. Mouin pè jouinn kont, jalouzi, brouyay, anbision, palé moun mal, paròl pou déjoué moun, ògèy, dézòd. ${ }^{21}$ Mouin krinn, lè-m rivé, pou Bon-Dieu mouin pa rabésé-m ankò a-kòz konduit nou, é ké mouin pa gingnin pou krié pou-tèt pliziè nan moun yo ki té konmèt péché avan é ki pa répanti pou kòrupsion, malpròpté avék lisans yo té lagé kò yo ladan.

13M-ap vi-n lakay nou pou la touazièm foua. Tout kòz va réglé dapré déklarasion dé ou-byin toua témouin. ${ }^{2}$ Dézièm foua mouin té vini an, mouin té di, é jodi a ké mouin pa la mouin di davans ankò pou moun yo ki té konmèt péché avan é pou tout lèz ot yo ké, si mouin tounin lakay nou mouin p-ap aji avèk okinn minnaj-man, ${ }^{3}$ puiské n-ap chaché prèv ki montré ké Kris ap palé nan mouin, Kris ki pa fèb dévan nou, min ki puisan pami nou. ${ }^{4}$ Paské li té klouré sou la koua a-kòz féblès li, min li vivan avèk puisans Bon-Dieu. Nouminm tou, nou fèb nan li, min n-a viv avèk li pa mouayin puisans Bon-Dieu pou nou
kapab travay pami nouz-òt.
5 Ékzaminé tèt nou nouminm, pou konnin si nou nan la foua; sondé tèt nou nouminm. Eské nou pa rékonnèt ké Jézu-Kri nan nou? A-mouins pétèt ké ékzamin an pa viré kont nou. ${ }^{6}$ Min mouin éspéré ké nou va rékonnèt ké li pa viré kont nou-minm k-ap ékri a. ${ }^{7}$ Épi nou prié Bon-Dieu pou nou pa fe angnin ki mal, - pa pou nou kapab parèt avèk kalité, min pou nouz-òt kapab akonpli sa ki byin, tandis ké nou-minm nou tankou si nou pa gin kalité. ${ }^{8}$ Paské nou pa gin puisans kont la vérité; nou gingnin sèlman pou la vérité. ${ }^{9}$ Nou réjoui nou lè nou fèb, tandis ké nouz-òt fò. É sa nou mandé nan la priè nou, sé pou nouzot kapab vi-n bon sou tout pouin. ${ }^{10}$ Sé sa ki fè mouin ékri bagay sa yo étan mouin pa avèk nou, pou lè mouin avèk nou, mouin pa bézouin aji gnou jan sévè, dapré otorité ké lé Ségnè ban mouin pou bati min pa pou détoui.

## Dènié salutasion

11 Dayè, frè, ké nou nan la joua; chaché vi-n bon sou tout pouin; konsolé tèt nou; ké nou gin minm santiman; viv an pé: é Bon-Dieu, ki Bon-Dieu amou ak la pé, va avèk nou. ${ }^{12}$ Sé pou nou gnoun salué lòt avèk gnou bo ki sin. Tout $\sin$ yo salué nou.
13 Ké la gras nòt Ségnè Jézu-Kri, lamou Bon-Dieu, avèk konmunion Sint-Éspri, avèk nou tout!

# Lèt Pòl ékri GALAT YO 

## Adrès lèt la avèk salutasion

1Pòl, ki apòt, - pa apòt gras-a lèz òm, ni gras-a gnou nonm, min gras-a JézuKri ak Bon-Dieu Papa a, ki té lévé li pami mò yo, - ${ }^{2}$ ak tout frè yo ki avèk mouin, nou di légliz yo ki nan péyi Galasi: ${ }^{3}$ Ké nou résévoua la gras ak la pé ki sóti nan Bon-Dieu Papa a é nan nòt Ségnè Jézu-Kri, ${ }^{4}$ ki té bay tèt li li-minm pou péché nou, pou raché nou anba sièk koul-yé-a ki mové, dapré volonté Bon-Dieu nou ak Papa nou. ${ }^{5}$ Gloua pou li nan létènité! Amèn!

Sé gnou sèl Lévanjil ki gingnin
6 Mouin sézi jan nou détounin nou si vit dé sila ki té rélé nou ak la gras Kris, é nou alé nan gnou lot Lévanjil. ${ }^{7}$ Sé pa ké gin gnou lòt Lévanjil, min gin dé moun k-ap troublé nou, é ki vlé ranvèsé Lévanjil Kris.
8 Min, minm si nou k-ap ékri a, minm si gnou zanj nan sièl la ta a-nonsé nou gnou lòt Lévanjil pasé sa nou té préché ba nou an, malédiksion pou li! ${ }^{9}$ Nou déja di sa, é mouin répété li koul-yé-a: Si gnou moun a-nonsé nou gnou lòt Lévanjil pasé sa nou té résévoua a, malédiksion pou li! 10 Koul-yé-a, èské sé favè lèz òm ké mouin anvi, ou-byin pa Bon-Dieu? Eské m-ap
chaché plè lèz òm? Si-m t-ap plè lèz òm toujou, mouin pa ta sèvitè Kris.

## Travay Pòl nan Lévanjil

11 Mouin déklaré nou, frè, ké Lévanjil ké mouin té a-nonsé a pa sòti nan lòm; ${ }^{12}$ paské mouin pa ni résé-voua-l ni aprann ni nan min lòm, min gras-a gnou révélasion Jézu-Kri.
13 Sè ké nou aprann ki jan konduit mouin té yé nan rélijion Jouif yo, ki jan mouin t-ap pèsékuté légliz Bon-Dieu a rèd, mouin t-ap ravajé-l, ${ }^{14}$ é ki jan mouin té pi a-fon nan rélijion Jouif yo pasé anpil ki té minm laj ak mouin é pami moun nasion mouin, puiské m-té ròd cho nan tradision zansèt mouin yo. ${ }^{15}$ Min lè sa té plè sila ki té mété-m a-pa dépi nan sin manman-m, é ki té rélé-m ak la gras li, ${ }^{16}$ pou dévoualé Pitit li nan mouin, pou-m té a-nonsé li pami payin yo, minm lè $\mathrm{a}, \mathrm{m}$-pa konsulté ni chè ni san, ${ }^{17} \mathrm{~m}$-pa monté du-tou Jéruzalèm koté sila yo ki té apòt avan mouin, min mouin pati pou péyi Arab yo. Épi, m-tounin Damas ankó.
18 Touaz-an apré sa, mouin monté Jéruzalèm pou fè konnésans ak Séfas, é-m rété kinz jou lakay li. ${ }^{19} \mathrm{Min}$ mouin pa-t ouè okinn nan lòt apòt yo, sòf Jak, frè lé Ségnè a.
${ }^{20}$ Oui, dévan Bon-Dieu, nan sa mouin ékri nou an, mouin pa manti.
21 Apré sa, mouin t-alé nan péyi La Siri ak La Silisi. ${ }_{22}$ Min, figu-m té inkonnu pou légliz la Judé yo ki nan Kris; ${ }^{23}$ sèlman yo té tandé di: Sila ki t-ap pèsékuté nou nan tan lontan an, koul-yé-a l-ap a-nonsé la foua ké li t-ap travay pou détoui a. ${ }^{24}$ E yo té bay Bon-Dieu gloua pou tèt mouin.
2 Katòz-an apré sa, mouin monté ankò Jéruzalèm ak Ba-nabas, é m-té pran Tit avèk mouin; ${ }^{2}$ sé dapré gnou révélasion ké mouin té monté. Mouin détayé bay frè yo Lévanjil ké mouin préché pami payin yo, é-m détayé li an patikulié bay sila ki pi konsidéré yo, pou-m asuré-m ké mouin p-ap kouri, ou-byin ké mouin pa-t gin tan kouri an vin. ${ }^{3}$ E Tit, ki té ak mouin, é ki té moun ras grèk, yo pa-t minm kontrinn li pou fè sikonsi-l. ${ }^{4}$ Sé té a-kòz kèk fo frè ki té fofilé kò yo é ki té glisé yo pami nou, pou éspionnin libèté nou nan Jézu-Kri, nan intansion pou rann nou ésklav. ${ }^{5}$ Nou pa kité pou yo gnou ti ka-dè, é nou rézisté kont ékzijans yo, pou ké vérité Lévanjil la té kapab konsèvé pami nou. ${ }^{6}$ Sa ki té pi konsidéré yo (sa yo té yé lontan, sa pa gadé-m: Bon-Dieu pa gin pas-pou-ki), sa ki pi konsidéré yo pa fè-m okinn ékzijans. ${ }^{7}$ O-kontrè, lè yo ouè ké mouin té gin mision préché Lévanjil bay moun yo ki pa
sikonsi, minm jan Piè gin mision préché moun yo ki sikonsi ${ }^{8}$ (paské sila ki té mété Piè kòm apòt moun yo ki sikonsi, sé li tou ki té mété mouin kòm apòt payin yo,) ${ }^{9}$ é lè yo rékonnèt la gras ké mouin té résévoua, Jak, Séfas ak Jan, ki konsidéré kòm dé poto-mitan, yo ban mouin ak Ba-nabas la min kòm asosié, pou nou t-alé koté payin yo, é yo-minm koté moun yo ki sikonsi. ${ }^{10}$ Sèl bagay, yo té rékòmandé nou pou sonjé pòv yo, é mouin té byin présé fè sa.

## Pòl réproché Piè nan Antiòch

11 Min lè Séfas vi-n Antiòch mouin fè gnou bout ak li, paské li té mérité blanmin. ${ }^{12}$ Sè ké, avan sètin moun Jak voyé té rivé, li té manjé ansanım ak payin yo; é lè yo rivé, li ouété kò-l, li mété-l a-léka, paské li té krinn moun yo ki sikonsi. ${ }^{13}$ Lèz òt Jouif yo dégizé konduit yo minm jan ak li, é sa fè minm Banabas té pran nan jan ipokrit yo a. ${ }^{14}$ Lè-m ouè yo pa t-ap maché douat dapré verrité Lévanjil la, mouin di Séfas, an prézans yo tout: Si ou-minm ki Jouif, ou-ap viv tankou payin yo o-lié ou viv tankou Jouif, pouki sa ou-ap fósé payin yo suiv Jouif yo?
15 Nou-minm nou sé Jouif natif-natal, nou pa péchè ras payin. ${ }^{16}$ Malgré sa, kòm nou konnin ké sé pa zèv la loua ki bay lòm justis, min sé la foua nan Jézu-Kri, nou-minm tou nou kouè nan Jézu-Kri, pou nou kapab résévoua jus-
tis gras-a la foua nan Kris é pa gras-a zèv la loua, paské okinn vivan p-ap résévoua justis ak zèv la loua. ${ }^{17} \mathrm{Min}$, si étan n-ap chaché résévoua justis gras-a Kris, yo té dékouvri ké nou-minm tou nou sé péchè, èské Kris ta mi-nis péché? Du-tou! ${ }^{18}$ Paské si m-ap rébati sa-m té détoui, mouin montré ké mouin sé gnou moun k-ap dézobéyi la loua; ${ }^{19}$ sé la loua ki fè ké mouin mouri dévan afè la loua, pou mouin kapab viv pou Bon-Dieu. ${ }^{20}$ Mouin té klouré sou la koua avèk Kris; é si m-ap viv, sé pa mouin ankò k-ap viv, sé Kris k-ap viv nan mouin; si m-ap viv koul-yé-a nan la chè, m-ap viv nan la foua ké mouin gin nan Pitit Bon-Dieu a, ki té rinmin-m é ki té bay tèt li pou mouin. ${ }^{21}$ Mouin p-ap annulé la gras Bon-Dieu; paské si sé gras-a la loua ké moun résévoua justis, é-byin Kris mouri pou grin-mési.
Moun résévoua Léspri gras-a la foua O Galat ki pa gin bonsans! Ki lès ki pran tèt nou, nou ké yo té mété détay dévan jé nou sou Jézu-Kri ké yo té klouré sou gnou koua? ${ }^{2}$ Min sèl bagay mouin vlé konnin nan min nou: Eské sé gras-a zèv la loua ké nou té résévoua Léspri, ou-byin gras-a la foua ki té préché? ${ }^{3}$ Eské nou tèlman san bonsans? Apré nou kòmansé nan Léspri, èské koul-yé-a nou vlé fi-ni nan la chè? ${ }^{4}$ Eské tou sa nou soufri sé pou grinmési? (si réèlman nou kapab
soufri konsa pou grin-mési.) ${ }^{5}$ Sila ki akòdé nou Léspri a, é ki akonpli mirak pami nou, èské sé gras-a zèv la loua li fè sa, ou-byin gras-a la foua ki préché?

## Alians Bon-Dieu avèk Abraam

6 Minm jan Abraam té kouè nan Bon-Dieu, é sa té konté kòm justis pou li, ${ }^{7}$ rékonnèt non ké sé moun ki gin la foua ki pitit Abraam. ${ }^{8}$ Sé pou sa Lékritu, ki té prévoua ké Bon-Dieu ta bay payin yo justis gras-a la foua, té a-nonsé Abraam bon nouvèl sa a davans: Tout nasion yo va béni nan ou-minm! ${ }^{9}$ E sa fè ké moun ki kouè béni ansanm ak Abraam kouayan an. ${ }^{10}$ Paské tout moun ki ataché yo ak zèv la loua, yo an-ba malédiksion; paské sa ékri: Ninpòt moun ki pa obsèvé tout bagay ki ékri nan liv la loua, é ki pa akonpli yo, li modi. ${ }^{11}$ Sé klè ké pèsonn pa résévoua justis dévan BonDieu gras-a la loua, puiské sé di: Moun ki résévoua justis, la foua va fè li viv. ${ }^{12}$ La loua pa dépann dé la foua; min li di: gnou moun ki va akonpli bagay sa yo, yo va fè li viv. ${ }^{13}$ Kris rachté nou an-ba malédiksion la loua, paské li té tounin malédiksion pou-tèt nou, jan sa ékri a: Moun ki pandié sou boua a modi, ${ }^{14}$ pou bénédiksion Abraam nan té kapab akonpli nan Jézu-Kri an-favè payin yo é pou nou té résévoua, gras-a la foua, Léspri ki té promèt la.
15 Frè (m-ap palé tankou lèz òm,) gnou kondision ki


Pòl ak Ba-nabas ap résévoua la min kòm asosié
fèt dapré la règ, malgré sé lòm ki fè li, pèsonn pa kapab annulé-l, ni ajouté sou li. ${ }^{16}$ É-byin, sé pou Abraam ak désandans li ké promès yo té fèt. Yo pa di: Ak désandans li yo, kòm si té gin pliziè, min: Ak désandans ou, kòm anpalan dé gnou sèl, ki vlé di Kris. ${ }^{17}$ Min sa mouin vlé di: Gnou kondision, ké BonDieu té déja pasé, pa kapab annulé, é sé konsa promès la pa kapab annulé, a-kòz la loua ki vi-ni kat-san-trant-an apré li. ${ }^{18}$ Paské si éritaj la té sòti nan la loua, li pa ta kab sòti ankò nan promès la; é-byin, sé nan promès la ké Bon-Dieu té akòdé Abraam la gras sa a.

## Ki bu la Loua?

19 Donk ki nésésité la loua? Yo ajouté li pou-tèt dézobéisans, jouk tan désandans yo té fè promès la té vi-ni; té gin zanj yo épi gnou antrémétè ki té proklamé-1. ${ }^{20}$ (Gnou antrémétè vlé di ké sé pa gnou sèl pati ki gingnin, tandis ké Bon-Dieu sé gnou sèl.)
21 Donk èské la loua kont promès Bon-Dieu? Du-tou! Si yo té bay gnou la loua ki té kapab bay la vi, justis ta soti tout-bon nan la loua. ${ }^{22}$ Min Lékritu konda-né tout bagay an-ba domi-nasion péché, pou moun ki kouè kapab résévoua bagay la ki té promèt, gras-a la foua nan Jézu-Kri. ${ }^{23}$ Avan la foua té vi-ni nou té an-ba kontrol la loua, pou tann révélasion la foua ki té gin pou vi-ni. ${ }^{24}$ Konsa la
loua té tankou gnou konduktè pou kondui nou bay Kris, pou nou té kapab résévoua justis gras-a la foua. ${ }^{25}$ Dépi la foua vi-ni, nou pa nan min konduktè sa a ankò. ${ }^{20}$ Paské nou tout sé pitit BonDieu gras-a la foua nan JézuKri; ${ }^{27}$ nou tout, ki té batizé nan Kris, nou mété Kris sou nou. ${ }^{28} \mathbf{P a}$ gin ni Jouif ni Grèk ankò, pa gin ni ésklav ni moun lib ankó, pa gin ni gason ni fanm ankò; paské nou tout sé gnou sèl nan JézuKri. ${ }^{29}$ E si nou pou Kris, donk nou sé désandans Abraam, nou éritié dapré promès la. ouè ké tout tan gnou éritié ti moun, li pa gin diférans avèk gnou ésklav, malgré li sé mèt tout bagay; ${ }^{2}$ min li sou zòd tutè ak jéran jouk lè papa li té taksé. ${ }^{3}$ Sé minm jan, nou-minm tou, lè nou té ti moun, nou té ésklav kouayans lé monn; ${ }^{4} \mathrm{~min}$, lè tan an té akonpli, Bon-Dieu voyé Pitit li ki fèt avèk gnou fanm kòm manman, ki fèt an-ba la loua, ${ }^{5}$ pou li té kapab rachté moun ki té an-ba la loua, é pou nou té résévoua kòm pitit adoptif. ${ }^{6}$ Sé paské nou sé pitit, ké Bon-Dieu voyé nan kè nou Léspri Pitit li a, k-ap rélé: Aba! - ki vlé di: Papa! ${ }^{7}$ Donk ou pa ésklav ankò, min ou sé pitit; é si ou sé pitit, ou éritié tou, pa la gras dé Dieu.

Pi-nga tounin nan ésklavaj
8 Lontan, lè nou pa-t konn

Bon-Dieu, nou t-ap sèvi dé dieu ki pa-t gin kalité BonDieu; ${ }^{9} \mathrm{~min}$ koul-yé-a ké nou konn Bon-Dieu, ou pito ké Bon-Dieu konnin nou, kouman nou fè ap tounin nan kouayans sa yo ki fèb é mizérab, é nou vlé mété nou kòm ésklav an-ba yo ankò? ${ }^{10} \mathrm{~N}$-ap suiv jou yo, moua yo, sézon yo ak a-né yo! ${ }^{11}$ Mouin krinn ké mouin pa travay mal pou nou.
12 Sé pou nou tankou mouin, paské mouin tou mouin tankou nou, - mouin suplié nou, frè.
13 Nou pa fè mouin okinn tò. Nou konnin ké sé gnou infimité la chè ki kòz mouin té a-nonsé nou Lévanjil pou la prémiè foun. ${ }^{14}$ E lè la chè mouin t-ap ba nou traka, nou pa-t ni méprizé-m, ni pran mouin an dégoutans; o-kontrè, nou té résévoua-m tankou gnou zanj Bon-Dieu, tankou Jézu-Kri. ${ }^{15}$ Koté mak kontantman nou té konn bay yo? Paské, mouin ba nou témouagnaj sa a, ké si sa té posib, nou ta raché grinn jé nou pou ban mouin. ${ }^{16}$ Eské mouin tounin gnou énmi pou nou paské mouin di nou la vérité? ${ }^{17}$ Dévouman moun sa yo ap montré pou nou sé pa sanz-intérè, min yo vlé détaché nou ak mouin, pou nou sa suiv yo. ${ }^{18}$ Sé bèl bagay pou dévoué pou bagay ki byin é tout tan, - pa sèlman lè mouin prézan pami nou. ${ }^{19} \mathrm{Ti}$ moun mouin yo, pou ki m-ap soufri doulè akouchman ankò, jouk tan

Kris fòmé nan nou, ${ }^{20}$ mouin ta vlé koté nou koul-yé-a é pou-m palé gnou lòt jan, paské mouin inkièt pou nou.

Parabòl sou Aga avèk Sara
21 Di-m non, nou ki vlé mét kò nou an-ba la loua, èské nou pa konpran la loua? ${ }^{22}$ Paské sé ékri ké Abraam té gin dé pitit, gnoun avèk fanm ki té ésklav la, é gnou lòt avèk fanm ki pa-t ésklav la. ${ }^{23}$ Min pitit fanm ésklav la té fèt dapré la chè, é pitit fanm ki pa-t ésklav la té fèt dakò avèk promès la. ${ }^{24}$ Bagay sa yo sé parabòl; paské dé fanm sa yo sé dé alians yo. Gnoun ki sòti mòn Si-nayi, fè pitit ki nan ésklavaj la, sé Aga, ${ }^{25}$ puiské Aga, sé mòn Si-nayi nan péyi Arabi, - li maché ansanm ak Jéruzalèm ki la koul-yé-a, é ki nan ésklavaj ak pitit li yo. ${ }^{26}$ Min Jéruzalèm ki an-ro a lib, sé li ki manman nou. ${ }^{27}$ Paské sa ékri:

Réjoui ou, fanm éstéril, ouminm ki pa anfanté dutou!
Bay kout voua, é rélé, ouminm ki pa-t konn doulè fè pitit!
Paské pitit sila yo té abandonnin an va anpil
Pasé pitit sa ki té marié a. ${ }^{28}$ Kant-a nou, frè, minm jan ak Izaak, nou sé pitit promès la; ${ }^{29}$ é minm jan nan tan sa a , pitit ki té fèt dapré la chè a t-ap pèsékuté sila ki té fèt dapré Léspri a, sé konsa sa yé koul-yé-a. ${ }^{30}$ Min ki sa Lékritu di? Chasé ésklav la avèk pitit li, paské pitit ésklav
la p-ap éritié avèk pitit fanm ki pa ésklav la. ${ }^{31}$ Donk, frè, nou pa pitit ésklav la, min pitit fanm ki pa ésklav la.

## Rété fèm nan la libèté krétyin

5 Sé pou la libèté ké Kris délivré nou. Donk, rété fèm, é pa kité yo mété nou ankò an-ba jouk ésklavaj.
2 Min-ni, mouin Pol, mouin déklaré nou ké, si nou fè yo sikonsi nou, Kris p-ap sèvi nou angnin. ${ }^{3}$ É mouin sètifié ankò dévan tout òm ki fè yo sikonsi-l, ké li oblijé obsèvé tout la loua nèt. ${ }^{4}$ Nou tout k-ap chaché résévoua justis nan la loua, nou séparé avèk Kris: nou tonbé déyò la gras. ${ }^{5}$ Kant-a nou, gras-a Léspri, sé nan la foua ké nou éspéré jouinn justis. ${ }^{6}$ Paské nan Jézu-Kri, sikonsi ni pa-sikonsi pa gin valè, min sa ki gin valè sé la foua $\mathrm{k}-\mathrm{ap}$ aji avèk amou.
7 Nou t-ap kouri si byin: ki lès ki rété nou, pou anpéché nou obéyi la vérité? ${ }^{8}$ Bagay sa a ki aji sou nou pa sòti nan sila ki rélé nou. ${ }^{9}$ Sé ti gout lédvin ki fè tout pat la lévé.
${ }^{10}$ Mouin fè nou konfians sa a nan lé Ségnè, ké nou p-ap fè gnou lòt lidé. Min moun nan k-ap troublé nou, ninpòt ki lès li yé, l-a supòté pinn nan. ${ }^{11}$ Kant-a mouin, frè, si-m t-ap préché pou moun sikonsi jouk koul-yé-a, pouki sa mouin ta an-ba pèsékusion toujou? La koua gin lè li pa gnou bagay ki révoltan ankò! ${ }^{12}$ Ké yo kapab disparèt, moun sa yo k-ap mété troub pami nou!
13 Frè, yo rélé nou nan la libèté, sèlman pa fè libèté sa a
tounin gnou okazion pou nou viv dapré la chè; min pa-rapòt a lamou, sé pou nou gnoun sèvitè lòt. ${ }^{15}$ Paské tout la loua kinbé nan gnou sèl paròl sa a: Ou-a rinmin prochin ou tankou tèt pa ou. ${ }^{15} \mathrm{Min}$ si nou gnoun ap mòdé é ap dévoré lòt, pi-nga kò nou pou nou gnoun pa détoui lòt.

Foui Léspri avèk zèo la chè
16 Donk mouin di: Maché dapré Léspri, é nou p-ap akonpli dézi la chè. ${ }^{17}$ Paské la chè gin dé dézi ki kont dézi Léspri, é Léspri gin dé dézi ki kont dézi la chè̀; yo gnoun drésé kont lòt, é sa fè nou pa fè sa nou ta vlé. ${ }^{18}$ Min si sé Léspri k-ap kondui-n, nou pa an-ba la loua.
19 E-byin, zèv la chè byin konnu: Sé dézòd la chè, malpròpté, lisans, ${ }^{20}$ sèvi zidòl, maji, afè dé énmi, kont, jalouzi, roy-roy, la diskòd, divizion, anségnman érè, ${ }^{21}$ anvié sò moun, tafia, safté nan manjé, ak lòt bagay kon sa. Mouin di nou davans, jan mouin té déja di nou, ké moun ki konmèt bagay sa yo p-ap éritié rouayòm BonDieu.
22 Min foui Léspri, sé lamou, la joua, la pé, la pasians, la bonté, la jantiyès, la fidélité, ${ }^{23}$ la dousè, sé gnou moun mintni tèt li; la loua pa kont bagay sa yo.
24 Moun ki moun Jézu-Kri klouré la chè sou la koua avèk pasion li épi dézi li yo. ${ }^{25} \mathbf{~ S i}$ sé avèk Léspri n-ap viv, an nou maché tou dapré Léspri. 26 An nou pa chaché gnou
gloua ki san valè, nan gnoun intrigé lòt, avèk nan gnoun anvié sò lòt.

6Frè, si yo suprann gnou nonm nan kèk fòt, nou k-ap viv nan Léspri, mété li nan bon chémin ak gnou léspri dousè. Ou-minm, véyé tèt ou, pa krint pou ou pa gin tantasion tou. ${ }^{2}$ Gnoun pòté chay lòt, konsa n-a akonpli la loua Kris. ${ }^{3}$ Si gnou moun fè lidé ké li kichòy, malgré li pa angnin, l-ap pasé tèt li nan jouèt. ${ }^{4}$ Ké chak moun ékzami-né pròp zèv li, é lè sa a li va jouinn koz pou fè louanj tèt li pou kont li, min pa paské li ékzami-né zèv prochin; ${ }^{5}$ paské chak moun va pòté pròp chay pali.
6 Ké moun y-ap anségné parol la bay moun k-ap anségné yo kichòy nan tout byin yo.
7 Pa tronpé tèt nou: moun pa pasé Bon-Dieu nan jouèt; sa gnou moun simin, sé sa li va rékolté. ${ }^{8}$ Moun ki simin pou la chè li, va rékolté la korupsion nan la chè; min moun ki simin pou Léspri va rékolté nan Léspri la vi étènèl. ${ }^{9}$ An nou pa bouké fè byin: paské n-a rékolté nan sézon ki konvénab, si nou pa lagé nan rout. ${ }^{10}$ Donk, étan nou gin okazion, an nou fè tout moun
du byin, sutou frè nou yo nan la foua.

## Pòl louanjé nan la koua

11 Gadé avèk ki gro lèt mouin ékri nou ak pròp min mouin.
12 Tout moun yo ki vlé fè lèz òm plézi nan la chè ap fösé-n fè sikonsi nou, sèlman pou yo pa gin pèsékusion a-kòz koua Kris la. ${ }^{13}$ Paské moun yo ki sikonsi, yo-minm yo pa obsèvé la loua; min yo vlé nou sikonsi, pou yo jouinn gloua nan chè nou. ${ }^{14}$ Kant-a mouin, nan pouin jou pou mouin ta chaché gloua nan lòt bagay pasé nan la koua nòt Ségnè Jézu-Kri, ki fè ké pou mouin lé monn klouré sou gnou koua, minm jan tou pou lé monn mouin klouré sou la koua! ${ }^{15}$ Paské sikonsi oubyin pa-sikonsi, sé pa sa ki konté; sa ki konté, sé pou gnou moun gnou nouvo kréyatu. ${ }^{16}$ La pé avèk mizérikòd pou tout moun k-a suiv règ sa a, ak sou Izraèl Bon-Dieu a!
17 Apré sa pi-nga pèsonn fè-m la pinn, paské m-ap pòté mak Jézu yo nan kò mouin.

## Bénédiksion

18 Frè, ké la gras nòt Ségnè Jézu-Kri avèk léspri nou! Amèn!

# Lèt Pòl ékri ÉFÉZYIN YO 

## Adrès let la avèk salutasion

1Pòl, apòt Jézu-Kri dapré volonté Bon-Dieu, ékri sin yo ki nan Efèz avèk fidèl nan Jézu-Kri yo: ${ }^{2}$ Ké nou résévoua la gras ak la pé ki sosti nan Bon-Dieu Papa nou é nan Ségnè Jézu-Kri!

## Bénédiksion Bon-Dieu ba nou nan Jêzu-Kri

3 Bénédiksion pou BonDieu, Papa nòt Ségnè JézuKri, ki béni nou nan Kris ak tout sòt bénédiksion éspirituèl nan plas ki ro! ${ }^{4}$ Li té chouazi nou nan Kris avan lé monn té kréyé, pou nou kapab sin é san répròch dévan li. ${ }^{5} \mathrm{Li}$ té désti-né nou davans nan amou li, pou nou pitit adoptif li gras-a Jézu-Kri dapré bon plézi volonté li, ${ }^{6}$ é sa sé gnou louanj pou gloua ki nan la gras li ké li akòdé nou nan Pitit byinn-émé li. ${ }^{7}$ Nan Kris pri a péyé pou nou rachté gras-a san li, péché nou padonnin, dapré richès la gras li, ${ }^{8}$ ké Bon-Dieu répann annabondans sou nou ak tout kalité sajès é intélijans. ${ }^{9} \mathrm{Li}$ fè nou konnin mistè volonté li dapré plan ké nan bonté-l li té fè nan li-minm, ${ }^{10}$ pou li té ékzèsèl lè tan an ta akonpli, - plan pou réuni tout bagay nan Kris, bagay ki nan siè la avèk bagay ki sou la tè. ${ }^{11}$ Nan li nou vi-n éritié tou, paské
nou té désti-né davans dapré plan sila ki ékzèsé tout bagay dapré désizion volonté li, ${ }^{12}$ pou nou sèvi pou fè louanj gloua li, - nou ki té éspéré davans nan Kris. ${ }^{13}$ Sé nan li nou-minm tou, apré nou té tandé paròl la vérité a, Lévanjil salu nou, sé nan li nou té kouè é ké nou té résévoua so Sint-Éspri ki té promèt la, ${ }^{14}$ é ki sé gnou a-valoua sou éritaj nou, jouk tan nou pran posésion li, pou bay louanj pou gloua li.

## La priè pou sajès aò̀k réoélasion

15 Sé pou sa mouin-minm tou, dépi m-tandé palé dé la foua nou nan Ségnè Jézu ak charité nou pou tout sin yo, ${ }^{16}$ mouin pa suspann rann gras pou nou, é mouin mansionnin nou nan la priè-m. ${ }^{17}$ pou Bon-Dieu nòt Ségnè Jézu-Kri a, Papa la gloua a, kapab ba nou gnou léspri sajès avek révélasion nan konnésans li, ${ }^{18}$ é ké li kléré jé kè nou, pou nou konnin ki éspérans $k$ gingnin nan apèl li, ki richès ki nan gloua éritaj li séré pou sin yo ${ }^{19}$ é ki jan, anvè nouminm ki kouè, puisans li gran san limit, é li aji tout-bon dapré fòs pouvoua li. ${ }^{20} \mathrm{Li}$ té déployé fòs sa a nan Kris, lè li té lévèl pami mò yo, é li té fè-l chita a-douat li nan siel la, ${ }^{21}$ pi ro pasé tout dominasion, tout otorité, tout pui-
sans, tout dignité, ak tout non ki kapab nonmin, non sèlman nan sièk sa $a$, min tou nan sièk ki gin pou vi-ni an. ${ }^{22} \mathrm{Li}$ mété tout bagay an-ba pié-l é li bay li pou chèf a-la-tèt légliz la, ${ }^{23}$ ki sé kò li, é ki sé akonplisman sila ki konplété nan tout sans tou sa ki ékzisté.

## Salu avèk la gras

2Nou té mouri an-ba fòt nou ak péché nou, ${ }^{2}$ nou t-ap maché ladan yo lontan dapré la roulu monn sa a, dapré prins puisans lè a, léspri k-ap aji koul-yé-a nan pitit rébélion yo. ${ }^{3}$ Nou-minm tou, nou tout té pami yo é nou t-ap viv lontan dapré dézi chè nou, nou t-ap akonpli volonté la chè épi lidé nou, é nan naturè nou, nou té pitit kollè tankou lèz òt yo. ${ }^{4}$ Min Bon-Dieu, ki rich nan mizérikod, a-kòz gran amou li mété pou rinmin nou, ${ }^{5}$ nou-minm ki té mouri an-ba fòt nou, li ba nou la vi ankò avèk Kris - sé avèk la gras ké nou sové. ${ }^{6} \mathrm{Li}$ fè nou lévé ansanm an-ba la mó, li fè nou chita an-ro a ansanm, nan Jézu-Kri, ${ }^{7}$ pou montré nan sièk ki gin pou vini yo richès la gras li ki san limit avèk bonté ké li montré nou nan Jézu-Kri.
8 Paské sé avèk la gras ké nou sové, gras-a la foua. $E$ sa pa sòti nan nou-minm, sé kado Bon-Dieu. ${ }^{9}$ Sé pa gras-a zèv, pou pèsonn pa louanjé tèt li: ${ }^{10}$ Paské nou sé travay Bon-Dieu, nou kréyé nan Jézu-Kri pou bon zèv, ké Bon-Dieu paré davans, pou nou akonpli yo.

## Moun rékonsilié avèk Bon-Dieu gras-a la koua Kris

11 Donk, nou ki té ras payin, ki résévoua non «moun ki pa sikonsi» nan min moun yo ki sikonsi é ké min lòm sikonsi nan chè yo, ${ }^{12}$ sonjé ké lè sa a nou té san Kris, kòm étranjé nou pa-t gin doua sitouayin nan Izraèl, kòm étranjé nou pa-t nan alians promès la, nou té san éspérans, san Bon-Dieu nan lé monn. ${ }^{13}$ Min koul-yé-a, nan Jézu-Kri, nou ki té louin lontan, nou vi-ni pré gras-a san Kris. ${ }^{14}$ Paské li sé la pé nou, li ki avèk dé kalité moun yo fè gnou sèl, é ki disparèt muray klouazon diskod la. ${ }^{15} \mathrm{Li}$ a-néyanti avèk chè li la loua komandman yo nan désizion komandman yo té inpozé, pou li té sa kréyé ak dé kalité moun yo gnou sèl kalité òm ki nouvo nan li-minm, é konsa li minnin la pé. ${ }^{16}$ É li rékonsilié gnoun avèk lòt nan gnou sèl kó avèk Bon-Dieu gras-a la koua, é konsa avèk la koua li ouété diskòd la. ${ }^{17} \mathrm{Li}$ té vi-n a-nonsé la pé bay nou-minm ki té louin, é la pé bay sila yo ki té pré; ${ }^{18}$ paské gras-a li ni gnoun ni lòt nou jouinn résépsion koté Papa a nan gnou minm Éspri.
19 Donk, nou pa étranjé ankò, ni moun déyó; min nou sé sitouayin ansanm avèk sin yo, moun lakay Bon-Dieu. ${ }^{20}$ Yo té bati nou sou fondasion apòt yo ak profèt yo, Jézu-Kri li-minm sé ròch kouin an. ${ }^{21}$ Nan li tout kò batisman an, byin chapanté,
ap grandi pou li gnou tanp ki sin nan lé Ségnè. ${ }^{22}$ Yo bati nou tou nan li pou nou gnou abitasion pou Bon-Dieu ann Éspri.

## Travay Pòl pami payin yo

3Sé pou-tèt sa, mouin Pòl, m-sé prizonnié Kris pou nou ki payin, - ${ }^{2}$ si o-mouins nou té aprann ki ròl yo té ban mouin kòm jéran la gras Bon-Dieu an-favè nou. ${ }^{3}$ Sé gras-a gnou révélasion ké mouin té rivé konnin mistè sa a mouin fèk ékri sou li an kèk mo. ${ }^{4}$ Etan n-ap li mo sa yo, n-a kapab gin gnou lidé ki jan mouin konprann mistè Kris. ${ }^{5}$ Yo pa-t dévoualé mistè sa a bay pitit lèz òm nan lòt jénérasion yo, jan sa dévoualé koul-yé-a gras-a Léspri pou apòt ak profèt Kris yo ki sin. ${ }^{6}$ Mistè sa $a$, sè ké payin yo éritié ansanm avèk lèz òt yo, yo fomin gnou minm kò, é yo patisipé nan minm promès la nan Jézu-Kri, gras-a Lévanjil. ${ }^{7}$ Yo té fè mouin sèvitè li a dapré kado la gras Bon-Dieu té fè-m, é ké mouin té résévoua gras-a puisans li ki aji tout-bon. ${ }^{8}$ Mouin, ki gin pi piti inpòtans pami tout sin yo, yo fè-m la gras sa a pou a-nonsé payin yo richès Kris ké moun pa kapab konprann, ${ }^{9}$ é pou-m fè ouè klè ki jan mistè sa a, ki té kaché tout tan nan Bon-Dieu, ap déroulé, - nan Bon-Dieu ki té kréyé tout bagay. ${ }^{10}$ Sé pou domi-nasion yo ak otorité yo ki nan lè a konnin koul-yé-a, gras-a légliz, sajès Bon-Dieu ki ékzèsé nan tout sans, ${ }^{11}$ da-
pré plan ki la pou tout tan, ké li mété ann aksion gras-a nòt Ségnè Jézu-Kri. ${ }^{12}$ È sé nan Jézu-Kri, gras-a la foua nan li, ké nou gin libèté proché kot Bon-Dieu avèk konfians. ${ }^{13}$ Donk, mouin mandé-n pou nou pa dékourajé a-kòz tribulasion mouin pou nou: yo sé gnou gloua pou nou.

## La priè pou amou ki dépasé tout konnésans

14 Pou-tèt sa, mouin fléchi jénou dévan Papa a, ${ }^{15} \mathrm{ki}$ bay tout fanmi non li nan sièl ak sou la tè, ${ }^{16}$ pou li kab akodé nou dapré richès la gloua li pou nonm anndan nou an kapab fòtifié avèk puisans gras-a Léspri li, ${ }^{17}$ é konsa, avèk la foua Kris va rété nan kè nou; pou nou gin rasi-n nou ak fondasion nou nan lamou, ${ }^{18}$ é sa va fè nou konprann ak tout sin yo ki sa ki lajè, longè, fondè épi rotè amou Kris, ${ }^{19}$ é n-a konnin amou Kris, ki dépasé tout konnésans, é sa va fè nou ranpli nèt avèk tout grandè Bon-Dieu.
20 E sila ki kapab fè, avèk puisans la $k$-ap aji nan nou, pi-plus anpil pasé tou sa nou mandé ou-byin fè lidé, ${ }^{21}$ ké li gin la gloua nan légliz la ak nan Jézu-Kri, nan tout jénérasion yo, pou tout létènité! Amèn!

## Nou sé gnoun nan Léspri

4 Donk mouin ékzòté nou, mouin-minm ki prizonnié nan lé Ségnè, pou nou maché gnou jan ki dign apèl
la ké yo adrésé nou, ${ }^{2}$ dé maché gnou jan soumi é dou ak pasians, gnoun supòté lòt avèk amou. ${ }^{3}$ é fè éfò pou konsèvé gnou sèl léspri a avèk la pé pou simanté nou. ${ }^{4}$ Gin gnou sèl kò avèk gnou sèl Éspri, minm jan tou apèl la nou résévoua rélé nou nan gnou sèl éspérans; ${ }^{5}$ gin gnou sèl Ségnè, gnou sèl la foua, gnou sèl batèm, ${ }^{6}$ gnou sèl Bon-Dieu ki Papa nou tout, ki dépasé nou tout, ki pami nou tout, é ki nan nou tout.
7 Min nou chak résévoua la gras dapré mézi ké Kris fè nou kado. ${ }^{8}$ Sé pou sa yo di:

Lè li té monté an-ro, li té minnin prizonnié,
É li té fè lèz òm pliziè kado. ${ }^{9}$ Ébyin, sa sa vlé di: Li té monté, sinon ké li té désann ' jus nan profondè la tè? ${ }^{10}$ Sila ki té désann nan, sé minm nan ki té monté an-ro tout sièl yo, pou li kapab fi-n ranpli tou sa ki ékzisté. ${ }^{11}$ E li bay in-pé kòm apòt, kèk lòt kòm profèt, kèk lòt kòm évanjélist, kèk lòt kòm pastè ak doktè, ${ }^{12}$ pou sin yo kapab vi-n bon sou tout pouin an-favè travay lèv la avèk batisman kò Kris, ${ }^{13}$ jouk tan nou vi-n uni tout-bon nan la foua é nan konnésans Pitit Bon-Dieu a; jouk tan nou vi-n dé moun akonpli, dapré mézi dévlòpman Kris ki pafèt, ${ }^{14}$ pou nou pa toujou ti moun k-ap floté é ké ninpòt van anségnman pòté alé, an-ba tronpri lèz òm, an-ba ruz yo, avèk mouayin yo gin pou sédui moun, ${ }^{15} \mathrm{~min}$ pou avèk la vérité nou va akonpli nan lamou, nou ka-
pab grandi nan tout sans nan sila ki chèf la, Kris. ${ }^{16}$ Sé gras-a li ké tout kò a, ki byin chapanté é byin rasanblé, avèk tout jouintu batisman an, ap grandi dapré aktivité ki nan chak pati a-pa, -é li bati tèt li nan lamou.

## Nouvo di a nan Kris

17 Donk min sa mouin di é ké mouin déklaré nan lé Ségnè: sè ké nou pa doué maché ankò tankou payin yo, k-ap maché dapré va-nité ki nan lidé yo. ${ }^{18}$ Intélijans yo troub, yo pa mélé avèk la vi Bon-Dieu, a-kòz ignorans ki nan yo, a-kòz jan kè yo du. ${ }^{19}$ Kom yo pèdu tout bon santiman, yo lagé tèt yo nan lisans pou yo konmèt tout kalité malpròpté avèk gnou apéti voras. ${ }^{20} \mathrm{Min}$ nouminm, sé pa konsa nou té aprann konnin Kris, ${ }^{21}$ si sé vré nou té tandé-l é si (dakò avèk la vérité ki nan JézuKri,) sé nan li nou té aprann, -konsènan la vi nou t-ap viv lontan - ${ }^{22}$ pou nou dézabiyé nou avèk vié nonm nan ké vié dézi ki tronpé moun ap kòronpu, ${ }^{23}$ pou léspri ki nan intélijans nou vi-n gnou léspri nouvo, ${ }^{24}$ é pou nou mét sou nou nonm nouvo a, ki kréyé dapré BonDieu avèk gnou karaktè jus é sin ké la vérité bay.
25 Sé pou sa, kité fè manti, é ké nou chak palé avèk prochin li dapré la vérité; paské nou gnoun sé mann lòt. ${ }^{26} \mathrm{Si}$ nou mété nou an kòlè, pa fè péché; sé pa pou sollèy kouché sou kòlè nou, ${ }^{27}$ é pa
bay diab priz. ${ }^{28}$ Ké moun ki té konn pran afè moun an kachèt suspann pran afè moun an kachèt; sé pou li travay pito, pou fè bon bagay avèk $\min \mathrm{li}$, pou li gin dé-koua bay moun ki nan bézouin. ${ }^{29}$ Ké okinn mové parol pa sòti nan bouch nou, min, si gin ka, di kèk bon paròl, k-a sèvi pou instoui é ki va bay moun yo ki tandé-l gnou gras. ${ }^{30} \mathbf{P a}$ fè Sint-Éspri BonDieu tris, sé avèk li-minm nou té maké pou jou nou va rachté an défi-nitiv.

## Maché tankou pitit lumiè a

31 Ké tout gro kè, tout royroy, tout kòlè, tout éskandal, tout gro mo, avèk tout kalité méchansté disparèt pami nou. ${ }^{32}$ Sé pou nou bon gnoun anvè lòt, plinkonpasion, pougnoun padonnin lòt, minm jan BonDieu té padonnin nou nan 5 Kris. ${ }^{1}$ Donk sé pou nou 5 vi-n dé moun ki fè tankou Bon-Dieu, tankou dé ti moun byinn-émé; ${ }^{2}$ é maché nan lamou dapré lékzanp Kris, ki rinmin nou, é ki té bay Bon-Dieu tèt li pou nou tankou gnou ofrann é gnou sakrifis ki gin bon odè.
3 Ké dézòd la chè avèk okinn kalité malpròpté épi apéti pou lisans, pa minm nonmin pami nou jan sa konvni pou moun ki sin. ${ }^{4}$ Ké moun pa tandé ni paròl malonnèt, ni kozé san sans, ni plézantri lib, - sé bagay ki pa dakò avèk bon lévasion; ké yo tandé aksion-dé-gras pito. ${ }^{5}$ Paské konnin sa byin, okinn moun ki nan dézòd la
chè ou-byin ki nan konduit pa-pròp, ou-byin ki nan apéti voras, sé-ta-di moun ki tankou sèvitè zidol, pa gin éritaj nan rouayòm Kris ki rouayòm Bon-Dieu. ${ }^{6} \mathrm{Ké}$ pésonn pa sédui nou ak paròl san fondman; paské sé bagay sa yo k -ap atiré kòlè Bon-Dieu sou pitit rébélion yo. ${ }^{7}$ Donk pa patisipé avèk yo.
8 Lontan nou té ténèb, é koul-yé-a nou sé lumiè nan lé Ségnè. Maché tankou pitit lumiè! ${ }^{9}$ Paské foui la lumiè sé tout kalité bonté, justis ak vérité. ${ }^{10}$ Réfléchi sou bagay ki fè lé Ségnè plézi; ${ }^{11}$ é pinga patisipé nan zèv ténèb yo ki pa rapòté angnin, min konda-né yo pito. ${ }^{12}$ Paské sé gnou ront minm pou palé sou sa yo fè an kachèt. ${ }^{13}$ Min la lumiè mété tout bagay ki konda-né a-klè, paské tout bagay ki a-klè sé lumiè. ${ }^{14}$ Sé pou sa sé di:

Révéyé ou, ou-minm k-ap dòmi,
Lévé ou pami mò yo,
ÉKris va kléré ou.
15 Donk véyé kò nou pou nou kondui tèt nou gnou jan kòrèk, pa tankou moun ki san bon sans, min an moun ki saj. ${ }^{16}$ Profité tan an, paské jou sa yo mové. ${ }^{17}$ Sé pou sa, pa aji a-la-léjè, min konprann ki sa volonté lé Ségnè yé. ${ }^{18} \mathrm{~Pa}$ soulé tèt nou avèk duvin: sa sé la débòch. O-kontrè sé pou nou plin avèk Léspri; ${ }^{19}$ sé pou nou antrétni nou avèk sòm, chan, kantik éspirituèl, pou nou chanté épi bay lé Ségnè louanj ak tout kè nou; ${ }^{20}$ rann Bon-

Dieu Papa a aksion-dé-gras tout tan pou tout bagay, o-non nòt Ségnè Jézu-Kri, ${ }^{21}$ é sé pou gnoun soumèt dévan lòt nan la krint Kris.

Sé pou gnoun soumèt dévan lòt
22 Nou-minm fanm, soumèt dévan mari nou tankou dévan lé Ségnè; ${ }^{23}$ paské tèt gnou madanm sé mari li, minm jan Kris sé tèt légliz, ki kò li, é li sé Sovè li. ${ }^{24}$ E-byin, minm jan légliz soumèt dévan Kris, madanm yo tou doué soumèt dévan mari yo nan tout bagay.
25 Nou-minm mari, rinmin madanm nou, tankou Kris rinmin légliz é-l té bay tèt li pou li, ${ }^{26}$ pou li té fè li sin, apré li té fi-n nétouayé-l nan dlo pa paròl la, ${ }^{27}$ pou fè légliz sa a parèt dévan li plin gloua, san tach, ni rid, ni angnin kon sa, min sin é san répròch. ${ }^{28}$ Sé konsa mari yo doué rinmin madanm yo tankou pròp kò pa yo. Moun ki rinmin madanm li rinmin pròp tèt pali. ${ }^{29}$ Paské pèsonn pa janm rayi pròp chè li; min li nouri-l é li pran souin li minm jan Kris fè pou légliz, ${ }^{30}$ paské nou sé manm kò li. ${ }^{31}$ Sé pou sa lòm va kité papa-l avèk manman-l, é li va ataché avèk madanm li, é yo dé va vi-n gnou sèl chè. ${ }^{32}$ Mistè sa a gran; mouin di sa pa rapò avèk Kris é avèk légliz. ${ }^{33}$ Dayè ké nou chak rinmin madanm nou tankou tèt pa nou, é ké gnou madanm réspékté mari li.

6Ti moun, obéi paran nou sélon lé Ségnè, paské sé gnou bagay ki jus. ${ }^{2}$ O-noré papa ou ak manman ou (sé prémié kòmandman ki gin promès,) ${ }^{3}$ pou ou kapab éré é pou ou viv lontan sou la tè. 4 É nou-minm, papa, pa irité ti moun nou, min nan lévasion n -ap ba yo korijé yo é ba yo prinsip sélon lé Ségnè. 5 Sèvitè, obéi sila yo ki mèt nou dapré la chè avèk krint é tranbléman, avèk gnou kè sinp, minm jan nou obéi Kris, ${ }^{6}$ pa sèlman lè nou anba jé yo, - kòm pou fè lèz òm plézi, - min an sèvitè Kris, k-ap fè volonté BonDieu ak tout bon kè. ${ }^{7}$ Sèvi yo avèk dévouman, kòm si sé pa lèz òm min sé lé Ségnè n-ap sèvi; ${ }^{8}$ paské nou konnin ké chak moun, kit ésklav, kit sa ki gin la libèté, va résévoua nan min lé Ségnè dapré byin ké yo va fè.
9 Kant-a nou, mèt, aji minm jan anvè yo, suspann fè yo ménas, paské nou konnin ké mèt yo ak mèt pa nou nan sièl la, é ké dévan li pa gin pas-pou-ki. ${ }^{\boldsymbol{a}}$

## Zam gnou krétyin

10 Dayè, fòtifié nou nan lé Ségnè, avèk fòs li ki gin tout puisans. ${ }^{11}$ Potté sou nou tout zam Bon-Dieu yo, pou nou kapab kinbé fèm kont ruz diab la. ${ }^{12}$ Paské sé pa kont chè avèk san ké nou gin pou luté, min kont domi-nasion yo, kont otorité yo, kont prins monn ténèb sa a, kont léspri
a 6:9 Sa vlé di: li pa préféré piès moun pasé $10 ̀ t$.
méchan yo ki okupé plas ki ro. ${ }^{13}$ Sé pou-tèt sa pran tout zam Bon-Dieu yo, pou nou kapab rézisté nan mové jou, é pou nou kinbé fèm lè nou fi-n dégajé nou an-ba tout. ${ }^{14}$ Donk kinbé fèm; mété la vérité nan rin nou kòm sinturon; abiyé nou avèk kuiras la justis; ${ }^{15}$ mété kòm soulié nan pié nou dévouman ké Lévanjil la pé a bay; ${ }^{16}$ é plus pasé tout bagay sa yo, pran zam ki paré kou a, ki vlé di la foua, - avèk li n-a kapab étinn tout flèch du-fé Satan; ${ }^{17}$ pran tou kas salu a, avèk népé Léspri a, ki sé la parò Bon-Dieu. ${ }^{18} \mathrm{Fe}$ tout tan nan Sint-Espri tout kalité la priè avèk suplikasion. Suvéyé pou nou fè sa avèk tout pésévérans nou, é lapriè pou tout sin yo. ${ }^{19}$ Lapriè pou mouin tou, pou lè-m ouvri bouch mouin, pou-m kapab avèk tout radiès é libèté
mouin fè konnin mistè Lévanjil la; ${ }^{20}$ sé pou mistè sa a mouin sé gnou réprézantan ki an mision an-ba chinn, é ké m-ap palé sou li konsa avèk asurans, jan mouin doué palé.

## Salutasion

21 Pou nou-minm tou, nou kapab konn jan afè mouin yé, avèk sa m-ap fé, Tichik, frè byinn-émé a, ki gnou fidèl sèvitè nan lé Ségnè, va fè nou konnin tout bagay. ${ }^{22}$ Mouin voyé li ésprèsman ba nou pou nou kapab o-kouran situasion nou zòt é pou li konsolé kè nou.
23 Ké frè yo résévoua la pé, la charité, avèk la foua nan min Bon-Dieu Papa a avè Ségnè Jézu-Kri! ${ }^{24}$ Ké la gras rété avèk tou sa yo ki rinmin nòt Ségnè Jézu-Kri avèk gnou amou ké angnin pa kapab chanjé!

## Lèt Pòl ékri FILIPYIN YO

Adrès lèt la avèk salutasion
1 Pòl ak Timoté, sèvitè Jézu-Kri, ékri tout sin nan Jézu-Kri yo ki nan la vil Filip, ak évèk yo épi diak yo: ${ }^{2}$ Ké nou résévoua la gras avèk la pé ki sòti nan Bon-Dieu Papa nou é nan Ségnè JézuKri!
La priè Pòl pou krétyin yo nan la vil Filip
3 M -rémèsi Bon-Dieu
mouin pou tout souvni nou ké mouin konsèvé, ${ }^{4}$ é nan tout la priè-m pou nou tout, mouin pa suspann montré la joua-m ${ }^{5}$ pou-tèt jan nou patisipé nan Lévanjil, dépi prémié jou a jouk jodi a. ${ }^{6}$ Mouin gin konfians ké' sila ki té kòmansé bon travay sa a nan nou va fi-ni li nèt pou jou Jézu-Kri a. ${ }^{7}$ Sé jus pou-m pansé sa dé nou tout, paské mouin pòté nou sou kè mouin, nou tout ki patisipé nan minm gras la
avèk mouin, kit sé an-ba chinn mouin yo, kit sé nan défann Lévanjil la avèk nan établisman li. ${ }^{8}$ Paské Bon-Dieu sèvi-m témouin ké mouin rinmin nou tout avèk aféksion Jézu-Kri. ${ }^{9}$ É sa mouin mandé nan la priè-m, sé pou amou nou grandi plus-an-plus nan konnésans avèk tout konprann, ${ }^{10}$ pou rékonnèt bagay ki pi bon, é konsa nou va san tach é san répròch pou jou Kris la, ${ }^{11}$ nou va plin foui justis ki vi-ni gras-a Jézu-Kri, pou gloua avèk louanj Bon-Dieụ.

## Kris sé la vi mouin

12 Frè, mouin vlé nou konnin ké sa ki rivé-m nan plus sèvi pou progrè Lévanjil. ${ }^{13}$ Paské nan tout kazèn nan épi tout lòt koté pèsonn pa ignoré ké sé pou-tèt Kris mouin nan chinn, ${ }^{14}$ é pi fò pami frè nan lé Ségnè yo, avèk kouraj chinn mouin ba yo, pi an-nam pou a-nonsé la Paròl la san krinn.
15 Gin kèk, sé vré, k-ap préché Kris paské anvi pòté yo, épi gnou léspri diskòd; min gin lòt k-ap préché-l avèk bon dispozision. ${ }^{16}$ Moun sa yo aji par-amou, yo konnin ké mouin établi pou défann Lévanjil, ${ }^{17}$ tandis ké lòt yo, ki gin gnou léspri diskòd, ap a-nonsé Kris pou dé rézon ki pa doua é nan lidé pou fè-m la pinn an-ba chinn mouin yo. ${ }^{18}$ Sa sa fè? Ninpòt ki jan, kit sé pou laparans, kit sé avèk sinsérité, Kris a-nonsé kan minm, é mouin réjoui pou sa. É m-a konti-
nué réjoui. ${ }^{19}$ Paské mouin konnin ké sa va viré pou salu mouin, gras-a priè nou é avèk èd Léspri Jézu-Kri. ${ }^{20} \mathrm{Sa}$ m-ap atann byin fèm épi éspoua mouin, sé kè mouin p-ap sòti ront nan angnin, é ké koul-yé-a tankou tout tan, Kris va résévoua gloua nan kò mouin avèk tout asurans, kit avèk la vi mouin, kit avèk la mò mouin; ${ }^{21}$ paské Kris sé la vi mouin, é la mò pou mouin sé gnou gin.
22 M-pa konnin si sa util pou travay mouin pou-m konti-nué viv nan chè a, ni ki sa pou-m pito. ${ }^{23}$ Mouin pri tou dé koté: mouin anvi alé pou-m avèk Kris, paské sa pi bon lontan; ${ }^{24}$ min poutèt nou sé pi nésésè pou-m déméré nan chè a. ${ }^{25}$ Avèk lidé sa a ké mouin gingnin, m -konnin ké m -a déméré é m -a rété avèk nou tout, pou nou fè progrè é pou nou gin joua nan la foua, ${ }^{26}$ é pou rétounin m -a rétounin koté nou, ba nou nan mouin gnou okazion pou louanjé nou anpil an Jézu-Kri.
27 Sèlman kondui tèt nou gnou jan ki dign Lévanjil Kris, pou ké, kit mouin vi-n ouè nou, kit mouin absan, mouin kapab tandé di ké nou rété fèm nan gnou minm léspri, ap konbat kòm gnou sè nanm pou la foua Lévanjil, ${ }^{28}$ san kité advèsè yo fè nou sòti pè nan angnin, é sa va pou yo gnou prèv ké yo pèdu, min pou nou, gnou prèv ké nou sové. É sa sodi nan BonDieu ${ }^{29}$ paské pa rapò avèk Kris, nou résévoua la gras
non sèman pou nou kouè nan li, min ankò pou nou soufri pou li, ${ }^{30}$ étan $n$-ap soutni minm konba nou té ouè mouin soutni, é ké koul-yé-a nou tandé m-ap soutni.

Kris bésé grad tèt li é Bon-Dieu rosé grad li pi ro nèt

2Donk si gin kèk konsolasion nan Kris, si gin kèk soulajman nan la charité, si gin kèk lunion léspri, si gin kèk konpasion avèk mizérikod, ${ }^{2}$ sé pou nou fè la joua mouin fi-n bon nèt: manyè gin minm santiman, minm amou, minm nanm, minm lidé. ${ }^{3} \mathrm{~Pa}$ fè angnin nan gnou léspri diskòd ou-byin paské nou dèyè louanj, min ké gnou léspri soumision fè nou konsidéré lèz òt kòm pi ro pasé nou. ${ }^{4}$ Sé pou nou chak, o-lié nou pran ka pròp intérè pa nou, pran ka intérè lòt moun tou. ${ }^{5}$ Sé pou nou gin nan nou santiman yo ki té nan Jézu-Kri, ${ }^{6}$ li ki té la an fòm Bon-Dieu, li pa-t konsidéré fakulté pou li té gnou jan égal avèk Bon-Dieu tankou gnou avantaj pou li té kinbé avèk tout fós, ${ }^{7} \mathrm{~min}$ li té bésé grad tèt li, li pran fòm gnou sèvitè, li vi-n tankou lèz òm. Lè li té parèt nan fason gnou nonm, ${ }^{8}$ li té rabésé tèt li, li vi-n obéisan juska la mò, la mò la koua minm. ${ }^{9}$ Sé pou sa tou BonDieu rosé li rèd-mézi, li ba li non an ki an-ro tout non, ${ }^{10}$ pou ké o-non Jézu tout jénou kapab fléchi nan sièl, sou la tè, avèk nan fon la tè, ${ }^{11}$ é ké tout lang kapab déklaré
klè ké Jézu-Kri sé Ségnè, pou gloua Bon-Dieu Papa a.
N-ap lléré lankou lumiè nan lé monn
12 Donk, byinn-émé mouin yo, minm jan nou toujou obéi, sé pou nou travay nan salu nou avèk la krint é avèk tranbléman, pa sèlman lè mouin la, min plus ankò koul-yé-a ké mouin pa la; ${ }^{13}$ paské sé Bon-Dieu ki aji nan nou pou nou kapab vlé é pou nou kapab fè, dapré bon plézi li. ${ }^{14}$ Fè tout bagay san plingnin, san diskuté, ${ }^{15}$ pou nou kapab san fòt é san tach, pou nou pitit Bon-Dieu san répròch nan mitan gnou jénérasion ki krochu é ki pèvèti, é pami yo n-ap kléré tankou lumiè nan lé monn, ${ }^{16}$ lè n -ap pòté paròl la vi a. É nan jou Kris la m-a kapab bay tèt mouin louanj paské mouin pa-t kouri pou grin-mési ni mouin pa-t travay mal. ${ }^{17}$ É minm si mouin doué sèvi pou rouzé ofrann nan sou lotèl épi pou konsakré la foua nou, mouin réjoui dé sa é mouin réjoui avèk nou tout. ${ }^{18}$ Nouminm tou, réjoui nou minm jan, é réjoui nou avèk mouin.

## Timoté avèk Épafrodit

19 Min mouin éspéré nan lé Ségnè Jézu ké avan lontan m-a voyé Timoté koté nou, pou mouin tou kapab ankourajé lè-m aprann nouvèl nou. ${ }^{20}$ Paské mouin pa gin pèsonn isi ki gin minm santiman ak mouin tankou li é ki pran situasion nou nan kè gnou jan sinsè: ${ }^{21}$ tout moun ap chaché pròp intérè yo min pa intérè Jézu-Kri. ${ }^{22}$ Nou
konnin prèv li bay nan sèvis Lévanjil la ansanm avèk mouin tankou pitit avèk papa. ${ }^{23}$ Donk, mouin éspéré voyé li koté nou kou m-a ouè jan afè mouin ap pasé; ${ }^{24}$ é mouin gin konfians sa a nan lé Ségnè ké mouin-minm tou m -a vi-ni avan lontan.
25 Mouin trouvé nésésè pou voyé koté nou frè-m Epafrodit, konpagnon zèv mouin avèk konpagnon batay mouin, ké nou voyé koté-m é ki okupé-m nan bézouin móuin. ${ }^{26}$ Paské li té anvi ouè nou tout, é sa té fè li anpil la pinn ké nou té tandé li fè gnou maladi. ${ }^{27}$ Sé vré, li té malad, tou pré la mó; min Bon-Dieu gin pitié pou li, é pa sèlman pou li, min pou mouin tou, pou-m pa gin tristès sou tristès. ${ }^{28}$ Donk mouin voyé li avèk plus laprésman toujou pou nou kontan ouè li ankò é pou mouin tou kapab pa si tris. ${ }^{29}$ Résévoua li nan lé Ségnè avèk tout joua, é bay dé moun kon sa lonnè. ${ }^{30}$ Paské sé pou travay Kris ké li té pré la mò, kòm li té ékspozé la vi li pou rann mouin sèvis nan plas nou.

Kouri sou mak la
3 Dayè, frè-m yo, réjoui nou nan lé Ségnè.
Mouin pa bouké ékri nou minm bagay yo, é sé gnou avantaj pou nou.
2 Véyé kò nou avèk chin, véyé kò nou avèk mové ouvrié, véyé kò nou avèk moun ki fo-sikonsi. ${ }^{3}$ Paské moun ki sikonsi, sé nou, ki adoré BonDieu gras-a Léspri Bon-Dieu,
nou ki mété gloua nou nan Jézu-Kri, é ki pa mété konfians nou nan la chè.
4 Poutan, mouin-minm tou, m-ta gin okazion pou mété konfians mouin nan la chè. Si gnou lòt moun kouè ké li kapab konfié nan la chè, mouin pi kapab fè sa pasé yo, ${ }^{5}$ mouin ki sikonsi sou uitièm jou, moun ras Izraèl, branch Binjamin, Ébré ki sòti nan zantray Ebré; nan atik la loua, m-té farizyin; ${ }^{6}$ nan afè dé dévouman, m-té pèsékuté légliz; kant-a afè dé justis dapré la loua, m-té san répròch. ${ }^{7}$ Min bagay sa yo ki té gangn pou mouin, m-gadé yo kon gnou pèd, pou-tèt Kris. ${ }^{8}$ E-m minm gadé tout bagay kon gnou pèd, pou-tèt jan sa rod bon pou konnin Jézu-Kri Ségnè mouin, sé pou li mouin rénonsé tout bagay, é mouin gadé yo tankou la bou, pou mouin kapab gin Kris, ${ }^{9}$ é pou moun dékouvri ké mouin nan Kris, pa avèk justis tèt mouin non, - ki sé justis la loua, - min avèk justis ki vi-ni gras-a la foua nan Kris, justis ki sòti nan Bon-Dieu gras-a la foua, ${ }^{10}$ pou mouin kapab konnin Kris, avèk puisans ki té fè li lévé nan la mò, épi sa yo rélé konmunion nan soufrans li, dapré jan mouin vi-n sanblé li nan la mò li, ${ }^{11}$ pou, si sa kapab, mouin réusi lévé pami mò yo.
12 Sé pa ké mouin déja ranpòté pri a, ou-byin ké mouin fi-n bon nèt; min m-ap kouri pou-m ouè si m-a mété min sou li, puiské mouin tou,

Kris té mété min sou mouin. ${ }^{13}$ Frè, mouin pa fè lidé ké mouin déja mété min sou li; min gin gnou bagay mouin fè: mouin blié bagay ki dèyè, é mouin pousé sou sa ki dévan, ${ }^{14} \mathrm{~m}$-ap kouri sou mak la pou-m ranpòté pri apèl sièl la ké Bon-Dieu adrésé nan Jézu-Kri.
15 Donk nou tout ki krétyin majè nan la foua, sé pou nou gin minm lidé sa a; é si sou kèk pouin nou gin gnou lòt lidé, Bon-Dieu va ba nou lumiè tou sou sa. ${ }^{16}$ Sèlman, nan pouin nou rivé a, an nou maché minm mach.
17 Nou tout, pran ékzanp sou mouin, frè, é mété jé nou sou moun $k$-ap maché dapré ékzanp nou jouinn nan nouzòt. ${ }^{18}$ Paské gin pliziè k-ap kondui tèt yo an énmi la koua Kris, mouin palé nou souvan sou sa, é koul-yé-a m-ap di sa ankò avèk dlo nan jé. $\quad{ }^{19}$ Fin yo sé pèdision; Bon-Dieu yo sé vant yo, yo mété gloua yo nan bagay ki gnou ront pou yo, lidé yo sé sou bagay la tè. ${ }^{20}$ Min nouminm, doua sitouayin nou sé nan sièl, sé la tou n-ap tann lé Ségnè Jézu-Kri sòti kòm Sovè nou, ${ }^{21}$ li va chanjé kò nou ki gnou kò féblès, 1 -a fè li sanblé kò pa li ki gin gloua, gras-a pouvoua ké li gingnin pou soumèt tout bagay an-ba li.

## Réjoui nou nan lé Ségnè

4 Sé pou sa, byinn-émé mouin yo, ak byin chè
frè yo, nou ki la joua mouin avèk kouròn mouin, rété fèm kòm sa nan lé Ségnè, oui byinn-émé mouin yo!
2: Mouin ékzòté sè Évodi, é mouin ékzòté sè Sintich pou yo rékonsilié nan lé Ségnè. ${ }^{3}$ E ou-minm tou, fidèl kolèg mouin, oui, mouin prié ou édé yo, yo ki té konbat pou Lévanjil ansanm avèk mouin, avèk Kléman épi lòt konpagnon zèv mouin yo, ki gin non yo nan liv la vi a.
4 Réjoui nou tout tan nan lé Ségnè; mouin di li ankò, réjoui nou.
5 Sé pou tou lèz òm konnin jan nou konsilian. Lé Ségnè tou pré. ${ }^{6}$ Nou pa bézouin inkiété nou pou angnin; min nan tout situasion, prézanté bézouin nou bay Bon-Dieu nan la priè, nan suplikasion, avèk aksion-dé-gras. ${ }^{7}$ Éla pé Bon-Dieu, ki dépasé tout intélijans, va gadé kè nou avèk lidé nou nan Jézu-Kri.

## Mété lidé nou sou bagay sa yo

8 Dayè, frè, tout bagay ki vré, tout bagay ki réspéktab, tout bagay ki jus, tout bagay ki la pròpté, tout bagay ki émab, tout bagay ki gin bon réputasion, bagay ki bon moral é ki gin louanj, sé bagay sa yo pou nou bay valè. ${ }^{a} \quad{ }^{9}$ Sa nou té aprann, é ké nou té résévoua épi tandé nan min mouin, avèk bagay nou ouè nan mouin, sé pou nou fè bagay sa yo. E Bon-Dieu la pé a va avèk nou.

[^39]Pòl rémèsié Filipyin yo pou kado yo fè li
10 Mouin kontan anpil nan lé Ségnè paské, apré kèk tan nou rénouvlé intérè ké nou pòté-m; nou té toujou gin sa nan lidé, min nou pa-t ko gin okazion. ${ }^{11}$ M-pa di sa a-kòz nésésité mouin, paské mouin aprann kontanté-m nan situasion mouin yé a. ${ }^{12}$ Mouin konn fè kò-m piti, é mouin konn viv nan labondans. Nan tout bagay é nan tout sikonstans mouin aprann ki jan pou-m fè lè-m rasazié avèk lè-m grangou, lè-m gin anpil avèk lè-m manké. ${ }^{13}$ Mouin kapab fè tout bagay, gras-a sila $k$-ap fòtifié-m nan. ${ }^{14}$ Malgré sa nou byin fè patisipé nan détrès mouin.
15 Nou konnin sa nouminm, moun la vil Filip, ké lè Lévanjil té fèk préché pami nou, lè-m kité péyi Masé-doua-n, okinn égliz pa-t antré an rapò avèk mouin pou rann kont sa yo bay avèk sa yo
résévoua; sé nou sèl ki té fè sa, ${ }^{16}$ paské nou té voyé an dé foua ban mouin nan la vil Tésalonik dé-koua pou nésésité-m. ${ }^{17}$ Sé pa ké mouin dèyè kado; min $m-a p$ chaché rékonpans la $k-a p$ grosi anfavè nou. ${ }^{18}$ Mouin résévoua tout bagay, m-nan labondans; mouin konblé avèk byin paské mouin résévoua nan min Épafrodit bagay yo ké nou voyé tankou gnou bon pafin, gnou ofrann ké Bon-Dieu aksépté é ki fè li plézi. ${ }^{19}$ E BonDieu mouin va satisfè tout bézouin nou dapré richès li, é avèk gloua, nan Jézu-Kri. ${ }^{20}$ Gloua pou Bon-Dieu Papa nou pou létènité! Amèn!

## Salutasion

21 Salué tout sin nan JézuKri yo.
Frè yo ki avèk mouin salué nou. ${ }^{22}$ Tout sin yo salué nou, éspésialman sa yo ki kay Séza.
23 Ké la gras Ségnè JézuKri avèk léspri nou!

## Lèt Pòl ékri KOLOSYIN YO

## Adrès avèk salutasion

1Pòl, apòt Jézu-Kri dapré volonté Bon-Dieu, avèk frè Timoté, ${ }^{2}$ ékri sin yo ak fidèl frè nan Kris yo ki nan la vil Kolòs: Ké nou résévoua la gras avèk la pé ki sòti nan Bon-Dieu Papa nou!

La priè pou sajès éspirituèl
3 Nou rémèsi Bon-Dieu, Papa nòt Ségnè Jézu-Kri, tout tan lè nou lapriè pou nou, ${ }^{4}$ paské nou pran nouvèl la foua nou nan Jézu-Kri ak charité nou anvè tout sin yo, ${ }^{5}$ tou sa a-kòz éspérans ki séré
pou nou nan sièl, é ké Paròl vérité a, Paròl Lévanjil la déja fè nou konnin. ${ }^{6}$ Lévanjil sa a pami nou, li nan lé monn antié; l-ap bay foui é l-ap grandi, jan sa pasé tou pami nou, dépi jou ké nou té tandé é nou té rékonnèt la gras BonDieu gnou jan ki konfòm avèk la vérité, ${ }^{7}$ dapré instruksion nou té résévoua nan min Épafras, byinn-émé konpagnon travay nou-minm k-ap ékri a. Li pou nou-zòt gnou fidèl sèvitè Kris, ${ }^{8}$ é li mété nou o-kouran ki amou Léspri ba nou.
9 Sé pou sa nou-minm tou, dépi jou ké nou tandé sa, nou pa suspann lapriè Bon-Dieu pou nou épi mandé pou nou plin avèk konnésans volonté li, nan tout sajès avèk intélijans éspirituèl, ${ }^{10}$ pou nou kondui tèt nou gnou jan ki dign lé Ségnè, é pou nou fè li plézi nan tout bagay, étan n-ap poté foui nan tout bon zèv, é n-ap grandi nan konnésans Bon-Dieu, - ${ }^{11}$ étan n-ap fòtifié nan tout diréksion avèk puisans li ki gin gloua, é sa va fè nou gin pèsévérans épi pasians tout tan avèk la joua.

Moun rékonsilié avèk Bon-Dieu pa mouayin la mò Jézu-Kri
12 Rann gras pou Papa a, ki fè nou kapab patisipé nan éritaj sin yo nan la lumiè: ${ }^{13}$ li délivré nou an-ba puisans ténèb, li fè nou antré nan rouayòm Pitit amou li. ${ }^{14}$ Sé nan Pitit sa a ké nou rachté é ké nou gin padon péché. ${ }^{15} \mathrm{Li}$ sé pòtré Bon-Dieu ké nou pa
kapab ouè, li fèt an-prémié nan tou sa ki kréyé. ${ }^{16}$ Paské sé nan li tout bagay té kréyé: sa ki nan sièl la avèk sou la tè, sa ki vizib é sa ki invizib, tròn yo, dignité yo, domi-nasion yo, otorité yo. Tout bagay kréyé gras-a li é pou-tèt li. ${ }^{17} \mathrm{Li}$ té avan tout bagay é tout bagay jouinn sans yo nan li. ${ }^{18}$ Li sé tèt kò a, ki légliz; li sé kòmansman, li fèt an-prémié nan sa ki té mouri yo, pou li kapab prémié nan tout bagay. ${ }^{19}$ Paské Bon-Dieu té vlé ké tout kapasité pran lojman nan li; ${ }^{20}$ li té vlé, avèk li, rékonsilié tout bagay avèk liminm, ni bagay ki sou la tè, ni bagay ki nan sièl, é pou sa li fè la pé gras-a li, gras-a san la koua li a.
21 E nou-zòt, ki té louin lontan é ki té énmi, dapré lidé nou avèk mové zèv nou, ${ }^{22}$ koul-yé-a li rékonsilié nou avèk li gras-a la mò Jézu ki mouri nan kò la chè li, pou fè nou parèt sin, san fòt é san répròch dévan li, ${ }^{23}$ si poutan nou rété fèm nan fondasion la foua é san brannin, san détounin nou nan éspérans Lévanjil la ké nou tandé, - ki préché bay tout kréyatu an-ba sièl la, é mouin Pol yo fè mouin sèvitè li.

## Travay Pòl pami payin yo

24 M-ap réjoui-m koul-yé-a nan soufrans mouin pou nou; é sa ki manké nan soufrans Kris, m-ap fi-n akonpli li nan chè mouin an-favè kò li, ki légliz. ${ }^{25}$ Sé légliz sa a yo fè mouin sèvitè li, dapré chaj ké Bon-Dieu konfié-m an-
favè nou, pou mouin répann ann-abondans Paròl BonDieu a, ${ }^{26}$ mistè a ki té kaché tout tan é nan tout jénérasion yo, min ki vi-n klè koul-yé-a pou sin li yo, ${ }^{27}$ ké Bon-Dieu vlé fè konnin ki richès gloua ké mistè sa a réprézanté pou payin yo, é sa vlé di: Kris nan nou, sé éspérans gloua a. ${ }^{28}$ Sé Kris sa a kén-ap a-nonsé, é pou sa, nou ékzoté tout òm, é nou instoui tout òm ak tout kalité sajès, pou nou kapab prézanté bay Bon-Dieu tout moun byin akonpli nan Kris. ${ }^{29}$ Sé pou sa m-ap travay, m-ap konbat avèk fòs li, ki aji avèk puisans nan mouin. 9 Paské, mouin vlé nou konnin ki gran konba mouin soutni pou nou avèk pou sa yo ki nan la vil Laodisé, épi tou sa yo ki pa konnin mouin nan la chè, ${ }^{2}$ pou yo gin kè yo plin konsolasion, pou yo uni nan lamou, pou yo gin kòm richès gnou bon asurans ki va fè yo konnin mistè Bon-Dieu a, - ki vlé di Kris, - ${ }^{3}$ sé nan mistè sa a tout trézò la sajès avèk la sians kaché.
4 Mouin di sa pou pèsonn pa tronpé nou avèk diskou yo fè pou pran tèt moun. ${ }^{5}$ Paské, si mouin absan nan la chè, mouin avèk nou annéspri, mouin kontan ouè bon lòd ki gingnin pami nou, avèk ki jan la foua nou fèm nan Kris.
6 Donk, minm jan ké nou té résévoua lé Ségnè JézuKri, maché avèk li, ${ }^{7}$ anrasiné nou nan li, mété fondasion nou nan li, é rafèmi nou plus-
án-plus nan la foua, dapré instruksion yo té ba nou, é rann aksion-dé-gras anpil.

## La vi abondan an Kris

8 Véyé kò nou pou pèsonn pa pòté nou alé avèk kout filozòf yo épi ruz ki pa kapab kinbé: bagay sa yo dapré koutum lèz òm, épi kouayans lé monn, min pa dapré Kris. ${ }^{9}$ Paské sé nan li tout kapasité ki gin nan Bon-Dieu rété an-chè é ann-òs. ${ }^{10}$ Sé nan li ké nou moun ki akonpli toutbon, li ki chèf tout dominasion ak tout otorité. ${ }^{11}$ Sé nan li ké nou té sikonsi gnou jan sikonsi ké min moun pa fè, min jan sikonsi pa Kris la, ki vlé di nou té rénonsé kò la chè. ${ }^{12}$ Puiské nou té antéré avèk li nan batèm, nou té lévé tou nan li é avèk li, gras-a la foua nan puisans Bon-Dieu, ki té lévé li pami mò yo. ${ }^{13}$ Nou ki té mouri a-kòz dézobéisans nou é a-kòz jan chè nou pa-t sikonsi, li ba nou la vi ankò avèk Kris, é pou sa, li fè nou gras pou tout dézobéisans nou yo; ${ }^{14}$ li éfasé sa ki té ékri kont nou an é ki té gin désizion ki té konda-né nou, li détoui-l lè li klouré-l sou la koua. ${ }^{15} \mathrm{Li}$ dégradé domi-nasion yo avèk otorité yo, li fè konnin sa yo yé: li trionfé sou yo avèk koua a.
16 Donk, ké pèsonn pa jujé nou pou-tèt afè dé manjé oubyin bouè, ou-byin pou-tèt afè dé fèt, dé nouvèl lu-n oubyin saba: ${ }^{17}$ sa sé té lonbraj bagay ki té gin pou vi-ni, min kò ki té montré lonbraj li a, sé nan Kris li yé. ${ }^{18}$ Sé pa pou
gnou moun, ki soua-dizan ap chaché rabésé tèt li é k-ap sèvi zanj, tou bò-nman ouété rékonpans kous la nan min nou, é an minm tan l-ap fè parad avèk vìzion ké li gingnin é li gonflé san rézon ak ògèy avèk lidé li ki sou la chè, ${ }^{19}$ li pa ataché li avèk chèf la, ki gin tout kò li byin nouri é byin fòmé, avèk jouintu solid épi bon siman, é li grandi jan Bon-Dieu fè li grandi.
20 Donk si nou té mouri avèk Kris kant-a kouayans lé monn, pouki sa yo mété nou an-ba kòmandman sa yo, kòm si nou t-ap viv toujou dapré lé monn: ${ }^{21}$ Pi-nga pran, pinga gouté, pi-nga touché? ${ }_{22}$ Tout prinsip sa yo vi-n nuizib lè yo alé tro louin é yo dapré désizion avèk anségnman lèz om. ${ }^{23}$ Sé vré sé dé bagay ki parèt saj, paské yo ékzèsé volonté gnou moun pou li obéyi, é pou li donté kò li, min sa pa gin okinn mérit, sa bay la chè satisfaksion.
3 Donk si nou té lévé nan $\boldsymbol{J}$ la mò avèk Kris, chaché bagay ki an-ro, koté Kris chita a-douat Bon-Dieu. ${ }^{2}$ Mété aféksion nou sou bagay ki an-ro, min pa sou bagay la tè a. ${ }^{3}$ Paské nou té mouri, é la vi nou kaché ansanm avèk Kris nan Bon-Dieu. ${ }^{4}$ Lè Kris, ki la vi nou, va parèt, lè sa a nou va parèt tou avèk li nan la gloua.

## La vi lontan an pa minm avek nouvo vi a

5 Donk sé pou nou fè mouri nan manm nou bagay ki bagay la tè: dézòd la chè, mal-
pròpté, pasion, mové dézi, kouri dèyè richès (sa sé minm jan avèk sèvi zidodl.) ${ }^{6}$ Sé bagay sa yo ki atiré kòlè BonDieu sou pitit rébélion yo; ${ }^{7}$ nou t-ap maché pami yo lontan, lè nou t-ap viv nan péché sa yo. ${ }^{8}$ Min koul-yé-a, rénonsé tout bagay sa yo: kòlè, jouré, méchansté, manti sou do moun, mové propo ki té konn sòti nan bouch nou.
9. Sé pa pou gnoun bay lòt manti, puiské nou dézabiyé nou ak vié nonm nan épi zèv li, ${ }^{10}$ é nou mété sou nou nonm nouvo a, k -ap rénouvlé nan konnésans dapré sanblans sila ki té kréyé-l la. ${ }^{11}$ Nan sa n-ap palé a, pa gin ni Grèk ni Jouif, ni sikonsi ni pa-sikonsi, ni pèp sovaj ni Sit, ni ésklav ni lib; min Kris sé tout bagay é li nan yo tout. 12 Donk, sin ak byinn-émé yo, tankou moun yo ké BonDieu chouazi, mété nan nou zantray mizérikòd, bonté, obéisans, dousè, pasians. ${ }^{13}$ Sé pou gnoun supòté lòt, é si gnoun gin okazion pou plinn kont lòt, sé pou gnoun padonnin lot. Minm jan ké Kris té padonnin nou, sé pou nou padonnin tou. ${ }^{14} \mathrm{Min}$, plus pasé tout, mété nan nou lamou, ki sé siman karaktè ki byin akonpli. ${ }^{15} \mathrm{Ké}$ la pé Kris, nou gin apè pou nou fè gnou sèl kò la-dann nan, gouvèné nan kè nou. É montré nou rékonnésan.
16 Ké Paròl Kris rété a-fon nan nou; sé pou gnoun instoui é ékzòté lòt nan tout sajès, avèk sòm, chan é kantik éspirituèl, sé pou nou
chanté bay Bon-Dieu ak tout kè nou jan la gras palé nan nou. ${ }^{17}$ E ninpòt ki sa n-ap fè, an parol ou-byin an zèv, fè tout bagay o-non Ségnè Jézu é rann Bon-Dieu Papa a ak-sion-dé-gras nan li.

Dévoua nan la mézon é nan la sosiété
18 Madanm, soumèt dévan mari ou, kòm sa douat-èt pou moun ki nan lé Ségnè.
19 Mari, rinmin madanm ou, pa faché kont li.
20 Ti moun, obéyi paran nou nan tout bagay, paské sa fè Bon-Dieu plézi.
21 Papa, pi-nga irité pitit nou, pou yo pa dékourajé.
22 Sèvitè, obéyi nan tout bagay moun yo ki mèt nou dapré la chè, pa sèlman lè nou an-ba jé yo, - kòm pou fè lèz òm plézi, - min avèk gnou kè sinp, avèk krint pou lé Ségnè. ${ }^{23}$ Tou sa n-ap fè, fè li avèk bon kè, tankou pou lé Ségnè, pa pou lèz òm non, ${ }^{24}$ paské nou konnin ké n-a résévoua éritaj la kòm rékonpans nan min lé Ségnè. Sèvi Kris, ki Ségnè a. ${ }^{25}$ Paské moun ki aji avèk injustis va résévoua dapré injustis li, é nan pouin pas-pou-ki pou pèsonn.
4 Mèt, akòdé sèvitè nou sa 4 ki jus é rézonnab, paské nou konnin nou-minm tou nou gin gnou mèt nan sièl la.
2 Pèsévéré nan la priè, é konti-nué la-dann avèk aksion-dé-gras. ${ }^{3}$ Lapriè pou nou an minm tan, pou BonDieu louvri gnou pòt pou parol li pou mouin kapab anonsé mistè Kris (sé pou mis-
tè sa a mouin nan chinn), ${ }^{4}$ pou-m déklaré li a-klè jan mouin doué palé sou sa.
5 Kondui nou avèk sajès ak moun déyò yo, é profité tan an. ${ }^{6}$ Ké paròl nou toujou sòti avèk la gras, ké propo nou asézonnin ak sèl, pou nou konnin réponn chak moun kòm il fo.

## Salutasion

7 Tichik, frè byinn-émé a, é fidèl sèvitè $a$, konpagnon sèvis mouin nan lé Ségnè va mété nou o-kouran tou sa ki konsèné-m. ${ }^{8}$ Mouin voyé li ba nou tout éspré, pou nou konnin situasion nou-zòt; é pou li konsolé kè nou. ${ }^{9}$ Mouin voyé li avèk O-nézim, frè fidèl é byinn-émé a, ki moun pa nou. Yo va infòmé nou tou sa k-ap pasé isit.
10 Aristak, konpagnon mouin nan prizon an, salué nou, Mak tou, - kouzin Banabas la, - sa nou té résévoua lod sou li a (si li vi-ni lakay nou, ba li bon akèy); ${ }^{11}$ Jézu, ki gin ti non Justus, salué nou tou. Sé sèl moun sa yo, pami sikonsi yo, ki travay avèk mouin pou rouayòm Bon-Dieu a é ki té vi-n gnou konsolasion pou mouin. ${ }^{12}$ Epafras, ki moun nou, salué nou; kòm sèvitè Jézu-Kri, li pa suspann konbat an-favè nou nan priè li yo, pou nou rété byin akonpli, pou nou gin bon asurans nan tout bagay ké Bon-Dieu vlé. ${ }^{13}$ Paské mouin rann frè a témouagnaj sa a ké li dévoué anpil pou nou, pou moun Laodisé yo avèk moun Yérapolis yo.
${ }^{14}$ Luk, doktè byinn-émé a, la ki va sòti Laodisé. ${ }^{17}$ Épi salué nou, Démas tou.
15 Salué frè yo ki nan la vil Laodisé, ak Ninfas, épi légliz la ki réuni lakay li.
16 Lè yo va fi-n li lèt sa a pami nou, fè dé-fason pou yo li-1 tou nan légliz Laodiséyin yo, é pou nou-minm nou li lèt
sèvis la ké ou anchajé nan lé Ségnè, pou ou akonpli li byin.
18 Mouin Pòl, mouin salué nou avèk pròp min mouin. Sonjé chinn mouin yo.
Ké la gras avèk nou!

# Prémié lèt Pòl ékri TÉSALONISYIN YO 

## Adrès avèk salutasion

1Pòl, Silvin, a àè Timoté, ékri légliz Tésalonisyin yo, ki nan Bon-Dieu Papa a avèk nan Ségnè JézuKri: Ké nou résévoua la gras avèk la pé!

La foua à̀̀k ékzanp Tésalonisyin yo.
2 Nou rémèsi Bon-Dieu tout tan pou nou, nou palé dé nou nan la priè. ${ }^{3} \mathrm{~N}$-ap sonjé zèv la foua nou, avèk travay amou nou, épi ki jan éspérans nou nan nòt Ségnè Jézu-Kri fèm dévan Bon-Dieu Papa nou. ${ }^{4}$ Nou konnin, frè ki byinn-émé Bon-Dieu, ké BonDieu chouazi nouz-òt. ${ }^{5}$ Sé pa an paròl sèlman ké Lévanjil nou-minm k-ap ékri a té préché ba nou, min avèk puisans, avèk Sint-Éspri é avèk tout konviksion. Paské nou pa ignoré ké sé konsa nou té kondui tèt nou pami nouz-òt, é pa amou pou nouzòt. ${ }^{6}$ E nou-minm, nou té suiv
ékzanp mouin avèk ékzanp lé Ségnè, lè nou té résévoua la Paròl la nan mitan anpil tribulasion, avèk la joua ki nan Sint-Éspri. ${ }^{7}$ Sa fè nou vi-n gnou modèl pou tout kouayan ki nan péyi Masédoua-n avèk Lakayi. ${ }^{8}$ Paské, non sèlman paròl lé Ségnè fè bri dépi lakay nou jouk nan péyi Masédoua-n avèk Lakayi, min la foua nou nan BonDieu vi-n konnu tout koté, o-pouin ké nou-minm nou pa bézouin palé sou sa. ${ }^{9}$ Paské yo rakonté ki kalité résépsion nou té jouinn lakay nouz-òt, é ki jan nouz-òt té konvèti vi-n jouinn Bon-Dieu; nou lagé zidol yo pou sèvi BonDieu ki vivan é ki vré, ${ }^{10}$ é pou nou tann Pitit li sòti nan sièl, sila ké li lévé pami mò yo, Jézu, ki délivré nou an-ba kòlè ki gin pou vini a.

## Travay Pòl nan Tésalonik

2 Nou konnin, frè, ké lè nou té rivé lakay nouz-
a 1:1 Silvin té rélé Silas tou.
òt, sé pa-t pou grin-mési. ${ }^{2}$ Apré nou té soufri é ké yo té déréspékté nou nan la vil Filip, jan nouz-òt konnin, nou konfié-n nan Bon-Dieu nou, pou anonsé nouz-ot Lévanjil Bon-Dieu a, nan mitan anpil konba. ${ }^{3}$ Paské sa nou té préché pa-t gin fondasion ni nan lérè, ni nan dé motif ki pa doua, ni nan frod; ${ }^{4} \mathrm{~min}$, dapré jan Bon-Dieu jujé nou dign pou li konfié nou Lévanjil la, sé konsa nou palé, - pa pou plè moun non, min pou plè Bon-Dieu ki sondé kè nou.
5 Paské nou pa janm sèvi avèk paròl ki flaté moun, kòm nou konnin; motif nou, sé pa janm dèyè gin nou yé, BonDieu témouin sa. ${ }^{6}$ Nou pa chaché la gloua ki sòti nan lèz òm, ni nan min nou ni nan min lèz òt; nou ta kapab manché otorité nou kòm apòt Kris, ${ }^{7}$ min nou té plin avèk dousè pami nou, minm jan gnou manman ki nouris bay pitit li souin. ${ }^{8}$ Avèk gran aféksion nou gin pou nouzòt, nou té vlé ba nou, pa sèlman Lévanjil Bon-Dieu a min pròp la vi nou tou, tank nou té vi-n chè pou nou. ${ }^{9}$ Nou doué sonjé, frè, travay nou k-ap ékri a, avèk la pinn nou: nou té travay nuit kon jou, pou nou pa sou kont nouz-òt, é nou préché Lévanjil Bon-Dieu a ba nou. ${ }^{10}$ Nouz-òt témouin, é BonDieu témouin tou, ké nou té gingnin anvè nouz-òt ki kouè, gnou konduit ki sin, ki jus, é ki san répròch. ${ }^{11}$ Nou konnin tou ké nou té pou chak pami nouz-òt sa gnou papa
yé pou pitit li yo: ${ }^{12}$ nou té ékzòté-n, konsolé-n, nou té suplié-n maché gnou jan ki dign Bon-Dieu, k-ap rélé nou nan rouayòm li avèk nan gloua li.
13 Sé pou sa nou rémèsi Bon-Dieu tout tan dèské lè nou té résévoua la Parol BonDieu a, ké nou té fè-n tandé, nou té résévoua-l, pa tankou paròl lèz òm, min nou té pran li pou sa li yé tout bon: pou paròl Bon-Dieu, k-ap aji nannouz-òt ki kouè. ${ }^{14}$ Paské, frè, nou rivé ap suiv ékzanp légliz Bon-Dieu yo ki nan Jézu-Kri nan péyi la Judé, paské nouz-òt tou nou subi nan min pròp konpatriot nou minm bagay légliz sa yo té subi nan min Jouif yo. ${ }^{15}$ Sé Jouif sa yo ki té tuyé Ségnè Jézu avèk profèt yo, ki té pèsékuté nou-minm tou. Yo pa fè Bon-Dieu plézi, é yo énmi tout moun, ${ }^{16} y$-ap anpéché nou palé payin yo pou yo kapab sové. Sé konsa y-ap ogmanté péché yo toujou. Min kòlè a fi-n jouinn yo.

## Pòl louin légliz la, li sonjé-l

17 Kant-a nou, frè, ki séparé avèk nouz-òt pou kèk tan, nan kò min pa nan kè, sa fè nou pi anvi ouè nou ankò. ${ }^{18}$ Sé pou sa nou té vlé alé ouè nou, - ou pito mouin Pol, - gnou foua épi gnou lòt foua ankò; min Satan anpéché nou. ${ }^{19}$ Paské ki moun ki va éspérans nou, oubyin la joua nou, ou-byin kouròn gloua nou? Eské sé pa nouz-òt, dévan Jézu Ségnè nou, lè l-a vini? ${ }^{20}$ Oui, nouz-
òt sé gloua nou avèk la joua nou.

3Sé pou sa, nou pa-t kapab rété sou sa, é nou désidé rété nan la vil Atèn pou kont nou, ${ }^{2}$ nou voyé Timoté, frè nou, sèvitè BonDieu nan Lévanjil Kris, pou rafèmi nou é pou ékzòté nou sou la foua nou, ${ }^{3}$ pou pèsonn pa boulvèsé nan mitan tribulasion koul-yé-a. Paské nou konnin ké sa la pou nou. ${ }^{4}$ Lè nou-minm té koté nou, nou té anonsé nou davans ké nou ta pasé tribulasion, jan sa rivé a, é nou konnin sa. ${ }^{5}$ Kòm mouin pa-t kapab rété sou sa, mouin voyé mandé kòman la foua nou yé: mouin té krinn pou tantatè pa-t tanté nou, é pou nou-minm nou pa-t travay mal.
6 Min Timoté, ki fèk rivé sodti lakay nou, ba nou bon nouvèl sou la foua nou avèk amou nou, li di-n ké nou toujou byin sonjé nou, é ké nou anvi ouè nou, minm jan nou anvi ouè nouz-òt tou. ${ }^{7}$ Donk, frè, nan mitan tout la pinn ak tribulasion nou, nou konsolé sou kont nou, a-kòz la foua nou. ${ }^{8}$ Paské koul-yé-a n-ap viv puiské nouz-òt rété fèm nan lé Ségnè. ${ }^{9}$ É ki kalité aksion-dé-gras pou nou rann Bon-Dieu pou-tèt nou, pou tout la joua nou gingnin a-kòz nou, dévan Bon-Dieu nou! ${ }^{10}$ Nuit kon jou, n-ap lapriè li fò pou li pèmèt nou ouè nou, é pou li ajouté sa la foua nou manké.
11 Ké Bon-Dieu li-minm, Papa nou, avèk nòt Ségnè Jézu, dirijé rout nou pou nou
vi-n jouinn nouz-òt! ${ }^{12}$ Amou sa a ké nou-minm nou gin pou nou, ké lé Ségnè grandi li plus-an-plus pami nou, é anvè tout moun, ${ }^{13}$ pou kè nou kapab rafèmi, ké yo san répròch nan gnou éta ki sin dévan Bon-Dieu, Papa nou, lè nòt Ségnè Jézu va rivé avèk tout sin li yo!

## Gnou vi ki fè Bon-Dicu plézi

4 Dayè, frè, nou té aprann 4 nan min nou k-ap ékri a ki jan nou doué kondui tèt nou pou fè Bon-Dieu plézi; sé konsa nou maché, é nou mandé nou o-non Ségnè Jézu pou nou fè progrè plus-anplus. ${ }^{2}$ Nou konnin byin ki prinsip nou ba nou é ki sodi nan min Ségnè Jézu. ${ }^{3}$ Sa Bon-Dieu vlé, sé pou nou nan gnou éta ki sin: sé pou nou ékzanté nou an-ba dézòd la chè. ${ }^{4}$ Sé pou nou chak konnin mintni kò nou nan gnou éta ki sin é onnèt, ${ }^{5}$ san lagé kó nou nan pasion déréglé, tankou payin yo ki pa konnin Bon-Dieu. ${ }^{6}$ Sé pou pèsonn pa tronpé frè li, ni profité sou li nan angnin, paské lé Ségnè puni bagay sa yo, jan nou déja di sa é jan nou bay témouagnaj sou sa. ${ }^{7}$ Paské Bon-Dieu pa rélé nou nan malpròpté, min nan gnou éta ki sin. ${ }^{8}$ Donk moun ki réjété prinsip sa yo, sé pa gnou nonm li réjété, min sé Bon-Dieu, ki ba nou SintÉspri li tou.
9 Kant-a amou frè gin pou frè, nou pa bézouin ékri-n sou sa; paské nou aprann pou kont nou nan min Bon-Dieu
pou gnoun rinmin lòt, ${ }^{10}$ é sé konsa nou aji anvè tout frè yo nan tout péyi Masé-doua-n. Min nou ékzòté-n, frè, pou nou toujou montré plus amou sa a, ${ }^{11}$ é pou nou mété onnè nou pou viv trankil, pou nou okupé zafè pa nou, é pou nou travay ak min nou, jan nou té rékòmandé-n. ${ }^{12}$ Konsa n-a kondui nou gnou jan onnèt avèk moun déyò yo, é nou p-ap bézouin pèsonn.

## Sou jan lé Ségnè ap vini

13 Nou pa vlé, frè, ké nou nan ignorans sou sila yo k-ap domi, pou nou pa gin la pinn tankou lèz-òt yo ki pa gin éspérans. ${ }^{14}$ Paské, si nou kouè ké Jézu mouri é ké li lévé nan la mò, sé pou nou kouè tou ké Bon-Dieu va fè Jézu vini ankò é avèk li sila yo ki mouri. ${ }^{15}$ Paské min sa nou déklaré-n dapré Paròl lé Ségnè: Nou ki vivan, ki va rété jouk lè lé Ségnè ap vini, nou p-ap pasé dévan sila yo ki mouri. ${ }^{16}$ Paské lé Ségnè minm va désann sòti nan sièl lè signal ap bay, avèk voua chèf zanj la, é avèk son tronpèt Bon-Dieu a, é sila yo ki mouri nan Kris va lévé an prémié. ${ }^{17}$ Apré sa, nou ki vivan é ki va sou la tè, nou tout va lévé ansanm ak yo sou nuaj yo, pou alé kontré lé Ségnè an-lè, é konsa nou va toujou avèk lé Ségnè. ${ }^{18}$ Donk sé pou gnoun konsolé lòt avèk paròl sa yo.
5 Kant-a tan avèk épòk la, nou pa bézouin, frè, ké yo ékri nou sou sa. ${ }^{2}$ Paské
nou byin konnin nou-minm ké jou lé Ségnè a va vini tankou gnou vòlè nan nuit. ${ }^{3}$ Lè lèz òm va di: Gin la pé, gin suté! lè sa a gnou déstruksion subit va suprann yo, tankou doulè akouchman suprann gnou fanm k-ap tann pitit, é yo p-ap chapé.
4 Min nou-minm, frè, nou pa nan ténèb, pou jou sa a suprann nou tankou gnou vòlè; ${ }^{5}$ nou tout sé pitit la lumiè̀, pitit jou klè. Nou pa pitit nan nuit ni pitit ténèb. ${ }^{6}$ Donk, an nou pa domi tankou lèz-òt yo, min an nou véyé é an-n kondui nou avèk mézi. ${ }^{7}$ Moun ki dòmi dòmi nan nuit, é moun ki soulé tèt yo soulé tèt yo nan nuit. ${ }^{8}$ Min nou ki moun jou klè an nou kondui nou avèk mézi, an nou mété sou nou kuiras la foua avèk lamou, épi éspérans salu a kòm kas nan tèt nou. ${ }^{9}$ Paské Bon-Dieu pa mété nou la pou kòlè $a$, min pou nou gin salu gras-a Ségnè nou JézuKri, ${ }^{10} \mathrm{ki}$ mouri pou nou, pou nou kapab viv ansanm avèk li, kit n -ap véyé, kit n -ap dòmi. ${ }^{11}$ Sé pou sa gnoun pou ékzòté lòt, é gnoun pou bati lòt, jan nou fè sa dayè.

## Divès ékzòtasion

12 Nou lapriè nou, frè, pou nou gin konsidérasion pou moun yo k-ap travay pami nou, k-ap dirijé nou nan lé Ségnè, é $k-a p$ ékzòté nou. ${ }^{13}$ Sé pou nou gin anpil aféksion pou yo, a-kòz travay yo. Viv an pè ant nou.
14 Nou lapriè nou tou, frè, avèti sila $k$-ap viv nan dézòd
yo, konsolé sila kè yo fébli, soutni sa ki fèb, gin pasians avèk tout moun.
15 Pi-nga pèsonn rann gnou lòt mal pou mal; min toujou dèyè sa ki byin, kit sé ant nou, kit sé anvè tout moun.
16 Sé pou-n toujou réjoui nou.
17 Lapriè tout tan. ${ }^{18}$ Rann gras nan tout bagay, paské sé sa ki volonté Bon-Dieu pou nou nan Jézu-Kri.
19 Pa tingnin Léspri. ${ }^{20} \mathrm{~Pa}$ méprizé paròl profèt. ${ }^{21} \mathrm{Min}$ ékzaminé tout bagay, é konsèvé sa ki bon. ${ }^{22}$ Ekzanté nou ak tout bagay ki mal.

23 Ké Bon-Dieu la pé a liminm fè nou sin nèt, é ké tou sa nou yé, léspri, nanm avèk kò, kapab konsèvé san répròch pou lè Ségnè nou JézuKri vini! ${ }^{24}$ Sila ki rélé nou a fidèl, é sé li ki va fè sa.

## Dènié salutasion é bénédiksion

25 Frè, lapriè pou nou.
26 Salué tout frè yo avèk gnou bo ki sin.
27 Mouin suplié nou o-non lé Ségnè, pou lèt sa a kapab li bay tout frè yo.
28 Ké la gras nòt Ségnè Jézu-Kri avèk nou tout!

## Dézièm lèt Pòl ékri TÉSALONISYIN YO

## Adrès avèk salutasion

1Poll, Silvin, avèk Timoté, ékri légliz Tésalonisyin yo, ki nan Bon-Dieu Papa nou ak nan Ségnè Jézu-Kri: ${ }^{2}$ Ké nou résévoua la gras avèk la pé ki sòti nan BonDieu Papa nou ak nan Ségnè Jézu-Kri!

## Jujman péché yo lè Kris vini

3 Frè, nou doué rémèsi BonDieu tout tan pou-tèt nou; sé jus, paské la foua nou fè gran progrè é lamou nou chak pou lèz-òt grandi plus-an-plus. ${ }^{4}$ Sé pou sa nou bay louanj pou nou nan légliz Bon-Dieu yo, pou-tèt pèsévérans avèk la foua nou nan mitan tout pèsékusion ak tri-
bulasion ké nou gin pou supòté. ${ }^{5} \mathrm{Sa}$ sé prèv justis ki nan jujman Bon-Dieu ki vlé rann nou dign rouayòm li, é sé pou rouayòm sa a $n$-ap soufri. ${ }^{6}$ Sé pròp justis BonDieu pou voyé afliksion bay moun yo k-ap ba nou afliksion, ${ }^{7}$ é pou bay nou ki nan afliksion, répo avèk nou k-ap ékri $a$, lè Ségnè Jézu va parèt sòti nan sièl la avèk zanj puisans li yo, ${ }^{8}$ nan mitan flanm di-fé, pou puni moun yo ki pa konnin Bon-Dieu avèk moun yo ki pa obéyi Lévanjil nòt Ségnè Jézu. ${ }^{9} \mathrm{Pu}-$ nision yo sé va gnou déstruksion étènèl, louin fas lé Ségnè é louin la gloua puisans li, ${ }^{10}$ lè l-a vini, jou sa a, pou li résévoua gloua nan sin li yo é
pou yo admiré li nan tout moun yo ki va gin tan kouè. Paské nouz-òt té kouè nan témouagnaj nou.
11 Sé pou sa tou n-ap lapriè tout tan pou nou, pou BonDieu nou jujé nou dign apèl la, é pou li akonpli avèk puisans li tout bon plan li fè nan bonté li épi zèv la foua nou, ${ }^{12}$ sé pou non nòt Ségnè Jézu kapab gin gloua nan nou, é pou nou kapab gin gloua nan li, sélon la gras Bon-Dieu nou ak Ségnè Jézu-Kri.

## Nonm inikité a parèt

2Kant-a lè nòt Ségnè JézuKri va vini é pou nou réuni avèk li, nou prié nou, frè, ${ }^{2}$ pou nou pa kité yo troublé léspri nou fasil, é pou nou pa kité yo alamé nou, soua avèk kèk lidé ki vi-n nan léspri gnou moun, soua avèk kèk paròl, ou avèk kèk lèt ké yo ta di nou voyé, kòm si jou lé Ségnè a té la déja. ${ }^{3}$ Ké pèsonn pa sédui nou okinn jan; paské fòk rébélion tout-bon kont la rélijion an fèt avan, é ké yo ouè nonm inikité a, pitit pèdision an, ${ }^{4}$ advèsè a ki mété li pi ro pasé tou sa ké yo rélé Bon-Dieu ou-byin ké yo adoré o-pouin ké li chita nan tanp Bon-Dieu a, li proklamé tèt li Bon-Dieu.
5 Eské nou pa sonjé mouin té di nou bagay sa yo, lè-m té lakay nou toujou? ${ }^{6}$ E kou-n yé a nou konnin sa ki kinbé li, pou li pa parèt avan tan li. ${ }^{7}$. Paské mistè inikité a déja ap aji; sèlman fòk sila ki kinbé li toujou a disparèt. ${ }^{8}$ Lè sa a sila ki san réspè pou Bon-Dieu
a va parèt, é Ségnè Jézu va détoui-l avèk souf bouch li, é li va anéanti-l dapré jan l-a pèsé lè l-ap vini. ${ }^{9}$ Sila ki san réspè pou Bon-Dieu a va parèt avèk puisans Satan, avèk tout kalité mirak, sign épi mèvèy ki fo, ${ }^{10}$ é avèk tout cham ki gin nan inikité pou moun yo k-ap péri paské yo pa résévoua amou la vérité pou yo kapab sové. ${ }^{11}$ Sé pou sa Bon-Dieu voyé ba yo gnou puisans ki égaré yo, pou yo kouè nan manti; ${ }^{12}$ sé pou tou sa ki pa kouè nan la vérité, min ki pran plézi nan linjustis, kapab kondané.

## Sa ki sové yo chouazi

13 Kant-a nou, frè byinnémé lé Ségnè yo, nou doué rémèsi Bon-Dieu tout tan pou nou, paské Bon-Dieu chouazi nou dépi o komansman pou ba nou salu a, avèk gnou éta ki $\sin$ ki sòti nan Léspri, é avèk la foua nan la vérité. ${ }^{14}$ Sé nan sa li rélé nou vini avèk Lévanjil nou, pou nou gin la gloua nòt Ségnè JézuKri.
15 Donk, frè, rété fèm, é kinbé instruksion yo ké nou té résévoua, soua nan paròl nou, soua nan lèt nou an. ${ }^{16}$ Ké nòt Ségnè Jézu-Kri liminm ak Bon-Dieu Papa nou, ki té rinmin nou, é ki té ba nou nan la gras li gnou konsolasion étènèl ak gnou bon éspérans, ${ }^{17}$ konsolé kè nou, é rafèmi nou nan tout bon zèv é nan tout bon parol!

## La priè pou progrè Lévanjil

3 Épi, frè lapriè pou nou pou parol lé Ségnè a ré-
pann é pou li jouinn gloua jan li jouinn li lakay nou, ${ }^{2}$ é pou nou délivré an-ba moun ki méchan é ki pèvès; paské tout moun pa gin la foua. ${ }^{3}$ Lé Ségnè fidèl, l-a rafèmi nou é l-a prézèvé nou an-ba malin an. ${ }^{4}$ Nou fè nou konfians sa a nan lé Ségnè ké nou fè é n-a fè sa nou konséyé nou. ${ }^{5} \mathrm{Ké}$ lé Ségnè dirijé kè nou nan amou Bon-Dieu é nan pasians Kris.

## Répròch pou parésé

6 Nou rékòmandé nou, frè, o-non nòt Ségnè Jézu-Kri, pou-n pran distans nou avèk tout frè k-ap viv nan dézòd é ki pa viv dapré instruksion ké nou résévoua nan min nou. ${ }^{7}$ Nouz-òt konnin ki jan nou doué suiv ékzanp nou, paské nou-minm nou pa-t viv pami nou nan dézòd. ${ }^{8}$ Nou pa-t manjé pin pèsonn gratis; min nou té travay nuit kon jou, nan fatig ak la pinn pou nou pa-t sou kont okinn nan nou. ${ }^{9}$ Sé pa ké nou pa-t gin doua sou kont nou, min nou té vlé ba nou gnou ékzanp pou suiv. ${ }^{10}$ Paské lè nou té la-
kay nouz-òt, nou té déklaré-n: Si gnou moun pa vlé travay, sé pa pou li manjé non plus. ${ }^{11}$ Poutan, nou aprann ké gin pami nou kèk moun $k$-ap viv nan dézòd, ki pa travay, min ki nan tout sòs. ${ }^{12}$ Moun sa yo, nou invité yo é nou ékzòté yo o-non Ségnè Jézu-Kri pou yo travay an pè pou yo kapab manjé pin travay yo. 13 Kant-a nou, frè, pa bouké fè byin. ${ }^{14}$ E si gnou moun pa obéyi sa nou di nan lèt sa a, maké li, é pi-nga gin rapò avèk li, pou li kapab santi-1 ront. ${ }^{15}$ Poutan pa gadé li kòm gnou énmi, min avèti-l tankou gnou frè.

## Bénédiksion

16 Ké Ségnè la pé a li-minm ba nou la pé tout tan é tout maniè! Ké lé Ségnè avèk nou tout!
17 M-salué nou, mouin Pòl, avèk pròp min mouin. Sé konsa signatu-m yé nan tout lèt mouin yo: sé konsa mouin ékri.
18 Ké la gras nòt Ségnè Jézu-Kri avèk nou tout!


Bèf yo nan travay

## Prémié lèt Pòl ékri TIMOTÉ

## Salutasion

1Pòl, apòt Jézu-Kri, sélon lòd Bon-Dieu Sovè nou ak Jézu-Kri léspérans nou, ${ }^{2}$ ékri Timoté, pitit léjitim mouin nan la foua: Ké ou résévoua la gras, la mizérikòd ak la pé ki sòti nan Bon-Dieu Papa a é nan Jézu-Kri Ségnè nou!

## Avètisman kont doktri-n ki fo

3 Mouin vlé fè ou sonjé ké lè mouin t-ap pati pou la Masédoua-n, m-té mandé ou rété nan la vil Éfèz pou té di sètin moun pi-nga yo anségné lòt doktri-n, ${ }^{4}$ é pi-nga yo ataché léspri yo nan istoua ki pa vré é nan sa ki bay lis zansèt yo, bagay ki pa gin finisman, ki lévé diskusion pito pasé yo fè lèv Bon-Dieu maché nan la foua.
5 Kòmandman an la pou produi amou ki sòti nan gnou kè ki pròp, gnou konsians ki bon ak gnou foua ki sinsè. ${ }^{6}$ Gin kèk moun, yo détounin tèt yo sòti nan bagay sa yo, é yo égaré tèt yo nan palab san sans; ${ }^{7}$ yo vlé doktè la loua, é yo pa konprann ni sa y-ap di, ni sa y-ap afimé. ${ }^{8}$ Nou pa ignoré ké la loua sé gnou bon bagay, si gnou moun sèvi ak li jan li doué, ${ }^{9}$ ka nou konnin ké la loua pa fèt pou moun ki jus, min pou méchan yo ak sa ki rébèl,
sa ki pa konn Bon-Dieu ak péchè yo, sa ki san rélijion é sa ki pa gin réspè pou bagay ki sin, sa ki tué papa yo ak manman yo, sa ki konmèt krim, ${ }^{10}$ sa k-ap viv nan dézòd, sa ki gason-fanm, sa ki vòlè moun, mantè, sa ki pa kinbé paròl yo, ak tout bagay ki kont bon doktri-n la, ${ }^{11}$ ann akò ak Lévanjil la gloua Bon-Dieu byinn-éré a, Lévanjil yo konfié-m nan.

## Travay Pòl

12 Mouin rann gras a Sila ki fòtifié-m nan, Jézu-Kri Ségnè nou, dèské li té jujé mouin fidèl, lè li té établi-m nan sèvis la, ${ }^{13}$ mouin-minm ki otréfoua té konn fè blasfèm, ki té gnou pèsékutè, gnou nonm brutal. Min mouin résévoua mizérikòd, paské mouin té aji san mouin pa-t konnin sa m-tap fè, nan inkrédul mouin; ${ }^{14}$ é la gras Ségnè nou vini anpil anpil, ak la foua épi lamou ki nan Jézu-Kri. ${ }^{15}$ Sé gnou paròl sètin é ki mérité nèt ké yo résévoua-l, ké Jézu-Kri vini nan lé monn pou sové péchè yo, é pami yo m-sé prémié. ${ }^{16}$ Min mouin résévoua mizérikòd, pou Jézu-Kri té sa fè ouè nan mouin an-prémié jan li supòtan, pou-m té sa sèvi modèl pou moun ki ta kouè nan li pou la vi étènèl. ${ }^{17}$ Sila ki roua sièk yo, ki va toujou la, ké yo pa kab ouè, ki sèl


Pòl kom fèzè tant

Bon-Dieu, sé pou li-minm résévoua lonnè ak la gloua pou tout tan! Amèn!
18 Timoté, pitit mouin, dapré paròl profèt ki té palé o-sujé ou dépi avan, lòd m-ap ba ou, sè ké, dapré paròl sa yo, sé pou ou minnin batay ki bon an, ${ }^{19}$ ap kinbé la foua épi gnou bon konsians. Konsians sa a, gin kèk moun ki pèdu li, é yo fè nofraj nan sa ki konsènin la foua. ${ }^{20}$ Pami moun sa yo, gingnin Iméné ak Aléksann, ké mouin livré bay Satan, pou yo aprann pa fè blasfèm.

## Anségnman a-léga la priè

2Donk mouin ékzòté, avan tout bagay, pou yo prié, suplié Bon-Dieu, prézanté démann épi aksion-dégras pou tout moun, ${ }^{2}$ pou roua yo é pou tout moun ki nan pozision lotorité, pou nou sa minnin gnou vi ki pézib épi trankil, nan dévosion pou Bon-Dieu é gnou jan sérié. ${ }^{3}$ Sa sé gnou bagay ki bon é ki agréab dévan Bon-Dieu Sovè nou, ${ }^{4} \mathrm{ki}$ vlé ké tout moun sové épi rivé nan konnẹ́sans la vérité. ${ }^{5} \mathrm{Ka}$ gin gnou sèl Bon-Dieu, é ant Bon-Dieu ak lèz òm gin gnou sèl pèsonn tou ki vi-n pou mété akò, Jézu-Kri òm, ${ }^{6}$ li ki bay tèt li li-minm kòm pri pou rachté tout moun. Sé témouagnaj sa a yo té rann nan pròp tan li, ${ }^{7}$ é sé pou témouagnaj sa a tou mouin té établi kòm prédikatè é apòt, - mouin di la vérité, m-pap manti, -pou-m instoui payin yo nan la foua ak la vérité.

8 Donk mouin vlé ké lèz òm prié tou patou, pou y-ap lévé min ki nèt, san kòlè ni mové lidé.
9 Mouin vlé tou ké fanm yo abiyé kòrèktéman, gnou jan réspéktab épi sinp, pou yo pa òné tèt yo ni avèk très, nị avèk lò, ni avèk bijou, ni avèk rad ki kouté chè anpil, ${ }^{10}$ min pou yo òné tèt yo avèk bon zèv, kòm sa doué yé pou dé fanm ki di y-ap sèvi Bon-Dieu. ${ }^{11}$ Sé pou fanm kouté instruksion san li pa palé, pou li soumèt li nèt. $1^{12}$ Mouin pa pèmèt fanm anségné ni pou li pran otorité an-ro gason; min li doué rété san li pa palé. ${ }^{13}$ Paské Adan té fòmé an-prémié, apré sa Ev; ${ }^{14}$ é sé pa-t Adan yo té pran tèt li, min sé fanm nan, lè yo té pran tèt li, li vi-n tonbé nan dézobéyisans. ${ }^{15}$ Sépandan li va sové lè l-a fè pitit, si li pèsévéré, ap kontrolé tèt li, nan la foua, lamou, épi nan konduit ki sin.

Ki kalité moun doué sèoi kòm évèk
3 Sa sé gnou paròl ki sètin: si gnou moun ap chaché vini évèk, li anvi gnou bèl travay. ${ }^{2}$ Donk sé nésésè pou évèk la san répròch, mari gnou sèl fanm, pa fè éksé, gin gnou léspri pozé é gnou konduit ki ann-òd, rinmin bay lospitalité, kapab instoui lè zòt. ${ }^{3}$ Sé pa pou li bouasongnè, ni kabalè, min sé pou li janti, pou li rinmin la pé, pou li pa dèyè pròp intérè̀ li. ${ }^{4}$ Fòk li minnin pròp kay li byin épi kinbé pitit li yo an-ba zod li gnou jan sérié; ${ }^{5}$ ka si gnou moun pa konn minnin pròp kay li,
kouman pou li fè pran souin légliz Bon-Dieu a? ${ }^{6}$ Fók li pa gnou nouvo konvèti, paské li kapab vi-n gonflé ak lògèy épi sa fè li tonbé an-ba jujman diab la. ${ }^{7}$ Fơk li résévoua gnou bon témouagnaj nan min moun déyò pou li pa tonbé nan sa ki fè ront ak nan pièj diabla.

Ki kalité moun doué sèvi kòm diak
8 Diak yo tou doué onnèt, pa gin dé paròl, pa lagé kò yo nan bouason, pa afré pou fè kòb, ${ }^{9} \mathrm{y}$-ap konsèvé mistè foua a nan gnou konsians ki pròp. ${ }^{10}$ Sé pou yo mété yo a-léprèv anvan, épi apré sa yo va fè sèvis yo si yo san répròch. ${ }^{11}$ Fanm yo, minm jan, doué onnèt, pa palé moun mal, kontrolé tèt yo, fidèl nan tout bagay. ${ }^{12}$ Sé pou diak yo mari gnou sèl fanm, é sé pou yo byin kondui pitit yo ak pròp kay yo; ${ }^{13} \mathrm{ka}$ moun ki fè sèvis yo byin rivé nan gnou pozision ki onnorab, é yo vi-n gingnin gnou gran asurans nan la foua nan Jézu-Kri.

## Mistê rélijion nou

14 M-ap ékri ou bagay sa yo, avèk éspoua pou-m alé koté ou avan lontan; ${ }^{15} \mathrm{~min}$ mouin vlé ou konnin, si mouin pran tan, kouman gnou moun doué kondui tèt li nan kay Bon-Dieu, ki légliz Bon-Dieu vivan an, poto k-ap soutni vérité $\mathrm{a} .{ }^{16}$ E sa ki sètin, sè ké mistè dévosion pou BonDieu a li gran: Sila ki té manifésté an chè, ki té résévoua justis pa Léspri, ké zanj yo
té ouè, ké yo té préché bay payin yo, ké yo té kouè nan lé monn, ki té lévé nan la gloua.

## Kèk moun va lagé la foua a

4Min Léspri a di tout éspré ké nan dènié tan yo, kèk moun va lagé la foua a pou yo suiv dé léspri k-ap pran tèt moun épi dé anségnman dinmon, ${ }^{2}$ pa ipokrizi moun yo $k$-ap anségné bagay ki pa la vérité é ki tanpé nan pròp konsians yo, ${ }^{3} \mathrm{k}$-ap di moun pa doué marié; pa doué manjé sètin manjé Bon-Dieu kréyé pou moun ki fidèl é ki konnin la vérité sa pran yo avèk aksion-dé-gras. ${ }^{4} \mathrm{Ka}$ tou sa Bon-Dieu kréyé, li bon, é nou pa doué réjété angnin, dépi nou pran li avèk aksion-dé-gras. ${ }^{5}$ paské paròl BonDieu avèk la priè fè tout bagay vi-n sin.

## Gnou bon sèvitè Jézu-Kri

6 Lè ou mété bagay sa yo dévan frè yo, ou va gnou bon sèvitè Jézu-Kri, gnoun ki nouri avèk paròl la foua a épi bon anségnman ké ou té suiv nèt. ${ }^{7} \mathrm{~Pa}$ okupé bagay éstròdinè moun ap rakonté ki pa vré, ki p-ap profité la foua nou é ki san sans. ${ }^{8}$ Ékzèsé tèt ou nan dévosion pou Bon-Dieu; puiské lè gnou moun ékzèsé kò li, sa util ti kras, min dévosion pou Bon-Dieu util pou tout bagay, kòm li gingnin promès la vi $n$-ap viv kou-n yé a é sa ki gin pou vini an. ${ }^{9}$ Sa sé gnou paròl ki sètin é ki mérité yo résévoua li dé jé fèmin. ${ }^{10}$ Kolm dé fèt n-ap travay,
n-ap konbat, paské nou mété tout éspoua nou nan BonDieu ki vivan, ki Sovè tout moun, sutou moun ki kouè nan li.
11 Déklaré bagay sa yo, fè konnin yo. ${ }^{12} \mathrm{Kou}$ ou jinn nan, pi-nga pèsonn méprizé sa; min sé pou ou gnou ékzanp pou kouayan yo, nan parol ou, nan konduit, nan lamou prochin, nan la foua, nan pròpté ki nan léspri ak nan aksion ou.
13 Jouk tan mouin vini, mété tout bòn volonté ou pou li, pou ékzòté, pou anségné. ${ }^{14} \mathrm{~Pa}$ néglijé don ki nan ou a, ké ou té résévoua dapré déklarasion profèt lè tout ansyin yo té pozé min yo sou ou. ${ }^{15}$ Pran bagay sa yo kom okupasion, lagé kò ou ladan yo, pou progrè ou yo sa klè dévan tout moun. ${ }^{16}$ Véyé sou tèt ou, avèk sou sa ou ap anségné; kontinué nan bagay sa yo, paské lè ou fè sa, ou va sové tèt ou, épi ou va sové moun k-ap kouté ou.

Ki jan pou aji avèk lò moun yo
5 Gnou nonm ki vié pa blanmin li trò du, min ékzòté li kou gnou papa; ékzòté jinn gason yo tankou si yo té frè, ${ }^{2}$ fi ki gran moun yo tankou manman, sa ki jinn yo tankou sè, san mové lidé.
3 Onoré vèv yo ki vèv tout bon. ${ }^{4}$ Si gnou vèv gin pitit ou-byin pitit-pitit, avan tout bagay, sé pou yo aprann ékzèsé dévosion anvè pròp fanmi yo, épi pou rinmèt paran yo sa yo résévoua nan
min yo; paské sa fè Bon-Dieu plézi. ${ }^{5}$ Sila ki vèv tout bon an, épi ki rété pou kont li, mété éspoua li nan Bon-Dieu, pèsévéré nuit kon jou ap prézanté démann bay BonDieu épi ap lapriè. ${ }^{6} \mathrm{Min}$ sila k-ap viv nan plézi a, li mouri malgré li vivan. ${ }^{7}$ Déklaré yo bagay sa yo, pou yo sa san répròch. ${ }^{8}$ Si gnou moun pa okupé moun pa li, é sutou moun nan fanmi li, li nié la foua a, é li pi mal pasé gnou infidèl. ${ }^{9}$ Gnou vèv, pou non li sa sou lis la, fòk li pa gin mouins ké souasant an, ké li té madanm gnou sè mari, ${ }^{10}$ ké bòn zèv li yo rann li témouagnaj, si li té élvé pitit, bay lospitalité, lavé pié moun yo ki sin, bay sékou moun maléré, fè tout kalité bòn zèv. ${ }^{11}$ Min réfuzé jinn vèv yo; paské lè chalè plézi a ouété yo nan Kris, yo vlé marié, ${ }^{12}$ é yo vi-n koupab paské yo lagé prémié angajman yo. ${ }^{13}$ Avèk sa, kòm yo pa gin angnin pou yo fè, yo pran abitud maché pòt an pòt;é yo pa sèlman aryinn-a-fe, min yo blabla é yo fouré kò yo nan tout sòs, y-ap di sa yo pa doué di. ${ }^{14}$ Donk, mouin vlé sa ki jinn yo marié, fè pitit, okupé kay yo, pa bay lénmi a okinn okazion pou palé mal; ${ }^{15}$ paské gin nan yo ki déja viré do yo pou suiv Satan. ${ }^{16}$ Si kèk fidèl, gason ou fanm, gin vèv, sé pou li édé yo, é sé pou sa pa sou kont légliz, pou légliz sa édé sa ki vèv tout bon yo. 17 Ansyin yo ki dirijé byin, sé pou nou konprann ké yo mérité gnou onnè ki doub,
sutou sa k-ap travay nan préché, nan bay instruksion. ${ }^{18} \mathrm{Ka}$ Lékritu di: Sé pa pou maré bouch bèf la séré lè l-ap maché pou dégrinnin zépi. Épi ouvrié mérité yo péyé li pou travay li. ${ }^{19}$ Pa aksépté yo vi-n pòté plint ba ou pou gnou ansyin, si sé pa dé ou toua ki fè dépozision an. ${ }^{20} \mathrm{Sa}$ ki péché, blanmin yo dévan tout moun, pou lèz ò yo ka gin gnou krintif tou. ${ }^{21}$ Mouin prié ou an gras dévan BonDieu, dévan Jézu-Kri, é dévan zanj ké Bon-Dieu té chouazi yo, pou obsèvé bagay sa yo san ou pa mété okinn lidé nan tèt ou davans, épi pou pa fè angnin avèk favè. ${ }^{22}$ Pa présé étann min ou sou pèsonn, é pa patisipé nan péché lèz òt; ou-minm, kinbé tèt ou pu. ${ }^{23} \mathrm{~Pa}$ kontinué bouè dlo sèlman; min pran in-pé du-vin pou léstomak ou ak indispozision ou gin souvan yo. ${ }^{24}$ Gin dé moun, péché yo parèt klèman, minm avan yo jujé yo, é gin dé lot, péché yo parèt pi ta. ${ }^{25}$ Minm jan tou, bòn zèv: yo parèt klèman, é sa ki pa konsa, yo pa kab rété kaché.
6 Sé pou tou sa ki ésklav 6. an-ba jouk, konsidéré ké mèt yo mérité tout onnè, pou non Bon-Dieu ak doktri-n nan pa blasfèmin. ${ }^{2}$ É moun ki gin fidèl pou mèt, sé pa pou yo méprizé yo paské yo sé frè; min sé pou yo sèvi yo pi byin ankò paské mèt sa yo sé fidèl yo yé épi byinn-émé ki vlé fè yo du byin. Fè konnin bagay sa yo é rékòmandé yo.

Rinmin é réspéklé Bon-Dieu aò̀k kè kontan
3 Si gnou moun ap anségné fo doktri-n, é pa ataché li nan bon paròl Ségnè nou JézuKri ak nan doktri-n ki dapré dévosion pou Bon-Dieu, ${ }^{4} \mathbf{l i}$ gonflé ak lògèy, li pa konn angnin, é li gin maladi okupé késion ki raz épi disputé sou mo; sé nan sa jalouzi sòti, kérèl, fè kont sou moun, mové soupson, ${ }^{5}$ diskusion inutil moun ki kòronpu nan léspri yo, ki pa gin vérité a, épi ki kouè ké sèvis pou Bon-Dieu sé gnou mouayin pou gin profi. ${ }^{6} \mathrm{Kòm}$ dé fèt, sèvis pou Bon-Dieu jouinn ak gnou kè ki kontanté sé gnou gran mouayin pou gin profi; ${ }^{7} \mathrm{ka}$ ni nou pa-t pòté angnin sou tè a , ni nou pa kab pran angnin lè nou pralé; ${ }^{8}$ donk, si nou gin dé koua pou manjé ak abiyé, nou va kontanté. ${ }^{9} \mathrm{Min}$ sa ki vlé rich yo tonbé nan tantasion, nan pièj, avèk nan anpil dézi ki mové, ki danjéré, épi ki plonjé lèz òm nan déstruksion é fè yo péri. ${ }^{10} \mathrm{Ka}$ rinmin lajan sé gnou rasi-n tout bagay ki mal; é kèk-zin ki té kité anvi sa a pran kè yo, pèdu chémin la foua a, é yo jété tèt yo nan anpil touman.

## Bon konba la foua a

11 Kant-a ou ki moun Bon-Dieu, kouri louin bagay sa yo, chaché gingnin justis, dévosion pou BonDieu, la foua, lamou, pasians, dousè. ${ }^{12}$ Konbat bon konba la foua a, atrap vi étènèl la; ou té résévoua apèl
pou li é ou té fè gnou bèl konfésion pou li dévan anpil témouin. ${ }^{13}$ Mouin mandé ou dévan Bon-Dieu ki bay tout bagay la vi, épi dévan Jézu-Kri ki té fè gnou bèl konfésion dévan Pons Pilat, ${ }^{14}$ pou. ou suiv kómandman an, pou ou viv san tach, san répròch, jouk tan Ségnè nou Jézu-Kri parèt, ${ }^{15}$ li-minm ké byinnéré a, sèl souvrin an, Roua dé roua, Ségnè dé ségnè yo va fè ouè nan pròp tan li, ${ }^{16}$ liminm sèl ki p-ap janm mouri, ki rété nan gnou lumiè koté pèsonn pa kab rivé, ké okinn moun pa janm ouè ni pa Kab ouè, ki gin lonnè avèk puisans étènèl. Amèn!
17 Palé rich alè-kilé yo pou yo pa ògéyé, é pou yo pa
mété éspoua yo nan richès ki pa sètin, min pou yo mété li nan Bon-Dieu, ki ban nou tout bagay an kantité pou nou sa joui yo. ${ }^{18}$ Palé yo pou yo fè du byin, pou yo rich avèk bòn zèv, pou yo rinmin patajé sa yo gingnin, rinmin bay, ${ }^{19}$ é konsa pou yo anpilé pou démin gnou trézò ki chita sou gnou fondasion $\mathbf{k i}$ solid, pou atrap la vi tout bon an.

## Dènié konsè̀ pou: Timoté

20 Timoté, kinbé dépo a; pou sa ou-a évité diskou ki san sans é ki p-ap profité la foua, ${ }^{21}$ avèk disput sians ki fo a ké kèk-zin profésé, sa yo ki viré do bay la foua.
La gras avèk nou!

## Dézièm. lèt Pòl ékri TIMOTÉ

## Salutasion

1Pòl, apòt Jézu-Kri, sélon sa Bon-Dieu té vlé, pou anonsé promès la vi ki nan Jézu-Kri, ${ }^{2}$ ékri Timoté, pitit byinn-émé mouin: mouin souété ké ou jouinn la gras, mizérikòd, la pé nan min Bon-Dieu Papa a ak nan min Jézu-Kri Ségnè nou!

Sé pou moun pa ront bay témouagnaj
3 Mouin rann gras a BonDieu zansèt mouin yo té sèvi é mouin-minm ap sèvi ak gnou konsians ki pröp, ké la nuit
kou la jounin m-ap sonjé ou tout tan nan priè mouin yo, ${ }^{4}$ mouin sonjé jan ou krié, é mouin anvi ouè ou pou kè-m kontan anpil, ${ }^{5}$ mouin kinbé nan mémoua mouin la foua ou ki sinsè, ki té rété anprémié nan grann ou Lois, épi nan manman ou Énis, é ki nan ou tou, mouin sètin sa.
6 Sé pou sa mouin ékzòté ou pou réchofé don Bon-Dieu té ba ou, ké ou té résévoua lè m-té pozé min mouin sou ou. ${ }^{7} \mathrm{Ka}$ sé pa gnou léspri pou nou ront Bon-Dieu ban nou, min gnou léspri ki gin fòs,
amou ak sajès. ${ }^{8}$ Donk pinga ou ront témouagnaj pou rann Ségnè nou, ni mouinminm prizonnié li. Min soufri avèk mouin pou Lévanjil, avèk puisans Bon-Dieu ${ }^{9} \mathbf{~ k i}$ sové nou épi ki adrésé nou gnou apèl ki sin, pa pou-tèt zèv nou, min dapré pròp plan li é dapré la gras nou té résévoua nan Jézu-Kri avan tan étènèl yo, ${ }^{10}$ é ki manifésté kou-n yé a lè Sovè nou JézuKri parèt, li-minm ki détoui la mó é ki, pa mouayin Lévanjil, fè konnin la vi é ki jan pou pa janm mouri. ${ }^{11}$ Sé pou Lévanjil sa a mouin té établi kòm prédikatè épi apòt, pou instoui payin yo. ${ }^{12}$ Sé pou-tèt sa tou m-ap soufri bagay sa yo; min m-pa ront, ka mouin konnin nan ki moun mouin kouè, é mouin sètin li gin pouvoua pou li kinbé dépo mouin an jouk jou sa a.
13 Konsèvé nan la foua avèk lamou ki nan Jézu-Kri ékzanp bon paròl ou té résévoua nan min mouin. ${ }^{14}$ Kinbé bon dépo a pa mouayin Sint-Éspri ki rété nan nou.
15 Ou konnin ké tout moun ki nan Lazi yo lagé mouin, Fijèl ak Émojèn tou. ${ }^{16} \mathrm{Ké}$ lé Ségnè voyè mizérikòd li sou kay Onézifò, ka li konsolé-m souvan, é li pa té ront chinn mouin yo; ${ }^{17} 0$-kontrè lè li té vini Rom, li chaché-m ak anpil la présman, é li jouinn mouin. ${ }^{18}$ Ké lé Ségnè akòdé li pou li trouvé mizérikòd bò koté lé Ségnè nan jou sa a. Ou konnin pi byin pasé pèsonn konbyin sèvis li rann mouin nan Efèz.

## Gnou bon solda Jézu-Kri

2Donk ou-minm, pitit mouin, fötifié ou nan la gras ki nan Jézu-Kri. ${ }^{2}$ É sa ou tandé nan bouch mouin an prézans anpil témouin, konfié li bay dé zòm ki fidèl, ki kapab montré lòt moun
li. ${ }^{3}$ Soufri avèk mouin tankou gnou bon solda Jézu-Kri. ${ }^{4} \mathrm{~Pa}$ gin solda ki pral anbarasé tèt li avèk afè la vi a, si li vlé fè moun ki fè-l antré nan lamé a plézi; ${ }^{5}$ é gnou atlèt pa kouronnin si li pa konbat sélon régléman yo. ${ }^{6}$ Sé pou kultivatè a travay avan li kéyi foui. ${ }^{7}$ Konprann sa mouin di, paské lé Ségnè va ba ou intélijans nan tout bagay.
' 8 Sonjé Jézu-Kri ki sòti nan ras David, ki résusité pami mò yo, dapré Lévanjil mouin; ${ }^{9} \mathrm{~m}$-ap soufri pou li jouk tan yo maré-m tankou gnou malfétè. Min paròl Bon-Dieu pa maré. ${ }^{10}$ Sé pou sa m-ap supòté tout bagay pou-tèt moun Bon-Dieu chouazi yo, pou yo-minm tou kapab gingnin salu ki nan Jézu-Kri, avèk gloua étènèl la. ${ }^{11}$ Paròl sa a sètin; si nou té mouri avèk li, nou va viv tou avèk li; ${ }^{12}$ si nou pèsévéré, nou va gouvènin tou avèk li; si nou nié li, li-minm tou l-a nié nou; ${ }^{13}$ si nou infidèl, li rété fidèl, ka li pa kapab nié tèt pa li li-minm.

## Gnou ouvrié ki kapab

14 Fè sonjé bagay sa yo; pou sa, palé yo dévan BonDieu pou yo pa disputé sou mo, paské sa sèvi sèlman pou détoui sa k-ap kouté yo. ${ }^{15} \mathrm{Fè}$
éfò pou prézanté ou dévan Bon-Dieu kon gnou nonm ki pasé a léprèv, gnou ouvrié ki pa gin pou li ront, ki bay paròl vérité a san ouété ni mété. ${ }^{16}$ Evité diskou ki san sans é ki p-ap profité la foua; ka moun ki palé konsa va déréspékté Bon-Dieu pi plus chak jou, - ${ }^{17}$ é paròl yo va ravajé tankou sa k-ap kangrinnin gnou blésu. Pami moun sa yo gin Iméné ak Filèt; ${ }^{18}$ yo viré do bay vérité a, ka yo di ké lévé nan la mò rivé déja, é yo chaviré la foua kèk moun. ${ }^{19}$ Malgré tout, fondasion Bon-Dieu a ki solid rété kanpé, avèk paròl sa yo ki sèvi li gnou so: Lé Ségnè konnin moun ki pa li; é: Ninpòt moun ki nonmin non lé Ségnè, sé pou li alé louin inikité. ${ }^{20}$ Nan gnou gran kay, sé pa véso lò ak véso lajan sèlman ki gingnin, min gingnin tou an boua é an tè; kèk sèvi pou bagay ki fè onnè, lé zòt yo pou bagay ki pa dé byin. ${ }^{21}$ Donk si gnou moun kinbé tèt li pròp, lè li pa fè bagay sá yo, li va gnou véso lonnè, ki vi-n sin, ki util pou mèt li, ki bon pou fè tout bon travay.
22 Kouri louin mové anvi jinn moun yo, é chaché la justis, la foua, lamou, la pé, avèk tout moun ki rélé lé Ségnè ak gnou kè pròp. ${ }^{23}$ Réfuzé antré nan diskusion ki san sans é ki pa util, paské ou konnin yo minnin kont. ${ }^{24}$ É sé pa pou gnou sèvitè lé Ségnè nan kont; o kontrè, sé pou li viv an pè avèk tout moun, sé pou li kapab anségné
lé zòt, pou li gin pasians; ${ }^{25} \mathrm{li}$ doué korijé advèsè yo avèk dousè, avèk éspoua ké Bon-Dieu va ba yo la répantans pou yo rivé konnin la vérité, ${ }^{26}$ é ké lè yo réprann bon sans yo, y-a ouété kò yo nan pièj diab la ki té fè yo prizonnié pou li mété yo anba zòd li.

Ki karaklè moun nan dènié jou yo.
3 Konnin ké nan dènié jou yo, va gin tan ki difisil. ${ }^{2}$ Ka lèz òm va égois, y-a rinmin lajan, y-a plin ak vanité, méprizan, blasfèmé, dézobéyi paran yo, ingra, pa konnin Bon-Dieu, ${ }^{3}$ gin kè du, tronpè, di mové bagay ki pa vré sou moun, yo p-ap kontrolé tèt yo, y-a méchan, ènmi bon moun, ${ }^{4}$ trèt, rinmin fè kòlè, gonflé ak ògèy, rinmin plézi plus pasé Bon-Dieu, ${ }^{5}$ y-a fè kòm si yo gin dévosion pou Bon-Dieu, min y-a rëjté sa ki fè fòs li. Alé louin mésié sa yo. ${ }^{6}$ Gin nan yo ki fofilé kò yo kay moun é ki pran tèt fanm ki gin léspri fèb é ki sòt, ki chajé ak péché épi ki kité tout kalité mové anvi minnin yo, ${ }^{7} \mathrm{ki}$ toujou ap aprann min pa janm rivé konnin la vérité. ${ }^{8}$ Minm jan Janès ak Janbrès té kont Moiz, sé konsa mésié sa yo kont la vérité, kòm intélijans yo kòronpu, é yo té réjté yo pou sa ki konsènin la foua. ${ }^{9}$ Min yo p-ap fè pi gran progré; ka tout moun va ouè klèman ké yo fou, kou yo ouè pou dé mésié sa yo.
10 Kant-a ou-minm, ou té suiv anségnman mouin pié
pou pié, épi konduit mouin, rézolusion mouin, la foua mouin, dousè mouin, amou mouin, karaktè fidèl mouin, ${ }^{11}$ pèsékusion mouin yo, soufrans mouin yo. Ki lès soufrans ki pa-t vi-n sou mouin lè m-té Antiòch, Ikonn, Lis? Ki pèsékusion mouin pa-t supòté? É lé Ségnè délivré-m nan tout. ${ }^{12}$ Dayè tou sa ki vlé viv avèk dévosion pou Bon-Dieu nan Jézu-Kri va jouinn pèsékusion. ${ }^{13} \mathrm{Min}$ sa ki méchan yo é ki vlé fè moun kouè sa ki pa vré va toujou vansé pi plus nan bagay ki mal, y-ap fè lé zòt kité bon chémin é yo kité-l yo-minm.
14 Ou-minm, rété nan bagay ou aprann yo, sa tout moun rékonnét sé bagay sètin yo, paské ou konnin nan min ki moun ou aprann yo. ${ }^{15}$ Dépi ou piti, ou konnin Sint-Ékritu yo, ki kapab rann ou saj pou salu pa mouayin la foua nan Jézu-Kri. ${ }^{16}$ Tout Ékritu sé Bon-Dieu ki inspiré-l, é li util pou bay anségnman, pou konvink, pou korijé, pou montré sa ki la justis; ${ }^{17}$ sé pou gnou moun $k$-ap sèvi Bon-Dieu kapab vi-n kòrèk nèt épi pou li paré pou fè tou sa ki bon.

## Préché la Paròl

4 Mouin prié ou an gras dévan Bon-Dieu é dévan Jézu-Kri, ki gin pou jujé moun ki vivan é moun ki mouri, épi pou-tèt li va parèt akrouayom li, ${ }^{2}$ préché paròl la, nan ninpòt okazion fasil ou non, obsèvé moun yo pou sa ki mal, blanmin, ékzòté, ak tout dousè an minm tan ké ou ap
bay instruksion. ${ }^{3} \mathrm{Ka}$ gnou tan va vini lè lèz òm p-ap vlé supòté bon doktri-n nan; min kòm zòrèy yo va graté pou tandé sa ki dous, y-a pran gnou bann profésè dapré pròp dézi yo, ${ }^{4}$ y-a détounin zòrèy yo pou yo pa tandé vérité a, é y-a viré pou yo kouté istoua ki pa vré. ${ }^{5}$ Min ou-minm, fè tout bagay san éksé, supòté soufrans, fè travay gnou évanjélis, akonpli byin sèvis BonDieu ba ou pou fè.
6 Ka pou mouin, san mouin ap vèsé déja kou ouè nan gnou sakrifis, é lè pou-m alé a ap proché. ${ }^{7}$ Mouin konbat bon konba a, mouin fini kous la, mouin kinbé la foua a. ${ }^{8}$ Dépi kou-n yé a kouròn la justis rézèvé pou mouin; lé Ségnè, ki gnou juj ki jus, va ban mouin li jou sa a; pa mouin sèlman, min tout moun tou ki té rinmin li vini.

## Instruksion pou Timoté

9 Fè vit pou vi-n jouinn mouin; ${ }^{10} \mathrm{ka}$ Démas aban-donnin-m, paskéli rinmin sièk sa a, é li pati pou Tésalonik; Krésins alé nan Galasi, Tit nan Dalmasi. ${ }^{11}$ Luk sèl avèk mouin. Pran Mak, épi minnin li avèk ou, ka li util mouin pou travay sèvis Bon-Dieu. ${ }^{12}$ Mouin voyé Tichik alé nan la vil Éfèz. ${ }^{13}$ Lè ou ap vini, pòté manto mouin té kité Troas lakay Karpus, avèk liv yo, sutou pachémin yo.
14 Aléksann, fójron an, fè-m anpil mal: Lé Ségnè va rann li sélon zèv li yo. ${ }^{15} \mathrm{Ou}$-minm tou, pran prékosion avèk li, ka li bay paròl nou anpil barie.

16 Nan prémié défans mouin an, pèsonn pa-t édé-m, min tout moun aban-donnin-m. Ké bagay sa a pa konté kont yo. ${ }^{17}$ Sé lé Ségnè ki té édé-m é ki té fòtifiè-m, pou mision préché Lévanjil la té kapab akonpli pa mouinminm é pou tout payin yo té tandé-l. E mouin té délivré nan bouch lion an. ${ }^{18}$ Lé Ségnè va délivré mouin nan tout mové zèv, é l-a sové-m pou fè mouin antré nan rouayom li ki nan sièl la. La gloua
pou li-minm nan sièk dè sièk! Amèn!

## Dènié salutasion

19 Salué Priska avèk Akilas, épi fanmi Onézifò.
20 Érast rété Korint, é mouin té lésé Trofim malad nan Milè.
21 Fè posib ou pou vi-n avan livè. Ébulus, Pudans, Linus, Klodia, ak tout frè yo, salué ou.
22 Ké lé Ségnè avèk léspri ou! Ké la gras avèk nou!

## Lèt Pòl ékri TIT

## Salutasion

1Mouin, Pol, sèvitè BonDieu, é apòt Jézu-Kri pou la foua moun Bon-Dieu chouazi yo é pou konnésans la vérité a ki dapré dévosion pou Bon-Dieu, - ${ }^{2}$ bagay sa yo chita sou éspérans la vi étènèl, ké Bon-Dieu ki pa manti a té promèt dépi tan lontan, lontan, ${ }^{3}$ é ki fè konnin paròl li klèman nan tan li avèk mésaj Lévanjil la mouin té préché é ké yo té konfié-m daprélòd Bon-Dieu Sovè nou, ${ }^{4}$ mouin ékri Tit, pitit léjitim mouin nan la foua nou tou lé dé gingnin: Ké ou résévoua la gras ak la pé ki sòti nan Bon-Dieu Papa a, é nan JézuKri Sovè nou!
Mété konduktè kii fidèl nan légliz yo
5 Mouin té lésé ou nan Krèt pou mété ann-òd sa ki rété
pou réglé, é, dapré sa mouin té di ou fè, pou établi ansyin nan chak vil, ${ }^{6}$ si gingnin la gnou nonm san répròch, ki mari gnou sèl fanm, ki gin pitit ki fidèl, é si moun pa akuzé pitit sa yo ké yo nan débòch é rébèl. ${ }^{7}$ Paské sé pou évèk la san répròch, kòm jéran BonDieu; sé pa pou li ni angran, ni rinmin mété-l an kòlè, ni bouasongnè, ni kabalè, ni rinmin fè lajan mal; ${ }^{8}$ min sé pou li rinmin bay lospitalité, zanmi bon moun, gin gnou léspri pozé, sé pou li jus, sin, mèt tèt li nèt, ${ }^{9}$ kinbé paròl ki véritab la jan yo té anségné li, pou li sa kapab ékzòté dapré bon doktri-n la é réponn moun k-ap palé kont sa li di. 10 Kòm dé fèt, gingnin anpil moun, sitou pami sa ki sikonsi yo, ki rébèl, ki palé san di angnin, ki tronpè; ${ }^{11}$ sé
pou fèmin bouch yo. Yo viré dé fanmi antié tèt an-ba, y-ap anségné pou gnou profi yo té doué ront gingnin, bagay yo pa doué anségné. ${ }^{12}$ Gnoun ladan yo, pròp profèt yo, di: Moun la Krèt toujou mantè, bèt méchan, vant parésé. Témouagnaj sa a vré. ${ }^{13}$ Pou-tèt sa, blanmin yo gnou jan sévè, pou yo gin gnou foua ki bon, ${ }^{14}$ é pou yo pa suiv istoua Juif yo fè ki pa vré, ak kòmandman lèz òm ki viré do bay la vérité. ${ }^{15}$ Tout bagay pu pou moun ki pu; min angnin pa pu pou moun ki gin kè sal é ki inkrédul, intélijans ak konsians yo sal. ${ }^{16}$ Yo déklaré yo konn Bon-Dieu, min yo nié li ak zèv yo, yo bay dégoutans, yo rébèl, yo pa kapab fè angnin ki bon.

## Anségné bon doktri-n

2 Kant-a ou-minm, di bagay ki dako avèk bon doktri-n nan.
2 Di ké viéya yo doué fè tout bagay avèk mézu, yo doué onnèt, gin gnou léspri pozé; yo doué solid nan la foua, nan lamou, nan la pasians.
3 Di ké fanm ki gin laj yo doué kondui yo tou gnou fason ki sanblé moun ki sin, pou yo pa ni palé moun mal, ni lagé kò yo nan bouè; ké yo doué bay bon instruksion, ${ }^{4}$ pou yo sa montré jinn fanm yo rinmin mari yo ak pitit yo, ${ }^{5}$ kinbé kò yo, rété pu, okupé travay kay yo, pou yo émab, pou yo soumèt dévan mari yo, pou paròl Bon-Dieu a pa résévoua blasfèm.

6 Minm jan tou ékzòté jinn jan pou yo kontrolé tèt yo, ${ }^{7}$ ou va montré ou ou-minm nan tout jan kòm gnou modèl bòn zèv, é ou-a bay gnou anségnman ki pu, ki sérié, ${ }^{8}$ gnou paròl ki konfòm, san répròch, pou moun ki kont nou sa sodti ront, paské yo pa jouinn angnin ki mal pou yo di sou nou.
9 Ékzòté sèvitè pou yo soumèt dévan mèt yo, pou fè yo plézi nan tout bagay, pou yo pa répliké, ${ }^{10}$ pou yo pa pran sa ki pa pou yo, min pou yo toujou montré yo fidèl pafètman, pou yo sa fè onoré doktri-n Bon-Dieu Sovè nou a nan tout bagay.
11 Paské gras Bon-Dieu a, ki sous salu pou tout moun, té manifésté. ${ }^{12} \mathrm{Li}$ montré nou pou nou réjété tou sa ki déréspékté Bon-Dieu avèk mové anvi lé monn, épi pou nou viv nan sièk sa a avèk sajès, justis épi dévosion pou Bon-Dieu, ${ }^{13}$ étan n-ap tann éspérans ki byinn-éré a, épi pou gloua Bon-Dieu ki gran an sa manifésté avèk gloua Sovè nou Jézu-Kri, ${ }^{14} \mathrm{ki}$ bay tèt li li-minm pou nou, pou li délivré nou nan tou inikité, épi pou li fè gnou pèp ki pou li, ké li rann pu é ki zélé pou bòn zèv yo.
15 Di bagay sa yo, ékzòté épi blanmin, avèk tout otorité. Pi-nga pèsonn méprizé ou.

## Nou jouinn justis pa mouayin la gras li

3
Fè yo sonjé pou yo soumèt dévan majistra avèk otorité yo, pou yo obéi, pou
yo paré pou fè tout bagay ki bon, ${ }^{2}$ pou yo pa palé pèsonn mal, pou yo rinmin la pé, janti, montré anpil dousè avèk tout moun. ${ }^{3}$ Paské nouminm tou, lontan nou té fou, nou pa-t obéisan, nou té pèdu chémin nou, nou té ésklav tout kalité mové anvi avèk plézi, nou t-ap viv nan méchansté avèk jalouzi, nou té mérité yo rai nou, é gnoun té rai lòt pami nou. ${ }^{4}$ Min lè bonté Bon-Dieu Sovè nou avèk amou li pou lèz òm té manifésté, ${ }^{5}$ li sové nou, pa pou-tèt zèv justis nou té fè, min sélon mizérikòd li, pa mouayin batèm lè nou fèt gnou fason éspirituèl épi lè Sint-Éspri a chanjé nou, ${ }^{6}$ Sint-Éspri a ké li té répann sou nou ann-abondans nan Jézu-Kri Sovè nou, ${ }^{7}$ pou nou sa vi-n éritié la vi étènèl, ann éspérans, lè nou té résévoua justis nan gras li.
8 Paroll sa a sètin, é mouin vlé ké ou afimé bagay sa yo, pou moun ki té kouè nan Bon-Dieu mété zèl yo pou fè zèv ki bon. Min sa ki bon é
ki util pou lèz òm. ${ }^{9}$ Min évité diskusion ki san sans, sa ki bay lis zansèt yo, kont, disput o sujè la loua; paské yo pa util épi yo pou grinmési. ${ }^{10}$ Mété louin ou, apré gnou prémié épi gnou dézièm avètisman, gnou moun k-ap mété dézunion, ${ }^{11}$ paské ou konnin gnou moun kon sa gaté, é li péché, li kondané tèt li li-minm.

## Rékòmandasion an patikulié

12 Lè m -a voyé Artémas ou-byin Tichik ba ou, fè vit pou vi-n jouinn mouin Nikopolis; paské sé la mouin désidé pasé livè. ${ }^{13}$ Okupé fè Zénas, doktè la loua a, avèk Apolòs, vouayajé gnou fason pou yo pa manké angnin. ${ }^{14}$ Sé pou moun nou yo tou aprann fè bòn zèv, pou okupé bézouin ki pa kab tann, pou yo pa rété san bay foui.

## Bénédiksion

15 Tout moun ki avèk mouin yo salué ou. Salué moun ki rinmin nou nan la foua.
Ké la gras avèk nou tout!

# Lèt Pòl ékri FILÉMON 

## Salutasion

1 Pòl, prizonnié Jézu-Kri, avèk frè Timoté, ékri Filémon byinn-émé nou ak konpagnon zèv nou, ${ }^{2}$ sè Afia, Archip, konpagnon konba nou, épi légliz ki nan kay ou:
${ }^{3}$ Ké nou résévoua la gras avèk la pé nan min Bon-Dieu Papa nou ak Ségnè Jézu-Kri!

La foua avèk lamou Filémon gingnin
4 Touttan m-ap rémèsi BonDieu mouin, m-ap nonmin non ou nan la priè-m, ${ }^{5}$ pas-
ké mouin pran nouvèl la foua ou gingnin nan Ségnè Jézu avèk amou ou pou tout moun ki sin yo. ${ }^{6}$ Mouin mandé li ké jan ou patisipé nan lạ foua a kapab sèvi byin pou kòz Kris la, pou fè rékonnèt nan nou-minm tou sa ki bon. ${ }^{7} \mathrm{Ka}$ mouin santi anpil joua avèk konsolasion o sujè amou ou; ka gras-a ou, frè, kè moun ki $\sin$ yo vi-n trankil.

## Pòl mandé gras pou Onézim

8 Pou-tèt sa, malgré mouin gin nan Kris tout libèté pou mouin ta odoné ou sa ki konvénab, ${ }^{9}$ mouin pito nan non lamou adrésé ou gnou priè, mouin-minm Pòl ki jan mouin yé a, fi-n vié, é plus ankò kou-n yé a mouin prizonnié Jézu-Kri. ${ }^{10} \mathrm{M}$-ap prié ou pou pitit mouin ké mouin fè étan mouin nan chinn, Onézim, ${ }^{11}$ ki pa té util ou lontan, min kou-n yé a ki util pou ou tankou pou mouin. ${ }^{12}$ M-ap voyé li tounin ba ou, li-minm, pròp zantray mouin.
13 Mouin ta anvi kinbé li koté-m, pou li ta sèvi-m nan plas ou, étan mouin nan chinn pou Lévanjil. ${ }^{14}$ Min mouin pa-t vlé fè angnin san konsantman ou, pou byin ou ta fè a pa kòm gnou bagay fòsé, min pou fèliavèk pròp volonté ou. ${ }^{15}$ Pètèt li té séparé avèk
ou pou gnou tan, pou ou kapab jouinn li ankò pou létènité, ${ }^{16}$ pa kòm gnou ésklav ankò, min kòm gnoun ki plus pasé gnou ésklav, kòm gnou frè byinn-émé, sitou pou mouin-minm, ki dira pou ou-minm, soua nan la chè, soua nan lé Ségnè.
17 Donk, si ou gadé mouin kòm zanmi ou, résévoua li tankour mouin-minm. ${ }^{18}$ É si li té fè ou kèk tò, ou-byin si li doué ou kichoy, mété sa sou kont mouin. ${ }^{19}$ Mouin Pol, mouin ékri sa avèk pròp min mouin, m -a va péyé, - pou-m pa di ou ké ou doué mouin pròp tèt ou. ${ }^{20}$ Oui frè, ban mouin avantaj sa a, nan lé Ségnè; fè kè mouin trankil nan Kris.
21 Sé paské m-ap konté sou obéisans ou ké mouin ékri ou, ka mouin konnin ou-a fè minm plus ké sa mouin di ou.
22 An minm tan, paré gnou koté pou-m fè désann, ka mouin éspéré nou va gingnin mouin ankò, gras-a priè ou.

## Dènié salutasion

23 Épafras ki prizonnié avèk mouin nan Jézu-Kri, salué ou, ${ }^{24}$ Mak tou, Aristark, Démas, Luk, konpagnon zèv mouin yo.
25 Ké la gras Ségnè nou Jézu-Kri avèk léspri nou!

## Lèt pou Ébré yo

Bon-Dieu palé pa mouayin Pitit li

1Apré Bon-Dieu té palé avèk gran-paran nou yo pluziè foua é an divès fason, pa mouayin profèt yo, ${ }^{2}$ li palé avèk nou, nan dènié tan sa yo, pa mouayin Pitit la ké li établi kòm éritié tout bagay; sé pa mouayin li BonDieu té kréyé lé monn. ${ }^{3} \mathrm{Pi}$ tit la sé réflè la gloua li é pòtré Bon-Dieu minm; li soutni tout bagay pa mouayin parol puisans li, é apré li té akonpli nétouayaj péché yo, li chita a la douat Majésté divi-n nan, nan lié trè-ro a. ${ }^{4} \mathrm{Li}$ dévni supériè pi plus anpil pasé zanj yo, puiské li éritié gnou non ki gin anpil plus valè pasé pa yo.

Pitit la pi supériè pasé zanj yo
5 Ann-éfè, ki lès pami zanj yo, Bon-Dieu té janmin di:

Ou sé Pitit mouin,
Mouin ba ou nésans jodi a? E ankò: Mouin va gnou papa pou li, é li va gnou pitit pou mouin? ${ }^{6}$ E lè li té prézanté prémié-pitit la nan lé monn, li di:

Sé pou tout zanj Bon-Dieu adoré li!
${ }^{7}$ Min a-léga zanj yo, li di:
Sila a ki fè van avèk zanj li yo,
É flanm dufé avèk sèvitè li yo.
${ }^{8}$ Min li di a-léga Pitit la:
O Bon-Dieu, tròn ou duré pou toujou;
Baton-komann rouayòm ou sé gnou baton justis;
${ }^{9} \mathrm{Ou}$ rinmin la justis, min ou rayi i-nikité;
A-kòz sa, O Bon-Dieu, Bon-Dieu ou té sakré ou
Avèk gnou luil la joua, plus pasé konpagnon ou yo.
${ }^{10}$ Épi:
Ségnè, o kòmansman ou té pozé fondasion la tè
É sièl yo sé travay min ou;
${ }^{11}$ Yo va péri, min ou-minm, ou duré;
Yo tout va uzé kòm gnou rad,
${ }^{12} \mathrm{Ou}$ va pliyé yo kòm gnou varèz é yo va chanjé;
Min ou-minm, ou rété minm jan,
Ea-né ou yo p-ap janm fi-ni.
${ }^{13}$ É ki lès pami zanj yo li té janmin di:

Chita a douat mouin
Jouk tan mouin mété lénmi ou yo an-ba pié ou kòm mach-pié?
${ }^{14}$ Èské yo tout pa léspri ki nan sèvis Bon-Dieu, é ké li voyé pou okupé gnou travay an favè sa yo ki pral éritié salu a?

## Gnou salu ki si gran

9 Sé pou sa, nou doué ataché nou pi plus anpil avèk bagay nou té tandé yo, pou nou pa broté alé louin yo. ${ }^{2}$ Ann-éfè, si parol ké zanj yo té a-nonsé a té pasé tout bon, é si chak transgrésion é chak dézobéisans té résévoua gnou punision ki jus, ${ }^{3}$ kòman nou va chapé, si nou néglijé gnou salu ki si gran? Sé lé Ségnè minm ki té a-nonsé salu sa a
an prémié é sa yo ki té tandé li té konfimin li ban nou. ${ }^{4}$ Bon-Dieu té apuiyé témouagnaj yo avèk sign é dé bagay éstraòdinè, avèk anpil klas mirak é don lè Sint-Éspri ké li séparé bay moun sélon volonté li.

## Chèf salu a

5 Sé pa an-ba zanj yo ké Bon-Dieu té soumèt lé monn k-ap vi-ni an, sèt-a-di, monn n-ap palé a-léga li a. ${ }^{6}$ Annéfè, nan gnou koté gingnin gnoun ki rann témouagnaj sa a:

Ki sa lòm yé pou ou sonjé li, Ou-byin pitit lòm, pou ou pran ka li?
${ }^{7}$ Pou gnou ti tan, ou té bésé li pi ba pasé zanj yo,
Ou té kouròné li avèk gloua é lonnè,
${ }^{8} \mathrm{Ou}$ té soumèt tout bagay an-ba pié li.
Ann-éfè, lè Bon-Dieu té soumèt tout bagay dévan li, li pa-t kité angnin ki pa-t soumèt dévan li. Sépandan, nou pa ko ouè ké tout bagay soumèt dévan li. ${ }^{9}$ Minsila a li té bésé pi ba pasé zanj yo pou gnou ti tan, sèt-a-di Jézu, nou ouè li kouròné avèk gloua é lonnè, pa mouayin la mò li té subi a. Konsa, nan la gras Bon-Dieu, li té gouté la mò pou tout moun.
10 Sé té nésésè ké sa fèt konsa, ké sila a ki mèt tout bagay é ki té fè tout bagay, é ki té vlé kondui pluziè pitit antré nan la gloua, té fè chèf salu yo a vi-ni pafèt pa mouayin soufrans yo. ${ }^{11}$ Donk, sila à ki sanktifié é
sa yo ki résévoua sanktifikasion, yo tout soti nan gnou sèl; pou-tèt sa, li pa ront pou rélé yo frè, ${ }^{12}$ lè li di:

Mouin va a-nonsé non ou bay frè mouin yo,
Mouin va ba ou louanj a gran bouch nan mitan asanblé a.
${ }^{13}$ É ankò:
Mouin va mété konfians mouin nan li.
É ankò:
Min mouin avèk ti moun yo ké Bon-Dieu té ban mouin.
14 É puiské ti moun yo patisipé nan san é nan la chè, liminm tou li té patisipé kòm yo-minm, pou li té kapab détrui sila a ki té gin puisans la mò, sèt-a-di diab la, pa mouayin la mò, ${ }^{15}$ é pou li té kapab délivré sa yo ki té anba fado lésklavaj tout la vi yo, a-kòz pérè la mò yo té gingnin. ${ }^{16}$ Sé sètin ké li pa vi-n édé zanj yo, min sé désandan Abraam li vi-n édé. ${ }^{17}$ Alò, fòk li dévni minm jan avèk frè li yo nan tout bagay, pou li té kapab gnou gran prèt ki gin mizérikòd, é ki fidèl nan zafè Bon-Dieu, pandan li péyé dèt péché pèp la. ${ }^{18}$ É puiské li té tanté nan soufrans li, li kapab édé sa yo ki tanté.

## Jézu pi supériè pasé Moiz

3 Pou-tèt sa, frè sin yo, ouminm ki patisipan nan lapè sièl la, ékzami-né avèk atansion, apòt la é gran prèt la foua $n$-ap suixy la, sèt-a-di Jézu. ${ }^{2} \mathrm{Li}$ té fidèl pou sila a ki té plasé li nan pozision, minm jan Moiz té fidèl nan
tout kò kay li. ${ }^{3}$ Min sila a té konsidéré kòm gnoun ki mérité gnou gloua ki vo plus pasé pa Moiz la, minm jan ké moun ki bati gnou kay pi inpr̀tan pasé kay la. ${ }^{4}$ Chak ka in gnou moun ki bati li, min sila a ki bati tout bagay sé Bon-Dieu. ${ }^{5}$ Kant-a Moiz, li té fidèl nan tout kò kay Bon-Dieu, kòm gnou sèvitè, pou rann témouagnaj a-léga sa ki té doué a-nonsé; ${ }^{6} \mathrm{~min}$ Kris fidèl kòm Pitit an-ro kay li. Sé nou-minm ki kay li, si nou kinbé fèm asurans é réjouisans éspérans nou jouk la fin.

Gnou répo pou pèp Bon-Dieu a
7 Sé pou-tèt sa, lé SintEspri di konsa:

Jodi a, si ou tandé voua li,
${ }^{8}$ Pi-nga fè kè ou du, kòm nan tan révolt la,
Nan jou tantasion an nan dézè a,
${ }^{9}$ Lè gran-paran ou yo té tanté mouin
Pou mété-m a-léprèv, é yo té ouè travay mouin
Duran karant a-né.
${ }^{10}$ A-kòz sa, mouin té faché kont pèp sa a é mouin té di:
Kè yo toujou ap pèdu chémin;
Yo pa konnin rout mouin.
${ }^{11}$ Ald, nan kòlè mouin, mouin té sèmanté:
Yo p-ap janm antré nan répo mouin!
12 Pran gad, frè, afin ké pa gingnin gnoun nan pami ou ki gin gnou kè méchan é inkrédul, o pouin pou li détounin kité Bon-Dieu vivan
an. ${ }^{13} \mathrm{Min}$, sé pou gnoun ékzòté lòt chak jou, tout tan ké ou kapab di: Jodi a! pou okinn nan pami ou pa vi-n andusi pa mouayin ruz péché.
${ }^{14}$ Paské nou gin tan dévni patisipan nan Kris, si nou kinbé prémié konfians nou an fèm jouk la fin, ${ }^{15}$ pandan avètisman sa a la:

Jodi a si ou tandé voua li,
Pi-nga fè kè ou du,
Kòm nan tan révolt la.
${ }^{16} \mathrm{Ki}$ lès sa yo ki té révolté, malgré yo té tandé voua li? Èské sé pa té tou sa yo ki té pati kité Léjip an-ba zòd Moiz? ${ }^{17}$ E kont ki lès BonDieu té faché pandan karant an? Èské sé pa kont sa yo ki té péché, é ké kadav yo té tonbé nan dézè a? ${ }^{18}$ E kont ki lès li té sèmanté ké yo p-ap antré nan répo li, si sé pa kont sa yo ki té dézobéisan? ${ }^{19}$ Donk, nou ouè ké yo pa-t kapab antré a-kòz inkrédulité yo. Alò, an nou krinn ké pandan promès pou antré nan répo li ouvè toujou, pa gingnin okinn nan pami ou ki kité trò̀-ta baré li. ${ }^{2}$ Paské yo té préché bon nouvèl sa a ban nou kòm yo té préché ba yo; min paròl yo té tandé a, pa té bénéfisié yo, paské sa yo ki té tandé li pa-t résévoua li avèk la foua. ${ }^{3}$ Kant-a nouminm ki té kouè, nou antré nan répo li, kòm sa té déja di:

Nan kòlè mouin, mouin té sèmanté konsa:
Yo p-ap janm antré nan répo mouin!
Li té di sa, malgré ké tout travay li té déja akonpli dépi
kréasion lé monn. ${ }^{4}$ Ann-éfé, nan gnou koté li palé konsa a-léga sètièm jou a: É nan sètièm jou a Bon-Dieu té répozé dé tout travay li yo. ${ }^{5}$ É ankò nan pasaj sa a:

Yo p-ap janm antré nan répo mouin!
6 Donk, si sé pèmi pou kèk moun antré ladann, é ké sa yo ki té résévoua promès la an prémié pa té antré a-kòz dézobéisans yo, ${ }^{7}$ Bon-Dieu dézigné gnou lòt jou ankò: jodi a. Lontan apré, pa mouayin David, li té palé minm jan li té palé pi ro a:

Jodi a si ou tandé voua li,
Pi-nga fè kè ou du.
${ }^{8} \mathrm{Ka}$, si Jozué té ba yo répo a, apré sa li pa ta palé dé gnou lòt jou. ${ }^{9} \mathrm{~Pa}$ konsékan, gingnin gnou saba an rézèv pou pèp Bon-Dieu. ${ }^{10}$ Paské sila a ki antré nan répo Bon-Dieu a, répozé-1 li-minm dé tout travay li yo, minm jan BonDieu té répozé-1 li-minm dé travay li yo.
11 Alò, an nou fè tout éfò nou pou antré nan répo sa a, pou pa gingnin pèsonn ki tonbé nan minm égzanp dézobéisans sa a.
12 Paské paròl Bon-Dieu vivan é plin fòs; li pi filé pasé ninpòt népé a dé-lanm; li koupé jouk pou divizé nanm avèk léspri, jouintuavèk moèl; li sé juj pansé é intansion kè a. ${ }^{13} \mathrm{~Pa}$ gin okinn kréatu ki kaché dévan li; tout bagay tou-nu é dékouvri dévan jé sila nou gin pou rann kont ba li a.

## Jézu sé gran chèf prèt

14 Alò, puiské nou gin gnou
gran chèf prèt ki travèsé sièl yo, sèt-a-di Jézu, Pitit BonDieu, an nou kinbé fèm nan la foua n -ap suiv la. ${ }^{15} \mathrm{Ka}$ nou pa gin gnou gran prèt ki pa kapab gin kè-touché pou féblès nou yo; o-kontrè, li té pasé an-ba tout klas tantasion minm jan avèk nou, min san fè péché. ${ }^{16}$ Donk, an nou proché avèk asurans koté tròn la gras, pou nou kapab résévoua mizérikòd épi jouinn gras pou édé nou nan tan nésésité.
5 Ann-éfè, yo chouazi tout gran prèt pami lèz-òm é yo plasé li an pozision an favè lèz-òm, pou fè sèvis Bon-Dieu, pou li kapab prézanté ofrann avèk sakrifis pou péché yo. ${ }^{2}$ Li kapab montré kè-fèb pou sa yo ki san konnésans é sa yo ki pèdu chémin, puiské liminm li soufri minm klas féblès. ${ }^{3}$ É a-kòz féblès sa $a$, li doué prézanté sakrifis pou péché pa li, minm jan pou péché pèp la.
4 Pésonn pa pran lonnè sa a pou kont li, éksépté si BonDieu té fè li apèl, minm jan li té fè Aaron apèl. ${ }^{5}$ Sé konsa tou ké Kris pa té pran la gloua pou kont li pou li dévni gran prèt, min li té résévoua-1 nan min sila a ki té di:

Ou sé Pitit mouin,
Mouin té ba ou nésans jodi a.
${ }^{6}$ Minm jan an, li di nan gnou lòt koté:

Ou sé prèt pou toujou,
Nan katégori Mèlkizédèk.
7 Lè li té nan la chè, li-minm, sèt-a-di Kris, li té prézanté priè é suplikasion avèk gran


rèl é dlo nan jé, bay sila a ki té kapab sové li an-ba la mò. Bon-Dieu té ba li sa li té mandé a a-kòz piété li; ${ }^{8}$ é malgré li sé Pitit, li té aprann obéisans a-kòz sa li té soufri. ${ }^{9}$ Apré li té vi-n pafèt nèt, li dévni chèf gnou salu étènèl pou tou sa yo ki obéi li; ${ }^{10}$ é Bon-Dieu minm té déklaré ké li sé gran prèt, nan katégori Mèlkizédèk.

## Avètisman kont lounin dèyè

11 A-léga sa, nou gin anpil bagay pou di, ki difisil pou ékspliké, puiské ou dévni si lant pou konprann. ${ }^{12} \mathrm{Ou}$ minm ki ta doué profésè dépi lontan, jouk koul-yé-a ou nan nésésité pou yo anségné ou prémié léson nan révélasion Bon-Dieu, é ou vi-n nan nésésité pou yo ba ou lèt o lié gro-manjé. ${ }^{13}$ É ninpòt moun k -ap patisipé nan lèt, pa gin ékspérians nan paròl la justis, paské li sé gnou bébé. ${ }^{14}$ Min gro-manjé sé pou sa yo ki moun-fèt, pou sa yo ki gin asé bon konprann pou fè distinksion ant sa ki byin é sa ki mal.
6 Alò, an nou kité prémié léson paròl Kris la, é an nou avansé bò koté bagay yo ki pafèt, san nou pa bézouin pozé fondasion ankò, sèt-a-di rénonsman zèv yo ki mové, la foua nan Bon-Dieu, ${ }^{2}$ anségnman a-léga batèm, pozé lè min, rézurèksion mò yo é jujman étènèl. ${ }^{3}$ Sé sa nou va fè si Bon-Dieu pèmèt.
4 Ann-éfè, sé inposib pou sa yo ki té ékléré gnou foua, é ki té gouté kado sièl la, ki té
dévni patisipan lé Sint-Éspri, ${ }^{5}$ ki té gouté bon paròl BonDieu é puisans lé monn k-ap vi-ni an, ${ }^{6}$ - é ki tonbé pou yo rénouvlé a la répantans ankò, puiské yo krusifié Pitit Bon-Dieu a pou kont yo é yo pasé li an-ba ront. ${ }^{7}$ Lè gnou tèrin résévoua la pli souvan é ké li produi plant pou nésésité moun sa yo ki té okupé li, li résévoua bénédiksion Bon-Dieu; ${ }^{8} \mathrm{~min}$ si li produi pikan avèk rajé, li pa gin valè; li prèt pou yo modi li, é fin li sé dufé.
9 Minm si nou palé konsa, byinn-émé, nou éspéré pi bon bagay nan ou-minm, bagay ki favorab pou salu. ${ }^{10}$ Paské Bon-Dieu pa injus pou li ta blié travay ou avèk lamou ou té montré an favè non li, jan ou té rann sin yo sèvis é ké ou-ap konti-nué fè sa. ${ }^{11}$ É nou anvi anpil ké chak moun nan pami ou montré minm zèl pou konsèvé gnou éspérans san mézu jouk la fin, ${ }^{12}$ pou ou pa dévni néglijan, min ké ou imité sa yo ki dévni éritié promès yo, pa mouayin la foua avèk la pèsévérans.
13 Lè Bon-Dieu té fè Abraam promès la, li té sèmanté sou li-minm minm, puiské pa té gingnin gnoun ki pi gran pasé li, ${ }^{14}$ é li di: An vérité mouin va béni ou tout bon é mouin va fè fanmi ou vi-n anpil tout bon. ${ }^{15}$ É sé konsa, puiské Abraam té pèsévéré, li té rivé résévoua promès la. ${ }^{16}$ Lèz-òm sèmanté sou sa ki pi gran pasé yo, é sèman an ranjé ninpòt kèl mal-antann pami yo. ${ }^{17}$ Sé
konsa, Bon-Dieu ki vlé montré sa yo ki éritié promès la, nan gnou fason pi asuré, ki jan li pa konn chanjé nan plan li, li bay gnou sèman kòm mo-donnè li, ${ }^{18}$ afin ké pa mouayin dé bagay sa yo ki pa konn chanjé, é ké BonDieu pa kapab fè manti ladan yo, nou kapab jouinn gnou gran ankourajman, nouminm ki té jouinn sèl réfuj nou lè nou té sézi léspérans ki té plasé dévan nou. ${ }^{19}$ Nou gin éspérans sa a kòm gnou lank bato pou nanm nou, gnou lank ki fèm é solid, ki antré jouk lòt bò rido a, ${ }^{20}$ koté Jézu té antré an prémié pou fè aranjman pou nou, é li dévni gran prèt pou toujou, nan katégori Mèlkizédèk.

## Katégori Mèlkizédèk la

7Ann-éfè, Mèlkizédèk sa a, roua Salèm prèt BonDieu trè-ro, sé sila a ki té alé rankontré Abraam lè li t-ap tounin apré li té fi-n bat roua yo, é li té béni li. ${ }^{2}$ Abraam té ba li la dim nan tout bagay; an prémié lié, Mèlkizédèk vlé di roua la justis épi li sé roua Salèm tou, sèt-a-di roua la pé. ${ }^{3}$ Li san papa é san manman; pésonn pa konnin branch fanmi li; li pa gin komansman, ni la vi li pa gin fin, min li té sanblé avèk Pitit BonDieu, é li déméré prèt pou toujou.
4 Konsidéré ki grandè sila a gingnin, puiské Abraam, gran-pè a, té ba li la dim nan tout bénéfis li té jouinn nan batay la. ${ }^{5}$ Sila yo pami pitit Lévi, ki égzèsé ofis prèt, gin
doua pou pran la dim nan min pèp la, sélon la loua, sèt-a-di nan min pròp frè yo, paské sé ti moun vant Abraam yo yé. ${ }^{6} \mathrm{Min}$ sila a ki pa té soti nan minm branch fanmi avèk yo, té résévoua la dim nan min Abraam, ki té posédé promès yo; é Mèlkizédèk té béni li. ${ }^{7}$ Ann-éfè, san okinn kontradiksion, sé supériè a ki béni infériè a. ${ }^{8}$ Isit, mésié yo ki résévoua la dim nan, sé moun ki kapab mouri; min laba, sé sila a ki résévoua témouagnaj ké li vivan. ${ }^{9}$ Donk, nou kapab di ké Lévi ki résévoua la dim nan, té péyé la dim tou, pa mouayin Abraam; ${ }^{10}$ puiské li té anndan papa li toujou lè Mèlkizédèk té alé rankontré Abraam.
11 Ald, si sé té posib pou gnou moun rivé vi-n pafèt pa mouayin ofis lévit yo, paské la loua pèp la té résévoua a té bazé sou li, èské sé nésésè pou gnou lòt klas ofis vi-n parèt nan katégori Mèlkizédèk é pa nan katégori Aaron? ${ }^{12}$ É puiské ofis la chanjé, sé nésésè ké vi-n gingnin gnou chanjmanla loua tou. ${ }^{13}$ Paròl sa yo palé a-léga gnoun ki soti nan gnou lot branch ras ki pa-t janm gin gnou manm ladan li ki té patisipé nan sèvis lotèl la. ${ }^{14}$ Sé klè ké Ségnè nou té parèt soti nan branch ras Juda, min Moiz pa-t di angnin sou branch ras sa a a-léga sèvis yo kọm prèt. ${ }^{15}$ Sa parèt lontan pi klè atò, puiské gin gnou lòt prèt ki parèt minm jan avèk Mèlkizédèk; ${ }^{16}$ prèt sa a pa-t plasé
an pozision sélon la loua kòmandman la chè, min sélon puisans gnou la vi ki pa gin fin. ${ }^{17} \mathrm{Ka}$ li té résévoua témouagnaj sa a:

Ou sé prèt pou toujou,
Nan katégori Mèlkizédèk.
18 Konsa, kòmandman an ki té la oparavan an vi-n aboli, a-kòz li fèb é i-nutil; ${ }^{19}$ paské la loua pa fè angnin vi-n pafèt, min gnou pi bon éspérans té vi-n pran plas a koté li; sé li ki fè nou raproché bò koté Bon-Dieu.
20 Ann-éfè, sa pa té pasé san sèman, ${ }^{21}$ - malgré ké lévit yo ki dévni prèt pa-t prété sèman, - Jézu té établi avèk sèman, pa mouayin sila a ki té di li:

Lé Ségnè fè sèman li, li p-ap chanjé lidé-l;
Ou sé prèt pou toujou,
Nan katégori Mèlkizédèk. ${ }^{22}$ A-kòz sa minm, Jézu dévni kòm dokuman-tinbré gnou alians ki gin pi gran valè.
23 An palan dé sa, té gin anpil prèt, paské la mò pa té pèmèt yo déméré lontan. ${ }_{24}$ Min sila a posédé gnou ofis prèt ki p-ap pasé dé-min-anmin, paské li déméré pou toujou. ${ }^{25}$ Pou-tèt sa, li kapab sové konplètman sa yo ki proché koté Bon-Dieu pa mouayin li, puiské li vivan tout tan pou li plédé an favè yo.
26 Ann-éfè, sé klas gran prèt sa a ké nou té bézouin, gnoun ki sin, i-nosan, san tach, ki séparé avèk péchè yo, é ki pi ro pasé sièl yo. ${ }^{27}$ Kant-a li, li pa bézouin prézanté chak jou avèk sakrifis pou péché pa li an prémié, épi pou péché
pèp la, minm jan gran prèt yo té konn fè, paské li té akonpli sa gnou foua pou tout, lè li té prézanté pròp tèt li. ${ }^{28}$ Sépandan la loua plasé kòm gran prèt dézòm ki gin panchan pou féblès; min parò sèman an, ki té vi-ni apré la loua, té plasé Pitit la ki gin tan vi-n pafèt pou toujou.

## Abit alians nouvo a

8 Pouin ki inpòtan a-léga sa nou fèk fi-n palé a, sè ké nou gin gran prèt sa a, ki chita a la douat tròn Majésté divi-n nan, nan sièl la, ${ }^{2}$ kòm mi-nis nan lié sin an é nan vrè tabènak la, ké lé Ségnè té konstrui é pa gnou nonm.
3 Chak gran prèt résévoua pozision li pou li prézanté ofrann avèk sakrifis; alò sila a oblijé gin kèk bagay pou li prézanté tou. ${ }^{4}$ Si li té trouvé-l sou la tè, li pa ta gnou prèt minm, puiské la gin sa yo k-ap prézanté ofrann sélon la loua; ${ }^{5}$ (yo trouvé y-ap sélébré gnou sèvis ki sé réprézantasion é lonbraj bagay yo ki nan sièl la, minm jan Bon-Dieu té avètí Moiz lè li té pral konstrui tabènak la; Bon-Dieu té di li: Pran prékosion pou ou fè tout bagay sélon modèl ou té résévoua lè ou té nan mòn nan.) ${ }^{6}$ Min koul-yé-a li jouinn gnou sèvis ki lontan pi supériè, puiské li sé abit gnou pi bon alians, ki établi sou pi bon promès yo.
7 Ann-éfè, si prémié alians la té san défo, gnou dézièm pa ta bézouin pran plas li. ${ }^{8}$ Sé kòm gnou répròch BonDieu fè Juif yo lé li di:

Lé Ségnè di: Min-ni, jou yo ap vi-ni
Lè mouin va fè gnou alians tou-frèch
Avèk kay Izraèl é Juda;
${ }^{9}$ Sé pa tankou alians mouin té fè avèk gran-paran yo
Nan jou mouin té kinbé $\min$ yo
Pou kondui yo soti nan péi Léjip;
Paské yo pa-t konti-nué nan alians mouin,
É lé Ségnè di: Mouinminm tou, mouin pa-t pran ka yo.
${ }^{10}$ Sépandan, min alians mouin pral fè avèk kay Izraèl;
Lé Ségnè di: Apré jou sa yo fi-n pasé,
Mouin va planté loua mouin yo nan léspri yo,
É mouin va ékri yo an-ro kè yo;
Mouin va Bon-Dieu pou yo E yo va pèp mouin.
${ }^{11}$ Alò, pésonn p-ap bézouin anségné gnou lòt sitouayin
Ou-byin frè li, pou li di:
Ou doué konnin lé Ségnè!
Paské yo tout va konnin mouin,
Dépi pi piti a, jouk pi gran an nan pami yo;
${ }^{12}$ Paské mouin va padonnin i-nikité yo
E mouin p-ap sonjé péché yo ankò.
13 Lè li di: gnou alians toufrèch, prémié a oblijé pasé pou gnoun ki gin tan ansyin; é sa ki ansyin an, é $k$-ap viéyi, prèt pou disparèt.
9 Prémié alians la tou té gin kòmandman ki té
anplouayé pou sèvis nan lié sin an ki té sou tè a. ${ }^{2}$ Donk, yo té bati gnou tabènak. Nan prémié pati a, ké yo rélé lié sin an, té gingnin chandélié a, tab la é pin propozision yo. ${ }^{3}$ Dèyè dézièm rido $a$, sé té pati tabènak la yo rélé lié trèsin an. ${ }^{4}$ Ladan li té gingnin ansansoua ann-ò a pou odè é bouat alians la ki té kouvri tout-antié avèk lò; anndan bouat la té gingnin gnou ti ja ann-ò é anndan ti ja a té gingnin la ma-n avèk baton Aaron an ki té fléri a épi ti tablo alians la yo. ${ }^{5}$ An-ro bouat alians la, chérubin la gloua yo té kouvri propisiatoua a avèk lonbraj yo. Sé pa moman pou nou palé a-léga sa an détay. ${ }^{6}$ Puiské bagay sa yo té aranjé konsa, prèt yo ki gin pou fè sèvis la toujou antré nan prémié pati tabènak la; ${ }^{7} \mathrm{~min}$ nan dézièm pati a, sé sèlman gran prèt la ki antré la, gnou sè foua chak a-né, é li pa alé la san san ké li ofri pou tèt li é pou péché pèp la. ${ }^{8}$ Nan sa, lé Sint-Éspri té montré tout-aklè ké rout pou antré nan lié trè-sin an pa-t ko ouvri tout tan prémié tabènak la té toujou débou: ${ }^{9}$ Ann-éfè, prémié tabènak la sé kòm gnou kopi sa ki égzisté koul-yé-a; yo té konn prézanté ladan li ofrann avèk sakrifis ki pa-t kapab fè konsians moun ki t-ap rann sèvis sa a vi-n pafèt, ${ }^{10}$ puiské sé té kèk loua la chè a-léga manjé avèk bouason yo épi gnou kantité diféran fason pou nétouayé kò a avèk dlo; bagay sa yo té la jouk lè gnou
réfòmasion ta vi-ni.
11 Min Kris té parèt kòm gran prèt bon bagay yo ki gin pou vi-ni; li té travèsé tabènak la ki pi gran é ki pi pafèt, ki pa té bati avèk min moun, sèt-a-di sé gnou tabènak ki pa fè pati kréyasion sa a. ${ }^{12} \mathbf{L i}$ té antré nan lié trè-sin an gnou foua pou tout, pa avèk san bouk-kabrit é jèn toro-bèf min avèk pròp san li, konsa li fè pou péché gnou péyman ki duré pou toujou. ${ }^{13}$ E si san bouk-kabrit yo avèk san torobèf yo, ké yo voyé sou moun ki sal, épi sann gnou gazèlbèf ké yo simin sou yo tou, kapab nétouayé yo é fè chè yo vi-n pròp, ${ }^{14}$ konbyin plus san Kris, ki té ofri pròp tèt li, san tach, bay Bon-Dieu, pa mouayin Léspri étènèl la, kapab nétouayé konsians ou dé zèv yo ki mouri, pou ou kapab sèvi Bon-Dieu vivan an?
15 Pou-tèt sa minm, li sé abit alians ki tou-frèch la, puiské pa mouayin la mò li, li péyé pou dérégléman yo ki té fèt an-ba prémié alians la, afin ké sa yo ki té gin apèl, kapab résévoua éritaj étènèl la ki té promèt la. ${ }^{16}$ Ann-éfè, si gin gnou téstaman, fòk yo montré prèv ké moun ki té fè téstaman an mouri, ${ }^{17}$ paské gnou téstaman pa vo angnin éksépté si gin la mò, ka téstaman an pa gin fòs tout tan moun ki té fè li a vivan. ${ }^{18}$ Sé konsa tou, ké san té bézouin vèsé pou prémié alians la té kapab akséptab. ${ }^{19}$ Apré Moiz té pro-nonsé tout kòmandman la loua a bay tout pèp la, li té pran san jèn toro-
bèf yo avèk san bouk-kabrit yo, épi dlo avèk gnou toual ki fèt avèk linn rouj, é ti branch izòp la; li té voyé dégout san an sou liv la é sou pèp la ${ }^{20}$ é li té di: Sa sé san alians la ké Bon-Dieu fè avèk ou. ${ }^{21}$ Dé la minm fason, li té voyé dégout san an sou tabènak la é sou tout véso yo ki té la pou sèvis la. ${ }^{22}$ É sélon la loua, prèské tout bagay nétouayé avèk san; si san pa vèsé, pa gin padon.

## Pêchê éfasé pa mouayin sakrifis Kris la

23 Donk, puiské sé té nésésè pou kopi bagay ki nan sièl la té nétouayé konsa, bagay ki nan sièl la minm, bézouin pi gran sakrifis pasé sa pou nétouayé yo. ${ }^{24}$ Ann-éfè, Kris pa té antré nan gnou lié sin ki fèt avèk min moun, ki sé sèlman réprézantasion vrè lié $\sin \mathrm{an}, \mathrm{min}$ li té antré nan sièl la minm, koté li parèt koul-yé-a dévan Bon-Dieu an favè nou. ${ }^{25}$ É sé pa pou li ofri tèt li pluziè foua ké li antré la, minm jan avèk gran prèt la ki antré nan lié trè-sin an chak a-né avèk san gnou lòt; ${ }^{26}$ si sé té konsa, li ta bézouin soufri pluziè foua dépi fondasion lé monn. Min koul-yé-a li té parèt gnou sèl foua lè lé monn ap rivé sou bout li, pou li éfasé péché, pa mouayin sakrifis próp tèt li. ${ }^{27}$ É dé la minm fason ké li rézèvé pou lèz-òm mouri gnou sèl foua, é apré sa jujman an vi-ni, ${ }^{28}$ konsa tou, Kris té ofri tèt li gnou sèl foua pou li poté péché anpil moun, min
li va parèt gnou dézièm foua, san péché, pou sa yo k-ap éspéré li pou salu yo.

10Ann-éfé, la loua ki gin lonbraj bon bagay yo k-ap vi-ni an, é ki pa gnou kopi égzakt bagay li réprézanté a, pa janm kapab rann pafèt moun yo ki proché koté-l avèk minm sakrifis yo ké yo prézanté chak a-né san rété. ${ }^{2}$ Si li té kapab rann yo pafèt, èské yo pa ta suspann fè sakrifis yo, paské sa yo ki akonpli sèvis sa a, puiské yo déja nétouayé gnou sèl foua, pa ta santi péché yo ankò? ${ }^{3} \mathrm{O}$ kontrè, sakrifis yo té fè sonjé péché yo chak a-né; ${ }^{4}$ paské sé inposib pou san toro-bèf avèk san bouk-kabrit ouété péché.
5 Pou-tèt sa, lè Kris té vi-n nan lé monn, li té di:

Ou pa vlé ni sakrifis ni ofrann,
Min ou té préparé gnou kò pou mouin;
${ }^{6} \mathrm{Ou}$ pa pran plézi ni nan olokòs ${ }^{a}$ ni nan sakrifis pou péché.
${ }^{7}$ Alò, mouin té di: Min mouin, m-ap vi-ni,

- Sa ékri a-léga mouin nan liv an roulo a -
Pou fè volonté ou, O BonDieu.
${ }^{8}$ Prémièman li té di:
Ou pa vlé sakrifis avèk ofrann, ni ou pa pran plézi nan yo,
Ni nan olokòs avèk sakrifis pou péché
- Tou sa yo sé bagay la loua préskri, -
${ }^{9}$ Apré sa li di:
Min mouin, m-ap vi-ni
Pou fè volonté ou.
Konsa li aboli prémié klas sakrifis yo pou li établi dézièm klas la. ${ }^{10}$ Sé nan volonté sa a nou dévni sin, pa mouayin ofrann kò Jézu-Kri, gnou foua pou tout.
11 Malgré chak prèt pran plas li chak jou pou fè sèvis li, é pou ofri minm sakrifis yo pluziè foua, minm sakrifis sa yo ki pa janm kapab ouété péché, ${ }^{12}$ sila a minm té ofri gnou sèl sakrifis pou péché, é apré sa li chita a koté douat Bon-Dieu pou toujou, ${ }^{13}$ apé tann dépi lè sa a, jouk tan lénmi li yo vi-n sèvi li kòm mach-pié. ${ }^{14}$ É avèk gnou sèl ofrann, li té rann pafèt pou toujou sa yo ki sin. ${ }^{15}$ Lé Sint-Éspri rann témouagnaj ban nou tou; ka, apré li té di: ${ }^{16}$ Min alians mouin pral fè avèk yo,
Lé Ségnè di: Apré jou sa yo fi-n pasé,
Mouin va planté loua mouin yo an-ro kè yo,
É mouin va ékri yo nan léspri yo,
li di ankò:
${ }_{17}$ É mouin p-ap sonjé péché yo avèk i-nikité yo ankò. ${ }^{18}$ Ann-éfè, koté ki gingnin padon pou péché, yo pa bézouin prézanté ofrann ankò pou péché.
19 Donk, frè, puiské nou gin gran libèté pou antré nan lié trè-sin an, a-kòz san Jézu, ${ }^{20}$ nan chémin nouvo é vivan ké li té ouvri pou nou lòt bò

[^40]rido a, sèt-a-di pròp chè li, ${ }^{21}$ é puiské nou gin gnou gran prèt ki établi nan kay BonDieu, ${ }^{22}$ an nou proché avèk gnou kè sinsè, nan gnou la foua ki débòdé, kè nou purifié dé gnou mové konsians é kò nou lavé nan gnou dlo ki sanktifié. ${ }^{23}$ An nou kinbé byin fèm déklarasion éspérans nou an, paské sila a ki té fè nou promès la fidèl. ${ }^{24}$ An nou konsidéré ki jan pou nou gnoun éksité lòt nan lamou é nan bon zèv. ${ }^{25}$ Pi-nga nou abandonnin réunion nou, minm jan kèk moun abitué fè, min an nou gnoun égzòté lòt, é sé pou fè sa plus ankò tan ké ou ouè jou a ap proché.

## Gnou avètisman kont péché ki fèt éksprè

26 Ann-éfè, si nou péché avèk pròp bon-vouloua nou apré nou té résévoua konnésans la vérité, pa gin okinn sakrifis pou péché ki rété pou nou fè, ${ }^{27} \mathrm{~min}$ tout-an-fréyè, sé chita tann jujman é dufé rouj la ki pral dévoré sa yo ki rébèl. ${ }^{28} \mathrm{Si}$ gnou moun dézobéi la loua Moiz, li résévoua la mò san mizérikòd, si gin dé ou toua témouin kont li. ${ }^{29}$ E sila a ki foulé Pitit BonDieu a an-ba pié li, ki dégradé san an ki té rann li sin an, - san alians la, - ki pasé lé Sint-Éspri nan bétiz, èské ou pa kouè li mérité gnou pi gran jujman toujou? ${ }^{30} \mathrm{Ka}$ nou konnin sila a ki di :

Sé mouin-minm ki gin doua vanjé; sé mouin-minm ki gin doua bay rékonpans. 'é ankó, li di:

Lé Ségnè va jujé pèp li.
${ }^{31}$ Sé gnou bagay térib pou gnou moun tonbé an-ba min Bon-Dieu vivan an.
32 Sonjé prémié jou yo, lè ou té fèk fi-n résévoua lumiè a, kòman ou té soutni gnou gran konba, nan mitan soufrans; ${ }^{33}$ nan gnou koté ou té ékspozé an publik an-ba paròl insultan é an-ba afliksion, nan gnou lòt koté, ou té fè asosié avèk sa yo ki t-ap subi minm sò avèk ou. ${ }^{34}$ Ann-éfè, ou té gin kè-touché pou prizonnié yo, é lè yo té konfiské byin ou yo, ou té pran sa avèk joua, puiské ou té konnin ké ou gin richès ki pi bon é ki duré tout tan. ${ }^{35}$ Donk, pinga ou abandonnin konfians ou a, ki gin gnou gran rékonpans ladan-l. ${ }^{36} \mathrm{Min} \mathrm{ou}$ bézouin pèsévérans pou ou kapab résévoua promès la, apré ou fi-n fè volonté BonDieu. ${ }^{37}$ E ankó nan gnou ti moman, oui, gnou ti moman, sila a $k$-ap vi-ni an va vi-ni, é li p-ap mizé. ${ }^{38}$ Ald, moun jus pa mouin an va viv pa la foua; min si li ralé kò li alé, nanm mouin p-ap pran plézi nan li. ${ }^{39}$ Kant-a nou-minm, nou pa fè pati sa yo ki ralé kò yo alé, épi yo tonbé nan déstruksion; min nou fè pati sa yo ki rété nan la foua pou nanm yo kapab sové.

## La foua

11 Ann-éfè, la foua sé gnou garanti bagay ké gnou moun ap éspéré, sé prèv bagay ké nou pa ouè.
2 Gras-a la foua sa a, pèp
ansyin yo té résévoua gnou bon témouagnaj.
3 Sé pa la foua nou konprann ké lé monn té kréyé pa la paròl Bon-Dieu, é ké bagay nou konstaté avèk jé nou pa té fèt avèk bagay ké jé ouè.
4 Sé pa la foua Abèl té ofri bay Bon-Dieu gnou sakrifis ki pi bon pasé pa Kayin an; pa mouayin minm la foua sa a, li té résévoua témouagnaj ké li jus, puiské Bon-Dieu té dakò avèk ofrann li yo; é pa mouayin li, Abèl ap palé toujou, malgré li té mouri ansasinin.
5 Sé pa la foua Enòk té transpòté alé nan sièl san li pa-t ouè la mò, é a-kòz sa yo pa-t jouinn li, puiské BonDieu té transpòté-l; ka, avan li té transpòté, li té résévoua témouagnaj ké li té fè BonDieu plézi. ${ }^{6}$ San la foua sé inposib pou fè li plézi; paské sila a k-ap proché koté BonDieu doué kouè ké Bon-Dieu égzisté é ké sé li-minm ki rékonpansé sa yo ki chaché li.
7 Sé pa la foua ké lè BonDieu té avèti Noé a-léga bagay ké moun pa-t ko ouè, li té gin gnou krint mélé avèk gran réspè é li té konstrui gnou bato pou sové fanmi li; pa mouayin la foua sa a, li té konda-né lé monn é li dévni éritié justis la ki vi-ni pa la foua.
8 Sé pa la foua ké lè Abraam té résévoua lapèl la, li té obéi pou-l alé nan gnou koté li té pral résévoua an-éritaj, é li té pati san konnin ki bò li t-ap alé. ${ }^{9}$ Sé pa la foua li té vi-n abité nan tè promès la kòm si
sé té nan gnou péi étranjé, é sé nan tant li té rété avèk Izaak é Jakòb tou, ki té éritié, ansanm avèk li, nan minm promès la. ${ }^{10} \mathrm{Ka}$ lit-ap éspéré gnou vil ki gin fondasion solid, gnou vil ké sé Bon-Dieu ki té injéniè li é bòs ki té fè travay la.
11 Sé pa la foua ké minm Sara té résévoua fòs pou li fè pitit, malgré li té fi-n gnou vié grann; sa té rivé paské li té kouè ké sila a ki té fè promès la va kinbé paròl li. ${ }^{12}$ Konsa tou, gnou sèl nonm, malgré li té gnou vié tonton, té bay gnou fanmi nésans ki gin otan pitit ké zétoual yo ki nan sièl la ou grinn sab ki bò la mè, ké pésonn pa kapab konté.
13 Yo tout té mouri nan la foua, san résévoua bagay ki té nan promès yo; min yo té ouè yo dé louin é yo té salué yo, paské yo té rékonnèt ké yo té sèlman an pasaj, kòm vouayajè sou la tè. ${ }^{14}$ Sa yo ki palé konsa, déklaré ké y-ap chaché gnou péi ki pa yo. ${ }^{15}$ Si yo té sonjé péi koté yo té soti a, yo té gin tan pou yo tounin la. ${ }^{16}$ Min koul-yé-a y-ap bat pou yo jouinn gnoun ki pi bon, sèt-a-di gnoun ki nan sièl la. Pou-tèt sa, Bon-Dieu pa ront pou li rélé-l Bon-Dieu yo, paské li té préparé gnou vil pou yo.
17 Sé pa la foua Abraam té ofri Izaak an sakrifis lè BonDieu t-ap prouvé li. Li té ofri sèl piti li a, li-minm ki té résévoua promès yo ${ }^{18}$ avèk paròl sa yo: Nan Izaak, ou va gin gnou ras ki poté non ou. ${ }^{19} \mathrm{Li}$ té mété nan tèt li ké

Bon-Dieu gin puisans minm pou résusité mò yo; ann-éfé, li té résévoua pitit li ankò kòm pa gnou rézuréksion.
20 Sé pa la foua Izaak té béni Jakòb avèk Ėzau a-léga bagay yo k-ap vi-ni.
21 Sé pa la foua ké pandan Jakòb t-ap mouri, li té béni chak pitit Jozèf yo é ké li té adoré, apuiyé sou bout baton li.

22 Sé pa la foua ké lè Jozèf té prèt pou mouri, li té fè mansion a-léga lè ti moun Izraèl yo va soti, é li té pasé lòd a-léga zo li.
23 Sé pa la foua ké lè Moiz té fèt, paran li yo té séré li duran toua moua, paské yo té ouè ti moun nan bèl, é paské yo pa-t pè lod roua a. ${ }^{24}$ Sé pa la foua ké lè Moiz té vi-n gran, li té rénonsé non pitit-gason fi Faraon. ${ }^{25} \mathrm{Li}$ té pito résévoua mal-trétman avèk pèp Bon-Dieu pasé pou li joui pou gnou ti tan nan plézi péché. ${ }^{26}$ Li té konsidéré abésman Kris kòm gnou richès ki pi gran pasé trézò Léjip yo, paské li t-ap fiksé jé li sou rékonpans la. ${ }^{27}$ Sé pa a foua li té pati kité Léjip, san li pa-t pè gran kòlè roua a ; li té aji avèk fèmté, kòm si li té ouè sila a ké moun pa kapab ouè a. ${ }^{28}$ Sé pa la foua Moiz té sélébré pak la, é ké li té simin san an, pou sila a ki t-ap détrui a pa ta mété min sou prémié-pitit yo pami pèp Izraèl la.
29 Sé pa la foua yo té travèsé la mè rouj a-pié-sèk, é ké la mè a té valé Éjipsyin yo ki té éséyé travèsé tou.

30 Sé pa la foua muray la vil Jériko té tonbé apré pèp la té fè tou la vil la duran sèt jou.
31 Sé pa la foua ké Raab, fanm movèz-vi a, pa-t péri avèk sa yo ki té dézobéisan, paské li té résévoua éspion yo an pè.
32 É ki sa mouin va di ankò? Paské mouin pa gin asé tan pou-m palé ou a-léga Jédéon, Barak, Samson, Jèfté, David avèk Samuèl é profèt yo, ${ }^{33} \mathrm{ki}$ té ranpòté la viktoua sou rouayòm yo, ki té pratiké la justis, ki rivé jouinn promès yo, ki té fèmin bouch lion yo, ${ }^{34}$ ki té étinn puisans dufé, ki té chapé an-ba lanm népé, ki té vi-n gaya nan maladi yo, ki té vanyan nan la gè, ki té fè lamé étranjé yo kouri dévan yo. Yo té fè tou sa pa la foua. ${ }^{35}$ Médam yo té résévoua ankò moun pa yo ki té mouri, pa mouayin rézurèksion; gin kèk lòt yo té toumanté é ki pa té aksépté okinn délivrans, pou yo té kapab rivé jouinn gnou pi bon rézurèksion; ${ }^{36}$ kèk lòt té supòté pou yo pasé yo an-ba rizib é an-ba fouèt, minm pou yo anchinnin yo é fèmin yo nan prizon; ${ }^{37}$ yo té tué yo avèk kout-ròch, yo té siyé yo, yo té pasé yo an-ba éprèv, yo té tué yo avèk népé; krétyin sa yo té alé bò isit é bò la, abiyé avèk po-mouton é po-kabrit; yo té nan bézouin, yo té résévoua pèsékusion é mal-trétman; ${ }^{38}$ yo-minm ké lé monn pa té bon asé pou yo, - yo té oblijé sové alé nan dézè é nan mòn, nan trouròch é nan trou-tè. ${ }^{39}$ Malgré
tou sa, yo té résévoua bon témouagnaj, a-kòz la foua yo, yo pa-t rési mét min sou sa yo té résévoua nan promès yo; ${ }^{40}$ paské Bon-Dieu té gin gnou pi bon bagay an rézèv pou nou, é pou-tèt sa, li pa-t pèmèt yo rivé vi-n pafèt san nou.

## Jé nou fiksé sou Jêzu

12Donk, nou-minm tou, puiské nou gin gnou si gran nuaj témouin ki antouré nou, an nou voyé jété tout chay é péché a ki vlopé nou si fasilman, é an nou kouri, avèk pèsévérans, nan kous ki dévan nou an, ${ }^{2}$ pandan n-ap fiksé jé nou sou Jézu, li-minm ki chèf la foua a é ki fè li pafèt. A-kòz la joua ki té plasé dévan li, li té soufri la koua, li té méprizé la ront, é li chita a koté douat tròn Bon-Dieu. ${ }^{3}$ Ann-éfè, égzami-né sila a ki té supòté, nan pròp kò li, gnou si gran opozision nan min péchè yo, dé koua pou ou pa vi-n fatigé é ké nanm ou pa vi-n dékourajé.
4 Ou pa ko rézisté péché a jouk tan ou ouè san, pandan ou-ap goumin kont li.. ${ }^{5}$ E ou gin tan blié égzòtasion ou té résévoua, kòm pitit:

Pitit mouin, pi-nga ou pran koréksion lé Ségnè a-laléjè,
E pi-nga ou dékourajé lè li pasé ou obsèvasion;
${ }^{6}$ Paské lé Ségnè korijé sila a ké li rinmin,
E li fouété tou sa yo li rékonnèt kòm pitit li.
${ }^{7}$ Sé pou ou supòté koréksion: sé kòm pitit ké Bon-Dieu trété ou. Ki lès pitit ké gnou papa
pa konn korijé? ${ }^{8}$ Min si ou pa résévoua pòsion koréksion pa ou kòm tout lòt yo résévoua, ou pa léjitim, donk, ou pa pitit. ${ }^{9}$ Ann-éfè, si papa nou sélon la chè konn korijé nou é ké nou réspékté yo, èské nou pa ta doué soumèt nou anpil plus an-ba Papa léspri yo pou nou kapab viv? ${ }^{10}$ Kant-a papa nou yo, yo té korijé nou pou kèk jou kòm yo té trouvé-l bon; min BonDieu korijé nou pou pròp byin nou, pou nou kapab patisipé nan sintété li. ${ }^{11}$ Sé vré ké lè koréksion fèk parèt, li pi sanblé gnou kòz tristès pasé la joua; min pi ta li produi gnou frui la pè nan la justis pou sa yo ki té pasé an-ba gnou tèl égzèsis.

## Gnou avètisman kont réfuzé la gras Bon-Dieu

12 Donk, drésé min ou yo k-ap dépéri,

E jénou ou yo ki fi-n fèb. ${ }^{13}$ Kondui pié ou nan chémin ki douat, pou sila ki bouaté a pa fè antòch, min o kontrè pou li kapab géri.
14 Sé pou ou chaché la pè avèk tout moun é chaché la sanktifikasion, paské san li, pésonn p-ap ouè lé Ségnè. ${ }^{15}$ Véyé byin pou pésonn pa pèdu la gras Bon-Dieu, é pou pa gingnin okinn rasi-n amè ki vi-n pousé pou kozé traka é konsa pou pluziè vi-n kon-tami-né. ${ }^{16}$ Véyé byin pou pa gingnin okinn moun movèzvi, ou-byin moun ki pa réspékté bagay sin, kòm Ezau ki té vann doua li kòm prémiépitit pou gnou plat manjé.
${ }^{17} \mathrm{Ou}$ konnin ki jan li té vlé résévoua bénédiksion an kèk tan apré sa, min papa a pa té aksépté li; malgré li té chaché résévoua-l avèk dlo nan jé, répantans li pa-t valab.
18 Ou pa-t proché koté gnou mòn yo kapab mangnin é ki té an flanm, ni koté nuaj la, ni koté nouasè a, ni koté tanpèt la, ${ }^{19}$ ni koté éko tronpèt la, ni koté bri parol yo; sa yo ki té tandé bri sa a té mandé pou yo pa tandé-l plus pasé sa, ${ }^{20}$ paské yo pa-t kapab supòté ménas sa a: Minm si gnou bèt touché mòn nan, yo va tué-l avèk koutròch. ${ }^{21}$ É bagay la té si éfréyan, ké Moiztédi: Mouin tout-an-fréyè é m -ap tranblé! ${ }^{22}$ Min ou gin tan proché keté mòn Sion, koté la vil BonDieu vivan an, Jéruzalèm ki nan sièl la, é koté dé milié zanj ki fòmé gnou gran foul kòm sa yo k -ap fêté. ${ }^{23} \mathrm{Ou}$ gin tan proché koté asanblé prémié-pitit yo ki gin non yo sou kayé nan sièl la, koté Bon-Dieu, ki juj tout moun, é koté léspri moun jus yo ki gin tan vi-n pafêt, ${ }^{24}$ koté Jézu, ki abit alians tou-frèch la, é koté san ki té simin an, san sa a ki palé pi byin ankò pasé san Abèl la.
25 Fè atansion pou ou pa réfuzé tandé sila k -ap palé a; paské si sa yo ki té réfuzé tandé sila ki té bay mésaj Bon-Dieu sou la tè, pa té chapé, konbyin plus nouminm, nou p-ap chapé si nou détounin nou pou nou pa tandé sila ki palé dépi nan sièl la; ${ }^{26}$ sé voua li ki té
souké la tè lè sa a, é koul-yé-a li fè promès sa a: Ankò gnou foua mouin va souké la tè, é sé pa la tè sèlman, min sièl la tou. ${ }^{27}$ Paròl sa yo: Ankò gnou foua, fè konprann ké bagay yo kapab souké yo, pral pasé, puiské yo té fèt pou sa, dé koua pou bagay yo pa kapab souké yo, kapab rété fèm. ${ }^{28}$ Donk, puiské nou résévoua gnou rouayòm ki p-ap souké, an nou posédé la gras pou nou kapab sèvi BonDieu nan gnou fason ki fè li plézi, avèk réspè é la krint; ${ }^{29}$ paské Bon-Dieu nou an sé gnou dufé dévoran.

## Dévoua krétyin yo

13 Sé pou ou konti-nué montré lamou pou frè yo. ${ }^{2}$ Pi-nga ou néglijé ouvri pòt-kay ou pou étranjé yo; paské a-kòz sa, kèk moun té résévoua zanj lakay yo san konnin sa.
3 Sonjé sa yo ki prizonnié kòm si ou té prizonnié ansanm avèk yo; é sonjé sa yo k-ap subi mal-trétman, puiské kò yo fèt minm jan avèk pa ou.
4 Sé pou tout moun réspékté mariaj, é pi-nga ou monté sou kabann nan pou ou viv nan dézòd, paské Bon-Dieu va jujé moun movèz-vi yo é adultè yo.
5 Pi-nga kité lajan pran tèt ou; kontanté ou avèk sa ou gingnin; paské Bon-Dieu minm té di: Mouin p-ap pati kité ou, ni mouin p-ap blié ou. ${ }^{6}$ Konsa nou kapab di avèk tout asurans:

Lé Ségnè sé èd mouin, mouin p-ap pè angnin;

Ki sa gnou nonm kapab fè mouin?
7 Sonjé sa yo k-ap kondui ou, yo-minm ki té a-nonsé la paròl Bon-Dieu ba ou; gadé byin ki jan yo té fi-ni la vi yo, épi imité la foua yo.
8 Jézu-Kri minm jan an ayè, jodi a é pou toujou. ${ }^{9}$ Pi-nga kité tout klas doktri-n étranjé poté ou alé; paské sé bon pou kè ou vi-n fèm pa la gras, sé pa pa mouayin manjé, puiské yo pa gnou avantaj pou sa yo ki anplouayé yo. ${ }^{10}$ Nou gin gnou lotèl ké sa yo k -ap sèvi nan tabènak la pa gin doua manjé ladan li. ${ }^{11}$ Yo brulé kò bèt yo an-déyò kan an, sèt-a-di kò bèt yo ké gran prèt la pran san an ladan yo a pou li poté-l nan lié sin an, a-kòz péché. ${ }^{12}$ Sé poutèt sa, Jézu té soufri an-déyò pòt la tou, pou li té kapab sanktifié pèp la avèk pròp san li. ${ }^{13}$ Donk, an nou soti alé jouinn li an-déyò kan an, pandan n-ap poté abésman li. ${ }^{14}$ Paské nou pa gin gnou vil ki duré tout tan isi-ba, min n-ap bat pou nou jouinn sa k-ap vi-ni an. ${ }^{15} \mathrm{~Pa}$ mouayin li, an nou ofri gnou sakrifis louanj bay Bon-Dieu tout tan, sèt-a-di frui lèv-bouch nou ki déklaré non li. ${ }^{16}$ Pinga ou blié non plus byinvéyans avèk léspri pou fè kado, paské sé kalité sakrifis sa yo ki fè Bon-Dieu plézi.
17 Obéi sa yo k-ap kondui ou é soumèt ou an-ba yo, paské y-ap véyé nanm ou,
kòm sa yo ki gin pou yo rann kont pou ou. Fè sa dé koua pou yo kapab fè travay yo avèk joua é pou yo pa bézouin ap plingnin, paské si yo plingnin sa p-ap sèvi ou okinn avantaj.
18 Prié pou nou, paské nou asuré ké nou gin gnou bon konsians é ké nou vlé kondui tèt nou byin nan tout bagay. ${ }^{19}$ Sériézman mouin mandé ou pou ou fè sa, dé koua pou mouin kapab lagé pou vi-n jouinn ou byin vit.

Bénédilksion é dènié salutasion 20 Sé pou Bon-Dieu la pè, ki té résusité gran Gadyin troupo a, sèt-a-di Ségnè nou Jézu-Kri, nan pami mò yo, pa mouayin san alians étènèl la, ${ }^{21}$ mété ou an mézu pou fè tout bon bagay, dé koua pou volonté li kapab akonpli; é sé pou li fè gnou travay anndan ou ki fè li plézi, pa mouayin Jézu-Kri; sé pou li tout la gloua yé pou tout tan é pou toujou! Amèn!
22 Tanpri, frè mouin yo, pran ka paròl égzotasion sa a mouin fè ou la, paské sé gnou lèt tou kout mouin ékri ou.
23 Mouin mété ou o kouran ké frè nou Timoté gin tan lagé; si li rivé byin vit, m-ap vi-n ouè ou avèk li.
24 Salué tou sa yo k-ap kondui ou, avèk tout sin yo. Sa yo ki ann Itali salué ou.
25 Ké la gras avèk tout nan pami ou! Amèn!

## Lèt Jak ékri a

## Salutasion

1Jak, sèvitè Bon-Dieu é sèvitè Ségnè Jézu-Kri, salué douz branch ras yo ki dispèsé!

## Eprèv avèh tantasion

2 Frè mouin, konsidéré divès éprèv nou kapab subi, tankou gnou okazion pou nou gin gnou joua ki joua tout bon. ${ }^{3}$ Sé pou nou konnin ké éprèv la foua nou subi bay pasians. ${ }^{4}$ Min fòk pasians la kapab akonpli travay li sou tout pouin, pou nou kapab bon sou tout pouin épi byin fömé, san manké nan angnin.
5 Si gnou moun pami nou manké sajès, sé pou li mandé Bon-Dieu sajès, Bon-Dieu ki bay tout moun san min séré ni répròch, é li va résévoua sajès. ${ }^{6}$ Min sé pou li mandé sa avèk la foua, san li pa douté; paské moun ki gin dout sanblé avèk lanm la mè ké van ap ajité é pousé pasipala. ${ }^{7}$ Sé pa pou gnou nonm kon sa mét nan lidé li ké 1 -ap résévoua kichoy nan min lé Ségnè: ${ }^{\text {o }}$ sé gnou nonm san désizion, li chanjé lidé fasil nan tou sa l-ap fè.
9 Ké gnou frè ti kondision réjoui tèt li lè li lévé pi ro.
${ }^{10}$ Ké moun ki rich, o-kontrè, rêjoui tèt li lè li rabésé; paské 1-a pasé tankou flè zè̀. ${ }^{11}$ Solèy la lévé avèk gnou chalè ki boulé, zèb la séché, flè li tonbé, bèl aparans li disparèt: sé konsa moun ki rich va flétri nan mitan tout bagay yo l-ap pousuiv.

## Ki jan pou supòté tantasion

12 Byinn-éré lòm ki supòté tantasion avèk pasians; paské apré li fi-n subi éprèv, 1 -a résévoua kouròn la vi a ké lé Ségnè promèt moun ki rinmin li.

13 Ké pèsonn pa di, lè li nan tantasion: Sé Bon-Dieu k -ap tanté-m. Paské bagay ki mal pa kapab tanté BonDieu, é li-minm li pa tanté pèsonn. ${ }^{14} \mathrm{Min}$ chak moun antré nan tantasion lè pròp dézi ki nan li ralé lié lémanté-1. ${ }^{15}$ Epi lè dézi a fè travay li, li donnin péché; é lè péché a fi-n konmèt, li donnin la mò.

## Suio Parol Bon-Dieu

16 Pa tronpé tèt nou, frè byinn-émé mouin yo: ${ }^{17}$ tout gras nou résévoua avèk tout don pafèt, sé an-ro yo soti nan min Papa lumiè a, ki pa gingnin ni chanjman ni lonbraj gnou chanjman nan li. ${ }^{18} \mathrm{Li}$ fè nou dapré volonté li pa mouayin paròl vérité a, pou nou kapab tankou prémié foui pami kréyatu li yó.
19 Konnin sa, frè byinnémé mouin yo. Donk sé pou tout om présé pou kouté, pran tan avan palé, pran tan avan fè kòlè; ${ }^{20}$ paské kòlè lòm pa akonpli justis Bon-Dieu. ${ }^{21}$ Sé pou sa, kité tout bagay ki pa pròp avèk tout rès malis, résévoua avèk dousè paròl la ki planté nan nou, é ki kapab sové nanm nou.
22 Fè sa Paròl la di, é pa rété kouté sèlman, pou $n$-ap tronpé tèt nou an minm tan
avèk dé rézonnman ki fo. ${ }^{23}$ Paské, si gnou moun tandé Paròl la é li pa pratiké-l, li sanblé gnou nonm ki gadé pròp figu li nan gnou glas, ${ }^{24}$ é apré li fi-n gadé, li alé é li blié minm lè a ki jan li yé. ${ }^{25}$ Min moun ki fi-n gadé nan la loua a ki bon sou tout pouin, la loua libèté a, ki pèsévéré, ki pa gnou moun ki tandé-blié, min ki akonpli sa li tandé a, moun sa a va byinn-éré nan sa l-ap fè.
26 Si gnou moun kouè li sé moun la rélijion, san li pa bridé lang li, min l-ap tronpé tèt li, rélijion moun sa a inutil. ${ }^{27}$ La rélijion tout-bon é ki san tach dévan Bon-Dieu Papa nou, sé vizité orfélin avèk vèv nan afliksion yo épi pou gnou moun prézèvé kò li pou lé monn pa gaté-l.

Pa doué gin pas-pou-ki pou moun

2Frè-m yo, ké la foua nou nan nòt Ségnè Jézu-Kri, ki plin gloua, pa pòté mak okinn pas-pou-ki pou moun.
2 Paské, supozé ké gnou nonm antré nan lasanblé nou avèk gnou bag ann-ò épi gnou rad ki bèl anpil, é gin gnou póv ki antré tou, abiyé gnou jan mizérab; ${ }^{3}$ si ou viré gadé sa ki pòté bèl rad la, ou di li: Ou-minm chita isit nan bon plas sa a! épi ou di pòv la: Ou-minm, kanpé ko ou la! ou-byin: Chita pi ba machpié mouin! - ${ }^{4}$ Eské ou pa fè gnou distinksion nan ouminm, èské sé pa mové lidé ki fè ou pòté jujman kon sa?
5 Kouté, frè byinn-émé mouin yo: Eské Bon-Dieu
pa chouazi moun yo ki pòv dapré lé monn, pou yo kapab rich nan la foua, épi éritié rouayòm nan ké li promèt moun ki rinmin li? ${ }^{6}$ E nouminm, n-ap méprizé pòv la! Eské sé pa moun rich yo k-ap pézé sou nou, é ki trinnin nou nan tribunal? ${ }^{7}$ Eské sé pa yo k-ap insulté bèl non an ké nou pòté?
8 Si nou akonpli la loua rouayal la, dapré Lékritu: Ou-a rinmin prochin ou tankou tèt pa ou, nou fè sa ki byin. ${ }^{9}$ Min si nou fè pas-pou-ki pou moun, nou konmèt gnou péché, la loua kondané nou kòm dézobéisan. ${ }^{10}$ Paské ninpòt moun ki obsèvé tout la loua, min ki péché kont gnou grinn komandman, koupab kont tout komandman yo. ${ }^{11}$ Paské sila ki té di: Ou pa pou konmèt adultè, sé li tou ki di: Ou pa pou tué. E-byin, si ou pa konmèt adultè, min ou tué gnou moun, ou dézobéi la loua.
12 Palé é aji an moun ki gin gnou la loua libèté ki pou jujé yo. ${ }^{13}$ Paské jujman an san mizérikod pou moun ki pa-t gin mizérikòd. Min mizérikòd trionfé sou jujman.
La foua ki pa maché avèk zèv, li mouri 14 Frè-m yo, sa sa sèvignou moun pou di ké li gin la foua, si li pa gin zèv ki sòti nan la foua? Eské la foua kapab sové li? ${ }^{15} \mathrm{Si}$ gnou frè oubyin gnou sè tou-nu é yo manké manjé pou chak jou, ${ }^{16}$ é gnoun pami nou di yo: Alé an-pè, chofé kò nou,
manjé kont nou! é nou pa ba yo sa ki nésésè pou kò yo, sa sa sèvi? ${ }^{17}$ Sé konsa tou pou la foua: si li pa gin zèv, li mouri nan li-minm. ${ }^{18}$ Min kèk moun kapab di: Ouminm, ou gin la foua é mouinminm m-gin zèv; é-byin, montré-m la foua ou san zèv, é m-a montré ou la foua-m nan zèv mouin. ${ }^{19} \mathrm{Ou}$ kouè ké gin gnou sèl Bon-Dieu, ou fè byin; démon yo tou kouè sa, é yo tranblé.
20 Ėské ou vlé konnin, 0 moun ki pa angnin, ké la foua ki san zèv pa vo angnin? ${ }^{21}$ Abraam, zansèt nou, èské sé pa gras-a zèv ké li té résévoua justis, lè li té ofri pitit li Izaak sou lotèl? ${ }^{22}$ Ou ouè ké la foua li té aji an minm tan avèk zèv li, é ké zèv li té fè la foua li fi-n korrèk nèt. ${ }^{23}$ Sé konsa sa Lékritu di té akonpli: Abraam té kouè nan Bon-Dieu, é sa konté kòm justis pou li; yo té rélé li zanmi Bon-Dieu. ${ }^{24} \mathrm{Ou}$ ouè ké lòm résévoua justis gras-a zèv, é ké sé pa sèlman gras-a la foua. ${ }^{25}$ Eské Raab, fanm movèz vi a, pa-t résévoua justis tou gras-a zèv li, lè li té résévoua mésajè yo, é li té fè yo pati nan gnou lòt chémin? ${ }^{26}$ Minm jan gnou kò ki san nanm mouri, konsa la foua ki san zèv mouri tou.

## Lang nan

3Frè-m yo, sé pa pou gin pami nou anpil moun ki nan bay anségnman, paské nou konnin ké nou va jujé gnou jan pi sévè ankò. ${ }^{2}$ Nou tout nou buté pluziè fason. $\mathbf{S i}$
gnou moun pa buté du-tou nan parol li, sé gnou moun kòrèk nèt, ki kapab mintni tout kò li an-brid. ${ }^{3}$ Lè nou mété gnou mò-brid nan bouch chéval pou yo obéi nou, avèk sa nou dirijé tout kò yo. ${ }^{4}$ Ebyin, minm bato yo, gran kou yo gran, é van $k$-ap pousé yo mèt ròd fó, sé gnou ti gouvènay tou piti ki dirijé yo jan kapitinn nan vlé. ${ }^{5}$ Konsa tou, lang sé gnou ti manm, ki louanjé tèt li anpil. Gadé jan gnou ti di-fé kapab insandié gnou gran foré! ${ }^{6}$ Lang tou sé gnou di-fé; lang sé téritoua injustis. Jan pozision li yé pami manm nou yo, l-ap détinn sou tout kò a, l-ap mét di-fé nan tout la vi gnou moun, é li-minm, sé di-fé lanfè ki ba li flanm. ${ }^{7}$ Ras lèz òm ap donté ou-byin déja donté tout éspès bèt, zouazo, bèt ki trinnin, ak bèt nan la mè; ${ }^{8} \mathrm{~min}$ kant-a lang, pèsonn pa kapab donté li; sé gnou mal moun pa kapab frinnin; li plin avèk gnou pouazon ki tué. ${ }^{9}$ Avèk lang nou, nou béni lé Ségnè Papa nou, é avèk li nou modi lèz om ki fèt nan résanblans Bon-Dieu. ${ }^{10}$ Nan minm bouch la bénédiksion ak malédiksion sòti. Frè-m yo, sa pa doué konsa. ${ }^{11}$ Eské gnou sous koulé dlo dous avèk dlo amè nan minm trou a? ${ }^{12}$ Frè-m yo, èské gnou figié kapab donnin zoliv, ou-byin gnou pié rézin donnin fig? Dlo salé pa kapab bay dlo dous non plus.

Sajés ki sòti an-ro
13 Ki lès pami nou ki saj é


Fig frans
intélijan? Ké li montré zèv li nan gnou bon konduit avèk dousè ki sobti nan sajès. ${ }^{14}$ Min si nou gin nan kè nou gnou zèl ki amè ak gnou léspri diskòd, pa louanjé tèt nou é pa manti kont la vérité. ${ }^{15}$ Sajès sa a pa sajès ki sòti an-ro; li sòti nan la tè, nan la chè, nan diab la. ${ }^{16}$ Paské koté ki gin gnou zèl amè ak léspri diskỏd, gin dézòd ak tout kalité mové aksion. ${ }^{17}$ Sajès la ki sòti anro, tou-dabò li pròp, épi li rinmin la pé, li mòdéré, li pran konsèy, li plin ak mizérikod é bon foui, li pa nan dé-fas ni nan ipokrit. ${ }^{18}$ Moun k-ap chaché la pé simin foui la justis nan la pé.

## Amou lé monn

4Goumin ak kont yo ki pami nou, koté yo sòti? Éské sé pa nan pasion yo k-ap konbat nan manm nou? ${ }^{2}$ Apéti nou louvi dèyè bagay, é nou pa posédé yo; nou nan
tué moun, nou anvié sò lèz dot, é nou pa jouinn sa nou vlé; nou gin kont, nou goumin; é nou pa gingnin, paské nou pa mandé. ${ }^{3}$ Nou mandé é nou pa résévoua, paské nou mandé mal, pou satisfè pasion nou yo.
4 Adultè ké nou yé! Eské nou pa konnin ké amou lé monn sé énmi Bon-Dieu? Donk, moun ki vlé zanmi lé monn rann tèt li énmi BonDieu. ${ }^{5}$ Eské nou kouè ké Lékritu palé pou grin-mési? Sé avèk jalouzi ké Bon-Dieu rinmin Léspri li fè rété nan nou. ${ }^{6}$ Éli bay gras ki pi plus ankò; sé pou sa Lékritu di:

Bón-Dieu rézisté moun ki gin ògèy,
Min li fè gras pou moun ki konn soumèt.
${ }^{7}$ Donk soumèt dévan BonDieu; rézisté kont diab la, é 1-a kouri louin nou. ${ }^{8}$ Proché kò nou koté Bon-Dieu, é l-a proché koté nou. Nétouayé min nou, péchè, nétouayé kè nou, moun san désizion. ${ }^{9}$ Santi mizè nou; mété nou an dèy ak nan krié; sé pou ri nou tounin dèy épi joua nou tounin tristès. ${ }^{10}$ Rabésé nou dévan lé Ségnè, é l-a lévé nou.

## Sou afè dé jujé gnou frè

11 Frè, sé pa pou gnoun palé lòt mal. Moun ki palé gnou frè mal, ou-byin ki jujé frè li, palé la loua mal é li jujé la loua. É-byin, si ou ap jujé la loua, ou pa moun ki obsèvé la loua, min ou sé juj la loua. ${ }^{12}$ Sé gnou sèl ki fè la loua é ki juj, sé sila ki kapab sové é ki kapab détoui; min ou-minm,
k-ap jujé prochin, ki lès ou yé?

## Pa konté sou démin

13 Koun yé a, min pou nou k-ap di: Jodi a ou-byin démin nou va alé nan tèl vil, n-a pasé gnou ané la, n-a fè trafik, é n -a fè bénéfis! ${ }^{14}$ Nou pa konnin sa k-a rivé démin! Paské sa la vi nou yé? Nou sé gnou vapè ki parèt pou gnou ti tan, é ki disparèt apré sa. ${ }^{15} \mathrm{Nou}$ té doué di, okontrè: Si Bon-Dieu vlé, n-a viv, é n-a fè sa ou-byin sa. ${ }^{16}$ Min koun yé a n-ap louanjé pou-tèt lidé nou ki ògéyé. Sé gnou mové bagay pou louanjé jan sa a. ${ }^{17}$ Donk moun ki konn fè sa ki byin, é ki pa fè li, konmèt gnou péché.

## Avètisman pou richa yo

5 Koun yé a, min pou nou, 5 richa yo! Krié é jémi, pou-tèt malè ki va vini sou nou. ${ }^{2}$ Riohès nou yo va pouri, é vèmi-n va manjé rad nou. ${ }^{3}$ Lò nou ak lajan nou va rouyé; é la rouy yo va lévé an témouagnaj kont nou, li va dévoré chè nou tankou gnou di-fé. Nou ramasé richès nan dènié jou yo! ${ }^{4}$ Min-ni, péman ouvrié ki té rékolté nan jadin nou, é nou té vollè yo, ap rélé, é rèl travayè ki té rékolté yo rivé jouk nan zòrèy Ségnè lamé yo. ${ }^{5}$ Nou viv sou la tè a nan doudous ak nan jouisans, nou té rasazié kè nou nan jou san t-ap vèsé a. ${ }^{6}$ Nou kondané, nou tué jus la, ki pa-t rézisté nou.

## La pasians avèk la priè

7 Donk, frè, sé pou nou pasian jouk tan lé Ségnè parèt. Gadé ki jan kultivatè tann foui la tè a ki vo anpil, li pasianté pou li jouk tan li fi-n résévoua la pli prémié sézon ak dènié sézon. ${ }^{8}$ Nou-minm tou, pran pasians, rafèmi kè nou, paské lé Ségnè prèt pou rivé.
9 Sé pa pou nou gnoun plinn kont lòt, frè, pou nou pa an-ba jujman: min-ni, juj la nan pòt la. ${ }^{10}$ Frè-m yo, pran kòm modè soufrans ak pasians, profèt yo ki té palé o-non lé Ségnè. ${ }^{11}$ Gadé jan nou rélé byinn-éré sa yo ki té soufri ak pasians. Nou tandé palé dé pasians Job, é nou ouè ki fin lé Ségnè té akòdé li, paské lé Ségnè plin ak mizérikò é konpasion.
12 Plus pasé tout bagay, frè-m yo, pa sèmanté ni sou sièl la, ni sou la tè, ni ak okinn lòt seman. Min sé pou oui nou sèvi pou oui, é non nou pou non, pou nou pa tonbé an-ba jujman an.
13 Eské kèk moun pami nou nan la soufrans? Ké li lapriè. Eské kèk moun nan la joua? Ké li chanté kantik. ${ }^{14}$ Eské kèk moun pami nou malad? Ké li rélé ansyin yo ki nan légliz la, ké ansyin yo lapriè pou li, ké yo pasé luil sou li o-non lé Ségnè; ${ }^{15}$ la priè la foua va sové malad la, é lé Ségnè va fè li lévé, é si li té konmèt kèk péché, li va résévoua padon.
16 Donk konfésé péché nou gnoun bay lòt, é gnoun lapriè
pou lòt, pou nou kapab géri. La priè gnou jus fè ak tout nanm li gin anpil pouvoua. ${ }^{17}$ Éli té gnou nonm minm jan ak nou: li lapriè fèm pou la pli pa-t tonbé, é la pli pa-t tonbé toua-zan-si-moua sou la tè. ${ }^{18}$ Apré sa li lapriè ankò, sièl la bay la pli, épi la tè donnin foui.

## Prémié lèt Piè ékri a

## Salutasion

1Piè, apòt Jézu-Kri, ékri sa yo ki étranjé é ki dispèsé nan péi Pon, Galati, Kapados, Lazi é Bitini, ${ }^{2}$ ki chouazi sélon konnésans BonDieu Papa a gingnin dépi davans, pa mouayin sanktifikasion Léspri a, ki chouazi pou obéi Jézu-Kri é patisipé nan san li ki vèsé: La gras avèk ou é la pè an grann kantité!

## Gnou éspérans ki divan

3 Béni Bon-Dieu, Papa Ségnè nou Jézu-Kri, ki té ban nou gnou nouvèl nésans sélon gran mizérikod li, pou nou gin gnou éspérans ki vivan, pa mouayin rézuréksion JézuKri nan pami mò yo. ${ }^{4}$ é pou nou gin gnou éritaj ki p-ap kòronpu, ki san tach é ki p-ap flétri, ki an rézèv pou ou nan sièl, ${ }^{5}$ pou ou-minm ké puisans Bon-Dieu apé protéjé pa mouayin la foua, pou salu a ki tou pré pou li révélé nan dènié tan an!
6 Sé ladan li ké ou réjoui, minm si koun yé a, pou gnou ti moman, ou trouvé ou nan tristès a-kòz pluziè klas tan-
tasion, puiské sa nésésè ${ }^{7}$ afin ké éprèv la foua ou, ki lontan pi présié pasé lò ki kapab péri (min ki éprouvé pa mouayin dufé), kapab tounin an gnou louanj, an gnou gloua é an gnou lonnè lè Jézu-Kri va parèt; ${ }^{8}$ li-minm ké ou rinmin san ou pa-t ouè li; liminm ou kouè nan li a san ou pa minm ko ouè li, min ou réjoui avèk gnou joua ké moun pa kapab éspliké é ki plin avèk la gloua, ${ }^{9}$ paské ou résévoua salu nanm ou kòm pri la foua ou.
10 Sé a-léga salu sa a ké profèt yo té fè anpil étud épi invéstigasion; sé yo-minm ki té profétizé a-léga la gras ki an rézèv pou ou. ${ }^{11}$ Yo t-ap fè anpil étud pou konprann ki sézon é ki situasion Léspri Kris ki nan yo a té dézigné, lè li té palé a-léga soufrans Kris dépi davans, avèk la gloua ki gin pou vini apré yo. ${ }^{12}$ Yo té résévoua révélasion ké sé pa té pou yo-minm, min sé pou ou ké yo t-ap administré bagay sa yo, ké moun k-ap préché ou Lévanjil té rapoté ba ou koun yé a , pa
mouayin lé Sint-Éspri ki té vi-n an mision soti nan sièl la; é zanj yo té déziré anpil pou égzami-né bagay sa yo.

## Gnou apel pou nou sin nan tout konduil nou

13 Pou tèt sa, pandan ké ou mété léspri ou an préparasion, sé pou ou kalmé tèt ou, épi juska la fin, sé pou ou éspéré la gras ké y-ap pòté ba ou lè Jézu-Kri va parèt. ${ }^{14} \mathrm{Kòm}$ ti moun obéisan, pinga ou konfòmé ou avèk vié dézi ou té konn gingnin oparavan lè ou té nan ignorans. ${ }^{15}$ Min puiské Sila a ki té fè ou lapèl la sin, sé pou ou sin tou nan tout konduit ou, ${ }^{16}$ paské sa ékri: Ou va sin, paské mouin sin.
17 E si ou invoké kòm Papa, Sila a ki jujé chak moun sélon zèv li, san pati-pri, sé pou kondui ou avèk krint duran tan ou dé pasaj isit la; ${ }^{18}$ paské ou konnin ké sé pa avèk bagay périsab, kòm lajan ou lò ké dèt péché ou té péyé, pou ba ou libèté an-ba konduit san valè ké ou té résévoua dé pèr-an-fis, ${ }^{19} \mathrm{~min}$ sé avèk san Kris la, ki byin chè, kòm san gnou ti mouton san défo é san tach, ${ }^{20}$ ki té mété a-pa dépi davans, avan fondasion lé monn, min ki manifésté nan dènié tan yo pou tèt ou-minm ${ }^{21}$ ki kouè, pa mouayin li, nan Bon-Dieu ki té résusité li nan pami mò yo é té ba li la gloua, afin ké la foua ou avèk éspérans ou kapab nan Bon-Dieu.
22 Puiské ou purifié nanm ou pandan ou ap obéi la
vérité pou ou gin gnou lamou san ipokrizi pou fre yo, sé pou ou rinmin lèz-in lèz-òt avèk gnou gran amou ki soti nan kè; ${ }^{23}$ puiské ou résévoua gnou nouvèl nésans, ki pa soti nan gnou sémans ki kapab pouri, min nan gnoun ki pa kapab pouri, pa mouayin parol Bon-Dieu, ki vivan é ki déméré. ${ }^{24} \mathrm{Ka}$

Tout chè sé kòm zèb,
É tout la gloua li sé kòm flè zèb.
Zèb la séché épi flè a tonbé;
${ }^{25}$ Min Paròl lé Ségnè déméré pou toujou.
Sa sé paròl la yo préché ba ou, pa mouayin Lévanjil la.
2 Alò, pandan ou réjté tout movésté é tout ruz, avèk ipokrizi épi jalouzi yo, é tout tripotay, ${ }^{2}$ minm jan avèk ti bébé ki fèk fèt, sé pou ou déziré lèt pu ki soti nan Paròl la, pou ou kapab grandi nan salu a, ${ }^{3}$ puiské ou déja gouté ké lé Ségnè bon.

Ròch oivan la
4 Proché kò ou sou li-minm ki sé gnou ròch vivan, ké lèzom réjté, min ké Bon-Dieu chouazi é ki présié. ${ }^{5} \mathrm{Ou}-$ minm tou, kòm ròch vivan, ou ap fòmé gnou kay éspirituèl, gnou asanblé prèt ki sin pou ofri sakrifis éspirituèl, ki agréab dévan Bon-Dieu, pa mouayin Jézu-Kri. ${ }^{6}$ Sé pou tèt sa Lékritu rapòté sa:
Min-ni, mouin pozé gnou ròch nan Sion,
Sé gnou ròch kouin, ki chouazi é ki présié;
E moun ki koué nan li p-apé ront.

7 Donk, pou ou-minm ki kouè, li sé gnou lonnè. Min pou sa yo ki pa kouè,
Ròch mésié yo ki t-ap bati té réjté a,
Dévni prinsipal ròch kouin an,
${ }^{8}$ Gnou ròch ki fè moun buté
É ki la kòz moun tonbé; li fè yo buté paské yo pa obéi la Paròl: é yo té déja dézigné pou sa.

## Pèp pa Bon-Dieu a

9 Min ou-minm, ou sé gnou ras chouazi, gnou asanble prèt rouayal, gnou nasion ki sin, gnou pèp a-pa, pou ou kapab publié byinvéyans Sila a ki té rélé ou soti nan fè noua pou vini nan lumiè li ki sé gnou mèvèy. ${ }^{10}$ Oparavan ou pa té gnou pèp, min koun yé a ou sé pèp Bon-Dieu, ou-minm ki pa té résévoua mizérikòd, min koun yé a ou résévoua mizérikòd.

Sé pou dio tankou sèoite Bon-Dieu
11 Byinn-émé, mouin égzoté ou kòm étranjé é moun ki an pasan sou la tè pou ou égzanté vié dézi la chè k -ap fè la gè avèk nanm moun. ${ }^{12}$ Sé pou ou gin gnou bonn konduit nan mitan payin yo, afin ké nan sa minm y-apé palé ou mal, kòm si ou te malfétè, yo va ouè bon zèv ou, é yo va rann Bon-Dieu la gloua nan jou li va fè yo vizit.
13 Soumèt ou an-ba tout otorité ki établi pami lèz-òm, a-kòz lé Ségnè; soua an-ba gnou roua kòm supériè, ${ }^{14}$ soua an-ba gouvènè yo ké li voyé pou puni sa yo ki fè mal
é pou louanjé sa yo ki fè byin; ${ }^{15}$ paské sé la volonté Bon-Dieu pou ou fè byin dé koua pou fèmin bouch mésié yo ki san rézonnman nan ignorans yo. ${ }^{16}$ Paské ou libéré, sé pa pou ou pran libèté a kòm gnou kouvètu pou méchansté, min sé pou ou aji kòm sèvitè Bon-Dieu. ${ }^{17}$ Bay tout moun lonnè; rinmin frè yo; krinn Bon-Dieu; bay roua a lonnè.
18 Sé pou sèvitè yo soumèt an-ba mèt yo avèk tout réspè, pa selman an-ba sa yo ki bon é ki dou, min an-ba sa yo ki gin karaktè difisil tou. ${ }^{19} \mathrm{Sa}$ sé gnou gras si gnou moun supòté afliksion è ké li soufri injustéman, a-kòz konsians li anvè Bon-Dieu. ${ }^{20}$ Atò ki louanj ki gin nan sa, si ou rẻté bay bat ou pou tèt mal ou fè? Min, si ou fè byin é ké ou supòté la soufrans, sa sé gnou gras dévan Bon-Dieu. ${ }^{21}$ Sé pou sa ou té résévoua lapèl, paské Kris té soufri pou tèt ou, li kité dèyè li gnou egzanp pou ou kapab suiv nan tras li;
${ }^{22}$ Li-minm ki pa té konmèt okinn péché,
É ké yo pa té jouinn okinn parol tronpri nan bouch li;
${ }^{23}$ li-minm, lè yo té insulté hl, li pa té réponn avèk insult; lè li té soufri an-ba mové trétman, li pa té ménasé moun, min li té rinmèt tèt li bay Sila a ki konn jujé avèk justis. ${ }^{24}$ Sé li-minm ki té pòté péché nou nan kò li sou boua a, pou nou kapab dévni mò pou péché yo, min vivan
pou la justis. Sé a-kòz blési li ké ou géri. ${ }^{25}$ Paské ou té kòm mouton égaré, min koun yé a ou tounin jouinn gadyin an avèk suvéyan nanm ou.

## Konduit madanm yo é mari yo

3 Minm jan an madanm 3 yo, sé pou ou soumèt ou an-ba pròp mari ou yo, pou si gin kèk-zin ki pa obéi la Paròl, yo kapab vini bay tèt yo, san gnou mo, pa mouayin konduit madanm yo, ${ }^{2}$ lè yo konsidéré ki jan konduit ou réspéktab é sin. ${ }^{3}$ Sé pa pou dékoré kò ou avèk bagay ki frapé jé, kòm gnou pil bè très. chévé épi gnou kantité bijou ann-ò, ou-byin rad gran zafè, ${ }^{4} \mathrm{~min}$ avèk bagay ki sékrè nan kè a, bagay ki p-apé kòronpu, ki parèt nan gnou léspri dou é trankil, sa sé gnou bagay ki régadé chè dévan Bon-Dieu. ${ }^{5}$ Paské nan tan lontan sé konsa tou fanm sint yo, ki t-ap éspéré nan Bon-Dieu, té konn abiyé yo, é yo té konn soumèt an-ba pròp mari yo, ${ }^{6}$ kòm Sara ki té obéi Abraam é té rélé li Ségnè; ou dévni pitit li pandan ou ap fè byin san ou pa kité okinn pérèz troublé ou.
7 Minm jan an tou, mari yo, sé pou ou aji avèk intélijans nan rélasion ou avèk madanm ou yo, kòm sé avèk gnou véso ki pi fèb ou ann-afè; sé pou ou ba yo lonnè pa yo, puiské yo sé éritié gras la vi a ansanm avèk ou. Konsa la priè ou yo p-ap jouinn anbara.

## Gnou bon konsians

8 Anfin, sé pou ou gin minm santiman; sé pou ou ranpli
avèk konpasion, lamou pou frè yo, mizérikòd é umilité. ${ }^{9}$ Sé pa pou ou rann mal pou mal, ni jouman pou jouman; min, o-kontrè, sé pou ou béni, paské sé pou sa ou té résévoua lapè, pou ou kapab éritié bénédiksion an.
${ }^{10}$ Ann-éfè, si gnou moun vlé rinmin la vi
E ké li déziré ouè kèk bon jou,
Sé pou li frinnin lang li pou li pa di mal
É lèv li pou li pa palé paròl tronpri,
${ }^{11}$ Sé pou li viré do bay sa ki mal, é sé pou li fè sa ki byin,
Sé pou li chaché la pè, é sé pou li pousuiv li;
${ }^{12}$ Paské jé lé Ségnè an-ro sa yo ki jus
E zorèy li prèt pou kouté la priè yo,
Min fas lé Ségnè kont sa yo ki fè mal.
13 Kilès ki kapab fè ou mal, si ou dévni zélé pou lé byin? ${ }^{14}$ E minm si ou soufri pou tèt la justis, ou byinn-éré.

Pi-nga ou pè yo, pi-nga ou troublé tèt ou;
${ }^{15}$ Min sanktifié Kris lé Ségnè nan kè ou,
é sé pou ou toujou paré pou défann tèt ou avèk gnou répons pou chak moun ki pozé ou késion a-léga éspérans ki ann-dan ou nan; é sé pou fè sa avèk dousè é réspè, ${ }^{16}$ pandan ké ou gin gnou bon konsians, afin ké nan sa minm yo konn palé ou mal la, kom si ou té malfétè, sa yo $k$-ap dékrié bonn konduit ou nan Kris la, kapab vini ront nèt.
${ }^{17}$ Paské sa vo mié soufri pandan ou ap fè byin, si sé volonté Bon-Dieu, pasé si ou ap fè mal.
18 Kris minm té mouri gnou foua pou tout a-kòz péché yo, jus la pou injus yo, afin ké li kapab minnin nou bay BonDieu; kant-a la chè li té mouri, min kant-a Léspri li té vini a la vi. ${ }^{19}$ Sé nan Léspri a tou ké li té alé préché bay léspri yo ki nan prizon, ${ }^{20}$ sa yo ki pa té kouè nan tan lontan, lè pasians Bon-Dieu té kontinué éspéré nan jou Noé, pandan li t-apé konstrui gro bato a. Sé ladan li ké gnou ti kantité moun, uit antou, té chapé pa mouayin dlo a ; ${ }^{21}$ é sa sé gnou pótré sa ki sové ou koun yé a; batèm nan sé pa gnou débarasman salté la chè, min sé gnou késion dé bon konsians dévan Bon-Dieu, pa mouayin rézuréksion Jézu-Kri a. ${ }^{22}$ Sé liminm ki a koté min douat Bon-Dieu dépi li té alé nan siel, é ké zanj yo, otorité yo é puisans yo té oblijé soumèt dévan li.

## Fidèl jéran la gras Bon-Dieu

4Alò, puiské Kris soufri nan la chè, ou-minm tou sé pou ou amé ou avèk minm léspri sa a. Paské si gnou moun soufri nan la chè, li gin tan fini avèk péché, ${ }^{2}$ pou li pa viv ankò sélon vié dézi lèzòm, min sélon volonté BonDieu, duran ti rès tan li gin pou viv nan chè a. ${ }^{3}$ Ann-éfé, sé sufi la fason ou té akonpli volonté payin yo nan tan pasé, lè ou té maché nan déréglé-
man, nan vié dézi, nan bouètafia, nan banbȯch avèk safté nan manjé é nan idolatri ki kont la loua. ${ }^{4}$ Pou tèt sa, yo sézi dèské ou p-ap kouri nan minm bann avèk yo nan tout dérégléman yo, alò yo palé ou mal. ${ }^{5}$ Min yo va rann kont bay Sila a ki paré pou jujé moun ki vivan yo avèk moun ki mouri yo. ${ }^{6}$ Paské sé pou sa minm Lévanjil la té préché bay moun mouri yo, pou yo kapab tonbé an-ba jujman lèz-òm sélon la chè, min pou yo kapab viv nan léspri sélon Bon-Dieu.
7 La fin tout bagay prèt pou rivé. Donk, sé pou ou gin gnou léspri byin dispozé é sé pou kalmé tèt ou pou ou sa prié. ${ }^{8}$ Avan tout bagay, sé pou ou gin gnou gran lamou gnoun pou lòt, paské

Lamou kouvri gnou pil péché.
${ }^{9}$ Sé pou gnoun résévoua lòt lakay yo, san bougonnin.
10 Kòm bon jéran divès gras Bon-Dieu, sé pou chak moun anplouayé don li résévoua a pou sèvi lèz-òt. ${ }^{11} \mathbf{S i}$ gnou moun palé, sé pou li palé kòm si li t-ap anonsé Paròl Bon-Dieu; si gnou moun anchajé kèk zafè, sé pou li fè sa sélon fòs Bon-Dieu ba li, pou Bon-Dieu kapab jouinn la gloua nan tout bagay, pa mouayin Jézu-Kri. Sé pou li tout la gloua é tout puisans yé pou toujou é pou tout tan. Amèn!

Krélyin gin pou soufri tankou krélyin
12 Byinn-émé, pi-nga sézi
paské ou trouvé ou nan gnou founèz éprèv, kòm si sé gnou bagay ou pa-t éspéré ki rivé ou. ${ }^{13}$ O-kontrè, sé pou ou réjoui puiské ou patisipé nan soufrans Kris la yo, pou ou kapab réjoui san mézuré lè la gloua li va parét.
14 Si yo déréspékté ou pou tèt non Kris, ou byinn-éré; paské Léspri la gloua, Léspri Bon-Dieu a, an-ro ou. ${ }^{15} \mathrm{Min}$ sé pa pou pésonn nan pami ou soufri kòm gnou tuè-d-moun, kòm gnou vòlè, kòm gnou moun ki fè mal, ou byin gnou moun $k$-ap mélé nan travay lèz-òt. ${ }^{16} \mathrm{Min}$ si gnou moun soufri kòm krétyin, sé pa pou li ront, min sé pou li bay Bon-Dieu la gloua pou tèt non sa $\mathbf{a}$.
17 Paské lè égzat la rivé pou jujman an kòmansé nan kay Bon-Dieu. É si li kòmansé an prémié avèk nou, ki sa ki pral la fin sa yo ki pa obé Lévanjil Bon-Dieu a? ${ }^{18} \mathbf{E}$ si jus la sové avèk difikulté, ki sa ki pral rivé péchè a épi sila a ki méprizé Bon-Dieu? ${ }^{19}$ Sé pou sa yo $k$-ap soufri sélon volonté Bon-Dieu, rinmèt nanm yo bay Kréatè a ki fidèl, pandan y-ap fè sa ki byin.

Sé pou pran souin troupo Bon-Dieu a
5 Min égzòtasion mouin fè ansyin yo ki pami ou, mouin-minm ki gnou ansyin kòm yo-minm é ki sé gnou témouin soufrans Kris la yo, épi gnou patisipan la gloua ki pral parèt la: ${ }^{2}$ Pran souin troupo Bon-Dieu a ki sou kont ou, pa kòm si yo fósé
ou pou fè sa, min avèk bon vouloua, sélon Bon-Dieu; pa pou gnou vié gin, min avèk dévouman; ${ }^{3}$ pa kòm si ou ap dominé sou sa yo ki pòsion pa ou, min sé pou ou dévni modell troupo a. ${ }^{4}$ É lè pi gran Gadyin an va parèt, ou va résévoua kouròn la gloua a ki p-ap janm fétri.
5 Minm jan an, sé pou jèn yo soumèt an-ba ansyin yo; é nan tou sa ou ap fe gnoun pou lòt, sé pou ou abiyé ou avèk umilité, paské
Bon-Dieu pran pozision kont sa yo ki ògéyé,
Min li fè gras pou sa yo ki inb.
${ }^{6}$ Donk, umilié ou an-ba min Bon-Dieu ki puisan, pou li kapab lévé ou a-lè-kil-fo. ${ }^{7}$ Lagé tout tèt chajé ou sou li, paské sé li-minm ki pran souin ou.
8 Kalmé tèt ou, mété ou an gad; advèsè ou, diab la, apé monté-désann kòm gnou lion k-ap rélé, l-ap chaché ki lès pou li dévoré. ${ }^{9}$ Sé pou ou pran pozision kont li pandan ou kanpé fèm nan la foua, puiské ou konnin ké frè ou yo ki nan lé monn ap subi minm soufrans yo.
10 Min, Bon-Dieu tout klas gras, ki té fé ou lapèl nan la gloua étènèl li an Kris, apré ou fini soufri gnou ti tan, li va mété ou a-plon, li va rafèmi ou, li va fötifié ou, é li va fondé ou nèt. ${ }^{11}$ Sé pou li la puisans yé, pou toujou é pou tout tan. Amèn!

## Dènié salutasion

12 Sé pa mouayin Silvin ki
sé gnou frè fidèl, sélon sa mouin kouè, ké mouin ékri ou kèk mo sa yo, pou égzoté ou, é pou témouagné ba ou ké la gras Bon-Dieu ou kanpé ladann nan sé vrè gras la.
13 Légliz sa yo ki chouazi a

Babilòn avèk pitit mouin Mak, salué ou. ${ }^{14}$ Sé pou gnoun salué lòt avèk gnou bézé damou fratènèl.

La pè avèk tou sa yo nan pami ou ki an Kris.

## Dézièm lèt Piè ékri a

## Salutasion

1Simon Piè, sèvitè é apòt Jézu-Kri, ékri bay sa yo ki té résévoua an pataj gnou la foua ki gin minm valè avèk pa nou an, pa mouayin justis Bon-Dieu nou é Sovè nou Jézu-Kri: ${ }^{2}$ La gras é la pè avèk ou an grann kantité pa mouayin konnésans BonDieu é Jézu Ségnè nou!

## Patisipan nan natu Bon-Dieu a

3 Sé puisans Bon-Dieu ki ban nou tou sa ki nésésè pou la vi épi la dévosion avèk réspè pou Bon-Dieu, pa mouayin konnésans Sila a ki té fè nou lapèl pa mouayin pròp la gloua li avèk gran bonté li. ${ }^{4}$ Gras-a yo, li fè nou kado promes yo ki gran a lékstrèm é ki gin gran valè pou ou kapab dévni patisipan nan natu Bon-Dieu pa mouayin yo, pandan ou ap kouri pou kòrupsion ki gingnin nan lé monn a-kòz vié dézi. ${ }^{5}$ Pou tèt sa minm, sé pou ou fè tout éfò pou ajouté grann bonté an-ro la foua ou; é anro grann bonté a, konnésans; ${ }^{6}$ an-ro konnésans la, kontròl tèt; an-ro kontrol tèt la, pasians; an-ro pasians la, dévosion avèk réspè pou Bon-

Dieu; ${ }^{7}$ an-ro la dévosion avèk réspè pou Bon-Dieu, aféksion pou frè yo; é an-ro aféksion pou frè yo, lamou. ${ }^{8}$ Paské si bagay sa yo nan ou é yo la an kantité, yo p-apé kité ou aryinn-a-fe, ni san frui pou la konnésans Ségnè nou Jézu-Kri. ${ }^{9}$ Min sila a ki pa gin bagay sa yo, sé gnou avèg, li gin vizion kout, li blié ki jan ansyin péché li yo té nétouayé. ${ }^{10}$ Pou tèt sa, frè, fè tout éfó pou ou rafèmi lapè ou avèk choua ou la; paské lè ou fè bagay sa yo, ou p-apé janm buté. ${ }^{11}$ E konsa ou va résévoua gnou antré lib nan rouayòm étènèl Ségnè é Sovè nou Jézu-Kri.
12 Min pouki sa mouin va pran souin pou fè ou toujou sonjé bagay sa yo, malgré ou konnin yo é ou fèm nan la vérité ki la koun yé a. ${ }^{13}$ Poutan mouin trouvé sa kòm gnou dévoua, tout tan mouin nan kò sa a, pou mouin kinbé ou an révèy avèk kèk avètisman, ${ }^{14}$ paské mouin konnin ké byinto mouin pralé kité kay mouin sa a, kòm Ségnè nou Jézu-Kri té fè mouin konnin sa. ${ }^{15} \mathrm{Min} \mathrm{m}$-a fè éfò mouin pou ou kapab sonjé bagay sa yo apré dépa mouin.

Témouin la gloua Kris la yo
16 Ann-éfè, sé pa avèk bèl fab ki byin ranjé ké nou té fè ou konnin puisans é lavènman Ségnè nou Jézu-Kri, min sé kòm si nou té ouè grandè li avèk pròp jé nou. ${ }^{17}$ Paské li té résévoua lonnè avèk la gloua nan min Bon-Dieu Papa a , lè nan grandè la gloua li, Bon-Dieu té di: Sila a sé Pitit byinn-émé mouin; sé nan li mouin pran plézi. ${ }^{18}$ É nou té tandé voua sa a soti nan sièl la lè nou té nan mòn sin an avèk li. ${ }^{19}$ Épi nou konsidéré paròl profèt yo té palé a kòm gnou bagay ki sètin anpil; ou fè byin dèské ou fè parol sa a ka, kòm si sé gnou lanp k-apé kléré nan gnou plas ki noua, jouk lè jou a parèt é ké zétoual matin an lévé nan kè ou; ${ }^{20}$ puiské ou konnin tou dabò ké pa gingnin okinn profési Lékritu ki doué résévoua gnou intèprétasion a-pa, ${ }^{21}$ paské sé pa pa la volonté gnou nonm ké profési janm vini, min sé lè lé Sint-Espri té pousé yo, ké déz-òm té palé sa ki soti nan Bon-Dieu.

## Profet avèk profésè yo ki fo

2Sépandan, té gingnin foprofèt pami pèp la, é konsa tou va gingnin foprofésè pami ou, ki va sèvi avèk ruz pou prézanté kèk doktri-n pèdision; yo va minm nié Mèt la ki té rachté yo, konsa yo va atiré sou tèt yo gnou déstruksion byin vit. ${ }^{2}$ Pluziè va suiv yo nan dézòd yo; é a-kòz yo, moun
va palé rout la vérité a mal. ${ }^{3}$ A-kòz dézi pou yo gingnin plus, yo va fè trafik an-ro tèt ou pa mouayin paròl tronpri yo, min jujman yo ki pasé dépi lontan p-ap pa akonpli, ni déstruksion yo p-ap duré lontan san li pa rivé.
4 Paské si Bon-Dieu pa té épagné zanj yo ki té péché, min ké li té lagé yo nan trou nouasè é li rézėvé yo la pou jujman; ${ }^{5}$ é si li pa té épagné monn ansyin an, éksépté Noé, prédikatè la justis, avèk sèt Iòt, lè li té fè déluj̣ la vini sou moun yo ki té rayi Bon-Dieu; ${ }^{6}$ si li té kondané vil Sodòm avèk Gomòr pou yo détrui é ké li té fè yo tounin sann, pou li bay yo kòm égzanp pou lòt sa yo ki va rayi Bon-Dieu nan lavni; ${ }^{7}$ é si li té délivré Lod, jus la, ki té toumanté anndan li a-kòz konduit mésié déréglé sa yo ${ }^{8}$ (paské jus sa a ki té rété pami yo, té pran anpil kalkul chak jou a-kòz vié zaksion krim li té konn tandé é ouè yo fè); ${ }^{9}$ lé Ségnè konn délivré nan léprèv moun ki krinn BonDieu, min li rézèvé injus yo pou punision nan jou jujman an, ${ }^{10}$ éspésialman sa yo k-apé kouri dèyè la chè nan tout dézi salté é ki méprizé lotorité.
Yo odasié, yo arogan, yo pa krinn pale gloua yo mal, ${ }^{11}$ tandis ké zanj yo ki supériè pasé yo an fòs é an puisans pa prononsé gro parol jujman kont gloua yo dévan lé Ségnè. ${ }^{12}$ Min yominm, kòm zannimo sankonprann, ki fèt pou gnou
vi naturèl sèlman, ki déstiné pou yo pran yo é pou yo détrui yo, yo palé gro vié paròl kont sa yo pa konnin, é yo va péri nan pròp kòrupsion yo; ${ }^{13}$ konsa yo va rèsévoua rékonpans injustis yo. Yo pran plézi pou yo lagé kò yo nan débòch an plin jou; òm souyé é plin défo, yo kontanté yo nan pròp érè yo, pandan y-ap fè banbòch avèk ou. ${ }^{14}$ Jé yo plin avèk adultè é yo gin gnou souaf san rété pou péché; yo sédui nanm yo ki pa byin fèm; kè yo gin tan égzèsé pou yo toujou vlé plus pasé sa yo gingnin; sé pitit madichon yo yé. ${ }^{15}$ Yo pati kité chémin douat la, yo égaré é yo pran suiv chémin Balaam, pitit Bozòr, ki té rinmin rékonpans injustis la; ${ }^{16} \mathrm{~min}$ li té résévoua gnou réprimann pou pròp transgrésion li: gnou bourik ki pa konn palé, té palé kòm gnou nonm é té réprann profèt la nan foli li.
17 Sé sous san dlo moun sa yo yé, sé nuay ké toubiyon van ap poté alé: nouasè ténèb apé rété tann yo. ${ }^{18}$ Avèk gro diskou san valè, avèk vié dézi la chè é nan dézòd yo, yo sédui sa yo ki fèk chapé an-ba min mésié yo k-apé viv nan lérè. ${ }^{19}$ Mésié sa yo promèt yo libèté, tandis ké yo-minm sé ésklav kòrupsion yo yé; paské chak moun sé ésklav sa ki trionfé sou lia.
${ }^{20}$ Ann-éfè, si yo chapé anba salté lé monn pa mouayin konnésans lé Ségnè é Sovè Jézu-Kri, é ké yo tounin mélé ladan yo ankd, épi salté a
trionfé sou yo, dènié kondision yo a pi mal pasé prémié a. ${ }^{21}$ Paské sa ta vo mié pou yo pa ta konnin chémin la justis la, pasé pou yo konnin li épi pou yo viré do yo bay kòmandman sin ké yo té résévoua a. ${ }^{22}$ Sa vré provèb la di a vi-n rivé yo: Chin an tounin alé dèyè sa li té vomi an, é kochon yo té nétouayé a, alé bingnin nan labou.

## Promès la ké lé Ségnè ap vini

3Byinn-émé, sa sé déja dézièm lèt mouin ékri ou. Nan tou lé đé mouin chaché révéyé léspri ou ki pròp avèk kèk avètisman, ${ }^{2}$ pou ou kapab sonjé bagay profèt yo ki sin té a-nonsé dépi davans épi kòmandman lé Ségnè é Sovè a ké apòt ou yo té anségné ou. ${ }^{3}$ Avan tou sé pou ou konnin ké nan dènié jou yo, kèk mokè va vini ap moké, ap maché sélon pròp vié dézi yo. ${ }^{4}$ Yo va di: Koté promès avènman li a? Paské dépi gran paran yo mouri, tout bagay rété minm jan kòm dépi o komansman kréasion an.
5 Ann-éfè, yo pran pòz pa konnin ké nan tan lontan sièl yo té ann-ékzistans pa mouayin parol Bon-Dieu, osi byin gnou tè ki té soti nan dlo é ki té fèt pa mouayin dlo; ${ }^{6}$ é ké sé pa mouayin bagay sa yo ké monn tan lontan an té péri an-ba dlo déluj. ${ }^{7}$ Min sièl yo avèk tè a ki la koun yé a, yo la an rézèv pou dufé, pa mouayin minm paròl la; yo la ap $\operatorname{tann}$ jou jujman an é déstruksion
mésié yo ki méprizé BonDieu.
8 Min gin gnou bagay ou doué konprann, byinn-émé, sè ké gnou jou pou lé Ségnè sé kòm mil an é mil an sé kòm gnou jou. ${ }^{9}$ Lé Ségnè pa an réta avèk promès la, kòm kèk moun pansé li an réta, min l-apé pran pasians pou tèt ou; li pa vlé pésonn péri, min ké tout moun vi-n répanti. ${ }^{10}$ Jou lé Ségnè a va vini kòm gnou vòlè; lè sa a sièl yo va pasé avèk gnou kantité brui, é éléman yo an flanm va défini, épi la tè avèk zèv ki ladan li, va konsonmin.
11 Puiské tout bagay sa yo gin pou fonn, èské ou pa ta doué sin nan konduit ou avèk dévosion é réspè pou BonDieu, ${ }^{12}$ pandan ou ap tann é an présman pou lavènman jou Bon-Dieu a? Nan jou sa a sièl yo tout-an-dufé va défini é éléman yo tout-anflanm va fonn nèt. ${ }^{13}$ Min sélon promès li, n-apé tann siel ki tou nèf avèk gnou tè
ki tou nèf, koté la justis rété.
14 Pou tèt sa, byinn-émé, pandan ou ap tann bagay sa yo, fè éfò pou li jouinn ou san tach é san fòt, nan la pè. ${ }^{15}$ Sé pou ou konprann ké pasians Ségnè nou sé salu, minm jan byinn-émé frè nou, Pòl, té ékri ou tou, sélon sajès li té résévoua. ${ }^{16}$ Sé konsa li palé nan tout lèt li yo a-léga bagay sa yo; nan lèt sa yo gingnin kèk pouin ki difisil pou konprann, ké moun ignoran yo é ki pa byin fèm tòdé sans yo kòm yo fè avèk rès lèz-Ekritu, pou pròp pèdision yo.
17 Sépandan ou-minm, byinn-émé, puiské ou avèti, mété ou an gad pou ou pa kité égaréman mésié déréglé yo trinnin ou alé, épi pou vi-n pèdu pròp fèmté ou. ${ }^{18} \mathrm{Min}$ sé pou ou grandi nan la gras é nan la konnésans Ségnè é Sovè nou Jézu-Kri. Sé pou li la gloua yé koun yé a é pou tout tan! Amèn!

## Prémié lèt Jan ékri a

Paròl la oi a

1Sa ki té dépi o kòmansman, sa nou té tandé, sa nou té ouè avèk jé nou, sa nou té admiré avèk atansion é ké min nou té touché, a-léga Parol la vi $a,-{ }^{2}$ é la vi té ma-nifésté, é nou té ouè li é n-ap rann li témouagnaj é n-ap a-nonsé ba ou la vi étènèl, ki té avèk Papa a é ki té ma-nifésté dévan nou, -
${ }^{3}$ sa nou té ouè é tandé, n-ap a-nonsé li ba ou, afin ké ouminm tou kapab gin konmunion avèk nou. E konmunion nou sé vrèman avèk Papa a é avèk Pitit li JézuKri. ${ }^{4}$ E nou ékri bagay sa yo afin ké la joua nou kapab konplèt.

## Bon-Dieu sé lumiè

5 Min mésaj la nou té tandé li ban nou é ké n-ap a-nonsé
ba ou, sè ké Bon-Dieu sé lumiè é pa gin ténèb nan li du tou. ${ }^{6} \mathrm{Si}$ nou di nou gin konmunion avèk li épi n-ap maché nan ténèb, nou fè manti é nou p-ap pratiké la vérité. ${ }^{7}$ Min si n-ap maché nan la lumiè, tankou li-minm nan la lumiè, nou gin konmunion gnoun avèk lòt, é san Jézu Pitit li nétouayé nou, ouété tout péché.
8 Si nou di nou pa gin péché, n-ap tronpé pròp tèt nou é la vérité pa nan nou. ${ }^{9} \mathrm{Si}$ nou konfésé péché nou yo, li fidèl é jus pou padonnin nou péché nou yo é pou nétouayé nou ouété tout i-nikité. ${ }^{10}$ Si nou di ké nou pa té péché, n-ap fè li pasé pou gnou mantè é parol li pa nan nou.

## Kris sé avoka nou

2Ti pitit mouin yo, mouin ékri ou bagay sa yo afin ké ou pa péché. Min si gnou moun péché, nou gin gnou avoka koté Papa a, Jézu-Kri jus la. ${ }^{2}$ E li-minm sé sakrifis pou péyé dèt péché nou, é sé pa sèlman pou péché pa nou yo, min sé pou péché lé monn antié tou.
3 É si nou gadé kòmandman li yo, sé nan sa nou konnin ké nou té konnin-l. ${ }^{4}$ Sila a ki di: Mouin té konnin-l, é ki p-ap gadé kòmandman li yo, sé gnou mantè, é la vérité pa nan moun sa a. ${ }^{5} \mathrm{Min}$ moun ki gadé paròl li, lamou Bon-Dieu vrèman déja pafèt nan li: nan sa, nou konnin ké sé nan Li-minm nou yé. ${ }^{6}$ Sila a ki di li déméré nan

Li, doué maché tou minm jan Li té maché.

## Kòmandman nouvo a

7 Byinn-émé, mouin pa ékri ou gnou komandman nouvo, min gnou kòmandman ansyin ké ou té gingnin dépi o kòmansman; komandman ansyin sa a sé la paròl ké ou té tandé. ${ }^{8}$ Sépandan, sé gnou kòmandman nouvo ké m-ap ékri ou, sa ki vré nan li é nan ou, paské ténèb apé pasé é vré lumiè a ap kléré déja. ${ }^{9}$ Sila a ki di li nan la lumiè, é ki rayi frè li, li nan ténèb toujou. ${ }^{10}$ Sila a ki rinmin frè li, déméré nan la lumiè, é pa gingnin okinn okazion nan li pou fè tonbé. ${ }^{11}$ Min sila a ki rayi frè li, li nan ténèb, l-ap maché nan ténèb, é li pa konnin ki koté li pralé, paské ténèb fè jé li avèg.
12 Mouin ékri ou, ti pitit yo paské péché ou yo padonnin pou-tèt non Li. ${ }^{13}$ Mouin ékri ou, papa yo, paské ou té konnin Sila a ki la dépi o komansman. Mouin ékri ou, jèn jan yo, paské ou té pòté la viktoua sou malin an.
Mouin té ékri ou, ti moun yo, paské ou té konnin Papa a. ${ }^{14}$ Mouin té ékri Ou, papa yo, paské ou té konnin Sila a ki la dépi o kòmansman. Mouin té ékri ou, jèn jan yo, paské ou fó é ké la parol Bon-Dieu déméré nan ou, é ké ou gin tan pòté la viktoua sou malin an.
15 Pi-nga ou rinmin lé monn ni bagay yo ki nan lé monn. Si gnou moun rinmin lé monn, lamou Papa a pa
nan li; ${ }^{16}$ paské tou sa ki nan lé monn, sé mové dézi la chè, mové dézi jé épi lògèy la vi, ki pa sòti nan Papa a, min ki sòti nan lé monn. ${ }^{17}$ E lé monn ap pasé avèk vié dézi li; min sila a ki fè volonté Bon-Dieu déméré pou tout tan.

## Antékris la

18 Ti moun yo, sé dènié lè a, é kòm ou té tandé antékris gin pou vi-ni, minm koul-yé-a anpil déja dévni antékris: pou-tèt sa nou konnin ké sé dènié lè a. ${ }^{19}$ Sé nan pami nou yo té sòti, min yo pa té moun pa nou; paské si yo té moun pa nou, alò yo ta rété avèk nou; min fòk yo té ma-nifésté ké tout pa fè pati pa nou.
20 Kant-a ou-minm, ou résévoua konsékrasion nan min Sila a ki sin, é tout nan pami ou gin konnésans. ${ }^{21}$ Mouin pa té ékri ou paské ou pa-t konnin la vérité, min paské ou konnin-l, é paské okinn manti pa sòti nan la vérité. ${ }^{22} \mathrm{Ki}$ lès ki mantè, si sé pa sila a ki nié ké Jézu sé lé Kris? Sé antékris la, sila a ki nié ni Papa a ni Pitit la. ${ }^{23}$ Ninpòt moun ki nié Pitit la, li pa gin Papa a non plus; sila a ki déklaré Pitit la ouvètman, gin Papa a tou.
24 Kant-a ou-minm, sa ou té tandé dépi o kòmansman, sé pou li déméré nan ou. Si sa ou té tandé dépi o kòmansman déméré nan ou, ou va déméré tou nan Pitit la é nan Papa a. ${ }^{25}$ É promès la ké Liminm té fè nou, sé la vi étènèl.

26 Mouin té ékri ou bagay sa yo a-léga moun sa yo k-ap égaré ou. ${ }^{27}$ Kant-a ou, konsékrasion an ké ou té résévoua nan min Li déméré nan ou, é ou pa bézouin pèsonn pou anségné ou; min kòm konsékrasion li ap anségné ou a-léga tout bagay, é kòm li vré é li pa gnou manti, sé pou ou déméré nan li, minm jan li té anségné ou.
28 É koul-yé-a, ti pitit yo, déméré nan li, afin ké lè li va ma-nifésté, nou kapab gin asurans é ké nou p-ap kouvri avèk ront dévan li, ni pousé louin li, lè li parèt. ${ }^{29} \mathrm{Si} \mathrm{ou}$ konnin ké li jus, sé pou rékonnèt tou ké ninpòt moun ki fè sa ki jus té pran nésans nan li.

## Pitit Bon-Dieu yo

3 Gadé ki klas lamou Papa 3 a montré anvè nou, pou nou kapab pòté non pitit BonDieu! É sé sa nou yé. Si lé monn pa pékonnèt nou, sé paské li pa té rékonnèt Li. ${ }^{2}$ Byinn-émé, koul-yé-a nou sé pitit Bon-Dieu, é sa nou va yé pa ko ma-nifésté. Min nou konnin ké lè sa va manifésté, nou va sanblé avèk Li, paské nou va ouè Li jan (Li yé. ${ }^{3}$ Ninpòt moun ki gin) éspoua sa a nan li purifié tèt li li-minm, minm jan Sila a pu.
4 Ninpòt moun ki konmèt péché violé la loua, é violé la loua sé péché. ${ }^{5}$ É ou konnin ké Jézu té ma-nifésté-l li-minm pou ouété péché yo, é pa gin okinn péché nan li. ${ }^{6}$ Ninpòt moun ki déméré nan

Li pa-p péché; é ninpòt moun k-ap péché, pa té ouè Li ni pa-t konnin-L.
7 Ti pitit yo, pi-nga kité pèsonn tronpé ou. Moun ki pratiké la justis, li jus, minm jan Sila a jus. ${ }^{8}$ Moun ki pratiké péché sé pou diab li yé, paské diab la ap péché dépi o kòmansman. Pitit Bon-Dieu a té ma-nifésté pou détoui zèv diab la yo.
9 Ninpòt moun ki té pran nésans nan Bon-Dieu pa-p plédé fè péché, paské sémans Bon-Dieu a déméré nan li; é li pa kapab pratiké péché, paské li té pran nésans nan Bon-Dieu. ${ }^{10}$ Sé nan sa ké nou rèkonnèt pitit yo ki pa Bon-Dieu é pitit yo ki pa diab la. Ninpòt moun ki pa fè sa ki jus pa moun pa BonDieu, ni non plus sa a ki pa rinmin frè li.
11 Ann-éfè, min mésaj la ké ou té tandé dépi o kòmansman, sè ké nou gnoun doué rinmin lòt; ${ }^{12}$ sé pa pou nou sanblé avèk Kayin ki té moun malin an, é ki té tué frè li. É pou ki rézon li té tué li? Paské zèv li yo té mové, min zèv pa frè li té jus. ${ }^{13}$ Pi-nga sézi, frè, si lé monn rayi ou. ${ }^{14}$ Kant-a nou, nou konnin ké nou gin tan sodti nan la mò antré nan la vi, paské nou rinmin frè yo. Moun ki pa rinmin ap déméré nan la mó. ${ }^{15}$ Ninpòt moun ki rayi frè li sé gnou ansasin li yé, é ou konnin ké okinn ansasin pa gin la vi étènèl ap déméré nan li.
16 Min nan ki sa nou té rékonnèt lamou, sè ké Sila a
té bay la vi li pou nou; nouminm tou, nou doué bay la vi nou pou frè yo. ${ }^{17}$ Si gnou moun posédé kèk byin isi-ba, épi li konstaté ké frè li nan bézouin, é ké li fèmin zantray li kont li, kouman lamou Bon-Dieu déméré nan li?
18 Ti pitit yo, sé pa pou nou rinmin an paròl ni avèk lang, min avèk zèv yo é an vérité. ${ }^{19}$ Sé nan sa nou va konnin ké nou fè pati la vérité, é nou va kinbé kè nou asuré dévan Li; ${ }^{20}$ paské si kè nou kondané nou, Bon-Dieu pi gran pasé kè nou é Li konnin tout bagay. ${ }^{21}$ Byinn-émé, si kè nou pa konda-né nou, nou gin asurans dévan Bon-Dieu. ${ }^{22}$ É ninpòt ki sa nou mandé, nou résévoua-1 nan min Li , paské nou gadé kòmandman Li yo, é paské nou pratiké bagay ki fè Li plézi. ${ }^{23}$ E min kómandman Li a: Sé pou nou kouè nan non Pitit li a Jézu-Kri, é pou nou gnoun rinmin lòt, minm jan Li té ban nou komandman an. ${ }^{24}$ Moun ki gadé kòmandman li yo, déméré nan Bon-Dieu é Bon-Dieu nan li; é nou konnin ké Li déméré nan nou pa mouayin Léspri a ké Li té ban nou.

## Léspri Bon-Dieu é léspri antékris

4 Byinn-émé, pi-nga mété konfians ou nan tout léspri; min sondé léspri yo pou ouè si yo sòti nan Bon-Dieu, paské anpil fo profèt vi-ni nan lé monn. ${ }^{2}$ Min nan ki sa ou rékonnèt Léspri Bon-Dieu a: tout léspri ki déklaré
ouvètman Jésu-Kri ki té vi-ni nan la chè, sòti nan BonDieu; ${ }^{3}$ é tout léspri ki pa déklaré ouvètman Jézu, li pa sòti nan Bon-Dieu: sa sé léspri antékris la; ou té tandé l-ap vi-ni, é koul-yé-a li déja nan lé monn.
4 Ou-minm, ti pitit yo, sé moun Bon-Dieu ou yé, é ou gin tan pòté la viktoua sou yo, paské Sila a ki nan ou pi gran pasé sila a ki nan lé monn. ${ }^{5}$ Yo-minm, sé moun lé monn yo yé; pou-tèt sa yo palé dapré lé monn, é lé monn kouté yo. ${ }^{6}$ Kant-a nou, nou sé moun Bon-Dieu; moun nan ki konnin BonDieu, li kouté nou; sila a ki pa moun Bon-Dieu, li pa kouté nou: sé nan sa nou konnin léspri la vérité é léspri égaréman an.

## Bon-Dieu sé lamou

7 Byinn-émé, sé pou nou gnoun rinmin lòt; paské lamou sòti nan Bon-Dieu, é ninpòt moun ki rinmin, li té pran nésans nan Bon-Dieu é li konnin Bon-Dieu. ${ }^{8}$ Moun ki pa rinmin pa té konnin Bon-Dieu, paské Bon-Dieu sé lamou. ${ }^{9} \mathrm{Min}$ nan ki sa lamou Bon-Dieu té ma-nifésté anvè nou, sè ké Bon-Dieu té voyé sèl Pitit li nan lé monn pou nou kapab viv pa mouayin Li. ${ }^{10} \mathrm{Min} \mathrm{ki}$ sa lamou a yé, sé pa ké nou té rinmin Bon-Dieu, min ké Bon-Dieu té rinmin nou é Li té voyé Pitit li kòm sakrifis pou péyé dèt péché nou yo. ${ }^{11}$ Byinn-émé, si Bon-Dieu té
rinmin nou konsa, nou-minm tou, nou gnoun doué rinmin lòt.
12 Pèsonn pa-t janm ouè Bon-Dieu; si nou gnoun rinmin lòt, Bon-Dieu déméré nan nou é lamou li vi-n pafèt nan nou. ${ }^{13}$ Nou konnin ké nou déméré nan Li é ké Li déméré nan nou paské $\mathbf{L i}$ té ban nou nan Léspri li. ${ }^{14}$ Kant-a nou, nou té ouè é nou rann témouagnaj ké Papa a té voyé Pitit la kòm Sovè lé monn. ${ }^{15}$ Ninpòt moun ki déklaré ouvètman ké Jézu sé Pitit Bon-Dieu, Bon-Dieu déméré nan li é li-minm nan Bon-Dieu. ${ }^{16}$ E nou-minm, nou gin tan konnin é nou gin tan konfié nou nan lamou ké Bon-Dieu gin pou nou. BonDieu sé lamou; é moun ki déméré nan lamou déméré nan Bon-Dieu, é Bon-Dieu déméré nan li.
17 Sé nan sa lamou gin tan pafèt nan nou, pou nou kapab gin asurans nan jou jujman an, paské minm jan Sila a yé, sé konsa tou nou yé nan monn sa a. ${ }^{18} \mathbf{P a}$ gingnin pèrèz nan lamou, min lamou ki pafèt pousé pèrèz déyò; paské pèrèz gin chatiman, é moun ki gin pèrèz pa ko pafèt nan lamou. ${ }^{19}$ Kant-a nou, nou rinmin Li , paské Li té rinmin nou an prémié.
20 Si gnou moun di: Mouin rinmin Bon-Dieu, épi li rayi frè li, li sé gnou mantè. Paské moun ki pa rinmin frè li ké li ouè, kouman pou li fè rinmin Bon-Dieu kéli pa ouè? ${ }^{21}$ Min kòmandman ké nou té résévoua nan min $L i$ :

Moun ki rinmin Bon-Dieu doué rinmin frè li tou.

## Sé la foua ki pòté la oikloua sou lé monn

5 Ninpòt moun ki kouè ké Jézu sé lé Kris, li té pran nésans nan Bon-Dieu, é ninpòt moun ki rinmin Sila a ki bay nésans la, rinmin sila a tou ki pran nésans nan li. ${ }^{2}$ Nou konnin ké nou rinmin pitit Bon-Dieu a yo, lè nou rinmin Bon-Dieu é lè n-ap obéi kòmandman li yo. ${ }^{3}$ Paské, min nan ki sa lamou Bon-Dieu yé, sé lè nou obéi komandman li yo. E kòmandman li yo pa rèd, ${ }^{4}$ paské ninpòt moun ki té pran nésans nan Bon-Dieu, pòté la viktoua sou lé monn; é sa ki poté viktoua a sou lé monn, sé la foua nou. ${ }^{5} \mathrm{Ki}$ lès ki póté la viktoua sou lé monn si sé pa sila a ki kouè ké Jézu sé Pitit Bon-Dieu?

## Témouagnaj Léspri a

6 Sé Li-minm, Jézu-Kri, ki té vi-ni avèk dlo é avèk san; pa sèlman avèk dlo, min avèk dlo é avèk san tou; é sé Léspri a $k$-ap rann témouagnaj, paské sé la vérité ké Léspri a yé. ${ }^{7}$ Gingnin toua k-ap rann témouagnaj: ${ }^{8}$ Léspri a, dlo a avèk san an, é toua sa yo dakò.
9 Si nou résévoua témouagnaj lèz òm, témouagnaj pa Bon-Dieu a pi gran; é témouagnaj Bon-Dieu a, sè ké li rann témouagnaj pou Pitit li. ${ }^{10}$ Moun ki kouè nan Pitit Bon-Dieu a, gin témouagnaj
sa a nan li-minm. Moun ki pa kouè Bon-Dieu, li fè BonDieu pasé pou gnou mantè, paské li pa kouè témouagnaj la ké Bon-Dieu té rann pou Pitit li. ${ }^{11}$ E min témouagnaj sa a, sè ké Bon-Dieu té ban nou la vi étènèl, é ké la vi sa a sé nan Pitit li. ${ }^{12}$ Moun ki gin Pitit la, gin la vi; moun ki pa gin Pitit Bon-Dieu a, pa gin la vi.

## Konnésans la vi étènèl

13 Mouin té ékri ou bagay sa yo pou ou kapab konnin ké ou gin la vi étènèl, ouminm ki kouè nan non Pitit Bon-Dieu a.
14 Nan Li nou gin asurans ké si nou mandé kichoy sélon volonté li, Li kouté nou. ${ }^{15}$ E si nou konnin ké Li kouté nou, ninpòt ki bagay nou mandé Li, nou konnin ké nou résévoua sa nou té mandé Lia.
16 Si gnou moun ouè frè li ap konmèt gnou péché ki pa kondui nan la mò, sé pou li prié, é Bon-Dieu va bay frè sa a la vi, sa sé pou sa yo ki konmèt péché ki pa kondui nan la mó. Gingnin gnou péché ki kondui nan la mò; sé pa pou péché sa a ké mouin di pou yo prié. ${ }^{17}$ Tout injustis sé péché, min gingnin péché ki pa kondui nan la mó.
18 Nou konnin ké ninpòt moun ki té pran nésans nan Bon-Dieu, pa pratiké péché; min moun ki té pran nésans nan Bon-Dieu véyé pròp kò li, é malin an pa touché li. ${ }^{19}$ Nou konnin ké nou sé moun Bon-Dieu, é ké lé monn



Nonm infim a nan pòt tanp la
Travay Apòt 3:
antié an-ba puisans malin an. (é nou nan Sila ki vré a, nan ${ }^{20}$ Nou konnin tou ké Pitit Bon-Dieu a déja vi-ni, é ké li té ban nou intélijans pou nou rékonnèt Sila a ki vré;

Pitit li a, Jézu-Kri. Sé liminm ki vré Bon-Dieu a é la vi étènèl. ${ }^{21} \mathrm{Ti}$ pitit yo, pinga ou mélé avèk zidol yo.

## Dézièm lèt Jan ékri a

## Salutasion

1 Ansyin an ékri Kiria, ki moun chouazi, avèk pitit li yo, ké mouin rinmin nan la vérité, -é sé pa mouin sè ki rinmin yo, min tout moun tou ki té konnin la vérité, - ${ }^{2}$ a-kòz la vérité ki déméré nan nou, é ki va avèk nou pou tout tan: ${ }^{3}$ Sé pou la gras, la mizérikod é la pé ki soti nan Bon-Dieu Papa a é nan Jézu-Kri Pitit Papa a, avèk ou nan la vérité é nan lamou.

## Déméré nan doklri-n Kris

4 Mouin té réjoui anpil dèské mouin té jouinn kèk pami pitit ou yo ap maché nan la vérité, sélon kòmandman ké nou té résévoua nan min Pa pa a. ${ }^{5}$ E koul-yé-a, sa m-ap mandé ou, Kiria, - sé pa kòm si m-ap ékri ou kòmandman ki nouvo, min sé sa nou té gingnin dépi o kòmansman, - sé pou nou gnoun rinmin lòt. ${ }^{6}$ E min ki sa lamou yé, sè ké nou maché sélon kómandman li yo. E kòmandman an sè ké nou maché ladan li, minm jan nou
té tandé li dépi o kòmansman.
7 Paské anpil tronpè antré nan lé monn, ki pa déklaré ouvètman ké Jézu-Kri vi-ni nan la chè; moun ki kon sa ap tronpé moun é sé antékris li yé. ${ }^{8}$ Pran gad a ou-minm, pou ou pa pèdu rézulta travay ou, min pou ou kapab résévoua gnou rékonpans konplèt. ${ }^{9}$ Ninpòt moun ki dépasé anségnman Kris é ki pa déméré ladann, pa gin Bon-Dieu; moun ki déméré nan anségnman sa a, li gin Papa a é Pitit la. ${ }^{10}$ Si gnou moun vi-ni jouinn ou é li pa pòté anségnman sa a, pi-nga résévoua li lakay ou, é pi-nga salué li kòm frè. ${ }^{11}$ paské mọn ki salué li kòm frè, ap patisipé nan mové zèv li yo.

## Projè pou gnou vizil

12 Mouin gin anpil bagay ké mouin ta ékri ou, min mouin pa vlé fè li avèk papié é lank; min mouin éspéré vi-n ouè ou, é alò nou va palé bouch-a-bouch, pou la joua nou kapab konplèt.
13 Pitit sè ou la yo, sila ki chouazi $a$, salué ou.

## Touazièm lèt Jan ékri a

## Salutasion

1 Ansyin an ékri Gayus, byinn-émé a ké mouin rinmin nan la vérité.
2 Byinn-émé, mouin souété ké ou fè progrè nan tout bagay é ké kò ou an bon santé minm jan nanm ou an bon santé. ${ }^{3}$ Mouin té réjoui anpil lè kèk frè té rivé é té rann témouagnaj pou la vérité ki nan ou, jan ou-ap maché nan la vérité. ${ }^{4} \mathrm{Pi}$ gran joua mouin gingnin, sé pou-m tandé ké pitit mouin yo ap maché nan la vérité.
Gnou konpliman pou lospitalite Gayus 5 Byinn-émé, ou aji fidèlman nan sa ou fè pou frè yo é minm pou sa yo ki étranjé, ${ }^{6} \mathrm{ki}$ té rann témouagnaj pou lamou ou, dévan légliz. Ou va aji byin si ou pran souin dépa yo gnou fason ki fè Bon-Dieu plézi. ${ }^{7}$ Paské sé a-kòz non Jézu-Kri ké yo té pati san résévoua angnin nan min payin yo. ${ }^{8}$ Ald, nou doué byin résévoua moun kon sa, pou nou kapab ouvrié ansanm avèk yo nan la vérité.

## Diotrèf fè opozision

9 Mouin té ékri légliz la
kèk bagay; min Diotrèf, ki rinmin prémié plas pami yo, pa résévoua nou. ${ }^{10} \mathrm{~A}-\mathrm{kozz}$ sa, si mouin vi-ni, m-a fè sonjé zak yo ké l-ap konmèt, pa mouayin fos akuzasion li kont nou; li pa kontanté li fè sa; kant-a li, li pa résévoua frè yo, é tou sa yo ki vlé résévoua yo, li anpéché yo, é li chasé yo déyò légliz la.

Démétrius résévoua bon témouagnaj
11 Byinn-émé, pa imité sa ki mal, min sa ki byin. Moun ki fè sa ki byin, sé moun BonDieu li yé; moun ki fè sa ki mal, pa té ouè Bon-Dieu.
12 Kant-a Démétrius, li résévoua bon témouagnaj tout moun é témouagnaj la vérité tou; é nou-minm tou, nou rann li témouagnaj, é ou konnin ké témouagnaj nou sé vré.

## Dènié salutasion

13 Mouin gin anpil bagay pou ékri ou, min mouin pa dispozé pou ékri ou avèk lank é plum. ${ }^{14}$ Mouin éspéré ouè ou tout-a-lè, ald nou va palé bouch-a-bouch. ${ }^{15}$ Sé pou la pé avèk ou!
Zanmi yo salué ou. Salué zanmi yo, chak moun an patikulié.

## Lèt Jud ékri a

## Salutasion

1 Jud, sèvitè Jézu-Kri, é ki frè avèk Jak, ékri bay sa yo ki résévoua apèl, sa yo ké Bon-Dieu Papa a rinmin é ki prézèvé pou Jézu-Kri: ${ }^{2}$ Sé pou la mizérikòd é la pé é lamou avèk ou an kantité!

## Konbat pou la foua

3 Byinn-émé, kòm mouin té gin gran dézi pou ékri ou a-léga minm salu a ki pou nou tout, mouin sou obligasion fè sa minm pou ékzòté ou pou pran défans la foua ki té rémèt bay moun ki sin yo, gnou sèl foua pou tout. ${ }^{4}$ Paské gingnin kèk zòm ki fofilé kò yo pami ou, dèz òm ki gin jujman ékri pou yo dépi lontan, dèz òm ki kont Bon-Dieu, ki chanjé la gras Bon-Dieu fè li tounin an dézòd, é ki nié sèl mèt la é Ségnè nou Jézu-Kri.

## Jujman kont fo dokte yo

5 Mouin vlé fè ou sonjé, malgré ou konnin byin tout bagay sa yo, ké lé Ségnè, lè li té fi-n sové pèp la é ouété li nan péyi Léjip, li té détoui moun yo ki pa-t kouè. ${ }^{6}$ E zanj yo ki pa-t gadé prémié éta yo, min ki té abandonnin pròp démè yo, li rézèvé yo anchinnin tout tan nan ténèb, ann-atandan gran jou jujman an; ${ }^{7}$ minm jan avèk Sodòm é Gomòr é vil oz-anviron yo, ki té livré tèt yo nan minm klas dézòd la chè, é ki té
pousuiv dé vis ki pa naturèl, yo plasé vil sa yo kòm ékzanp, pandan ké yo subi punision gnou dufé pou tout tan.
8 Malgré sa, mésié sa yo tou $k$-ap pousuiv pròp rèv pa yo, yo sal chè yo dé la minm fason, yo méprizé otorité, é yo palé mal kont sa yo ki glorié. ${ }^{9}$ Minm lakanj Michèl, lè li t-ap kontésté avèk diab la pou kò Moiz, li pa-t ozé pro-nonsé kont li gnou jujman ki ta manké li déga, min li té di: Sé pou lé Ségnè réprann ou! ${ }^{10}$ Yo-minm, o kontrè, yo palé mal kont sa yo pa minm konnin, é yo kòronpu nan sa yo konnin pa mouayin natu, kom zannimo san rézon. ${ }^{11}$ Malè pou yo! paské yo pran diréksion chémin Kayin, pou yo sa fè kòb yo jété tèt yo nan égaréman Balaam nan, é yo pèdu tèt yo nan rébélion Koré a.
12 Moun sa yo sé tankou résif nan la mè yo yé nan fèt krétyin ou yo, yo fété grandiozman san okinn krint, y-ap pran souin pròp kò yo. Sé nuaj san dlo yo yé, ké van ap pousé isi é la; yo sé pié boua mòt-sézon san foui, ki déja mouri dé foua, ki tou dérasinin; ${ }^{13}$ yo sé lanm la mè ki féròs, k-ap pousé déyò kim salté yo; yo sé zétoual ki pèdu chémin yo, ki gin nouasè ténèb rézèvé pou yo pou tout tan.
14 Sé pou yo-minm tou ké Énok, sètièm la dépi Adan, té profétizé, lè li té di: Gadé,
lé Ségnè ap vi-ni avèk grann kantité moun li yo ki sin, ${ }^{15}$ pou pasé jujman an-ro tout moun, é pou fè tou sa yo ki méprizé Bon-Dieu nan pami yo, rann kont pou tout zak yo té fè kont Bon-Dieu, é pou tout paròl violan ké péchè yo ki méprizé Bon-Dieu té di kont li-minm.
16 Sé moun $k$-ap bougonnin é k-ap plingnin sou éta yo, k-ap maché sélon pròp vié dézi yo, ki gin paròl ógéyé nan bouch yo, kiadmiré moun a-koz pròp intérè yo.

## Aoètisman ak ékzòtasion

17 Min ou-minm, byinnémé, sonjé paròl yo ké apòt pa Ségnè nou Jézu-Kri té a-nonsé davans. ${ }^{18}$ Yo t-ap di ou ké nan dènié tan an va gingnin mokè k -ap maché sélon vié dézi yo ki kont BonDieu. ${ }^{19}$ Sé moun sa yo ki kòz divizion yo, $k$-ap viv pou la chè, yo pa gin Léspri a.
20 Min ou-minm, byinnémé, pandan ou-ap bati pròp
karaktè ou an-ro la foua ou ki sin anpil, é pandan ou-ap prié pa mouayin lé Sint-Ésprí, ${ }^{21}$ sé pou ou kinbé pròp tèt ou nan lamou Bon-Dieu, annatandan mizérikòd Ségnè nou Jézu-Kri pou la vi étènèl. ${ }^{22}$ Sé pou ou réprann sa yo k-ap diskuté; ${ }^{23}$ é kèk lòt, sé pou ou sové yo, é minm raché yo sòti nan dufé; é kèk lòt ankò, sé pou ou gin mizérikod pou yo mélanjé avèk krint, é tout-a-la-foua sé pou ou rayi minm rad la ki sal pa mouayin la chè.

## Bénédiksion

24 Koul-yé-a, pou Sila a ki kapab prézèvé ou pou ou pa tonbé é fè ou parèt san fòt é avèk anpil joua dévan prézans la gloua li, ${ }^{25}$ pou BonDieu sèl, Sovè nou, pa mouayin Jézu-Kri Ségnè nou, la gloua, majèsté, puisans avèk otorité, dépi avan tout sièk yo, é koul-yé-a, é pou tout tan! Amèn!

## APOKALIPS

## Jan ékri a

## Révélasion Jézu-Kri a

1Révélasion Jézu-Kri, ké Bon-Dieu té ba li pou montré sèvitè li yo bagay ki gin pou rivé avan lontan, é ké li fè konnin pa mouayin zanj li, ké li voyé koté Jan, sèvitè li, ${ }^{2}$ é li-minm li sètifié paròl Bon-Dieu a épi témouagnaj Jézu-Kri a, tou sa li té ouè.
3 Byinn-éré moun sa a ki li é moun sa yo ki tandé paròl profési a, épi ki kinbé bagay yo ki ékri ladan li! Paské tan an pré.

Salutasion pou sèt légliz yo
4 Jan di sèt légliz yo ki nan Lazi: Ké nou résévoua la gras avèk la pé nan min sa ki la, ki té la é k-ap vi-ni an, épi nan min sèt léspri yo ki dévan tròn li a, ${ }^{5}$ épi nan min JézuKri, témouin fidèl la, prémié ki fèt nan mò yo, é sa ki chèf roua la té yo!
Pou moun ki rinmin nou an, ki délivré nou nan péché nou pa mouayin san li, ${ }^{6}$ épi ki fè nou vi-n gnou rouayòm, sakrifikatè pou Bon-Dieu Papa li, gloua avèk puisans pou li nan tout sièk yo! Amèn!
7 Gadé, l-ap vi-ni ak nuaj yo. É tout jé va ouè li, minm sa yo ki té pèsé li; épi tout
branch ras la tè yo va rélé pou-tèt li. Oui. Amèn! ${ }^{8}$ Mouin sé alfa ak oméga, ${ }^{a}$ Ségnè Bon-Dieu a di, sa ki la, ki té la, épi k-ap vi-ni, TouPuisan an.

Vizion Jan fè sou Pitit lòm nan
9 Mouin-minm Jan, frè nou, k-ap patisipé avèk nou nan tribulasion épi nan rouayòm épi nan pèsévérans nan Jézu, mouin té nan zilé yo rélé Patmòs ${ }^{\text {b }}$ la, a-kòz parol Bon-Dieu a ak témouagnaj Jézu a. ${ }^{10}$ Mouin transpòté ann-éspri jou lé Ségnè a, épi mouin tandé dèyè mouin gnou voua fo, tankou son gnou tronpèt, ${ }^{11} \mathrm{ki}$ t-ap di: Sa ou ouè a, ékri li nan gnou liv, épi voyé li bay sèt légliz yo, Efèz, Smirn, Pèrgam, Tiatir, Sard, Filadèlfi, ak Laodisé.
12 Mouin viré pou-m konnin ki lès voua sa a ki t-ap palé-m nan. E lè-m viré, mouin ouè sèt chandélié ann-d, ${ }^{13}$ épi, nan mitan sèt chandélié yo, gnou moun ki té sanblé pitit gnou nonm, ki té abiyé ak gnou ròb ki long, épi ki té gin gnou sintu ann-ó sou pouatri-n li. ${ }^{14}$ Tèt li ak chévé li yo té blanch tankou linn ki blanch, tankou la nèj; jé li yo té tankou gnou flanm

[^41]difé; ${ }^{15}$ pié li yo té sanblé érin ki kléré anpil, kòm si li té chofé nan gnou founèz difé; épi voua li té tankou bri gro dlo. ${ }^{16} \mathrm{Li}$ té gin sèt zétoual nan min douat li. Gnou népé filé t-ap sòti nan bouch li, li koupé tou lé dé bò; épi figu li té tankou sòlèy la k -ap kléré nan tout fòs li.
17 Lè mouin ouè li, mouin tonbé nan pié li tankou si-m té mouri. Li pozé min douat li sou mouin, li di: Pi-nga ou pè! Mouin sé prémié a ak dènié $\mathrm{a},{ }^{18}$ é sa ki vivan an. Mouin té mouri ; é gadé, mouin vivan pou toujou. Mouin kinbé klé la mò avèk klé koté mò yo déméré. ${ }^{19}$ Donk ékri bagay yo ké ou ouè, épi sa yo ki la, épi sa yo ki doué rivé apré yo, ${ }^{20}$ mistè sèt zétoual ké ou té ouè nan min douat mouin an, ak sèt chandélié ann-ò yo. Sèt zétoual yo sé zanj sèt légliz yo, épi sèt chandélié yo sé sèt légliz yo.

## Lèt pou sèt légliz yo

2 Ekri zanj légliz Éfèz la: Min sa moun ki kinbé sèt zétoual yo nan min douat li a di, moun k-ap maché nan mitan sèt chandélié ann-ò yo:
2 Mouin konnin zèv ou yo, travay ou, ak pèsévérans ou. Mouin konnin ou pa kapab supòté méchan yo; ké ou tésté sa ki di yo sé apòt é yo pa apòt, é ké ou jouinn yo sé mante; ${ }^{3}$ mouin konnin ou
gin pèsévérans, ké ou soufri pou-tèt non mouin, é ké ou pa dékourajé. ${ }^{4}$ Min sa mouin gin kont ou, sè ké ou pèdu prémié amou ou. ${ }^{5}$ Donk sonjé koté ou sòt tonbé, répanti, épi fè prémié zèv ou yo; si sé pa sa, m-a vi-n koté ou, é m-a ouété chandélié ou nan plas li, sòf si ou répanti. ${ }^{6}$ Magré tout, gin gnou bagay ou gingnin, sè ké ou rai zèv Nikolait ${ }^{\text {a }}$ yo, é mouin rai yo tou.
7 Sé pou moun ki gin zòrèy tandé sa Léspri a di légliz yo: Moun k-a pòté la viktoua, m-a ba li manjé sa ki sóti nan pié boua la vi a, ki nan paradi Bon-Dieu a.
8 Ékri zanj légliz Smirn ${ }^{b}$ nan:
Min sa prémié a ak dènié a di, sa ki té mouri a, é ki tounin viv ankò:
9 Mouin konnin tribulasion ou avèk mizè ou-ap pasé (é poutan ou rich), épi jan yo palé ou mal, moun ki di yo sé Juif é ki pa Juif, min ki gnou si-nagog Satan. ${ }^{10} \mathbf{P a}$ pè sa ou pral soufri. Gadé, diab la va jété kèk moun pami nou nan prizon, sé pou tésté nou, é nou va gin gnou tribulasion pandan di jou. Sé pou ou fidèl juska la mò, é m-a ba ou kouròn la vi a.
11 Sé pou moun ki gin zòrèy tandé sa Léspri a di légliz yo: Moun k-a pòté la viktoua p-ap gin pou li soufri dézièm la mò a.

[^42]12 Ékri zanj légliz Pèrgam nan:
Min sa moun ki gin népé filé a ki koupé tou lé dé bò yo, di:
13 Mouin konnin koté ou rété, mouin konnin la sé tròn Satan. Ou kinbé non mouin, é ou pa nié foua mouin, minm nan jou Antipas yo, témouin fidèl mouin, ké yo té tué lakay nou, koté Satan déméré a. ${ }^{14}$ Min mouin gin kichòy kont ou, sè ké ou gin moun la ki kolé nan doktri-n Balaam nan, li minm ki té montré Balak mété gnou ròchbitay dévan pitit Izraèl yo, pou yo té manjé viann ki sakrifié bay zidòl épi pou yo té jété kò yo nan konduit ki sal. ${ }^{15}$ Sé konsa ou-minm tou, ou gin moun ki kolé minm jan nan doktri-n Nikolait yo. ${ }^{16}$ Répanti donk; san sa, m-a vi-n koté ou avan lontan, é m-a konbat yo avèk népé bouch mouin.
17 Sé pou moun ki gin zòrèy tandé sa Léspri a di légliz yo: Moun k-a pòté la viktoua, m-a ba li mann kaché a, épi m-a ba li gnou ti ròch blan; é sou ti roch sa a gin gnou non nouvo ki ékri, ké pèsonn pa konnin, sòf moun ki résévoua-1 la.
18 Ekri zanj légliz Tiatir la: Min sa Pitit Bon-Dieu a di, li-minm ki gin jé ki tankou gnou flanm difé, é pié li yo sanblé érin ki kléré anpil:
19 Mouin konnin zèv ou yo, lamou ou, la foua ou, sevis fidèl ou, pèsistans ou, é dènié zèv ou yo ki pi an kantité
pasé prémié yo. ${ }^{20}$ Min sa-m gin kont ou, sè ké ou kité fanm yo rélé Jézabèl la, ki di li sé gnou profétès, ap anségné épi sédui sèvitè mouin yo, pou yo jété ko yo nan konduit ki sal épi pou yo manjé viann ki sakrifié bay zidòl. ${ }^{21}$ Mouin té ba li tan pou li té répanti, é li pa vlé répanti nan konduit sal li a. ${ }^{22}$ Gadé, mouin pral jété li sou gnou kabann, é m-pral voyé gnou gran tribulasion sou sa yo k-ap konmèt adultè avèk li, a-mouins ké yo répanti nan zèv yo. ${ }^{23} \mathrm{M}$-a fè pitit li yo péri pa la mó; épi tout légliz yo va konnin mouin sé sa a k-ap sondé kè avèk rin yo, é m-a rann nou, chak moun, sélon zèv nou yo. ${ }^{24}$ Nouminm, tout lè zòt moun Tiatir yo, ki pa résévoua doktri-n sa a, épi ki pa konnin profondè Satan, kòm yo rélé yo, mouin di nou: Mouin p-ap mété lòt chaj sou nou; ${ }^{25}$ sèlman, sa nou gingnin an, kinbé li jouk tan mouin vi-ni.
26 Moun k-a pòté la viktoua, épi k-a kinbé zèv mouin yo juska la fin, m-a ba li otorité sou nasion yo. ${ }^{27} \mathbf{L}$-a kondui yo ak gnou baton an-fè, tankou yo krazé véso tè, tankou mouin-minm mouin résévoua pouvoua a nan min Papa-m. ${ }^{28}$ É m-a ba li zétoual matin an.
29 Sé pou moun ki gin zòrèy tandé sa Léspri a di légliz yo.
Ékri zanj légliz Sarda la:
Min sa li di, moun ki a 3:1 Sard sé té ansyin kapital péi yo té rélé Lidi.
gin sèt léspri Bon-Dieu yo ak sèt zétoual yo:
Mouin konnin zèv ou yo. Mouin konnin ou pòté non ké ou vivan, é poutan ou mouri. ${ }^{2}$ Véyé byin, épi konsolidé rès ki prèt pou mouri a; ka mouin pa jouinn zèv ou yo kòrèk nèt dévan Bon-Dieu mouin. ${ }^{3}$ Sonjé non kouman ou té résévoua é ou té tandé; kinbé épi répanti. Si ou pa véyé, m-a vi-ni tankou gnou vòlè, é ou p-ap konnin a ki lè m -a vi-n sou ou. ${ }^{4}$ Min nan Sard ou gin kèk zòm ki pa sal rad yo; y-a maché avèk mouin ak rad blan, paské yo mérité sa.
5 Moun k-a pòté la viktoua va abiyé konsa ak rad blan; mouin p-ap éfasé non li nan liv-dé-vi a, é m-a konfésé non li dévan Papa mouin é dévan zanj li yo.
6 Sé pou moun ki gin zòrèy tandé sa Léspri a di légliz yo.
7 Ékri zanj légliz Filadèlfib a:
Min sa Moun ki sin an di, Sa ki Véritab la, Sa ki gin klé David la, é lè li ouvri pèsonn p-ap fèmin, é lè li fèmin pèsonn p-ap ouvri:
8 Mouin konnin zèv ou yo. Gadé, paské ou pa gin anpil puisans é poutan ou kinbé parol mouin, é ou pa nié non mouin, mouin mété dévan ou gnou pòt ki ouvri, ké pèsonn pa kapab fèmin. ${ }^{9}$ Gadé, mouin ba ou nan moun sinagog Satan an, ki di yo sé Juif é sé pa sa yo yé, min k-ap manti; gadé, m-a fè yo vi-n
a-jénou nan pié ou, épi m-a fè yo konnin ké mouin té rinmin ou. ${ }^{10}$ Paské ou kinbé paròl pèsévérans nan mouin, m -a véyé sou ou tou nan lè tantasion an ki pral vi-ni sou tout la tè a, pou tésté tou sa yo ki abité sou la tè a. ${ }^{11}$ M-ap vi-ni avan lontan. Kinbé sa ou gingnin an, pou pèsonn pa pran kouròn ou.
12 Moun k -a pòté viktoua a, avèk li m-a fe gnou poto nan tanp Bon-Dieu mouin an, é li p-ap sòti la ankò; m-a ékri sou li non Bon-Dieu mouin, avèk non la vil BonDieu mouin, non nouvèl Jéruzalèm k-ap désann sòti nan sièl koté Bon-Dieu mouin, ak non nouvo mouin an.
13 Sé pou moun ki gin zòrèy tandé sa Léspri a di légliz yo.
14 Ékri zanj léglizLaodisé a: Min sa Amèn nan di, témouin fidèl épi ki véritab la, kòmansman kréasion BonDieu a:
15 Mouin konnin zèv ou yo. Mouin konnin ké ou pa frèt ni ké ou p-ap bouyi! Pito ou frèt ou-byin ou-ap bouyi! ${ }^{16}$ Konsa, paské ou tièd, é ké ou pa frèt ni ou p-ap bouyi, m -a vonmi ou sòti nan bouch mouin. ${ }^{17}$ Paské ou di: Mouin rich, mouin anrichi tèt mouin, é mouin pa bézouin angnin, é paské ou pa konnin ké ou maléré, mizérab, pòv, avèg, épi tou-nu, ${ }^{18}$ mouin konséyé ou achté nan min mouin lò ki tésté nan difé, pou ou sa vi-n rich,
b 3:7 Filadèlfi sé gnou ti vil nan péi yo té rélé Lidi.
ak rad blan pou ou sa abiyé é pou ront tou-nu ou pa parèt, épi gnou rinmèd pou mét sou jé ou pou ou sa ouè. ${ }^{19}$ Mouin-minm, mouin blanmin é mouin puni tout moun ké mouin rinmin. Donk sé pou ou gin zèl, épi répanti. ${ }^{20}$ Gadé, mouin kanpé nan pòt la é m-ap frapé. Si gnou moun tandé voua mouin é ouvri pòt la, m-a antré lakay li, m-a soupé avèk li, é liminm avèk mouin.
21 Moun k -a pòté la viktoua, m-a fè li chita avèk mouin sou tròn mouin, tankou mouin-minm mouin pòté la viktoua é mouin vi-n chita avèk Papa mouin sou tròn li.
22 Sé pou moun ki gin zòrèy tandé sa Léspri a đi légliz уо.

## Adorasion nan siel la

4Apré sa mouin gadé, é min-ni, gnou pòt té ouvri nan sièl la. Prémié voua ké m-té tandé a, tankou son gnou tronpèt, é ki t-ap palé-m, li di: Monté isi, é m -a fè ou ouè sa ki doué rivé pi ta.
2 Minm moman an mouin transpòté ann-éspri. Épi gadé, té gin gnou tròn nan sièl la, épi sou tròn sa a gnou moun té chita. ${ }^{3}$ Moun ki té chita a, li té parèt tankou gnou piè-jasp ak sardouann; épi trơn nan té antouré ak gnou lak-an-sièl ki té sanblé émrod.
4 Alantou tròn nan mouin ouè vinn-kat tròn, épi sou
tròn sa yo vinn-kat viéya ki chita, yo abiyé ak rad blan, épi sou tèt yo té gin kouròn ann-ò.
5 Nan tròn nan zéklè ap sòti, voua ak kout loraj.
Dévan tròn nan gin sèt lanp kléré ki lumin, é sé sèt léspri Bon-Dieu yo. ${ }^{6}$ Gin ankò dévan trón nan tankou gnou la mè an-vè, ki sanblé kristal.
Nan mitan tròn nan é alantou tròn nan, gin kat kréatu vivan ki plin jé dévan é dèyè.
${ }^{7}$ Prémié kréatu vivan an sanblé gnou lion, dézièm kréatu vivan an sanblé gnou jèn bèf, touazièm kréatu vivan an gin figu gnou nonm, épi katrièm kréatu vivan an sanblé gnou lèg $^{a}$ k-ap volé. ${ }^{8}$ Kat kréatu vivan yo, yo chak gin sis zèl, é yo plin jé tout-otou épi andédan. La jounin kou nan nuit, yo pa janm suspann di: Sin, sin, sin Ségnè Bon-Dieu a, Tou-Puisan an, ki té la, ki la, é k-ap vi-ni an!
9 Lè kréatu vivan yo rann gloua ak onnè ak aksion-dégras bay moun ki chita sou tròn nan, moun $k$-ap viv pou toujou a, ${ }^{10}$ vinn-kat viéya yo mét-a-jénou dévan moun ki chita sou tròn nan, é yo adoré moun ki vivan pou toujou a, é yo jété kouròn yo dévan tròn nan, y-ap di: ${ }^{11}$ Ségnè nou é Bon-Dieu nou, ou mérité pou résévoua gloua ak onnè ak puisans; paské ou kréé tout bagay, é sé pa mouayin volonté ou ké yo ékzisté é ké yo té kréé.
a 4:7 Lȩ̀, sé gnou gro zouazo.

## Lio la é Agno a

5 Apré sa mouin ouè nan 5 min douat moun ki té chita sou tròn nan, gnou liv ki té ékri an-dédan ak andéyò, ki té gin sèt so sou li. ${ }^{2}$ Epi mouin ouè gnou zanj puisan, ki t -ap rélé fò: Ki lès ki mérité pou li kapab ouvri liv la é pou li kasé so yo? ${ }^{3}$ E pèsonn nan siel la, ni sou la tè, ni an-ba tè a, pa-t kapab ouvri liv la ni gadé-l. ${ }^{4}$ E mouin kriyé anpil paské yo pa-t jouinn pèsonn ki té mérité pou li ouvri liv la ni pou li gadé-l. ${ }^{5}$ Epi gnoun nan viếya yo di mouin: Pa kriyé; gadé, lion branch ras Juda a, rasi-n David la, pòté la viktoua pou li ouvri liv la avèk sèt so li yo.
6 Épi mouin ouè, nan mitan tròn nan avèk kat kréatu vivan yo é nan mitan viéya yo, gnou agno ki té parèt la tankou si li té sakrifié. Li té gin sèt kòn avèk sèt jé, ki sèt léspri Bon-Dieu li voyé sou tout la tè a. ${ }^{7} \mathrm{Li}$ vi-ni, épi li pran liv la nan min douat moun ki té chita sou tròn nan.
8 Lè li pran liv la, kat kréatu vivan yo ak vinn-kat viéya yo mété a-jénou dévan agno a, yo chak kinbe gnou arp avèk koup ann-ò ki plin ak pafin ki priè moun ki sin yo. ${ }^{9}$ E yo t-ap chanté gnou kantik ki nouvo, yo t-ap di: Ou mérité pou pran liv la, é pou ouvri so yo; paské ou té sakrifiéé ou jouinn pou BonDieu moun nan tout branch ras, tout lang, tout pèp épi tout nasion é ou péyé pri pou
yo avèk san pa ou; ${ }^{10}$ ou fè avèk yo gnou rouayòm, sakrifikatè pou Bon-Dieu nou, é yo va régné sou la tè.
11 Mouin gadé, épi mouin tandé voua anpil zanj alantou tròn nan ak kréatu vivan yo ak viéya yo, é yo té gnou kantité ké moun pa kapab konté, dé milié dé milié. ${ }^{12}$ Yo t-ap di ak gnou voua ki fò: Agno ki té sakrifié a mérité pouli résévoua puisans, richès, sajès, fós, onnè, gloua é louanj.
13 Épi tout kreatu yo ki nan sièl la, sou la tè, an-ba tè, sou la mè, avèk tou sa ki ladan li, mouin tandé yo ki t-ap di: Pou moun ki chita sou tròn nan, épi pou agno a, louanj, onnè, gloua avèk fols, pou toujou!
14 Epi kat kréatu vivan yo t-ap di: Amèn!
Épi viéya yo mété a-jénou é yo adoré li.

## So yo

6 Mouin gadé lè agno a yo, é mouin tandé gnoun nan kat kreatu vivan yo ki t-ap di ak gnou voua ki té tankou gnou kout loraj: Vi-ni. ${ }^{2}$ Mouin gadé, épi, O! gnou chéval blan parèt. Kavalié ki té monté sou li a té gin gnou ark; yo ba li gnou kouròn, é li pati tankou gnou moun ki pòté la viktoua é pou li pòté la viktoua.
3 Lè li ouvri dézièm so a, mouin tandé dézièm kréatu viyan an ki t-ap di: Vi-ni. ${ }^{4}$ Épi gnou lòt chéval sòti, ki té tou rouj. Kavalié ki té
monté sou li a résévoua pouvoua pou li ouété la pé sou tè $a$, pou lèz òm gnoun déchiré lòt; é yo ba li gnou gran népé.
5 Lè li ouvri touazièm so a, mouin tandé touazièm kréatu vivan an ki t-ap di: Vi-ni. Mouin gadé, épi, O! gnou chéval noua parèt. Kavalié ki té monté sou li a té kinbé gnou balans nan min li. ${ }^{6}$ Épi mouin tandé nan mitan kat kreatu vivan yo gnou voua ki t-ap di: Gnou mézu ${ }^{a}$ blé pou gnou dénié, épi toua mézu lòj pou gnou dénié; min pa fè luil la ak du vin an okinn domaj.
7 Lè li ouvri katrièm so a, mouin tandé voua katrièm kréatu vivan an ki t-ap di: Vi-ni. ${ }^{8}$ Mouin gadé, épi, O! gnou chéval ki gin gnou koulè pal parèt. Kavalié ki té monté sou li a, yo té rélé li la mò, épi koté mò yo déméré t-ap akonpagné li. Yo ba yo pouvoua sou gnou ka la tè, pou yo tué lèz òm avèk népé, grangou, mòtalité, épi avèk bèt sovaj ki sou tè a.
9 Lè li ouvri sinkièm so $a$, mouin ouè an-ba lotèl la nanm moun ki té sakrifié a-kòz paròl Bon-Dieu a épi a-kòz témouagnaj yo té rann. ${ }^{10}$ Yo rélé fò, yo di: Konbyin tan ankò, Mèt ki sin épi véritab, avan ou fè jujman, épi avan ou tiré révanj pou san nou ki sou moun ki abité la tè? ${ }^{11}$ Yo ba yo chak gnou ròb blanch; épi yo di yo rété an répo kèk tan ankó, jouk
tan kantité kanmarad travay yo ak frè yo ki té doué mouri tankou yo té fi-n konplété.
12 Mouin gadé lè li ouvri sizièm so a; épi té gin gnou gran tranbléman-d-tè, sòlèy la vi-n noua tankou gnou sak ki fèt avèk krin, tout la lun nan vi-ni tankou san, ${ }^{13}$ épi zétoual yo nan sièl la tonbé an-ro tè a, tankou gnou figié lè gnou gro van ap souké li, li jété fig vèt li yo. ${ }^{14}$ Sièl la ouété kò li tankou roulo gnou liv y-ap roulé; épi tout mòn yo avèk tout zilé yo déplasé koté yo té yè. ${ }^{15}$ Roua la tè yo, gro nèg yo, chèf militè yo, moun rich yo, sa ki puisan yo, tout ésklav ak tout moun ki lib yo, yo kaché nan trou ròch épi nan roché mòn yo. ${ }^{16}$ E yo t-ap di mòn yo ak roché yo: Tonbé an-ro nou, épi kaché nou dévan figu moun ki chita sou tròn nan, épi dévan kòlè agno a; ${ }^{17} \mathrm{ka}$ gran jou kolè li vi-ni, é ki moun ki kapab kanpé dévan sa?

## San-karann-kat-mil moun ki make ak so a

7 Apré sa, mouin ouè kat zanj kanpé nan kat kouin la tè; yo té kinbé kat van la tè yo, pou okinn van pa-t souffé sou la tè, ni sou la mè, ni sou okinn pié boua. ${ }^{2} \mathbf{E}$ mouin ouè gnou lòt zanj, ki t-ap monté bò koté sòlèy la lévé, é ki té kinbé so BonDieu ki vivan an; li rélé ak gnou voua ki té fó apré kat zanj ki té résévoua lòd pou fè

[^43]la tè ak la mè a mal, é li di: ${ }^{3} \mathrm{~Pa}$ fè tè a mal, ni la mè a, ni pié boua yo, jouk tan nou fi-n maké ak so a fron sèvitè BonDieu nou yo. ${ }^{4}$ E mouin tandé konbyin moun ki té maké ak so a, san-karann-kat-mil, nan tout branch ras pitit Izraèl yo; ${ }^{5}$ nan branch ras Juda a, té gin douzmil ki té maké ak so a; nan branch ras Rubin an, douz mil; nan branch ras Gad la, douz mil; ${ }^{6}$ nan branch ras Asèr la, douz mil; nan branch ras Néftali a, douz mil; nan branch ras Ma-nasé a, douz mil; ${ }^{7}$ nan branch ras Siméon an, douz mil; nan branch ras Lévi a, douz mil; nan branch ras Isakar la, douz mil; ${ }^{8}$ nan branch ras Zabulon an, douz mil; nan branch ras Jozèf la, douz mil; nan branch ras Binjamin an, douz mil, ki té maké avèk so a.

Foul moun k-ap pòté ròb blanch yo
9 Apré sa mouin gadé, épi O! té gin gnou gran foul moun, ké pèsonn pa-t kapab konté, moun tout nasion, tout branch ras, tout pèp ak tout lang. Yo té kanpé dévan tròn nan épi dévan agno a, yo té abiyé ak ròb blanch, épi branch palmié nan min yo. ${ }^{10}$ É yo t-ap rélé ak gnou voua fó, yo t-ap di: Salu a sé pou Bon-Dieu nou, ki chita sou tròn nan, épi pou agno a. ${ }^{11}$ E tout zanj yo té kanpé alantou tròn nan ak viéya yo ak kat kréatu vivan yo; épi
yo tonbé fas ba dévan tròn nan épi yo adoré Bon-Dieu, 12 yo di: Amèn! Louanj, gloua, sajès, aksion-dé-gras, onnè, puisans, ak fòs sé pou Bon-Dieu nou, pou toujou! Amèn! ${ }^{a}$
13 É gnoun nan viéya yo pran la parol, épi li di mouin: Moun ki abiyé ak ròb blanch yo, ki moun yo yé, é ki koté yo sòti? ${ }^{14}$ Mouin di li: Ségnè mouin, ou konnin. E li di mouin: Sé moun yo ki sòti nan gran tribulasion an; yo lavé ròb yo, é yo blanchi yo nan san agno a. ${ }^{15}$ Sé pou-tèt sa yo dévan tròn BonDieu a, é y-ap sèvi li la jounin kou nan nuit nan tanp li. Moun ki chita sou tròn nan va lévé tant li an-ro yo; ${ }^{16}$ yo p-ap grangou ankó, yo p-ap souaf ankó, é sòlèy la p-ap frapé yo, ni okinn chalè. ${ }^{17} \mathrm{Ka}$ agno a ki nan mitan tròn nan va okupé yo é li va minnin yo nan sous dlo la vi yo, épi Bon-Dieu va suyé tout dlo nan jé yo.

## Sètièm so a: Silans

8Lè li ouvri sètièm so a, té gin silans nan siè la pandan gnou démi-è a-pé-prè. 2 Épi mouin ouè sèt zanj yo ki kanpé dévan Bon-Dieu, épi yo ba yo sèt tronpèt.
3 Epi gnou lòt zanj vi-ni, é li kanpé sou lotèl la, li té gin gnou ansansoua ann-ò; yo ba li anpil pafin pou li té ofri yo, avèk priè moun yo ki sin, sou lotèl ann-ò ki dévan tròn

[^44] rivé konsa.
nan. ${ }^{4}$ La fumin pafin yo monté, avèk priè moun ki sin yo, sòti nan min zanj la dévan Bon-Dieu. ${ }^{5}$ Épi zanj la pran ansansoua a, li plin li ak difé lotell la, épi li jêté-l an-ro la tè. Epi té gin dé voua, kout loraj, zèklè, épi gnou tranbléman-d-tè.

## Tronpèt yo

6 Épi sèt zanj ki té gin sèt tronpèt yo, préparé pou yo sonnin tronpèt yo.
7 Prémié a sonnin tronpèt. Épi té gin gnou la grèl ak difé ki té mélé ak san, é yo té jété yo sou la tè; é gnou tiè la tè té boulé, é gnou tiè pié boua yo té boulé, é tout żèb vèt té boule.
8 Dézièm zanj la sonnin tronpèt. Epi yo té jété nan la mè a gnou bagay tankou gnou gro mòn k -ap boulé; épi gnou tiè la mè a tounin san, ${ }^{9}$ épi gnou tiè kréatu ki té nan la mè a é ki t-ap viv, mouri, épi gnou tiè bato yo péri.
10 Touazièm zanj la sonnin tronpèt. Épi gnou gran zétoual ki té kléré tankou gnou flanbo tonbé sòti nan sièl la; épi li tonbé sou gnou tiè gran riviè yo épi sou sous dlo yo.
${ }^{11}$ Non zétoual sa a sé Absint; épi gnou tiè dlo yo tounin absint, épi anpil moun mouri pa mouayin dlo yo, paské yo té vi-n anmè.
12 Katrièm zanj la sonnin tronpèt. Épi gnou tiè sollèy la té frapé, avèk gnou tiè la lun nan, ak gnou tiè zétoual yo, pou gnou tiè té kapab vi-n noua épi pou jou a té pèdu gnou tiè nan klaté li, épi nuit la minm jan.
13 Mouin gadé, épi mouin tandé gnou lèg ki t-ap volé nan mitan sièl la, ki $t$-ap di ak gnou voua fò: Malè, malè, malè pou moun ki rété sou la tè, a-kòz lòt son tronpèt toua zanj yo pral sonnin yo.
9 Sinkièm zanj la sonnin tronpèt. Épi mouin ouè gnou zétoual ki té sòti nan sièl tonbé sou la tè. Yo ba li klé pui gouf ki san fon an, ${ }^{2}$ épi li ouvri pui gouf ki san fon an. Epi gin gnou la fumin ki sòti nan pui a, ki monté, tankou la fumin gnou gran boukan; sòlèy la épi lè a vi-n noua ak la fumin pui a. ${ }^{3}$ Nan la fumin an té gin gnou kantité choual diab ${ }^{\text {a }}$ ki sòti, épi yo vi-n sou la tè; é yo ba yo gnou pouvoua tankou
a 9:3 Lòt non pou yo sé choual boua ou-byin krikèt rèt.


Choual diab ou byin krikèt vèt
pouvoua éskòpion la tè gingnin. ${ }^{4}$ Yo di yo pou yo pa fè du tò ni zèb la tè, ni okinn fèy vèt ni okinn pié boua, min sèlman moun ki pa-t gin so Bon-Dieu a sou fron yo. ${ }^{5}$ Yo pèmèt yo toumanté yo pandan sin moua, min pa pou yo tué yo; é touman yo té fè moun subi té tankou touman éskópion fè moun subi lè li piké-l. ${ }^{6}$ Nan jou sa yo, moun va chaché la mò, é yo p-ap jouinn li; yo va vlé mouri, é la mò va kouri louin yo. ${ }^{7}$ Choual diab sa yo té sanblé chéval ki paré pou batay; sou tèt yo té gin dé bagay tankou kouròn ki té sanblé lò, épi figu yo té tankou figu moun. 8 Yo té gin chévé tankou chévé fanm, épi dan yo té tankou dan lion. ${ }^{9}$ Yo té gin dé karapas ki té tankou karapas an-fè, épi bri zèl yo té tankou bri cha pliziè chéval ap trinnin, $k$-ap kouri pral nan batay. ${ }^{10}$ Yo té gin ké tankou éskòpíon, ak pikan, é sé nan ké yo yo té gin pouvoua pou fè moun du to pandan sin moua. ${ }^{11}$ Yo té gin kòm roua sou yo zanj gouf san fon an, yo rélé li an-ébré Abadon, ${ }^{\text {b }}$ é nan grèk, Apolion. ${ }^{\text {c }}$
12 Prémié malè a pasé. Gadé, apré sa gin dé lòt malè ankò k-ap vi-ni.
13 Sizièm zanj la sonnin tronpèt. Epi mouin tandé gnou voua ki sodi nan kat kòn lotèl ann-ò ki dévan BonDieu a, ${ }^{14}$ é li t-ap di sizièm zanj ki té gin tronpèt la:

Lagé kat zanj ki maré sou gran riviè Léfrat la. ${ }^{15}$ Epi kat zanj yo ki té paré pou lè a, jou a, moua a ak a-né a, yo té lagé yo pou yo té kapab tué gnou tiè lèz òm. ${ }^{16} \mathrm{Kan}$ tité kavalié ki té nan lamé a sé dé foua di-mil foua di-mil: mouin tandé kantité a. ${ }^{17}$ E konsa nan vizion an mouin ouè chéval yo, épi moun ki té monté sou yo, yo té gin gnou kouvètu an-métal sou pouatri-n yo ki té koulè difé, yasint, ak souf. Tèt chéval yo té tankou tèt lion; é nan bouch yo difé, la fumin, ak souf t-ap sòti. ${ }^{18}$ Gnou tiè lèz òm té mouri ak toua kalamité sa yo, difé a, la fumin an, épi souf la, ki t-ap sòti nan bouch yo. ${ }^{19}$ Ka pouvoua chéval yo sé té nan bouch yo épi nan ké yo; ké yo té tankou sèpan ki gin tèt, é sé avèk


Gnou sèpan
yo yo té fè du tò. ${ }^{20}$ Lòt moun yo ki pa-t mouri nan kalamité sa yo, pa répanti pou zèv min yo, gnou jan pou yo pa adoré dinmon yo, ak zidol ann-ó, ann-ajan, ann-érin, anròch épi an-boua, ki pa kapab ni oué, ni tandé, ni maché; ${ }^{21}$ é yo pa répanti pou krim yo, ni pou ouanga yo, ni pou

[^45]vi dézòd yo, ni pou vòl yo.

## Zanj la é ti lio la

10Mouin ouè gnou lòt zanj puisan, ki t-ap désann sòti nan sièl la, ki té vlopé nan gnou nuaj; lak-ansièl té an-ro tèt li, é figu li té tankou solè̀y, épi pié li tankou pilié difé. ${ }^{2} \mathrm{Li}$ té kinbé nan min li gnou ti liv ouvri. Li pozé pié douat li sou la mè a, é pié gòch li sou la tè; ${ }^{3}$ épi li rélé ak gnou voua fó, tankou lè gnou lion ap grondé. Lè li rélé a, sèt kout loraj yo fè tandé voua yo. ${ }^{4}$ Épi lè sèt kout loraj yo fi-n fè tandé voua yo, mouin té pral ékri; é mouin tandé gnou voua ki sodti nan siè la ki t-ap di: Mété gnou so sou sa sèt kout loraj yo di, é pa ékri li. ${ }^{5}$ É zanj mouin té ouè kanpé sou la mè ak sou la tè, li lévé min douat li sou sièl la, ${ }^{6}$ é li sèmanté sou moun $k$-ap viv pou toujou a, ki kré sièl la ak bagay ki ladan li, la tè ak bagay ki ladan li, épi la mè a ak bagay ki ladan li, li di ké pa ta gin $\tan ^{a}$ ankò, ${ }^{7}$ min nan jou voua sètièm zanj la, lè li ta sonnin tronpèt, mistè BonDieu a ta akonpli, kom li té a-nonsé li bay sèvitè li yo, profèt yo.
8 E voua a ké mouin té tandé sòti nan sièl la, li palé ak mouin ankò, é li di: Alé, pran ti liv la ki ouvri nan min zanj ki kanpé sou la mè a ak sou la tè a. ${ }^{9}$ Mouin alé koté zanj la, mouin di li pou li ban
mouin tiliv la. É li di mouin: Pran li, épi valé-l; li va anmè pou zantray ou, min nan bouch ou li va dous kou siro mièl. ${ }^{10}$ Mouin pran ti liv la nan min zanj la, épi mouin valé-l; nan bouch mouin li té dous kou siro miel, min lè-m fi-n valé-1, zantray mouin yo vi-n plin avè amètum. ${ }^{11}$ Épi yo di-m: Fók ou profétizé ankò sou anpil pèp, nasion, lang épi roua.

## Dé témouin yo

11Yo ban mouin gnou rozo ki té sanblé gnou ti bagèt, yo di-m: Lévé, épi mézuré tanp Bon-Dieu a, lotèl la, épi moun yo k-ap adoré la. ${ }^{2} \mathrm{Min}$ plas déyò dévan gran pòt tanp la, pasé li, pa mézuré li; ka yo bay nasion yo li, é yo va pilonnin vil sint la $^{a}$ pandan karann-dé moua. 3 M-a bay dé témouin mouin yo pouvoua pou yo profétizé, y-a abiyé avèk sak, pandan mil-dé-san-souasant jou. ${ }^{4}$ Sé dé zolivié ak dé chandélié ki kanpé dévan Ségnè la tè a. ${ }^{5}$ Si gnou moun vlé fè yo du tò, difé sòti nan bouch yo é li dévoré énmi yo; é si gnou moun vlé fè yo du tò, fok sé konsa yo tué-l. ${ }^{6}$ Yo gin pouvoua pou yo fèmin siel la, pou la pli pa tonbé pandan jou profési yo; épi yo gin pouvoua pou fé dlo yo tounin san, épi pou yo frapé la tè ak tout kalité kalamité chak foua y-a vlé.
7 Lè $y$-a fi-ni témouagnaj

[^46]

Gnou olivié
yo, bèt k-ap monté sòti nan gouf san fon an, li va fè yo la gè, l-a pòté la viktoua sou yo, épi l-a tué yo. ${ }^{8}$ É kadav yo va sou plas gran vil la ké yo rélé, nan gnou sans éspirituèl, Sodòm ak Léjip, ${ }^{\text {b }}$ la minm koté Ségnè yo té krusifié a. ${ }^{9}$ Gin moun nan pèp yo, branch ras yo, lang yo, ak nasion yo, y-a ouè kadav yo pandan toua jou édmi, é yo p-ap pèmèt ké yo mété kadav yo nan tonb. ${ }^{10} E$ poutèt yo, moun ki rété sou la tè va réjoui é y-a kontan anpil, épi gnoun va voyé kado bay lòt, paské dé profèt sa yo té toumanté moun ki rété sou la tè.
11 Apré toua jou édmi yo, gnou lésprı la vi, ki sòti koté Bon-Dieu, antré nan yominm, é yo kanpé sou pié yo; é gnou gran pérèz anparé moun ki t-ap ouè yo. ${ }^{12}$ Epi
yo tandé gnou voua ki sòti nan sièl la ki t-ap di yo: Monté isit! E yo monté nan sièl nan nuaj la; é énmi yo ouè yo. ${ }^{13}$ Lè sa a, té gin gnou gran tranbléman-d-tè, épi dizièm pati nan la vil la tonbé; sèt mil moun té mouri nan tranbléman-d-tè sa a, épi lè zòt yo sòti pè é yo bay BonDieu siè la gloua.
14 Dézièm malè a pasé. Gadé, touazièm malè a li prèt pou rivé.

Sètièm tronpèt la: Tanp Bon-Dieu nan siel la ouori
15 Sètièm zanj la sonnin tronpèt. Épi nan sièl la té gin dé voua fò ki t-ap di: Rouayòm lé monn nan yo rinmèt li bay \$égnè nou épi bay Kris li; é li va régné pou toujou.
16 Épi vinn-kat viéya yo, ki té chita dévan Bon-Dieu sou tròn yo, yo tonbé fas ba, é yo adoré Bon-Dieu, ${ }^{17}$ yo di: Nou rann ou gras, Ségnè Bon-Dieu tou puisan, ki la, é ki té la, ké ou pran gran puisans ou a é ou pran posésion règn ou. ${ }^{18}$ Nasion yo té mété yo an kollè; é kòlè pa ou vi-ni, é tan an rivé pou jujé mó yo, pou rékonpansé sèvitè ou yo, profèt yo, moun ki sin yo, é sa ki krinn non ou yo, piti ak gran, épi pou détoui sa yo k-ap détoui la tè a .
19 Epi tanp Bon-Dieu nan siel la té vi-n ouvri, épi lach alians li parèt nan tanp li a. Épi té gin zéklè, voua, kout

[^47]loraj, gnou tranbléman-d-tè, épi gnou gro la grèl.

## Fanm nan é dragon an

12Gnou gran sign parèt nan siè la: gnou fanm ki té vlopé ak solè̀ la, la lun nan an-ba pié li, épi gnou kouròn douz zétoual sou tèt li. ${ }^{2}$ Li té ansint, é li t-ap rélé, ka li t-ap soufri é li té nan doulè akouchman.
3 Gnou lòt sign parèt ankò nan sièl la; gadé, sé té gnou gran dragon rouj, li té gin sèt tèt ak dis kon, épi sou tèt li yo sèt bando rouayal. ${ }^{4}$ Ké li t-ap trinnin gnou tiè nan zétoual sièl la yo, é li t-ap jété yo sou la tè.
Dragon an kanpé dévan fanm ki té pral akouché a, pou li té dévoré pitit li a, lè li ta akouché. ${ }^{5} \mathrm{Li}$ akouché gnou pitit-gason, ki doué kondui tout nasion yo ak gnou baton an-fè. E yo anlévé pitit li a vi-n koté BonDieu é koté tròn li. ${ }^{6}$ Épi fanm nan sové nan dézè $a$, koté li té gin gnou koté BonDieu té préparé, pou yo té nouri li la pandan mil-dé-san-souasant jou.
7 Épi té gin la gè nan sièl la. Michèl avèk zanj li yo konbat kont dragon an. Epi dragon an avèk zanj li yo konbat, ${ }^{8} \mathrm{~min}$ sé pa té yo ki té pi fò, é yo pa jouinn plas yo ankò nan sièl la. ${ }^{9}$ É yo présipité li, gran dragon an, sèpan ansyin an, sa yo rélé diab la épi Satan, li-minm ki pran tèt tout la tè, yo présipité-l sou la tè, é yo présipité zanj li yo avèk li.
10 E mouin tandé nan siè
la gnou voua fò ki t-ap di: Koun-yé-a salu a rivé, épi puisans, épi règn Bon-Dieu nou, épi otorité Kris li a; ka yo présipité-l, li-minm ki t-ap akuzé frè nou yo, li-minm ki t-ap akuzé yo dévan BonDieu nou, la jounin kou lan nuit. ${ }^{11}$ Yo pòté la viktoua sou li, a-kòz san agno a épi a-kòz paròl témouagnaj yo a, é yo pa-t rinmin vi yo jouk tan pou yo ta pè la mó. ${ }^{12}$ Poutèt sa réjoui nou, sièl, é nou-minm ki rété nan sièl. Malè pou la tè ak la mè a! Ka diab la désann koté nou, li an kòlè nèt, paské li konnin li pa gin anpil tan.
13 Lè dragon an ouè yo té présipité li sou la tè, li pousuiv fanm nan ki té akouché pitit-gason an. ${ }^{14}$ E yo bay fanm nan dé zèl gnou gran lèg pou li té kapab volé alé nan dézè a, nan koté pa li, é la yo nouri li gnou tan, kèk tan, épi mouatié gnou tan, louin figu sèpan an. ${ }^{15}$ Épi, ak bouch li, sèpan an voyé dlo tankou gnou gran riviè dèyè fanm nan, pou li té trinnin-l ak gran riviè a. ${ }^{16}$ Min la tè sékouri fanm nan, é la tè ouvri bouch li é li valé gran riviè dragon an té voyé ak bouch li a. ${ }^{17}$ Epi dragon an té faché kont fanm nan, é li alé fè rès désandans li yo la gè, sa yo ki kinbé kòmandman Bon-Dieu yo é ki gin témouagnaj Jézu a. ${ }^{18}$ E li kanpé sou sab la mè a.

## Dé bèt yo

13 Apré sa mouin ouè gnou bèt ki té gin dis
kòn avèk sèt tèt monté sòti nan la mè a, é sou kòn yo dis bando rouayal, é sou tèt yo dé non blasfèm.
2 Bèt mouin ouè a té sanblé gnou léopa; pié li yo té tankou pié gnou lous, é bouch li té tankou bouch gnou lion. Dragon an ba li puisans li, épi tròn li, ak gnou gran otorité. ${ }^{3}$ Epi mouin ouè gnoun nan tèt yo kòm blésé a-mó; min blésu mòtèl li a vi-n géri. Épi tout la tè té nan admirasion dèyè bèt la. ${ }^{4}$ É yo adoré dragon an, paské li té bay bèt la otorité; é yo adoré bèt la, yo di: Ki moun ki sanblé bèt la, é ki lès ki kapab konbat kont li? ${ }^{5}$ E yo ba li gnou bouch ki t-ap di dé paròl angran avèk blasfèm; yo ba li pouvoua aji pandan karanndé moua. ${ }^{6}$ E li ouvri bouch li pou di blasfèm kont BonDieu, pou li blasfèmé non li, ak tabènak li, ak moun yo ki rété nan sièl la. ${ }^{7}$ E yo pèmèt li fè moun ki sin yo la gè, é pou li pòté la viktoua sou yo. E yo ba li otorité sou tout branch ras, tout pèp, tout lang, épi tout nasion. ${ }^{8}$ E tout moun ki rété sou la tè va adoré li, moun ki pa-t gin non yo ékri dépi lé monn té fondé nan liv la vi agno a ki té sakrifié.
9 Si gnou moun gin zòrèy, ké li tandé. ${ }^{10}$ Si gnou moun ap kondui lòt kòm prizonnié, li-minm li va alé kom prizonnié; si gnou moun tué moun avèk népé, fòk sé népé ki tué-l li-minm. Sé nan sa pèsévérans ak la foua moun ki $\sin$ yo yé.

11 Apré sa mouin ouè gnou lòt bèt ki t-ap monté sòti nan la tè, ki té gin dé kòn ki té sanblé kòn gnou agno, é ki t-ap palé tankou gnou dragon.
12 Li t-ap ékzèsé tout otorité prémié bèt la an prézans li, é li té fè ké la tè avèk moun ki rété sou li t-ap adoré prémié bèt la, ki té gin blésu mòtèl ki té géri a. ${ }^{13} \mathrm{Li}$ t-ap fè dé bagay éstraòdi-nè, minm li té fè difé sòti nan sièl la désann sou la tè, dévan jé tout moun. ${ }^{14}$ E li t-ap pran tèt moun ki rété sou la tè avèk bagay éstraòdi-nè ké yo té pèmèt li fè an prézans bèt la, li t-ap di moun ki rété sou la tè pou yo fè gnou imaj pou bèt la ki té gin blésu népé a é ki t-ap viv. ${ }^{15}$ E yo pèmèt li mété souf nan imaj bèt la, pou imaj bèt la té kapab palé, épi pou li fè ké tout moun ki pa ta adoré imaj bèt la, yo ta tué yo. ${ }^{16}$ E li fè ké tout moun, ti moun ak gran moun, rich ak pòv, sa ki lib ak sa ki ésklav, té résévoua gnou mak sou min douat yo ou-byin sou fron yo, ${ }^{17}$ é ké pèsonn pa-t kapab achté ni vann, san yo pa-t gin mak la, non bèt la ou-byin chif non li.
18 Min sajès la. Sé pou moun nan ki gin intélijans kalkulé chif bèt la. Ka sé gnou chif lòm, é chif li a sé si-san-souasann-sis.

## Chan san-karann-kat-mil moun yo

14 Mouin gadé, épi O! agno a té kanpé sou mòn Sion an, é avèk li san-karann-kat-mil moun ki té
gin non li ak non Papa li ékri sou fron yo. ${ }^{2}$ Épi mouin tandé gnou voua ki sòti nan sièl la, tankou bri gro dlo, tankou bri gnou gro kout loraj; é voua mouin tandé a té tankou voua moun ki konn joué arp ki t-ap joué arp yo. ${ }^{3}$ E y-ap chanté gnou kantik nouvo dévan tròn nan, é dévan kat kréatu vivan yo ak viéya yo. É pèsonn pa-t kapab aprann kantik la, sòf san-karann-kat-mil yo ki té rachté sou la tè. ${ }^{4}$ Sé yo-minm ki pa-t sal tèt yo ak fanm, ka yo vièj; y-ap suiv agno a tou patou koté li pralé. Yo té rachté yo pami lèz òm, kòm prémié foui pou Bon-Dieu épi pou agno a; ${ }^{5}$ é nan bouch yo yo pa jouinn manti, ka pa gin angnin pou blanmin nan yo.

Toua zanj ap proklamé jujman Bon-Dieu yo
6 Mouin ouè gnou lòt zanj ki t-ap volé nan mitan sièl la; li té gin gnou Lévanjil étènèl, pou li a-nonsé li bay moun ki rété sou la tè, bay tout nasion, tout branch ras, tout lang, ak tout pèp. ${ }^{7} \mathrm{Li}$ t-ap di ak gnou voua fò: Krinn Bon-Dieu, é ba li gloua, ka tan jujman li a vi-ni, épi adoré sa ki fè sièl la, tè a, la mè a, sous dlo yo.
8 Épi gnou lòt, gnou dézièm zanj, vi-n apré, li t-ap di: Li tonbé, li tonbé, Babilòn ki gran an, li-minm ki fè tout nasion yo bouè du vin raj konduit sal li!
9 Épi gnou lot, gnou touazièm zanj vi-n apré yo, li t-ap
di ak gnou voua fo: Si gnou moun adoré bèt la avèk imaj li, épi résévoua gnou mak sou fron li ou-byin sou min li, ${ }^{10} 1$-a bouè, li-minm tou, duvin gran kòlè Bon-Dieu, ki vidé san li pa mélanjé nan koup kòlè li, é li va toumanté nan difé ak nan souf, dévan zanj yo ki sin épi dévan agno a. ${ }^{11}$ E la fumin touman yo ap monté pou toujou; é yo pa gin répo ni la jounin ni lan nuit, moun k-ap adoré bèt la ak imaj li, épi ninpòt moun ki résévoua mak non li.
12 Sé la, pèsévérans moun ki sin yo, k-ap kinbé kómandman Bon-Dieu épi la foua Jézu a.
13 Epi mouin tandé gnou voua ki sòti nan sièl la ki t-ap di: Ékri: Byinn-éré dépi koul-yé-a, mò ki mouri nan lé Ségnè! Oui, Léspri a di, pou yo sa répozé, pou yo pa nan travay ankò, ka zèv yo ap suiv yo.

## Rékòl la te

14 Mouin gadé, épi O! té gin gnou nuaj blanch, épi an-ro nuaj la gnou moun té chita ki té sanblé pitit gnou nonm; li té gin sou tèt li gnou kouròn ann-ò, épi nan min li gnou kouto pou rékòlté zépi yo é li té filé anpil. ${ }^{15}$ Epi gnou lòt zanj sòti nan tanp la, li rélé moun ki té chita sou nuaj la, li di-l ak gnou voua fò: Voyé kouto ou la, épi rékollté; ka lè pou rékòlté a rivé, paské rékòt tè a mu. ${ }^{16}$ Epi moun ki té chita sou nuaj la, li voyé kouto li a sou tè a. É yo té rékollté tè a.

17 Épi gnou lòt zanj sòti nan tanp ki nan sièl la, liminm tou li té gin gnou kouto filé pou rékòlté. ${ }^{18}$ Épi gnou lòt zanj ki té gin otorité sou difé, li sòti nan lotèl la, é li rélé avèk gnou voua fò sa ki té gin kouto filé a, li di li: Voyé kouto filé ou la, épi rékollté grap rézin nan pié rézin la tè a; ka rézin la tè yo mu. ${ }^{19}$ Epi zanj la jété kouto li a sou la tè. Épi li rékòlté pié rézin la tè a, épi li jété rékòt la nan gro, véso kolè BonDieu a. ${ }^{20}$ Epi yo té pilonnin sa ki té nan véso a an-déyò la vil la; épi san sòti nan véso a, li té rivé jouk nan mò-brid chéval yo, sou gnou distans mil-si-san stad. ${ }^{a}$

## Zanj yo ak dènié kalamité yo

15Apré sa mouin ouè nan siè la gnou lòt sign ki té gran épi admirab; sèt zanj ki t-ap kinbé sèt dènié kalamité yo, ka pa mouayin yo kòlè Bon-Dieu ap akonpli.
2 Epi mouin ouè tankou gnou la mè kristal, mélé ak difé, é moun ki té pòté la viktoua sou bèt la, épi sou imaj li a, épi sou chif non li, kanpé sou la mè kristal la; yo té gingnin $\operatorname{arp}$ Bon-Dieu yo. ${ }^{3}$ E y-ap chanté kantik Moiz la, sèvitè Bon-Dieu a, épi kantik agno a, y-ap di: Zèv ou yo gran épi admirab, Ségnè Dieu Tou-Puisan! Chémin ou yo jus épi véritab, roua nasion yo! ${ }^{4} \mathrm{Ki}$ lès ki pa ta sòti pè, Ségnè, é ki lès ki pa ta bay non ou gloua? Ka sé
ou-minm sè ki sin. E tout nasion yo va vi-ni, épi y-a mété yo a-jénou dévan ou, paské jujman ou yo té manifésté.
5 Apré sa mouin gadé, épi tanp tabènak témouagnaj, la té vi-n ouvri nan sièl la. ${ }^{6}$ Epi sèt zanj yo ki t-ap kinbé sèt kalamité yo sòti nan tanp la; yo té abiyé ak lin ki té pu, kléré, épi yo té gin sintu ann-ò alantou pouatri-n yo. ${ }^{7}$ Épi gnoun nan kat kréatu vivan yo bay sèt zanj yo sèt koup ann-o ki té plin avèk kolè Bon-Dieu k-ap viv pou toujou. ${ }^{8}$ E tanp la té vi-n plin la fumin, pou-tèt gloua BonDieu ak puisans li; é pèsonn pa-t kapab antré nan tanp la, jouk tan sèt kalamité sèt zanj yo té fi-n akonpli.

## Koup kòlè Bon-Dieu yo

16 Épi mouin tandé gnou voua fò ki t-ap sòti nan tanp la é ki t-ap di sèt zanj yo: Alé, épi vidé sou la tè sèt koup yo ki gin kolè Bon-Dieu a.
2 Prémié a alé, épi li vidé koup li a sou la tè. É gnou maling ki mové é ki fè mal tonbé sou moun ki té gin mak bèt la é ki t-ap adoré imaj li a.
3 Dézièm nan vidé koup li a nan la mè. Épi la mè tounin san, tankou san gnou moun ki mouri; épi tout kréatu vivan mouri, tou sa ki té nan la mè.
4 Touazièm nan vidé koup li nan gran riviè yo épi nan

[^48]sous dlo yo. É yo tounin san. ${ }^{5}$ É mouin tandé zanj dlo yo ki t-ap di: Ou jus, ou-minm ki la, é ki té la a; ou sin, paské ou fè jujman sa a. ${ }^{6}$ Ka yo fè san moun ki sin yo ak san profèt yo koulé, é ou ba yo san pou yo bouè: yo mérité-1. ${ }^{7}$ É mouin tandé lotèl la ki t-ap di: Oui, Ségnè, BonDieu Tou-Puisan, jujman ou yo véritab épi jus.
8 Katrièm nan vidé koup li sou sòlèy la. É yo pèmèt li boulé lèz òm ak difé; ${ }^{9}$ épi lèz òm té boulé ak gnou gran chalè, épi yo di paroll blasfèm sou non Bon-Dieu ki gin otorité sou kalamité sa yo, é yo pa répanti pou yo ba li gloua.
10 Sinkièm nan vidé koup li sou tròn bèt la. Épi rouayòm li té vi-n kouvri ak ténèb; é lèz òm t-ap mòdé lang yo, tèlman yo t-ap soufri, ${ }^{11}$ épi yo di blasfèm kont Bon-Dieu sièl la, pou-tèt doulè yo ak maling yo, épi yo pa répanti nan zèv yo.
12 Sizièm nan vidé koup li sou gran gran riviè a, Léfrat. Épi dlo li séché, pou chémin roua yo ki sòti nan péi Lorian yo té kapab préparé. ${ }^{13}$ Épi nan bouch dragon an, nan bouch bèt la, épi nan bouch fo profèt la, mouin ouè toua movèz éspri sòti, yo té sanblé krapo. ${ }^{14} \mathrm{Ka}$ sé léspri dinmon yo yé, $k-a p$ fè dé bagay éstraòdi-nè, épi ki pralé koté roua tout la tè yo, pou rasanblé yo pou batay gran jou Bon-Dieu Tou-Puisan an. ${ }^{15}$ Gadé, m-ap vi-ni tankou gnou vòlè. Byinn-éré moun sa a k-ap véyé, épi ki kinbé
rad li yo, pou li pa maché tou-nu é pou yo pa ouè ront li! - ${ }^{16}$ Yo rasanblé yo nan koté yo rélé ann-ébré Armagédon.
17 Sètièm nan vidé koup li nan lè a. Épi nan tanp la, nan tròn nan, gin gnou voua fò ki sòti ki t-ap di: Sé fi-ni! ${ }^{18}$ Épi té gin zéklè, voua, kout loraj, ak gnou gran tranbléman-d-tè tankou pa-t janm gingnin dépi lòm sou la tè ; sé gnou kokinn tranbléman-d-tè. ${ }^{19}$ Gran vil la vi-n séparé an toua, épi vil nasion yo tonbé; épi BonDieu sonjé gran Babilòn nan, pou-l ba li koup du-vin kòlè li ki cho. ${ }^{20}$ Épi tout zilé sové, é yo pa jouinn mòn yo ankò. ${ }^{21}$ Épi gnou gro la grèl, moso glas yo té pézé gnou talan, tonbé sòti nan sièl an-ro lèz òm; é lèz òm di blasfèm kont Bon-Dieu, pou-tèt kalamité la grèl la, paské kalamité sa a té gran anpil.

Jujman gran fanm movèz vi a
17 Apré sa gnoun nan sèt zanj yo ki té kinbé sèt koup yo vi-ni, é li adrésé mouin la paròl, li di: Vi-ni, m-a montré ou jujman gran fanm movèz vi a ki chita sou gro dlo yo. ${ }^{2}$ Sé avèk li roua la tè yo té lagé kò yo nan malpròpté, é sé avèk du-vin malpròpté li ké moun ki rété sou la tè té soulé tèt yo.
3 Épi li transpòté mouin ann-éspri nan gnou dézè.
É mouin ouè gnou fanm ki té chita sou gnou bèt tou rouj, li té plin avèk non blasfèm, li té gin sèt tèt ak dis
kòn. ${ }^{4}$ Fanm sa a té abiyé ak gnou rad toual soua mòv épi rouj vif, é li té kouvri ak bijou ann-ó, piè-bijou ak pèl. Li té kinbé nan min li gnou koup ann-ò, ki té plin avèk bagay ki modi épi malpròpté konduit sal li a. ${ }^{5}$ An-ro fron li té gin gnou non ki té ékri, gnou mistè: Gran Babilòn nan, manman moun konduit sal yo avèk bagay modi la tè yo. ${ }^{6}$ Épi mouin ouè fanm nan sou ak san moun ki sin yo épi ak san témouin Jézu yo. Lè-m ouè li mouin té sézi anpil.
7 Epi zanj la di-m: Pouki sa ou étonné? M-a di ou mistè fanm nan ak bèt k-ap pòté li a, ki gin sèt tèt yo ak dis kòn yo.
8 Bèt ou té ouè a té la, é li pa la ankò. Li gin pou li monté sòti nan gouf san fon an, épi pou li alé nan pèdision. E moun ki rété sou la tè, sa non yo pa-t ékri dépi lé monn té fèt nan liv la vi a, yo va étonné lè y-a ouè bèt la, paské li té la, é li pa la ankò, é l-a parèt ankò. ${ }^{9} \mathrm{Sa}$ sé intélijans ki gin sajès ladan li. - Sèt tèt yo sé sèt mòn, fanm nan chita sou yo. ${ }^{10}$ Sé sèt roua yo yé tou: gin sink ki tonbé, gnoun la, lòt la pa ko vi-ni, é lè l-a vi-ni, sé pa lontan li gin pou li rété. ${ }^{11}$ Bèt ki té la a, é ki pa la ankó $a$, li sé gnou uitièm roua li-minm, é li nan sèt yo, é li pralé nan pèdision. ${ }^{12}$ Dis kòn ou té ouè yo sé dis roua, ki pa ko résévoua rouayòm, min k-ap résévoua otorité kòm roua pandan i-n è avèk
bèt la. ${ }^{13}$ Yo gin gnou minm lidé, é y-ap bay bèt la puisans yo ak otorité yo. ${ }^{14}$ Yo va konbat kont agno a, é agno a va pòté la viktoua sou yo, paské li sé Ségnè dè ségnè é Roua dè roua; é sa ki té résévoua apèl, sa ki té chouazi épi fidèl yo ki avèk li, y-a pòté la viktoua sou yo tou. ${ }^{15}$ E li di-m: Dlo ou té ouè yo, sa fanm movèz vi a chita sou yo, sé pèp, foul moun, nasion, ak lang. ${ }^{16}$ Dis kòn ou té ouè yo, épi bèt la, yo va rai fanm movèz vi $a, y$-a pran tou sa li gingnin é y-a mété li tou tou-nu, y-a manjé viann li, é y-a boulé li nan difé. ${ }^{17} \mathrm{Ka}$ Bon-Dieu mété nan kè yo pou yo ékzékuté lidé li é pou yo ékzékuté gnou minm lidé, é pou yo bay bèt la rouayòm yo, jouk tan parol Bon-Dieu yo akonpli. ${ }^{18}$ É fanm nan ou té ouè a, sé gran vil la ki kòmandé roua la tè yo.

## Babilòn tonbé

18 Apré sa, mouin ouè gnou lòt zanj désann sòti nan sièl la, ki té gingnin gnou gran otorité; é la tè té kléré avèk gloua li. ${ }^{2}$ Li rélé ak gnou voua fò, li di: $\mathbf{L i}$ tonbé, li tonbé, gran Babilòn nan! Li tounin gnou koté pou dinmon rété, koté tout léspri inpu rété, koté tout zouazo ki inpu é ké yo rai rété, ${ }^{3}$ paské tout nasion yo té bouè nan du-vin raj konduit sal li, épi roua la tè yo té lagé kò yo nan malpròpté avèk li, épi sa k-ap fè konmès
yo sou la tè fè tèt yo rich avèk puisans éksé li fè nan dépans pou byinnèt li.
4 Épi mouin tandé gnou lòt voua ki sòti nan sièl la ki t-ap di: Sòti nan mitan li, pèp mouin, pou nou pa patisipé nan péché li yo, é pou nou pa résévoua angnin nan kalamité li yo. ${ }^{5} \mathrm{Ka}$ péché li yo anpilé gnoun sou lòt rivé jouk nan sièl la, é Bon-Dieu sonjé i-nikité li yo. ${ }^{6}$ Péyé li jan li té péyé, é rinmèt li doub dapré zèv li. Minm koup li té vidé a, vidé pou li dé foua plus. ${ }^{7}$ Dapré jan li té louanjé tèt li épi li té plonjé tèt li nan tout éksé dépans pou byinnèt li, ba li minm mézi a nan touman ak dèy. Paské li di nan kè li: Mouin chita kòm rèn, mouin pa vèv é mouin p-ap ouè dèy du tou! ${ }^{8}$ Poutèt sa, nan gnou sèl jou, kalamité li yo va rivé, la mò, dèy ak grangou, épi li va boulé nan difé. Ka Ségnè Bon-Dieu ki jujé li a, li puisan.
9 É tout roua la tè yo ki fè malpròpté avèk li é ki fè avèk li gnou bann éksé nan dépans pou byinnèt yo, yo va kriyé épi $y$-a plinn anpil pou-tèt li, lè $y$-a ouè la fumin difé $k$-ap boulé li. ${ }^{10} \mathrm{Y}$-a kanpé louin, nan la pè kalamité li, y-a di: Malè! malè! Gran vil la, Babilon, vil puisan an! Nan gnou sèl moman jujman ou vi-ni! - ${ }^{11}$ Épi moun k-ap fè konmès yo sou la tè ap kriyé é yo an dèy pou-tèt li, paské pèsonn pa achté ankò kagézon yo, ${ }^{12}$ kagézon lò, lajan, piè-bijou, pèl, lin ki fin,
bèl étòf rouj, soua, étòf rouj vif, tout kalité boua ki santi bon, tout kalité bagay ki fèt ann-ivoua, tout kalité bagay an-boua ki gin anpil valè, ann-érin, an-fè épi an-mab, ${ }^{13}$ kagézon ka-nèl, aromat, pafin, mir, lansan, du vin, luil, fari-n ki fin, blé, bèf, mouton, chéval, cha, kò ak nanm moun. ${ }^{14}$ Foui nanm ou té anvi yo alé louin ou; épi tout bon ti bagay, sa ki bèl anpil yo, yo pèdu pou ou é ou p-ap jouinn yo anko. ${ }^{15}$ Moun ki vann bagay sa yo, ki fè anpil lajan gras-a liminm, y-a kanpé louin nan la pè touman li; yo va kriyé épi yo va nan dèy, ${ }^{16}$ épi y-a di: Malè! malè! Gran vil la, ki té abiyé ak lin ki fin, ak bèl étòf mòv épi étòf rouj vif, épi ki té mété bijou ann-ó sou li, piè-bijou ak pèl! Nan gnou sèl moman kantité richès sa yo détoui! - ${ }^{17}$ Epi tout pilot yo, tout moun k-ap vouayajé sou la mè vi-n koté sa a, marin yo, épi sa k-ap chaché la vi yo sou la mè, yo té kanpé louin, ${ }^{18}$ é yo t-ap rélé, lè yo té ouè la fumin difé lè li t-ap boulé a, yo t-ap di: Ki lès vil ki sanblé gran vil la? ${ }^{19}$ Épi yo t-ap jété pousiè sou tèt yo, yo t-ap kriyé é yo té nan dèy, épi yo t-ap rélé é yo t-ap di: Malè! malè! Gran vil la, koté tout moun ki té gin bato sou la mè vi-ni rich ak kantité byin li yo, nan gnou sèl moman li détoui!
20 Sièl, réjoui ou sou li! E nou-minm, sa ki sin yo, apòt yo, épi profèt yo, réjoui nou
tou! Ka Bon-Dieu rann nou justis lè li jujé li a.
21 Épignouzanj puisan pran gnou ròch ki té sanblé gnou gro mèl, épi li jété-l nan la mè, li di: Sé konsa yo va jété Babilòn ak fòs, gran vil la, é yo p-ap jouinn li ankò. ${ }^{22}$ E yo p-ap tandé lakay ou ankò son moun $k$-ap joué arp yo, son muzisyin yo, moun k-ap joué flut yo ak moun k-ap joué tronpèt yo, yo p-ap jouinn lakay ou okinn atizan ki fè ninpòt ki métié, yo p-ap tandé ankò lakay ou bri mèl, ${ }^{23}$ lumiè lanp p-ap kléré lakay ou ankò, épi voua lé marié ak la marié, yo p-ap tandé sa ankò lakay ou, - paské moun ou yo $k$-ap fè konmès sé yo ki té gran zòm la tè, paské ou té pran tèt tout nasion yo ak ouanga ou yo, ${ }^{24}$ épi paské yo jouinn lakay li san profèt yo ak moun ki sin yo épi san tout moun yo té tué sou la tè.

Louanj gnou kantité moun nan sièl la

19Apré sa, mouin tandé nan sièl la gnou voua fò tankou voua gnou kantité moun, ki t-ap di: Alélouya! Salu, gloua, épi puisans sé pou Bon-Dieu nou, ${ }^{2}$ paské jujman li yo véritab é yo jus; ka li jujé gran fanm movèz vi a ki t-ap gaté la tè avèk malpròpté li, épi li vanjé san sèvitè li yo, li fè li rann kont pou sa. ${ }^{3}$ Épi yo di gnou dézièm foua: Alélouya! Épi la fumin li ap monté pou toujou.
4 Epi vinn-kat viéya yo ak kat kréatu vivan yo, yo mété
a-jénou épi yo adoré BonDieu ki chita sou tròn nan, yo t-ap di: Amèn! Alélouya! 5 Epi gnou voua sòti nan tròn nan, li t-ap di: Louanjé Bon-Dieu nou, nou-minm tout sèvitè li yo, nou-minm ki krinn li, ti moun ak gran moun!
6 Épi mouin tandé tankou voua gnou kantité moun, tankou bri gro dlo, épi tankou bri gro kout loraj, ki t-ap di: Alélouya! Ka Ségnè BonDieu nou ki tou-puisan antré nan règn li. ${ }^{7}$ An nou réjoui épi an nou kontan anpil, épi an nou ba li gloua; ka nós agno a rivé, é madanm li paré tèt li, ${ }^{8}$ é yo akòdé li pou-l mété sou li rad ki fèt ak lin ki fin, ki kléré, ki pu. - Ka lin ki fin an sé zèv jus moun ki $\sin y o$.

## Gran répa nòs Agno a

9 Épi zanj la di-m: Ékri: Byinn-éré moun yo rélé vi-ni nan gran répa nòs agno a! Épi li di-m: Parol sa yo sé véritab paròl Bon-Dieu. ${ }^{10}$ Épi mouin tonbé nan pié li pou adoré-l; min li di-m: Pinga fè sa du tou! Mouin sé kanmarad sèvis ou, é kanmarad sèvis frè ou yo ki gin témouagnaj Jézu a. Adoré Bon-Dieu. - Ka témouagnaj Jézu a sé léspri profési a.
Kavalié ki monté sou chéval blan an 11 Apré sa mouin ouè sièl la ouvri, épi $O$ ! gnou chéval blan parèt. Kavalié ki té monté sou li a yo té rélé-l Fidèl épi Véritab, é li jujé épi konbat avèk justis. 12 Jé li yo
té tankou gnou flanm difé; sou tèt li té gingnin pliziè bando rouayal; li té gin gnou non ki té ékri, ké pèsonn pa konnin, sóf li-minm; ${ }^{13}$ é li té abiyé ak gnou rad ki té tinn ak san. Non li sé Paròl BonDieu. ${ }^{14}$ Lamé yo ki nan sièl la t-ap suiv li, yo té monté sou chéval blan, yo té abiyé ak gnou lin ki fin, blan, pu. ${ }^{15}$ Nan bouch li gnou népé filé t-ap sòti, pou frapé nasion yo; li va kondui yo ak gnou baton an-fè; épi li va pézé an-ba pié li basin ki gin du-vin gro kòlè Bon-Dieu ki tou-puisan an. ${ }^{16} \mathrm{Li}$ té gin gnou non ki té ékri sou rad li ak sou kuis li: Roua dè roua épi Ségnè dè ségnè.
17 Épi mouin ouè gnou zanj ki té kanpé nan sollèy la. Epi li rélé ak gnou voua fò, li di tout zouazo yo ki t-ap volé nan mitan sièl la: Vi-ni, rasanblé pou gran répa BonDieu a, ${ }^{18}$ pou nou manjé viann roua yo, viann chèf militè yo, viann moun ki puisan yo, viann chéval yo ak viann moun ki monté sou yo, viann yo tout, sa ki lib ak sa ki ésklay, sa ki piti ak sa ki gran. 19 Epi mouin ouè bèt la, ak roua la tè yo, ak lamé yo ki rasanblé pou fè la gè kont sa ki té chita sou chéval la épi kont lamé li.
20 Épi yo pran bèt la ansanm avèk fo profèt la, li-minm ki té fè dévan li dé bagay éstraòdi-nè ki té sèvi pou li té pran tèt moun ki té résévoua mak bèt la épi ki té adoré imaj li. Yo jété yo tou lé dé vivan nan létan cho,
difé ak souf la. ${ }^{21}$ Épi yo tué lèz òt yo ak népé ki t-ap sòti nan bouch moun ki té chita sou chéval la; é tout zouazo plin vant yo ak viann yo tout.

## Mil a-né yo

20 Apré sa mouin ouè gnou zanj désann sòti nan sièl la; li té gin klé gouf san fon an ak gnou gran chinn nan min li. ${ }^{2}$ Li kinbé dragon an, sèpan ansyin an, li-minm ki diab la é Satan, épi li maré-l pou mil a-né. ${ }^{3} \mathrm{Li}$ jété-l nan gouf san fon an, épi li fèmin-l é li mété so li sou gouf la, pou li pa pran tèt nasion yo ankd, jouk tan mil a-né yo fi-n pasé. Apré sa fok yo lagé-l pou gnou ti tan. 4 Épi mouin ouè tròn; épi moun ki vi-n chita sou yo, yo ba yo pouvoua pou jujé. Epi mouin ouè nanm sa yo té koupé tèt yo a-kòz témouagnaj Jézu épi a-kòz paròl Bon-Dieu, ak nanm moun yo ki pa-t adoré bèt la ni imaj li, é ki pa-t résévoua mak la sou fron yo épi sou min yo. Yo vi-n viv ankò, é yo gouvènin avèk Kris pandan mil a-né. ${ }^{5}$ Lèz òt mò yo pa vi-n viv ankò jouk tan mil a-né yo té fi-n pasé. Sé prémié rézuréksion an. ${ }^{6}$ Yo byinn-éré é yo sin, moun yo ki patisipé nan prémié rézuréksion an! Dézièm la mò a pa gin pouvoua sou yo; min yo va sakrifikatè Bon-Dieu ak Kris, é yo va gouvènin avèk li pandan mil a-né.
7 Lè mil a-né yo va fi-n pasé, yo va lagé Satan sòti nan prizon li a. ${ }^{8}$ E li va soti pou
li pran tèt nasion yo ki nan kat kouin la tè, Gog ak Magog, pou li rasanblé yo pou la gè; kantité yo tankou sab la mè.
9 Épi yo monté an-ro la tè, é yo antouré kan moun ki $\sin$ yo ak vil byinn-émé a. Min gnou difé désann sòti nan sièl la, épi li dévoré yo. ${ }^{10}$ E diab la, ki t-ap pran tèt yo, yo jété li nan létan difé ak souf la, koté bèt la ak fo profèt la yé. E yo va toumanté la jounin kou lan nuit pou toujou.

## Jujman gran tròn blan an

11 Apré sa mouin ouè gnou gran tròn blan, épi moun ki té chita sou li a. Tè a ak sièl la pran kouri dévan fas li, é yo pa jouinn plas pou yo ankò. ${ }^{12}$ Epi mouin ouè mò yo, gran yo ak piti yo, ki té kanpé dévan trờn nan. Liv yo ouvri. Épi gnou lot liv ouvri, sa ki liv la vi a. E yo jujé mò yo dapré zèv yo, dapré sa ki té ékri nan liv sa yo. ${ }^{13}$ La mè a rann mò yo ki té nan li, la mò ak koté mò yo déméré a rann mò yo ki té nan yo; é yo té jujé chak moun sélon zèv li yo. ${ }^{14}$ E yo jété nan létan difé a la mò ak koté mò yo déméré a. Sé dézièm la mò a, létan difé a. ${ }^{15}$ Ninpot moun yo pa-t jouinn ékri nan liv la vi a, yo té jété-1 nan létan difé a.

Nouvo stel la ak nouvo te a Épi mouin ouè gnou nouvo siè ak gnou nouvo tè; ka prémié sièl la ak prémié tè a té disparèt, é
la mè a pa-t la ankó. ${ }^{2}$ E mouin ouè nouvo Jéruzalèm nan, vil ki sin an, désann sòti nan sièl la, koté Bon-Dieu, li té paré tankou gnou la marié ki paré kó li pou mari li. ${ }^{3}$ E mouin tandé gnou voua fò ki sòti nan tròn nan ki t-ap di: Min tabènak BonDieu a avèk lèz óm! Li va rété avèk yo, é yo va pèp li, é Bon-Dieu li-minm va avèk yo. ${ }^{4} \mathrm{Li}$ va suyé tout dlo nan jé yo, é la mò p-ap la ankó, é p-ap gin ankò ni dèy, ni rèl, ni doulè, ka prémié bagay yo disparèt.
5 É moun ki té chita sou tròn nan di: Gadé, m-ap fè tout bagay nouvo. Epi li di: Ekri; ka parol sa yo sètin épi véritab. ${ }^{6}$ Épili di-m: Sa fèt! Mouin sé alfa ak oméga, kòmansman an ak fin an. Moun ki souaf $\mathbf{m - a}$ ba li nan sous dlo la vi a gratis. ${ }^{7}$ Moun ki va pòté la viktoua va éritié bagay sa yo, mouin va BonDieu li, é li va pitit mouin. ${ }^{8}$ Min kant-a-pou lach yo, inkrédul yo, sa ki bay dégoutans yo, asasin yo, moun k-ap fè malpròpté yo, ouangatè yo, moun k-ap sèvi zidol yo, épi tout mantè yo, pòsion yo va nan létan cho difé ak souf la, sé sa ki dézièm la mò a.

## Nouvo Jéruzalèm nan

9 Épi gnoun nan sèt zanj yo, ki t-ap kinbé sèt koup yo ki té plin ak sèt dènié kalamité, vi-ni é li adrésé-m la parol, li di: Vi-ni, m-a montré ou la marié, madanm agno a.

10 É li transpòté mouin ann-éspri sou gnou gran mòn ki ro.
É li montré-m vil ki sin an, Jéruzalèm, ki t-ap désann sòti nan sièl la koté Bon-Dieu, li té gin gloua Bon-Dieu. ${ }^{11}$ Jan li té kléré té sanblé jan gnou piè-bijou ki gin anpil valè kléré, gnou piè-jasp ki klè tankou kristal. ${ }^{12} \mathrm{Li}$ té gin gnou muray ki té gran, ro. Li té gin douz pòt, é sou pòt yo douz zanj, é dé non ki té ékri, non douz branch ras pitit Izraè yo: ${ }^{13}$ a lès toua pot, o nò toua pòt, o sud toua pòt, a louès toua pòt. ${ }^{14}$ Muray vil la té gin douz fondasion, é sou yo douz non douz apòt agno a yo.
15 Moun ki t-ap palé avèk mouin an té gin gnou rozo ann-ò kòm mézi, pou mézuré vil la, pòt li yo, ak muray li a. ${ }^{16}$ Vil la té gnou fòm karé, é longè li té minm avèk lajè li. Li mézuré vil la avèk rozo a, é li jouinn douz mil stad; ${ }^{a}$ longè a, lajè a ak rotè a té minm. ${ }^{17} \mathrm{Li}$ mézuré muray la, é li jouinn san-karann-kat koudé, ${ }^{b}$ dapré jan lèz òm mézuré, é sé té konsa zanj la té mézuré.
18 Muray la té fèt an-jasp, é vil la té ann-ò pu, li té klè tankou kristal. ${ }^{19}$ Fondasion muray vil la té dékoré ak tout kalité piè-bijou: prémié fondasion an té fèt an-jasp, dézièm nan an-safir, touazièm nan an-kalsédouann, katrièm nan an-émrod, ${ }^{20}$ sinkièm
nan an-sardo-niks, sizièm nan an-sardouann, sètièm nan an-krizolit, uitièm nan anbéril, névièm nan an-topaz, dizièm nan an-krizopraz, onzièm nan an-yasint, douzièm nan ann-amétis. ${ }^{21}$ Douz pòt yo té douz pèl; chak pòt té fèt ak gnou sè pèl. Plas la vil la té ann-ò pu, tankou kristal ou kapab ouè ladan li.
22 Mouin pa ouè tanp nan vil la; ka Ségnè Bon-Dieu tou puisan an sé tanp li, agno a tou. ${ }^{23}$ Vil la pa bézouin ni solèy ni la lun pou kléré li; ka gloua Bon-Dieu a ap kléré li, épi agno a sé flanbo li. ${ }^{24}$ Nasion yo va maché nan lumiè li, épi roua la tè yo va pòté gloua yo ladan li. ${ }^{25}$ Pòt li yo p-ap femin la jounin, ka la p-ap gin lan nuit. ${ }^{26}$ La yo va pòté gloua ak onnè nasion yo. ${ }^{27}$ Angnin ki pa pu p-ap antré la, ni pèsonn $k$-ap fè bagay ki bay dégoutans épi k-ap fè manti; sé sèman moun yo ki ékri nan liv la vi agno a ki va antré.
22 Epi li montré-m gnou gran riviè dlo la vi a, ki té klè tankou kristal, ki t-ap sòti nan tròn Bon-Dieu ak agno a. ${ }^{2}$ Nan mitan plas la vil la é sou dé bò gran riviè a, té gin gnou pié boua la vi, ki t-ap bay foui douz foua, li t-ap bay foui li chak moua, é fèy li yo t-ap sèvi pou géri nasion yo. ${ }^{3}$ P-ap gin malédiksion ankò. Tròn BonDieu a ak agno a va nan vil

[^49]la; sèvitè li yo va sèvi li é yo va ouè fas li, ${ }^{4}$ é non li va sou fron yo. ${ }^{5} \mathrm{P}$-ap gin lan nuit ankò; é yo p-ap bézouin ni lanp ni lumiè, paské Ségnè Bon-Dieu va kléré yo. E yo va gouvènin pou toujou.

Kris da oi-ni avan lontan
6 Épi li di-m: Paròl sa yo sètin épi véritab; é Ségnè a, Bon-Dieu léspri profèt yo, voyé zanj li pou montré sèvitè li yo bagay ki doué rivé avan lontan. - ${ }^{7}$ Epi gadé, m-ap vi-ni avan lontan. - Byinnéré moun ki kinbé parol profési liv sa a!
8 Sé mouin-minm Jan, ki tandé épi ki ouè bagay sa yo. Épi lè m-té tandé épi ouè, mouin tonbé nan pié zanj ki t-ap montré-m yo, pou-m adoré li. ${ }^{9}$ Min li di-m: Pinga fè sa! Mouin sé kanmarad sèvis ou, é kanmarad sèvis frè ou yo, profèt yo, ak moun ki kinbé paròl liv sa a. Adoré Bon-Dieu.
10 Épi li di-m: Pa mété so sou paròl profési liv sa a. Paské tan an pré. ${ }^{11}$ Sé pou gnou moun ki injus rété injus, moun ki sal tèt li a sal li ankò; sé pou sa ki jus la konti-nué fè sa ki jus, é moun ki sin an sé pou li vi-n pi sin ankó. ${ }^{12}$ Gadé, m-ap vi-ni avan lontan, é rékonpans mouin avèk mouin, pou-m rann chak moun sélon sa zèv li yé. ${ }^{13}$ Mouin sé alfa ak oméga,
prémié a ak dènié a, kòmansman an ak fin an. ${ }^{14}$ Byinnéré moun yo ki lavé ròb yo, pou yo gin doua nan pié boua la vi a, épi pou yo pasé nan pòt vil la yo pou yo antré ladan li! ${ }^{15}$ Déyò chin yo, ouangatè yo, moun k-ap fè malpròpté yo, asasin yo, sa k-ap sèvi zidòl yo, épi ninpòt moun ki rinmin manti é k-ap fè manti! ${ }^{16}$ Mouin-minm, Jézu, mouin voyé zanj mouin pou sètifié nou bagay sa yo nan légliz yo. Mouin sé rasi-n ak désandans David la, zétoual ki kléré lé matin an.
17 Léspri a ak la marié a di: Vi-ni. É sé pou moun ki tandé a di: Vi-ni. É sé pou moun ki souaf la vi-ni; moun ki vlé, sé pou li pran nan dlo la vi a, gratis.
18 Min sa mouin déklaré ninpòt moun ki tandé paròl profési liv sa a: Si gnou moun mété kichòy sou li, Bon-Dieu va mété sou moun sa a kalamité ki détayé nan liv sa a; ${ }^{19}$ é si gnou moun ouété kichóy nan parol liv profési sa a, Bon-Dieu va ouété possion li nan pié boua la vi a épi nan vil ki sin an, bagay sa yo ki détayé nan liv sa a .
20 Moun ki sètifié bagay sa yo di: Oui, m-ap vi-ni avan lontan.
Amèn! Vi-ni, Ségnè Jézu!
21 Ké la gras Ségnè Jézu avèk tout moun!

## SÒM YO

## PRÉMIÉ LIV

## Jus la avèk méchan an

Byinn-éré gnou nonm ki pa suiv konsèy méchan,
Ki pa kanpé sou chémin péchè,
É ki pa chita nan konpagni moun $k$-ap moké lè zòt,
${ }^{2}$ Min ki jouinn plézi nan la loua Létènèl,
E ki réféchi sou sa jou kou nuit!
${ }^{3}$ Li va kou gnou pié boua ki planté a-rébò la riviè, É ki donnin nan tout sézon. Fèy li p-ap janm séché.
Tou sa li antréprann réusi.
${ }^{4}$ Sé p-ap minm bagay pou méchan yo:
Yo tankou pay van ap gayé.
${ }^{5}$ Sé pou sa méchan yo pa rézisté jou jujman,
Ni péchè yo pami jus yo.
${ }^{6}$ Paské Létènèl konn chémin jus yo,
E chémin méchan yo kondui nan la ruin.

Règn sila Létenel sakréa
2 Pouki sa gro bri sa a pami nasion yo?
É pouki sa moun yo fòmé lidé ki pa vo angnin?
${ }^{2}$ Pouki sa roua yo ki sou la tè soulvé
E prins yo fè bann avèk yo Kont Létènèl é kont sila li sakré a? -
${ }^{3}$ Yo di: Annou kasé kỏd yo, Ann ouété kò nou an-ba chinn yo!
${ }^{4}$ Sila a ki chita nan siel la va ri,
Lé Ségnè va pasé yo nan bétiz.
${ }^{5}$ Épi li va palé avèk yo lè li an-kolè,
Nan furè li li va fè yo soté.
${ }^{6}$ Sé mouin-minm ki sakré roua mouin
Pou-l gouvènin Sion, mòn mouin ki sin an!
${ }^{7}$ Mouin va fè publikasion an;
Létènèl di mouin: ou sé pitit gason mouin!
Mouin ba ou nésans jodi a.
${ }^{8}$ Mandé mouin é m-a ba ou nasion yo kòm éritaj,
É dènié bout la tè yo kòm lo pa ou.
${ }^{9} \mathrm{Ou}$ va krazé yo tounin fari-n avèk gnou baton fè,
Ou va krazé yo tounin fari-n tankou gnou kruch ki nan moul.
${ }^{10}$ Kou-n yé a, roua, kondui tèt ou avèk sajès!
É ou-minm, juj la tè, pran léson!
${ }^{11}$ Sèvi Létènèl avèk krint,
É réjoui avèk tranbléman.
${ }^{12}$ Bo pitit la pou li pa an-kòlè, E pou ou pa péri nan rout ou,
Paské kòlè li monté vit.
Byinn-éré tou sa yo ki konfié nan li!

Gnou la prit konfians nan Bon-Dieu ki fêt lé matin
3
Som David lè-l t-ap sové dévan Absalon pitit li.
${ }^{2}$ Étènèl, ala anpil énmi-m yo anpil!
Ala moun ki lévé kont mouin!
${ }^{3}$ Konbyin ki ap di sou mouin:
Pa gin chapé pou li koté Bon-Dieu! - Pòz.
${ }^{4}$ Min ou-minm, Étènèl, ou sé défans mouin,
Ou sé gloua mouin, sé ou ki lévé tèt mouin.
${ }^{5}$ Voua mouin rélé bay Lẻtènèl,
E-1 réponn mouin sou mòn li a ki sin. - Pòz.
${ }^{6}$ Mouin kouché é-m dòmi; M-lévé, paské Létènèl soutni mouin.
${ }^{7} \mathrm{M}$-pa pè milion pèp
K-ap asayi-m tou patou.
${ }^{8}$ Lévé non, Étènèl! sové-m Bon-Dieu mouin!
Ou frapé tout énmi-m yo nan figu;
Ou kasé dan méchan yo.
${ }^{9}$ Sé Létènèl ki sové gnou nonm:
Ké bénédiksion ou kapab sou pèp ou! - Pòz.
Gnou la prié konfians nan Bon-Dieu ki fet lé soua

4Pou konduktè chan yo. Avèk instruman a-kòd yo. Sòm David.
${ }^{2}$ Lè mouin krié, réponn mouin Bon-Dieu justis mouin!
Lè mouin nan détrès, sové mouin!
Gin pitié pou mouin, kouté la priè-m!
${ }^{3}$ Mésiéz-è-dam, jouk ki tan yo va plédé ap insulté la gloua mouin?
Jouk ki tan ou va rinmin vanité?
Jouk ki $\tan$ ou va chaché manti? - Pòz.
${ }^{4}$ Mouin vlé fè ou konnin ké Létènèl chouazi gnou nonm ki réspékté BonDieu;
Létènèl tandé lè mouin krié nan pié li.
${ }^{5}$ Tranblé, é pi-nga péché;
Palé nan kè̀ ou sou kabann ou, épi pé bouch ou. Pỏz.
${ }^{6}$ Ofri sakrifis la justis,
Épi konfié ou a Létènèl.
${ }^{7}$ Gin anpil moun ki di: Ki lès ki va fè nou ouè gnou la vi dous?
O Étènel!! fè lumiè figu ou lévé sou nou.
${ }^{8} \mathrm{Ou}$ mété plus joua nan kè-m pasé sa yo gingnin
Lè yo pa manké blé ${ }^{a}$ avèk duvin.
${ }^{9}$ Mouin va kouché é mouin va dòmi an-pè,
Paské sé ou-minm sèl, o Étènè, ki ban mouin asurans konplèt.
Gnou la priè pou protêhsion
$5 \begin{aligned} & \text { Pou konduktè chan yo. Avèk } \\ & \text { fif. } \\ & \text { Som David. }\end{aligned}$
${ }^{a}$ 4:8 Ble: Sé grinn ké yo anplouayé pou fè fari-n frans la.
${ }^{2}$ Ouvri zòrèyou pou tandé-m, o Etènèl!
Kouté kout-plinn mouin non!
${ }^{3}$ Pran ka rèl mouin, o roua mouin é Bon-Dieu mouin!
Paské sé ba ou mouin fè la priè-m.
${ }^{4}$ Étènèl! kou matin parèt ou va tandé voua mouin; Mouin viré bò koté ou lè li gran-matin é mouin rété tann.
${ }^{5}$ Paské ou pa gnou BonDieu ki pran plézi nan mal;
Méchan an pa kab rété pré ou.
${ }^{6}$ Moun san konprann yo pa kab kanpé dévan jé ou;
Ou rayi tou sa yo ki konmèt inikité.
${ }^{7} \mathrm{Ou}$ va fè mantè yo péri;
Létènèl dégouté mésié yo ki pran plézi nan san é nan tronpri.
${ }^{8}$ Kant-a mouin, a-kòz gran mizérikòd ou, mouin pral lakay ou,
Avèk krint, mouin va prostènin nan lié sin ou nan.
${ }^{9}$ Étènèl! kondui-m nan la justis, a-kòz lénmi-m yo, Fè rout ou nivo anba pié-m. ${ }^{10}$ Paské pa gin okinn sinsérité nan bouch yo;
Kè yo plin malis,
Gój yo tankou gnou fós ouvè,
E lang yo plin paròl flatri. ${ }^{11}$ Frapé yo, o Bon-Dieu!

Fè plan yo soti mal pou yo!
Kilbité yo nan mitan gran kantité péché yo!
Paské yo révolté kont ou.
${ }^{12}$ Alò tou sa yo ki konfié nan ou va réjoui,
Yo va an-kontantman pou toujou, é ou va protéjé yo;
Ou va gnou kòz la joua
Pou sa yo ki rinmin non ou.
${ }^{13}$ Paské ou béni jus la, o Étènèl!
Ou antouré li avèk gras ou kòm si sé té avèk gnou bouklie. ${ }^{a}$

Gnou la priè pou mizérikòd nan jou détrès
6 Pou konduktè chant yo. Ak instruman ki joué ak kod. Sou banza uit kòd la. Sòm David.
${ }^{2} \mathrm{O}$ Etènèl, pa puni-m nan kólè ou,
E pa ban-m chatiman nan furè ou!
${ }^{3}$ Gin pitié pou mouin, O Étènèl, paské-m san fòs;
Géri mouin, o Étènèl, paské $\mathrm{zo}-\mathrm{m}$ ap tranblé.
${ }^{4}$ Nanm mouin tou troublé;
E ou-minm, jus ki lè, o Étènèl?. . .
${ }^{5}$ Tounin, Étènèl, délivré nanm mouin;
Sové mouin, paské ou gin mizérikòd.
${ }^{6}$ Paské moun mouri pa sonjé ou ankò;
Ki lès ki va louanjé pou ou pami lè mò?
a 5:13 Bouklié: Sé gnou zam défans ansyin solda yo té konn anplouayé pou paré kou lénmi an.
${ }^{7}$ Mouin fi-n épuizé a-fòs mouin kriyé;
Chak nuit, mouin mouyé kabann mouin ak dlo kriyé.
${ }^{8}$ Figu-m uzé anba chagrin,
Li fi-n vié anba tout moun yo k-ap pèsékuté-m.
${ }^{9}$ Rétiré kò nou koté-m, nou tout k-ap fè lé mal!
Paské Létènèl tandé rèl mouin ak kriyé-m.
${ }^{10}$ Létènèl ékzòsé démann mouin.
Létènèl résévoua la priè-m.
${ }^{11}$ Tout énmi-m yo ront, yo sézi fréyè;
Yo rékulé, san yo pa atann la ront kouvri yo.

## Gnou la priè oanjans

7Plint David. Li té chanté li bay Létènel anro Kuch, moun tribu Binjamin.
${ }^{2}$ Etènèl, Bon-Dieu mouin! sé nan ou mouin chaché réfuj mouin;
Sové-m anba tout pèsé-kutè-m yo, é délivré-m,
${ }^{3}$ Pou li pa déchiré-m tankou gnou lion
Ki dévoré san pésonn pa vi-n poté sékou.
${ }^{4}$ Etènèl, Bon-Dieu mouin! si mouin té fè sa,
Si gin inikité nan min mouin,
${ }^{5}$ Si mouin té rann mal bay sila a ki té an-pè avèk mouin,
Si mouin té dépouyé sila ki té fè-m abu san kòz la,
${ }^{6} \mathrm{Ou}$ mèt kité lénmi an pousuiv mouin é mété min anro-m.

Ou mèt kité li foulé la vi-m a-tè,
E ou mèt kité li désann la gloua mouin nan pousiè! - Pòz.

7 O Étènèl, nan kòlè ou, lévé non!
Lévé kont furè advèsè-m yo,
Révéyé ou pou poté-m sékou, bay lòd pou gnou jujman!
8 Minm si asanblé pèp yo anvironnin ou,
Monté pi ro pasé li nan lè lié trè-ro!
${ }^{9}$ Létènèl jujé pè̀p yo:
Rann mouin justis, o Etènèl!
Sélon douati mouin é sélon inosans mouin!
${ }^{10}$ Mété gnou aré sou malis méchan yo,
E fè jus la vi-n fò,
Ou-minm, Bon-Dieu jus, ki sondé kè avèk rin yo!
${ }^{11}$ Bon-Dieu sé bouklié mouin,
Li sové sa yo ki gin kè douat.
${ }^{12}$ Bon-Dieu sé gnou juj ki just,
Li fè moun santi kòlè li ninpòt ki lè.
${ }^{13} \mathrm{Si}$ méchan an pa konvèti, li filé kouli-n li;
Li ranjé kòdon flèch li épi li vizé:
${ }^{14} \mathrm{Li}$ tiré sou li kèk kou ki pot lan mò,
Li voyé flèch ki grinnin dufé.
${ }^{15}$ Minni, méchan an préparé-l pou li fè mal,
Li ansint inikité, é li akouché anyin-du-tou.
${ }^{16} \mathrm{Li}$ ouvè gnou fosé, li fouyé-l,
Épi li tonbé nan fosé li té fè a.
${ }^{17}$ Inikité li va tonbé sou tèt li.
E violans li va rébondi sou li.
${ }^{18}$ Mouin va bay Létènèl louanj a-kòz justis li,
Mouin va chanté non Létènèl, non Trè-Ro a.

La gloua Létènèl épi lonnè lòm
8 Pou konduktè chan yo. Sòm David.
2 Etènèl, Ségnè nou,
Ala gran non ou gran sou tout la tè!
Gloua ou lévé dépasé sièl la.
${ }^{3}$ Ak bouch ti moun, minm ti sa ki nan tété,
Ou établi gloua ou pou konfonn advèsè ou yo, ${ }^{a}$ Pou ou sa fè énmi yo ak rébèl yo pé.
${ }^{4}$ Lè m-ap gadé sièl la, travay min ou,
La lun ak zétoual yo ké ou kréyé:
${ }^{5} \mathrm{Ki}$ sa lòm yé, pou ou sonjé li?
E pitit lòm pou ou pran ka li?
${ }^{6}$ A pinn si ou fè-l pi piti pasé Bon-Dieu,
Ou ba li gloua ak onè pou kouròn.
${ }^{7} \mathrm{Ou}$ ba-l lanpi sou tout zèv min ou fè:
Ou mét tout bagay an-ba pié-1:
${ }^{8}$ Mouton ak bèf,
Bèt yo gadé,
${ }^{9}$ Zouazo nan sièl ak pouason nan la mè,

Tou sa yo ki pakouri chémin la mè.
${ }^{10}$ Étènèl, Ségnè nou,
Ala gran non ou gran sou tout la tè!

Rémèsiman pou justis Bon-Dieu
(9) Pou konduktè chan yo. Sou lè "La mò pitit gason an." Sòm David.
${ }^{2}$ Mouin va bay Létènèl louanj avèk tout kè mouin,
Mouin va rakonté tout mèvèy ou.
${ }^{3}$ Mouin va fè ou kòz la joua-m avèk gran kon-tantman-m.
Mouin va chanté non ou, Bon-Dieu Trè-Ro!
${ }^{4}$ Lénmi mouin yo fè bak, Janm yo pran tranblé épi yo péri la dévan ou.
${ }^{5}$ Paské ou pran pou mouin é ou défann kòz mouin,
Ou chita sou tròn ou kòm gnou juj ki jus.
${ }^{6} \mathrm{Ou}$ pasé nasion yo an koréksion, ou fè méchan an péri,
Ou éfasé non yo pou toujou é pou tout tan.
${ }^{7} \mathrm{~Pa}$ gin lénmi ankò! gnou kantité débri ki pa gin fin!
Sé gnou kantité vil ké ou fi-n vidé a-tè!
Pa gin angnin pou moun sonjé.
${ }^{8}$ Létènèl ap régné pou toujou,
Li gin tan drésé tròn li pou jujman an;
${ }^{9} \mathrm{Li}$ va jujé lé monn avèk justis,
Li va jujé pèp yo san kròchèt.
${ }^{10}$ Létènèl sé gnou réfuj pou sila a ké y-ap pézé,
Li sé gnou réfuj nan tan détrès.
${ }^{11} \mathrm{Sa}$ yo ki konnin non ou mété konfians yo nan ou,
Paské ou pa abandonnin sa yo ki chaché ou, o Etènèl!

12 Chanté pou Létènèl, ki abité Sion,
Publié gran travay li yo pami pèp yo!
${ }^{13}$ Paské li sonjé pou pran vanjans sou san ki vèsé a, É li pa blié kri maléré yo.
${ }^{14}$ Gin pitié pou mouin, o Etènèl!
Gadé nan ki mizè lénmi-m yo jété-m,
Rétiré-m nan pa-pòt la mò non!
${ }^{15}$ Pou mouin k-ab publié tout louanj ou yo,
Nan pa-pòt físion an,
É pou mouin réjoui nan salu ou.
${ }^{16}$ Nasion yo tonbé nan fosé yo té fè a,
Pié yo pran nan pèlin yo té tann nan.
${ }^{17}$ Létènèl fè moun konnin li, li rann justis,
Li fè méchan an pran nan kod, nan pròp travay méchan an té fè avèk min-1. - Joué instruman. Pòz.
${ }^{18}$ Méchan yo é tout nasion
yo ki blié Bon-Dieu pral nan koté mò yo rété a.
${ }^{19} \mathrm{Ka}$ li p-ap blié maléré a pou toujou,
Éspoua mizérab yo p-ap péri pou tout tan.
${ }^{20}$ O Étènèl, lévé non! pa kité lòm ranpoté la viktoua.
Sé pou nasion yo jujé dévan ou!
${ }^{21}$ O Étènèl, lagé kè-soté sou yo!
Fè pèp yo konnin ké sé dèz-òm yo yé! - Pòz.

Gnou la priè pou mété méchan an a-tê

10O Étènèl, pouki sa ou kanpé si louin?
Pouki sa ou kaché nan tan détrès la?
${ }^{2}$ Nan lógèy li, méchan an pousuiv maléré yo,
Yo tonbé viktim an-ba konplo lifè.
${ }^{3}$ Ka, méchan an vanté pròp tèt li nan konvouatiz li,
Li tòdé min maléré yo, li modi Létènèl avèk gro vié parol.
${ }^{4}$ Méchan an ouvè bouch li san krinn, li di: Li p-ap puni!
Pa gin okinn Bon-Dieu! - Sé konsa li pansé.
${ }^{5}$ Plan-l yo réusi tout tan;
Jujman ou yo dépasé rotè li,
$\mathbf{L i}$ trousé nin-1 bay tout advèsè-l yo.
${ }^{6}$ Nan kè-l, li di: Pésonn pa kapab souké-m,
Mouin égzan malè pou toujou!
${ }^{7}$ Bouch li plin madichon, tronpri avèk fròd;

Malis avèk inikité rété an-ba lang li.
${ }^{8}$ Li ranjé kò-l an-buskad tou pré ti katié yo,
Li ansasinin inosan an nan plas koté moun pa frékanté;
Li véyé maléré yo san yo pa konnin.
${ }^{9} \mathrm{Li}$ anbuské kò-l nan kachkach li, tankou gnou lion ki nan trou-l;
Li an-buskad pou-l pran maléré a san-z-atann.
Li pran-l san-z-atann é li ralé-l nan kod pèlin li.
${ }^{0}$ Li koubé kò-l, li bésé,
E pòv mizérab yo tonbé an-ba grif li.
${ }^{1}$ Nan kè-l li di: Bon-Dieu blié!
Li bouché figu li, li pa janm gadé!

2 Étènèl, lévé non! o BonDieu, lévé min ou non! Pi-nga blié maléré yo!
${ }^{3}$ Pouki sa méchan an méprizé Bon-Dieu?
Pouki sa li di nan kè-l: Ou pa konn puni?
${ }^{4}$ Poutan, ou pa manké gadé, paské ou ouè sa yo ki nan la-pinn avèk soufrans,
E ou pran ka yo sou kont ou;
Sé ba ou maléré a rinmèt tèt li,
Sé ou-minm ki pot sékou bay oflin an.
${ }^{5}$ Kasé bra méchan an,
Puni inikité-l yo, é fè-l disparèt dévan ou!
${ }^{6}$ Sé Létènèl ki roua pou toujou é pou tout tan;

Nasion yo fi-n disparèt nan péi li.
${ }^{17}$ Étènèl, ou tandé dézi sa yo k-apé soufri!
Fè kè yo vi-n fèm; ouvè zòrèy ou pou tandé yo,
${ }^{18}$ Pou rann óflin an é sila y-ap pezé a justis,
Pou lòm, ki soti nan la tè, kapab suspann fè moun pè.

Réfujjus la
11 Pou konduktè chan yo. Sòm David.

Sé nan Létènèl mouin chaché réfuj mouin.
Kouman ou kapab di mouin:
Pati alé nan mòn ou yo tankou gnou zouazo?
${ }^{2}$ Paské minni, méchan yo ap ranjé kòdon flèch yo,
Yo ranjé flèch yo an pozision sou kodon an
Pou yo kapab tiré sou sa yo ki gin kè yo douat, lè-l fè noua.
${ }^{3}$ Lè fondasion yo fi-n démoli, Ki sa jus la va fè?
${ }^{4}$ Létènèl nan lié sin li, Tròn Létènèl nan sièl la; Jé li ap gadé,
Avèk po-jé li li sondé mésiéz-é-dam yo.
${ }^{5}$ Létènèl sondé jus la;
Min li rayi méchan an é sila a ki pran plézi nan fè violans.
${ }^{6}$ Li va fè chabon dufé avèk souf tonbé sou méchan yo tankou la-pli;
Gnou van ki brulé, sé sa yo va résévoua kòm punision.
${ }^{7}$ Puiské Létènèl jus, li rinmin la justis;
Lèz-òm douat kontanplé figu li.

Gnou la pric̀ pou èd kont méchan an
12 Pou konduktè chan yo. Sou hap a-di-kòd la. Sòm David.

2 Étènèl sové! paské mésié yo ki krinn Bon-Dieu ap pasé alé,
Sa yo ki fidèl pami mésiéz-é-dam yo ap fi-n disparèt.
${ }^{3}$ Gnoun ap bay lòt manti,
Yo pa manké paròl flatri nan bouch yo,
Yo palé paròl a-dé-kè.
${ }^{4}$ Sé pou Létènèl fini avèk tout bouch yo ki palé paròl fiatri,
E avèk lang nan ki palé angran,
${ }^{5}$ Avèk sa yo ki di: Nou puisan a-kòz lang nou,
Bouch nou rélé-n sé pa-n; Ki lès ki kapab mèt nou?
${ }^{6}$ Paské y-ap pézé maléré yo é ké pòv yo ap plinn,
Létènèl di: Kou-n yé a m-ap lévé,
Mouin pral poté délivrans bay sa yo k-ap soufri.
${ }^{7}$ Sé paròl pu paròl Létènèl yo уé,
Sé kou diré lajan yo pasé nan gnou founo ki fèt nan trou tè,
E ki pasé nan dufe sèt foua.
${ }^{8}$ Ou-minm, Étènèl, ou va protéjé yo,
Ou va prézèvé yo pou toujou kont ras sa a.
${ }^{9}$ Méchan yo pronminnin tou-patou,
Lè mové-sujé yo annotorité pami mésiéz-édam yo.
Gnou la prić pou èd nan la détrès
13 Pou konduktè chan yo. Sòm David.
2 Étènèl! jouk ki tan ou va kontinué blié-m konsa?
Jouk ki tan ou va bouché figu ou pou mouin?
3 Jou ki tan mouin va bézouin gin inkiétud nan nanm mouin,
E chagrin nan kè-m chak jou?
Jouk ki tan lénmi-m va lévé kont mouin?
${ }^{4}$ Gadé, réponn mouin non, Étènèl, Bon-Dieu mouin! Fè jé mouin ouè klè,
Pou-m pa dòmi avèk sonmèy la mó,
${ }^{5}$ Pou lénmi-m pa di: Mouin ranpoté la viktoua sou li!
E pou advèsè-m yo pa réjoui, si mouin pran gnou bon kout-souké.
${ }^{6}$ Kant-a mouin, mouin gin konfians nan bonté ou,
Mouin gin gran kontantman nan kè-m, a-kòz salu ou;
Mouin chanté bay Létènèl, paské li fé-m du-byin.
Sotiz avèk méchansté lezz òm
14 Pou konduktè chan yo. Sòm David.

Moun san konprann nan di nan kè-l: Pa gin BonDieu!

Yo fi-n kòronpu, yo konmèt dé zak sal;
Pa gin okinn ki fè sa ki byin.
${ }^{2}$ Létènèl rété an-ro nan sièl la épi li gadé mésiéz-édam yo,
Pou li ouè si gingnin minm sé gnou sè ki intélijan,
Gnounki chachéBon-Dieu.
${ }^{3}$ Yo tout égaré, yo tout fi-n pouri;
Pa gin okinn k-ap fè sa ki byin,
Non, pa minm gnou sèl.
Eeské tou sa yo ki konmèt inikité pèdu sans yo?
Yo dévoré pèp mouin, yo pran li pou manjé;
Yo pa invoké non Létènèl.
${ }^{\text {® }}$ Alò yo va tranblé avèk kè-soté,
Lè Bon-Dieu va parèt nan mitan ras jus la.
${ }^{\circ} \mathrm{Ou}$ bat pou fè maléré a ront nan sa li antréprann nan,
Min Létènèl sé réfuj li.
${ }^{7} \mathrm{O}$ ! ki lès ki va fè délivrans Izraè pati soti Sion?
Lè Létènèl rétounin avèk kaptif pèp li a,
Jakobb va nan kontantman é Izraèl va an réjouisans.
Sa yo ki abité nan mòn sin Létènèl la 15 Sòm David.

O Étènèl! ki lès ki va abité nan tant ou a?
Ki lès ki va abité nan mòn sin ou nan?
${ }^{2}$ Sila a ki maché nan la
douati, ki pratiké la justis
E ki di la vérité sélon kè li.
${ }^{3}$ Li pa palé moun mal avèk lang li,
Li pa fè kréatu parèy li mal,
É li pa fè angnin pou jété prochin li nan ronté.
${ }^{4} \mathrm{Li}$ trousé nin-l sou sa yo ki mérité-l,
Min li onoré sa yo ki krinn Létènèl;
Si li fè gnou sèman ki pa nan avantaj li, li pa janm fè bak.
${ }^{5} \mathrm{Li}$ pa égzijé intérè sou lajan li,
É li pa aksépté okinn kado kont sila a ki inosan.
Sila a ki kondui tèt li konsa p-ap janm gin angnin pou souké-1.

## Gnou éritaj san parèy

16 Chan David.
Protéjé-m, o Bon-Dieu! paské m-ap chaché réfuj mouin nan ou.
${ }^{2}$ Mouin di Létènèl: Ou sé Ségnè-m,
Sé ou-minm ki pi gran byin-m!
${ }^{3}$ Sé sin yo ki nan péi a avèk mésié yo ki krinn BonDieu ki fè kè-m kontan.
${ }^{4}$ Yo anpilé zidol sou zidol, yo kouri al jouinn dieu étranjé yo:
Mouin p-ap mélé nan bouason san ké y-ap prézanté ann-ofrann nan,
Mouin p -ap pinmèt lèvbouch mouin répété non yo.
${ }^{5}$ Létènèl sé 10 mouin é bouason mouin.
Sé ou-minm ki kinbé pòsion mouin.
${ }^{6}$ Mouin gin gnou éritaj vrèman agréab ki tonbé pou mouin,
Mouin résévoua gnou bèl pati ki rélé-m sé pa-m.
${ }^{7}$ Mouin va béni Létènèl ki sé konséyè-m;
Minm duran la nuit kè-m égzòté-m pou-m fè sa.
8 Mouin mété Létènèl dévan mouin tout tan;
Lè li a-douat mouin, nan pouin angnin ki kapab souké-m.
${ }^{9}$ Pou-tèt sa, kè-m nan la joua, léspri-m nan kontantman.
E kò mouin répozé nan gnou konfians ki konplèt.
${ }^{10}$ Paské ou p-ap livré nanm mouin bay koté mò yo rété a ,
Ou p-ap pinmèt pou byinnémé ou la ouè pouritu.
${ }^{11} \mathrm{Ou}$ va fè-m konnin chémin la vi;
Pa manké joua nan prézans ou,
E a-koté douat ou pa manké bèl bagay ki duré pou toujou.
Gnou la prié pou protéksion
17 La priè David.
Étènèl! kouté sa ki douat non! Présé fè ka kri mouin,
Ouvè zòrèy ou pou tandé la priè mouin fè avèk gnou bouch ki san tronpri!
${ }^{2}$ Sé pou justis mouin parèt dévan ou,
Sé pou jé ou kontanplé douati mouin!
${ }^{3}$ Si ou sondé kè-m, si ou vizité li duran la nuit,
Si ou séyé-m ou p-ap jouinn angnin:
Mouin pa gin okinn lòt pansé pasé sa ki soti nan bouch mouin.
${ }^{4}$ Lè mouin ouè zak lèz-òm, Pou-m kapab rét fidèl pou parol bouch ou,
Mouin prangad mouin avèk rout mésié violan yo;
${ }^{5}$ Fè pié-m rété fèm nan chémin ou yo,
Pou-m pa bézouin tribuché.
${ }^{6}$ O Bon-Dieu! mouin invoké non ou, paské ou akòdé-m sa mouin mandé!
Proché zòrèy ou pré-m, kouté paròl mouin!
${ }^{7}$ Fè bonté ou parèt an-plin klè, ou-minm ki sové, avèk min douat ou,
Sa yo ki chaché gnou réfuj kont advèsè yo!
${ }^{8}$ Protéjé-m tankou gnou gla-jé;
Séré-m an-ba zèl ou,
${ }^{9}$ Kont méchan yo k-ap pèsékuté-m,
Kont lénmi achané-m yo ki vlopé-m.
10 Yo fèmin zantray yo,
É sé pa ti-angran paròl bouch yo angran.
${ }^{11}$ Chak pa nou fè, yo déja antouré nou,
San nou pa konnin y-ap véyé nou pou yo sa jété-n a-tè.

12 Yo sanblé gnou lion voras ki prèt pou déchiré,
Yo tankou gnou jinn lion ki an-buskad nan trou tè li.
${ }^{13}$ Lévé, Étènèl, maché ran-kontré-l, fésé-l a-tè!
Délivré-m an-ba méchan an avèk kouli-n ou!
${ }^{14}$ Avèk min ou, Étènèl, délivré-m an-ba mésié sa yo ki nan monn nan!
Lo pa yo sé nan la vi sa a,
E vant yo plin avèk byin ou yo;
Vant pitit yo pa kab kinbé ankó,
É yo kité réstan yo pou pitit-pitit yo.
${ }^{15}$ Kant-a mouin, nan inosans mouin, mouin va ouè figu ou;
Kou mouin révéyé, mouin va kontan nèt avèk prézans ou.

## Rémèsiman pou-tèt déliorans

18Pou konduktè chan yo. Sé David, sèvitè Létènèl, ki té adrésé paròl kantik sa a bay Létènèl, lè li té délivré-l anba min tout lénmi-l yo é an-ba min Saul. Li té di:
${ }^{2}$ O Étènèl, fòs mouin, mouin rinmin ou!
${ }^{3}$ Étènèl roché-m, fò mouin é délivrans mouin!
Bon-Dieu mouin, roché-m, mouin jouinn proték-sion-m nan ou!
Ou sé bouklié-m, ou sé

Sovè puisan mouin, ou sé plas défans mouin!
${ }^{4} A$ rot-voua mouin di: Mouin ba ou louanj Étènèl!
É ou délivré-m anba min lénmi mouin yo.
${ }^{5}$ Kòd la mò té fi-n anviron-nin-m
É lavalas inikité té fè kè-m soté;
${ }^{6}$ Sé kou diré kav la té fi-n valé mouin
E pèlin la mò té pran mouin san-z-atann.
${ }^{7}$ Nan détrès mouin, mouin té invoké non Létènèl,
Mouin té krié nan pié BonDieu mouin;
Étan li nan palè li, li té tandé voua mouin,
É kri mouin té rivé dévan li, jouk nan zòrèy li.
${ }^{8}$ La tè té brannin é li té tranblé,
E frison té pran fondasion mòn yo,
E yo té pran souké paské Létènèl té an-kòlè.
${ }^{9}$ La-fumin t-ap monté soti nan trou nin li,
E gnou du-fé dévoran t-ap soti nan bouch li:
Chabon tou vivan t-ap dégrinnin soti ladann.
${ }^{10} \mathrm{Li}$ té fè sièl la bésé é li té désann:
Li té gin gnou gro nuay anba pié li.
${ }^{11}$ Li té monté sou gnou chérubin ${ }^{a}$ é li t-ap volé.

Li t-ap plané sou zèl van an.
${ }^{12}$ Li té fè ténèb pasé pou kay sékrè li,
E tout-otou, li té déplouayé gnou tant ki té fèt avèk dlo troub é avèk gro nuay.
${ }^{13}$ E nan gran klaté ki té pralé dévan li a,
Té gin gro bout nuaj, la grèl ${ }^{b}$ é bout chabon vivan ki t-ap soti ladann.
${ }^{14}$ Létènèl fè loray grondé nan sièl la,
Lé Trè-Ro fè voua li rézonnin,
Avèk la grèl épi chabon du-fé.
${ }^{15} \mathrm{Li}$ té lansé flèch li yo é li fè lénmi-m yo pran boua,
Li grinnin zèklè avèk loray sou yo é yo pran kouri nan tout diréksion.
${ }^{16}$ Paské ou fè gnou minnas, o Étènèl!
Paské souf trou-nin ou fè gnou bri,
Dlo fè plas bay sab,
Fondasion lé monn parèt a-klè.

17 Anro koté li yé a li tann min li, li mété min sou mouin,
Li ralé-m soti an-ba gro dlo;
${ }^{18} \mathrm{Li}$ té délivré-m an-ba min gro advèsè-m nan,
Oui, an-ba min lénmi mouin yo ki té pi fò pasé-m.
${ }^{19}$ Nan jou détrès mouin, yo
té pran-m san-z-atann;
Min Létènèl té sèvi mouin api.
${ }^{20} \mathrm{Li}$ mété-m an plèn libèté,
Li sové-m, paské li rin-min-m.
${ }^{21}$ Létènèl trété-m sélon justis mouin,
Li té rann mouin sélon jan min mouin té inosan;
${ }^{22}$ Paské mouin obsèvé rout Létènèl
É ké mouin pa té koupab anvè Bon-Dieu mouin.
${ }^{23}$ Tout komandman li yo la an-ba jè-m,
E mouin pa pati kité loua li yo.
${ }^{24}$ Mouin té san réproch anvè li,
E mouin pran gad mouin kont panchan mouin pou fè mal.
${ }^{25}$ Pou-tèt sa Létènèl té rann mouin sélon justis mouin, Sélon jan min mouin té inosan dévan jé li.
${ }^{26}$ Avèk sila a ki bon, ou montré ké ou bon,
Avèk sila a ki maché nan la douati, ou aji avèk douati,
${ }^{27}$ Avèk sila a ki pu, ou montré ké ou pu,
E avèk sila a ki viv nan pèvèsité li,
Ou trété-1 sélon pèvèsité-1.
${ }^{28}$ Ou sové pèp la ki umilié-l an-ba ou,
Min ou fè jé gro mésié yo bésé a-tè.
${ }^{\text {b }}$ 18:13 La grèl: Sé gnou klas la pli ki dégrinnin dlo kou diré gro bout glas.
${ }^{29}$ Oui, ou fè lumiè mouin briyé;
Létènèl, Bon-Dieu mouin, fè ténèb mouin kléré.
${ }^{30}$ Avèk ou, mouin fonsé sou gnou troup amé,
Avèk Bon-Dieu mouin, mouin voltijé muray la.
${ }^{31}$ Rout Létènèl yo pa manké angnin,
Paròl li sé gnou paròl asuré;
Li sé gnou bouklié pou tou sa yo ki konfié nan li.
${ }^{32} \mathrm{Ki}$ lès ki Bon-Dieu si sé pa Létènèl?
É ki lès ki sé gnou roché si sé pa Bon-Dieu nou an?
${ }^{33}$ Sé Bon-Dieu ki sinturé-m avèk fòs,
E ki kondui-m nan rout douat la.
${ }^{34}$ Li fè pié mouin sanblé pié finmèl sèf, ${ }^{c}$
E li plasé mouin byin ro nan pozision mouin.
${ }^{35} \mathrm{Li}$ fè min mouin liviann pou batay,
É bra mouin kapab ranjé gnou kodon an fè pou tiré flèch.
${ }^{36} \mathrm{Ou}$ ban mouin bouklié délivrans ou,
Min douat ou soutni-m,
E a-kòz bonté ou, mouin dévni fò.
${ }^{37}$ An-ba pié mouin ou fè chémin an vi-n laj,
Konsa pié mouin pa frapé bò isit bò laba.
${ }^{38}$ Mouin pousuiv lénmi-m yo, mouin rivé sou yo,

É mouin pa rétounin avan mouin fi-n avèk yo.
${ }^{39}$ Mouin krabinin yo é yo pa kapab lévé ankò;
Yo tonbé an-ba pié mouin.
${ }^{40} \mathrm{Ou}$ sinturé-m avèk fòs pou batay,
Ou fè advèsè-m yo plié an-ba-m.
${ }^{41} \mathrm{Ou}$ fè lénmi-m yo kouri dévan mouin,
E mouin fini nèt avèk sa yo ki rai mouin.
${ }^{42}$ Yo krié, min pa gin pésonn pou sové yo!
Yo krié nan pié Létènèl, min li pa réponn yo!
${ }^{43}$ Mouin pilonnin yo tankou pousiè van ap pot alé,
Mouin foulé yo tankou la-bou nan la ru.
${ }^{44} \mathrm{Ou}$ délivré-m an-ba malantann ki nan pami pèp la;
Ou mété-m a la tèt nasion yo;
Gnou pèp ké mouin pat konnin ap sèvi-m.
${ }^{45} \mathrm{Kou}$ mouin pasé lòd, yo obéi-m,
Mésiéz-é-dam étranjé yo flaté mouin;
${ }^{46}$ Mésiéz-é-dam étranjé yo an défayans,
Yo soti kité fò yo tout-an-tranblan.
${ }^{47}$ Létènèl vivan! Sé pou roché-m nan béni!
Sé pou Bon-Dieu salu mouin an résévoualouanj sou louanj,

[^50]${ }^{48}$ Sé Bon-Dieu sa a ki pran vanjans pou mouin,
Sé li-minm ki fè pèp yo bésé dévan-m,
${ }^{49}$ É ki délivré-m an-ba min lénmi mouin yo!
Ou lévé-m pi ro pasé advèsè mouin yo,
Ou sové-m an-ba min nonm violan an.
${ }^{50}$ Sé pou-tèt sa, o Étènèl! mouin va ba ou louanj pami nasion yo,
É mouin va chanté a la gloua non ou.
${ }^{51} \mathrm{Li}$ fè roua li a gingnin pluziè gran viktoua,
E li fè mizérikòd pou sila li sakré a,
Pou David é pou désandan li, pou toujou.
Travay avèk la paròl Bon-Dieu
19 Pou konduktè chant yo. Sòm David.
${ }^{2}$ Sièl la rakonté gloua BonDieu;
An-lè sièl montré travay min li.
${ }^{3}$ Gnou jou rakonté gnou lot jou,
Gnou nuit palé sa ak gnou lòt nuit.
${ }^{4}$ Sé pa gnou langaj, sé pa parò
Ké moun pa kapab tandé:
${ }^{5}$ Sa yo di a pakouri nan tout la tè,
Kozé a rivé jouk nan bout la tè,
Koté Bon-Dieu drésé gnou tant pou solèy la.
${ }^{6}$ É solèy la sanblé gnou nonm fèk marié k-ap soti nan chanm li.
Li dérapé nan kous li, kon-
tan kou gnou nonm ki gin gnou gran viktoua.
${ }^{7} \mathrm{Li}$ lévé nan gnou bout sièl la,
Kous li fini nan lòt bout la: Nan pouin angnin ki kab kaché pou chalè li.

8 La loua Létènèl korèk sou tout pouin, li réfè gnou nanm;
Témouagnaj Létènèl vré, li bay ignoran sajès.
${ }^{9}$ Léson Létènèl douat: yo fè kè kontan;
Kòmandman Létènèl sé lumiè, yo kléré jé.
${ }^{10} \mathrm{La}$ krint Létènè kinbé gnou nanm pròp, li la pou létènité;
Jujman Létènèl vré, yo tout jus.
${ }^{11}$ Yo vo plus pasé anpil lò fin;
Yo pi dous pasé siro, siro k-ap koulé nan gnou gato mièl.
12 Yo instrui sèvitè ou tou:
Tout moun ki suiv yo va gin gran rékonpans.
${ }^{13}$ Ki lès ki kab konnin érè li ?
Padonnin-m érè mouin ké-m pa konnin.
${ }^{14}$ Prézèvé sèvitè ou tou an-ba moun ki gin ogèy:
Pa kité yo dominé sou mouin!
Konsa m-a san réproch é san gran péché.
${ }^{15}$ Fè ké paròl bouch mouin ak pansé nan kè-m agréab dévan ou,
O Étènèl, roché mouin, ou-minm ki délivré-m!

Gnou la priè pou la dikloua
Pou konduktè chan yo. Sòm David.
${ }^{2}$ Sé pou Létènèl réponn la priè ou nan jou détrès,
Sé pou non Bon-Dieu Jakobla sèvi ou protéksion!
${ }^{3}$ Sé pou li voyé sékou ba ou soti nan lié sin an,
Sé pou li soutni ou, étan li Sion!
$\therefore{ }^{4}$ Sé pou li sonjé tout ofrann ou yo,
E sé pou li résévoua olokos $^{a}$ ou yo a-dé-bra! - Pòz.
${ }^{5}$ Sé pou li ba ou sa kè ou déziré,
E sé pou li fè ou réalizé tout plan ou yo!
${ }^{6}$ Nou an-réjouisans a-kòz délivrans ou,
É nou monté drapo nou nan non Bon-Dieu nou;
Létènèl va réponn tout la priè ou yo.
${ }^{7}$ Mouin konnin déja ké Létènèl sové sila li sakré a;
Étan li nan sièl la, nan kay li ki sin, li va réponn la priè li,
Avèk gro fòs min douat li.
${ }^{8}$ Kèk moun mété asurans yo sou cha ${ }^{\text {b }}$ yo, kèk lòt, sou choual yo;
Kant-a nou, nou invoké non Létènèl, Bon-Dieu nou.
${ }^{9}$ Kant-a yo, yo plié é yo tonbé;
Kant-a nou, nou kinbé fèm é nou rété débou.
${ }^{10}$ Étènèl, sové roua a!

É réponn nou lè-n invoké non $0 u$.

Louanj pou-tet déliorans anba min Lénmi an
21 Pou konduktè chan yo. Sòm David.
${ }^{2}$ Étènèl! roua a réjoui nan puisans ou.
O! sékou ou poté ba li a pa manké fè li kontan!
${ }^{3} \mathrm{Ou}$ ba li sa kè li déziré, É ou pa té réfuzé-l sa bouch li té mandé. - Pòz.
${ }^{4} \mathrm{Ou}$ té mété-l an bon dispozision avèk bénédiksion la gras ou,
Ou mété sou tèt li gnou kouròn lò san mélanj.
${ }^{5}$ Li té mandé ou la vi, ou té ba li-l,
Oui, gnou la vi long pou toujou é pou tout tan.
${ }^{6}$ La gloua li gran, a-kòz sékou ou té poté ba li;
Ou mét ékla avèk bèlté sou li.
${ }^{7}$ Ou fè-l dévni kòm gnou véso pou résévoua bénédiksion pou toujou,
É ou konblé li avèk joua la nan prézans ou.
${ }^{8}$ Roua a konfié li nan Létènèl,
É a-kȯz bonté lé Trè-Ro a, li pa tribuché.
${ }^{9} \mathrm{Ou}$ va mété min ou sou tout lénmi ou yo,
Ou va mété min douat ou sou sa yo ki rai ou.
a 20:4 Olokos: Sé té gnou klas ofrann Juif yo té konn prézanté. Yo té brulé ofrann sa a a son-lantié.
${ }^{\text {b }}$ 20:8 Cha: Gnou klas kabouèt la gè nan tan lontan. Sé choual ou byin bourik ki té konn rédi-l.
${ }^{10}$ Lé jou ou va parèt;
Ou va fè yo dévni tankou gnou fou ki pa cho a la léjè;
Nan kòlè li, Létènèl va fè yo tounin angnin,
E du-fé va dévoré yo.
${ }^{11} \mathrm{Ou}$ va fè désandan yo disparèt sou la tè,
E yo p-ap jouinn ras yo pami mésiéz-é-dam yo.
12 Yo té ranjé konplo pou fè ou mal,
Yo té fè kèk mové plan, min yo p-ap kapab akonpli yo.
${ }^{13}$ Paské ou va fè yo viré do yo, E avèk kòdon flèch ou a ou va tiré sou yo.
${ }^{14}$ Avèk fos ou, lévé non, Étènèl!
Nou vlé chanté, nou vlé bay puisans ou louanj.

Gnou kri tristes é gnou chan louanj

22Pou konduktè chan yo. Sou lè "Finmèl sèf granmatin an." Sòm David.
${ }^{2}$ Bon-Dieu mouin! BonDieu Mouin! Pouki sa ou abandonnin mouin?
Pouki sa ou rété louin san poté-m sékou, san kouté kout-plinn mouin?
${ }^{3}$ Bon-Dieu mouin! mouin krié la jounin, é ou pa réponn;
Mouin krié la nuit, é mouin pa jouinn okinn répo.
${ }^{4}$ Sépandan, ou sé Sila ki Sin an,

Louanj Izraèl anvironnin tròn ou.
${ }^{5}$ Sé nan ou gran-paran nou yo té konfié yo,
Yo té gin konfians, é ou té délivré yo.
${ }^{6}$ Yo té krié nan pié ou, é yo té sové,
Yo té konfié yo nan ou, é yo pa té janm dézapouinté.
${ }^{7}$ É mouin-minm, mouin sé gnou vè, é pa gnou nonm,
Mouin kòz la ront pami lèz-òm, é mouin sé gnou mépri pou pèp la.
${ }^{8}$ Tou sa yo ki ouè mouin pasé-m nan bétiz,
Yo kuipé-m, yo souké tèt sou mouin, yo di:
${ }^{9}$ Sé pou-l lagé kò-l nan min Létènèl! Létènèl va sové-l,
Li va délivré-l, puiské li rinmin-1! -
${ }^{10}$ Oui, sé ou-minm ki té fè-m soti nan vant manman-m,
E ki té ban-m protéksion lè-m té nan tété;
${ }^{11}$ Sé ou-minm ki t-ap su-véyé-m dépi mouin té nan vant,
Sé ou-minm ki té Bon-Dieu-m lè manman-m t-ap poté-m toujou.
${ }^{12} \mathrm{~Pa}$ alé louin mouin lè détrès ap proché,
Lè pa gin pésonn ki vi-n poté-m sékou!.
${ }^{13}$ Gnou kantité toro-bèf antouré-m,
Toro-bèf péi Bazan ${ }^{a}$ anvironnin-m,
a 22:13 Bazan: Sé gnou andoua ki té a-lès la riviè Joudin é gro létan Tibériad la. Yo té konn gin paturay la pou bèf.
${ }^{14}$ Yo ouvri gran bouch yo sou mouin,
Tankou gnou lion k-ap déchiré é k-ap grondé.
${ }^{15}$ Mouin sanblé dlo k-ap koulé,
E tout zo mouin yo fi-n disloké;
Kè mouin tankou la-si,
L-ap fonn anndan vant mouin.
${ }^{16}$ Fòs mouin ap séché tankou la-bou,
E lang mouin kolé anndan bouch mouin;
Ou rédui-m jouk ou fè-m tounin pousiè lan mò.
${ }^{17}$ Ann-éfè, gnou kantité chin anvironnin-m,
Gnou bann mové-sujé ap monté désann bò koté-m;
Yo pèsé min mouin avèk pié-m.
${ }^{18}$ Mouin ta kapab konté tout zo mouin yo;
Yo minm y-ap obsèvé-m, $y$-ap gadé-m.
${ }^{19}$ Yo séparé rad mouin yo ant yo-minm,
Yo tiré o-sò pou ròb mouin an.
${ }^{20}$ E ou-minm, Étènèl, pa alé louin!
Sé ou-minm ki fòs mouin, kouri vi-n poté-m sékou!
${ }^{21}$ Protéjé nanm mouin an-ba kouli-n nan,
E la vi mouin an-ba dan chin yo!
${ }^{22}$ Sové-m an-ba gro-bouch lion an,
Délivré-m an-ba kòn boufalo a!
${ }^{23}$ Mouin va publié non ou bay frè mouin yo,

E mouin va ba ou louanj nan mitan asanblé a.
${ }^{24} \mathrm{Ou}$-minm ki krinn Létènèl, ba li louanj!
Ou-minm, tout désandan Jakòb yo, ba li la gloua!
Tranblé dévan li, tout nan pami ou, désandan Izraèl!
${ }^{25}$ Paské li pa méprizé ni li pa trousé nin li an-ro mizè maléré a .
E li pa bouché figu li pou li,
Min li kouté-1 lè-l krié nan pié-l.
${ }^{26}$ Nan gran asanblé a sé ou-minm mouin va bay louanj;
Mouin va akonpli sa mouin té promèt la, dévan sa yo ki krinn ou.
${ }^{27}$ Maléré yo va manjé é vant yo va plin,
Sa yo ki chaché Létènèl va louanjé li.
Kè ou va viv pou toujou!
${ }^{28}$ Tout dènié bout la tè va pansé sou Létènèl é yo va tounin bò koté li;
Tout fanmi nasion yo va prostènin dévan ou.
${ }^{29}$ Paské sé Létènèl ki mèt rouayòm nan;
Sé li ki gouvènè nasion yo.
${ }^{30}$ Tout gran-nèg la tè yo va manjé é yo va prostènin dévan ou tou;
Tou sa yo k-ap désann nan pousiè é ki pa kab konsèvé la vi yo va fè ta dévan li.
${ }^{31}$ Gnou désandans va sèvi li; Yo va palé aléga lé Ségnè bay jénérasion k-ap vini an.
${ }^{32}$ Lè li vini, li va anonsé justis li,
Li va mété nouvo pèp la o kouran zèv li yo.
Létênèl sé gadè mouin
23 Kantik David.

Létènèl sé gadyin mouin: m-pap manké angnin.
${ }^{2}$ Li fè-m répozé nan paturaj ki vèt,
Li minnin-m bò dlo ki trankil.
${ }^{3} \mathrm{Li}$ réfè nanm mouin,
Li kondui-m nan chémin la douatu,
Pou-tèt non li.
${ }^{4}$ Lè m-ap maché nan ravi-n lonbraj la mò,
M-pa krinn okinn mal, paské ou avèk mouin:
Gol ou ak baton ou ban-m konfians.
${ }^{5}$ Ou paré gnou tab dévan-m nan prézans énmi-m yo;
Ou grésé tèt mouin ak luil,
Vè-m plin ap débòdé.
${ }^{6}$ Oui, bonnè ak la gras va suiv mouin
Tou lé jou nan la vi-m
E m-a rété lakay Létènèl jouk dènié jou-m.

Roua la gloua a
24 Sòm David.
La tè é tou sa ki sou li sé pou Létènèl,
Lé monn tou é sa yo ki rété ladann!
${ }^{2}$ Ann-éfè, li té mété fon-dasion-l sou la mè,
E li té ba li ranfò sou gro riviè yo.
${ }^{3}$ Ki lès ki kapab monté nan mòn Létènèl la?

Ki lès ki kapab proché jouk nan lié sin li a?
${ }^{4}$ Sé sila a ki gin min li inosan é kè li pu;
Sé sila a ki pa livré nanm li bay manti,
E ki pa fè fo-sèman.
${ }^{5} \mathrm{Li}$ va résévoua bénédiksion nan min Létènèl,
E mizérikòd nan min BonDieu salu li a.
${ }^{6}$ Sa sé pou jénérasion k-ap invoké non ou,
Pou sa yo k-ap chaché prézans ou, pou Jakòb! - Pòz.
${ }^{7}$ Pòt, soulvé linto ou yo;
Pòt étènèl yo, ouvri a gran-batan!
Kité roua la gloua a rantré! -
${ }^{8} \mathrm{Ki}$ lès sa a ki roua la gloua a? -
Sé Létènèl ki fò é ki puisan an,
Létènèl ki puisan nan batay.
${ }^{9}$ Pòt, soulvé linto ou yo;
Pòt étènèl yo, ouvri a gran-batan!
Kité roua la gloua a rantré! -
${ }^{10} \mathrm{Min}$ ki lès sa a ki roua la gloua a?
Létènèl lamé yo,
Sé li-minm ki roua la gloua a! - Pòz.

Gnou la priè pou diréksion padon avèk protébsion
25
Étènèl! M-lévé nanm mouin ba ou.


Gnou gadyin mouton avèk mouton li yo
${ }^{2}$ Bon-Dieu mouin! Mouin mété konfians mouin nan ou: fè-m pa soti ront!
Ké énmi-m yo pa réjoui sou tèt mouin!
${ }^{3} \mathrm{Nan}$ tout moun ki mét éspoua nan ou, okinn p-ap soti ront:
Min sa ki manké fidèl san pa gin koz, sé yo k-a soti ront.
${ }^{4}$ Étènèl, fè-m konnin rout ou.
Montré-m chémin ou.
${ }^{5}$ Kondui-m nan la vérité ou, é instrui mouin,
Paské ou sé Bon-Dieu salu mouin,
Sé sou ou m-konté chak jou.
${ }^{6}$ Etènèl! Sonjé konpasion ou ak bonté ou;
Paské yo la pou tout tan.
${ }^{7} \mathrm{~Pa}$ sonjé fot nan jénès mouin, ni dézobéyisans mouin;
Sonjé-m dapré konpasion ou,
Paské ou bon, o Étènèl!
${ }^{8}$ Létènèl bon, li douat:
Sé pou sa li montré péchè yo chémin.
${ }^{9}$ Moun ki dou, li kondui yo nan la douatu,
Moun ki dou, li montré yo chémin li.
${ }^{10}$ Tout chémin Létènèl sé konpasion ak fidelité.
Pou mounkiréspéktéalians li ak komandman-l.
${ }^{11}$ Sé pou tèt non ou, o Etènèl!
Ké ou-a padonnin inikité mouin, paské li anpil.
${ }^{12} \mathrm{Ki}$ moun ki krinn Létènèl!
Létènèl va montré-l ki rout pou li chouazi.
${ }^{13}$ Nanm li va répozé alèz,
É désandan li va posédé péyi a.
${ }^{14}$ Intimité Létènèl sé pou moun ki krinn ni,
Alians li instrui yo.
${ }^{15}$ Jé-m ap gadé Létènèl tout tan;
Paské l-a dégajé pié-m nan pièj.
${ }^{16}$ Gadé mouin é gin pitié pou mouin,
Paské-m abandonnin é-m nan la pinn.
${ }^{17}$ Doulè kè mouin vi-n pi plus;
Ouété-m nan détrès mouin.
${ }^{18}$ Gadé mizè-m ak la pinn mouin
É padonnin tout péché-m.
19 Gadé jan énmi yo anpil,
Éak ki rayisman féros y-ap pousuiv mouin.
${ }^{20}$ Protéjé nanm mouin é délivré-m!
Fè-m pa soti ront,
Lè-m chaché protéksion koté ou!
${ }^{21}$ Fè ké i-nosans ak la douatu protéjé-m
Paské mouin mét éspoua-m nan ou!
${ }^{22}$ O Bon-Dieu! Délivré Izraèl
An-ba tout détrès li!

## Gnou protéstasion la douati

26 Sòm David.
Rann mouin justis, Etènèl!
paské mouin maché nan la douati,
Mouin konfié nan Létènèl, angnin p-ap souké-m.
${ }^{2}$ Sondé-m, Étènèl! séyé-m, Fè rin mouin avèk kè mouin pasé nan founo-léprèv;
${ }^{3}$ Paské gras ou dévan jé mouin,
É mouin maché nan la vérité ou.
${ }^{4}$ Mouin pa chita avèk gran vantè yo,
Mouin pa fè bann avèk moun a-dé-fas yo;
${ }^{5}$ Mouin rai asanblé sa yo ki fè mal,
É mouin pa chita avèk méchan yo.
${ }^{6}$ Mouin lavé min mouin nan inosans,
É mouin fè tou lotèl ou, o Étènèl!
${ }^{7}$ Pou mouin kapab éklaté avèk kri rémèsiman,
E pou-m kapab rakonté tout mèvèy ou yo.
8 Étènèl, mouin rinmin rété lakay ou,
La koté la gloua ou fè démè li.
${ }^{9} \mathrm{~Pa}$ poté nanm mouin alé avèk péchè yo,
Ni la vi mouin avèk mésié yo ki rinmin san;
${ }^{10}$ Min mésié sa yo plin avèk krim,
É min douat yo plin avèk kado!
${ }^{11}$ Kant-a mouin, mouin maché nan la douatu;
Délivré-m é gin pitié pou mouin!
${ }^{12}$ Pié-m rété fèm nan chémin douat la.
Mouin va béni Létènèl nan asanblé yo.

Létènèl sé lumiè-m ak salu mouin

## 27 Sòm David.

Létènèl sé lumiè-m ak salu mouin:
Ki moun pou-m ta krinn?
Létènèl sé soutyin la vi mouin:
Ki moun pou-m ta pè?
${ }^{2}$ Lè méchan yo vini kont mouin
Pou dévoré chè mouin
Sé yo, advèsè-m ak énmi mouin yo
Ki buté é ki tonbé.
${ }^{3}$ Minm si gnou lamé ta pran pozision kont mouin,
Kè-m pa ta krinn angnin; Si la gè ta lévé kont mouin, Minm lè sa a m-ta plin ak konfians.
${ }^{4}$ Gin gnou bagay mouin mandé Létènèl, é-m dé-ziré-1 anpil anpil;
Sé pou-m rété nan kay Létènèl tout la vi-m,
Pou-m byin gadé jan Létènèl gin mèvèy.
É pou-m admiré tanp li a.
${ }^{5}$ Paské jou malè li va protéjé-m nan tabènak li,
Li va kaché-m a-labri an-ba tant li;
Li va kanpé-m sou gnou roché.
${ }^{6}$ Déja tèt mouin drésé an-lè énmi yo ki vironnin-m;
Mouin va ofri sakrifis an-ba tant li a étan tronpèt ap sonnin;
M-va chanté, m-va bay Létènèl gloua.
${ }^{7}$ O Étènèl, kouté voua mouin, m-invoké ou:

Gin pitié pou mouin, égzosé mouin!
${ }^{8} \mathrm{~K}$ è-m di, - é sa soti nan ou -: "Chaché fas mouin!"
M-chaché fas ou, o Étènèl!
${ }^{9} \mathrm{~Pa}$ kaché fas ou pou mouin,
Pa pousé sèvitè ou, nan kòlè ou!
Ou sé sékou mouin, pa lagé mouin, pa abandonnin mouin,
O Bon-Dieu salu mouin!
${ }^{10}$ Paské papa-m ak man-man-m abandonnin-m,
Min Létènèl va ranmasé-m.
${ }^{11} \mathrm{O}$ Étènèl, montré-m rout ou,
Kondui-m nan chémin la douatu,
Pou-tèt énmi-m yo.
${ }^{12} \mathrm{~Pa}$ lagé-m pou advèsè-m yo fè sa yo vlé ak mouin,
Paské fo-témouin lévé kont mouin
Ak moun ki maké féros nan tout sans.
${ }^{13}$ A! si-m pa-t gin asurans ouè bonté Létènèl
Sou tè vivan an! . . .
${ }^{14}$ Mét éspoua ou nan Létènèl!
Fòtifié ou. Ké kè ou rété fèm!
Mét éspoua ou nan Létènèl!

Gnou la priè pou èd adèk louanj pou-tet répons la
28 Sòm David.

Étènèl! sé nan pié ou mouin krié.
Roché-m! pi-nga fè zòrèy ou soud pou voua mouin,

Dé koua si ou alé louin san réponn mouin,
Mouin pa dévni sanblé avèk sa yo k-ap désann nan tonm.
${ }^{2}$ Kouté démann mouin fè ou, lè mouin krié nan pié ou,
Lè mouin lévé min mouin bò koté lie sin ou.
${ }^{3} \mathbf{P a}$ trinnin mouin alé avèk méchan yo é avèk mésié inikité yo,
Ki palé aléga la pè avèk prochin yo é ki gin malis nan kè yo.
${ }^{4}$ Rann yo sélon zèv yo é sélon malis zaksion yo,
Rann yo sélon travay min yo;
Ba yo péman yo mérité.
${ }^{5}$ Paské yo pa fè zèv Létènèl yo ka,
Zèv sa yo ki sé travay min li,
Li va ranvèsé yo é li p-ap lévé yo ankò!
${ }^{6}$ Sé pou non Létènèl béni!
Paské li réponn lè mouin fè li démann.
${ }^{7}$ Létènèl sé fòs mouin épi bouklié mouin;
Kè mouin konfié nan lié mouin jouinn sékou,
Konsa, mouin gin kontantman nan kè-m,
E mouin ba li louanj avè chan mouin yo.
${ }^{8}$ Létènèl sé fòs pèp li,
Sé li ki roché délivrans la pou sila li sakré a.
${ }^{9}$ Sové pèp ou é béni éritaj ou!
Montré ké ou sé gadyin yo é soutyin yo pou toujou!

Voua Létènèl nan tanpèt la

## 29

Pitit Bon-Dieu yo, rann bay Létènèl,
Rann la gloua avèk lonnè bay Létènèl!
${ }^{2}$ Rann la gloua bay Létènèl pou-tèt non li!
Mét ònéman sakré pou ou prostenin dévan Létènèl!
${ }^{3}$ Voua Létènèl rézonnin sou dlo yo,
Bon-Dieu la gloua a fè loray lá grondé;
Létènèl sou gro dlo yo.
${ }^{4}$ Voua Létènèl puisan
Voua Létènèl pa manké grandè.
${ }^{5}$ Voua Létènèl krazé sèd yo tounin fari-n,
Létènèl krazé sèd Liban yo tounin fari-n,
${ }^{6}$ Li fè yo bondi tankou jinn ti bèf,
É li fè Liban avèk Sirion bondi tankou jinn boufalo.
7 Voua Létènèl fè flanm dufé voltijé a-douat a-gòch.
8 Voua Létènèl fè dézè a tranblé;
Létènèl fé dézè Kadès la tranblé.
${ }^{9}$ Voua Létènèl fè bich yo mét ba,
Voua li dépouyé gro rak boua yo.
Nan palè li, tout di a rot voua: Gloua!
${ }^{10}$ Létènèl té sou tròn li lè déluj la;

Létènèl régné sou tròn li pou toujou.
${ }^{11}$ Létènèl va bay pèp li fòs;
Létènèl va béni pèp li é li va fè li vi-n byinn-éré.

Rémèsiman pou-fet déliorans anba la mò
30 Sòm David. Kantik pou dédikas ${ }^{a}$ kay la.
${ }^{2}$ Mouin ba ou anpil louanj, o Étènèl! paské ou té mété-m sou dé pié-m ankó,
É ké ou pat pinmèt lénmi-m yo réjoui sou mouin.
${ }^{3}$ Étènèl, Bon-Dieu mouin!
Mouin krié nan pié ou, é ou géri-m.
${ }^{4}$ Étènèl! ou fè nanm mouin monté anko soti nan koté mò yo rété a,
Ou fè-m viv ankò pou mouin pa bézouin désann nan tonm nan.
${ }^{5}$ Chanté bay Létènèl, ouminm ki rinmin li,
Avèk louanj ou yo, bay sintété li la gloua!
${ }^{6}$ Paské kòlè li duré gnou ti tan,
Min gras li duré tout la vi; Asouè poté krié vini,
E matin poté kontantman.
${ }^{7}$ Lè m-té ann-asurans konplèt, mouin té di:
Pa gin angnin ki pou brannin-m!
${ }^{8}$ Étènèl, pa mouayin gras ou, ou té fè mon mouin an vi-n fó;
a 30:1 Dédikas: Fèt yo konn fè avan yo rantré nan gnou kay ou gnou légliz tou nèf. Sé minm sa nou rélé batèm kay.

Ou té bouché figu ou, é mouin té nan troub.
${ }^{9}$ Étènèl, mouin té krié nan pié ou,
Mouin té prézantéla priè-m bay Létènel:
${ }^{10}$ Èské ou jouinn gnou profi lè ou vèsé san mouin?
Ou byin lè ou fè mouin désann nan tonm nan?
Èské pousiè a gin louanj pou ba ou?
Èské li rakonté ki jan ou fidel?
${ }^{11}$ Kouté Étènèl, gin pitié pou mouin!
Étènèl, poté-m sékou non! -
${ }^{12}$ Alò, ou té chanjé dlo nan jé-m yo an kontantman,
Ou té lagé jup an sak mouin an, é ou té sinturé-m avè la joua,
${ }^{13}$ Pou kè mouin kapab chanté é pou li pa mouèt.
Etềnel, Bon-Dieu mouin! mouin va ba ou louanj tout tan.

## Gnou déklarasion konfians

31 Pou kondukte chan yo. Sòm David.
${ }^{2}$ Ettènèl! m-ap chaché réfuj mouin nan ou:
Pa janm ki té mouin dézapouinte!
Délivré-m nan justis ou!
${ }^{3}$ Panché zòrè̀y ou bò koté-m, poté-m sékou vit!
Sèvi mouin gnou roché protéksion, gnou fò
Koté mouin jouinn délivrans!
${ }^{4}$ Paské ou sé roché mouin, fo mouin;

E a-kòz non ou, ou va kondui-m, ou va dirijé-m.
${ }^{5} \mathrm{Ou}$ va fè-m soti nan pèlin yo tann pou mouin an,
Paské sé ou ki protéktè-m.
${ }^{6}$ Mouin rinmèt léspri mouin nan min ou;
Ou va délivré-m, Étènè, Bon-Dieu la vérité!
${ }^{7}$ Mouin rai sa yo ki kolé sou zidol yo, ki pa vo angnin,
ÉmouinkonfiénanLétènèl.
${ }^{8}$ A-kòz la gras ou, mouin va nan kontantman é nan la joua;
Paské ou ouè mizè-m, ou konnin doulè nanm mouin,
${ }^{9}$ E ou p-ap lagé mouin nan min lénmi mouin,
Ou va mété pié mouin an grann libèté.
${ }^{10}$ Gin pitié pou mouin, Étènel! paské mouin nan détrès;
Figu mouin, nanm mouin é kò-m fi-n dépéri a-fós mouin chagrin.
${ }^{11}$ La vi-m fi-n konsonmin nan doulè,
E lané-m yo nan koutsoupi;
Fòs mouin fi-n épizé a-kòz inikité-m,
E zo mouin yo fi-n vié.
${ }^{12}$ Tout advèsè̀-m yo fè-m tounin gnou sujé la ronté,
Gnou gran ronté pou vouazin mouin yo,
Égnousujékifè kèzanmi-m yo kasé;
Sa yo ki ouè-m étan mouin déyo pran kouri louin mouin.
${ }^{13}$ Kè moun yo fi-n blié-m tankou yo blié gnou mò, Mouin tankou gnou kruch krazé.
${ }^{14}$ Mouin tandé vié plan ké pluziè gingnin;
Kè̀-soté ap tué-m,
Lè yo fè bann pou monté sou do-m:
Yo fè konplo pou yo ouété la vi-m.
${ }^{15}$ Min sé nan ou mouin konfié, o Étènèl!
Mouin di: Ou sé Bon-Dieu pa-m!
${ }^{16}$ Tout plan la vi-m nan min ou;
Délivré-m an-ba min lénmi é pèsékutè mouin yo!
${ }^{17}$ Fè figu ou kléré sou sèvitè ou,
Sové mouin pa mouayin la gras ou!
${ }^{18}$ Étènèl, pa kité-m dézapouinté lè mouin invoké non ou.
Sé pou méchan yo dézapouinté,
Sé pou yo désann nan koté mò yo rété a bouch-pé.
${ }^{19}$ Sé pou bouch sa yo k-ap bay manti dévni mouèt,
Oui, bouch sa yo ki palé avèk odas épi gran-panpan kont jus la
E ki séyé pou dégradé-1!
${ }^{20}$ O! bonté ou pa manké gran,
Bonté sa a ou kinbé an rézèv pou sa yo ki krinn ou,
Ké ou montré sa yo ki chachégnou réfuj nan ou, An-ba jé mésiéz-é-dam yo! ${ }^{21} \mathrm{Ou}$ mété yo an-ba jé ou
pou ou kapab protéjé yo kont sa yo k-ap pesékuté yo,
Ou mété yo an protéksion nan tant ou kont lang yo k-ap ataké yo.
${ }^{22}$ Sé pou Létènèl béni!
Paské li montré gras li anvè mouin:
Mouin santi kòm si mouin nan gnou vil fòtifié.
${ }^{23}$ Lè bagay la té cho pou mouin, mouin té di:
Ou voyé-m jété louin prézans ou!
Min ou té tandé rèl mouin lè-m té lapriè,
Lè-m té krié nan pié ou.
${ }^{24}$ Rinmin Létènèl, ou-minm ki réspékté Bon-Dieu!
Létènèl protéjé sa yo ki fidèl,
E sé pa ti puni li puni ògéyé yo.
${ }^{25}$ Fòtifié ou é fè kè ou vi-n fèm,
Ou-minm ki mét éspoua ou nan Létènèl!

## Bénédiksion ki gin nan padon

32 Kantik David.
Byinn-éré sila a ki pa gin transgrésion li sou kont li,
E ki gin péché li padonnin!
${ }^{2}$ Byinn-éré nonm sa a ké Létènèl pa fè inikité-l konté pou kichòy,
É ki pa gin okinn kròchèt nan léspri li!
${ }^{3}$ Otan mouin té rété bouchpé sé otan zo mouin yo t-ap boulé-m,

Mouin t-ap jémi tout la jounin;
${ }^{4} \mathrm{Ka}$, la nuit kòm lé jou min ou t-ap pézé-m,
Fòs mouin pa té angnin plus pasé séchès, tankou séchès lété. - Pòz.
${ }^{5}$ Mouin té fè ou konnin péché-m, mouin pat kaché inikité-m;
Mouin té di: M-a avoué transgrésion-m yo bay Létènèl!
É ou té éfasé sa mouin té doué péyé pou péché-m nan. - Póz.
${ }^{6}$ Sé konsa pou tout òm ki gin réspè pou Bon-Dieu prié ou lè gingnin gnou bon okazion!
Si gro débòdman dlo fèt, yo p-ap minm touché-l.
${ }^{7} \mathrm{Ou}$ sé gnou plas protéksion pou mouin, ou fè mouin égzan la détrès,
Ou antouré-m avèk chan délivrans. - Pòz.
${ }^{8}$ Mouin va instrui ou é mouin va montré ou chémin ou doué pran;
Mouin va ba ou konsèy, mouin va mété jé-m sou ou.
${ }^{9}$ Pi-nga ou sanblé gnou choual ou byin gnou mulèt ki san konprann;
Yo oblijé mété gnou brid dé-rinn nan bouch yo
Pou yo pa trinnin moun nan.
${ }^{10} \mathrm{~Pa}$ manké doulè k -ap tann méchan an,
Min sila a ki konfié nan Létènèl gin gras tout-otou li.
${ }^{11}$ Jus, réjoui ou nan Létènèl é pa manké kontantman!
Pousé kri la joua, ou-minm ki gin kè douat!

Louanj pou Kréatè é Protéklè a
33 Jus, réjoui ou nan Létènèl!
Moun yo ki douat mérité pou yo louanjé yo.
${ }^{2}$ Bay Létènèl louanj avèk hap ${ }^{\text {a }}$ la,
Ba li louanj sou lut ${ }^{b}$ a-dikòd la.
${ }^{3}$ Chanté gnou nouvo kantik ba li!
Fè instruman ou yo é voua ou yo rétanti!
${ }^{4}$ Paské paròl Létènèl douat, É li akonpli tout zèv li yo avèk fidélité;
${ }^{5} \mathrm{Li}$ rinmin la justis avèk la douatu;
Bonté Létènèl ranpli la tè.
${ }^{6}$ Sièl yo té fèt pa mouayin paròl Létènèl,
E tout lamé a ki nan sièl yo té fèt pa mouayin souf bouch li.
${ }^{7} \mathrm{Li}$ anpilé dlo lan mè yo,
Li mété léspas la nan rézèvoua.
${ }^{8}$ Sé pou tout la tè krinn Létènèl!
Sé pou tout abitan lé monn yo tranblé dévan li,
a 33:2 Hap: Sé gnou instruman muzik ki pa manké kòd. Yo joué-1 avèk douèt.
b 33:2 Lut: Gnou klas gita a-di-kòd yo té konn joué nan tan lontan.
${ }^{9}$ Paské li palé, é bagay la rivé;
Li pasé lòd li, é bagay la fèt.
${ }^{10}$ Létènèl détounin plan nasion yo,
Li fè projé pèp yo pasé pou angnin;
${ }^{11}$ Plan pa Létènèl yo rété pou toujou,
E projé kè li yo duré jénérasion apré jénérasion.
${ }^{12}$ Nasion ki gin Létènèl pou Bon-Dieu li sé gnou nasion byinn-éré!
É pèp ké li chouazi pou éritaj li sé gnou pèp byinn-éré.
${ }^{13}$ Dépi an-ro nan sièl la, Létènèl gadé,
Li ouè tout mésiéz-é-dam yo;
14 Etan li lakay li, li obsèvé Tout abitan la tè yo.
${ }^{15}$ Sé li-minm ki fòmé kè yo tout,
Ki pran nòt tou sa y-ap fè.
${ }^{16}$ Roua a pa sové a-kòz gran lamé li,
Sé pa a-kòz gro fòs li ké vayan solda a jouinn délivrans.
${ }^{17}$ Choual la pa puisan asé pou fè moun ranpoté la viktoua,
E malgré gro kouray li, li pa kapab bay la délivrans.
${ }^{18}$ Minni, jé Létènèl an-ro sa yo ki krinn li,
An-ro sa yo ki mét éspoua yo nan bonté li,
${ }^{19}$ Pou li kapab raché nanm yo nan lan mò
É pou li fè yo viv nan mitan grangou.
${ }^{20} \mathrm{Nanm}$ nou mét éspoua li nan Létènèl;
Sé li-minm ki sékou nou é bouklié nou.
${ }^{21}$ Sé nan li kè nou réjoui;
Sé nan non sin li nou mété konfians nou.
${ }^{22}$ Fè gras ou répozé sou nou, Etènèl!
Paské nou mét éspoua nou nan ou!

Louanj pou-tet déliorans anba la détrès
34 Sòm David. Lè li té pran pòz moun fou li dévan Abimélèk, é Abimélèk té chasé-l alé.
${ }^{2} \mathbf{M}$-a béni Létènèl tout tan; Louanj li va nan bouch mouin toujou.
${ }^{3}$ Sé pou nanm mouin jouinn la gloua li nan Létènèl!
Sé pou maléré yo kouté é sé pou yo réjoui!
${ }^{4}$ Avèk mouin, bay Létènèl anpil gloua!
Annou tout bay non li louanj!
${ }^{5}$ Mouin té chaché Létènèl, é li té réponn mouin;
Li té délivré-m an-ba tout kè-kasé-m yo.
${ }^{6}$ Lè gnou moun viré jé-l pou gadé li, moun nan fi-n kléré avèk la joua,
Éfigu li pa gin plas pou la ront.
${ }^{7}$ Lè gnou maléré krié, Létènèl tandé li,
Li sové-l nan tout détrès li yo.
${ }^{8}$ Zanj Létènèl kanpé otou sa yo ki krinn li,

É li raché yo nan danjé.
${ }^{9}$ Gouté é ouè kouman Létènèl bon!
Moun ki chaché réfuj nan li sé gnou moun byinn-éré!
${ }^{10}$ Krinn Létènèl, ou-minm sin li yo!
Paské moun yo ki krinn Létènèl pa manké angnin.
${ }^{11} \mathrm{Ti}$ lion yo konn ouè la dizèt é grangou,
Min sa yo ki chaché Létènèl pa manké okinn byin.

12 Vini, pitit mouin yo, kouté mouin!
Mouin va anségné ou la krint Létènèl.
${ }^{13} \mathrm{Ki}$ lès ki rinmin la vi?
Ki lès ki vlé fè li pi long pou li kapab joui nan bon bagay?
${ }^{14}$ Prézèvé lang ou kont lé mal
É bouch ou kont paròl tronpri;
${ }^{15}$ Alé louin lé mal é fè lé byin; Chaché la pè é pousuiv li.
${ }^{16}$ Jé Létènèl an-ro jus yo,
E zòrè̀y li ouvè pou tandé kri yo.
${ }^{17}$ Létènèl tounin fas li kont méchan yo,
Pou li kab éfasé souvnans yo sou la tè.
${ }^{18}$ Lé jus yo krié, Létènèl tandé yo
É li délivré yo nan tout détrès yo;
${ }^{19}$ Létènèl tou pré sa yo ki gin kè brizé,
E li sové sa yo ki gin ti léspri fèb.
${ }^{20}$ Jus la fè rankont avèk anpil malè,

Min Létènèl délivré li toujou.
${ }^{21}$ Li protéjé tout zo li yo,
Pa gnoun ladan yo p-ap kasé.
${ }^{22}$ Malè gin pou tué méchan an,
É lénmi jus la gin pou résévoua chatiman.
${ }^{23}$ Létènèl délivré nanm sèvitè li yo,
É tou sa yo ki chaché réfuj nan li chapé an-ba jujman.

## Gnou la priz̀ pou sêkou kont lénmi yo

35 Sòm David.
Étènèl, kanpé kont sa yo ki kanpé kont mouin,
Bat sa yo k-ap bat mouin!
${ }^{2}$ Pran ti bouklié a avèk gro a tou,
É lévé pou poté-m sékou!
${ }^{3}$ Préparé lansèt ou avèk va ou kont sa yo k-ap pousuiv mouin!
Di nanm mouin: Mouin sé salu ou!
${ }^{4}$ Sé pou yo ront é sé pou yo dézapouinté, sa yo ki vlé pran la vi-m!
Sé pou yo fè bak é sé pou yo kanpé tèt-a-tè, sa yo k-ap égzaminé ki jan pou yo kóz la ri-n mouin!
${ }^{5}$ Sé pou yo sanblé avèk pakèt pay van ap poté alé.
E sé pou zanj Létenèl la chasé yo dévan li.
${ }^{6}$ Sé pou rout yo plin avèk nouasè é sé pou li glisé, É sé pou zanj Létènèl la pousuiv yo!
${ }^{7}$ Paské, san okinn rézon, yo tann pèlin pou mouin,

San okinn rézon, yo fouyé gnou fosé pou yo sa tué-m.
${ }^{8}$ Sé pou la ri-n tonbé sou yo san-z-atann,
Sé pou yo pran nan pèlin yo té tann nan,
Sé pou yo tonbé ladann é sé pou yo péri!
${ }^{9}$ Aló, nanm mouin va gin la joua nan Létènèl,
E kontantman va plin mouin a-kòz salu li a.
${ }^{10}$ Tout zo mouin yo va di: Ki lès ki sanblé ou?
Ki lès ki kapab délivré malėré a an-ba gnoun ki pi fò pasé-l?
Ki lès ki kapab délivré maléré a avèk póv la an-ba sila a k-ap kalé tèt li?
${ }^{11}$ Kèk fo-témouin mété yo débou,
Yo mandé-m késion sou sa mouin pa konnin.
12 Yo rann mouin lé mal pou lé byin:
Nanm mouin tankou gnou bagay yo blié.
${ }^{13}$ Kant-a mouin, lè yo té malad, mouin té mété rad sak sou mouin,
Mouin té umilié nanm mouin avèk jèn,
Mouin té lapriè avèk tèt mouin bésé sou léstonmak mouin.
${ }^{14}$ Kòm si diré mouin té pèdu gnou zanmi, gnou frè,
Mouin té maché dousman dousman;
Kòm si diré mouin an-dèy pou manman-m, mouin té bésé do-m avèk tristès.
${ }^{15}$ Épi lè m-fè gnou bitad, yo
rasanblé pou yo réjoui, Yo rasanblé pou yo palé mal sou do-m san mouin pa minm konnin,
Yo déchiré-m san pitié.
${ }^{16}$ Avèk inpi yo k-ap fè grandizè pou manjé,
Yo grajé dan konsa kont mouin.
${ }^{17}$ Ségnè! jouk ki tan ou va pinmèt sa?
Protéjé nanm mouin kont konplo yo,
É la vi-m kont jinn lion yo!
${ }^{18}$ M-a ba ou louanj nan gran asanblé a,
M-a proklamé louanj ou nan mitan anpil moun.
${ }^{19} \mathrm{~Pa}$ pinmèt ké lénmi-m yo, ki an-tò, réjoui sou kòz mouin,
Pa pinmèt ké sa yo ki rai-m san rézon, jouinn dé koua pou yo koupé-m kout-jé!
${ }^{20}$ Paské paròl ki soti nan bouch yo pa paròl la pè,
Y-ap plédé égzaminé ki jan pou yo tronpé moun yo ki trankil nan péi a.
${ }^{21}$ Yo louvri bouch yo kont mouin,
Yo di: Roy! Roy! n-ap kléré jé nou gadé! -
${ }^{22}$ Étènèl, ou ouè! pa rété san aji!
Ségnè, pi-nga alé louin mouin!
${ }^{23}$ Révéyé, révéyé pou fè-m justis!
Bon-Dieu mouin é Ségnè mouin, défann koz mouin!
${ }^{24}$ Jujé mouin sélon justis ou, Étènèl, Bon-Dieumouin!

É ké yo pa jouinn dé koua réjoui an-ro mouin!
${ }^{25}$ Ké yo pa kapab di nan kè yo:
Aha! sé sa minm nou té vlé!
Ké yo pa kapab di: Nou kaba msié!
${ }^{26}$ Sé pou la ront kouvri yo tout ansanm é sé pou yo rété tèt-bésé,
Sa yo ki réjoui nan malè-m!
Sé pou yo mété dégradasion é la ront sou yo tankou rad,
Sa yo ki lévé kont mouin!
${ }^{27}$ Sé pou sa yo ki pran plézi nan inosans mouin,
Gin kontantman é la joua,
É sé pou yo di san rété: Gloua a Létènèl,
Li-minm ki déziré lé byin pou sèvitè li!
${ }^{28}$ Alò, lang mouin va proklamé justis ou,
Li va répété louanj ou tou lé jou.

Lamou Bon-Dieu sé gnou lamou ki pa chanjé
36
Pou konduktè chan yo. Sòm sèvitè Létènèl la. Sòm David.
${ }^{2}$ Paròl méchan an ki pa krinn Bon-Dieu nan fon kè-m;
La krint Bon-Dieu pa dévan jé li.
${ }^{3}$ Paské li flaté pròp tèt li, Pou li kapab konplété inikité-1 jouk nan bout li, pou li kapab satisfè hèn li.
${ }^{4}$ Paròl bouch li fo é plin tronpri;

Li rénonsé pou li aji avèk sajès, pou li fè lé byin.
${ }^{5} \mathrm{Li}$ kalkulé injustis sou kabann ni,
Li sou gnou chémin ki pa bon,
Li pa répousé lé mal.
${ }^{6}$ Étènèl! bonté ou touché jouk nan sièl la,
Fidélité ou rivé jouk nan nuay yo.
7 Justis ou tankou mòn BonDieu yo,
Jujman ou yo tankou gran léspas la.
Étènèl! ou soutni lèz-òm é bèt yo.
${ }^{8}$ O Bon-Dieu! bonté ou pa manké présiéz;
Anba lonbraj zèl ou mésiéz-é-dam yo chaché gnou réfuj.
${ }^{9}$ Yo plin vant yo avèk gran kantité manjé ou gin lakay ou,
É ou koupé souaf yo nan gran riviè plézi ou.
${ }^{10}$ Paské, a-koté ou, sé la sous la vi a yé;
Pa mouayin lumiè ou nou ouè lumiè a.
${ }^{11}$ Étann bonté ou sou sa yo ki konnin ou,
Étann justis ou sou sa yo ki gin kè yo douat!
${ }^{12} \mathrm{~Pa}$ pinmèt pié ògéyé a tonbé sou mouin
É ké min méchan yo fè-m kouri san gad dèyè!
${ }^{13}$ Déja sa yo ki konmèt inikité ap tonbé;
Yo tonbé pa la kilbit; é yo pa kapab kanpé sou pié yo ankò.

Méchan yo san asurans
37 Sòm David.
Pa mété ou an-kòlè kont méchan yo,
Pa poté jalousi sou sa yo ki fè lé mal.
${ }^{2}$ Paské tout-a-lè yo pral koupé yo tankou yo koupé zèb
E yo pral finnin tankou gazon vèt.
${ }^{3}$ Konfié ou nan Létènèl, é pratiké lé byin;
Pran péi a fè kay ou é pran la fidélité pou sèvi ou paturay.
${ }^{4}$ Fè Létènèl dévni plézi ou,
E li va ba ou sa kè ou déziré.
${ }^{5}$ Rinmèt kòz ou bay Létènèl, Mété konfians ou nan li, é li va aji.
${ }^{6} \mathrm{Li}$ va fè justis ou éklaté tankou lumiè,
E li va fè rézon ou parèt tankou solèy an plin midi.
${ }^{7}$ Rété an silans dévan Létènèl, é mét éspoua ou nan li,
Pi-nga ou faché kont sila a ki jouinn suksè nan pròp chémin li yo,
Kont nonm nan ki konplété mové plan li yo nèt.
${ }^{8}$ Kité kòlè an-répo, viré do ou bay furè;
Pi-nga ou faché, sé kòm si diré ou ta fè lé mal.
${ }^{9}$ Paské yo va koupé méchan yo lagé a-tè,

Min sa yo ki mété éspoua yo nan Létènèl va posédé péi a.
${ }^{10}$ Ankò gnou ti kras pi long, méchan an p-ap la ankó,
Ou va gadé koté li té yé a , é li va gin tan disparèt.
${ }^{11}$ Min pòv maléré yo va posédé péi a,
E yo va joui la pè an kantité.

12 Méchan an monté konplo kont jus la
E li grajé dan kont li.
${ }^{13}$ Lé Ségnè ri méchan an,
Paské li ouè ké jou li fi-n rivé.
${ }^{14}$ Méchan yo ralé kouli-n yo,
Yo préparé kòdon yo pou yo tiré flèch,
Yo tou paré pou fè maléré a avèk pòv ki sou dènié kad li a tonbé,
Pou koupé kou sa yo ki maché nan chémin douat la,
${ }^{15}$ Kouli-n yo antré nan pròp kè yo,
E kòdon yo té préparé a brizé nèt.
${ }^{16}$ Ti kras pa jus la gin plus valè
Pasé gran kantité pa pluziè méchan;
${ }^{17}$ Paské bra méchan yo va brizé,
Min Létènèl soutni jus yo.
${ }^{18}$ Létènèl konnin jou mésié yo ki douat,
E éritaj yo duré pou toujou.
${ }^{19}$ Nan jou malè, yo p-ap rété tou ront;

Nan jou gro grangou, vant yo va plin.
${ }^{20}$ Min méchan yo va péri,
Lénmi Létènèl yo va pasé tankou bèl paturay yo;
Yo va péri, yo va disparèt tankou la-fumin.
${ }^{21}$ Méchan an prété é li pa rinmèt;
Min jus la gin kè-touché, é li bay.
${ }^{22}$ Sa yo ké Létènèl béni va posédé péi a,
E sa yo ké Li modi va koupé lagé a-tè.
${ }^{23}$ Létènèl rann pié lòm fèm;
E li pran plézi nan chémin li;
${ }^{24}$ Minm si li tonbé, li p-ap blayi a-tè tou long,
Paské Létènèl soutni min li.
${ }^{25}$ Mouin té jinn, mouin vi-n gran-moun;
Min mouin pa janm ouè jus la abandonnin,
Ni désandans li ap mandé pin.
${ }^{26} \mathrm{Li}$ toujou gin kè-touché, é li prété bay lod;
E désandans li béni.
27 Viré do ou bay lé mal, fè lé byin,
Konsa ou va posédé abitasion ou pou toujou.
${ }^{28}$ Paské Létènèl rinmin la justis,
E li pa abandonnin fidè li yo;
Yo an-ba protéksion li tout tan,
Min désandans méchan yo va koupé lagé a-tè.
${ }^{29}$ Jus yo va posédé péi a, É yo va abité ladann pou toujou.
${ }^{30}$ Bouch jus la anonsé la sajès,
E lang li proklamé la justis.
${ }^{31}$ La loua Bon-Dieu li nan kè-l;
Pié li pa fè bitad.
${ }^{32}$ Méchan an suvéyé tout ti-viré-tounin jus la,
E li chaché ki jan pou li tué-l.
${ }^{33}$ Létènèl p-ap lagé-1 nan min li,
E li p-ap kondané li lè li dévan juj la.
${ }^{34}$ Mét éspoua ou nan Létènèl, kinbé chémin li a douat,
É li va lévé ou pou ou sa posédé péi a;
Ou va ouè méchan yo koupé lagé a-tè.
${ }^{35}$ Mouin té ouè méchan an nan tout puisans li,
Li t-ap blayi ko-l tankou gnou pié-boua ki an bon kondision.
${ }^{36}$ Li pasé, é gadéli pa la ankò; Mouin chaché-l, min li pa la pou moun jouinn li.
${ }^{37}$ Gadé avèk atansion sila a ki san-kròchèt la, é fiksé jé ou sou sila a ki douat la;
Paské gingnin gnou désandans pou nonm la pè a.
${ }^{38}$ Min tout rébèl yo va tounin angnin,
Désandans méchan yo va koupé lagé a-tè.
${ }^{39}$ Salu jus yo vini soti nan Létènèl;
Li sé protéktè yo nan tan détrès.
${ }^{40}$ Étènèl sékouri yo é li délivré yo;
Li délivré yo an-ba min méchan yo é li sové yo,
Paské yo chaché réfuj yo nan li.

La priè gnou péchè $k$-ap soufri é ki rékonnè̀t fòl li
38 Sòm David. Kòm gnou souvnans.
${ }^{2}$ Létènèl! pi-nga ou puni-m nan kòlè ou,
E pi-nga ou bat mouin nan furè ou.
${ }^{3}$ Paské flèch ou yo frapé-m, É min ou pézé rèd sou mouin.
${ }^{4}$ A-kòz kollè ou pa gin pa minm gnou ti moso nan kò-m ki bon;
A-kòz péché-m, pa gin okinn kouray ki pinnétré nan $\mathbf{z o - m}$ yo.
${ }^{5}$ Paské inikité-m yo lévé pi ro pasé tèt mouin;
Tankou gnou gro chay, yo trò lou pou mouin.
${ }^{6}$ Maling mouin yo santi é yo plin postim,
A-kòz sotiz mouin.
${ }^{7}$ Mouin koubé, mouin fi-n krazé nèt;
Tou lé jou mouin maché nan tristès,
${ }^{8}$ Paské mouin gin gnou maladi $k$-ap brulé rin mouin,
E pa gin pa minm gnou ti moso nan kò-m ki bon.
${ }^{9}$ Mouin san fos, mouin fi-n krazé nèt;

A-kòz troub kè-m, mouin pa manké jémi.
${ }^{10}$ Ségnè! tout dézi-m yo dévan ou,
É ou konnin tout kout-soupi-m yo.
${ }^{11} \mathrm{Kè}-\mathrm{m}$ ap bat san pran souf, fòs mouin pati kité-m.
É minm lumié jé mouin gin $\tan$ al fè rout li.
${ }^{12}$ Zanmi-m yo é sa yo ki konnin-m alé louin a-kòz maling mouin an,
É proch-paran-m yo kanpé a gnou grann distans.
${ }^{13} \mathrm{Sa}$ yo ki anvi ouè-m mouri tann pièj pou mouin;
Sa yo k-ap chaché pou fè-m mal di paròl méchansté,
E tout la jounin yo ékzaminé sou tronpri.
14 É mouin-minm, mouin tankou gnou moun soud, mouin pa tandé angnin;
Mouin tankou gnou bèbè, ki pa ouvè bouch li.
${ }^{15}$ Mouin tankou gnou nonm ki pa tandé,
É ki pa gin okinn répons nan bouch li.
${ }^{16}$ Étènèl! sé nan ou mouin mét éspoua mouin,
Ou va réponn, Ségnè, BonDieu mouin!
${ }^{17}$ Paské mouin di: Pa pinmèt ké yo réjoui sou kòz mouin,
Pa pinmèt ké yo lévé kont mouin si mouin fè gnou bitad.
${ }^{18}$ Paské mouin prèt pou-m tonbé,
E doulè mouin dévan-m tout tan.
${ }^{19} \mathrm{Ka}$, mouin rékonnèt inikité-m,
Mouin nan la krint a-kòz péché-m.
${ }^{20}$ Min lénmi-m yo plin la vi, yo plin fos;
Sé pa dé ou toua moun ki rai-m san okinn rézon.
${ }^{21}$ Yo rann mouin lé mal pou lé byin;
Yo sé advèsè-m paské mouin chaché lé byin.
${ }^{22} \mathrm{Pi}-\mathrm{nga}$ abandonnin-m, Etènèl!
Bon-Dieu mouin, pa alé louin mouin!
${ }^{23}$ Vini tou suit, vi-n poté-m sékou,
Ségnè, salu mouin!
La di pa la pou lontan
39 Pou konduktè chan yo. Pou Jédutin. Sòm David.
${ }^{2}$ Mouin t-ap di: M-a fè atansion ki klas rout mouin pran,
Pou-m pa péché avèk lang mouin;
M-a mété gnou frin sou bouch mouin,
Tout tan méchan an va la dévan mouin.
${ }^{3}$ Mouin rété bouch-bé, mouin fè silans,
Mouin pa di angnin du-tou, malgré mouin pat résévoua okinn bénéfis,
E doulè-m pat apézé.
${ }^{4}$ Kè mouin t-ap brulé anndan mouin,
Gnou du-fé nan fon kò mouin t-ap konson-min-m,
Alò, lang mouin té pran palé.
${ }^{5}$ Étènèl! di mouin bout la vi-m,
Di-m konbyin jou mouin gin pou-m viv;
Fè-m konnin ki jan mouin frajil.
${ }^{6}$ Gadé, ou fè jou-m yo lajè gnou plan-min,
É la vi-m tankou angnin dévan ou.
Sé vré, ninpòt nonm ki kanpé débou sé gnou souf li yé sèlman. Pòz.
${ }^{7}$ Sé vré, lòm pronminnin tankou gnou lonbraj,
Sé an-vin li bat kò-l;
Li anpilé gnou kantité byin, min li pa konnin ki lès ki pral joui yo.
${ }^{8}$ É kou-n yé a, Ségnè, ki sa pou-m éspéré?
Sé nan ou mouin mét éspoua-m.
${ }^{9}$ Délivré-m an-ba tout transgrésion mouin yo!
Pa kité-m dévni la rizib sila a ki san konprann nan.
${ }^{10}$ Mouin rété bouch-bé, mouin pa ouvè bouch mouin,
Paské sé ou-minm k-ap aji.
${ }^{11}$ Pa kontinué vidé kou sou mouin konsa,
M-ap fi-n pèdu kouray anba min ou.
${ }^{12}$ Lè ou korijé lòm pou puni-1 pou inikité li,
Tankou lè sizo pran manjé rad, ou détrui sa li konsidéré kòm pi chè.
Sé vré, ninpòt nonm sé gnou souf li yé. - Pòz.
${ }^{13}$ Étènèl, kouté la priè-m é
ouvè zòrèy ou pou tandé kri mouin!
Pa fè kè-du pou dlo nan jé mouin,
Paské mouin sé gnou étranjé lakay ou,
Tankou tout gran-paran mouin yo sé rété m-rété lakay ou.
${ }^{14} \mathrm{~Pa}$ kalé jé ou sou mouin, min kité-m pran gnou ti souf,
Avan mouin pati é ké yo pa jouinn mouin ankó.

## Louanj pou-têt dêliorans

40
Pou konduktè chan yo. Sòm David.
${ }^{2}$ Mouin té mét éspoua-m nan Létènèl;
É li té bésé tou pré-m, li té kouté kri mouin.
${ }^{3} \mathrm{Li}$ té ralé-m soti nan fosé déstruksion an,
Li té ralé-m soti nan bafon la-bou a.
É li fè-m planté pié-m sou ròk la,
Li fè pié mouin vi-n fèm.
${ }^{4} \mathrm{Li}$ mété gnou kantik tou nèf nan bouch mouin,
Sé gnou louanj pou BonDieu nou;
Anpil moun gin tan ouè li, é yo gin la krint,
É yo konfié yo nan Létènèl.
${ }^{5}$ Byinn-éré nonm nan ki plasé konfians li nan Létènèl,
E ki pa viré bò kot ògéyé yo avèk mantè yo!
${ }^{6}$ Étènèl, Bon-Dieu mouin, ou pa manké ogmanté mèvèy Ou

É plan ou yo an-favè nou:
Pésonn pa kapab konparé avèk ou;
Mouin ta vlé publié yo é proklamé yo,
Min yo si tèlman anpil ké mouin pa kab rakonté yo.
${ }^{7} \mathrm{Ou}$ pa anvi ni sakrifis ni ofrann,
Ou louvrí zòrè̀y mouin;
Ou pa mandé ni olokos ni bèt pou péyé dèt la.
${ }^{8}$ Ald, mouin di: Min mouin, mouin vini
Avèk liv an roulo ki ékri pou mouin an.
${ }^{9}$ Bon-Dieu mouin, mouin vlé fè volonté ou!
É loua ou nan fon kè-m.
${ }^{10}$ Mouin anonsé la justis nan gran asanblé a;
Épi mouin pa fèmin bouch mouin,
Étènèl, ou konnin sa!
${ }^{11}$ Mouin pa kinbé justis ou nan kè-m kòm gnou sékrè,
Mouin publié la vérité ou avèk salu ou;
Mouin pa mété bonté ou avèk fidélité ou an-ba mamit
Lè mouin nan mitan gran asanblé a.
${ }^{12} \mathrm{Ou}$-minm Étènèl! ou p-ap réfuzé pou montré-m kètouché ou;
Bonté ou avèk fidélité ou va kinbé mouin pou toujou.
${ }^{13}$ Paské gnou kantité malè vironnin-m;
Punision inikité-m yo rivé sou mouin,
É mouin pa minm kapab supòté pou ouè sa;

Punision yo plus pasé chévé tèt mouin,
E kouray mouin ap pati kité-m.
${ }^{14}$ Tan-pri, Etènèl, délivré-m non!
Étènèl, kouri vi-n poté-m sékou!
${ }^{15}$ Sé pou la ront tonbé sou yo tout ansanm, é sé pou yo alé tèt-ba,
Tou sa yo ki vlé pran la vi-m!
Sé pou yo fè bak é sé pou yo kanpé tèt-a-tè,
Sa yo ki anvi ouè ri-n mouin!
${ }^{16}$ Sé pou yo ront gnou tè maniè ké yo dévni nann,
Sa yo ki di mouin: Apa li tou! Apa li tou!
${ }^{17}$ Sé pou ou fè tou sa yo k-ap chaché ou
Gin kontantman é ké yo réjoui nan ou!
Ké sa yo ki rinmin salu ou
Di tout tan: Gloua é gloua pou Létènèl!
${ }^{18}$ Mouin-minm, mouin pòv é maléré;
Min lé Ségnè pansé a-léga mouin.
Sé ou-minm ki èd mouin é délivrans mouin:
Bon-Dieu mouin, pa fè réta!

Gnou la priè pou gérizon
41 Pou konduktè chan yo. Sòm David.
${ }^{2}$ Byinn-éré sila a ki pran ka pòv la!
Nan jou malè, Létènèl va délivré-l;
${ }^{3}$ Létènèl va protéjé-l é li va konsèvé la vi-l,

Li va fè-l byinn-éré sou la tè.
É ou p-ap lagé-l bay lénmi-1 yo pou yo fè sa yo vlé avè-l.
${ }^{4}$ Létènèl va soutni li lè doulè fè-l pran kabann,
Ou va poté soulajman ba li ninpót ki lè li malad.
${ }^{5}$ Mouin di: Étènèl, gin pitié pou mouin!
Géri nanm mouin! paské mouin péché kont ou.
${ }^{6}$ Lénmi-m yo palé avèk mechansté a-léga mouin, yo di:
Ki lè pou-l mouri? Ki lè pou rénonmin-l fini?
${ }^{7}$ E si gin gnoun ki vi-n ouè mouin, li anplouayé gnou langaj tronpè,
Li ranmasé kont parol pou li kapab palé mal;
L-al fè rout li, épi li palé bagay la déyó.
${ }^{8}$ Tout lénmi-m yo ap chuichui ant yo sou do-m;
Yo pansé sèlman ki jan pou yo rinin mouin.
${ }^{9}$ Yo di: Msié pran gnou mové kou,
Gadé ki jan li kouché, li pa gin doua lévé ankó!
${ }^{10}$ Sila a minm ki té an-pè avèk mouin,
Ki té gin konfians mouin é ki t-ap manjé pin mouin,
Li-minm, li viré talon-l sou mouin.
${ }^{11}$ Min ou-minm Létènèl, gin pitié pou mouin é mété-m sou dé pié-m ankó!
E mouin va ba yo sa yo mérité.

12 Mouin va konnin ké ou rinmin-m,
Si lénmi mouin pa ranpòté la viktoua sou mouin.
${ }^{13} \mathrm{Ou}$ soutni-m akòz jan mouin minnin gnou la vi san kròchèt,
É ou plasé mouin nan prézans ou pou toujou.
${ }^{14}$ Sé pou nou béni Létènèl, Bon-Dieu Izraèl, dépi tout tan é pou tout tan! Amèn! Amèn!

## DÉZIÈM LIV

Gnoun ki souaf Bon-Dieu
42 Pou konduktè chan yo. Kantik pitit Koré yo.
${ }^{2}$ Minm jan gnou sèf pousé soupi pou dlo kourant,
Sé konsa nanm mouin ap pousé soupi pou ou, o Bon-Dieu!
${ }^{3}$ Nanm mouin souaf BonDieu, Bon-Dieu vivan an:
Ki lè m -a alé, ki lè m -a parèt dévan fas BonDieu?
${ }^{4}$ Dlo nan jé-m sé nouritu mouin jou kon nuit,
Lè moun ap plédé di-m: Koté Bon-Dieu ou?
${ }^{5}$ Sa fè kè-m fonn lè-m sonjé jan mouin t-ap maché ak foul la ki té antouré-m,
E-m té a-la-tèt ap vansé koté kay Bon-Dieu a,
Nan mitan rèl kontantman épi aksion-dé-gras
Gnou kantité moun ki t-ap fété.
${ }^{6}$ Nanm mouin, pouki sa ou ap défayi, é ou ap jémi nan mouin?

Mét éspoua ou nan BonDieu, paské m-a louanjé ankó pou li;
Li sé salu mouin ak BonDieu mouin.
${ }^{7}$ Nanm mouin défayi nan mouin:
Sé pou sa sé ou m-ap sonjé dépi nan péyi Joudin,
Dépi nan Mòn Émon, ak Mòn Mitséa.
${ }^{8}$ Gnou flo rélé gnou lot flo nan mitan bri lavalas ou yo;
Tout vag ak tout flo ou yo pasé sou mouin.
${ }^{9}$ La jounin, Létènèl akòdé-m la gras li;
Nan nuit, mouin chanté louanj li,
Mouin adrésé gnou priè bay Bon-Dieu la vi mouin.
${ }^{10}$ Mouin di Bon-Dieu ki roché mouin: Pouki sa ou blié-m?
Pouki fok mouin maché nan tristès,
Anba lénmi k-ap pézé-m?
${ }^{11}$ Zo-m ap fann lè pèsékutè-m yo véksé-m,
Lè y-ap di-m tout tan: Koté Bon-Dieu ou?
${ }^{12}$ Nanm mouin, pouki sa ou ap défayi, é ou ap jémi nan mouin?
Mét éspoua ou nan BonDieu, paské m-a louanjé ankò pou li;
Li sé salu mouin ak BonDieu mouin.

Gnou la priè oanjans épi déliorans
43 O $\underset{\substack{\text { Bon-Dieu rann } \\ \text { moz mouis, défann } \\ \text { koz mont }}}{\text { Bouin }}$
gnou nasion ki infidèl!
Délivré-m nan min moun
ki nan frod ak nan injustis!
${ }^{2} \mathrm{Ou}$-minm, Bon-Dieu, ki protéktè mouin, pouki sa ou ap répousé-m?
Pouki fok mouin maché nan tristès,
Anba lénmi k-ap pézé-m?
${ }^{3}$ Voyé lumiè ou ak fidélité ou!
Ké yo diri je-m,
Ké yo kondui-m sou mòn ou ki sin, ak lakay ou!
${ }^{4} \mathrm{M}$-a alé koté lotèl BonDieu, Bon-Dieu ki joua mouin ak kontantman mouin,
É m-a louanjé ou ak banza, o Bon-Dieu, Bon-Dieu mouin!
${ }^{5}$ Nanm mouin, pouki sa ou ap défayi é ou ap jémi nan mouin?
Mét éspoua ou nan BonDieu, paské m-a louanjé ankò pou li;
Li sé salu mouin ak BonDieu mouin.

Déliorans oparavan yo é traka kou-n yéa
44 Pou konduktè chan yo. Kantik pitit Koré yo.
${ }^{2}$ O Bon-Dieu! nou gin tan tandé avèk zòrèy nou,
Gran-paran nou yo gin tan rakonté nou
Tout travay yo ou té akonpli duran la vi yo,
Nan tan lontan.
${ }^{3}$ Avèk min ou ou té chasé pluziè nasion pou ou té kapab établi yo,

Ou té frapé anpil pèp pou ou té kapab étann yo.
${ }^{4} \mathrm{Ka}$, sé pa népé yo ki édé yo pran péi a,
Sé pa gro pongnèt yo ki sové yo;
Min sé min douat ou, sé pongnèt ou, sé lumiè fas ou,
Paské ou té rinmin yo.
${ }^{5}$ O Bon-Dieu! ou sé roua mouin:
Pasé lòd pou Jakòb jouinn délivrans!
${ }^{6}$ Avèk ou nou va kilbité lénmi nou yo a-tè plat,
Avèk non ou nou va krazé advèsè nou yo.
${ }^{7}$ Paské sé pa nan zam ki tiré flèch yo m-ap mét konfians mouin,
Sé pa népé mouin ki va sové-m.
${ }^{8}$ Min sé ou-minm ki délivré nou anba min lénmi nou yo,
Sé ou-minm ki lagé sa yo ki rai nou anba tètchajé.
${ }^{9}$ Nou glorifié nou nan BonDieu, chak jou,
E nou proklamé non ou avèk louanj pou toujou. - Pòz.
${ }^{10}$ Sépandan, ou répousé nou, ou kouvri nou avèk ront,
Ou pa soti an-konpagni lamé nou yo ankò;
${ }^{11} \mathrm{Ou}$ fè nou fè bak dévan lénmi an,
E sa yo ki rai nou pran sa nou gingnin poté alé.
${ }^{12}$ Ou lagé nou tankou mouton pou yo dévoré,
Ou lagé nou a-douat a-gòch pami nasion yo.

13
Ou vann pèp ou pou angnin,
Ou konsidéré-l a vil-pri.
${ }^{14} \mathrm{Ou}$ fè nou pase tankou gnou rizib pou vouazin nou yo,
E sa yo ki antouré nou pran nou pasé nan jouèt é nan bétiz;
${ }^{15} \mathrm{Ou}$ fè nou sèvi kòm blag pami nasion yo,
E pami tout pèp yo, kou yo ouè nou, yo pran souké tèt.
${ }^{16}$ Ronté mouin dévan-m tout tan,
E dézapouintman kouvri figu-m,
${ }^{17}$ Kou mouin tandé voua sila a k-ap véksé-m é k-ap fè-m pasé mizè,
Kou mouin ouè lénmi an é sila $k$-ap chaché pou-l vanjé-l sou mouin an.

18 Tout malè sa yo rivé nou, malgré nou pat blié ou,
Malgré nou pat violé alians ou:
${ }^{19}$ Kè nou pat viré sou koté, Pié nou pat alé louin chémin ou la,
${ }^{20}$ Pou ou krazé nou nan trou koté chin-maron yo reeté,
E pou ou kouvri nou avèk lonbraj la mò a konsa.
${ }^{21}$ Si nou té blié non BonDieu nou an,
É si nou té lonjé min nou bay gnou dié étranjé,
${ }^{22}$ Eské Bon-Dieu pa ta konnin sa,
Li-minm ki konnin sékrè yo ki nan kè a?
${ }^{23}$ Min sé a-kòz ou ké y-ap koupé kou nou tou lé jou,
Sé a-kòz ou ké yo konsidéré nou tankou mouton ki prèt pou bouchri.
${ }^{24}$ Révéyé ou! Pouki sa ou ap dòmi, Ségnè?
Révéyé ou! Pa pousé nou alé pou toujou!
${ }^{25}$ Pouki sa ou séré figu ou?
Pouki sa ou blié mizè nou é près ki sou nou an ?
${ }^{26}$ Paské nanm nou fi-n pèdu kouray nèt nan pousiè $\mathbf{a}$; Kò nou kolé avèk tè a.
${ }^{27}$ Lévé, pou poté nou sékou! Délivré nou a-kòz bonté ou!

Gnou chan pou mariay roua a
45 Pou konduktè chan yo. Sou Lis ${ }^{a}$ yo. Kantik pitit Koré yo. Chan damou.
${ }^{2}$ Gnou kantité parò plin dousè ap bouyi anndan kè-m.
Mouin di: Travay mouin sé pou roua a!
Sé pou lang mouin tankou plum gnou ékrivin abil!
${ }^{3}$ Ou pi bèl pasé tout lòt mésié yo,
La gras répann sou tout bouch ou:
Sé pou-tèt sa Bon-Dieu béni ou pou toujou.
${ }^{4}$ Vanyan solda, mété népé ou nan rin ou,
-Dékorasion é la gloua ou,
a 45:1 Lis: Sé gnou flè tou blan. Jan li anplouayé isit la, pétèt se gnou instruman muzik ou byin tit gnou chan.

Oui, la gloua ou! -
${ }^{5}$ Ranpòté la viktoua, monté sou cha ou,
Défann la vérité, la dousè é la justis,
Sé pou min douat ou édé ou akonpli dé gran mannèv!
${ }^{6}$ Flèch ou yo pouintu;
A-kòz yo gnou kantité pèp va tonbé anba pié ou;
Yo va pèsé kè lénmi roua a.
${ }^{7}$ O Bon-Dieu, tròn ou la pou toujou;
Baton-komann ou sé gnou baton la justis.
${ }^{*} \mathrm{Ou}$ rinmin la justis, é ou rai la méchansté:
Sé pou sa, o Bon-Dieu, Bon-Dieu ou sakré ou
Avèk gnou luil la joua, an-préférans sou tout kòlèg ou yo.
${ }^{9}$ Mir, alouè avèk kas fè rad ou santi bon;
Nan palè yo ki fèt avèk livoua, muzik a-kòd yo fè ou réjoui.
${ }^{10}$ Gin pluziè pitit-fi roua nan pami médam donnè ou yo;
Rèn nan a la douat ou, dékoré avèk lò ki soti Ofir.
${ }^{11}$ Kouté, ma fi, gadé, é fètatansion;
Blié fanmi ou é lakay papa ou.
${ }^{12}$ Roua a pa manké rinmin bèlté ou;
Puiské li sé mèt ou, bésé tèt ou dévan li an lonnè li.
${ }^{13}$ É, avèk anpil kado, fi péi Tir la
É sa yo ki pi rich nan pami
pèp la va chaché favè nan min ou.
${ }^{14}$ Anndan palè a, fi roua a kléré la tèt-o-pié;
Li gin gnou rad tisé ann-ò sou li.
${ }^{15}$ Abiyé nèt avèk rad brodé, yo prézanté-l bay roua a;
Dèyè li gin gnou kantité jèn fi, konpagn li yo, ké yo minnin ba ou;
${ }^{16}$ Yo prézanté yo nan mitan réjouisans é kontantman,
Yo rantré nan palè roua a .
${ }^{17}$ Pitit ou yo va pran plas gran-paran ou yo;
Ou va plasé yo kòm prins nan tout péi a.
${ }^{18}$ Mouin va fè yo sonjé non ou nan tout jénérasion yo:
Konsa, pèp yo va louanjé ou pou tout tan é pou toujou.
Bon-Dieu sé abri avèk fòs nou
46 Pou konduktè chan yo. 40 Kantik pitit Koré yo. Sou lè alamot.
${ }^{2}$ Bon-Dieu sé gnou abri pou nou ak gnou ranpa sékou
Ki p-ap janm manké lè nou nan la détrès.
${ }^{3}$ Sé pou sa nou pa pè lè la tè boulvèsé,
Ak lè mon yo chaviré nan mitan la mè,
${ }^{4}$ Lè lanm la mè grondé ap fè kum,
Lè y-ap lévé jouk tan yo fè mòn yo tranblé. -Pòz.
${ }^{5}$ Gin gnou gran la riviè, kouran li mété la joua nan la vil Bon-Dieu a,

Nan koté ki sakré nan kay Bon-Dieu Trè-Ro a.
${ }^{6}$ Bon-Dieu nan mitan-l: li p-ap brannin;
Bon-Dieu ba li sékou dépi jou kasé.
${ }^{7}$ Nasion ap bat kò yo, rouayom yo ap brannin;
Bon-Dieu fè tandé voua li, é la tè tranblé.
${ }^{8}$ Létènèl lamé yo ak nou;
Bon-Dieu Jakòb la sé fòtrès nou ki byin ro. Pòz.
${ }^{9}$ Vini, gadé zèv Létènèl,
Ravaj li akonpli sou la tè!
${ }^{10}$ Sé li ki fè batay yo fini jouk nan bout la tè;
Li krazé zam nan ki voyé flèch, é-l kasé lans la,
Li konsonmin vouatu la gè nan di-fé.
${ }^{11}$ Rété la é rékonnèt ké m-sé Bon-Dieu:
Mouin dominin sou nasion yo, mouin dominin sou la tè.
${ }^{12}$ Létènèl lamé yo ak nou;
Bon-Dieu Jakòb la sé fòtrès nou ki byin ro. Pòz.

Bon-Dieu sé roua tout la tè
47 Pou konduktè chan yo. Sòm pitit Koré yo.
${ }^{2}$ Nou tout pèp yo, bat min!
Rélé ak la joua bay BonDieu!
${ }^{3}$ Paské Létènèl Trè-Ro a, pa nan jouèt,
Li sé gnou gran roua sou tout la tè.
${ }^{4}$ Li mété pèp sou zòd nou,
Li mété nasion anba pié nou;
${ }^{5} \mathrm{Li}$ chouazi éritaj nou pou nou,
La gloua Jakòb ké li rinmin. - Pòz.
${ }^{6}$ Bon-Dieu ap vansé nan mitan rèl la viktoua,
Létènèl ap vansé anba kout tronpèt k-ap sonnin.
${ }^{7}$ Chanté louanj Bon-Dieu, chanté!
Chanté louanj roua nou, chanté!
8 Puiské Bon-Dieu roua tout la tè:
Chanté gnou kantik!
${ }^{9}$ Bon-Dieu ap régné sou nasion yo,
Bon-Dieu chita sou tròn li ki sin.
${ }^{10}$ Prins pèp yo réuni ansanm Ak pè̀p Bon-Dieu Abraam nan;
Paské zam défans ki sou la tè a sé pou Bon-Dieu;
Pouvoua li dépasé tout pouvoua.

## Bèlté avèk la gloua Sion

48
Sòm pitit Koré yo. Kantik.
${ }^{2}$ Létènèl gran, é li mérité pou yo ba li tout louanj, Nan la vil Bon-Dieu nou an, sou mòn sin li a.
${ }^{3}$ Ala gnou bèl ti mòn sé mòn Sion an!
Li sé la joua tout la tè;
Li fè fas o nò, sé la vil gran roua a.
${ }^{4}$ Nan palè li yo, Bon-Dieu fè konnin ké li sé gnou gro fò.
${ }^{5}$ Paské, min sa ki pasé, roua yo té fè bann ansanm.
Yo sèlman pasé tout ansanm,
${ }^{6}$ Yo gadé tan! yo kanpé tankou moun égaré,
La pèrè pran yo, é yo pran kouri san gad dèyè.
${ }^{7}$ Gnou sèl kou a tranbléman pran yo,
Doulè tonbé sou yo kou diré lè gnou fanm ap akouché.
8 Avèk gnou van ki soti a-lès, Ou krazé tout gro batiman Tasis yo.
${ }^{9} \mathrm{Sa}$ nou té tandé moun di, nou té ouè li
Nan la vil Létènèl lamé yo,
Nan la vil Bon-Dieu nou an:
Bon-Dieu va fè li kanpé pou toujou. - Póz.
${ }^{10}$ O Bon-Dieu, nou pansé sou bonté ou
Nan mitan tanp ou.
${ }^{11}$ Minm jan avèk non ou, o Bon-Dieu!
Louanj ou rézonnin jouk nan dènié bout la tè;
Min douat ou plin avèk justis.
${ }^{12}$ Món Sion an ap réjoui,
Fi Juda yo nan kontantman
A-kòz jujman ou yo.
${ }^{13}$ Monté-désann nan Sion, fè tou la vil la,
Konté tout tour ${ }^{a}$ li yo,
${ }^{14}$ Obsèvé gro muray défans li a,
Égzaminé palè li yo,
Pou ou kapab rakonté sa bay jénérasion $k$-ap vini an.
${ }^{15}$ Sé Bon-Dieu sa a ki BonDieu nou pou tout tan é pou toujou;

Sé li-minm ki va gid nou juska la mó.

Sé gnou soliz pou gnou moun konfié nan richès
49 Pou konduktè chan yo. Sòm pitit Koré yo.
${ }^{2}$ Kouté sa, nou tout pèp,
Ouvri zorèy nou, nou tout abitan lé monn,
${ }^{3}$ Piti kou gran,
Rich kou pov!
${ }^{4}$ Bouch mouin pral palé parol sajès,
É lidé ki nan kè-m plin ak bon sans.
${ }^{5}$ Mouin louvri zorèy mouin pou parol ki gin léson ladan yo,
Mouin louvri chanté-m ak banza.
${ }^{6}$ Pouki sa m-ta pè jou malè, Lè injustis advèsè-m yo vironnin-m?
${ }^{7}$ Yo gin konfians nan byin yo posédé,
E y-ap louanjé pou gran kantité richès yo.
${ }^{8}$ Min yo gnoun pa kapab rachté lot,
Ni péyé Bon-Dieu pri pou rachté okinn.
${ }^{9}$ Sa kouté tro chè pou rachté nanm yo,
E sa p-ap janm fèt;
${ }^{10}$ Yo p-ap viv tout tan,
Yo p-ap pa fè konnésans ak gnou trou tonm.
${ }^{11}$ Yo va ouè-l: moun ki saj mouri,
Moun san la rézon ak ébété péri tou,
a 48:13 Tour: Sé gnou klas kay ki byin ro. Yo té konn gingnin yo éspésialman nan muray gnou la vil pou yo suvéyé lénmi an.

Yo kité byin yo pou lot moun.
${ }^{12}$ Yo fè lidé ké kay yo va la pou létènité,
É ké démè yo va rété jénérasion apré jénérasion,
E yo bay propriété yo non yo.
${ }^{13}$ Min lòm pa duré anpil nan lonnè,
Li tankou bèt y-ap tué.
${ }^{14}$ Rout yo sé la foli,
Moun ki vi-n apré yo aprouvé parol yo. Póz.
${ }^{15}$ Tankou gnou troupo bèt, yo pral nan péyi mò yo,
La mó ap manjé yo;
Avan lontan lé zòm ki doua foulé yo anba pié,
Bèlté yo disparèt, péyi mò sé abitasion yo.
${ }^{16} \mathrm{Min}$ Bon-Dieu va sové nanm mouin anba péyi mò yo,
Paské 1 -a pran-m anba protéksion li. - Pòz.
${ }^{17}$ Ou pa bézouin krinn paské gnou nonm ap anrichi tèt li,
Paské richès ap multiplié nan kay li;
${ }^{18}$ Paské li p-ap poté angnin alé lè-l mouri,
Richès li yo p-ap désann ak li.
${ }^{19} \mathrm{Li}$ mèt plédé kouè li éré nan la vi li,
Yo mèt plédé fè louanj ou pou-tèt jouisans ou pran,
${ }^{20}$ Malgré sa, ou gin pou alé nan péyi papa ou yo,
Ki p-ap janm ouè lumiè ankò.
${ }^{21}$ Lòm ki nan lonnè, é ki pa gin intélijans,

Tankou bèt $y$-ap tué!
Sé Bon-Dieu ki juj la
50
Sòm Azaf.
Bon-Dieu, Bon-Dieu, Létènèl ap palé, li konvoké la tè,
Dépi solèy lévan jouk solèy kouchan.
${ }^{2}$ Nan Sion, ki bèl tout bon, Bon-Dieu ap lagé ékla li.
${ }^{3}$ L-ap vini, Bon-Dieu nou, li pa rété an silans;
Dévan li gin di-fé k-ap dévoré,
Tout o-tou li gin gnou tanpèt ki mové.
${ }^{4}$ Anro li rélé sièl la,
Li rélé la tè tou pou jujé pèp li:
${ }^{5}$ Rasanblé fidèl mouin yo ban mouin,
Yo-minm ki fè alians ak mouin nan sakrifis!
${ }^{6}$ Sièl la va proklamé justis li,
Paské sé Bon-Dieu li-minm ki juj. - Pòz.
${ }^{7}$ Kouté, pèp mouin! E m-a palé;
Kouté Izraèl! E m-a avèti ou.
M-sé Bon-Dieu, Bon-Dieu ou.
${ }^{8}$ Sé pa pou-tèt sakrifis ou yo ké m-ap fè ou réproch;
Ofrann bèt ou boulé yo dévan-m tout tan.
${ }^{9}$ M-pap pran gnou toro bèf lakay ou,
Ni bouk nan sèka ou.
${ }^{10}$ Paské tout bèt nan foré sé pou mouin,
Tout bèt nan mòn yo, milié sou milié;
${ }^{11}$ M-konnin tout zouazo nan mòn yo,
É tou sa k-ap alé-vini nan jadin sé pou mouin.
${ }^{12}$ Si-m té grangou, m-pa ta di ou sa,
Paské lé monn sé pou mouin ak tou sa ki ladann.
${ }^{13}$ Èské-m manjé viann toro?
Ėské-m bouè san bouk kabrit?
${ }^{14}$ Ofri Bon-Dieu aksion-dégras kom sakrifis,
E akonpli vé ou fè bay Trè-Ro a.
${ }^{15}$ Épi invoké-m jou gin détrès,
M-a délivré ou, é ou-a bay louanj pou mouin.
${ }^{16}$ Min Bon-Dieu di moun ki méchan:
Sa li yé! Ou résité komand-man-m yo,
É ou gin parol alians mouin nan bouch ou,
${ }^{17}$ Ou-minm ki rayi konsèy,
É ki jété parol mouin dèyè do ou!
${ }^{18} \mathrm{Si}$ ou ouè gnou volè ou kontan ak li,
Ou fè kòz ansanm ak moun adultè.
${ }^{19} \mathrm{Ou}$ mét bouch ou nan mové parol
E lang ou sé gnou toual ki gin ruz nan fil li.
${ }^{20}$ Ou chita palé kont frè ou,
Ou dénigré pitit manman ou!
${ }^{21}$ Min sa ou fè, é m-rété an silans.
Ou mét nan lidé ou ké mouin sanblé ak ou;
Min m-pral mété ou sou $\min$ ou, m-pral mét tout bagay dévan jé ou.
${ }^{22}$ Véyé kò nou, nou-minm ki blié Bon-Dieu,
Pa krint pou mouin pa chiré nou, san pèsonn pa kapab délivré nou.
${ }^{23}$ Moun ki ofri aksion-dégras kom sakrifis, ap ban mouin louanj,
É moun ki véyé konduit li, M-a fè-l ouè salu Bon-Dieu.

## Gnou la priè pou nétouayay

51 Pou konduktè chan yo. Sòm David. ${ }^{2}$ Lè Natan, profèt la, té vi-n jouinn li apré David t-al koté Bat-Séba.
${ }^{3}$ O Bon-Dieu, gin pitié pou mouin nan bonté ou;
Dapré gran mizérikòd ou, éfasé fofè mouin;
${ }^{4}$ Lavé-m nèt anba inikité-m,
É nétouayé-m anba péché mouin.
${ }^{5}$ Paské-m rékonnèt fofè mouin,
É péché-m tout tan dévan jé mouin.
${ }^{6}$ M-fè péché kont ou-minm sèl,
É-m fè sa ki mal nan jé ou, Sé sa ki fè ou va jus nan santans ou,
É san réproch nan jujman ou.
${ }^{7}$ Minni, mouin fèt nan linikité,
E manman-m té poté-m étan li nan péché.
${ }^{8} \mathrm{Min}$ ou-minm, ou vlé ké gin la vérité nan fon gnou kè:
Donk fè la sajès antré anndan mouin!
${ }^{9}$ Nétouayé-m ak branch izop, é m-a propté;

Lavé-m é m-a pi blan pasé la nèj.
${ }^{10}$ Anonsé mouin kontantman ak la joua,
É zo ké ou kasé yo va réjoui.
${ }^{11}$ Détounin jé ou sou péché-m yo,
Éfasé tout inikité-m.
${ }^{12}$ O Bon-Dieu! kréyé nan mouin gnou kè ki inosan,
Rénouvlé nan mouin gnou léspri ki byin dispozé.
${ }^{13} \mathrm{~Pa}$ jété-m louin fas ou,
Pa ouété Sint-Éspri ou nan mouin.
${ }^{14}$ Ban-m la joua salu ou anko, É ké Léspri bòn volonté soutni mouin!
${ }^{15}$ Mouin va anségné moun yo ki dézobéisan chémin ou,
E péchè yo va rétounin jouinn ou.
16
O Bon-Dieu, Bon-Dieu salu mouin! délivré-m anba san an,
Épi lang mouin va bay gloua pou mizérikòd ou.
${ }^{17}$ Ségnè! ouvri bouch mouin, Épi bouch mouin va publié louanj ou.
${ }^{18} \mathrm{Si}$ ou té vlé sakrifis, m-ta ofri ou;
Min ou pa pran plézi nan bèt yo boulé pou ou.
${ }^{19}$ Sakrifis ki fè Bon-Dieu plézi, sé gnou léspri ki santi-l fayi:
O Bon-Dieu! ou pa méprizé gnou kè ki fayi é ki chagrin.
${ }^{20}$ Nan la gras ou, répann byinfè ou sou Sion, Bati muray Jéruzalèm!
${ }^{21}$ Lè sa a ou va kontan ak sakrifis komandman yo mandé,
Ak bèt yo boulé pou ou épi viktim ki tou antié;
Lè sa a ya ofri toro bèf sou lotèl ou.

Pou gnou moun danté aléga méchansté sé foli
52 Pou konduktè chan yo. Kantik David, ${ }^{2}$ lè Doèg. moun Édon an té vi-n poté rapò ba Saul, pou di li: David al lakay Akimélèk.
${ }^{3}$ Nèg puisans, pouki sa ou bay tèt ou la gloua paské ou méchan?
Bonté Létènèl duré pou toujou.
${ }^{4}$ Lang ou invanté malfézans sèlman,
Li tankou gnou razoua filé;
Ou sé gnou mèt-kokin.
${ }^{5} \mathrm{Ou}$ rinmin lé mal pasé lé byin,
Ou pito manti pasé la douati; - Pòz.
${ }^{6} \mathrm{Ou}$ rinmin tout paròl déstruksion,
Ala gnou lang ki tronpè!
${ }^{7}$ Pou-tèt sa Bon-Dieu va détrui ou pou toujou,
Li va pongnin ou é li va rédi ou soti nan tant ou a;
Li va dérasinin ou nan tè moun vivan yo. - Pòz.
${ }^{8}$ Jus yo va ouè li, é y-a gin la krint,
Yo va pran li sèvi bétiz, yo va di:
${ }^{9} \mathrm{Ou}$ ouè msié, sé li-minm ki pat konn pran Bon-Dieu pou sèvi-l protéktè,
Sé li-minm kí té konn mété
konfians li nan gran richès li yo,
E ki pat konn janm manké gnou kou nan malfézans li!
${ }^{10}$ É mouin-minm, mouin lakay Bon-Dieu tankou. gnou pié oliv ki pa manké fèy vèt,
Mouin mété konfians nan bonté Bon-Dieu pou toujou é pou tout tan.
${ }^{11}$ M-a ba ou louanj pou toujou, paské ou té aji;
É m-a mét éspoua-m sou non ou,
Paské se gnou bon bagay dévan fidèl ou yo.

## Sotiz avèk méchansté lòm

53 Pou konduktè chan yo. Ak flut la. Kantik David.
${ }^{2}$ Gnou moun ki san la rézon di nan kè-l: Nan pouin Bon-Dieu!
Yo tout koronpu, yo konmèt dé inikité ki abominab;
Pa gin okinn $k$-ap fè sa ki byin.
${ }^{3}$ Bon-Dieu, anro nan sièl, ap gadé fis-dé-lòm yo,
Pou ouè si gin gnoun ki intélijan,
K-ap chaché Bon-Dieu.
${ }^{4}$ Yo tout tonbé nan lérè, tout pèvèti;
Pa gin okinn $k$-ap fè sa $\mathbf{k i}$ byin,
Pa minm gnou sèl.
${ }^{5}$ Ėské sa k-ap konmèt inikité yo pèdu bon-sans yo?
Y-ap dévoré pèp mouin, y-ap pran li pou manjé;
Yó pa invoké Bon-Dieu du-tou.
${ }^{6}$ Ya tranblé ak fréyè,
San pa gin koz pou fréyè;
Bon-Dieu va gayé zosman moun yo ki drésé kont ou;
Ou-a konfonn yo, paské Bon-Dieu lagé yo.
${ }^{7}$ O! kilès ki va fè délivrans Izraèl soti nan Sion?
Lè Bon-Dieu va raminnin moun pèp li yo ki prizonnié,
Jakòb va kontan, Izraèl va nan la joua.
Gnou la priè pou protéksion kont adoèsè yo
54. Pou konduktè chan yo. Avèk instruman a-kòd. Kantik David, ${ }^{2}$ lè moun Zif yo té vi-n di Saul: Ėské ou pa konnin David kaché pami nou?
${ }^{3}$ O Bon-Dieu! sové-m pa mouayin non ou,
E rann mouin justis pa mouayin puisans ou!
${ }^{4}$ O Bon-Dieu! kouté la priè-m,
Ouvè zòrèy ou pou tandé sa m-ap di ou!
${ }^{5}$ Paské kèk étranjé lévé kont mouin,
Déz-òm violan vlé pran la vi-m;
Yo mét Bon-Dieu louin pansé yo. - Pòz.
${ }^{6}$ Minni, Bon-Dieu sé sékou mouin,
Lé Ségnè sé soutyin nanm mouin.
${ }^{7}$ Li va fè mal la rébondi tonbé sou advèsè-m yo;
Nan fidélité ou, fini avèk yo nèt!
${ }^{8}$ Mouin va ofri sakrifis ba ou, san régrè,
Mouin va bay non ou louanj, o Etènèl!
Paské sa sé gnou bon bagay,
${ }^{9}$ Ka li délivré-m nan ninpòt ki détrès,
É avèk dé-grinn jé-m yo
Mouin kontanplé tèt-chajé lénmi-m yo.

Gnou la priè pou déstruksion moun a-dé-fas
55 Pou konduktè chan yo. Avèk muzik a-kòd. Kantik David.
${ }^{2} \mathrm{O}$ Bon-Dieu, ouvè zòrèy ou pou tandé la priè-m
É pi-nga ralé ko ou nan gnou kouin pou ou pa tandé suplikasion-m. ${ }^{\boldsymbol{a}}$
${ }^{3}$ Kouté-m é réponn mouin!
Nan chagrin-m, mouin pronminnin san bézouin, bò isit bó laba, é tèt mouin fi-n cho,
${ }^{4}$ A-kòz voua lénmi an é près méchan an ki sou mouin;
Paské yo fè malè tonbé sou mouin,
E yo pousuiv mouin avèk kolè.
${ }^{5} \mathrm{Kè}-\mathrm{m}$ ap tranblé anndan mouin,
E pèrè la mò désann sou mouin san-z-atann.
${ }^{6}$ La krint avèk kè-kasé fi-n anvayi-m,
E m-ap tranblé konsa anba gnou frison.
${ }^{7}$ Mouin di: O! si-m té gin zèl gnou pijon,
Mouin ta volé é mouin ta jouinn répo;
${ }^{8}$ Mouin ta pati alé byin louin,
Mouin ta v-al rété nan dézè a; - Pòz.
${ }^{9}$ Mouin ta chapé a-toutvitès,
Avan gro van an é tanpèt la pran-m.
${ }^{10}$ Ségnè, fè yo tounin angnin, Mété divizion sou lang yo!
Paské sèl sa mouin ouè nan la vil la
Sé violans avèk disput;
${ }^{11}$ Lé jou kòm la nuit yo fè tou la vil la sou muray la;
Inikité avèk malfézans rété nan mitan li;
${ }^{12}$ Méchansté pran pòz li anndann,
Fròd avèk tronpri pa janm soti fè gnou pa kité la villa.
${ }^{13}$ Sé pa gnou lénmi k-ap véksé-m:
Mouin ta kapab supoté-l; Sé pa advèsè-m k-ap pézé-m,
Mouin ta kaché pou li pa kab jouinn mouin.
${ }^{14}$ Min sé ou-minm ké m-té konsidéré kòm konpagnèl mouin,
Ou-minm ki konnin tout afèm,
Ou-minm ki zanmi-m.
${ }^{15}$ Nou té konn viv ansanm nan gnou intimité ki pa piti,
Nou té konn alé avèk foul la lakay Bon-Dieu!
${ }^{16}$ Sé pou la mò désann sou yo san-z-atann,
Sé pou yo désann nan koté mó yo rété a tou-vivan!
a 55:2 Suplikasion: Gnou la priè ki fèt avèk gran pèsévérans.


Gnou vil

Paské la méchansté rété lakay yo, li nan mitan yo.
${ }^{17}$ E mouin-minm mouin krié nan pié Bon-Dieu,
E Létènèl va sové-m.
${ }^{18}$ Lé soua, lé matin, é a midi, mouin fè kout-soupi é mouin plinn,
E li va tandé voua mouin.
Li va délivré-m lè y-ap proché sou mouin, é li va ban-m la pè,
Malgré gin gnou gran kantité kont mouin.
${ }^{20}$ Bon-Dieu va tandé-m, é li va umilié yo,
Li-minm ki chita sou tròn li dépi tout tan; - Pòz.
Ka pa gin okinn chanjman nan yo

E yo pa krinn Bon-Dieu.
${ }^{21} \mathrm{Li}$ frapé sa yo ki té an-pè avèk li,
Li violé alians li ;
${ }^{22}$ Paròl nan bouch li pi dous pasé krèm,
Min la gè rété anndan kè-l;
Paròl li yo koulé pi byin pasé luil,
Min yo tankou népé ki tou déginnin.
${ }^{23}$ Lagé chay ou sou Létènèl, é li va soutni ou,
Li p-ap kité jus la fè bitad tout tan.
${ }^{24}$ O Bon-Dieu, sé ou-minm ki va fè yo désann jouk nan bafon fòs la;
Mésié sa yo ki rinmin san avèk fròd,
P-ap ouè la mouatié jou yo,

Min sé nan ou mouin mété konfians mouin.

## Gnou la priè konfians

56
Pou konduktè chan yo. Sou lè "Pijon sou pié térébint yo ki louin." Kantik David. Lè Filistin yo té mét min sou li nan péi Gat.
${ }^{2}$ O Bon-Dieu, gin pitié pou mouin,
Paské gin kèk zòm k-ap pousuiv mouin rèd;
Tou lé jou yo fè la gè avèk mouin, yo toumanté-m.
${ }^{3}$ Tou lé jou advèsè-m yo pousuiv mouin rèd;
Yo anpil, yo fè la gè kont mouin tankou nèg grokolèt.
${ }^{4}$ Lè la pèrè vi-n sou mouin, Sé nan ou m-a mét konfians mouin.
${ }^{5}$ M-a jouinn la gloua mouin nan Bon-Dieu, nan paròl li;
Mouin mété konfians mouin nan Bon-Dieu, mouin pa krinn angnin: Ki sa lèz-òm kapab fè-m?
${ }^{6}$ Tout tan yo abuzé doua mouin yo,
Yo fè mové pansé sèlman kont mouin.
${ }^{7}$ Yo fè konplo, yo véyé tout ti viré-tounin mouin, yo obsèvé tras mouin yo,
Paské yo vlé pran la vi-m.
${ }^{8}$ Yo éspéré chapé pa mouayin inikité:
O Bon-Dieu! nan kòlè ou kilbité pèp yo.
${ }^{9} \mathrm{Ou}$ konté konbyin foua mouin lévé pié-m tout $\tan \mathrm{m}$-ap monté-désann san bézouin;

Ranmasé dlo nan jé-m yo mété nan kalbas ou;
Éské yo pa ékri nan liv ou?
${ }^{10}$ Lé jou mouin krié, lénmi-m yo gin pou fè bak,
Mouin konnin Bon-Dieu pou mouin.
${ }^{11}$ M-a jouinn la gloua mouin nan Bon-Dieu, nan parol li;
Oui, m-a jouinn la gloua mouin nan Létènèl, nan paròl li.
12 Mouin mété konfians mouin nan Bon-Dieu, mouin pa pè angnin.
Ki sa lòm kapab fè-m?
${ }^{13} \mathrm{O}$ Bon-Dieu! fòk mouin akonpli vé mouin té fè ou yo;
M-a ofri aksion-dé-gras ba ou.
${ }^{14}$ Paské ou délivré nanm mouin anba la mò,
Ou prézèvé pié mouin pou yo pa frapé,
Pou mouin kapab maché dévan Bon-Dieu nan lumiè sa yo ki vivan.

Gnou la pric̀ pou sêkou anba pèsékute yo
57 Pou konduktè ., chan yo. "Pi-nga détrui." Kantik David. Lè li té chaché réfuj li nan gro trou ròch la, lè Saul t-ap pousuiv lia.
${ }^{2}$ Gin pitié pou mouin, o Bon-Dieu, gin pitié pou mouin!
Paské sé nan ou-minm nanm mouin chachégnou réfuj;
Sé anba lonbraj zèl ou mouin chaché gnou réfuj,

Pou mouin tann tout mizè yo fi-n pasé.
${ }^{3}$ Mouin krié nan pié BonDieu Trè-Ro a,
Mouin krié nan pié BonDieu,
Li-minm ki fè tout bagay pou mouin.
${ }^{4} \mathrm{Li}$ va voyé salu soti nan siè la ban mouin,
Pandan ké sila a k-ap pèsékuté-m nan fi-n bouè gaz; - Pòz.
Bon-Dieu va voyé bonté li avèk fidélité li.
${ }^{5}$ Nanm mouin nan pami lion;
Mouin kouché nan mitan moun k-ap vonmi flanm du-fé,
Nan mitan dé mésié ki gin dan yo sanblé lans avèk flèch,
Lang yo tankou gnou kouli-n filé.
${ }^{6}$ O Bon-Dieu! lévé tèt ou pi ro pasé sièl yo,
Fè la gloua ou anvayi tout la tè!
${ }^{7}$ Yo té tann gnou pièj pou mouin sou rout koté m-ap pasé:
Nanm mouin t-ap koubé;
Yo té fouyé gnou tonm dévan mouin!
Yo tonbé ladan-l. - Pòz.
${ }^{8}$ Kè-m rété fèm, o BonDieu! Kè-m rété fèm;
M-a chanté, m-a fè instruman mouin yo rézonnin.
${ }^{3}$ Nanm mouin, révéyé ou!
Gita mouin avèk hap mouin, révéyé ou!
Mouin pral fè avan-jou koupé sonmèy li.
${ }^{10}$ Ségnè, m-a ba ou louanj pami pèp yo!
M-a chanté sou non ou pami nasion yo.
${ }^{11}$ Paské bonté ou monté rive jouk nan sièl la,
É fidélité ou touché nuaj yo.
${ }^{12} \mathrm{O}$ Bon-Dieu! lévé tèt ou pi ro pasé sièl yo,
Fè la gloua ou anvayi tout la tè!

Gnou la priè ki mandé pou méchan yo puni
58 Pou konduktè ,"chan yo. 38 "Pi-nga détrui." Kantik David.
${ }^{2}$ Èské sé an fèman bouch ou ké ou rann la justis?
Di mouin msié, èské sé konsa ou jujé avèk douati?
${ }^{3}$ Non, pa du-tou! inikité ap konsonmin nan kè ou,
Nan péi a sé violans min ou ké ou mété sou balans la.
${ }^{4}$ Méchan yo fi-n pèvèti dépi yo nan vant,
Mantè yo gin tan pedu chémin douat la kou yo bay prémié kout rèl yo.
${ }^{5}$ Yo gin gnou pouazon tankou pouazon sèpan,
Pouazon yo a tankou pouazon gnou vipè soud ki fèmin zòrèy li,
${ }^{6} \mathrm{Ki}$ pa tandé voua moun yo k-ap dousi-1 la,
Pa minm voua prémié klas majisyin an.
${ }^{7}$ O Bon-Dieu, kasé dan yo nan bouch yo!
Étènèl, raché machouè jinn lion yo!
${ }^{8}$ Sé pou fè yo disparèt tankou dlo k-ap koulé!
Fè flèch yo voyé pèdu fobs yo!
${ }^{9}$ Sé pou yo péri, sé pou yo fonn tankou gnou kalmanson;
Sé pou yo péri san yo pa minm ouè solèy, tankou gnou ti krébété gnou fanm akouché san lè li pa ko rivé!
${ }^{10}$ Avan chodiè ou yo pran sant pikan an,
Ké li vèt ou ké li an-flanm, toubiyon an va lévé-l pot alé.
${ }^{11}$ Jus la va nan la joua lè li ouè vanjans la;
Li va lavé pié-l nan san méchan yo.
${ }^{12}$ É lèz-òm va di: A oui, gin gnou rékonpans pou jus la;
Oui, gin gnou Bon-Dieu k-ap jujé sou la tè.
Gnou la priê pou déliorans anba lénmi yo
50 Pou konduktè chan yo. "Pi-nga détrui." Kantik David. Lè Saul té voyé sènin kay la, pou yo té tué-l.
${ }^{2}$ Bon-Dieu mouin! déli-vré-m anba min lénmi-m yo,
Protéjé-m kont advèsè-m yo!
${ }^{3}$ Délivré-m anba min malfétè yo,
É pa kité-m tonbé anba min mésié sa yo ki rinmin san!
${ }^{4}$ Paské minni, yo mété anbiskad pou yo tué-m;

Déz-òm violan fè konplo kont mouin,
San mouin pa konmèt okinn zak, san mouin pa fè okinn péché, o Etènè̀l!
${ }^{5}$ Malgré mouin inosan, y-ap plédé kouri, y-ap paré pou mouin:
Révéyé ou, vi-n rankon-tré-m, é gadé!
${ }^{6}$ Ou-minm, Étènèl, BonDieu lamé yo, Bon-Dieu Izraèl,
Lévé pou chatié tout nasion yo!
Pa fè gras pou okinn nan méchan infidèl sa yo! - Pòz.

7 Yo rétounin chak soua, yo rouké tankou chin,
Yo fè tou la vil la.
${ }^{8}$ Minni, lé mal koulé soti nan bouch yo,
Yo gin kouli-n sou pobouch yo;
Ka yo di: Ki lès ki tandé nou?
${ }^{9}$ E Ou-minm, Étènèl, ou pran yo sèvi rizib,
Ou moké tout nasion yo. ${ }^{10}$ Sa pa di-m angnin si yo fo, sé nan ou mouin mét éspoua-m.
Paské Bon-Dieu sé fò solid mouin.
${ }^{11}$ Bon-Dieu mouin va vini dévan-m nan bonté li,
Bon-Dieu va fè-m kontanplé la ri-n sa yo k-ap pèsékuté-m.
${ }^{12}$ Pa tué yo, dé koua pou pèp mouin an pa blié sa;
Pa mouayin puisans ou fè yo monté désann san bézouin, é fè yo pati pa la kilbit,

Ségnè, bouklié nou!
${ }^{13}$ Chak paròl ki soti nan bouch yo sé gnou lòt péché:
Sé pou pròp lògèy yo fè yo tonbé!
Sèl bagay y-ap plédé répété sé malédiksion avèk manti.
14 Détrui yo, nan furè ou, oui, détrui yo, é sé pou yo disparèt!
Sé pou yo konnin, nan dènié bout la tè,
Ké sé Bon-Dieu k-ap régné sou Jakòb! - Pozz.
${ }^{15}$ Yo rétounin chak soua, yo rouké tankou chin,
Yo fè tou la vil la.
10 Yo monté désann san bézouin, yo dèyè manjé,
E yo pasé la nuit san jouinn dé koua pou plin vant yo.
${ }^{17}$ Min mouin-minm, m-a chanté fós ou;
Kou ba-jou kasé, m-a proklamé louanj bonté ou.
Paské ou sé gnou fo solid pou mouin,
Ou sé gnou réfuj nan jou détrès mouin.
${ }^{18} \mathrm{O}$ fòs mouin! m-a proklamé louanj ou,
Paské Bon-Dieu, Bon-Dieu mouin an bon a-sonlantié; li sé fò solid mouin.

Gnou la priè pou èd kont adoèsè a

60Pou konduktè chan yo. Sou lè "Flè lis tankou la loua," Kantik David pou bay anségnman. ${ }^{2}$ Lè̀-I té fè la gè kont Siryin nan Mézopotami yo é ak Siryin Tsoba yo, épi Joab té
tounin, li té bat douz-mil Édomit nan la valé Sèl la.
${ }^{3}$ O Bon-Dieu! ou répousé-n, ou lagé nou a-douat a-gòch
Ou irité ou; lévé nou non!
${ }^{4} \mathrm{Ou}$ souké la tè, ou chiré-l: Réparé brèch li yo non, paské l-ap chanslé!
${ }^{5} \mathrm{Ou}$ fè pèp ou ouè dé bagay ki du,
Ou fè nou bouè vin toudisman.
${ }^{6} \mathrm{Ou}$ bay moun ki krinn ou gnou baniè,
Pou li lévé pou la vérité. - Pòz.
${ }^{7}$ Pou byinn-émé ou yo ka délivré,
Sové ak min douat ou, é égzosé nou!
${ }^{8}$ Bon-Dieu di nan kalité li ki sin: M-a trionfé,
M-a séparé Sichèm, m-a mézuré la Valé Sukot;
${ }^{9}$ Galaad sé pou mouin, Manasé pou mouin;
Éfrayim sé ranpa tèt mouin,
É Juda sé baton kòmann mouin;
${ }^{10}$ Moab sé basin pou-m lavé-m;
M-jété soulié-m sou Édom;
Péyi Filistin yo ap bay rèl kontantman pou-tèt mouin!
${ }^{11} \mathrm{Ki}$ lès k -a minnin-m nan vil ki fòtifié a?
Ki les k -a kondui-m nan Edom?
12 Èské sé pa Ou, o Bon-Dieu, ki té répousé nou,
E ki té suspann sotí ak lamé nou yo, o Bon-Dieu?
${ }^{13}$ Ba nou sékou kont la détrès!

Sékou lòm sé rink vanité.
${ }^{14}$ Ak Bon-Dieu, n-a fè gro kou;
L-a krazé énmi nou yo.
Konfians nan protéksion Bon-Dieu

61Pou konduktè chan yo. Ak instruman ki joué ak kòd. Sòm David.
${ }^{2}$ O Bon-Dieu! Kouté rèl mouin,
Pran ka la priè-m nan!
${ }^{3}$ Dépi nan bout la tè m-ap rélé ba ou, ak kè-m ki défayi:
Kondui-m sou roché a ké m-pa kapab rivé jouinn!
${ }^{4}$ Paské ou sé pou mouin gnou abri,
Gnou fòtrès, an-fas lénmi.
${ }^{5} \mathbf{M}$-ta vlé rété anba tant ou pou létènité,
Kaché alabri zèl ou. Pòz.
${ }^{6}$ Paské ou-minm, o BonDieu! ou égzosé souè mouin.
Ou ban-m éritaj moun ki krinn non ou.
${ }^{7}$ Mété plus jou anro jou roua a gin pou viv;
Ké ané la vi li duré pou tout tan!
${ }^{8}$ Ké li rété sou tròn nan pou toujou dévan Bon-Dieu!
Fè ké bonté ou ak fidélité ou gadé li!
${ }^{9}$ Alò m -a chanté pou non ou san rété,
É konsa m-a akonpli vé mouin chak jou.
Bon-Dieu sé sèl abri ki gingnin
62 Pou konduktè chan yo. Dapré jan Jédutin an. Sòm David.
${ }^{2}$ Oui sé nan Bon-Dieu ké nanm mouin konfié-l;
Salu mouin soti nan min li.
${ }^{3}$ Oui sé li ki roché-m ak salu mouin,
Fótrès mouin ki byin ro: m-pap chanslé anpil.
${ }^{4}$ Jouk ki lè n -a fi-n tonbé sou gnou nonm
Pou nou tout ap chaché mété-l a-tè
Tankou gnou muray ki panché,
Tankou gnou klotu y-ap ranvèsé?
${ }^{5}$ Y-ap konspiré pou fè-l tonbé nan gro plas li;
Yo pran plézi nan manti;
Yo bay bénédiksion ak bouch yo,
Nan kè yo $y$-ap bay malédiksion. - Pòz.
${ }^{6}$ Oui, nanm mouin, konfié ou nan Bon-Dieu!
Paské sé nan li éspérans mouin soti.
${ }^{7}$ Oui, sé li ki roché-m ak salu mouin,
Fòtrès mouin ki byin ro: m-pap chanslé.
${ }^{8}$ Salu-m ak la gloua mouin répozé sou Bon-Dieu;
Roché ki ban-m fòs la, abri mouin, sé nan BonDieu.
${ }^{9}$ Pèp, konfié nan li tout tan, Vidé kè nou dévan li!
Bon-Dieu sé abri nou. Pòz.
${ }^{10}$ Oui, pitit lòm yo: vanité!
Pitit lom yo: Manti!
Yo tout ta mèt monté ansanm nan gnou balans, Yo ta pézé pi léjé pasé gnou souf.
${ }^{11}$ Pa konfié nou nan mès brutal,
E pa mété éspoua nou an-vin nan fròd;
Si richès vini anpil,
Pa ataché kè nou ak li.
${ }^{12}$ Bon-Dieu té palé gnou foua;
Min sa m-té tandé dé foua:
Fòs sé pou Bon-Dieu.
${ }^{13}$ Bonté sé pa ou tou, Ségnè!
Paské ou rann chak moun dapré zèv yo.

Bon-Dieu bay nanm ki souaf la bouè a gro-godé
63 Sòm David. Lè li té nan dézè Juda a.
${ }^{2}$ O Bon-Dieu! ou sé BonDieu mouin, m-ap chaché ou;
Nanm mouin souèf ou, kòm mouin ap mandé pou ou konsa,
Nan gnou tè rèd, sèk, san dlo.
${ }^{3}$ Konsa m-a kontanplé ou nan lié sin an,
Pou-m kapab ouè puisans ou avèk la gloua ou.
${ }^{4}$ Paské bonté ou vo plus pasé la vi:
Po-bouch mouin va proklamé louanj ou yo.
${ }^{5}$ Sé vré, m-a béni ou tout la vi mouin,
M-a lévé min mouin nan non ou.
${ }^{6}$ Nanm mouin va plin kom si sé té avèk manjé gra é apétisan,
E, avèk gro kout-kri la joua sou po-bouch mouin, bouch mouin va proklamé louanj ou.
${ }^{7}$ Lè-m nan kabann ap pansé sou ou,
Mouin pansé sou ou san rété duran tout la nuit.
${ }^{8}$ Paské sé ou ki sékou mouin,
É mouin nan kontantman anba lonbraj zèl ou.
${ }^{9}$ Nanm mouin kolé sou ou nèt;
Min douat ou ap soutni mouin.
${ }^{10} \mathrm{Min}$ sa yo k-ap chaché pou tué-m
Va désann nan fondè la tè;


Gnou chin maron
${ }^{11}$ Kout-kouli-n va fini avèk yo,
Chin maron va dévoré yo.
${ }^{12}$ Min roua a va réjoui tèt li nan Bon-Dieu;
Ninpòt moun ki pran sèman sou li va jouinn la gloua,
Paské bouch mantè yo va fèmin.
Gnou la priè pou protéksion kont lénmi yo ki an-kachèt
64 Pou konduktè chan yo. Sòm David.
${ }^{2}$ O Bon-Dieu, kouté voua mouin lè m-ap jémi!

Protéjé la vi-m kont lénmi an ki fè-m pè a!
${ }^{3}$ Asuré la vi-m kont konplo méchan yo,
E kont gro bann mésié inikité sa yo k-ap fè brui!
${ }^{4}$ Yo filé lang yo tankou gnou kouli-n,
Yo voyé parol anmè yo tankou flèch,
${ }^{5}$ Pou yo kab tiré sou inosan an an kachèt;
Yo tiré sou li san li pa atann é yo pa gin okinn krint.
${ }^{6}$ Yo pran fòs nan méchansté yo,
Yo ranjé ansanm pou yo tann pièj,
Yo di: Ki lè̀s ki va ouè yo?
7 Yo égzami-né sou krim; yo di: Nou fi-n paré, plan nou an bon nèt!
Pansé gnou nonm anndan li, kè li sé gnou trou moun pa kab mézuré.
${ }^{8}$ Bon-Dieu voyé flèch li kont yo:
Épi sa ou tandé a yo anba kou.
${ }^{9}$ Lang yo la kòz yo tonbé;
Tou sa ki ouè yo souké tèt.
10 Tout moun sézi avèk krint, Yo publiê sa Bon-Dieu fè a,
E yo pran ka travay li.
11 Jus la réjoui-l nan Létènèl é li chaché réfuj li nan Létènèl,
Tou sa yo ki gin kè douat jouinn la gloua.

Louanj pou-ret bonté Bon-Dieu nan la natu
65
Pou konduktè chan yo. Sòm David. Kantik.
${ }^{2}$ O Bon-Dieu! sé avèk konfians ké yo va ba ou louanj nan Sion,
E yo va akonpli vé yo té fè ou.
${ }^{3}$ O ou-minm ki konn kouté la priè!
Tout moun va vi-n koté ou.
${ }^{4}$ Inikité yo ap pézé-m désann nan tè,
Ou va padonnin transgrésion nou yo.
${ }^{5}$ Byinnéré sila a ké ou chouazi é ké ou pinmèt li vini nan prézans ou,
Pou li kapab rété nan la sal lakay ou!
Nou va plin vant nou avèk bon bagay ou gin lakay ou,
Avèk bon bagay ki nan tanp sin ou la.
${ }^{6}$ Nan bonté ou, Bon-Dieu salu nou, ou réponn nou avèk dé bagay éstraòdinè,
Ou sé. éspoua tout dènié bout la tè avèk la mè, ki nan péi pèdu.
${ }^{7} \mathrm{Li}$ fè mòn yo vi-n fèm pa mouayin fós li ,
Puisans sèvi li sintu;
${ }^{8} \mathrm{Li}$ apézé gro bri la mè yo, oui gro bri lanm la mè yo,
E gro-chalè pèp yo.
${ }^{9}$ A-kòz gran zèv ou yo, la fréyè tonbé sou sa yo ki rété nan dèniè bout lé monn;
Ou ranpli lès é louès avèk kontantman.
${ }^{10} \mathrm{Ou}$ vizité la tè, ou rouzé li, Ou vidé richès sou li san mézi;

Riviè Bon-Dieu a plin dlo; Ou préparé blé a, lè ou pran souin tè a konsa:
${ }^{11} \mathrm{Ou}$ rouzé nan rigol yo, ou krazé gro bout tè yo,
Ou fè tè a bouè avèk la pli, ou fè li jèmin.
${ }^{12} \mathrm{Ou}$ kouròné lané a avèk byin ou yo,
E chak kou ou lévé pié ou labondans tonbé an kantité;
${ }^{13}$ Plinn yo ki nan dézè yo bouè kont dlo yo,
E ti mòn yo pran kontantman sèvi sintu;
${ }^{14}$ Paturay yo plin mouton,
É valé yo kouvri avèk rékolt,
Kri la joua avèk kantik fè péi a sonnin.

## Louanj pou-tet gran travay Bon-Dieu yo

## 66

Pou konduktè chan yo. Kantik. Sòm.

Pousé kri la joua pou BonDieu,
Tout nan pami ou, abitan la tè!
${ }^{2}$ Chanté la gloua non li,
Proklamé la gloua li avèk louanj ou yo!
${ }^{3}$ Di Bon-Dieu: Travay ou yo mérité pou moun krinn yo!
A-kòz grandè fòs ou, lénmi ou yo pran flaté ou.
${ }^{4}$ La tè antié prostènin dévan ou é chanté a lonnè ou. -Póz.
${ }^{5}$ Vini é kontanplé travay Bon-Dieu yo!
Lè l-ap aji avèk mésiéz-édam yo, li pa nan jouet.
${ }^{6} \mathrm{Li}$ té chanjé la mè fè-1 tounin gnou tè sèk,
Yo té travèsé flèv la a-pié:
Alò nou té réjoui nan li.
${ }^{7}$ Li gouvènin pou toujou pa mouayin puisans li,
Jé li ap obsèvé nasion yo:
Sé pa pou rébèl yo lévé tèt yo du tou! - Podz.
${ }^{8}$ Pèp, béni Bon-Dieu nou an; Fè louanj li rézonnin!
${ }^{9} \mathrm{Li}$ té konsèvé la vi nanm nou,
E li pat pinmèt nou fè bitad.
${ }^{10}$ Paské ou té prouvé nou, o Bon-Dieu!
Ou té fè nou pasé nan fou tankou lajan.
${ }^{11} \mathrm{Ou}$ té minnin nou nan sinn nan,
Ou té mété gnou chay lou sou rin nou,
${ }^{12} \mathrm{Ou}$ té pinmèt kèk mésié monté sou tèt nou;
Nou té pasé nan du-fé é nan dlo.
Min ou té ralé nou soti déyò pou ou té kab ban nou byin ann-abondans.
${ }^{13} \mathrm{M}$-a vi-n lakay ou avèk olokos,
Mouin va akonpli vé moưin yo anvè ou,
14 Vé sa yo ké-m té fè avèk po-bouch mouin,
E ké bouch mouin té prononsé lè-m té nan détrès.
${ }^{15} \mathrm{M}-\mathrm{a}$ ofri ou mouton gra ann-olokos.
Avèk gres ki soti nan gro bélié yo;
M-a sakrifié kèk mouton avèk kèk bouk. - Pơz.
${ }^{16}$ Vini, kouté, tout moun nan
pami ou ki krinn BonDieu, é m -a rakonté
Ki sa li fè pou nanm mouin.
${ }^{17}$ Mouin té krié nan pié li avèk bouch mouin,
E louanj la té sou lang mouin.
${ }^{18} \mathrm{Si}$ mouin té nouri inikité nan kè-m,
Lé Ségnè pa ta réponn la priè-m.
19 Min Bon-Dieu té réponn la priè-m,
Li té louvri zòrèy li pou li té tandé-m lè-m té adrésé li.
${ }^{20}$ Béni Bon-Dieu,
Ki pat réjté la priè-m,
E ki pat rétiré bonté li sou mouin!
Gnou égzotasion pou nasion yo louanjé Bon-Dieu
67 Pou konduktè chan yo. Avèk muzik a-kòd, Sòm. Kantik.

## ${ }^{2}$ Sé pou Bon-Dieu gin pitié pou nou é sé pou li béni nou,

Sé pou li fè figu li kléré sou nou, - Pòz.
${ }^{3}$ Afin ké moun yo ki sou la tè kapab konnin rout ou
É ké tout nasion yo kapab an konnésans salu ou!
${ }^{4}$ Pèp yo ba ou louanj, o Bon-Dieu!
Tout pèp yo ba ou louanj.
${ }^{5}$ Nasion yo nan réjouisans é nan kontantman;
Paské ou jujé pèp yo avèk douati,
É ou kondui nasion yo sou la tè. - Pòz.
${ }^{6}$ Pèp yo ba ou louanj, o Bon-Dieu!

Tout pèp yo ba ou louanj.
${ }^{7}$ La tè produi kòm il-fo;
Bon-Dieu, oui Bon-Dieu nou an, béni nou.
${ }^{8}$ Bon-Dieu béni nou,
É tout dènié bout la tè krinn li.

Bon-Dieu mòn Sinai a avèk démè $\sin a n$
68 Pou konduktè chan yo. Sòm David. Kantik.
${ }^{2}$ Kité Bon-Dieu lévé, tout lénmi li yo pral disparèt,
É advèsè li yo va kouri dévan li.
${ }^{3}$ Minm jan la-fumin pasé, sé konsa ou fè yo pasé,
Minm jan la-si fonn nan du-fé,
Sé konsa méchan yo disparèt dévan Bon-Dieu.
${ }^{4}$ Min jus yo ap réjoui, y-ap trionfé dévan Bon-Dieu,
Y-ap ponpé avèk kontantman.
${ }^{5}$ Chanté pou Bon-Dieu, proklamé louanj non li!
Préparé chémin an pou sila a k-ap avansé vini pasé pa la plinn yo!
Non li sé Létènèl: Réjoui dévan li!
${ }^{6} \mathrm{Li}$ sé papa òfélin yo, li sé défansè vèv yo,
Sé li-minm minm, BonDieu ki nan démè sin lia.
${ }^{7} \mathrm{Sa}$ yo ki té abandonnin, Bon-Dieu ba yo gnou fanmi,
Li délivré sa yo ki té anba chinn é li fè yo vi-n byinnéré;
Sé sèlman rébèl yo ki rété nan koté tè a rèd.
${ }^{5}$ O Bon-Dieu! lè ou té soti a-la-tèt pèp ou,
Lè ou t-ap maché nan dézè a, - Pòz.
${ }^{9}$ La tè té tranblé, sièl la té fonn dévan Bon-Dieu,
Mòn Sinai a té tranblé dévan Bon-Dieu, oui dévan Bon-Dieu Izraèl la.
${ }^{10}$ O Bon-Dieu! ou té fè gnou bon klas la pli tonbé,
Pou ou té kab fòtifié éritaj ou ki té fi-n épizé.
${ }^{11}$ Pèp ou fè démè yo nan péi a,
Ké ou-minm, o Bon-Dieu! té préparé pou maléré yo, nan bonté ou.
${ }^{12}$ Létènèl annik di gnou paròl
É mésajé yo ki poté bon nouvèl yo parèt kòm gnou gran lamé: -
${ }^{13}$ Roua lamé yo pran kouri, oui yo pran kouri,
É fanm nan ki rété lakay la résévoua lo pa-l nan bagay yo kité yo.
${ }^{14}$ Pandan ouap répozé nan mitan klotu yo,
Zèl pijon an kouvri avèk ajan,
É plum sou kò-l gin koulè lò jòn.
${ }^{15}$ Lè Tou-Puisan an té lagé roua yo a-douat a-gòch nan péi a,
Péi Salmon an té tou blan tankou la nèj.
${ }^{16}$ Mòn Bon-Dieu yo, mòn Bazan yo,
Mon yo kí gin anpil tèt pouintu, mòn Bazan yo,
${ }^{17} \mathrm{Ou}$-minm, mon yo ki gin anpil tèt-pouintu, pouki sa ou jalou
Kont mòn Bon-Dieu té
chouazi pou li fè sèvi kay li?
Ala sé la Bon-Dieu ap rété pou toujou!
${ }^{18}$ Sé pa kolonn vin-mil,
Sé pa dé milié é milié yo konté cha Létènèl yo;
Lé Ségnè nan mitan yo, mòn Sinai sé lié sin li a.
${ }^{19} \mathrm{Ou}$ té monté jouk anlè byin ro, ou té fè pluziè prizonnié,
Ou té pran kèk zòm kòm kado;
Minm rébèl yo tou va abité pré Létènèl, Bon-Dieu.
${ }^{20}$ Ké lé Ségnè béni, chak jou!
Lè yo pézé-n désann nan tè, Bon-Dieu délivré nou. -Pòz.
${ }^{21}$ Bon-Dieu sé Bon-Dieu délivrans pou nou,
É Létènèl, lé Ségnè, kapab asuré la vi nou kont la mò.
${ }^{22}$ Oui, Bon-Dieu va krazé tèt lénmi li yo,
Li va krazé mitan tèt sa yo $\mathrm{k}-\mathrm{ap}$ viv nan péché.
${ }^{23}$ Lé Ségnè di: M-a minnin yo tounin soti Bazan,
M-a minnin yo tounin soti anba fon la mè,
${ }^{24}$ Pou ou kapab plonjé pié ou nan san,
É pou lang chin ou yo kapab pran gou lénmi an.
${ }^{25}$ O Bon-Dieu! yo ouè ki jan ou maché,
Yo ouè ki jan Bon-Dieu mouin an, roua mouin an, maché nan lié sin an.
${ }^{26}$ Chantè yo té a-la-tèt, épi sa yo ki joué muzik vini apré,

Nan mitan té gin jinn fi yo k-ap bat tanbourin.
${ }^{27}$ Béni Bon-Dieu nan asanblé ou yo,
Ou-minm désandan Izraèl, béni lé Ségnè!
${ }^{28}$ Gadé ti Binjamin, ki chèf yo tout,
Epi chèf Juda yo avèk troup pa yo,
Épi chèf Zabulon yo, chèf Néftali yo.
${ }^{29}$ Bon-Dieu ou pasé lòd pou ou vi-n puisan;
O Bon-Dieu fè ké sa ou fè pou nou an vi-n fèm!
${ }^{30}$ Étan ou nan tanp ou ouap kòmandé Jéruzalèm;
Roua yo minm ap poté kado ba ou.
${ }^{31}$ Jété la pèrè sou bèt la ki rété nan rozo yo,
Sou bann toro bèf yo avèk jinn ti bèf pèp la yo.
Yo tout prostènin avèk anpil piès lajan!
Lagé pèp yo ki rinmin fè la gè a-douat a-gòch!
${ }^{32}$ Dé gran-tèt ap vini soti Léjip;
Étiopi va kouri lonjé min-1 bay Bon-Dieu.
${ }^{33}$ Rouayòm la tè yo, chanté pou Bon-Dieu,
Proklamé louanj lé Ségnè! - Pòz.
${ }^{34}$ Chanté pou sila a k-ap avansé nan sièl yo, nan sièl étènèl yo!
Minni, li fè yo tandé voua li, voua li a ki puisan.
${ }^{35}$ Bay Bon-Dieu la gloua!
Majésté li sou Izraèl é fòs li nan sièl yo.
${ }^{36}$ O Bon-Dieu! étan ou nan
lié $\sin$ ou, ou pa nan jouèt.
Bon-Dieu Izraèl bay pèp li fòs avèk puisans.
Béni Bon-Dieu!

## Gnou kri dézéspoua

69 Pou konduktè chan yo. Sou Lis yo. Sòm David.
${ }^{2}$ Sové-m, o Bon-Dieu! Paské dlo yo minnasé la vi-m!
${ }^{3}$ M-ap anfonsé nan la-bou, san mouin pa kab fè pié;
Mouin tonbé nan gnou gro basin, é dlo yo fi-n kouvri tèt mouin.
${ }^{4}$ Mouin fi-n épizé, otan mouin krié, gòj mouin ap fi-n sèk,
Jé-m boulé-m otan mouin gadé bò koté BonDieu yé.
${ }^{5}$ Sa yo ki rai-m san rézon
Pi plus pasé chévé nan tèt mouin;
Yo puisan, sa yo ki vlé détrui-m,
Yo maké-m lénmi san m-pa fè yo angnin.
Mouin trouvé-m oblijé rinmèt sa mouin pat vòlò.
${ }^{6}$ O Bon-Dieu! ou konnin sotiz mouin,
E fort mouin yo pa an-kachèt pou ou.
${ }^{7}$ Pa kité sa yo ki mét espoua yo nan ou rété tou-ront a-kòz mouin,
O Ségnè, Étènèl lamé yo!
Pa kité sa yo k-ap chaché ou kouvri avèk ronté a-kòz mouin,
O Bon-Dieu Izraèl!
${ }^{8}$ Paské sé pou-tèt ou y-ap
pasé-m nan rizib konsa,
E ké la ront kouvri figu-m.
${ }^{9}$ Mouin dévni gnou étranjé pou frè-m yo,
Égnou moun-inkonnu pou pitit ki soti nan minm vant avè-m.
${ }^{10}$ Paské dévouman lakay ou ap dévoré-m,
É véksasion sa yo ki véksé ou tonbé sou mouin.
${ }^{11}$ Mouin krié dé-ran dlo nan jé é mouin fè jèn,
É sé pou sa yo pasé-m nan rizib;
${ }^{12}$ Mouin fè rad mouin avèk sak,
E sé pou sa yo pran-m sèvi blag.
${ }^{13}$ Sa yo ki chita nan pa-pòt la vil la fè parol sou mouin,
É gro bouasonyè yo pran-m sèvi boula.

14 Min mouin adrésé la priè-m ba ou, o Etènèl,
Nan gnou moman ki favorab, o Bon-Dieu, pa mouayin gran bonté ou!
Réponn mouin, ban mouin asurans sékou ou!
${ }^{15}$ Rétiré-m nan la-bou a é pa kité-m anfonsé plus pasé sa!
Délivré-m anba min lén-mi-m yo é nan gro basin an!
${ }^{16} \mathrm{~Pa}$ kité lanm dlo yo fi-n kouvri tèt mouin anko,
Pa kité trou moun pa kab mézuré a valé-m,
E pa kité fòs la fèmin avèk mouin ladann!
${ }^{17}$ Réponn mouin, Étènèl! paské bonté ou san mézu. A-kòz kè-touché ou ki pa
gin bòn, viré jé ou pou gadé-m,
${ }^{18}$ É pi-nga kaché figu ou pou sèvitè ou!
Paské mouin nan détrès, fè vit réponn mouin!
${ }^{19}$ Proché koté nanm mouin, délivré li!
Sové mouin a-kòz lénmi-m yo!
${ }^{20} \mathrm{Ou}$ konnin ki jan m-ap soufri anba rizib, anba la ront avèk mépri;
Tout advèsè-m yo dévan ou.
21 Jan yo pasé-m an rizib brizé kè-m, é mouin malad;
Mouin rété tann pou gnou moun gin pitié pou mouin, min mouin tann an-vin;
Mouin rété tann pou kèk moun vi-n konsolé-m, é pésonn pa parèt.
${ }^{22}$ Yo mété fiè nan manjé-m,
E pou yo apézé souèf mouin, yo ban-m vinèg pou-m bouè.
${ }^{23}$ Sé pou tab yo a tounin gnou piej,
E gnou sinn, malgré yo kouè yo byin asuré.
${ }^{24}$ Sé pou jé yo vi-n voualé é sé pou yo pa ouè ankò,
É fè yo fè tou-d-rin san rété.
${ }^{25}$ Répann kòlè ou sou yo,
E fè gran furè ou rivé sou yo!
${ }^{26}$ Sé pou démè yo fi-n dévasté,
Sé pa pou okinn moun abité nan tant yo!
${ }^{27}$ Paské yo pèsékuté sila a ké ou frapé,
Yo pran soufrans sa yo ké ou blésé sèvi kont.
${ }^{28}$ Ajoutéinikité sou inikité yo, E pa pinmèt pou yo gin gnou lo nan mizérikòd ou!
${ }^{29}$ Sé pou non yo éfasé nan liv la vi a,
É sé pa pou yo gin non yo inskri avèk jus yo!
${ }^{30}$ Kant-a mouin, mouin maléré é mouin an soufrans:
O Bon-Dieu, pa mouayin sékou ou, mété-m sou dé-pié-m ankò.
${ }^{31} \mathrm{M}$-a proklamé louanj non Bon-Dieu avèk kantik,
M-a lévé-l anlè avèk louanj.
${ }^{32}$ Sa fè Létènèl plus plézi pasé gnou toro-bèf
Avèk kòn épi pat-pié.
${ }^{33}$ Maléré yo ouè sa é yo réjoui;
Ou-minm k-ap chaché BonDieu, sé pou kè ou jouinn la vi!
${ }^{34}$ Paské Létènèl kouté pòv yo, É li pa méprizé prizonnié li yo.
${ }^{35}$ Sé pou sièl la avèk tè a proklamé louanj li,
Osi byin ké la mè yo é tou sa k-ap viré-tounin ladan yo.
${ }^{36}$ Paské Bon-Dieu va sové Sion, é li va bati vil Juda yo;
Yo va fè établisman yo la é yo va posédé péi a;
${ }^{37}$ Désandans sèvitè li yo va pran li pou éritaj,
É sa yo ki rinmin non li va fè démè yo la.
Gnou la priê pou déliorans
70 Pou konduktè chan yo. Sòm David. Kòm souvnans.
${ }^{2}$ O Bon-Dieu, présé vi-n dé-livré-m!
Étènèl, présé vi-n poté-m sékou!
${ }^{3}$ Sé pou sa yo ki vlé tué-m rété ront é tèt anba!
Sé pou sa yo ki vlé ouè-m mouri fè bak é sé pou la ront kouvri yo nèt!
${ }^{4}$ Sé pou yo ront tèlman ké yo doué oblijé fè pa ann-ariè,
Oui, tou sa yo k-ap di: Apa li tou! Apa li tou!
${ }^{5}$ Sé pou tou sa yo k-ap chaché ou,
Nan kontantman é sé pou yo réjoui nan ou!
Sé pou sa yo ki rinmin salu ou
Dì san rété: Gloua é gloua a Bon-Dieu!
${ }^{6}$ Kant-a mouin, mouin pòv, é mouin sou dènié kad,
O Bon-Dieu, présé fè-m favè!
Ou sé èd mouin é sovè-m: Étènèl, pa mizé! . . .

## La priè gnou viéya

71 Étènèl! m-ap chaché réfuj mouin nan ou; Pa janm kité-m rété touront!
${ }^{2}$ Nan justis ou, sové-m é délivré-m!
Proché zòrèy ou bò koté-m, é poté-m sékou!
${ }^{3}$ Sèvi-m gnou roché protéksion,
Koté mouin kapab vi-n kaché ninpòt ki lè!
Ou té désidé pou sové-m,
Ka ou sé roché-m é fò mouin.
${ }^{4}$ Bon-Dieu mouin, délivré-m anba min méchan an,

Anba min nonm inikité é violan an!
${ }^{5}$ Paské ou sé éspérans mouin, Ségnè Étènèl!
Sé nan ou mouin konfié dépi jinnès mouin,
${ }^{6}$ Dépi m-té nan vant man-man-m sé sou ou mouin té apiyé;
Sé ou-minm ki té fè manman-m akouché-m;
Sé ou-minm mouin bay louanj san réte.
${ }^{7}$ Pou pluziè moun, mouin tankou gnou bagay éstrad̀dinè,
É ou-minm, ou sé réfuj puisan mouin.
${ }^{8}$ Sé pou bouch mouin plin avèk louanj ou yo,
Sé pou li glorifié ou chak jou!
${ }^{9}$ Pi-nga voyé-m jété lè viéyès tonbé sou mouin,
Lè-m fi-n pèdu fòs mouin, pa abandonnin-m!
${ }^{10}$ Paské lénmi-m yo ap palé sou mouin,
E sa yo ki dèyè la vi-m konsa, ap ranjé konplo yo ansanm,
${ }^{11}$ Yo di: Bon-Dieu aban-donnin-1;
Pousuiv dèyè li, kinbé-l;
Pa gin pésonn pou délivré-l.
${ }^{12}$ O Bon-Dieu, pa alé louin mouin!
Bon-Dieu mouin, présé vi-n poté-m sékou!
${ }^{13}$ Sé pou sa yo ki vlé tué-m rété tou-ront, sé pou yo tounin angnin!
Sé pou la ront kouvri sa yo ki vlé ouè-m mouri, sé pou yo dévni gnou rizib!
${ }^{14}$ E mouin-minm, mouin va ann-éspoua pou toujou,
M-a ba ou louanj plus an plus.
${ }^{15}$ Chak jou, bouch mouin va publié justis ou avèk salu ou,
Ka mouin pa sa konnin kantité yo.
${ }^{16}$ M-a rakonté gran travay ou yo, Ségnè Étènèl!
M-a fè yo sonjé justis ou, oui sèlman justis ou.
${ }^{17}$ O Bon-Dieu! ou té instrui mouin dépi-m té jinn,
E jouk kou-n yé a m-ap anonsé mèvèy ou yo.
${ }^{18} \mathrm{Pi}$-nga abandonnin-m, o Bon-Dieu, minm lè viéyès fi-n blanchi-m,
Pou-m kapab anonsé fòs ou bay jénérasion ki la kou-n yé a ,
E puisans ou bay jénérasion $k$-ap vini an!
${ }^{19}$ Justis ou, o Bon-Dieu! monté touché jouk nan sièl la;
Ou akonpli dé gran bagay: o Bon-Dieu! ki lès ki sanblé avèk ou?
${ }^{20} \mathrm{Ou}$ fè nou pasé nan anpil détrès é nan anpil malè; Min ou va ban nou la vi ankò,
Ou va fè nou monté soti nan trou yo ké moun pa kab mézuré, trou sa yo ki nan tè a!
${ }^{21}$ Fè grandè-m monté ankò, Konsolé-m ankò!
${ }^{22}$ E m-a ba ou louanj avèk kout-son gita, m-a chanté fidélité ou, BonDieu mouin,
M-a proklamé louanj ou
avèk hap la, o Sin Izraèl la!
${ }^{23}$ Lè m-ap proklamé louanj ou, m-a gin la joua sou po-bouch mouin,
M-a gin la joua nan nanm mouin ké ou té délivré a;
${ }^{24}$ Chak jou lang mouin va publié justis ou,
Paské sa yo k-ap chaché pou fè-m mouri rété touront é tèt anba.

Règn roua ki jus la
72 Sòm Salomon.
O Bon-Dieu, bay roua a léspri ou pou-l sa jujé, E bay pitit roua a justis ou!
${ }^{2}$ Pou-l sa jujé pèp ou avèk justis,
E maléré ou yo avèk la douati.
${ }^{3}$ Mòn yo avèk ti mòn yo tou va poté la pè pou pèp ou,
A-kòz justis ou.
${ }^{4} \mathrm{Li}$ va pran défans maléré yo ki pami pèp la,
Li va sové ti moun pòv la,
É li va krazé sa a k-ap pézé moun yo.
${ }^{5}$ Yo va krinn ou, tout tan solèy la la,
E tout tan la lun dòmilévé, dé jénérasion an jénérasion.
${ }^{6} \mathrm{Li}$ va tankou la pli ki tonbé sou gnou tè ki fèk séklé, Tankou gro grinn la pli ki rouzé tè a.
${ }^{7}$ Nan tan sa a jus yo va fléri É va gin tèlman la pè ké va gin dé koua jouk lè la lun pa la ankó.
${ }^{8}$ Li va kòmandé dépi gnou la mè jouk lòt la mè a,

Dépi nan flèv la jouk nan dènié bout la tè.
${ }^{9}$ Moun yo ki rété nan dézè a va bésé jénou dévan li,
E lénmi-l yo va niché pousiè.
${ }^{10}$ Roua Tasis yo é roua zilé yo va péyé taks,
Roua Séba é roua Saba yo va prézanté kado yo.
${ }^{11}$ Tout roua yo va prostènin dévan li,
Tout nasion yo va sèvi li.
${ }^{12}$ Paské li va délivré pòv la k-ap krié,
É maléré a ki pa gin èd.
${ }^{13}$ Li va gin pitié pou pòvmizérab la é pou pòv ki sou dènié kad li a,
É li va sové la vi pòv yo;
${ }^{14} \mathrm{Li}$ va ralé yo soti anba près k-ap pézé yo a é anba violans,
É san yo va gin anpil valè dévan jé li.
${ }^{15}$ É roua a va viv é yo va ba li lò ki soti Séba;
Yo va prié pou li san rété é yo va béni li chak jou.
${ }^{16}$ Blé va kouvri péi a, jouk sou tèt mòn yo,
É zépi yo va balansé tankou pié boua yo ki nan Liban;
Mésié yo va fléri nan vil yo tankou zèb la tè.
${ }^{17}$ Non li va la pou toujou,
Non li va duré tout tan ké gin gnou solèy;
Pa mouayin li gnoun va béni lòt,
É tout nasion yo va di-1 li byinn-éré.
${ }^{18}$ Béni Létènèl Bon-Dieu, Bon-Dieu Izrakl la,

SÉ LI-MINM SÈL KI FÈ DÉ BAGAY ÉSTRAODINE!
${ }^{19}$ Sé pou non Glorié li béni POU TOUJOU!
SÉ pou tout la tè ranpli avèk la gloua li! Amèn! Amèn!
${ }^{20}$ La priè David yo, pitit Izai a, fini isi.

## TOUAZIÈM LIV

## Dènié fin méchan yo

73 Sòm Azaf.

Oui, Bon-Dieu bon pou Izraèl,
Pou sa yo ki gin kè pu.
${ }^{2}$ Sépandan, mouin té prèské fè gnou fo-pa,
Mouin té manké fè gnou glisad;
${ }^{3}$ Paské mouin té jalou sila yo ki pa gin bon rézònman,
Lè mouin té ouè byinn-èz méchan yo.
${ }^{4}$ Angnin pa toumanté yo jouk yo mouri,
É kò yo rété réplèt konsa;
${ }^{5}$ Soufrans lòt moun yo soufri pa touché yo,
Yo pa pran kou minm jan avèk tout lod la yo.
${ }^{6}$ Konsa, yo mété logèy tankou gnou kolié,
Violans sèvi yo rad kò yo;
${ }^{7}$ Yo tèlman plin, yo soué inikité tankou grès,
Pansé kè yo parèt a-klè.
${ }^{8}$ Yo pran paròl sèvi bétiz, é avèk dan-séré yo palé ki jan yo pral pézé moun;
Yo fè dé diskou plin ogèy,
${ }^{9}$ Yo pouintu bouch yo anlè kont sièl la,

É lang yo pran pronminnin sou la tè.
${ }^{10}$ Alò, pou-tèt sa, pèp la viré bó koté yo,
É li valé dlo a san gad dèyè,
${ }^{11}$ Épi li di: Kouman pou Bon-Dieu fè konn sa,
Ki bò pou Trè-Ro a pasé pou li konnin?
${ }^{12}$ Sé konsa méchan yo yé:
Toujou an byinn-èz, yo ranmasé plus richès pou tèt yo.
${ }^{13}$ Donk, sé an-vin mouin té pròpté kè-m,
É ké mouin té lavé min-m nan inosans.
${ }^{14}$ Chak jou mouin anba kou,
Tou lé matin chatiman mouin la.
${ }^{15}$ Si mouin ta di: Mouin vlé palé tankou yo,
Minni, mouin ta gnou traizon pou ras pitit ou yo.
${ }^{16}$ Lè mouin té ékzaminé anpil anpil pou-m té kapab mété-m a-klè sou bagay la,
Difikulté pat manké gro dévan-m,
${ }^{17}$ Jouk tan mouin té pinnétré nan lié sin Bon-Dieu yo,
É ké mouin té ouè dènié fin méchan yo.
${ }^{18}$ Oui, ou plasé yo sou rout ki glisé,
Ou fè yo tonbé é ou mété yo an ri-n.
${ }^{19}$ É ki sa ou konprann! nan gnou ti moman yo fi-n détrui!
Yo disparèt, gnou dènié kou yo pat éspéré fè yo tounin angnin!
${ }^{20}$ Tankou gnou rèv lè gnou moun révéyé,
Ségnè, lè ou révéyé, ou va fè yo pasé tankou gnou vèglè.
${ }^{21}$ Lè mouin t-ap fè gro-kè konsa a,
É ké mouin té santi m-pèsé jouk nan zantray mouin,
${ }^{22}$ Mouin té sòt é san intélijans,
Pou sa ki konsènin ou, mouin té tankou gnou bèt.
${ }^{23}$ Sépandan, mouin toujou avèk ou,
Ou té kinbé min douat mouin;
${ }^{24} \mathrm{Ou}$ va kondui-m avèk konsèy ou,
Épi ou va résévoua-m nan la gloua.
${ }^{25} \mathrm{Ki}$ lès lòt mouin gingnin nan sièl la si sé pa ou?
É sou la tè mouin pran plézi-m sèlman nan ou.
${ }^{26}$ Minm si chè-m avèk kè-m ta konsonmin,
Sé Bon-Dieu ki va roché-m avèk lo pa-m pou toujou.
${ }^{27}$ Paské minni, sa yo ki alé louin ou va péri;
Ou fè tou sa yo ki infidèl tounin angnin.
${ }^{28}$ Pou mouin-minm, proché koté Bon-Dieu sé byinnèt mouin:
Mouin mété réfuj mouin nan lé Ségnè, Létènèl,
Pou-m kapab rakonté tout travay li yo.
Gnou plint yo fè bay Bon-Dieu kont lénmi an
74 Kantik Azaf.
O Bon-Dieu! pouki sa ou
réjté nou pou toujou?
Pouki sa kòlè ou monté konsa kont troupo paturay ou?
${ }^{2}$ Sonjé pèp ou ké ou té achté nan tan lontan an;
Ké ou té rachté kòm tribu éritaj ou!
Sonjé mòn Sion an, koté ou té pran fè kay ou;
${ }^{3}$ Fe gnou tounin nan plas sa yo ki tout tan an dévas!
Lénmi a fi-n ravajé tout bagay nan lié sin an.
${ }^{4}$ Advèsè ou yo pousé gran kri nan mitan tanp ou a;
Yo établi sign pa yo pou sign.
${ }^{5}$ Lè moun ouè yo, yo sanblé moun k-ap voyé koutrach
Nan gnou gro rak boua;
${ }^{6}$ É nan gnou ti, moman yo fi-n brizé tout dékorasion dékoupé yo,
Avèk kout-rach é koutmato.
${ }^{7}$ Yo mét du-fé nan lié sin ou la;
Yo vidé kay koté non ou rété a a-tè, yo sal li.
${ }^{8} \mathrm{~N}$ an kè yo, yo té di: Annou trété yo tout avèk violans!
Yo boulé tout lié sin ki gin nan péi $\mathbf{a}$.
${ }^{9}$ Nou pa ouè sign nou yo ankò;
Pa gin profèt ankò,
Pa gin pésonn pami nou ki konnin jouk ki tan
${ }^{10}$ Jouk ki tan, o Bon-Dieu,
Sa a k-ap pézé nou an va kontinué véksé nou?
Jouk ki tan lénmi an va méprizé non ou san rété?
${ }^{11}$ Pouki sa ou ralé min ou, oui, min douat ou a?
Ralé-1 soti nan kòsay ou! détrui!
${ }^{12}$ Bon-Dieu sé roua mouin dépi nan tan lontan,
Sé li-minm ki fè anpil délivrans sou tout la tè.
${ }^{13} \mathrm{Ou}$ té fann la mè a avèk puisans ou,
Ou té krazé tèt gro bèt yo sou dlo yo;
${ }^{14} \mathrm{Ou}$ té krazé tèt kaiman an, Ou té fè-l sèvi nouritu pou pèp la ki nan dézè a.
${ }^{15} \mathrm{Ou}$ té fè pluziè sous dlo pété é lavalas désann.
Ou té fè dé flèv ki pa janm sèk, koupé nèt.
${ }^{16}$ Sé pou ou la jounin yé, sé pou ou la nuit yé tou;
Ou té kréyé lumiè a é solèy la.
${ }^{17} \mathrm{Ou}$ té fiksé tout limit la tè yo,
Ou té établi lété avèk livè.
${ }^{18}$ Sonjé ké lénmi an véksé Létènèl,
E ké gnou pèp san konprann méprizé non ou!
${ }^{19}$ Pa lagé nanm toutrèl ou a bay bèt yo,
Pa blié la vi maléré ou yo pou toujou!
${ }^{20}$ Fè ka kontra a!
Paské tout ti kouin ankachèt nan péi a plin avèk bann ansasin.
${ }^{21} \mathrm{~Pa}$ kité sila y-ap pézé a tounin tou-ront!
Pinmèt pou maléré a avèk pòv la proklamé louanj non ou!
${ }^{22}$ Lévé, O Bon-Dieu, défann kòz ou!
Sonjé tout véksasion moun
san konprann nan fè ou chak jou!
${ }^{23} \mathrm{~Pa}$ blié éskandal advèsè ou yo,
Pa blié ki jan sa yo ki lévé kont ou ap fè tapaj plus an plus é san rété.
Bon-Dieu bésé méchan an é li lévé jus la
75 "Pou konduktè, chan yo. "Pi-nga détrui." Sòm Azaf. Kantik.
${ }^{2}$ N-ap ba ou louanj, o BonDieu! n-ap ba ou louanj; Non ou nan bouch nou, N -ap publié mèvèy ou yo.
${ }^{3}$ Lè dat mouin fiksé a vini, M-a jujé avèk douati.
${ }^{4}$ La tè avèk tou sa yo ki rété sou li tranblé;
Min mouin-minm, mouin fè pilié li yo fèm. - Pòz.
${ }^{5}$ Mouin di sa yo k-ap glorifié tèt yo: Pi-nga glorifié tèt ou!
É mouin di méchan yo: $\mathbf{P a}$ lévé tèt ou!
${ }^{6}$ Pa lévé tèt, si ro konsa;
Pi-nga palé avèk insolans konsa!
${ }^{7}$ Paské grandè pa vi-n soti
Ni nan lès, ni nan louès, ni nan dézè $a$,
${ }^{8}$ Min sé Bon-Dieu k-ap jujé:
Li bésé gnoun é li lévé gnou lot.
${ }^{9}$ Létènèl gin gnou bidon nan $\min \mathrm{li}$,
Gin gnou tafia byin ranjé k-ap dodo ladann,
Li vidé bay méchan yo ki sou la tè,

Épi yo sousé-1 alé, yo bouè-l san kité gnou ti gout.
${ }^{10}$ M-a publié bagay sa yo pou toujou;
M-a chanté a-lonnè BonDieu Jakòb la.
${ }^{11}$ E m-a koupé tout fòs méchan yo lagé a-tè;
Min m-a fè fòs pa jus la lévé.

Bon-Dieu la viktoua é ki konn pasé justis
76 Pou konduktè chan yo. Avèk muzik a-kòd. Sòm Azaf. Kantik.
${ }^{2}$ Nan péi Juda, yo konnin Bon-Dieu,
Non li gran nan péi Izraèl.
${ }^{3}$ Tant li nan Salèm,
É kay li nan Sion.
${ }^{4}$ Sé la li té brizé flèch yo, Bouklié a, népé a avèk zam la gè yo. - Pòz.
${ }^{5} \mathrm{Ou}$ gin plus grandè, ou pi puisan
Pasé mòn yo pran pa fòs yo.
${ }^{6}$ Yo té dépouyé yo, zòm-dégè sa yo ki pat manké kouray,
Nan dènié kout-sonmèy yo, yo dòmi nèt;
E tout mésié vanyan sa yo pat kapab défann tèt yo.
${ }^{7}$ Bon-Dieu Jakòb! ou annik fè gnou minnas,
É ni kavalié yo ni choual yo tonbé dòmi.
${ }^{8}$ O ou-minm, ou pa nan jouèt!
Ki lès ki kapab kanpé kont ou, lè kòlè ou éklaté?
${ }^{9}$ Dépi jouk anlè nan sièl la ou publié déklarasion an;
La tè tout-an-fréyè, li rété tou trankil,
${ }^{10}$ Lè Bon-Dieu lévé pou li pasé justis,
Pou li sové tout maléré yo ki sou la tè. - Pòz.
${ }^{11}$ Minm lè li an-furè, lòm proklamé louanj ou,
Lè kolè ou monté ou tout bon.
${ }^{12}$ Fè vé ou a Létènèl, BonDieu ou, é akonpli yo! Sé pou tou sa yo ki alantou li poté kado bay BonDieu, li-minm ki pa nan jouèt!
${ }^{13}$ Li plati ògèy prins yo,
Roua la tè yo gin la krint pou li.

Sé gnou konsolasion pou pansé sou gran travay Bon-Dieu yo
77 Pou konduktè chan yo. Sélon Jédutun. Sòm Azaf.
${ }^{2}$ Mouin lévé voua-m bò kot Bon-Dieu, é mouin krié;
Mouin lévé voua-m bò kot Bon-Dieu, é li va kouté-m.
${ }^{3}$ Nan jou détrès mouin, mouin chaché lé Ségnè;
La nuit, mouin ouvè bra-m san yo pa bouké,
Nanm mouin réfuzé pou-l konsolé.
${ }^{4}$ Mouin sonjé Bon-Dieu, é mouin plinn;
Mouin ékzaminé, é léspri-m fi-n bésé. - Pòz.
${ }^{5} \mathrm{Ou}$ fè pòpiè jé-m rété tou kléré;

É mouin pa kab palé, otan m-troublé.
${ }^{6}$ Mouin pran pansé sou jou tan pasé yo
É sou lané nan tan lontan yo.
${ }^{7}$ Pandan la nuit, mouin pansé sou kantik mouin yo,
Mouin ékzaminé anpil anpil anndan kè-m,
É léspri-m pran ékzaminé.
${ }^{s}$ Èské Létènèl va réjté-m pou toujou?
Eské li p-ap montré-m favè li ankó?
${ }^{9}$ Èské bonté li épizé pou toujou?
Èské promès li fi-n tounin angnin pou tout létènité?
${ }^{10}$ Èské Bon-Dieu blié kètouché li?
Èské li rétiré mizérikòd li a-kòz kòlè li? - Póz.
${ }^{11}$ Alò mouin té di: Min pouki sa m -ap soufri,
Sè ké min douat TrèRo a pa minm jan an toujou
${ }^{12} \mathrm{M}$-a mété travay Létènèl yo nan mémoua-m ankò,
Paské mouin sonjé mèvèy ou té konn fè nan tan lontan yo;
M-a pansé sou tout travay ou yo,
M-a rakonté dé bagay éstraòdinè ou fè yo.
${ }^{14}$ O Bon-Dieu, chémin ou yo $\sin$ !
Ki lès dieu ki gran kòm Bon-Dieu?
${ }^{15} \mathrm{Ou}$ sé Bon-Dieu ki fè dé bagay éstraòdinè;
Ou té manifésté puisans ou pami pèp yo.
${ }^{16}$ Avèk ponyèt ou ou té délivré pèp ou,
Pitit Jakòb é pitit Jozèf yo. - Pòz.

17 Dlo yo té ouè ou, o BonDieu!
Dlo yo té ouè ou, yo té pran tranblé;
Trou moun pa kab mézuré yo té frémi.
${ }^{15}$ Nuay yo té vidé dlo fè lavalas,
Loray té rézonnin nan nuay yo,
É flèch ou yo té volé a-douat a-gòch.
${ }^{19}$ Kout-loray ou a té éklaté nan toubiyon an,
Kout-zèklè yo té kléré lé monn;
La tè té frémi é-l té tranblé.
${ }^{20}$ Ou té louvri gnou chémin pou kont ou nan la mè a,
Ou té fè gnou ti rout nan gro dlo yo,
É yo pa janm dékouvri tras yo koté ou té pasé.
${ }^{21}$ Ou té kondui pèp ou a tankou gnou troupo,
Pa mouayin min Moiz avèk Aaron.

Fidélité Bon-Dieu pou pèp li ki infidèl
78 Kantik Azaf.
Pèp mouin, kouté instruksion mouin yo!
Ouvè zòrèy ou pou kouté paròl bouch mouin!
${ }^{2}$ M-a louvri bouch mouin pou-m fè kèk déklarasion,
M-a publié sajès tan pasé yo.
${ }^{3}$ Sa nou té tandé, sa nou konnin,
Sa gran-paran nou yo té rakonté nou,
${ }^{4}$ Nou p-ap kaché-l pou pitit pa yo;
$\mathbf{N}$-a éspliké jénérasion $\mathbf{k - a p}$ vini an louanj Létènèl yo, Avèk puisans li é dé gran bagay ké li té fé.
${ }^{5}$ Li té établi gnou témouagnay nan Jaköb,
Li té mété gnou loua nan Izraèl,
É li té odonnin gran-paran nou yo pou yo anségné-1 bay pitit yo,
${ }^{6}$ Pou jénérasion $k$-ap vini an té kapab konnin li,
Sèt-a-di, ti moun ki ta pral fèt yo,
É ké yo-minm, lè yo vi-n gran yo ta palé sa bay pitit yo,
${ }^{7}$ Afin ké yo kapab mété konfians yo nan BonDieu,
Ké yo pa ta blié travay Bon-Dieu yo,
É ké yo ta obsèvé kỏmandman li yo,
${ }^{8}$ Afin ké yo pa ta dévni kòm gran-paran yo,
Gnou ras moun rèd é rébèl,
Gnou ras moun ki pat gin kè fèm,
E ki pat gin léspri yo fidèl anvè Bon-Dieu.
${ }^{9}$ Pitit Éfraim yo, malgré yo amé é yo gran tirè-dflèch,
Yo té viré do yo nan jou konba a.
${ }^{10}$ Yo pat kinbé kontra BonDieu a,

É yo té réfuzé maché sélon la loua li.
${ }^{11} \mathrm{~Pa}$ fèt-ékspré, yo té blié travay li yo,
É mèvèy yo ké li té fè yo ouè.
${ }^{12}$ Dévan gran-paran yo, li té fè dé gran bagay,
Nan péi Léjip, nan la kanpagn Soan yo.
${ }^{13} \mathrm{Lj}$ té fann la mè a pou-1 ouvri rout pou yo,
Li té fè dlo yo drésé tankou gnou muray.
${ }^{14}$ Duran la jounin, li té kondui yo avèk nuay la,
É tout la nuit avèk gnou du-fé éklatan.
${ }^{15} \mathrm{Li}$ té fann roché yo nan dézè a,
É li té fè dlo pou bouè soti ladan yo tankou gran riviè;
${ }^{16}$ Li té fè pluziè sous dlo jayi soti nan roché a,
E li té fè gro dlo koulé soti ladann tankou flèv.
${ }^{17}$ Min yo té kontinué péché kont li,
Yo té kontinué révolté kont Trè-Ro a nan dézè a.
18 Yo té tanté Bon-Dieu nan kè yo,
Lè yo té mandé nouritu sélon pròp dézi yo.
19 Yo té palé kont Bon-Dieu,
Yo té di: Eské Bon-Dieu ta kapab
Instalé gnou tab nèt nan dézè a?
${ }^{20}$ Minni, li frapé roché a, é dlo koulé,
É lavalas répann;
Eské li va kapab bay pin tou,

Ou byin founi viann pou pèp li?
${ }^{1}$ Létènèl té tandé, é li té an-kolè anpil;
Gnou du-fé té limin kont Jakòb,
E kòlè li té lévé kont Izraèl,
22 Paské yo pat kouè nan Bon-Dieu,
Paské yo pat gin konfians nan sékou li.
${ }^{3} \mathrm{Li}$ té kòmandé nuay yo ki anro,
É li té louvri pot sièl la yo;
${ }^{24} \mathrm{Li}$ té grinnin la ma-n sou yo pou nouritu,
Li té ba yo blé ki soti nan sièl la.
${ }^{25}$ Yo tout té manjé pin gran pèsonay yo,
Li té voyé nouritu ba yo jouk tan yo té rébuté.
${ }^{26} \mathrm{Li}$ té fè van lès la souflé nan siè la,
É avèk puisans li, li té minnin van nan sud la vini;
${ }^{7} \mathrm{Li}$ té grinnin viann sou yo tankou pousiè,
É zouazo a-zèl tankou sab la mè;
${ }^{18}$ Li té fè yo tonbé nan mitan kan yo a,
Tout-otou kay koté yo té rété yo.
${ }^{9}$ Yo té manjé é yo té plin vant yo ra-kòlèt:
Bon-Dieu té ba yo sa yo té déziré.
${ }^{0}$ Yo pat ko minm fi-n satisfè dézi yo,
Manjé a té nan bouch yo toujou,
${ }^{1}$ Lè kòlè Bon-Dieu té lévé kont yo;
Li té fè la mò tonbé sou sa yo ki gin plus kouray,

Li té koupé jinn mésié annIzraèl yo lagé a-tè.
${ }^{32}$ Malgré tou sa, yo té kontinué péché
É yo pat kouè tout bagay éstraodinè li té fè.
${ }^{33}$ Alò li té konsonmin jou yo nan vanité,
É li té fè lané yo rivé sou bout yo san-z-atann.
${ }^{34}$ Lè li té fè la mò tonbé sou yo, yo té chaché li,
Yo té tounin vini é yo té viré bò kot Bon-Dieu;
35 Yo té sonjé ké sé Bon-Dieu ki té roché yo,
Ké Bon-Dieu Trè-Ro a sé té sovè yo.
${ }^{36}$ Min yo t-ap tronpé li avèk bouch yo,
É yo t-ap ba li manti avèk lang yo.
${ }^{37}$ Kè yo pat fèm anvè li,
E yo pat fidè nan kontra li a.
${ }^{38}$ Sépandan, nan mizérikòd li, li té padonnin inikité yo é li pat détrui yo;
Li té rétni kolè li asé souvan é li pat lagé tout furè li.
${ }^{39} \mathrm{Li}$ té sonjé ké sé chè asé yo té yé,
Gnou souf ki al fè rout li é ki p-ap tounin ankò.
${ }^{40}$ Sé pa dé ou toua foua yo té révolté kont li nan dézè a!
Sé pa dé ou toua foua yo té fè li an-kòlè anpil nan lié rétiré a!
${ }^{41}$ É yo pat bouké tanté BonDieu
É provoké Sin Izraèl la.
${ }^{42}$ Yo pat sonjé puisans li,
Jou li té délivré yo anba min lénmi an,
${ }^{43}$ Lè li té akonpli mirak annEjip,
É bagay éstraodinè yo nan la kanpagn Soan yo.
${ }^{44} \mathrm{Li}$ té fè flèv yo tounin san,
É yo pat kapab bouè pròp dlo pa yo.
${ }^{45} \mathrm{Li}$ té voyé mouch a-pouazon pou dévoré yo,
É grénouy pou détruii yo.
${ }^{46} \mathrm{Li}$ té lagé rékòlt yo bay krikèt,
É danré yo té fè yo, bay bann krikèt yo.
${ }^{47} \mathrm{Li}$ té fè jadin-rézin yo péri avèk la grèl,
É pié-sikomò yo té péri avèk frédi jélé a.
${ }^{48} \mathrm{Li}$ té abandonnin bètpaturay yo bay la grèl,
E troupo yo bay piè-loray.
${ }^{49}$ Li télagé gro-kòlè li kont yo,
Épila furè̀, la raj avèk détrès,
Gnou lamé pòtè-d-malè.
${ }^{50} \mathrm{Li}$ té lagé kò̀è li lib san okinn anpéchman,
Li pat sové nanm yo nan la mò,
Li té rinmèt la vi yo bay la mò;
${ }^{51} \mathrm{Li}$ té frapé tout prémié-né yo ann-Ejip,
É tou sa yo ki té prémié anfós anba tant Kam yo.
${ }^{52} \mathrm{Li}$ té fè pèp li pati tankou gnou kantité mouton,
Li té kondui yo tankougnou troupo nan dézè a.
${ }^{53} \mathrm{Li}$ té dirijé yo avèk asurans, pou yo pat bézouin krinn, Pandan ké la mè té kouvri lénmi yo.
${ }^{54} \mathrm{Li}$ té minnin yo vini jouk bò frontiè sin li a,
Jouk bò mòn ké li té achté avèk min douat li a.
55 Li té chasé nasion yo dé van yo,
Li té distribué péi a ba yo ann-éritaj,
É li té fè tribu Izraèl yo abité nan tant lénmi an.
${ }^{56}$ Min yo té tanté Bon-Dieu Trè-Ro a é yo té révolté kont li,
E yo pat obsèvé kòmand. man li yo.
${ }^{57}$ Yo té alé louin li é yo té infidèl tankou granparan yo,
Yo té tounin alé, tankou gnou zam pou tiré flèch ki tronpè.
58 Yo té fè li an-kolè anpi a-kòz tout kay loua yo
É yo té éksité jalouzi a-kòz bann zidòl pa yo
${ }^{59}$ Bon-Dieu té tandé sa, é li tí an-kòlè anpil;
Li té répousé Izraèl avèl dégoutans.
${ }^{60} \mathrm{Li}$ té abandonnin kay li a nan Silo,
Tant la koté li té abité pa mi lèz-òm.
${ }^{61} \mathrm{Li}$ té lagé la gloua li nar kaptivité,
É grandè li nan min lén mi an.
62 Li té lagé pèp la anba kout kouli-n,
É li té faché nèt kont érita li a.
${ }^{63}$ Du-fé té dévoré jinn-jaı li yo,
E jinn madmouazèl li y، pat résévoua louanj;

Prèt li yo té tonbé anba kout-népé,
E vèv li yo pat krié.
${ }^{65}$ Alò lé Ségnè té révéyé tankou gnou moun ki t-ap dòmi,
Tankou gnou nonm-dé-gè ki té anba tafia.
${ }^{66} \mathrm{Li}$ té frapé advèsè li yo ki t-ap kouri san gad dèyè,
Li té fè yo dévnị la rizib pou tout tan.
${ }^{67}$ Sépandan, li té réjté tant Jozèf la,
E li pat chouazi tribu Efraim nan;
${ }^{88}$ Li té pito tribu Juda a,
Món Sion ké li té rinmin an.
${ }^{69}$ É li té bati lié sin li tankou plas yo ki ro anpil,
Tankou la tè li té fondé pou toujou.
${ }^{70} \mathrm{Li}$ té chouazi David, sèvitè li,
Li té ralé-l soti nan pak mouton yo;
${ }^{71}$ Li té pran David lè-l t-ap fè métié gadé mouton ki nan lèt,
Pou li té fè-l pran souin Jakòb, pèp li,
E Izraèl, éritaj li.
72 E David té dirijé yo avèk gnou kè san kròchèt,
E li té kondui yo avèk anpil abilité.
Pàòl tristès aléga déstruksion Jéruzalèm
79 Sòm Azaf.
Bon-Dieu! nasion yo anvayi éritaj ou,
Yo sal tanp ou a ki sin,
Yo fè Jéruzalèm tounin gnou pil ròch.
${ }^{2}$ Yo lagé kadav-kò sèvitè ou yo
Bay zouazo yo ki nan sièl la pou yo manjé,
Yo lagé chè fidèl ou yo bay bèt la tè yo;
${ }^{3}$ Yo vèsé san yo tankou dlo
Tout-otou Jéruzalèm,
É pat gin pésonn pou antéré yo.
${ }^{4}$ Nou dévni gnou sujé la rizib pou vouazin nou yo,
Gnou sujé mokri avèk jouèt pou sa yo ki antouré nou.
${ }^{5}$ Étènèl! jouk ki tan ou va kontinué an-kòlè anpil konsa?
Jouk ki tan kòlè ou va boulé tankou du-fé konsa?
${ }^{6}$ Gayé la furè ou sou nasion yo ki pa konnin ou,
É sou rouayòm yo ki pa invoké non ou!
${ }^{7}$ Paské yo fi-n dévoré Jakòb, É yo fi-n ravajé kay koté li rété a.
${ }^{8}$ Pi-nga ou sonjé anko inikité nou yo ki fi-n pasé!
Nan kè-touché ou, présé vi-n édé nou!
Paské nou pa kapab li maléré pasé sa.
${ }^{9}$ O Bon-Dieu salu nou! poté nou sékou pou la gloua non ou!
Délivré nou, é padonnin nou péché nou yo a-kòz non ou!
${ }^{10}$ Pouki sa nasion yo ta gin dé koua pou di: Koté Bon-Dieu yo a?
Nan prézans nou, sé pou ou fè nasion yo konnin Ké ou vanjé san sèvitè ou
yo, san an yo té vèsé a!
${ }^{11}$ Sé pou kout-plinn prizonnié yo rivé jouk bò koté ou!
Avèk gro ponyèt ou, sové sa yo ki pral péri!
${ }^{12}$ Rann vouazin nou yo sèt foua la parèy
Véksasion yo té fè ou la yo, o Ségnè!
${ }^{13}$ Min nou-minm, pèp ou, troupo paturay ou,
Nou va proklamé louanj ou pou tout tan;
Dé jénérasion an jénérasion nou va publié louanj ou yo.

Gnou la priè pou yo tounin sou dé-pié yo ankò
80 Pou konduktè chan yo. Sou Lis yo, o son la lir. Sòm Azaf.
${ }^{2}$ Ouvri zòrèy ou, gadyin Izraèl,
Ou-minm ki kondui Jozèf tankou gnou troupo!
Ou-minm ki chita anro chérubin yo,
Parèt nan gran klaté ou!
${ }^{3}$ Dévan Éfraim, Binjamin avèk Manasé, révéyé fos ou,

$$
\dot{E}
$$

${ }^{4} \mathrm{O}$
O Bon-Dieu, mété nou sou dé-pié nou ankò!
Fè figu ou briyé, é nou va sové!
${ }^{5}$ Étènèl, Bon-Dieu lamé yo! Jouk ki tan ou va an-kòlè kont la priè pèp ou?
${ }^{6} \mathrm{Ou}$ ba yo dlo nan jé kòm pin pou yo manjé,
Ou ba yo dlo nan jé pou yo bouè a gro-godé.
${ }^{7}$ Ou fè nou gnou sujé dézakò pou vouazin nou yo,
É lénmi nou yo pran nou sèvi bétiz.
${ }^{8}$ Bon-Dieu lamé yo, mété nou sou dé-pié-n ankò!
Fè figu ou briyé, é nou va sové!
${ }^{9} \mathrm{Ou}$ té raché gnou jadin rézin ann-Éjip;
Ou té chasé pluziè nasion, épi ou té planté-l.
${ }^{10} \mathrm{Ou}$ té défriché tè a dévan li! Li pousé rasi-n é li ranpli la tè;
${ }^{11}$ Lonbraj li té kouvri mon yo,
É jinn ti branch li yo té tankou pié-sèd pa BonDieu yo;
${ }^{12} \mathrm{Li}$ té étann branch li yo jouk nan la mè,
E boujon li yo jouk nan flèv la.
${ }^{13}$ Pouki sa ou té blayi klotu li yo a-tè,
Dé koua ké tout sa yo k-ap pasé ap fi-n dépouyé-l?
${ }^{14}$ Kochon-maron yo, ki nan rak boua, ap fi-n ravajé-1,
É bèt-savann yo pran-l sèvi paturay yo.
${ }^{15}$ Bon-Dieu lamé yo, rétounin vini non!
Étan ou an lè nan sièl la, gadé é pran nòt! Konsidéré jadin-rézin sa a!
${ }^{16}$ Protéjé sa ou té planté avèk min douat ou a,
E pitit gason ké ou té chouazi a! . . .
${ }^{17}$ Du-fé boulé-l, yo koupé-1! Yo péri dévan minnas figu ou.
${ }^{18}$ Mété min ou sou nonm bra douat ou a,

Sou pitit lòm nan ké ou té chouazi a!
${ }^{19}$ É nou p-ap alé louin ou ankó.
Fè nou viv ankò, é nou va invoké non ou.
${ }^{20}$ Étènèl, Bon-Dieu lamé yo, mété nou sou dé-pié nou ankò!
Fè figu ou briyé, é nou va sové!

Bonté Bon-Dieu épi tett-rèd Izraèl
81
Pou konduktè chan yo. Sou ton gitit. Sòm Azaf.
${ }^{2}$ Chanté avèk kontantman pou Bon-Dieu, li-minm ki fòs nou!
Pousé kri la joua bay BonDieu Jakòb la!
${ }^{3}$ Antonnin gnou kantik, fè tanbourin an rézonnin,
Fè hap bèl-son an é gita a rézonnin tou!
${ }^{4}$ Fè kout-tronpèt lè li nouvèl lun,
Lè li plèn lun, lè̀ jou fèt nou!
${ }^{5}$ Paské sé gnou loua pou Izraèl,
Sé gnou lòd Bon-Dieu Jakòb la pasé.
${ }^{6} \mathrm{Li}$ té fè gnou règ avèk li pou Jozèf,
Lè li té maché kont péi Léjip la
Lè sa a mouin té tandé gnou lang mouin pat konnin.
${ }^{7}$ Mouin té déchajé-1 avèk fado ki té sou zèpòl li a, É min-l yo té lagé panié a.
${ }^{8} \mathrm{Ou}$ té krié lè ou té nan détrès, é mouin té délivré ou;
Mouin té réponn ou nan lié sékrè loray la;

Mouin té pasé ou a-léprèv pré dlo Mériba yo. Pòz.
${ }^{9}$ Kouté, pèp mouin! é mouin va avèti ou;
O Izraèl, si ou té kouté-m!
${ }^{10}$ Sé pa pou gin okinn dieu étranjé pami ou!
Pi-nga prostènin dévan dieu étranjé yo!
${ }^{11}$ Mouin sé Létènèl, BonDieu ou, ki té fè ou monté soti nan péi Léjip;
Ouvè bouch ou, é mouin va plin-l.
${ }^{12}$ Min pèp mouin pat kouté voua mouin,
Izraèl pat obéi mouin.
${ }^{13}$ Alò mouin té livré yo bay pròp dézi kè yo,
É yo té suiv próp konsèy yo.
${ }^{14}$ Ayayay! si pèp mouin té kouté-m,
Si Izraèl té maché nan chémin mouin yo!
${ }^{15}$ Nan gnou ti moman mouin ta konfonn lénmi yo,
Mouin ta viré min mouin kont advèsè yo;
${ }^{16}$ Sa yo ki rai Létènèl ta vi-n flaté li,
E byinn-èt Izraèl ta duré pou toujou;
${ }^{17}$ Mouin ta nouri li avèk pi bon klas blé a,
Émouin ta plin vant li avèk mièl ki nan roché a.

Gnou réprimann a-kòz jujman ki pajus
82 Sòm Azaf.

Bon-Dieu kanpé nan lasanblé Bon-Dieu;
Li jujé nan mitan dieu yo. -
${ }^{2}$ Jouk ki tan ou va jujé avèk inikité,
É ké ou va fè pas-pouki pou méchan yo? - Pòz.
${ }^{3}$ Rann moun fèb la avèk oflin an justis,
Fè défans maléré a avèk pòv la,
${ }^{4}$ Sové pòv-mizérab la avèk pòv ki sou dènié kad li a,
Délivré yo anba min méchan yo.
${ }^{5}$ Yo pa gin ni konprann ni intélijans,
Y-ap maché nan fè-noua;
Tout fondasion la tè yo brannin.
${ }^{6}$ Mouin té di: Ou sé dé dieu,
Tout nan pami ou sé pitit Trè-Ro a.
${ }^{7}$ Sépandan, ou va mouri tankou lèz-òm,
Ou va tonbé tankou gnoun nan prins yo. -
${ }^{8}$ Lévé, o Bon-Dieu, jujé la tè! Paské tout nasion yo rélé ou sé pa ou.

Gnou la priè pou déstruksion lênmi Izraèl yo
83 Kantik. Sòm Azaf.
${ }^{2}$ O Bon-Dieu, pa rété ansilans!
Pi-nga ou pé-bouch ou, é pi-nga ou pran répo, o Bon-Dieu!
${ }^{3}$ Paské minni, lénmi ou yo ap fè tèt yo cho,
Sa yo ki rai ou ap lévé tèt yo.
${ }^{4}$ Yo fè dé plan ruzé kont pèp ou,
E yo mété tèt yo ansanm kont sa yo ké ou protéjé.
${ }^{5}$ Yo di: Vini, annou fini avèk yo nèt nan pami nasion yo,
É ké pésonn pa sonjé ankò non Izraèl!
${ }^{6}$ Yo mété tèt yo ansanm, yo tout avèk gnou sèl kè,
Yo mété yo ann-akò kont ou;
${ }^{7}$ Tant Edon yo avèk Izmaélit yo,
Moab avèk Agarényin yo,
${ }^{8}$ Gébal, Amon, Amalèk,
Filistin yo avèk moun ki rété Tir yo;
${ }^{9}$ Lasiri tou fè bann avèk yo, Li prété pitit Lòt yo ponyèt li. - Pòz.
${ }^{10}$ Trété yo tankou Madian, Tankou Sizéra, tankou Jabin nan ravi-n dlo Kizon an!
${ }^{11} \mathrm{Ou}$ té détrui yo nan An-dò, Yo dévni fumié la tè.
12 Trété chèf yo tankou Orèb avèk Zéèb,
E trété prins yo tankou Zébak avèk Salmuna!
${ }^{13}$ Paské yo di: Annou anparé kay Bon-Dieu rété yo!
${ }^{14}$ O Bon-Dieu mouin! fè yo sanblé gnou toubiyon,
Fè yo tankou pay van poté alé,
${ }^{15}$ Tankou du-fé ki pran nan rak-boua,
Tankou flanm du-fé ki fi-n konsonmin mòn yo!
${ }^{16}$ Pousuiv yo konsa avèk tanpèt ou a,
É fè yo tranblé avèk siklòn ou an!
${ }^{17}$ Kouvri figu yo avèk mépri

Pou yo kab chaché non ou, o Etènèl!
${ }^{18}$ Sé pou yo rété tou ront é sé pou yo anba kè-kasé pou toujou,
Sé pou la ront kouvri yo é sé pou yo péri!
${ }^{19}$ É fè yo konnin ké ou-minm sèl, ki poté nọn Létènèl,
Ou sé lé Trè-Ro sou tout la tè!

Gnou gran dézi pou alé lakay lérênèl 84 Pou konduktè chan yo. Sou ton gitit la. Sòm pitit Koré yo.
${ }^{2}$ Ala bèl kay ou yo bèl, Étènèl lamé yo!
${ }^{3}$ Nanm mouin an-soupi é l-ap dépéri otan li vlé ouè la sal lakay Létènèl yo,
Kè mouin avèk chè-m ap pousé dé kri bay BonDieu vivan an.
${ }^{4}$ Minm ti kikit la jouinn gnou kay
E irondèl la jouinn gnou nich pou-l mété pitit li yo . . .
Lotèl ou yo, Étènèl lamé yo!
Roua mouin é Bon-Dieu mouin!
${ }^{5}$ Sa yo ki rété lakay ou byinn-éré!
Yo kapab publié louanj ou toujou. - Pòz.
${ }^{6}$ Sa yo ki jouinn apui yo sou ou byinn-éré!
Yo jouinn dé gran karétèl nan kè yo.
${ }^{7}$ Lè yo té travèsé la valé Baka,
Yo té fèl-l tounin gnou lié ki plin sous dlo,

É la pli kouvri li avèk bénédiksion tou.
${ }^{8}$ Otan yo maché otan fòs yo ogmanté
É yo prézanté dévan BonDieu nan Sion.
${ }^{9}$ Étènè̀l, Bon-Dieu lamé yo, kouté la priè-m!
Ouvè zòrèy ou pou kou-té-m, Bon-Dieu Jakòb! - Pòz.
${ }^{10}$ Bon-Dieu, ou-minm ki bouklié nou, pran nòt!
É voyé jé ou sou figu sila a ou sakré a!
${ }^{11}$ Gnou jou nan la sal lakay ou vo plus pasé mil jou nan gnou lodt koté;
Mouin pito rété nan pa-pòt kay Bon-Dieu mouin,
Pasé pou-m abité ánba tant méchan yo,
${ }^{12}$ Paské Létènèl sé gnou solèy é gnou bouklié,
Létènèl bay la gras avèk la gloua,
Li pa réfuzé okinn byin pou sa yo ki minnin gnou la vi san kròchèt.
${ }^{13}$ Étènèl lamé yo!
Nonm ki konfié-l nan ou a sé gnou byinn-éré.

Gnou la priè pou mizérikòd Bon-Dieu an-favè Izraèl
85 Pou konduktè chan yo. Sòm pitit Koré yo.
${ }^{2}$ O Étènèl! ou té montré favè ou anvè péi ou la,
Ou té minnin pitit Jakòb yo ki té prizonnié tounin;
${ }^{3} \mathrm{Ou}$ té padonnin inikité pèp ou,
Ou té kouvri tout péché-l yo; — Pòz.
${ }^{4} \mathrm{Ou}$ té ouété tout furè ou la, Ou té adousi chalè kòlè ou la nèt.
${ }^{5}$ Mété nou an-fòm ankò, Bon-Dieu salu nou,
Suspann la fason ou té faché nèt kont nou an!
${ }^{6}$ Eské ou va an-kòlè anpil konsa kont nou pou toujou?
Èské ou va prolonjé kòlè ou pou tout tan?
${ }^{7}$ Eské ou p-ap ban nou la vi, Dé koua pou pèp ou kapab réjoui nan ou?
8 Etènèl! fè nou ouè bonté ou,
É fè nou jouinn salu ou!
${ }^{9}$ Mouin va kouté sa BonDieu, Létènèl, di;
Paské li palé paròl la pè avèk pèp li a é avèk fidèl li yo,
Sou kondision ké yo p-ap lagé kò yo nan sotiz ankò.
${ }^{10}$ Oui, salu li tou pré sila yo ki krinn li,
Pou la gloua li kapab abité nan péi nou an.
${ }^{11}$ La bonté avèk la fidélité rankontré,
La justis avèk la pè anbrasé kò-a-kò.
${ }^{12}$ La fidélité va jèmin soti nàn la tè
E la justis va gadé dépi anlè nan sièl la.
${ }^{13}$ Létènèl va fè mouin jouinn bagay ki bon an,
E tè nou an va donnin frui li yo.
${ }^{14}$ La justis va maché dévan li, E li va kité mak pié li sou chémin an.

Gnou la priè pou Bon-Dieu kontinué gin mizérikòd
86 La priè David.
Étènèl, ouvè zòrèy ou, réponn la priè-m!
Ka mouin maléré é mouin sé gnou pòv sou dènié kad.
${ }^{2}$ Pran souin nanm mouin, paské mouin maché nan la douati!
Bon-Dieu mouin, sové sèvitè ou ki konfié-l nan ou!
${ }^{3}$ Gin pitié pou mouin, Ségnè!
Paské mouin krié nan pié ou tou lé jou.
${ }^{4}$ Réjoui nanm sèvitè ou,
Ka sé ba ou, Ségnè, mouin lévé nanm mouin.
${ }^{5}$ Paské ou bon, Ségnè, é prèt pou padonnin,
Ou plin avèk amou pou tou sa yo ki invoké ou.
${ }^{6}$ Étènèl, ouvè zòrèy ou pou tandé la priè-m,
Présé réponn mouin lè ou tandé voua mouin k-ap suplié ou!
${ }^{7}$ Mouin invoké ou nan jou détrès mouin,
Paské ou réponn la priè-m.
${ }^{8} \mathbf{P a}$ gin gnoun nan pami dieu yo ki tankou ou, Ségnè,
É pa gin angnin ki kab lavé pié zèv ou yo.
${ }^{9}$ Tout nasion ou té fè va vi-n
Prostènin dévan fas ou, Ségnè,
É yo va bay non ou la gloua.
${ }^{10}$ Paské ou gran moun lakay ou, é ou fè dé travay éstraodiné;

Sé ou-minm sèl ki BonDieu!
${ }^{11}$ Montré-m chémin ou yo, o Étènèl!
M-a maché nan fidélité ou.
Préparé kè̀-m pou li krinn non ou.
${ }^{12}$ Ségnè, Bon-Dieu mouin, m-a ba ou louanj avèk tout kè-m!
Ém-a bay non ou la gloua pou toujou.
${ }^{13}$ Paské bonté ou gran anvè mouin,
É ou délivré nanm mouin anba fondè koté mò yo rété a .
${ }^{14}$ O Bon-Dieu! gnou kantité ógéyé lévé kont mouin,
Gnou bann mésié violan vlé pran la vi-m,
Yo pa pansé sou ou dutou.
${ }^{15}$ Min ou-minm, Ségnè, ou sé gnou Bon-Dieu ki plin mizérikod avèk kètouché,
Ou pa an-kòlè fasil, ou rich an bonté é nan fidélité;
${ }^{16}$ Viré jé ou sou mouin é gin pitié pou mouin,
Bay sèvitè ou fòs ou,
É sové pitit-gason sèvant ou a!
${ }^{17}$ Fè gnou signan-favè mouin,
Fè lénmi-m yo ouè-l é sé pou yo rété tou ront!
Paské ou poté-m sékou é ou konsolé-m, o Étènèl!

Avantaj ki gingnin pou moun abite Sion
87
Li gin fondasion-l sou mòn yo ki sin.
${ }^{2}$ Létènèl rinmin pòt Sion yo, Plus pasé tout kay Jakòb yo.
${ }^{3}$ Yo di bagay gloriéz aléga ou,
Ou-minm, vil Bon-Dieu a! - Pòz.
${ }^{4}$ Mouin fè mansion Léjip avèk Babilòn pami sa yo ki konnin-m;
Épi, péi Filistin yo, Tir, avèk Étiopi:
Sé nan Sion yo fèt.
${ }^{5}$ E konsènin Sion, yo di: Yo tout fèt lakay li,
É sé lé Trè-Ro k-ap fè li fèm.
${ }^{6}$ Létènèl pran konté pèp yo é li inskri:
Sila a té fèt la. - Pòz.
${ }^{7}$ É sa yo k-ap chanté avèk sa yo k -ap dansé répété a gran-voua:
Sé nan ou tout sous mouin yo yé.

Gnou la priè pou déliorans anba la mò
88 Kantik. Sòm pitit Koré yo. Pou konduktè chan yo. Pou yo chanté-l sou tòn fif. Kantik Éman, Ézrait la.
${ }^{2}$ Étènèl, Bon-Dieu salu mouin,
Lé jou kòm la nuit m-ap krié nan prézans ou.
${ }^{3}$ Sé pou la priè-m rivé nan prézans ou!
Ouvè zòrèy ou pou tandé suplikasion mouin yo!
${ }^{4}$ Paské gnou kantité malè fi-n plin nanm mouin rakòlèt,
É la vi-m ap proché bò koté mò yo rété a.
${ }^{5}$ Yo konté-m ansanm avèk
sa yo $k$-ap désann nan tonm,
Mouin tankou gnou nonm ki pa gin fòs ankò.
${ }^{6}$ Mouin blayi tout longè pami mò yo,
Mouin tankou sa yo tué é ki kouché nan trou yo,
Mouin tankou sa yo ou pa sonjé ankò dutou,
É ki séparé avèk min ou.
${ }^{7}$ Ou té jété-m nan gnou tonm ki fon anpil,
Nan ténèb yo, nan trou moun pa kab mézuré yo.
${ }^{8}$ Furè ou pézé-m rèd,
É tout lanm dlo ou yo ap pézé-m désann. - Pòz.
${ }^{9} \mathrm{Ou}$ té fè zanmi-m yo alé louin-m,
Ou té fè-m dévni gnou sujé répugnans pou yo;
Mouin kadnasé anndan é mouin pa kab soti.
${ }^{10}$ Jé-m fi-n konsonmin otan mouin soufri;
Mouin invoké ou tou lé jou, o Étènèl!
Mouin ouvè bra-m ba ou.
${ }^{11}$ Èské sé pou mò yo ou fè mirak?
Èské mò yo va lévé pou ba ou louanj? - Póz.
12 Eské yo konn palé a-léga bonté ou nan tonm nan?
É a-léga fidélité ou nan trou moun pa kab mézuré a?
${ }^{13}$ Èské yo konnin bagay éstraòdinè ou yo nan ténèb yo,
É justis ou nan péi a koté yo blié tout bagay?
${ }^{14}$ Min mouin-minm, o Étènèl! sé avèk gro kout-
tanpri mouin mandé ou pou vi-n poté-m sékou,
É la priè-m monté bò koté ou lè-l matin.
${ }^{15}$ Étènèl, pouki sa ou répousé nanm mouin?
Pouki sa ou kaché vizaj ou pou mouin?
${ }^{16}$ Dépi-m jinn, mouin maléré é mouin gin la vi bas,
Fréyè ou yo sou mouin tankou gnou chay, mouin troublé.
${ }^{17}$ Furè ou yo pasé sou mouin,
Fréyè ou yo fi-n fè-m tounin angnin;
${ }^{18}$ Tou lé jou yo anvironnin-m tankou gro dlo,
Yo tout vlopé-m gnou sèl kou.
${ }^{19} \mathrm{Ou}$ té fè zanmi-m yo avèk konpagnèl mouin yo alé louin-m;
Sa yo ki té konn tout ti sékrè mouin fi-n disparèt.
Kontra Bon-Dieu avèk David
89 Kantik Étan, Ézrait la.
${ }^{2}$ M-a chanté a-léga bonté Létènèl tout tan;
Bouch mouin va fè konnin fidélité ou pou toujou.
${ }^{3}$ Paské mouin di: La bonté gin fondasion ki duré tout tan;
Ou établi fidélité ou nan sièl yo. -
${ }^{4}$ Mouin té pasé gnou kontra avèk sila mouin chouazi a;
Min sa mouin té sèmanté bay David, sèvitè mouin:
${ }^{5} \mathrm{M}$-à fè désandans ou v-in fèm pou toujou,
E m-a établi tròn ou pou tout tan. - Pòz.
${ }^{6}$ O Étènèl! sièl yo proklamé louanj mèvèy ou yo,
É fidélité ou nan lasanblé $\sin y o$.
${ }^{7} \mathrm{Ka}$, ki lès nan sièl la, ki kapab konparé tèt li avèk Létènèl?
Ki lès pami pitit Bon-Dieu yo ki sanblé avè ou?
${ }^{8}$ Bon-Dieu tèrib nan gran lasanblé sin yo,
Li fè tou sa yo ki antouré-1 soti krinn li.
${ }^{9}$ Étènèl, Bon-Dieu lamé yo! ki lès ki puisan tankou ou, o Étènèl?
Fidélité ou anvironnin ou.
${ }^{10} \mathrm{Ou}$ donté lògèy la mè;
Lè vag li yo vi-n gro, sé ou ki apézé yo.
${ }^{11} \mathrm{Ou}$ té krazé Léjip fè-1 tounin gnou kadav,
Avèk ponyèt ou, ou té gayé lénmi ou yo a-douat a-gòch.
${ }^{12}$ Sièl yo avèk tè a rélé ou sé pa ou,
Sé ou-minm ki té fondé lé monn avèk tou sa ki ladann.
${ }^{13} \mathrm{Ou}$ té kréyé lé nò é lé sud; Mòn Tabó avèk mòn Émon ap réjoui a-kòz non ou.
${ }^{14} \mathrm{Ou}$ pa manké puisans nan ponyèt ou,
Min ou fò, min douat ou gouvènin an-sèl-mèt.
${ }^{15}$ La justis avèk la douati sèvikòm fondasion trònou. La bonté avèk la fidélité rété dévan fas ou.
${ }^{16}$ Byinn-éré pèp la ki konnin son tronpèt la;
Li maché nan klaté lumiè figu ou, o Étènèl!
${ }^{17}$ A-kòz non ou, li réjoui san rété,
É li réjouí-1 li-minm a-kòz justis ou.
${ }^{18} \mathrm{Ka}$ sé ou-minm ki la gloua puisans li;
Sé a-kòz favè ou ké fòs nou vi-n sou nou ankó.
${ }^{19}$ Paské Létènèl sé bouklié nou,
Sin Izraèl la sé roua nou.
${ }^{20}$ Alò ou té palé avèk byinnémé ou la nan gnou vizion,
É ou té di: Mouin té prété gnou kou-d-min bay gnou nonm-dé-gè,
Mouin té lévé gnou jinnonm nan pami pèp la;
${ }^{21}$ Mouin té jouinn David, sèvitè mouin,
Mouin té sakré-l avèk gnou luil ki sin.
${ }^{22}$ Min mouin va soutni-1,
É bra mouin va fòtifié-l.
${ }^{23}$ Lénmi an p-ap vi-n sou li san-z-atann,
E méchan an p-ap pézé-1 désann;
${ }^{24}$ Mouin va krazé advèsè-l yo dévan-l,
E mouin va frapé sa yo ki rai-l.
${ }^{25}$ Fidélité mouin avèk bonté mouin va avè-l,
É fós li va vi-n sou li a-kòz non mouin.
${ }^{26}$ Mouin va mété min li sou la mè a,
Émin douat li sou flèv yo.
${ }^{27}$ Li-minm, li va invoké mouin l-a di: Ou sé papa-m,
Bon-Dieu-m é roché salu-m!
${ }^{28}$ E mouin-minm, m-a fè-1 dévni prémié-né a,
Sila a ki pi gran pasé tout roua la tè yo.
${ }^{29}$ M-a konsèvé bonté mouin anvè li tout tan,
É m-a fidèl nan kontra mouin pasé avèk li a.
${ }^{30} \mathbf{M}$-a fè désandans li kontinué pou toujou,
Ém-a fè tròn li tankou jou sièl la yo.
${ }^{31}$ Si pitit li yo abandonnin la loua mouin,
E ké yo pa maché sélon zod li yo,
${ }^{32} \mathrm{Si}$ yo violé règ mouin yo
É si yo pa obsèvé kòmandman mouin yo,
${ }^{33} \mathrm{M}$-a puni yo a-kout rigouaz pou-tèt transgrésion yo,
E avèk pluziè kou pou-tèt inikité yo;
${ }^{34}$ Min mouin p-ap koupé bonté mouin an-favè li
É mouin p-ap trayi fidélité mouin,
${ }^{35}$ Mouin p-ap violé kontra mouin an
E mouin p-ap chanjé sa ki té soti nan po-bouch mouin.
${ }^{36}$ Nan sintété mouin, gnou foua mouin té sèmanté;
Mouin p-ap manti bay David.
${ }^{37}$ Désandans li va duré tout tan;
Tròn li va la dévan mouin tout tan gin gnou solèy,
38 Tankou la lun, li va duré pou toujou.
Témouin an ki nan sièl la fidèl. - Pòz.
${ }^{39}$ É poutan, ou gin tan réjté, ou gin tan répousé!

Ou gin tan faché ròd-mézu kont sila ou sakré a!
${ }^{40} \mathrm{Ou}$ gin tan pran kontra ou avèk sèvitè ou la sèvi mépri;
Ou gin tan lagé kouròn li a-tè, ou gin tan sal li.
${ }^{41} \mathrm{Ou}$ gin tan détrui tout muray li yo,
Ou gin tan fè fò li yo tounin gnou ri-n.
${ }^{42}$ Tou sa yo ki an-pasan pran dépouyé-1;
Li sé gnou sujé la rizib pou vouazin li yo.
${ }^{43} \mathrm{Ou}$ gin $\tan \mathrm{fè} \mathrm{~min}$ douat advèsè-l yo lévé kont li, Ou fè tout lénmi li yo réjoui;
${ }^{44} \mathrm{Ou}$ té fè lanm kouli-n li a plin brèch
E ou pat soutni li nan jou konba a.
${ }^{45} \mathrm{Ou}$ gin tan fè gran klaté-1 la rivé sou bout li,
Ou gin tan jété tròn li a-tè;
${ }^{46} \mathrm{Ou}$ té koupé sou jou jinnès li,
Ou gin tan kouvri li avèk ront. - Pòz.
${ }^{47}$ Étènèl! jouk ki tan ou va kaché san rété,
E jouk ki tan furè ou va kontinué konsonmin-m tankou du-fé?
${ }^{48}$ Sonjé konbyin tan la vi-m gin pou duré,
É pouki néryin ou té kréyé tout mésiéz-é-dam yo.
${ }^{49}$ Èské gin okinn nonm ki kab viv san li pa ouè la mò,
Ki kab sové nanm li pou-l pa alé koté mò yo rété a ? - Pòz.
${ }^{50}$ Ségnè! koté prémié bonté ou yo,
Ké ou té sèmanté bay David nan fidélité ou?
${ }^{51}$ Ségnè! Sonjé ki jan y-ap pasé sèvitè ou yo nan rizib,
Sonjé ké m-ap poté sou léstonmak mouin tout gnou kantité pèp;
52 O Étènèl! sonjé véksasion lénmi ou yo,
Oui, véksasion yo fè kont la fason sila ou sakré a lévé pié-l.
${ }^{53}$ BÉni Letènèl pou toujou! Amèn! Amèn!

## KATRIÈM LIV

Bon-Dieu la pou tout tan, min lèz òm an-pasan
90
La priè Moiz, nonm BonDieu a.

Ségnè! ou té gnou réfuj pou nou,
Déjénérasion anjénérasion.
${ }^{2}$ Avan mòn yo té fèt,
E ké ou té kréyé la tè é lé monn,
Dépi tan é dé $\tan$ ou sé Bon-Dieu.
${ }^{3} \mathrm{Ou}$ fè lèz-òm tounin nan pousiè ankò,
É ou di: Pitit lòm, rétounin!
${ }^{4}$ Paské, dévan jé ou, mil ané
Tankou jou ayè a lè-l fi-n pasé,
É tankou gnou vèy la nuit.
${ }^{5} \mathrm{Ou}$ broté yo alé; yo tankou gnou rèv,
Yo tankou pié-zèb la ki parèt lé matin,
${ }^{6} \mathrm{Li}$ fléri lé matin, épi li grandi;

Yo koupé-1 lè a-souè rivé, épi-l sèk.
${ }^{7}$ Kolè ou fi-n konsonmin nou,
É furè ou lagé kè-kasé sou nou.
${ }^{8}$ Ou mété inikité nou yo dévan ou
É ou plasé fòt an-kachèt nou yo anba lumiè figu ou.
${ }^{9}$ Tout jou nou yo ap fi-n disparèt a-kòz gran kòlè ou;
Anba dé-grinn-jé-n, lané nou yo ap défini tankou gnou son.
${ }^{10}$ Jou lané nou yo monté rivé jouk sou souasann-diz-an,
É pou sa yo ki an pi bon santé, jouk sou katré-vin;
É lògèy yo bénéfisié nan sa sé rink chatiman avèk mizè,
Ka tou sa pasé vit, é nou volé alé.
${ }^{11} \mathrm{Ki}$ lès ki pran prékosion avèk fòs kolè ou?
Ki lès ki krinn gro kòlè ou kòm sa douat-èt?
12 Anségné nou pou nou konté jou nou yo byin,
Pou nou kab apliké kè nou a la sajès.
${ }^{13}$ Tounin vini, o Étènèl! jouk ki tan . . .?
Gin pitié pou sèvitè ou yo!
${ }^{14}$ Chak matin plin nou rakòlèt avèk bonté ou,
Épi nou va nan la joua avèk kontantman pou tout la vi nou.
${ }^{15}$ Réjoui nou avèk otan dé jou ké ou té umilié nou, Avèk otan dané ké nou té ouè mizè.
${ }^{16}$ Sé pou travay ou a manifésté dévan sèvitè ou yo,
É la gloua ou soụ próp pitit yo!
${ }^{17}$ Sé pou la gras Létènèl, Bon-Dieu nou, rété sou nou!
Fè travay min nou yo vi-n fèm!
Oui, fè travay min nou yo vi-n fèm!

Anba lonbray Tou-puisan an
91
Sila a ki rété anba protéksionlé Trè-Ro Répozé anba lonbray Toupuisan an.
${ }^{2}$ Mouin di Létènèl: Ou sé réfuj mouin avèk fò mouin,
Bon-Dieu mouin, sé nan ou mouin konfié-m!
${ }^{3}$ Paské sé li-minm ki va délivré ou anba pièj kinbè-d-zouazo a,
É anba la pès avèk déga li yo.
${ }^{4} \mathrm{Li}$ va kouvri ou avèk plum li yo,
É ou va jouinn gnou réfuj anba zèl li;
Fidélité li sé gnou bouklié é gnou kuiras.
${ }^{5} \mathrm{Ou}$ p-ap bézouin krinn ni pèrè la nuit yo,
Ni flèch la ki volé duran la jounin,
${ }^{6} \mathrm{Ni}$ la pès ki maché nan ténèb,
Ni gro pidémi ki tonbé an plin-midi.
${ }^{7}$ Soua ké mil tonbé a-koté ou,
E di-mil sou bò douat ou, Angnin p-ap touché ou;
${ }^{8}$ Sèlman avèk jé ou ou va gadé,

É ou va ouè méchan yo anba makak.
${ }^{9} \mathrm{Ka}$ ou sé réfuj mouin, o Etènèl!
Ou pran Létènèl sèvi kòm fò ou.
${ }^{10}$ Okinn malè p-ap rivé ou,
Okinn kalamité p-ap proché bò tant ou.
${ }^{11}$ Paské li va pasé zanj li yo lod
Pou yo pran souin ou nan tout ti viré-tounin ou;
${ }^{12}$ Yo va poté ou nan plamin yo,
Pou ou pa frapé pié ou sou gnou ròch.
${ }^{13} \mathrm{Ou}$ va maché sou lion an é sou sèpan an,
Ou va pilonnin jinn lion an é dragon an. -
${ }^{14}$ Puiské li rinmin-m, mouin va délivré-l;
Mouin va protéjé-l puiské-l konnin non mouin.
${ }^{15} \mathrm{Li}$ va invoké-m é m -a réponn li;
Mouin va avè-lnanla détrès, Mouin va délivré-l é mouin va glorifié-l.
${ }^{16}$ Mouin va plin-l ra-kolèt avèk anpil jou,
É mouin va fè-l ouè salu mouin.
Louanj pou-têt bonté Létènèl
$92 \begin{aligned} & \text { Sòm. Kantik pou jou } \\ & \text { saba a. }\end{aligned}$
${ }^{2}$ Ala bèl sa bèl pou moun bay Létènèl louanj,
É pou yo proklamé non ou, o Trè-Ro!
${ }^{3}$ Pou yo anonsé bonté ou lé matin
E fidélité ou chak nuit,
${ }^{4}$ Avèk muzik a di-kòd la é avèk gita,
O son hap la.
${ }^{5} \mathrm{Ou}$ fè-m réjoui a-kòz travay ou yo, o Etènèl!
E m-ap chantè avèk kontantman travay la ou fè avèk min ou yo.
${ }^{6}$ Ala gran zèv ou yo gran, o Êtènèl!
Ala fon pansé ou yo fon!
${ }^{7}$ Nonm nan ki sòt pa konn angnin ladan yo,
É moun san konprann nan pa fè yo ka.
${ }^{8}$ Si méchan yo grandi tankou zèb,
Si tou sa yo ki fè lé mal ap fléri,
Sé pou yo kab tounin angnin pou toujou.
${ }^{9}$ Min ou-minm, o Étènèl!
Ou sé lé Trè-Ro pou tout tan.
${ }^{10}$ Ka minni, lénmi ou yo, o Etènèl!
Ka minni, lénmi ou yo pral péri;
Tou sa yo ki fè lé mal pral gayé a-douat a-gòch.
${ }^{11}$ Min ou ban mouin fòs gnou boufalo;
Ou rouzé-m avèk gnou luil frèch.
${ }^{12}$ Jé-m pran plézi-l ap kontanplé lénmi-m yo,
É zòrèy mouin pran plézi-1 ap kouté méchan yo ki lévé kont mouin.
${ }^{13}$ Jus yo va grandi tankou pié palmis la,
Yo va monté tankou piésèd nan Liban an.
${ }^{14}$ Koté yo planté nan kay Létènèl la,

Yo va boujonnin nan la sal lakay Bon-Dieu yo;
15. Yo va poté frui toujou lè yo fi-n vié,
Yo va plin grès é yo va vèt konsa,
${ }^{16}$ Pou fè konnin ké Létènèl jus.
Li sé roché-m, é pa gin okinn inikité nan li.

## Grandè Létènèl

93 Létènèl ap régné, li
3 abiyé avèk grandè,
Létènèl abiyé, fòs sèvi li sintu.
Pou-tèt sa lé monn fèm, li p-ap pati pa-la-kilbit.
${ }^{2}$ Tron ou établi dépi tan lontan;
Ou la dépi tout tan.
${ }^{3}$ Flèv yo monté, o Étènèl!
Flèv yo fè voua yo monté,
Flèv yo monté é vag yo pa manké fè bri.
${ }^{4}$ Plus pasé voua dé gro dlo puisan,
Plus pasé lanm la mè ki fi-n débòdé,
Létènèl puisan anlè nan sièl yo.
${ }^{5}$ Témouagnaj ou yo vré tout-antié;
La sintété konvnab pou lakay ou,
O Étenèl! pou tout tan é dé tan.

Gnou la priè pou vanjans
Bon-Dieu vanjans, o Étènèl!
Bon-Dieu vanjans, parèt non!
${ }^{2}$ Juj la tè, lévé!
Aji avèk mésié granpanpan yo sélon zèv yo!
${ }^{3}$ Jouk ki tan méchan yo, o Étènèl!
Jouk ki tan méchan yo va ranpoté la viktoua konsa?
${ }^{4}$ Yo fè diskou sou diskou, yo palé avèk insolans;
Tou sa yo ki fè lé mal ap glorifié tèt yo.
${ }^{5}$ Étènèl! y-ap krazé pèpoua,
Y-ap pézé sou éritaj ou a konsa;
${ }^{6}$ Y-ap koupé kou vèv la avèk étranjé a,
Y-ap ansasinin ti oflin yo.
${ }^{7}$ Épi yo di: Létènèl p-ap gadé,
Bon-Dieu Jakòb la pa fè atansion dé sa!
${ }^{8}$ Pran gad ou, mésié sòt ké ou yé!
Moun san konprann, ki lè ou va vi-n saj?
${ }^{9}$ Èské sila a ki planté zòrèy la pa ta tandé?
Ėské sila a ki fòmé grinn-jé a pa ta ouè?
${ }^{10}$ Eské sila a ki konn korijé nasion yo pa ta puni moun,
Li-minm ki bay lòm intélijans?
${ }^{11}$ Létènèl konnin pansé lòm,
Li konnin ké yo pa vo angnin.
${ }^{12}$ Byinn-éré nonm nan ké ou korijé, o Etènèl!
É ké ou instrui avèk la loua ou,
${ }^{13}$ Pou ou kapab kalmé léspri-l nan jou malè rivé-l,
Jouk tan yo fi-n fouyé trou méchan an!
${ }^{14}$ Paské Létènèl pa konn lagé pèp li a-la-dériv,
Li pa konn abandonnin éritaj li;
${ }^{15} \mathrm{Ka}$ jujman an va konfòm a la justis,
É tou sa yo ki gin kè douat va tonbé dakò avè-l.
${ }^{16} \mathrm{Ki}$ lès ki va lévé kont méchan yo pou mouin?
Ki lès ki va soutni-m kont sa yo ki fè lé mal?
${ }^{17}$ Si sé pat Létènèl ki té sékou mouin,
Nanm mouin ta nan péi silans byin vit.
${ }^{18}$ Lè mouin di: Mouin fè gnou bitad!
Bonté ou, o Étènèl! sèvi-m apui.
${ }^{19}$ Lè gnou kantité pansé fi-n plin-m avèk tètchajé nèt,
Konsolasion ou yo fè nanm mouin réjoui.
${ }^{20}$ Èské méchan yo ta mandé ou pou pran kòmann sou tròn yo,
Yo minm ki pran prétèks la loua pou yo fè plan krim?
${ }^{21}$ Yo monté konplo ansanm kont la vi jus la,
É yo kondané san inosan an.
${ }^{22}$ Min Létènèl sé fò solid mouin,
Bon-Dieu mouin an sé roché réfuj mouin.
${ }^{23} \mathrm{Li}$ va fè krim yo rébondi tonbé sou yo,
Li va fè yo tounin angnin avèk pròp méchansté yo,
Létènèl, Bon-Dieu nou an, va fè yo tounin angnin.

Gnou kantik louanj avèk adorasion
05 Vini, annou chanté avèk kontantman bay Létènèl!
Annou pousé dé kri la joua pou sila a ki roché salu nou.
${ }^{2}$ Ann-al dévan li avèk louanj, Annou fè kantik rézonnin an lonnè li!
${ }^{3}$ Ka Létènèl sé gnou gran Bon-Dieu,
Li sé gnou gran roua ki gin kontrol sou tout dieu yo.
${ }^{4} \mathrm{Li}$ kinbé gran fondè la tè yo nan pla-min li,
É krik-tèt mòn yo sé pou li.
${ }^{5}$ La mè rélé-l sé pa-l, sé liminm ki té fè-l;
La tè tou, sé min li ki té fòmé-l.
6 Vini, annou prostènin, annou fè la tèt-ba;
Annou mét a-jénou dévan Létènèl, kréyatè nou!
${ }^{7} \mathrm{Ka}$ li sé Bon-Dieu nou,
É nou sé pèp nan paturay li,
Troupo a ké min li ap kondui . . .
O! si ou té kapab fè voua li ka jodi a! -
${ }^{8}$ Pi-nga fè kè ou du, kòm a Mériba,
Kòm nan la jounin Masa a, nan dézè $a$,
${ }^{9}$ Koté gran-paran ou yo té tanté mouin;
Yo té mété-m a-léprèv, malgré yo té ouè travay mouin yo.
${ }^{10}$ Pandan karant-an mouin té gin ras sa andégoutans,
E mouin té di: Kè pèp sa a pèdu chémin;

Yo pa konn chémin mouin yo.
${ }^{11}$ Sé pou sa, nan kòlè-m mouin té sèmanté:
Yo p-ap rantré nan répo mouin!

## Gnou kantik louanj

96 Chanté gnou kantik tou-frèch bay Létènèl!
Chanté bay Létènèl, tout nan pami ou, abitan la tè!
${ }^{2}$ Chanté pou Létènèl, béni non li,
Anonsé salu li tou lé jou!
${ }^{3}$ Rakonté la gloua li pami nasion yo,
É mèvèy li yo pami tout pèp yo!
${ }^{4} \mathrm{Ka}$ Létènèl gran é li mérité pou yo louanjé-l.
Li fè moun soti krinn li anpil plus pasé tout dieu yo;
${ }^{5} \mathrm{Ka}$ tout dieu pèp yo sé zidòl yo yé,
Min Létènèl té fè sièl yo.
${ }^{6}$ Gran klaté avèk gran bèlté la dévan li,
La gloua avèk la grandè la nan lié sin li a.
${ }^{7}$ Fanmi pèp yo, rann bay Létènè̀l,
Rann la gloua é lonnè bay Létènèl!
${ }^{8}$ Rann Létènèl la gloua non li!
Poté ofrann, é antré nan la sal lakay li yo!
${ }^{9}$ Prostènin dévan Létènèl avèk ónéman sakré.
Tranblé dévan li, tout nan pami ou, abitan la tè!
${ }^{10} \mathrm{Di}$ pami nasion yo: Létènèl ap régné;
Pou-tèt sa lé monn fèm, li p-ap pati pa-la-kilbit;
Létènèl jujé pèp yo avèk la douati.
${ }^{11}$ Sé pou sièl la réjoui é sé pou la tè nan la kontantman,
Sé pou la mè avèk tou sa ki ladann pran rézonnin,
${ }^{12}$ Sé pou kanpagn la avèk tou sa ki ladann vi-n gé,
Sé pou tout pié boua nan rak yo pousé dé kri la joua,
${ }^{13}$ Dévan Létènèl! Paské l-ap vi-ni,
Paské l-ap vini pou jujé la tè;
Li va jujé lé monn avèk justis,
É pèp yo avèk fidélité li.
Étandi gouvènman Létènèl avèk puisans li
97
Létènèl ap régné: sé pou la tè nan la kontantman,
Sé pou tout kantité zilé yo pran réjoui!
${ }^{2}$ Nuay yo avèk fè-noua anvironnin li,
La justis avèk la douati fòmé fondasion tròn li.
${ }^{3}$ Du-fé maché dévan li,
É li konsonmin advèsè̇-l yo tout-otou li.
${ }^{4}$ Kout-zèklè li yo kléré lé monn nèt,
La tè ouè sa épi li tranblé;
${ }^{5}$ Mòn yo fonn dévan Létènèl tankou la-si,
Oui, dévan Ségnè tout la tè a .
${ }^{6}$ Sièl yo publié justis li, É tout pèp yo ouè la gloua li.
${ }^{7}$ Yo rété tou-ront, tou sa yo k-ap adoré imaj,
K-ap pran zidòl sèvi la gloua yo.
Tout dieu yo prostènin dévan li.
${ }^{8}$ Sion tandé sa é li pran réjoui,
Fi Juda yo nan la kontantman,
A-kòz jujman ou yo, o Etènè!
${ }^{9}$ Paské ou-minm, Etènèl! ou sé lé Trè Ro sou tout la tè,
Ou okupé gnou plas jouk anlè pou kont ou, anro tout lòt dieu yo.
${ }^{10} \mathrm{Ou}$-minm ki rinmin Létènèl, rayi lé mal!
Li pran souin nanm fidè li yo,
Li délivré yo anba min méchan yo.
${ }^{11}$ Bon-Dieu simin la lumiè pou jus la,
É la joua pou sa yo ki gin kè douat.
12 Jus, réjoui nan Létènèl,
E proklamé sintété li pa mouayin louainj ou yo!
Louanj pou-Iet justis Bon-Dieu
98
Sòm.
Chanté gnou kantik toufrèch pou Létènèl!
Paské li fè dé bagay éstraòdinè.
Min douat li é ponyèt li ki sin té vi-n poté-l sékou.
${ }^{2}$ Létènèl té manifésté salu li,
Li té fè justis li parèt a-klè
dévan grinn-jé nasion yo. ${ }^{3} \mathrm{Li}$ té sonjé bonté li avèk fidélité li pou kay Izraèl la,
Tout dènié bout la tè yo gin tan ouè salu BonDieu nou an.
${ }^{4}$ Pousé kri la joua,
Tout nan pami ou, abitan la tè!
Fè kontantman ou éklaté, é chanté!
${ }^{5}$ Chanté pou Létènèl avèk hap la;
Chanté kantik avèk hap la!
${ }^{6}$ Avèk tronpèt yo é o son kòr, Pousé kri la joua dévan roua a, Létènèl!
${ }^{7}$ Sé poúla mè avèk tou sa ki ladann mété yo a fè brui, Sé pou lé monn avèk tou sa yo ki abité ladann éklaté avèk kontantman.
${ }^{*}$ Sé pou flèv yo pran bat min,
Sé pou tout mòn yo pousé kri la joua,
${ }^{9}$ Dévan Létènèl! Paské l-ap vini pou jujé la tè;
Li va jujé lé monn avèk justis
E pèp yo avèk la douati.
Fidélité Létènèl pou Izraèl
90 Létènèl ap régné: pèp yo ap tranblé,
Li chita sou chérubin yo: la tè pati pa-la-kilbit.
${ }^{2}$ Létènèl gran nan Sion,
Li anlè nèt pi ro pasé tout pèp yo.
${ }^{3}$ Sé pou yo proklamé louanj non ou,
Non ou gran é li mérité pou moun soti krinn li!
Li $\sin$ !
${ }^{4}$ Sé pou yo proklamé fòs
roua a ki rinmin la justis la!
Ou fè la douati vi-n fèm,
Ou pratiké la justis avèk égalité nan Jakòb.
${ }^{5}$ Louanjé Létènèl, Bon-Dieu nou, san rézèv,
E prostènin dévan machpié li!
Li sin!
${ }^{6}$ Nan pami prèt li yo, Moiz avèk Aaron,
É pami sa yo ki té invoké non li, gin Samuèl,
Yo té invoké Létènèl, é li té réponn la priè yo.
${ }^{7}$ Li té palé avèk yo nan pilié ki fèt ak nuay la;
Yo té obsèvé kòmandman li yo
É la loua li té ba yo a.
8 Étènèl, Bon-Dieu nou, ou té réponn la priè yo,
Ou té gnou Bon-Dieu padon pou yo,
Min ou té puni yo pou fót yo té fè.
${ }^{9}$ Louanjé Létènèl, Bon-Dieu noú, san rézèv,
E prostènin ou sou mòn $\sin$ li a!
Ka Létènèl, Bon-Dieu nou an, sin!
Gnou égzotasion pou bay rémèsiman
100 Sòm louanj.
Pousé kri la joua bay Létènèl,
Tout nan pami ou, abitan la tè!
${ }^{2}$ Sèvi Létènèl avèk joua,
Vini nan prézans li avèk kontantman!
${ }^{3}$ Konnin ké Létènèl sé BonDieu!

Sé li-minm ki té fè nou, é nou rélé-l sé pa-l;
Nou sé pèp li é troupo paturay li.
${ }^{\text {* }}$ Mété pié ou nan pa-pòt li yo avèk louanj,
Antré nan la sal lakay li yo avèk kantik!
Proklamé louanj li, béni non li!
${ }^{5}$ Paské Létènèl bon; bonté li duré tout tan,
E fidélité li dé jénérasion an jénérasion.

Kontra gnou moun fè pou li viv san kròchèt
101 Sòm David.
M-a chanté la bonté avèk la justis;
Sé ba ou, Etènèl, m-a chante!
${ }^{2}$ M-a pran souin pou-m maché nan chémin douat la.
Ki lè ou va vi-n jouinn mouin? -
Mouin va maché nan mitan kay mouin,
San okinn kròchèt nan kè-m.
${ }^{3}$ Mouin p-ap mét okinn mové bagay dévan jé-m;
Mouin rayi konduit péchè yo;
Li pa gin doua kolé sou mouin.
${ }^{4}$ Kè ki pèvèti a va alé louin mouin;
Mouin pa vlé konnin méchan an.
${ }^{5}$ Sila a ki palé prochin li mal an-sékrè, m-a fè-l tounin angnin.
Sila a ki gran nèg nan pròp
jé-l é k-ap fè gro-kòlèt, mouin p-ap supòté-l.
${ }^{6} \mathbf{M}$-a kolé jé-m sou fidèl yo ki nan péi a,
Pou yo kab déméré bò koté-m;
Sila a ki maché nan gnou chémin san kròchèt va sèvitè mouin.
${ }^{7}$ Sila a ki lagé kò-l nan fròd p-ap abité lakay mouin;
Sila a k-ap fè manti p-ap egzisté nan prézans mouin.
${ }^{8}$ Chak matin m-a fini avèk tout méchan yo ki nan péi $a$,
Pou tou sa yo k-ap konmèt inikité
Kapab fi-n dérasinin nèt nan la vil Létènèl la.

Gnou kri la détrès
102
La priè gnou maléré, lè li fi-n pèdu tout fòs li é ké li blayi plint li dévan Létènèl.
${ }^{2}$ Étènèl kouté la priè-m,
É sé pou rèl mouin monté rivé jouk koté ou!
${ }^{3}$ Pi-nga kaché fas ou pou mouin nan jou détrès mouin!
Proché zòrèy ou bò koté-m lè mouin rélé!
Présé réponn la priè-m!
${ }^{4}$ Paské jou mouin yo disparèt tounin la-fumin,
É zo-m yo an-flanm tankou si gnou brajé-du-fé té pran ladan yo.
${ }^{5}$ Kè-m anba kou é l-ap fi-n séché tankou zèb;
Mouin blié manjé ata pin mouin an.
${ }^{6}$ Otan mouin fè kout-plinn, Zo mouin yo fi-n fè gnou sèl ak po-m.
${ }^{7}$ Mouin sanblé gnou krabié ki nan dézè,
Mouin tankou gnou koukou ki rété nan déboulay vié kay.
${ }^{8}$ Mouin pa gin sonmèy ankò, é mouin
Tankou gnou zouazo pou kont li sou do gnou kay.
${ }^{9}$ Tou lé jou lénmi mouin yo ap véksé-m,
É lè advèsè-m yo nan furè yo, yo pran non-m sèvi jouman.
${ }^{10}$ Mouin manjé pousiè nan plas pin,
É dlo nan jé-m fè gnou sèl avèk sa mouin bouè,
${ }^{11}$ A-kòz kòlè ou avèk furè ou;
Ka ou té ranmasé-m voyé jété jouk laba.
12 Jou mouin yo tankou gnou lonbray k-ap défini,
É m-ap séché tankou zèb.
${ }^{13}$ Min ou-minm, Étènèl! ouap régné pou tout tan,
É yo va sonjé ou dé jénérasion an jénérasion.
${ }^{14} \mathrm{Ou}$ va lévé, ou va gin pitié pou Sion;
Paské dat ou té fiksé pou pou ou gin pitié pou li a
Fi-n rivé sou bout li;
${ }^{15} \mathrm{Ka}$ sèvitè ou yo rinmin ròch Sion yo,
Yo rinmin pousiè li ak tout kè yo.
${ }^{16}$ Alò nasion yo va krinn non Létènèl la,
E tout roua la tè yo va krinn la gloua ou,
${ }^{17}$ Lè Létènèl va rébati Sion, É ké li va parèt nan la gloua li.
${ }^{18} \mathrm{Li}$ pran ka la priè mizérab la tou suit,
Li pa pasé la priè-l anmépri.
${ }^{19}$ Sé pou yo ékri sa pou jénérasion $k$-ap vini an,
É sé pou pèp ké li va kréyé a proklamé louanj Létènèl!
${ }^{20} \mathrm{Ka}$ dépi jouk anlè nan lié sin li a, li gadé;
Dépi anlè nan sièl yo Létènèl gadé sou la tè,
${ }^{21}$ Pou li kab kouté ki jan prizonnié yo ap plinn,
Pou li kab délivré sa yo ki pral péri,
${ }^{22}$ Pou yo publié non Létènèl nan Sion,
É louanj li yo nan Jéruzalèm,
${ }^{23}$ Lè tout pèp yo avèk tout rouayom yo
Va rasanblé pou sèvi Létènèl.
${ }^{24} \mathrm{Li}$ brizé fòs mouin étan-m nan rout,
Li koupé sou jou-m yo.
${ }^{25}$ Mouin di: Bon-Dieu mouin, pa koupé-m nan mitan jou mouin yo,
Ou-minm ki gin lané pou duré ou pou toujou!
${ }^{26}$ Nan tan ansyin ou té fondé la tè,
É sièl yo sé travay min ou.
${ }^{27}$ Yo va péri, min ou-minm, ou duré;
Yo va tout uzé tankou gnou rad;
Ou va chanjé yo tankou yo chanjé rad, é yo va chanjé.
${ }^{28}$ Min ou-minm, ou rété minm jan,
É lané ou yo p-ap janm fini.
${ }^{29}$ Pitit sèvitè ou yo va abité nan péi yo,
É désandans yo va fèm dévan ou.

Louanj pou-tè byinfè Lêtênèl yo
103 Sòm David.
Nanm mouin, béni Létènèl!
Ké tout bagay ki nan mouin béni non li ki sin!
${ }^{2}$ Nanm mouin béni Létènèl,
É pa blié okinn nan byinfè li yo!
${ }^{3}$ Sé li ki padonnin tout inikité ou,
Ki géri tout maladi ou;
${ }^{4}$ Sé li ki délivré la vi ou nan trou tonm,
Ki kouronnin ou ak bonté épi mizérikòd;
${ }^{5}$ Sé li ki rasazié viéyès ou ak byin,
E ki fè ou rajéni tankou lèg.
${ }_{6}^{6}$ Létènèl rann justis an favè tout moun k-ap subi injustis,
Li ba yo doua yo.
7 Li dévoualé prinsip li bay Moiz,
Épi zèv li bay pitit Izraèl yo.
8 Létènèl gin mizérikód ak konpasion,
Li pa an kòlè vit é li rich an bonté.
${ }^{9} \mathrm{Li}$ pa fè régléman san rété,
Li pa kinbé kollè li nèt alé;
${ }^{10} \mathrm{Li}$ pa trété nou sélon péché nou,
Li pa puni nou sélon inikité nou.
${ }^{11}$ Min, jan sièl la ro anlè la tè, Sé konsa bonté Létènèl gran pou moun ki krinn ni;
${ }^{12}$ Minm jan lévan louin ak kouchan,
Sé konsa lỉ fè dézobéisans nou yo alé louin nou.
${ }^{13}$ Jan gnou papa gin kè fèb ak konpasion pou pitit li,
Konsa Létènèl gin konpasion pou moun ki krinn ni,
${ }^{14}$ Paské li konnin ak ki sa nou fèt,
Li sonjé ké sé pousiè nou yé.
${ }^{15}$ Lòm minm, jou nan la vi li tankou zèb,
Li fléri tankou flè ki nan jadin.
${ }^{16}$ Kou van pasé sou flè a , li pa la ankò,
Koté-l té yé a pa rékonnèt li ankò.
${ }^{17}$ Min bontéLétènèl duré tout tan pou moun ki krinn ni,
Ak mizérikòd li pou pitit pitit yo.
${ }^{18}$ Pou, moun ki rété nan alians li,
E ki sonjé kòmandman li pou suiv yo.
${ }^{19}$ Létènèl établi tròn li nan sièl la,
E tout bagay soumèt anba règn li.
${ }^{20}$ Béni Létènèl, nou zanj li yo,
Ki gin puisans ak fös, $\mathbf{k}$-ap ékzékuté lod li yo,
Ek-ap obéi voua li!
${ }^{21}$ Béni Létènèl, nou tout lamé li yo,
Ki sé sèvitè li é k-ap fè volonté-1!
${ }^{22}$ Béni Létènèl, nou tout zèv li yo, tout koté li komandé!
Nanm mouin, béni Létènèl!

## Kòman Bon-Dieu pran souin kréasion li

104Nanm mouin, béni Létènèl!
Etènèl, Bon-Dieu mouin, ou gran nèt san mézuré! Ou abiyé avèk gran klaté ć avèk grandè!
${ }^{2}$ Li vlopé kò li avèk lumiè kòm si diré sé té gnou varèz;
Li étann sièl yo kòm si diré sé gnou tant.
${ }^{3} \mathrm{Li}$ pran dlo yo sèvi fétay kay li;
Li fè nuay yo sèvi cha li,
L-ap avansé sou zèl van yo.
${ }^{4} \mathrm{Li}$ fè van poté mésaj pouli,
Li fè flanm du-fé yo tounin sèvitè li.
${ }^{5} \mathrm{Li}$ plasé la tè fondasion li,
Li p-ap janm brannin.
${ }^{6} \mathrm{Ou}$ té kouvri-l avèk trou moun pa: kab mézuré a kòm sí diré sé té avèk gnou rad,
Dlo yo té rété sou mòn yo;
${ }^{7}$ Gnou sèl minnas ou fè yo pran kouri san gad dèyè. Yo annik tandé loray ou grondé épi yo pati pa-tèt.
${ }^{8}$ Mòn pran monté, é valé pran désann
Nan plas ou té fiksé pou yo.
${ }^{9}$ Ou té mété gnou limit ké yo pa pinmèt yo travèsé,
Pou yo pa tounin vi-n kouvri la tè ankó.
${ }^{10} \mathrm{Li}$ dirijé sous dlo yo nan dé ravi-n,

Ki koulé nan mitan mòn yo.
${ }^{11}$ Yo sèvi bouason pou tout bèt-savann yo;
Bourik-maron vi-n koupé souaf yo ladann.
${ }^{12}$ Zouazo nan lè a abité a-rébò yo,
Yo fè voua yo rézonnin nan féyay boua yo.
${ }^{13}$ Étan-l anlè nan kay byin ro li a, li rouzé mòn yo;
La tè plin ra-kòlèt avèk frui travay ou yo.
${ }^{14} \mathrm{Li}$ fè zèb la jèmin pou bèt paturay yo,
É plant yo pou bézouinlòm,
Pou la tè kab produi la nouritu,
${ }^{15}$ Du-vin ki fè kè lòm kontan,
E ki fè figu lòm kléré plus pasé luil,
Avèk pin ki soutni kè lòm.
${ }^{16}$ Pié-boua Létènèl yo plin grès,
Pié-sèd yo li té planté nan Liban an.
${ }^{17}$ Sé la zouazo yo fè nich yo; Kouak la fè démè-l nan sipréa yo,
${ }^{18}$ Mòn a-pik yo sé pou kabrit-maron yo,
E trou-ròch yo sèvi kachkach pou daman ${ }^{b}$ yo.
${ }^{19}$ Li té fè la lun pou-1 réglé tan;
Solèy la konnin ki lè pou-l kouché.
${ }^{20} \mathrm{Ou}$ minnin ténèb yo vini, épi li fè la nuit:
Alò tout bèt nan rak yo mété yo an-brann;

[^51]${ }^{21}$ Jinn lion yo grondé, y-ap chaché viann pa yo,
E yo mandé Bon-Dieu pou li ba yo manjé.
${ }^{22}$ Solèy lévé: yo ouété kò yo, É y-al kouché nan trou yo.
${ }^{23}$ Épi lòm soti pou-l alé nan métié-l,
É nan travay li jouk a-souè.
${ }^{24} \mathrm{O}$ Étènèl, ala anpil travay ou yo anpil!
Ou té fè yo tout avèk sajès.
La tè plin avèk byin ou yo.
${ }^{25}$ Gadé gro la mè a ki pa gnou ti jouèt:
La gin gnou kantité bèt;
Piti kóm gro k-ap viré kò yo.
${ }^{26}$ Gro bato yo prominnin sou li,
É gro léviatanc sa a rété la, sila ou té fè pou-l joué nan lanm li yo.
${ }^{27}$ Tout bèt sa yo mét éspoua yo sou ou,
Pou ou ba yo la nouritu a-lè-kil-fo.
${ }^{28}$ Ou ba yo-lépi yo ranmasé-l;
Ou ouvri min ou é ou plin vant yo avèk bon bagay.
${ }^{28}$ Ou kaché fas ou: yo pran tranblé;
Ou koupé souf yo: yo tonbé a-tè frèt,
E yo rétounin nan pousiè yo.
${ }^{30} \mathrm{Ou}$ voyé souf ou: yo kréyé,
E ou fè figu tè a vi-n tou nèf ankò.
${ }^{31}$ Sé pou la gloua Létènèl rété intak pou toujou!
Sé pou Létènèl réjoui nan travay li yo!
${ }^{32} \mathrm{Li}$ annik gadé la tè é-l pran tranblé;
Li annik touché mòn yo, é yo pran la-fumin.
${ }^{33} \mathbf{M}$-a chanté a-léga Létènèl tout tan m-ap viv;
M-a louanjé non Bon-Dieu-m tout tan mouin ann-égzistans.
${ }^{34}$ Sé pou parol mouin yo agréab dévan li!
Mouin vlé réjoui nan li.
${ }^{35}$ Sé pou péché yo disparèt sou la tè,
É sé pou méchan yo défini nèt!
Nanm mouin, béni Létènèl!
Bay Létènèl louanj!
Létènèl fè bagay éstraòdinè an-favè Izraèl
105 Bay Létènèl louanj, invoké non li!
Fè konnin pami pèp yo gran bagay li fè yo!
${ }^{2}$ Chanté, oui chanté a-lonnè li!
Rakonté tout mèvèy li yo!
${ }^{3}$ Glorifié ou nan non li ki sin! Sé pou kè sa yo k-ap chaché Létènèl réjoui!
${ }^{4}$ Chaché résous ou nan Létènèl é nan apui li, Chaché fas li tout tan!
${ }^{5}$ Sonjé dé bagay éstraòdinè li té fè,
Mirak li yo.é jujman yo ki té soti nan bouch li,
${ }^{6}$ Désandans Abraam, sèvitè li,
Pitit Jakòb yo, sa li té chouazi yo!
${ }^{7}$ Létènèl sé Bon-Dieu nou;

[^52]Jujman li yo pasé sou tout la tè.
${ }^{8}$ Li sonjé kontra li pou toujou,
É promès li yo pou mil jénérasion,
${ }^{9}$ Oui, kontra li té pasé avèk Abraam nan,
É sèman li té fè bay Izaak la;
${ }^{10} \mathrm{Li}$ té ranjé-l an fòm gnou loua bay Jakòb,
É li té bay Izraèl li an fòm gnoukontra pou tout tan,
${ }^{11} \mathrm{Li}$ té di: M-a ba ou péi Kanaan an
Kòm éritaj ki tonbé pou ou.
${ }^{12}$ Lè sa a yo pat anpil,
Yo té sèlman gnou pongnin é étranjé nan péi a,
${ }^{13}$ Yo t-ap alé dé nasion an nasion,
Dé gnou rouayòm a gnou lòt pèp;
${ }^{14}$ Min li pat pinmèt pésonn pézé yo,
E li té chatié pluziè roua a-kòz yo:
${ }^{15}$ Pi-nga ou touché sila mouin sakré yo,
E pi-nga fè profèt mouin yo mal!
${ }^{16}$ Épi li té rélé gnou grangou vi-n sou péi a,
Li té koupé tout ti mouayin résous yo.
${ }^{17} \mathrm{Li}$ té voyé gnou nonm dévan yo:
Yo té vann Jozèf kòm ésklav.
18 Yo té mété-l nan ba,
É fè yo pat manké pézé-l,
19 Jouk lè sa li té anonsé a té rivé,
É ké paròl Létènèl té prouvé-l.
${ }^{20}$ Roua a té fè yo ouété chinn li yo,
Sila a k-ap gouvènin pèp yo té délivré-l.
${ }^{21}$ Li té établi-l chèf sou kay li,
É gouvènè sou tout byin li yo,
${ }^{22}$ Pou li té kab anchinnin prins li yo ninpòt ki jan li vlé,
E pou li té kab anségné ansyin li yo la sajès.
${ }^{23}$ Alò, Izraèl té vi-n ann-Éjip,
E Jakòb té pasé kèk tan nan péi Kam.
${ }^{24} \mathrm{Li}$ té fè pèp li a produi anpil anpil,
É li té fè-l pi puisan pasé advèsè-l yo.
${ }^{25} \mathrm{Li}$ té chanjé kè yo, jouk tan yo té vi-n rayi pèp li a
É ké yo té trété sèvitè-l yo avèk tronpri an-tikoulout.
${ }^{26} \mathrm{Li}$ té voyé Moiz, sèvitè li, Épi Aaron, kélitéchouazia.
${ }^{27}$ Avèk pouvoua li, yo té akonpli bagay éstraòdinè nan mitan yo,
Yo té fè mirak nan péi Kam nan.
${ }^{28} \mathrm{Li}$ té voyé ténèb é fè-noua tonbé,
É yo pat fè rébèl kont paròl li a.
${ }^{29} \mathrm{Li}$ té fè dlo yo tounin san,
Éli té fè pouason yo péri.
${ }^{30}$ Grénouy té fè pay nan péi a, Jouk nan tout chanm roua yo.
${ }^{31} \mathrm{Li}$ annik palé, épi mouch-a-pouazon yo té parèt,
Pou kouvri tout tè yo a.
${ }^{32}$ O lié la pli, li té ba yo la grèl,
Dé flanm du-fé nan péi yo $a$.
${ }^{33} \mathrm{Li}$ té frapé jadin-rézin yo é pié-fig yo,
Éli té lagé pié boua yo ki té nan réjion yo a a-tè.
${ }^{34} \mathrm{Li}$ annik palé, é sòtrèl ${ }^{a}$ yo té parèt,
Krikèt té vidé an-kantité;
${ }^{35}$ Yo té dévoré tout zèb nan péi a,
Yo té gaspiyé tout frui nan jadin yo.
${ }^{36} \mathrm{Li}$ té frapé tout prémié-né nan péi yo a,
Tout prémié-grès fòs yo.
${ }^{37}$ Li té fè pèp li soti avèk lajan épi lò,
E pa minm gnou sèl nan pami tribu li yo pat fè gnou bitad.
${ }^{38}$ Éjipsyin yo té an-réjouisans lè yo té pati,

Paské yo té vi-n pè yo ròd-mézu.
${ }^{39} \mathrm{Li}$ té étann nuay la pou kouvri yo,
É du-fé a pou kléré yo la nuit.
${ }^{40}$ Yo té mandé, é li fè kay ${ }^{\text {b }}$ vini,
É li té plin vant yo avèk pin sièl la.
${ }^{41}$ Li té louvri roché a, é dlo té pran koulé;
Yo té jayi tankou gnou flèv nan savann sèk.
${ }^{42}$ Paské li té sonjé paròl li ki sin,
E Abraam, sèvitè li.
${ }^{43}$ Li té fè pèp li a soti nan la kontantman,
E sa li té chouazi yo nan mitan kout-kri la joua.
${ }^{44} \mathrm{Li}$ té ba yo tè nasion yo,
a 105:34 Sòtrèl: Sé gnou klas krikèt vèt ki konn tonbé nan jadin. Li gin ti non, choual Bon-Dieu.
${ }^{\text {b }}$ 105:40 Kay: Zouazo yo rélé "kay" la.


Gnou pié-fig

E yo té posédé frui travay pèp yo,
${ }^{45}$ Pou yo té kab kinbé lòd li yo,
É pou yo té kab obsèvé loua li yo.

Bay Létènèl louanj!

## Rébélion Izraèl

106
Bay Létènèl louanj!
Bay Létènèl louanj, paské li bon,
Paské mizérikòd li duré pou toujou!
${ }^{2}$ Ki lès ki kab di gran bagay Létènèl fè yo?
Ki lès ki va publié tout louanj li?
${ }^{3}$ Byinn-éré sa yo kap obsèvé la loua,
K-ap pratiké la justis nan ninpòt ki okazion!
${ }^{4}$ Étènèl, nan byinvéyans ou pou pèp ou, sonjé-m non!
Montré ké ou sonjé-m é poté sékou ou bay pèp la,
${ }^{5}$ Pou-m kab ouè byinn-èt sa ou té chouazi yo,
Pou-m kab réjoui nan la joua pèp ou,
Épou-m kabjouinnla gloua mouin avèk éritaj ou a.
${ }^{6}$ Nou té fè péché tankou gran-paran nou yo,
Nou té konmèt inikité, nou té fè sa ki mal.
${ }^{7}$ Gran-paran nou yo annEjip pat pran ka mirak ou yo,
Yo pat sonjé gran kantité la gras ou yo,
Yo té pran fè rébèl bò kot la mè a, bò kot la mè Rouj la.
${ }^{8}$ Min li té sové yo pou-tèt non li,
Pou li té kab manifésté puisans li.
${ }^{9}$ Li té minnasé la mè Rouj, é li té séché;
Li té fè yo maché travèsé trou moun pa kab mézuré yo kòm si diré sé té nan gnou dézè.
${ }^{10} \mathrm{Li}$ té sové yo anba min sila a ki té rai yo,
Li té délivré yo anba min lénmi an.
${ }^{11}$ Dlo yo té kourri advèsè yo: Pa gnou sèl pat chapé.
${ }^{12}$ Alo, yo té kouè paròl li yo, Yo té chanté louanj li yo.
${ }^{13}$ Min tou suit yo té blié travay li yo,
Yo pat tann pou ouè ki jan plan li yo t-ap déroulé.
14 Yo té kité konvouatiz pran pié sou yo nan dézè $a$,
É yo té tanté Bon-Dieu nan koté moun pat rété a.
${ }^{15}$ Li té ba yo sa yo té mandé a;
Épi li té voyé la mègrè nan kò yo.
${ }^{16}$ Nan kan an, yo té montré ké yo té jalou kont Moiz,
Ékont Aaron, sinLétènèl la.
${ }^{17}$ La tèlouvrié-l té valéDatan,
Éli té fèmin ankò sou bann ki té fè pati Abiram nan;
${ }^{18}$ Du-fé té boukannin bann yo a,
Flanm nan té konsonmin méchan yo.
${ }^{19}$ Yo té fè gnou ti bèf lè yo té Orèb,
Yo té prostènin dévan gnou imaj yo té fonn pou yo fè-l,
${ }^{20}$ Yo té chanjé la gloua yo

Pou figu gnou bèf ki manjé zèb.
${ }^{21}$ Yo té blié Bon-Dieu, sovè yo a,
Ki té fè gran bagay annEjip,
${ }^{22}$ Mirak nan péi Kam nan,
Bagay éstraòdinè sou la mè Rouj la.
${ }^{23}$ E li té palé a-léga pou li disparèt yo nèt;
Min Moiz, sila li té chouazi a, té kanpé nan brèch la dévan li,
Pou-l détounin furè li é pou-l anpéché li pou li pa détrui yo.
${ }^{24}$ Yo té méprizé péi bon bagay yo;
Yo pat kouè paròl Létènèl la.
${ }^{25}$ Yo té bougonnin nan tant yo;
Yo pat obéi voua Létènèl du-tou.
${ }^{26}$ Alò li té lévé min li pou li sèmanté
Ké li pral fè yo tonbé nan dézè a ,
${ }^{27}$ Ké li pral fè désandans yo tonbé pami nasion yo,
É kéli pral lagé yo a-douat a-gòch nan tout péi yo.
${ }^{28}$ Yo té kolé sou Baal-Péòr, E yo té manjé nan bèt yo té sakrifié bay mò yo.
${ }^{29}$ Yo té fè Létènèl faché ròdmézu avèk zak yo,
E gnou dézas té tonbé sou yo.
${ }^{30}$ Alò Finé té lévé pou li mét lòd,
É dézas la té rété;
${ }^{31}$ Sa tékonté kòmjustis pouli, Dé jénérasion an jénérasion pou toujou.

32 Yo té fè Létènèl faché ròdmézu tou pré dlo Mériba yo;
E Moiz té soufri a-kòz yo,
${ }^{33}$ Paské yo té fè-l makaron nan léspri-1,
E li té kité kèk mo ki pa douat-èt soti nan pobouch li.
${ }^{34}$ Yo pat détrui pèp yo
Ké Létènèl té ba yo lòd pou yo détrui.
${ }^{35}$ Yo té mélanjé avèk nasion yo
E yo té aprann zak yo.
${ }^{36}$ Yo té sèvi zidòl yo,
Ki té gnou pièj pou yo;
${ }^{37}$ Yo té sakrifié pròp pitit gason yo
Avèk pitit fi yo bay zidol, ${ }^{38}$ Yo té fè san inosan koulé, San pròp pitit gason yo avèk pitit fiyo,
Ké yo té sakrifié bay zidòl Kanaan yo,
E péi a té fi-n sal avèk ansasinay yo.
${ }^{39}$ Yo té basinin kò yo nan salté, pa mouayin zak yo,
Yo té viv nan prostitusion, pa mouayin zaksion yo.
${ }^{40}$ Kòlè Létènèl té lumin kont pèp li,
E li té gin dégoutans pou éritaj li a.
${ }^{41}$ Li té lagé yo nan min nasion yo;
Sa yo ki té rai yo té gouvènin yo a-douat a-goch;
${ }^{42}$ Lénmi yo té pézé yo,
É yo té plié anba puisans yo.
${ }^{43}$ Li té délivré yo pluziè foua, Min yo té montré ké yo rébèl, pa mouayin plan yo,
E yo té dévni maléré a-kòz pròp inikité yo.
${ }^{44} \mathrm{Li}$ té ouè détrès yo,
Lè li té tandé kri yo.
${ }^{45}$ Li té sonje kontra li anfavè yo;
Li té gin pitié pou yo sélon gran bonté li,
${ }^{46}$ É li té fè kè-touché pran
Tou sa yo ki té kinbé yo prizonnié.
${ }^{47}$ Sové nou, Étènèl, BonDieu nou!
É rasanblé nou soti nan pami nasion yo,
Pou nou kab proklamé louanj sin non ou,
É pou nou kab mété la gloua nou pou ba ou louanj!
${ }^{48}$ Bén Létènel, Bon-Dieu Izraèl la, dépi tout tan é pou tout tan!
E SÉ POU TOUT PĖP LA DI: Amen!
Bay Létèneil louanj!

## SINKIÈM LIV

Léênèl konn délioré moun anba traka

107Bay Létènèl louanj, paské li bon,
Paské mizérikòd li duré pou toujou!
${ }^{2}$ Sé pou moun Létènèl rachté yo palé konsa,
Sa yo li té délivré anba min lénmi an,
${ }^{3}$ E ké li té rasanblé soti nan tout péi yo,
Soti lès é soti louès, soti nan nò é soti nan sud!
${ }^{4}$ Yo t-ap monté désann san bézouin nan déżè a, yo t-ap maché nan koté moun pat rêté a,

San yo pat kab jouinn gnou vil pou yo rété.
${ }^{5}$ Yo té soufri grangou avèk souaf;
Nanm yo t-ap défini pè-a-pé.
${ }^{6}$ Nan détrès yo yo té krié nan pié Létènèl,
É li té délivré yo nan tètchajé yo;
${ }^{7}$ Li té kondui yo nan chémin douat la
Pou yo té kab rivé nan gnou vil abitab.
${ }^{8}$ Sé pou yo bay Létènèl louanj pou bonté li,
E pou mévè li yo an-favè mésiéz-é-dam yo!
${ }^{9}$ Paské li té satisfé nanm ki t-ap mouri souaf la,
E li té vidé gnou kantité byin sou nanm ki t-ap mouri grangou a.
${ }^{10} \mathrm{Sa}$ yo ki té abité nan ténèb yo é nan lonbray la mò
T-ap viv an-kapti nan mizè é nan chinn,
${ }^{11}$ Paské yo té révòlté kont parol Bon-Dieu yo,
Paské yo té méprizé konsèy Trè-Ro a.
${ }^{12} \mathrm{Li}$ té umilié kè yo pa la soufrans;
Yo té pèdu kouray é pésonn pat poté yo sékou.
${ }^{13}$ Alò nan détrès yo, yo té krié nan pié Létènèl,
E li té délivré yo nan tètchajé yo;
${ }^{14} \mathrm{Li}$ té fé yo soti nan ténèb yo é nan lonbray la mò a,
É li té kasé chinn yo.
${ }^{15}$ Sé pou yo bay Létènèl louanj pou bonte li,
É pou mèvèy li yo an-favè mésiéz-édam yo!
${ }^{16}$ Paské li té brizé pòt annérin yo,
Li té kasé baro an-fè yo.
${ }^{17}$ Moun san konprann yo, a-koz kondui.t.yo ki koupab
E a-kòz inikité yo, yo té rann pròp tèt yo maléré.
${ }^{18}$ Nanm yo té dégouté tout klas manjé,
E yo té nan pa-pòt la mò.
${ }^{19}$ Nan détrès yo, yo té, krié nan pié Létènèl,
E li té délivré yo nan tètchajé yo;
${ }^{20} \mathrm{Li}$ té voyé paròl lié li té géri yo,
Li té fè yo chapé nan tonm nan.
${ }^{21}$ Sé pou yo bay Létènèl louanj pou bontéli,
E pou mèvèy li yo an-favè mésiéz-é-dam yo!
${ }^{22}$ Sé : pou yo ofri sakrifis aksion-dé-gras,
É sé pou yo publié travay li yo avèk kout-kri la joua!
${ }^{23}$ Sa yo ki t-ap navigé sou la mè nan gro batiman,
E ki t-ap trafiké sou gro dlo yo,
${ }^{24}$ Moun sa yo té ouè travay Létènèl yo
E mèvèy li yo nan mitan trou moun pa kab mézuré a.
${ }^{25} \mathrm{Li}$ annik palé, é li té fè gnou tanpèt pran soufié,
Gnou tanpèt ki té soulvé lanm la mè yo.
${ }^{26}$ Yo té monté bò koté sièl la, yo té désann nan trou moun pa kab mézuré a;
Nanm yo té fi-n pèdu sans li an-fas danjé a.
${ }^{27}$ Maladi tèt-viré té pran yo, yo té pati pa-la-kilbit tankou gnou nonm sou, É yo té pèdu tout abilité yo.
${ }^{28}$ Nan détrès yo, yo té krié nan pié Létènèl,
É li té délivré yo nan tètchajé yo;
${ }^{29} \mathrm{Li}$ té fè tanpèt la rété, li té fè la trankilité vini ankò,
É lanm la mè yo té fè silans.
${ }^{30}$ Yo té an-réjouisans paské yo té apézé,
É Létènèl té koudui yo nan pò yo té vlé a.
${ }^{31}$ Sé poú yo bay Létènèl louanj pou bonté li,
E pou mèvèy li yo an-favè mésiéz-é-dam yo!
${ }^{32}$ Sé pou yo louanjé li san rézèv nan lasanblé pèp la,
E sé pou yo proklamé louanj li nan réunion ansyin yo!
${ }^{33}$ Li fè flèv yo tounin dézè
É li fè sous dlo yo tounin gnou tè sèk,
${ }^{34} \mathrm{Li}$ fè péi bon tè a tounin gnou péi salé
A-kòz méchansté abitan li yo.
${ }^{35} \mathrm{Li}$ fè dézè a tounin gnou létan
E li fè tè sèk la tounin sous dlo,


Gnou dézè
${ }^{36}$ Épi li établi la sa yo ki grangou.

Yo bati gnou vil pou yo abité;
${ }^{37}$ Yo planté anpil jadin,
Yo planté jadin-rézin,
E yo fè rékolt.
${ }^{38} \mathrm{Li}$ béni yo é yo dévni gnou kantite moun,
E li pa koupé sou bètpaturay yo.
${ }^{39}$ Épi yo tonbé dépéplé é yo fi-n bésé nèt,
Pa la fason yo pézé yo, é malè avèk soufrans fi-n kalé yo;
${ }^{40} \mathrm{Li}$ vidé mépri sou gran nèg yo,
Li fè yo monté désann san bézouin nan dézè san chémin.
${ }^{41}$ Li mété pòv ki sou dènié kad li a sou dé-pié-l ankò, é li délivré-l anba mizè,
Epi li fè fanmi yo vi-n anpil anpil tankou dé troupo.
${ }^{42}$ Mésié yo ki nan la douati ouè sa é yo an-réjouisans,
Min tout inikité fèmin bouch 1 l.
${ }^{43}$ Sé pou sila a ki saj pran prékosion avèk bagay sa yo,
É sé pou li fè ka bonté Létennèl yo tou suit.
Gnou la priè pou èd kont advèsè a
108
${ }^{2}$ Kè mouin rété fèm, o BonDieu!
M-a chanté, m-a fè instruman muzik mouin yo rézonnin: sa sé la gloua-m!
${ }^{3}$ Gita mouin avèk hap mouin, révéyé ou!
Mouin pral fè avan-jou koupé sonmèy li.
${ }^{4}$ Étènèl! m-a ba ou louanj pami pèp yo,
M-a chanté non ou pami nasion yo.
${ }^{5}$ Paské bonté ou monté pi ro pasé sièl la,
E fidélité ou touché nuay yo.
${ }^{6} \mathrm{O}$ Bon-Dieu! lévé tèt ou pi ro pasé siè yo,
É fè la gloua ou anvayi tout la tè!
${ }^{7}$ Pou byinn-émé ou yo kab jouinn délivrans,
Sové avèk min douat ou, é réponn la priè nou!
${ }^{8}$ Nan sintété li Bon-Dieu di: M-a ranpòté la viktoua,
M -a séparé Sichèm, m - a mézuré valé Sukòt la;
${ }^{9}$ Galaad sé pou mouin, Manasé pou mouin;
Éfraim sé ranpa tèt mouin,
É Juda sé baton kòmann mouin;
${ }^{10}$ Moab sé basin koté mouin bingnin;
Mouin jété soulié-m sou Édon;
M-ap pousé kri la joua sou péi Filistin yo! -
${ }^{11}$ Ki lès ki va minnin-m nan la vil ki fo a?
Ki lè̀s ki va kondui-m al Édon?
${ }^{12}$ Èské sé pa ou, o Bon-Dieu, ki té répousé nou,
É ki té suspann soti avèk lamé nou yo, o BonDieu?
${ }^{13}$ Poté nou sékou kont la détrès!
Sékou lòm sé rink va-nité.
${ }^{14}$ Avèk Bon-Dieu, nou va fè gran mannèv;

Li va krazé lénmi nou yo. Gnou la priê danjans
109 Pou konduktè chan yo. Sòm David.

Bon-Dieu louanj mouin, pa rété bouch-pé!
${ }^{2}$ Paské yo louvri gnou bouch méchan é tronpè kont mouin,
Yo mété lang manti yo sou mouin,
${ }^{3}$ Yo anvironnin-m avèk diskou raisman
É y-ap fè-m la gè san rézon.
${ }^{4}$ Pandan ké mouin rinmin yo, yo sé advèsè-m;
Min mouin-minm, mouin jouinn résous nan la priè:
${ }^{5}$ Yo rann mouin lé mal pou lé byin
E raisman. pou lamou mouin.
${ }^{6}$ Mété-1 anba otorité gnou méchan,
É sé pou gnou akuzatè kanpé a-douat li!
${ }^{7}$ Lè yo va jujé-l sé pou yo déklaré-l koupab,
É sé pou lapriè-l pasé pou gnou péché!
${ }^{8}$ Sé pou ou koupé sou jou li yo,
Sé pou gnou lòt pran okupasion li a!
${ }^{9}$ Sé pou pitit li yo dévni òfélin,
É madanm li vèv!
${ }^{10}$ Sé pou pitit li yo tounin vagabon é sé pou yo fè métié mandé,
Sé pou y-al'fè kèt louin lakay yo ki an déboulay!
${ }^{11}$ Sé pou sila li doué lajan an pran tou sa ki pou li,

É sé pou étranjé yo piyé rézulta travay li!
${ }^{12}$ Sé pa pou pésonn kontinué fè zanmi avè-l,
É sé pa pou pésonn gin pitié pou òfélin li yo!
${ }^{13}$ Sé pou désandan li yo fi-n disparèt nèt,
É sé pou non yo étinn nan jénérasion $k$-ap vini an!
${ }^{14}$ Sé pou inikité papa-1 yo rété an-souvnans dévan Létènèl,
É sé pa pou péché manman li éfasé du-tou!
${ }^{15}$ Sé pou yo la dévan Létènèl tout tan
É sé pou li koupé souvnans yo sou la tè,
${ }^{16}$ Paské li pat sonjé pou li pratiké la mizérikòd,
Paské li té pèsékuté maléré a avèk pòv ki sou dènié kad li a,
É li té minm tué nonm ki gin kè brizé a!
${ }^{17} \mathrm{Li}$ té rinmin malédiksion: sé pou-l tonbé sou li!
Li pat pran plézi li nan bénédiksion: sé pou-l alé louin li!
${ }^{18} \mathrm{Li}$ té mété malediksion sou li tankou gnou rad,
Sé pou-l pinnétré anndan-1 tankou dlo,
Tankou luil, anndan zo li!
${ }^{19}$ Sé pou-l sèvi li rad pou li kouvri kò li,
E sintu pou li sinturé rin li tout tan!
${ }^{20}$ Sé sa minm pou lénmi-m yo résévoua nan min Létènèl, kòm péman yo,
É sé sa pou moun k-ap palé avèk méchansté kont mouin résévoua tou!
${ }^{21}$ É ou-minm, Étènèl, Ségnè! aji an-favè mouin poutèt non ou,
Ka bonté ougran; délivré-m non!
${ }^{22}$ Paské mouin maléré é mouin pòv sou dènié kad,
Ékèmouin bléséanndan-m.
${ }^{23}$ M-ap pati tankou gnou lonbray $k$-ap défini,
Yo broté-m alé tankou sòtrè.
${ }^{24}$ Jénou-m yo fèb otan mouin fè jèn,
É kò-m fi-n épizé anba mègrè.
${ }^{25}$ Yo pran-m sèvi la rizib,
Yo gadé-m é yo souké tèt.
${ }^{26}$ Poté-m sékou, o Étènèl, Bon-Dieu mouin!
Nan bonté ou sovè-m non!
${ }^{27}$ Pou yo kab konnin ké sé min ou,
Ké sé ou-minm, Etènèl, ki té fè sa!
${ }^{28} \mathrm{Si}$ yo modi, ou-minm ou va béni;
Si yo lévé, yo va kanpé tou-ront,
É sèvitè ou va réjoui.
${ }^{29}$ Fè advèsè-m yo abiyé avèk mépri,
Sé pou la ront kouvri yo tankou gnou varèz!
${ }^{30} \mathrm{M}$-a bay Létènè louanj avèk bouch mouin a rot-voua,
M-a proklamé louanj li nan mitan kantité moun yo;
${ }^{31}$ Paské li rété a-douat pòv la, Pou li délivré-l anba sa yo ki kondané-l.

Létènèl bay roua a pouvoua pou li gouvènin
110

Létènèl té di Ségnè mouin:
Chita a-douat mouin,
Jouk tan mouin fè lénmi ou yo sèvi ou mach-pié. -
${ }^{2}$ Létènèl va étann baton kòmann puisans ou louin Sion:
Ou va plasé gouvènman Ou sou lénmi ou yo!
${ }^{3}$ Pèp ou a plin aktivité, lè ou rasanblé lamé ou;
Avèk ònéman sakré sou yo,
Jinn-jan ou yo soti avan ba-jou kasé,
Yo vi-n jouinn ou tankou la rouzé.
${ }^{4}$ Létènèl té fè sèman sa a , é li p-ap répanti:
Ou sé prèt pou toujou,
Nan la fason Mèlkizédèk la.
${ }^{5}$ Lé Ségnè a-douat ou,
Li krabinin roua yo nan jou kòlè li.
${ }^{6} \mathrm{Li}$ pratiké la justis pami nasion yo: tout plin kadav;
Li va krazé pluziè tèt toupatou nan péi a.
${ }^{7}$ Pandan li an-mach, li bouè dlo nan kouran rapid la, Sé pou sa li maché tèt an-lè.

Létènèl pran souin pèp li
111
Bay Létènèl louanj!
M-a bay Létènèl louanj avèk tout kè'-m,
Nan réunion mésié k-ap viv nan la douati yo é nan lasanblé a.
${ }^{2}$ Travay Létènèl yo gran,
Tou moun ki rinmin yo ap chaché jouinn yo.
${ }^{3}$ Travay li sé rink gran klaté avèk gran-bèlté,

E justis li rété intak pou toujou.
${ }^{4} \mathrm{Li}$ fè souvnans bagay éstraòdinè li yo rété,
Létènèl plin mizérikòd avèk kè-touché.
${ }^{5}$ Li té bay sa yo ki té krinn li la nouritu;
Li toujou sonjé kontra li a.
${ }^{6}$ Li té montré pèp li a puisans travay li yo,
Lè li té ba yo éritaj nasion yo.
${ }^{7}$ Travay min li yo sé la fidélité avèk la justis;
Tout lòd li pasé yo véritab,
${ }^{8}$ Yo fèm pou tout tan,
Yo fèt avèk fidélité é la douati.
${ }^{9} \mathrm{Li}$ té voyé délivrans bay pèp li a,
Li té établi kontra li a pou toujou;
Non li sin é li pa nan jouèt.
${ }^{10}$ La krint Létènèl sé komansman la sajès,
Tou sa yo ki obsèvé-l gin bon rézònman.
La gloua li rété intak pou toujou.

## Byinnèz moun ki krinn Létenèl

112 Bay Létènèl louanj!
Byinn-éré nonm nan ki krinn Létènèl,
É ki pa manké jouinn plézi nan kòmandman li yo.
${ }^{2}$ Désandans li va puisan sou la tè,
Jénérasion mésié yo ki viv nan la douati va béni.
${ }^{3} \mathrm{Li}$ gin byinn-èt avèk richès lakay li,
E justis li rété intak pou tout tan.
${ }^{4}$ Minm nan mitan ténèb yo,
lumiè a lévé pou mésié yo k-ap viv nan la douati,
Pou sila a ki gin mizérikòd, ki gin kè-touché é ki jus.
${ }^{5}$ Byinn-éré nonm nan ki pratiké la mizérikòd é ki konn prété bay lòt moun,
Li va gangnin koz li nan la justis!
${ }^{6} \mathrm{Ka}$ li pa janm fè bitad;
Souvnans jus la duré pou toujou.
${ }^{7} \mathrm{Li}$ pa pè mové nouvèl;
Kè li fèm é li plin konfians nan Létènèl.
${ }^{8}$ Kè li déja fi-n fèm; li pa gin okinn krint,
Jouk tan li pran plézi ap gadé advèsè-l yo.
${ }^{9} \mathrm{Li}$ fè kado san min-séré, li bay sa yo ki pòv sou dènié kad yo;
Justis li rété intak pou tout tan;
Tèt li rété anlè avèk la gloua.
${ }^{10}$ Méchan an ouè-l épi li faché ròd-mézu,
Li grajé dan épi l-ap boulé anndan;
Dézi méchan yo péri.
Louanj pou Lérenèl paské li áloé moun ki inb nan

## 113 <br> Bay Létènèl louanj!

Sèvitè Létènèl yo, ba li louanj,
Bay non Létènèl louanj!
${ }^{2}$ Sé pou non Létènèl béni, Dépi kou-n yé a é pou toujou!
${ }^{3}$ Dépi solèy la lévé jouk tan l-al kouché,
Sé pou yo proklamé louanj non Létènèl!
${ }^{4}$ Létènèl lévé pi ro pasé tout nasion yo,

La gloua li pi ro pasé sièl yo.
${ }^{5} \mathbf{K i}$ lès $\mathbf{~ k i}$ sanblé Létènèl Bon-Dieu nou?
Li gin kay li anlè byin ro;
${ }^{6} \mathrm{Li}$ bésé jé li
Sou sièl la é sou tè a.
${ }^{7}$ Li ouété pòv la nan pousiè a, Li ralé póv ki sou dènié kad li a soti sou pil fumié a,
${ }^{8}$ Pou li fè yo chita avèk gran nèg yo,
Oui, avèk gran nèg yo pami pèp li a.
${ }^{9} \mathrm{Li}$ bay sila ki pat kab fè pitit la gnou kay,
Li fè-l dévni gnou manman plin la joua nan mitan pitit li yo.

Bay Létènèl louanj!
Mèoèy ki té pasé lè Izraèl té kité Léjitp
114
Lè Izraèl té soti ann-Ejip,
Lè kay Jakòb la té alé louin gnou pèp sovaj,
${ }^{2}$ Juda té dévni lié sin li
E Izraèl té fòmé péi li t-ap gouvènin an.
${ }^{3}$ La mè té ouè li é-l té kouri san gad dèyè,
Joudin an té fè bak;
${ }^{4}$ Mòn yo té voltijé tankou bélié,
Étimón yo tankou mouton.
${ }^{5}$ Sa-k pasé ou, la mè, ki fè ou pran kouri san gad dèyè konsa,
É ou-minm Joudin, ki fè ou fè bak konsa?
${ }^{6}$ Sa-k pasé ou, mòn, ki fè ou voltijé tankou bélié konsa,

E ou-minm ti mòn, ki fè ou voltijé tankou mouton konsa?
${ }^{7}$ La tè, gadé non! tranblé dévan lé Ségnè,
Dévan Bon-Dieu Jakòb la,
${ }^{8} \mathrm{Ki}$ fè roché a tounin gnou létan,
É ròk la tounin sous dlo. Bon-Dieu avèk zidòl yo
115 Pa pou nou, Étènèl, non, pa pou nou, Min bay non ou la gloua, Pou-tèt bonté ou é pou-tèt fidélité ou!
${ }^{2}$ Pouki sa nasion yo ta di: Koté Bon-Dieu yo yé?
${ }^{3}$ Bon-Dieu nou nan sièl la, Li fè ninpòt ki sa li vlé.
${ }^{4}$ Zidol pa yo sé bagay ki fèt ann-ajan épi ann-ó,
Sé travay min déz-òm yo yé.
${ }^{5}$ Yo gin bouch é yo pa palé, Yo gin jé é yo pa ouè,
${ }^{6}$ Yo gin zòrèy é yo pa tandé, Yo gin niné yo pa pran sant,
7 Yo gin minéyo pa mangnin, Pié é yo pa maché,
Pa minm gnou ti son pa soti nan gòj yo.
${ }^{8}$ Sa yo ki fabriké yo
É tou sa yo ki konfié nan yo sanblé yo.
${ }^{9}$ Izraèl, mété konfians ou nan Létènèl!
Sé li-minm ki sékou yo avèk bouklié yo.
${ }^{10}$ Kay Aaron, mété konfians ou nan Létènèl!
Sé li-minm ki sékou yo avèk bouklié yo.
${ }^{11}$ Ou-minm ki krinn Létènèl, mété konfians ou nan Létènèl!

Sé li-minm ki sékou yo avèk bouklié yo.
${ }^{12}$ Létènèl sonjé nou: li va béni,
Oui, li va béni kay Izraèl la,
Li va béni kay Aaron an,
${ }^{13} \mathrm{Li}$ va béni sa yo ki krinn Létènèl,
Piti kòm gran;
${ }^{14}$ Létènèl va anpilé bénédiksion li sou ou
Sou ou é sou pitit ou yo.
${ }^{15}$ Sé pou ou résévoua bénédiksion Létènèl,
Ki té fè sièl yo avèk tè a!
${ }^{16}$ Sé sièl Létènèl sièl yo yé, Min li té bay mésiéz-é-dam yo la tè.
${ }^{17}$ Sé pa mò yo ki proklamé louanj Létènèl,
Ni sé pa okinn nan sa yo ki désann nan plas silans la;
${ }^{18}$ Kant-a nou-minm minm, nou va béni Létènèl,
Dépi kou-n yé a é pou toujou.

Bay Létènèl louanj!
Rémèsiman pou-let déliorans anba la mò
116
Mouin rinmin Létènèl, paské li tandé
Voua-m avèk suplika-sion-m yo;
${ }^{2} \mathrm{Ka}$ li té panché zòrèy li bò koté-m;
Donk m-a invoké li tout la vi-mouin.
${ }^{3}$ Chinn la mò té anviron-nin-m,
E gran-doulè tonm nan té fi-n mét min sou mouin;
${ }^{4}$ Min mouin té invoké non Létènèl:

O Étènèl, sové nanm mouin non!
${ }^{5}$ Létènèl plin mizérikòd é li jus,
Bon-Dieu nou an plin kètouché;
${ }^{6}$ Létènèl pran souin sa yo ki sinp;
Mouin té maléré, é li té sové-m.
${ }^{7}$ Nanmmouin, touninjouinn répo ou ankò,
Paské Létènèl té fè ou du byin.
${ }^{8}$ Oui, ou té délivré nanm mouin anba la mò,
Jé mouin anba krié,
Pié mouin pou-m pa tonbé.
${ }^{9}$ Mouin va maché dévan Létènèl,
Sou la tè vivan yo.
${ }^{10}$ Mouin té gin konfians, lè-m té di:
Malè pa manké rivé-m!
${ }^{11}$ Nan tèt-chajé-m, mouin té di:
Tout-òm tronpè.
${ }^{12}$ Kouman pou-m rann Létènèl
Tout byinfè li yo anvè mouin?
${ }^{13}$ M-a lévé tas délivrans yo,
É m -a invoké non Létènèl;
${ }^{14}$ Mouin va akonpli vé-m yo anvè Létènèl,
Nan prézans tout pèp lia.
${ }^{15}$ La mò sa yo ki rinmin li,
Gin gran valè dévan jé Létènèl.
${ }^{16}$ Kouté-m, o Étènèl! paské mouin sé sèvitè ou,
Sèvitè ou, pitit sèvant ou a.
Ou té défèt chinn mouin yo.
${ }^{17} \mathbf{M}$-a ofri gnou sakrifis aksion-dé-gras,

Ém-va invoké non Létènèl; ${ }^{18}$ Mouin va akonpli vé-m yo anvè Létènèl,
Nan prézans tout pèp li a, ${ }^{19}$ Nan la sal lakay Létènè̉ yo,
Nan mitan ou, Jéruzalèm!
Bay Létènèl louanj!
Louanj pou-tel lamou Léténèl ki duré
117 Bay Létènèl louanj, ou-minm tout nasion yo,
Proklamé louanj li, ouminm tout pèp yo!
${ }^{2}$ Paské bonté li gran anfavè nou,
É fidélité li durépou toujou.
Bay Létènèl louanj!
Rémèsiman pou-tet salu Létènèl
118 Bay Létènèl louanj, Ka mizérikòd li duré pou toujou!
${ }^{2}$ Sé pou Izraèl di:
Oui, mizérikòd li duré pou toujou!
${ }^{3}$ Sé pou kay Aaron an di: Oui, mizérikod li duré pou toujou!
${ }^{4}$ Sé pou sa yo ki krinn Létè̀nè di:
Oui, mizérikòd li duré pou toujou!
${ }^{5}$ Nan mitan détrès la mouin té invoké Létènèl:
Létènèl té réponn la priè-m, é li té dégajé-m nêt.
${ }^{6}$ Létènèl pou mouin, m-pa krinn angnin:
Ki sa léz-òm kapab fè-m?
${ }^{7}$ Létènèl sé sékou mouin,

É m-a réjoui lè mouin ouè sa ki pasé lénmi-m yo.
${ }^{8}$ Sa vo mié chaché gnou réfuj nan Létènèl,
Pasé pou gnou moun konfié nan lòm;
${ }^{9} \mathrm{Sa}$ vo mié chaché gnou réfuj nan Létènèl
Pasé pou gnou moun konfié nan gran nèg yo.
${ }^{10}$ Tout nasion yo té anvi-ronnin-m:
O non Létènèl mouin krazé yo an ti miyèt.
${ }^{11}$ Yo té anvironnin-m, yo té baré-m nèt:
O non Létènèl mouin krazé yo an ti miyèt.
${ }^{12}$ Yo té anvironnin-m tankou grinn miel:
Yo étinn tankou gnou dufé ki pran nan pikan;
O non Létènèl mouin krazé yo an ti miyèt.
${ }^{13}$ Ou té ban-m gnou koutpousad pou ou fè-m tonbé;
Min Létènèl té poté-m sékou.
${ }^{14}$ Létènèl sé fòs mouin épi chan mouin,
Sé li-minm ki sové-m.
${ }^{15}$ Kri la viktoua avèk salu fè ékla nan tant jus yo:
Min douat Létènèl ap montré puisans li!
${ }^{16}$ Min douat Létènèl lévé anlè konsa!
Min douat Létènèl ap montré puisans li!
${ }^{17}$ Mouin p-ap mouri, mouin va viv,
É m-a rakonté travay Létènèl yo.
${ }^{18}$ Létènèl té chatié-m byin rèd,
Min li pat lagé-m bay la mò.
${ }^{19}$ Ouvè pòt la justis yo pou mouin:
M-a antré ladan yo, m-a bay Létènèl louanj.
${ }^{20}$ Min pòt Létènèl la:
Sé ladann jus yo rantré.
${ }^{21}$ Mouin ba ou louanj, paské ou té réponn la priè-m, Paské ou té sové-m.
${ }^{22}$ Ròch mésié ki t-ap bati yo té réjté a
Dévni prinsipal roch kouin an.
${ }^{23}$ Sa soti nan Létènèl minm:
Sé gnou bagay éstraòdinè dévan jé nou.
${ }^{24}$ Sa sé jou Létènèl fè a ,
Sé pou-l sèvi nou gnou sujé kontantman é la joua!
${ }^{25}$ O Étènèl, sové nou non!
O Étènèl, fè nou progrésé non!
${ }^{26}$ Sé pou sila ki vini nan non Létènèl la béni!
Nou-minm ki lakay BonDieu a béni ou.
${ }^{27}$ Létènèl sé Bon-Dieu, é li kléré nou.
Maré bèt yo pral tué a avèk kòd,
Minnin-l jouk koté kòn lotèl la!
${ }^{28} \mathrm{Ou}$ sé Bon-Dieu mouin, é m-a ba ou louanj;
Bon-Dieu mouin! m-a louanjé ou san rézèv.
${ }^{29}$ Bay Létènèl louanj, paské li bon,
Paské mizérikòd li duré pou toujou!

La loua Bon-Dieu bon san parèy
119 Byinn-éré sa yo ki minnin gnou la vi san kròchèt,
Ki maché sélon la loua Létènèl la!
${ }^{2}$ Byinn-éré sa yo ki kinbé prinsip li yo,
K-ap chaché li avèk tout kè yo,
${ }^{3} \mathrm{Ki}$ pa konmèt inikité,
E ki maché nan rout li yo!
${ }^{4}$ Ou té bay régléman ou yo,
Pou moun kab obsèvé yo avèk prékosion.
${ }^{5}$ Pinmèt ké tou sa m-fè kapab an règ,
Pou-m kapab pran ka règ ou yo!
${ }^{6}$ Ald̀ mouin p-ap bézouin kanpé tèt-bésé,
Lè-m ouè tout kòmandman ou yo.
${ }^{7}$ M-a ba ou louanj nan la douati kè-m,
Lè-m aprann loua la justis ou yo.
${ }^{8}$ Mouin vlé pran ka kòmann ou yo:
Pa abandonnin-m nèt non!
${ }^{9}$ Kouman pou jinnonm nan fè pou-l minnin gnou la vi prò?
Sé pou-l kondui tèt li jan parol ou di a.
${ }^{10}$ Mouin chaché ou avèk tout kè-m,
Pa kité-m pèdu alé louin komandman ou yo!
${ }^{11}$ Mouin séré paròl ou nan $k e ̀-m$,
Pou-m pa péché kont ou.
Ou béni, o Étènèl!
Anségné-m règ ou yo!
${ }^{13}$ Avèk po-bouch mouin mouin déklaré

Tout santans bouch ou té pasé.
${ }^{14}$ Mouin réjoui dèské m-ap suiv lod ou yo,
Sé kòm si m-té posédé tout trézò yo.
${ }^{15}$ Mouin égzaminé sou régléman ou yo,
Mouin kolé jé-m sou chémin ou yo.
${ }^{16}$ Mouin jouinn plézi-m nan règ ou yo,
M-pa blié parol ou du-tou.
${ }^{17}$ Fè sèvitè ou du byin pou-m kapab viv,
Épou-m kapab obsèvé paròl ou!
${ }^{18}$ Ouvè jé-m, pou-m kapab kontanplé
Mèvèy la loua ou yo!
${ }^{19}$ Mouin sé gnou étranjé sou tè a,
Pi-nga kaché kòmandman ou yo pou mouin!
${ }^{20}$ Nanm mouin fi-n brizé avèk dézi
Ki fè-l viré bò koté loua ou yo tout tan.
${ }^{21}$ Oụ minnasé ógéyé yo, bann modi sa yo
Ki pèdu alé louin kòmandman ou yo.
${ }^{22}$ Déchajé-m anba la rizib avèk mépri!
Paské mouin obsèvé lòd ou yo.
${ }^{23}$ Malgré prins yo chita é yo pran palé kont mouin,
Sèvitè ou annik égzaminé sou règ ou yo.
${ }^{24}$ Sé nan prinsip ou yo mouin jouinn plézi-m,
Sé konséyè-m yo yé.
${ }^{25}$ Nanm mouin kolé nan pousiè a :

Ban-m la vi sélon paròl ou non!
${ }^{26}$ Mouin rakonté rout mouin yo, épi ou réponn la priè̀-m:
Anségné-m règ ou yo non!
${ }^{27}$ Fè-m konprann chémin régléman ou yo,
E m-a égzaminé sou mèvèy ou yo!
${ }^{28} \mathrm{Nanm}$ mouin krié otan li chagrin:
Mété-m sou dé-pié-m ankò sélon parol ou!
${ }^{29}$ Mété-m louin rout manti a,
E ban-m la gras pou-m suiv la loua ou.
${ }^{30}$ Mouin chouazi rout vérité a,
Mouin fiksé jé-m sou loua ou yo.
${ }^{31}$ Mouin ataché-m avèk prinsip ou yo:
Étènèl, pa fè-m rété touront konsa!
${ }^{32}$ Mouin fè kous nan rout kòmandman ou yo,
Ka ou laji kè-m.
${ }^{33}$ Étènèl, anségné-m rout règ ou yo,
Pou-m kapab rétni-l jouk la fin!
${ }^{34}$ Ban-m intélijans pou-m kapab pran ka la loua ou,
E pou-m sa obsèvé-l avèk tout kè-m.
${ }^{35}$ Kondui-m nan chémin kòmandman ou yo:
Paské mouin rinmin-l.
${ }^{36}$ Fè kè-m panché bò koté prinsip ou yo,
E non bò koté gin!
${ }^{37}$ Détounin jé-m pou yo pa gadé bagay yo ki pa vo angnin,
Fè-m viv nan rout ou!
${ }^{38}$ Akonpli promès ou anvè sèvitè ou,
Promès sa a ki fè moun krinn ou.
${ }^{39}$ Mété-m louin la rizib la, paské mouin pè-l nèt!
Ka jujman ou yo plin la bonté.
${ }^{40}$ Minni, mouin anvi pratiké régléman ou yo:
Nan justis ou, fè-m viv non!
${ }^{41}$ Étènèl, fè mizérikòd ou vi-n sou mouin,
Avèk salu ou sélon promès ou!
${ }^{42}$ Alò m-a kapab réponn sila a ki véksé-m,
Paské mouin konfié nan paròl ou.
${ }^{43}$ Pi-nga ouété paròl la vérité a nèt nan bouch mouin!
Paské mouin mét éspoua-m nan jujman ou yo.
${ }^{44} \mathrm{M}$-a pran ka la loua ou san rété,
Pou toujou é pou tout tan.
${ }^{45}$ Mouin va maché an gran libèté,
Paské m -ap chaché régléman ou yo.
${ }^{46}$ M-a déklaré prinsip ou yo dévan roua yo,
É mouin p-ap kanpé tètbésé.
${ }^{47}$ Mouin jouinn plézi-m nan kòmandman ou yo,
Mouin rinmin yo.
${ }^{48}$ Mouin lévé min-m yo bò kot kȯmandman ou yo kè-m rinmin,
É mouin vlé égzaminé sou règ ou yo.
${ }^{49}$ Sonjé promès ou té fè sèvitè ou la,
Puiské sé sou li ou fè-m mét éspoua-m!
${ }^{50} \mathbf{S a}$ ki konsolasion-m nan mizè mouin,
Sè ké promès ou a ban-m la vi.
${ }^{51}$ Kèk ògéyé pran-m pasé nan bétiz;
Mouin pa déplasé kité loua ou la.
${ }^{52}$ O Étènèl! mouin pansé sou jujman ou té konn fè nan tan lontan yo,
E-m konsolé tèt mouin.
${ }^{53}$ Gnou sèl gro-kòlè monté-m lè-m ouè méchan yo
Ki abandonnin la loua ou.
${ }^{54}$ Règ ou yo sé sujé kantik mouin yo,
Nan kay koté m-ap viv annétranjé a.
${ }^{55}$ La nuit, mouin sonjé non ou, o Etènèl!
Ém pran ka la loua ou.
${ }^{56}$ Min sa ki té tonbé pou mouin,
Sè ké mouin obsèvé régléman ou yo.
${ }^{57}$ Pòsion pa-m, o Étènèl! mouin di sa:
Sé pou-m pran ka paròl ou yo.
${ }^{58}$ Mouin suplié ou avèk tout kè-m:
Sélon promès ou, gin pitié pou mouin non!
${ }^{59}$ Mouin égzaminé konduit mouin!
Épi mouin kondui pié-m bò koté prinsip ou yo.
${ }^{60}$ Mouin présé, é mouin pa rété ap balvènin,
Pou-m pa obsèvé kòmandman ou yo.
${ }^{61}$ Pièj méchan yo anviron-nin-m;
Mouin pa blié la loua ou. ${ }^{62}$ Nan mitan la nuit mouin
lévé pou-m ba ou louanj, A-kozz jujman ou yo ki jus. ${ }^{63}$ Mouin sé zanmi tou sa yo ki krinn ou
É sa yo ki pran ka régléman ou yo.
${ }^{64} \mathrm{O}$ Étènèl! la tè plin avèk bonté ou;
Anségné-m règ ou yo!
${ }^{65} \mathrm{Ou}$ fè sèvitè ou du byin
O Étènèl! sélon promès ou.
${ }^{66}$ Anségné-m sa bon sans yé avèk intelijans!
Paské mouin kouè nan kòmandman ou yo.
${ }^{67}$ Avan mouin té pasé anba afliksion, mouin té konn pèdu rout mouin;
Kou-n yé a m-obsėvé parol ou.
${ }^{68} \mathrm{Ou}$ bon é ou prèt pou fè du byin;
Anségné-m règ ou yo.
${ }^{69}$ Kèk ógéyé té ranjé manti sou mouin,
Mouin-minm, mouin pran ka régléman ou yo avèk tout kè-m.
${ }^{70}$ Kè yo kayé tankou grès;
Mouin-minm, mouin jouinn plézi-m nan la loua ou.
${ }^{71}$ Lité bon pou-m pasé anba afliksion,
Ka sé sa ki fè mouin aprann règ ou yo.
${ }^{72}$ La loua bouch ou vo plus pou mouin
Pasé dé milié objé ann-ò é ann-ajan.
${ }^{73}$ Sé min ou ki té kréyé-m, yo té fòmé-m;
Ban-m intélijans pou-m aprann kòmandman ou yo!
${ }^{74}$ Sa yo ki krinn ou ouè-m é yo pran réjoui,
Paské mouin mét éspoua-m nan promès ou yo.
${ }^{75} \mathrm{O}$ Étènèl! mouin konnin jujman ou yo jus;
Sé nan fidélité ou ké ou té fè-m pasé anba afliksion konsa!
${ }^{76}$ Sé pou bonté ou sèvi-m konsolasion,
Kòm ou té promèt sèvitè ou!
${ }^{77}$ Sé pou konpasion ou yo vi-n sou mouin, pou-m sa viv!
Ka sé la loua ou ki fè-m plézi.
${ }^{78}$ Sé pou yo rété tou-ront, ogéyé yo k-ap pézé-m san rézon!
Mouin-minm, mouin va égzaminé sou régléman ou yo.
${ }^{79}$ Sé pou sa yo ki krinn ou
E sa yo ki konn prinsip ou yo tounin vi-n jouinn mouin!
${ }^{80}$ Sé pou kè mouin sinsè nan règ ou yo,
Pou-m pa kouvri avèk la ront!
${ }^{81}$ Nanm mouin ap défini pé-a-pé otan li vlé salu ou,
Mouin mét éspoua-m nan promès ou a.
${ }^{82}$ Trou jé-m yo fi-n fon otan yo vlé ouè promès ou a;
Mouin di: Ki lè ou va konsole-m?
${ }^{83}$ Malgré mouin tankou gnou makout an-po ké lafumin fi-n kaba,
Mouin pa blié règ ou yo.
${ }^{84}$ Konbyin jou sèvitè ou fèt pou-l ouè?

Ki lè ou pral fè jujman sa yo ki pèsékuté-m?
${ }^{85}$ Kèk ògéyé fouyé trou sou rout mouin;
Yo pa aji sélon la loua ou du-tou.
${ }^{86}$ Tout kòmandman ou yo sé sèlman fidélité;
Y-ap pèsékuté-m san rézon: poté-m sékou non!
87 Yo manké blayi-m a-tè tou long é fini avèk mouin vré!
Min mouin-minm, m-pa abandonnin régléman ou yo.
${ }^{88}$ Sélon bonté ou, fè-m viv ankò,
Pou-m kab obsèvé prinsip ki soti nan bouch ou!
${ }^{89}$ O Étènèl!
Paròl ou rété intak nan siè la pou toujou.
${ }^{90}$ Fidélité ou rété intak dé jénérasion an jénérasion;
Ou té mét la tè sou fon-dasion-1, é li rété fèm.
${ }^{91}$ Sé pa fòs loua ou yo ké tout bagay rété intak jodi a,
Paské tout bagay anba zòd ou.
${ }^{92} \mathrm{Si}$ sé pat nan la loua ou mouin té jouinn plézi-m,
Atò konsa mouin ta fi-n péri nan mizè-m.
${ }^{93}$ Mouin p-ap janm blié régléman ou yo,
Ka ou fè-m viv pa mouayin yo.
${ }^{94}$ Mouin pou ou!sové-m non!
Ka m-ap chaché régléman ou yo.
${ }^{95}$ Kèk méchan kaché ap tann mouin pou yo fè-m péri;
Min mouin pran ka prinsip ou yo tou suit.
${ }^{96}$ Mouin ouè ké tou sa ki pafèt gin bòn,
Min komandman ou yo san limit.
${ }^{97}$ Mouin pa manké rinmin la loua ou!
Tou lé jou mouin égzaminé sou li.
${ }^{98}$ Kòmandman ou yo fè-m vi-n pi saj pasé lénmi-m yo,
Paské yo avèk mouin toujou.
${ }^{99}$ Mouin gin plus instruksion pasé tout mèt mouin yo,
Paské sé sou prinsip ou yo mouin égzaminé.
${ }^{100}$ Mouin gin plus intélijans pasé vié gran moun yo,
Paské mouin obsèvé régléman ou yo.
${ }^{101}$ Mouin détounin pié-m alé louin tout mové chémin,
Pou-m kapab pran ka paròl ou.
102 Mouin pa déplasé kité loua ou yo,
Ka sé ou-minm ki ansé-gné-m.
${ }^{103}$ Ala dous parol ou yo dous, yo pa manké gou,
Yo pi dous pasé siro mièl nan bouch mouin!
${ }^{104}$ Régléman ou yo fè-m dévni intélijan,
Konsa mouin rai tout rout ki gin manti ladan-l.
${ }^{105}$ Parò ou sé gnou lanp pou pié-m,
E gnou lumiè sou rout mouin.
106 Mouin té fè sèman pou-m obsèvé loua la justis ou yo,
E m-a kinbé paròl mouin.


Gnou lanp
107 Mouin fi-n désann ba nèt:
Étènèl, sélon parol ou, fè-m viv ankò non!
${ }^{108}$ O Étènèl, tanpri, résévoua rékonnésans ki soti nan bouch mouin,
E anségné-m loua ou yo!
${ }^{109}$ La vi-m an-danjé tout tan,
Min mouin pa blié loua ou.
${ }^{110}$ Kèk méchan tann pièj pou mouin,
Min sa pa fè-m pèdu alé louin régléman ou yo.
${ }^{111}$ Prinsip ou yo sé éritaj mouin pou toujou,
Ka yo sé la joua kè mouin.
112 Mouin dispozé kè-m pou-m pratiké règ ou yo, Toujou, jouk la fin.

113 Mouin rai mésié a dékè yo,
Min m-rinmin la loua ou. ${ }^{114} \mathrm{Ou}$ sé réfuj mouin avèk bouklié-m;
Mouin mét éspoua-m nan promès ou.
115 Pati! soti sou mouin, bann méchan,
Pou-m kapab obsèvé kòmandman Bon-Dieu mouin!
116 Soutni-m sélon promès ou, pou-m kapab viv,
E pa kité-m rété tou-ront nan éspérans mouin an!
${ }^{117}$ Sèvi-m apui, pou-m kapab sové,
E pou-m kapab okupé-m avèk règ ou yo san rété!
118 Ou méprizé tou sa yo kı pati kité règ ou yo,
Ka tronpri yo pa gin éfè.
${ }^{119} \mathrm{Ou}$ pran tout méchan ki sou la tè yo voyé jété tankou kum;
Sé pou sa m-rinmin prinsip ou yo.
${ }^{120}$ La-frison pran chè-m otan fréyè ou fè-m pè,
É mouin krinn jujman ou yo.

121 Mouin obsèvé la loua é la justis:
$\mathbf{P a}$ abandonnin-m nan min sa yo k-ap pézé-m!
${ }^{122}$ Pran byinn-èt sèvitè ou sou kontrol ou,
Pa kité ógéyé pézé-m non!
${ }^{123}$ Trou jé-m fi-n fon, otan yo vlé ouè salu ou,
Avèk promès justis ou.
${ }^{124}$ Aji avèk sèvitè ou sélon bonté ou,
E anségné-m règ ou yo!
${ }^{125}$ Mouin sé sèvitè ou; ban-m intélijans,
Pou-m kapab konnin prinsip ou yo!
${ }^{126} \mathrm{Li}$ tan ato pou Létènèl aji; Yo transgrésé la loua ou.
${ }^{127}$ Sé pou sa mouin rinmin kómandman ou yo,
Plus pasé lò, minm pasé lò fin;
128 Sé pou sa mouin trouvé ké tout régléman ou yo jus, Mouin rai tout chémin manti.
${ }^{129}$ Prinsip ou yo admirab minm!

Pou-tèt sa nanm mouin obsèvé yo.
${ }^{130}$ Révélasion parò ou yo kléré moun,
Li bay moun sinp yo lintélijans.
131 Mouin ouvè bouch mouin é mouin fè gnou koutsoupi,
Ka sé pa palé jan m-anvi kòmandman ou yo!.
${ }^{132}$ Tounin figu ou bò koté-m, é gin pitié pou mouin,
Sélon koutum ou a-léga sa yo ki rinmin non ou!
${ }^{133}$ Afèmi pa mouin nan paroll ou,
E pa kité okinn inikité pran la douat sou mouin!
134 Délivré-m anba mésié k-ap pézé-m yo,
Pou-m kapab pran ka régléman ou yo!
${ }^{135}$ Fè figu ou kléré sou sèvitè ou,
E anségné-m règ ou yo!
${ }^{136}$ Lavalas dlo ap soti nan jé-m,
Paské moun yo pa obsèvé la loua ou du-tou.

137 O Étènèl, ou jus!
E jujman ou yo fèt nan la douati;
${ }^{138} \mathrm{Ou}$ plasé fondasion prinsip ou yo sou la justis
É sou gnou fidélité ki pa piti.
139 Dévouman mouin ap boulé-m,
Paské advèsè-m yo blié paròl ou.
140 Paròl ou rafinin tout-antié, E sèvitè ou rinmin-1.
${ }^{141}$ Mouin pitié yo méprizé-m; Min m-pa blié régléman ou yo.

142 Justis ou sé gnou justis ki duré tout tan
É la loua ou sé vérité.
${ }^{143}$ La détrès avèk tèt-chajé fi-n makònin-m,
Min mouin jouinn plézi-m nan komandman ou yo.
144 Prinsip ou yo jus pou tout tan!
Ban-m intélijans pou-m kapab viv!
145 Mouin invoké ou avèk tout kè-m; réponn la priè-m non, Étènèl!
Pou-m sa pranka règ ou yo.
146 Mouin invoké ou: sové-m non,
Pou-m sa obsèvé prinsip ou yo.
147 Mouin koupé dévan bajou é-m krié, mouin di:
Mouin mét éspoua-m nan promès ou yo.
148 Mouin koupé dévan vèy la nuit yo é m-ouvri jé-m,
Pou-mméditésou paròlou.
149 Kouté voua-m sélon bonté ou;
Sélon justis ou, fè-m viv anko!
150 Y-ap proché, sa yo k-ap chaché fè krim,
Y-alé louin la loua ou.
${ }^{151}$ Ou pré, o Étènèl!
E tout komandman ou yo sé la vérité.
152 Dépi lontan mouin konnin pa mouayin prinsip ou yo
Ké ou té établi yo pou toujou.
${ }^{153}$ Gadé mizè-m, é délivré-m!
Paské mouin pa blié la loua ou.
154 Défann kòz mouin, é mété-m an libèté,

Fè-m viv ankò sélon promès ou!
${ }^{155}$ Salu a louin méchan yo,
Ka yo pa a-la-réchèch règ ou yo.
${ }^{156}$ Konpasion ou yo an gran kantité, o Etènèl!
Sélon justis ou, fè-m viv ankò!
${ }^{157}$ Pèsékutè-m yo avèk advèsè-m yo an gran nonb;
Min mouin pa déplasé kité prinsip ou yo du-tou.
${ }^{158}$ Sé avèk dégoutans mouin ouè sa yo $k$-ap fè métié vann sékrè,
Yo-minm ki pa obsèvé paròl ou.
${ }^{159}$ Gadé jan mouin rinmin régléman ou yo;
Sélon bonté ou, Étènèl, fè-m viv ankò.
${ }^{160}$ Fondasion paròl ou sé la vérité,
E tout loua justis ou yo la pou tout tan.
${ }^{161}$ Kèk prins ap pèsékuté-m san rézon;
Min sé pou parol ou sèlman kè-m tranblé.
162 Mouin réjoui nan paròl ou
Tankou gnou moun ki jouinn gnou gro ja.
${ }^{163}$ Mouin rai, mouin détésté manti;
Mouin rinmin la loua ou.
${ }^{164}$ Mouin proklamé louanj ou sèt foua tou lé jou,
Pou-tèt loua la justis ou yo.
${ }^{165}$ Gin la pè ann-abondans pou sa yo ki rinmin la loua ou,
E okinn malè pa rivé yo.
${ }^{166}$ Mouin mét éspoua-m sou salu ou, o Étènèl!

E-m pratiké kòmandman ou yo.
${ }^{167}$ Nanm mouin obsèvé prinsip ou yo,
E-m pa manké rinmin yo.
${ }^{168}$ Mouin pran ka régléman avèk prinsip ou yo,
Ka tout rout mouin yo la dévan ou.
${ }^{169}$ Sé pou kri mouin rivé jouk koté ou, O Étènèl!
Sélon promès ou, ban-m intélijans non!
${ }^{170}$ Sé pou suplikasion mouin rivé jouk koté ou!
Sélon promès ou, délivré-m non!
${ }^{171}$ Sé pou po-bouch mouin publié louanj ou,
Ka ou anségné-m règ ou yo.
172 Sé pou lang mouin chanté parol ou!
Ka tout kòmandman ou yo jus.
${ }^{173}$ Sé pou min ou édé-m!
Paské mouin chouazi régléman ou yo.
${ }^{174}$ M-ap fè soupi, otan mouin vlé salu ou, o Étènèl!
E la loua ou sé jouisans mouin.
${ }^{175}$ Sé pou nanm mouin viv é sé pou li ba ou louanj!
É sé pou jujman ou yo soutni-m!
${ }^{176}$ M-ap monté désann san bézouin tankou gnou mouton ki pèdu: chaché sèvitè ou,
Paské mouin pa blié kòmandman ou yo.
Gnou la priè pou déliorans
anba tronpri
120 Kantik pa dégré.

Nan détrès mouin sé bay Létènèl
Mouin krié, é li réponn la priè-m.
2 Étènèl, délivré nanm mouin anba po-bouch k-ap dégrinnin manti a,
Anba lang ki tronpè a!
${ }^{3} \mathrm{Ki}$ sa ou jouinn nan gnou lang ki tronpè?
Ki sa li rapodté ou?
${ }^{4}$ Flèch pouintu nonm-dé-gè a voyé,
Avèk chabon rouj ki fèt avèk boua rotinn. ${ }^{a}$
${ }^{5}$ A la maléré mouin maléré pou-m trouvé-m rété nan Méchèk,
E ké m-abité nan pami tant Kéda yo!
${ }^{6}$ Mouin rété asé lontan atò A-koté moun sa yo ki rai la pè.
${ }^{7}$ Mouin pou la pè; min kou-m fè sa m-ouvri bouch mouin,
Yo mandé la gè.
Létènèl sé protêktè ou
121
Mouin lévé jé-m bò koté mòn yo . . .
Ki bò sékou pral soti vi-n jouinn mouin?
${ }^{2}$ Sékou soti nan Létènèl, Ki té fè sièl yo avèk tè a.
${ }^{3}$ Li p-ap pinmèt pou pié ou fe bitad:
Sila k-ap protéjé ou la p-ap kabicha du-tou.
${ }^{4}$ Minni, li pa ni kabicha ní dòmi,
Sila k-ap protéjé Izraèl la.
${ }^{5}$ Sé Létènèl k-ap protéjé ou la oui!
Létènèl sèvi ou lonb sou min douat ou.
${ }^{6}$ Duran la jounin solèy la pa gin doua frapé ou,
Ni la lun la duran la nuit.
${ }^{7}$ Létènèl va protéjé ou kont tout mal,
Li va protéjé nanm ou;
${ }^{8}$ Létènèl va protéjé ou sou dépa ou é lè ou rivé,
Dépi kou-n yé a é pou toujou.

Gnou la priè ki mandé pou Jéruzalèm nan la pè
122 Kantik pa dégré. Kantik David.

Mouin nan la joua lè yo di-m:
Ann alé nan kay Létènèl la non!
${ }^{2}$ Pié nou rété la,
Nan pa-pòt ou yo, o Jéruzalèm!
${ }^{3}$ Jéruzalèm, ou bati
Tankou gnou vil ki gin tout ti jouintu li kolé ansanm.
${ }^{4}$ Sé la tout tribu yo monté, tout tribu Létènèl yo,
Sélon la loua Izraèl la,
Pou yo bay non Létènèl louanj.
${ }^{5}$ Paské sé la tròn la justis yo yé,
Tròn lakay David la.
a 120:4 Rotinn: Sé gnou ti klas pié boua yo jouinn an-kantité nan dézè yo nan sud la Palésti-n. Yo pa bay anpil lonb min rasi-n yo bon pou fè chabon - sé kòm chabon kanpèch, gayak ou byin boua-fè.
${ }^{6}$ Mandéla pè pou Jéruzalèm,
Sé pou sa yo ki rinmin ou jouinn répo tèt yo!
${ }^{7}$ Sé pou la pè rété anndan muray ou yo,
É la trankilité anndan palé ou yo!
${ }^{8}$ Pou-tèt frè-m yo avèk zanmi-m yo,
Mouin anvi pou la pè rété nan mitan ou;
${ }^{9}$ Pou-tèt kay Létènèl, BonDieu nou an,
M-ap fè démann pou byinn-èt ou.
Gnou la priè ki mandé pitié
123 Kantik pa dégré.
Mouin lévé jé-m bò koté ou,
Ou-minm ki kagé chèz ou nan siel yo.
${ }^{2} \mathrm{Minni}, \mathrm{minm}$ jan jé sèvitè yo fiksé sou min pròp mèt yo,
E jé sèvant la sou min métrès li,
Konsa tou, jé nou viré bò koté Létènèl, Bon-Dieu nou,
Jouk tanli gin pitié pou nou.
${ }^{3}$ Gin pitié pou nou, Étènèl, gin pitié pou nou!
Paské nou valé mépri jouk tan nou plin nèt;
${ }^{4}$ Nanm nou plin asé
Avèk tout fason ògéyé yo pasé nou nan jouèt é avèk mépri mésié gro-kòlèt yo.
Louanj pou-tet déliorans anba lénmi yo
124 Kantik pa dégré. Kan-
San sé pat Létènèl ki té protéjé-n, -

Annou ouè, Izraèl, palé! -
${ }^{2}$ San sé pat Létènèl ki té protéjé-n,
Lè lèz-òm té lévé kont nou,
${ }^{3}$ Yo ta valé nou tou vivan,
Lè kòlè yo té monté nèt kont nou;
${ }^{4}$ Ald, dlo yo ta kouvri nou nèt
E lavalas yo ta pasé sou nanm nou;
${ }^{5}$ Alò, gro vag an-kòlè yo
Ta pasé sou nanm nou.
${ }^{6}$ Béni Létènèl,
Ki pat lagé nou anba dan yo pou yo déchiré nou!
${ }^{7}$ Nanm nou chapé tankou zouazo a ki chapé anba karabann kinbè-dzouazo yo;
Karabann nan té krazé é nou chapé tèt nou.
${ }^{8}$ Sékou nou nan non Létènèl,
Ki té fè sièl yo avèk tè a.
Létènèl antouré pèp Li
125 Kantik pa dégré.
Sa yo ki konfié nan Létènèl
Tankou món Sion an : angnin pa souké-1,
Li fèm pou toujou.
2 Jéruzalèm antouré avèk mòn;
Sé konsa Létènèl antouré pèp li,
Dépi kou-n yé a é pou tout tan.
${ }^{\mathbf{3}}$ Ka baton-kòmann méchan yo pa gin doua rété sou pòsion pa jus yo,
Pou jus yo pa lonjé min yo bay inikité.
${ }^{4}$ Étènèl, répann byinfè ou yo sou sa yo ki bon,

E sou sa yo ki gin gnou kè douat!
${ }^{5}$ Min sa yo ki trouvé sé nan rout krochu pou yo maché,
Sé pou Létènèl détrui yo avèk sa yo $k$-ap fè lémal!
Sé pou la pè rété sou Izraè!
Rémèsiman paské yo rélounin sou dé-pié yo ankò
126
Lè Létènèl té minnin prizonnié Sion yo tounin,
Nou té tankou moun ki k -ap fè rèv.
${ }^{2}$ Alò bouch nou té plin avèk kri la joua,
É lang nou avèk chan kontantman;
Alò, pami nasion yo, yo té di:
Létènèl té fè gran bagay pou yo!
${ }^{3}$ Létènèl té fè gran bagay pou nou;
Nou nan la joua!
${ }^{4}$ Étènèl, minnin prizonnié nou yo tounin,
Tankou dé sous dlo nan-n sud!
${ }^{5}$ Sa yo ki simin avèk dlo nan jé,
Va fè rékolt yo avèk chan kontantman.
${ }^{6}$ Sila a ki maché tout-ankrian lè l-ap poté sémans la,
Tounin ankò avèk kontantman, lè l-ap poté pakèt rékòlt li yo.
Byinnèz soti nan Létenèl
Kantik pa dégré. Kantik Salomon.

Si Létènèl pa bati kay la,
Sa yo k-ap bati-l ap travay an-vin;
Si Létènèl pa protéjé la vil la,
Sila k-ap protéjé-l la, ap véyé an-vin.
${ }^{2}$ Sé an-vin ou lévé gran matin é ou al kouché byin ta,
E ou manjé pin ou pasé mizè pou jouinn li an;
Li bay byinn-émé-l yo otank sa pandan y-ap kabicha.
${ }^{3}$ Minni, pitit sé gnou éritaj Létènèl bay,
Frui zantray yo sé gnou rékonpans.
${ }^{4}$ Tankou flèch ki nan min gnou nonm-dé-gè,
Sé konsa pitit ki fèt nan jèn-aj yo yé.
${ }^{5}$ Byinn-éré nonm nan ki plin makout-zam li avèk yo!
Yo p-ap kanpé tou ront,
Lè yo va kanpé nan pòt la pou yo palé avèk dézénmi.

Bénédiksion moun ki krinn Létenèl
128 Kantik pa dégré.
Byinn-éré ninpòt nonm ki krinn Létènèl,
Ki maché nan rout li yo!
${ }^{2}$ Alò ou va joui travay ou fè avèk $\min \mathrm{Ou}$,
Ou byinn-éré, ou progrésé konsa.
${ }^{3}$ Madanm ou tankou gnou jadin rézin ki pa manké donnin,
Li anndan fon kay ou;
Pitit ou yo tankou plan oliv
Tout-otou tab ou.
${ }^{4}$ Sé konsa

Nonm ki krinn Létènèl la béni.
${ }^{5}$ Étan li Sion, Létènèl va béni ou,
É ou va ouè byinn-èt Jéruzalèm
Pou tout jou la vi ou;
${ }^{6} \mathrm{Ou}$ va ouè pitit pitit ou.
Sé pou la pè rété sou Izraèl!
Gnou la priè pou mété lénmi Sion yo a-te
129
Yo pézé-m asé dépi-m jinn, 一
Annou ouè, Izraèl, palé! -
2 Yo pézé-m asé dépi-m jinn, Min yo pat rési bat mouin nèt.
${ }^{3}$ Kèk kultivatè fi-n rabouré do mouin,
Yo trasé rigol tou. long sou li.
${ }^{4}$ Létènèl jus!
Li gin tan koupé kòd méchan yo.
${ }^{5}$ Sé pou yo kanpé tou-ront é sé pou yo fè bak,
Tou sa yo ki rai Sion!
${ }^{6}$ Sé pou yo tankou zèb ki pousé sou do kay,
Ki séché avan yo raché-1!
${ }^{7}$ Sila k-ap kéyi a pa gin min li ranpli,
Ni sila $k$-ap maré pakèt rékòlt yo pa gin bra-l chajé,
${ }^{8}$ E sa yo ki an-pasan pa di yo:
Sé pou la bénédiksion Létènèl rété sou ou!
Nou béni ou o non Létènèl! Éspoua nan déliorans Léteǹ̀l
130

Dépi jouk nan fondè trou moun pa kab mézuré a, mouin invoké ou, o Étènèl!
${ }^{2}$ Ségnè, kouté voua-m non!
Sé pou zòrèy ou yo paré konsa
Pou tandé voua suplika-sion-m yo!
${ }^{3}$ Étènèl, si ou té konn mété inikité yo la an souvnans, Ségnè, ki lès ki ta kab égzisté?
${ }^{4}$ Min sé bò koté ou padon rété,
Pou moun kab krinn ou.
${ }^{5}$ Mouin mét éspoua-m nan Létènèl, nanm mouin ann-éspoua,
E m-ap tann promès li.
${ }^{6}$ Nanm mouin konté sou Létènèl konsa!
Plus pasé gad yo konté sou matin an.
Oui, plus pasé gad yo konté sou matin an.
${ }^{7}$ Izraèl, mét éspoua ou nan Létènèl!
Paské la mizérikòd rété anba kòt Létènèl,
É la délivrans rété bò koté li an grann abondans.
${ }^{8}$ Sé li-minm ki va délivré Izraèl
Anba tout inikité-l yo.
Gnou konfians nan Létênèl tankou konfians gnou ti moun
131 Kantik pa dégré. Kantik David.

Étènèl! mouin pa gin gnou kè anflé, ni m-pa gin réga kòm mésié grokòlèt yo;

Mouin pa anbarasé tèt mouin avèk bagay ki tro gran pou mouin é ki dépasé-m.
${ }^{2} \mathrm{O}$ kontrè, nanm mouin kalm é trankil,
Tankou gnou ti moun sévré ki a-koté manman-l;
Nanm mouin tankou gnou ti moun sévré.
${ }^{3}$ Izraèl, mét éspoua ou nan Létènèl,
Dépi kou-n yé a é pou toujou!

Gnou la priè pou bénédiksion pou lié $\sin a n$
132 Kantik pa dégré.

Étènèl, sonjé David, Sonjé tout kalamité li yo!
${ }^{2} \mathrm{Li}$ té sèmanté bay Létènèl, Li té fè Puisan Jakòb la vé sa a :
${ }^{3}$ Mouin p-ap antré nan tant koté m-rété $a$,
Mouin p-ap monté kabann koté m-répozé a,
${ }^{4}$ Mouin p-ap pinmèt pou jé-m fè gnou ti kabicha,
Ni pou popiè-m fèmin gnou kad-è,
${ }^{5}$ Jouk tan mouin jouinn gnou plas pou Létènèl,
Gnou démè pou Puisan Jakob la. -
${ }^{6}$ Minni, nou té tandé palé a-léga li nan Efrata,
Nou té jouinn li nan jadin Jaar yo . . .
${ }^{7}$ Ann alé nan démè li,
An nou prostènin dévan mach-pié li!
${ }^{8}$ Lévé, Étènèl, vi-n nan plas répo ou la non,

Ou-minm avèk bouat grandè ou la!
${ }^{9}$ Sé pou prèt ou yo abiyé avèk justis,
É sé pou fidèl ou yo pousé kri la joua!
${ }^{10}$ Pou-tèt David, sèvitè ou la, Pa répousé sila ou sakré a! -
${ }^{11}$ Létènèl té fè gnou sèman la vérité bay David,
Li p-ap révoké paròl li:
M-a mété sou tròn ou gnou pitit zantray ou.
${ }^{12}$ Si pitit ou yo obsèvé kontra mouin an
É lòd mouin anségné yo,
Pitit pa yo tou
Va chita sou tròn ou pou toujou. -
${ }^{13}$ Oui, Létènèl té chouazi Sion,
Li vlé-l pou démè li:
${ }^{14}$ Sé plas répo mouin pou toujou;
M-a abité la, ka mouin vlé sa.
${ }^{15}$ M-a béni nouritu li,
M-a plin avèk pin vant pòv li yo ki sou dènié kad yo;
${ }^{16} \mathrm{M}$-a abiyé prèt li yo avèk salu,
E fidèl li yo va pousé kri la joua.
${ }^{17}$ La m-a fè puisans David grandi,
M-a préparé gnou lanp pou sila mouin sakré a.
${ }^{18}$ M-a abiyé lénmi-l yo avèk la ronté,
Min kourón liva briyésouli.
Ala gnou bénédiksion pou frè déméré ansanml
133 Kantik pa dégré. Kantik David.

Gadé non! a la sa bon, a la sa dous,
Pou frè déméré ansanm!
${ }^{2}$ Sé kòm luil gro pri a ké yo vidé sou tèt,
É ki désann sou bab, sou bab Aaron,
Ki désann sou rébò rad li. ${ }^{3}$ Sé tankou la rouzé sou Emon,
Ki désann sou mòn Sion yo;
Ka sé la Létènèl voyé bénédiksion
Epi la vi, pou toujou.
Gnou égzotasion pou sa yo ki gad la nuil
134 Kantik pa dégré.
Gadé non, béni Létènèl, ou-minm, tout sèvitè Létènèl yo,
Ki rété lakay Létènèl la pandan nuit yo!
${ }^{2}$ Lévé min ou bò koté lié $\sin$ an,
É béni Létènèl!
${ }^{3}$ Étan li nan Sion, sé pou Létènèl béni ou,
Li-minm ki té fè sièl yo avèk tè a!

Létènèl plin grandè, min zidòl yo sé anyin dutou
135 Bay Létènèl louanj!

Bay non Létènèl louanj,
Ba li louanj, sèvitè Létènèl yo,
${ }^{2}$ Ou-minm ki rété lakay Létènèl,
Nan la sal lakay BonDieu nou!
${ }^{3}$ Bay Létènèl louanj! paské Létènèl bon.
Chanté pou la gloua non li! paské li favorab.
${ }^{4}$ Ka Létènèl gin tan chouazi Jakòb,
Pou Izraèl kab rélé-l sé pa-l.
${ }^{5}$ Mouin konnin ké Létènèl gran,
E ké Śgégè nou an anro tout dieu yo.
${ }^{6}$ Tou sa Létènèl vlé, li fè-l, Nan sièl la é sou la tè,
Nan la mè yo é nan tout trou moun pa kab mézuré yo.
${ }^{7} \mathrm{Li}$ fè nuay yo paret soti dépi nan dènié bout la tè, Li fè zèklè yo é la pli,
Li ralé van soti nan trézò li yo.
${ }^{8}$ Sé li ki té frapé prémié-né Léjip yo,
An-kòmansan pa lèz-òm é fini sou bèt yo.
${ }^{9}$ O Éjip! li té voyé sign é mirak nan pami ou,
Kont Faraon avèk tout sèvitè-l yo.
${ }^{10} \mathrm{Li}$ té frapé dé nasion ki pat manké péplé,
É li té tué dé roua puisan:
${ }^{11}$ Sihon, roua Amoréyin yo, Og, roua Bazan an,
E tout roua péi Kanaan yo;
${ }^{12}$ E li té bay péi yo annéritaj,
Oui, ann-éritaj bay Izraèl, pèp li a.
${ }^{13} \mathrm{O}$ Étènèl! non ou rété intak pou toujou,
O Étènèl! souvnans ou duré dé jénérasion an jénérasion.
${ }^{14}$ Ka Létènèl va pran défans pèp li,
É li va gin pitié pou sèvitè li yo.
${ }^{15}$ Zidòl nasion yo fèt annajan épi ann-ò,
Sé travay min déz-òm yo yé.
${ }^{16}$ Yo gin bouch é yo pa palé,
Yo gin jé é yo pa ouè,
${ }_{17}$ Yo gin zòrèy é yo pa tandé,
Yo pa gin okinn souf nan bouch yo.
${ }^{18}$ Sa yo ki fabriké yo,
É tou sa yo ki konfié nan yo sanblé yo.
${ }^{19}$ Kay Izraèl, béni Létènèl!
Kay Aaron, béni Létènèl!
${ }^{20}$ Kay Lévi, béni Létènèl!
Ou-minm ki krinn Létènèl, béni Létènèl!
${ }^{21}$ Étan yo nan Sion, sé pou yo béni Létènèl,
Li-minm ki abité Jéruzalèm!
Bay Létènèl louanj!
Louanj pou-fet lamou Létènèl ki duré
136
Bay Létènèl louanj,
paské li bon,
Paské mizérikòd li duré pou toujou!
${ }^{2}$ Bay Bon-Dieu ki anro tout dieu yo louanj,
Paské mizérikod li duré pou toujou!
${ }^{3}$ Bay Ségnè ki anro ségnè yo louanj,
Paské mizérikòd li duré pou toujou!
${ }^{4}$ Sé li-minm sèl ki fè gran bagay éstraòdinè,
Paské mizérikòd li duré pou toujou!
${ }^{5}$ Sé li-minm ki té fè sièl yo avèk intélijans,
Paské mizérikòd li duré pou toujou!
${ }^{6}$ Sé li-minm ki té étann la tè sou dlo yo,

Paské mizérikòd li duré pou toujou!
${ }^{7}$ Sé li-minm ki té fè gran lumiè yo,
Paské mizérikòd li duré pou toujou!
${ }^{8}$ Solèy la pou-1 an-pouvoua sou la jounin,
Paské mizérikòd li duré pou toujou!
${ }^{9}$ La lun ak zétoual yo pou yo an-pouvoua sou la nuit,
Paské mizérikòd li durė pou toujou!
${ }^{10}$ Sé li-minm ki té frapé Ejip nan prémié né li yo,
Paské mizérikòd li duré pou toujou!
${ }^{11}$ É ki té fé Izraèl soti nan pami yo,
Paské mizérikòd li duré pou toujou!
${ }^{12}$ Avèk fós ponyèt li é avèk bra li tou lonjé,
Paské mizérikòd li duré pou toujou!
${ }^{13}$ Sé li-minm ki té koupé la mè Rouj an-dé,
Paské mizérikòd li duré pou toujou!
${ }^{14} \mathrm{Ki}$ té fè Izraèl pasé nan mitan li,
Paské mizérikòd li duré pou toujou!
${ }^{15}$ É li té fé Faraon avèk lamé-l pati pa-tèt nan la mè Rouj,
Paské mizérikòd li duré pou toujou!
${ }^{16}$ Sé li-minm ki té kondui pèp li nan dézè a,
Paskè mizérikòd li duré pou toujou!
${ }^{17}$ Sé li-minm ki té frapé dé gran roua,

Paské mizérikòd li duré pou toujou!
${ }^{8} \mathrm{Li}$ té tué dé roua puisan,
Paské mizérikòd li duré pou toujou!
${ }^{19}$ Sihon, roua Amoréyin yo,
Paské mizérikòd li duré pou toujou!
${ }^{20}$ Épi Òg, roua Bazan,
Paské mizérikòd li duré pou toujou!
${ }^{21}$ É li té bay péi yo ann-éritaj, Paské mizérikòd li duré pou toujou!
${ }^{22}$ Oui, ann-éritaj bay Izraèl, sèvitè li a,
Paské mizérikòd li duré pou toujou!
Sé li-minm ki té sonjé nou lè nou té fi-n bésé nèt,
Paské mizérikòd li duré pou toujou!
${ }^{24}$ É ki té délivré nou anba sa yo ki t-ap pézé nou,
Paské mizérikòd li duré pou toujou!
${ }^{25}$ Sé li-minm ki bay tout chè la nouritu,
Paské mizérikòd li duré pou toujou!
${ }^{26}$ Bay Bon-Dieu sièl la louanj,
Paské mizérikòd li duré pou toujou!

Kı̀man sa yo ki té ann-égzil a Babilòn té an-dèy
137 Sou rébò flèv Babilòn yo,
Nou té chita é nou t-ap kriè, Otank nou té sonjé Sion.
${ }^{2}$ Nou té kroké hap nou yo Sou pié-sikrin yo ki té la.
${ }^{3}$ La minm, sa yo ki té fè nou prizonnié yo té mandé nou pou nou chanté,
E sa yo ki t-ap pézé-n yo
té mandé-n pou nou an joua:
Yo té di: Chanté kèk nan kantik Sion yo pou nou!
${ }^{4}$ Kouman pou-n fè̀ pou nou chanté kantik Létènèl yo Sou gnou tè étranjé?
${ }^{5}$ Jéruzalèm, si m-blié ou,
Sé pou min douat mouin blié-m!
${ }^{6}$ Sé pou lang mouin kolé nan palèt bouch mouin,
Si m-pa sonjé ou,
Si mouin pa pran Jéruzalèm Sèvi prinsipal sujé la joua-m!

7 Étènèl, sonjé pitit Édon yo,
Ki té di, nan jounin Jéruzalèm nan:
Razé, razé
Jouk nan fondasion-1 yo!
${ }^{8} \mathrm{Fi}$ Babilòn, ou-minm ki pral dévasté,
Byinn-éré ninpòt ki lès ki rann ou la parèy,
Pou mal ké ou té fé nou an!
${ }^{9}$ Byinn-éré ninpòt ki lès ki mét min sou pitit ou yo, E ki krazé yo sou ròk la!
Rémèsiman pou bonté Lélenèl
138 Sòm David.
Mouin proklamé louanj ou avèk tout kè-m,
Mouin chanté louanj ou an-prézans Bon-Dieu.
${ }^{2}$ Mouin prostenin nan tanp ou ki sin,
E mouin proklamé louanj non ou, a-kòz bonté ou é fidélité ou,
Ka rénonmin ou vi-n ogmanté pa la fason ou akonpli promès ou yo.
${ }^{3}$ Lé jou mouin té invoké ou, ou té réponn la priè-m,
Ou té rann mouin fèm, ou té fòtifié nanm mouin.
${ }^{4}$ Kou yo tandé parol bouch ou, o Étènèl!
Tout roua la tè yo va ba ou louanj;
${ }^{5}$ Yo va proklamé louanj rout Létènèl yo,
Ka la gloua Létènèl gran.
${ }^{6}$ Létènèl anlè byin ro: li ouè sa yo ki inb,
É li rékonnèt ògéyé yo dé louin.
${ }^{7}$ Lè-m maché nan mitan la détrès, ou ban-m la vi,
Ou étann min ou sou kòlè lénmi-m yo,
Émin douat ou sové-m.
8 Létènèl va aji an-favè mouin.
Étènèl, bonté ou duré pou toujou,
Pi-nga abandonnin travay min ou!

Bon-Dieu tou-patou é li konnin tout bagay

## 139 Pou konduktè chan yo. Sòm David.

Étènèl, ou sondé-m é ou konnin-m,
${ }^{2} \mathrm{Ou}$ konnin lè-m chita é lè-m lévé,
Dé louin ou pinnétré nan pansé-m;
${ }^{3} \mathrm{Ou}$ konnin lè m-ap maché é lè-m kouché,
E ou konnin tout ti virétounin mouin yo a fon.
${ }^{4} \mathrm{Ka}$ parol la pa ko minm sou lang mouin,
O Étènèl! ké ou déja
konnin-l san manké gnou ti mo.
${ }^{5} \mathrm{Ou}$ antouré-m dévan kòm dèyè,
É ou mété min ou sou mouin.
${ }^{6}$ Gnou sians mèvéyéz kon sa plus pasé kapasité-m,
Li dépasé-m tèlman kém-pa kab mété min-m sou li.
${ }^{7}$ Koté pou-m alé pou-m sa louin léspri ou,
É koté pou-m kouri alé pou-m sa louin fas ou?
${ }^{8}$ Si mouin monté nan sièl la, ou la;
Si m-kouché nan plas koté mò yo fè démè yo, m-banké avè ou.
${ }^{9}$ Si m-pran zèl avan-jou a,
É ké m-al abité nan dènié bout la mè,
${ }^{10}$ La tou min ou va kondui-m,
E min douat ou va pon-gnin-m.
${ }^{11} \mathrm{Si}$ mouin di: O mouins ténèb yo va kouvri-m,
La nuit tounin lumiè tout-otou-m;
12 Minm ténè̉b yo pa fè-noua pou ou,
La nuit briyé tankou la jounin,
E ténèb yo tankou lumiè.
${ }^{13}$ Ka sé ou-minm ki té fòmé rin mouin yo,
Sé ou-minm ki té trésé-m nan vant manman-m.
${ }^{14}$ Mouin ba ou louanj dèské mouin sé gnou kréyatu ki si mèvéyéz.
Travay ou yo mérité pou moun kontanplé yo,
É nanm mouin rékonnèt sa byin.

Kò mouin pat kaché dévan ou,
Lè-m té fèt nan gnou lié sékrè,
É lè yo t-ap trésé-m nan profondè la tè!
${ }^{16}$ Lè-m té sèlman gnou ti pakèt san fòm, jé ou té ouè-m,
E tout jou ki té pou mouin yo
Té inskri sou liv ou,
Avan minm gnou sel té ann-égzistans.
${ }^{17}$ O Bon-Dieu, pou mouinminm, pansé ou yo sanblé ké pésonn pa kab pinnétré yo!
A la anpil yo anpil!
${ }^{18} \mathrm{Si}$ mouin konté yo, yo pi plus pasé grinn sab.
Mouin révéyé, é-m avèk ou toujou.

O Bon-Dieu, tué méchan an non!
Mésié san, alé louin-m!
${ }^{20}$ Yo nonmin non ou nan tout krim yo,
Lénmi ou yo pran non ou pou yo kab fè manti!
${ }^{21}$ Étè̀nèl, kouman ou ta vlé ouè pou-m pa rai sa yo ki rai ou,
É pou-m pa dégouté sa yo ki lévé kont ou?
${ }^{22}$ Mouin rai yo avèk gnou hèn san manké,
Pou mouin, sé lénmi yo yé.
${ }^{23}$ Sondé-m o Bon-Dieu, é konnin kè mouin!
Prouvé-m, é konnin pansé-m yo!
Gadé ouè si-m sou gnou mové chémin,
E kondui-m sou chémin létènité $a$ !

Gnou la priè pou protéksion kont mésié diolan yo
140 Pou konduktè chan yo. Sòm David.
${ }^{2}$ Étènèl, délivré-m anba mésié méchan yo!
Prézèvé-m kont mésié violan yo,
${ }^{3}$ Ki kalkulé sou mové plan nan kè yo,
É ki toujou prèt pou fè la gè!
${ }^{4}$ Yo filé lang yo tankou lang gnou sèpan,
Anba po-bouch yo yo gin pouazon sèpan. - Pòz.
${ }^{5}$ Étènèl, ban-m gnou garanti pou-m pa tonbé anba min méchan an!
Prézèvé-m kont mésié violan yo,
K-ap égzaminé ki jan pou yo fé-m tonbé!
${ }^{6}$ Kèk ògéyé tann pièj avèk sinn pou mouin,
Yo tann karabann tout lon chémin an,
Yo mét anbuskad pou mouin. - Pòz.
${ }^{7}$ Mouin di Létènèl: Ou sé Bon-Dieu-m!
Étènèl, ouvè zòrèy ou pou tandé suplikasion-m yo!
${ }^{8}$ Étènèl, Ségnè, fòs salu mouin!
Nan jou konba a ou kouvri tèt mouin.
${ }^{9}$ Étènèl, pi-nga akonpli dézi méchan yo,
Pa kité projé li yo réusi, pou-l pa glorifié tèt li! - Pòz.
${ }^{10}$ Sé pou inikité ki soti nan po-bouch yo
Tonbé sou tèt sa yo ki anvironnin-m!
${ }^{11}$ Sé pou yo lagé chabon dufé rouj sou yo!
Sé pou yo kilbité yo nan du-fé a,
Nan trou moun pa kab mézuré, koté yo p-ap lévé ankò!
${ }^{12}$ Nonm nan ki gin gnou lang ki bay manti pa gin doua vi-n fèm sou la tè;
É malè ap trinnin nonm violan an alé nan ri-n li.
${ }^{13}$ Mouin konnin ké Létènèl pran défans mizérab la,
É ké li fè pòv ki sou dènié kad yo justis.
${ }^{14}$ Oui, jus yo va proklamé louanj non ou,
Mésié yo k-ap viv nan la douati va abité dévan fas ou.
Gnou la priè pou prézèvasion
kont lé mal
141 Sòm David.
Étènèl, mouin invoké ou: présé vi-n koté-m non!
Ouvè zòrèy ou pou tandé-m non, lè-m invoké ou!
${ }^{2}$ Sé pou la priè-m tankou lansan dévan fas ou,
É lè-m lévé min mouin sé pou yo tankou ofrann lé soua a!
${ }^{3}$ Étènèl, mété gnou gad sou bouch mouin,
Véyé pa-pòt po-bouch mouin!
${ }^{4} \mathbf{P a}$ trinnin kè-m alé nan mové bagay,
Nan zak koupab avèk mésié yo $k$-ap fè lé mal,

É sé pa pou-m patisipé du-tou nan féstin yo!
${ }^{5}$ Si jus la frapé-m, sé gnou favè;
Si-l chatié-m, sé luil sou tèt mouin:
Tèt mouin p-ap viré a-koté; Min ankò, m-a lévé la priè-m kont méchansté yo.
${ }^{6}$ Sé pou yo kilbité juj pa yo tout-o-lon roché yo,
Alò yo va kouté paròl mouin, paské yo agréab.
${ }^{7}$ Kon diré lè yo rabouré la tè é ké yo fann li,
Sé konsa zo nou yo fi-n tonbé an-débanday a-lantré plas koté mò yo fè démè yo.
${ }^{8}$ Sé bò koté ou, Ségnè ! mouin viré jé-m,
Sé anba kòt ou mouin chaché gnou réfuj:
Pa abandonnin nanm mouin!
${ }^{9}$ Ban-m gnou garanti kont pièj ké yo tann pou mouin an,
É kont anbuskad mésié yo k-ap fè lé mal.
${ }^{10}$ Sé pou méchan yo pran nan pròp sinn yo,
E an-minm tan sé pou-m chapé.
Gnou la priè pou èd nan la détrès
112 Kantik David. Lè li té nan gro trou ròch la. Sé gnou la priè.
${ }^{2}$ Avèk voua-m mouin krié nan pié Létènèl,
Avèk voua-m mouin fè Létènèl démann mouin avèk gro kout-tanpri.
${ }^{3}$ Mouin blayi plint mouin dévan li,
Mouin rakonté détrès mouin ba li.
${ }^{4}$ Lè léspri-m fi-n bésé anndan-m,
Ou-minm, ou konnin chémin mouin.
Souroutkotém-ap machéa, Yo tann gnou pièj pou mouin.
${ }^{5}$ Voyé jé ou a-douat, é gadé!
Pésonn pa rékonnèt mouin, Mouin pèdu tout réfuj,
Pésonn pa pran ka nanm mouin.
${ }^{6}$ Étènèl! sé nan pié ou mouin krié,
Mouin di: Ou sé réfuj mouin,
Ou sé pòsion pa-m sou la tè vivan yo.
${ }^{7}$ Présé tandé kri mouin yo! Paské mouin maléré nèt.
Délivré-m anba sa yo k-ap pousuiv mouin!
Paské yo pi fò pasé-m.
${ }^{8}$ Ralé nanm mouin soti nan prizon li a,
Pou-mkab proklamélouanj non ou!
Jus yo va vi-n antouré-m, Lè ou va fè-m du byin.
Gnou la pric̀ pou Létènèl délioré é pou-l kondui
143 Sòm David.
Etènèl, kouté la priè-m, ouvè zòrèy ou pou tandé suplikasion-m yo!
Nan fidélité ou, nan justis ou, réponnla priè-m non!
${ }^{2} \mathbf{P a}$ antré an-jujman avèk sèvitè ou!
Ka okinn vivan pa jus dévan ou.
${ }^{3}$ Lénmi a dèyè nanm mouin konsa,
Li foulé la vi-m a-tè;
Li fè-m rété nan ténèb,
Tankou sa yo ki mouri dépi lontan.
${ }^{4}$ Léspri-m fi-n bésé ann-dan-m,
Kè mouin fi-n troublé nan mitan kò-m.
${ }^{5}$ Mouin sonjé jou nan tan lontan yo,
Mouin égzaminé sou tout travay ou yo,
Mouin pansé tan sou travay min ou yo.
${ }^{6}$ Mouin lonjé min-m bò koté ou;
Nanm mouin anvi ou konsa, sé kou tandé gnou tè sèk ki vlé la pli. - Pòz.
${ }^{7}$ O Étènèl, présé réponn la priè-m non!
Léspri-m ap konsonmin.
Pa kaché fas ou pou mouin!
Pou-m pa sanblé avèk sa yo k-ap désann nan tonm.
${ }^{8}$ Dépi gran matin fè-m tandé bonté ou!
Paské mouin konfié nan ou.
Fè-m konnin ki chémin pou-m pran!
Paské mouin lévé nanm mouin ba ou.
${ }^{9}$ Délivré-m anbalénmi-m yo, o Étènèl!
Sé bò koté ou mouin chaché gnou réfuj.
${ }^{10}$ Anségné-m pou-m fè volonté ou!
Ka ou sé Bon-Dieu mouin.
Sé pou bon léspri ou la kondui-m nan rout ki douat la!
${ }^{11}$ Pou-tèt non ou, Étènèl, ban-m la vi non!

Nan justis ou, ouété nanm mouin nan détrès non!
${ }^{12}$ Nan bonté ou fini avèk lénmi-m yo,
É fè tou sa yo k-ap pézé nanm mouin péri!
Paské sé sèvitè ou mouin yé.
Gnou la priè pou sékou aò̀k byinnèz 144 Sòm David.

Béni Létènèl, roché mouin,
Li-minm ki égzèsé min mouin pou-m kab antré an-konba,
É douèt mouin yo pou-m kab fè batay!
${ }^{2} \mathrm{Li}$ sé byinfétè-m é fò mouin, Gro fò mouin é libératè-m,
Bouklié-m, sila a ki réfuj mouin,
Ki fè pèp mouin an soumèt anba-m!
${ }^{3}$ Étènèl, ki sa lòm yé, pou ou fè ka li?
É pitit lom nan pou ou pran souin li?
${ }^{4}$ Lòm sanblé gnou souf,
Jou li yo tankou lonbraj la ki pasé alé.
${ }^{5}$ Étènèl, bésé sièl ou yo, é désann non!
Touché mòn yo é ké yo pran fè la-fumin.
${ }^{6}$ Fè kout-zèklè briyé, é fè lénmi-m yo pati a-douat a-gòch!
Tiré flèch ou yo é fè yo pran kouri an-débanday!
${ }^{7}$ Étan ou anlè a, lonjé min ou;
Délivré-m é sové-m anba gro dlo yo,
Anba min pitit étranjé a,
${ }^{8} \mathrm{~K}$-ap plédé répété fo-paròl avèk bouch li,

É ki anplouayé min douat li pou-l tronpé moun.
${ }^{9} \mathrm{O}$ Bon-Dieu! m-a chanté gnou kantik nouvo pou Ou,
M-a proklamé louanj ou avèk gita a-di-kòd la.
${ }^{10} \mathrm{Ou}-\mathrm{minm} \mathrm{ki}$ fè roua yo jouinn la délivrans,
Ki té sové David, sèvitè ou, anba kouli-n ansasin an,
${ }^{11}$ Délivré-m é sové-m anba min pitit étranjé a,
K-ap plédé répété fo-parol avèk bouch li,
É ki anplouayé $\min$ douat li pou-l tronpé moun . . .
${ }^{12}$ Pitit gason nou yo tankou plant
K-ap grandi nan jèn-aj yo;
Pitit fi nou yo tankou pilié dékoré,
Ki sèvi kòm ònéman nan palè yo.
${ }^{13}$ Grénié nou yo plin,
Y-ap débòdé avèk tout klas provizion;
Troupo nou yo ap ogmanté pa milié, pa di-milié,
Nan kanpagn nou yo;
${ }^{14}$ Gazèl-bèf nou yo an fòm;
Pa gin okinn dézas, nou pa nan kaptivité,
Pa gin okinn rèl nan la ru nou yo!
${ }^{15}$ Byinn-éré pèp la ki gin zafè-l maché konsa!
Byinn-éré pèp la ki gin Létènèl pou Bon-Dieu li!

## Louanj pou-tet bonté avèk puisans Létenèl

145 Louanj. Sé David ki

O Bon-Dieu mouin é roua mouin,
M-a ba ou louanj a gran bouch!
É m-a béni non ou pou toujou é pou tout tan.
${ }^{2}$ Chak jou m-a béni ou;
M-a bay non ou louanj pou toujou é pou tout tan.
${ }^{3}$ Létènèl gran é li mérité pou yo ba li louanj,
É pésonn pa kab sondé grandè li.
${ }^{4}$ Gnou jénérasion va rakonté la gloua travay ou yo bay lòt jénérasion an,
É yo va publié gran zafè ou té fè yo.
${ }^{5} \mathrm{M}$-a palé a-léga gran ékla é la gloua grandè ou,
E mèvèy ou yo va sou bouch mouin.
${ }^{6}$ Moun va palé a-léga ki jan ou pa nan jouèt nan puisans ou,
E m-a rakonté grandè ou.
${ }^{7}$ Yo va proklamé tou sa yo va sonjé a-léga gran bonté ou,
É yo va publié justis ou.
${ }^{8}$ Létènèl gin kè-touché é li plin konpasion,
Li pa an-kòlè fasil é li plin bonté.
${ }^{9}$ Létènèl bon anvè tout,
E konpasion li étann sou tou sa li fè.
${ }^{10}$ Étènèl, tout travay ou yo va ba ou louanj!
E fidèl ou yo va béni ou.
${ }^{11}$ Yo va palé sou la gloua règn ou,
E yo va proklamé puisans ou,
${ }^{12}$ Pou yo kab fè mésiéz-
é-dam yo konnin puisans ou
É gran ékla avèk la gloua règn ou.
${ }^{13}$ Règn ou sé gnou règn ki kouvri tout sièk yo,
É gouvènman ou la dépi tout tan.
${ }^{14}$ Létènèl soutni tou sa yo ki tonbé,
É li rédrésé tou sa yo ki koubé.
${ }^{15}$ Tout jé viré sou ou, y-ap éspéré sou ou,
E ou ba yo manjé a-lè kil-fo.
${ }^{16} \mathrm{Ou}$ louvri min ou,
E ou satisfè vant tou sa yo ki gin la vi.
${ }^{17}$ Létènèl jus nan tou sa li fè,
E li montré kè-touché nan tout travay li yo.
${ }^{18}$ Létènèl pré tou sa yo ki invoké li,
Oui, li pré tou sa yo ki invoké li tout bon;
${ }^{19} \mathrm{Li}$ akonpli dézi sa yo ki krinn li,
Li tandé rèl yo é li sové yo.
${ }^{20}$ Létènèl prézèvé tou sa yo ki rinmin li,
Min li va détrui tout méchan yo.
${ }^{21}$ Bouch mouin va publié louanj Létènèl,
E sé pou tout chè béni sin non li,
Pou toujou é pou tout tan!
Louanj pou-tet bon travay Létenèl yo
146 Bay Létènèl louanj!
Nanm mouin, bay Létènèl louanj!
${ }^{2}$ M-a bay Létènèl louanj tout tan m-ap viv,
M-a proklamé louanj li tout tan souf mouin pa ko koupé.
${ }^{3}$ Pi-nga mété konfians ou nan gran nèg,
Ni nan pitit lèz-òm ki pa kapab sové pésonn.
${ }^{4}$ Souf yo koupé, yo rantré nan tè,
E minm jou a tout plan yo fini.
${ }^{5}$ Moun ki gin Bon-Dieu Jakòb la kòm sékou,
É ki mét éspoua li nan Létènèl, Bon-Dieu li, sé gnou moun béni!
${ }^{6}$ Sé li ki té fè sièl yo avèk tè a ,
La mè é tou sa ki ladan-l; Li rété fidèl pou tout tan.
${ }^{7} \mathrm{Li}$ pran défans sa yo ké lòt moun ap pézé;
Li bay sa k-ap mouri grangou yo manjé;
Létènèl délivré sa yo ki prizonnié;
${ }^{8}$ Létènèl ouvè jé sa yo ki avèg;
Létènèl rédrésé sa yo ki koubé;
Létènèl rinmin sa yo ki jus.
${ }^{9}$ Létènèl protéjé sa yo ki étranjé,
Li pran souin sa a ki òflin é sa a ki vèv,
Min li fè rout méchan yo péri.
${ }^{10}$ Létènèl régné pou tout tan;
O Sion, Bon-Dieu ou viv san rété!

Bay Létènèl louanj!

Louanj pou-tel favè Létenèl fe Jéruzalèm
147
Bay Létènèl louanj!
Paské sé bon pou proklamé louanj Bon-Dieu nou, Paské sé gnou bagay ki bèl é ki dé-byin pou ba li louanj.
${ }^{2}$ Létènèl bati Jéruzalèm ankò,
Li rasanblé moun Izraèl yo ki té ann-égzil;
${ }^{3} \mathrm{Li}$ géri sa yo ki gin kè brizé, É li pansé blési yo.
${ }^{4}$ Li konté kantité zétoual yo,
Li bay yo tout non yo.
${ }^{5}$ Ségnè nou gran é li gin gran puisans,
Intélijans li pa gin limit.
${ }^{6}$ Létènèl soutni maléré yo,
Li bésé méchan yo jouk a-tè.
${ }^{7}$ Chanté avèk aksion-dé-gras bay Létènèl,
Proklamé louanj Bon-Dieu nou avèk hap!
${ }^{8} \mathrm{Li}$ kouvri sièl yo avèk nuay, Li préparé la pli pou la tè;
Li fè zèb pousé sou mòn yo.
${ }^{9} \mathrm{Li}$ bay bèt doméstik yo manjé,
E li nouri ti karanklou yo lè yo krié.
${ }^{10}$ Sé pa fòs choual la ki fè li plézi,
E sé pa janm lèz-òm ki fè li kontan;
${ }^{11}$ Létènèl rinmin sa yo ki krinn li,
Sa yo ki mét éspoua yo nan bonté li.

12 Jéruzalèm, proklamé louanj Létẹ̀nèl!
Sion, bay Bon-Dieu ou louanj!
${ }^{3}$ Paské li fè pòt ou yo vi-n pi solid,
Li béni pitit ou yo ki pami ou.
${ }^{14} \mathrm{Li}$ fè péi ou nan la pè,
Li plin vant ou avèk pi bon klas fari-n ki gingnin.
${ }^{15} \mathrm{Li}$ voyé lòd li sou la tè,
Paròl li kouri avèk vitès.
${ }^{16}$ Li fè la nèj tonbé kòm linn, Li répann glas la ki taché sou pié boua yo, kòm sann.
${ }^{17} \mathrm{Li}$ voyé gro bout glas a-tè; Ki lès ki kapab kanpé dévan frédi li?
${ }^{s}$ Kou-l pasé lòd li, yo tout fonn;
Li voyé van li é dlo yo pran koulé.
${ }^{9} \mathrm{Li}$ té bay Jakòb révélasion paròl li,
É li té éspliké loua avèk kòmandman li yo bay Izraèl.
${ }^{0}$ Li pa aji konsa avèk okinn lòt nasion,
Yo pa konnin kòmandman li yo.

Bay Létènèl louanj!
inou égzotasion pou tout la kréasion bay Létènèl louanj
148
Bay Létènèl louanj!
Bay Létènèl louanj dépi jouk anlè nan sièl la!
Ba li louanj nan plas ki ro anpil yo!
${ }^{2}$ Ou-minm, tout zanj yo, ba li louanj!
Ou-minm, tout lamé li yo, ba li louanj!
Solèy é la lun, ba li louanj!
Ou-minm, tout zétoual gran ékla yo, ba li louanj!
${ }^{4}$ Sièl yo ki pi ro pasé sièl yo, ba li louanj,
E ou-minm tou, dlo yo ki anro sièl yo!
${ }^{5}$ Sé pou yo bay non Létènèl louanj!
Paské li té bay lòd, é yo té kréyé.
${ }^{6} \mathrm{Li}$ té fè yo fèm pou toujou é pou tout tan;
Li té bay kèk loua, é li p-ap violé yo.
${ }^{7}$ Bay Létènèl louanj anba nan fon la tè,
Ou-minm gro bèt la mè é ou-minm tou, tout trou moun pa kab mézuré yo,
${ }^{8}$ Du-fé é la grèl, la nèj é bouya,
Siklòn, ki égzékuté lòd li yo,
${ }^{9}$ Gro mòn yo é tout ti dodann yo,
Pié-boua frui yo é tout piésèd yo,
${ }^{10}$ Zannimo é tout bèt doméstik yo,
Bèt ki trinnin sou vant yo é zouazo a-zèl,
${ }^{11}$ Roua la tè yo é tout pèp yo,
Prins yo é tout juj la tè yo,
12 Jinn-jan é madmouazèl yo,
Vié-tonton é ti moun yo!
${ }^{13}$ Sé pou yo bay non Létènèl louanj!
Paské sé non li sèl ki gin valè;
Grandè lí dépasé tè a é sièl yo.
${ }^{14} \mathrm{Li}$ té fè fòs pèp li vi-n pi fó ankò:
Sa sé gnou kòz louanj pou tout fidèl li yo,
Pou ti moun Izraèl yo, pèp la ki tou pré li.
Bay Létenè̀l louanj!

Gnou égzotasion pou Izraèl bay Létenèl louanj

## 149 Bay Létènèl louanj!

Chanté gnou kantik nouvo pou Létènèl!
Chanté louanj li yo nan réunion fidèl yo!
${ }^{2}$ Sé pou Izraèl réjoui nan sila a ki té kréyé li!
Sé pou pitit Sion yo fè kè yo kontan a-koz roua yo!
${ }^{3}$ Sé pou yo bay non li louanj avèk dans,
Sé pou yo proklamé louanj li avèk ti tanbou é avèk hap!
${ }^{4}$ Paské Létènèl pran plézi nan pèp li,
Li fè maléré yo vi-n bèl lè-l ba yo salu a.
${ }^{5}$ Sé pou fidèl yo ranpòté la viktoua nan la gloua,
Sé pou yo pousé gro kout ékla la joua minm nan kabann yo!
${ }^{6}$ Sé pou louanj Bon-Dieu sou bouch yo,
E kouli-n a dé-lanm nan nan min yo,
${ }^{7}$ Pou yo kab aji an vanjans sou nasion yo,
E pou yo chatié pèp yo,
${ }^{8}$ Pou yo kapab anchinnin roua yo
E pou yo mété gran nèg yo anba minòt,
${ }^{9}$ Pou yo kapab akonpli kont sila yo jujman an ki ékri a!
Sé gnou la gloua pou tout fidèl li yo.

Bay Létènèl louanj!

Gnou proklamasion pou moun bay Létènèl louanj avèk instruman muzik
$150 \begin{aligned} & \text { Bay Bon-Dieu } \\ & \text { louanj! }\end{aligned}$
Bay Bon-Dieu louanj nan lié sin li a!
Ba li louanj nan gran étandi an-ro tèt nou an, ki prézanté puisans li a-klè!
${ }^{2} \mathrm{Ba}$ li louanj pou-tèt gran mèvèy li yo!
Ba li louanj pou-tèt kapasité grandè li!
${ }^{3}$ Ba li louanj ak kouttronpèt!
Ba li louanj ak gita épi hap!
${ }^{4}$ Ba li louanj avèk ti tanbou épi dans!
Ba li louanj avèk muzik a-kòd épi fif!
${ }^{5}$ Ba li louanj ak sinbal $k$ gin bèl son!
Ba li louanj ak sinbal ki fé gro éko!


Sinbal
${ }^{6}$ Sé pou tou sa ki réspir bay Létènèl louanj!

Bay Létènèl louanj.


[^0]:    a 18:24 Gnou talan gin valè a-pé-pré sin mil goud.

[^1]:    a 24:27 Sa vlé di solèy lévan ou koté solèy la lévé.
    b 24:27 Sa vlé di solèy kouchan ou kotê solèy la kouché.

[^2]:    a 1:5 Sakrifikate: Nan tan lontan, pami Juif yo sé té moun ki té anchajé, éspésialman pou ofri sakrifis pou pèp la.
    ${ }^{\text {b }}$ 1:17 Éli: Sé té gnou profèt nan tan lontan nan péi Izraèl la.

[^3]:    d 1:49 Tou-Puisan: Sé gnou tit pou Bon-Dieu, ki vlé di Bon-Dieu kapab fè tout bagay.
    e 1:67 Profèt: Sé gnoun k-ap profétizé ou palé pou révélé bay lè zòm volonté ak instruksion Bon-Dieu. Souvan profèt la di dé bagay ki pa ko rivé, $\min$ ki gin pou fèt.

[^4]:    ${ }^{f}$ 1:80 Dézè: Savann dézolé, san zè̀ ni dlo.
    a.2:2 Résansmant Yo rélé résansman lè léta fè konté konbiin moun ki gin nan tout gnou péi, gnou vil ou gnou bouk.

[^5]:    c 2:37 Fèjinn: Sé rété san manjé pou gnou sètèn rézon. Pafoua sé a-kòz rêlijion gnou moun li fè jinn.
    a 3:3 Joudin: Gnou riviè nan la Palésti-n, péi Jézu a. Sé riviè kị pi long nan péi a, é sé li ki té gin plus inpòtans.

[^6]:    ${ }^{\text {b }}$ 3:8 Abraam: Sé té gnoui nonm fidèl a Dieu, é ki té gin la foua:
    c 3:12 Publikin: Anplouayé ki té touchế lajan taks nan min Jọuif yo, pou Romin yo ki té pran péi a.
    d 3:17 Blé: Sé grinn yo anplouayé pou fê fari-n frans la.

[^7]:    a 4:15 Sinagog: Sé non yo bay légliz pa Jouif yo.

[^8]:    ${ }^{c}$ 5:21 Skrib: Gnou éspès Juif savan ki t-ap étudié la paròl dé Dieu. ${ }^{d}$ 5:24 Fis dé lòm: Sé gnou non Jézu té sêvi souvan pou-1 nonmin tèt li.
    e 5:37 Out: Po kabrit ou biin mouton yo préparé é yo koud pou mété dlo ou biin du-vin.

[^9]:    ${ }^{a}$ 6:3 David: Sé té roua ki té pi famé nan péi Izraèl. Sé té gnou gran solda, é li té rinmin Bon-Dieu anpil.
    ${ }^{b}$ 6:4 Pin propozision: Pin yo té mété sou gnou tab ann-ò nan tabènak la, é apré nan $\operatorname{tanp}$ Bon-Dieu a.

[^10]:    a 7 :2 Santénié: Ofisié ki té kòmandé san (100) solda Romin.

[^11]:    c 9:30 Moiz: Sé li ki té kondui pèp Izraèl la sòti ann Éjip minnin jouk dévan péi Bon-Dieu té promèt yo a: La Palésti-n. Sé li ki té résévoua la loua Bon-Dieu pou bay pèp la.

[^12]:    ${ }^{\text {d }}$ 9:52 Samaritin: Yo té rété nan gnou péi kolé ak péi Juif yo; min gnoun pat zanmi lòt, paské Juif yo té méprizé yo.
    ${ }^{\text {e }} 9$ 9:58 Réna: Gnou bèt sovaj ruzé, ki sanblé chin.
    f 9:62 Charu: Zouti pou travay la tè. Lè gnou charu pasé nan tè li viré tè a lanvè landouat.

[^13]:    c 10:32 Léoit: Sé té désandan ras Lévi, pitit Jakôb. Sé gnou fanmi Bon-Dieu té mété a pa dépi lontan pou sèvis li.
    ${ }^{\text {a }}$ 10:35 Dénié: Gnou piès lajan ki té vo a pé pré gnou goud.

[^14]:    ${ }^{a}$ 11:2 Sanklifié: Sa vlé di gnou bagay nou kinbé sin pou Bon-Dieu, san okin salté.

[^15]:    b 11:29 Jonás: Sé gnou profèt Juif Bon-Dieu té voyé préché la vil Niniv.

[^16]:    c 11:51 Abel: Gnoun nan dé prémié pitit Adan ak Èv té fè yo. Lòt la té rélé Kain. Kain té tué Abèl.
    a 11:51 Zakari: Sé pa papa Jan-Batis, min sé té gnou lòt profèt dépi avan nan péi Izraèl.

[^17]:    ${ }^{a}$ 15:8 Drak: Gnou piès monnin ann ajan.

[^18]:    ${ }^{\text {b }}$ 15:16 Karouj: Po gous gnou pié boua ki té pousé nan péi Juif yo.

[^19]:    a 16:13 Mamon: Mo sa a vlế di: richès, lajan. Isi a lé Ségnè konsidéré lajan tankou gnou dieu lèz òm ap sèvi.
    ${ }^{b}$ 16:16 La loua: Volonté Bon-Dieu ki té ékri pou pèp Izraèl la. Sink prémié liv la Bib yo rélé Liv la loua.

[^20]:    c 16:19 Poup: Gnou variété toual soua rouj. Moun ki té kapab mété sa sé té moun rich.
    ${ }^{\boldsymbol{a}}$ 16:19 Lin fin: Gnou toual finès ki tê kouté chè.

[^21]:    a 19:13 Mi-n: Gnou piès lajan valè a pé pré san goud.

[^22]:    a 20:27 Saduséin: Sé té gnou group chèf rélijié pami Juif yo. Yo té kouè nan Bon-Dieu, min yo pat kouè gin gnou rézuréksion.

[^23]:    a 22:17 Koup: Sé gnou bòl pou bouè dlo ou biin du-vin.

[^24]:    ${ }^{\text {b }}$ 22:66 Sannédrin: Gnou éspès gran tribunal gran inpòtans nan la Judé.

[^25]:    a 23:44 Sizièm è: Midi. Juif yo té gin jan pa yo pou konté lè.
    b 23:44 Névièm è: Touaz è apré midi.

[^26]:    a 24:1 Prémié jou la séminn: Dimanch.
    ${ }^{\text {b }}$ 24:13 Souasant stad: Distans a pé pré onz kilomèt, sa gnou nonm kapab fè an machan pandan déz è-d-tan kon sa.

[^27]:    c 1:28 Joudin: Gnou la riviè nan Palésti-n, péyi Jézu a. Sé té riviè pi long nan péyi a, é sé li ki gin plus inpotans.

[^28]:    ${ }^{d}$ 1:51 Fis dé Lòm: Sé gnou non Jézu té sèvi souvan pou nonmin tèt li. a 2:6 Purifié: Sa vlé di pou yo akonpli gnou sérémoni ké rélijion pa yo oblijé yo fè pou yo kapab pròp ou an règ avèk Bon-Dieu.

[^29]:    a 5:9 Saba: Sé gnou jou répo Jouif yo. Jou sa a, pèsonn pa-t gin doua fè angnin kòm travay.

[^30]:    a 8:41 Fònikasion: Vlé di péché la chè.

[^31]:    a 10:12 Liv la di lou a, gnou mové bèt.
    ${ }^{\text {b }}$ 10:36 Sanklifíá: Sa vlé di fè sin.

[^32]:    a 12:15 Sion: Sa sé gnou lòt non pou la vil Jêruzalèm.

[^33]:    o 19:39 Mir: Gnou pafir ki té kouté chè anpil.

[^34]:    a 2:10 Prozélit: Sa vlé di étranjé ki té adopté relijion avèk koutum Jouif yo.

[^35]:    a 4:15 Sannédrin: Gnou tribunal gran inpòtans nan la Judé.

[^36]:    ${ }^{a}$ 17:19 Aréopaj: Gnou gran tribunal ki té sou gnou mòn yo té konsakré pou dieu Mas.

[^37]:    a 19:24 Dia-n: Gnou dieu-fanm yo té adoré nan la vil Efèz.

[^38]:    Rékonmandasion, salutasion ak souè

    16Mouin rékonmandé nou Fébé, sè nou, ki diakonès nan légliz Sinkré, ${ }^{2}$ pou nou kapab résévoua li

[^39]:    a 4:8 Nou kapab di tou: Mété lidé nou sou bagay sa yo.

[^40]:    a 10:6 Olokòs: Sa vlé di sakrifis kị brulé nèt.

[^41]:    a 1:8 Alfa, oméga: sé prémié ak dènié lèt nan alfabè grèk.
    b 1:9 Palmòs sé gnou ti zilé nan la mè Éjé.

[^42]:    a 2:6 Zèo Nikolail yo: gadé vèsé 14, 15.
    ${ }^{\text {b }}$ 2:8 Smirn: sé té gnou vil ki té nan fon gnou koté la mè antré nan tè yo, nan diréksion nò, lè ou kité Éfèz.

[^43]:    a 6:6 Gnou mézu, sé a-pé-prè gnou lit.

[^44]:    a 7:12 Amèn sé gnou mo afimasion é konsantman é li vlé di: Ké sa

[^45]:    ${ }^{\text {b }}$ 9:11 Abadon sé gnou mo ki vlé di: déstruksion. c 9:11 Apolion sé gnou mo ki vlé di: déstrukite.

[^46]:    a 10:6 Tan, sa vlé di réta pou bagay Bon-Dieu désidé yo akonpli.
    a $11: 2$ Vil sint la vlé di: Jéruzalèm.

[^47]:    ${ }^{\text {b }}$ 11:8 Sodòm ak Léjip, sé Jéruzalèm.

[^48]:    a 14:20 Mil-si-san stad fè a-pé-prè toua-san kilomèt.

[^49]:    ${ }^{a}$ 21:16 A-pé-prè dé mil kilomèt.
    ${ }^{b} 21: 17$ A-pé-prè souasann-dis mèt.

[^50]:    c 18:34 Sèf: Sé gnou bèt sovaj a-kat-pié, ki pa manké konn kouri.

[^51]:    a 104:17 Sipré: Sé gnou pié boua nan minm fami ak prich-pin. Nan kèk péi yo konn planté-1 pou maké fòs minm jan nou fè ak medisyin. ${ }^{\text {b }}$ 104:18 Daman: Gnou klas ti bèt nan minm fami ak rat, min in-pé pi gro. Yo maché an-bann.

[^52]:    c 104:26 Léviatan: Gnou gro bèt la mè, pétèt gnou gro kaiman.

